





M

14-12-A. 11.





L. ANNÆI
SENECÆ
PHILOSOPHI

Opera tribus Tomis distincta.

TOMVS I.


Continens Opuscula Moralia.


Cum Indicibus, & Argumentis.

VENETIIS, MDCXXXIII

Apud Franciscum Baba.

Cum Priuilegio.





V I T A L. ANNÆI SENECAE.



NATIVUS est Corduba (ea vetus flo-
rensq; in Hispania Batica colonia
est) e gente Annæa, cui ominis cau-
sa ab annis videtur nomen factum,
responderq; cognomen Seneca, item
ominis boni. Est enim a Senex Se-
necis. Patrem habuit Marcom Annæum Senecam,
quem Declamatoris nomine a filio fore distinguunt.
Matrem Eluiam, item Hispanam, aut Hispanien-
sem, magni animi atque ingenij feminam. Pater
Augusti temporibus Romam migravit. cum coni-
ge & liberis, cumq; ipso hoc Seneca nostro adhuc te-
nello. Ibi in optimis artibus optimum ingenium a-
dolevit. Eloquentiam a patre, ut videtur, didicit.
Ipse verò non contentus domestica hac facultate,
Philosophia simul apimum adiecit, & insignes ac
serios eius aui Philosophos assiduus audiuit; nomina-
tim Attalum Stoicum, Sorionem eiusdem sectæ,
itemq; Papyrium Fabianum. Sed & Demetrium
Cynicum admiratus est & coluit. A Philosophis ad
Rempublicam tractandam accessit, ac quaesturam
primò gessit, praturam statim ab exilio, Agrippina
faciente: nam sub Claudio, primo imperij eius anno,
cum Iulia Germanici accusata adulterij esset, &
ipsa extorris est acta, & quasi inter adulteros Seneca
in Corsicam relegatus. Consulatu etiam functum
putat Lipsius, sed extra ordinem. At perpetuus ille
eius honos, Principis Doctorem moderatoremq; fuis-

SENECÆ VITA.

Se, optimi sanè quamdiu huius consilijs monitisq; se dedit. Opum & ante aulam largus fuit. Nam pater eas reliquerat. at in aula ipsa ingentes opes acquisiuit, ac panè regias, siue potius venientes ultrò admisit: plerasque enim ex Principis munificentia habuit. Atque hac partim natura, partim melioris ingenij cultura, partim denique fortuna bona fuerunt. Nunc quid de moribus & virtutibus eius dicam, quarum tanta in eo vis apparuit, ut nec magistratus splendor in tumorem dederit, nec aula ad familiare & cognatum pane vitium adulationem flexerit, nec opes ad luxum prouocarint. Quàm nihili & propè contemptim has res haberet, satis ostendit, cum apud Neronem calumniis variè vellicatus, animosa oratione principem accessit, commeatum petens, & opes suas refundens, referente Tacito. In vitæ mira frugalitas. ipse morum vita quod sua censor & exactor rigidissimus. Ob has eminentes virtutes etiam illo auge ingens de eo opinio, & vel imperio desinabatur. Sicut autem puram eius mentem non erexerunt prosperioris fortuna blandimenta, sic nec deiecerunt aduersa terriculamenta. Vixit in exilio annos circiter octo fortiter, imò ut ipse ait, feliciter vixit; optimis studiis meditationibusq; intentus. Mortem quantoperè non extimuerit hinc discere licet. Cum Præfectus Neronis necessitatem ultimam denuntiaret, nulla pauoris signa edidit, nihil triste in verbis eius aut vultu deprehensum. Flentes amicos modò sermone, modò intentior, in modum coercentis, ad firmitudinem reuocauit. Et nouissimo quoque momento suppeditante eloquentia, aduocatis scriptoribus, præclare multa disseruit, quæ in vulgus edita sunt. En dignam Philosopho & quidem Stoico mortem. In ipsis sapientia præceptis vocem simul & spiritum extremum reddidit.

SYLLABVS
LIBRORVM,
ET
ARGVMENTORVM

*Singulis Moralium SENECAE Libris
appositorum.*

DE IRA. LIBER PRIMVS.

Argumentum I. LIPSII.

r



Libri De Ira scripti inter Philosophiæ primos videntur, certè inter eos quos habemus. Susplicamur ex verbis Senecæ, lib. 3. cap. 18: *Modò C. Caesar Sex. Papinium, cui Pater erat Consularis, Belienum Bassum Quaestorem suum, flagellis cecidit. Ait modò: iam nunc recenti facto. Immo ipso Caligula viuo è Cap. sequenti: Quod tantoperè admiraris, isti bellua cottidianum est: ad hoc viuit, ad hoc vigilat, ad hoc lucubrat. Sanè hæc omnia de homine qui est, non qui fuit. Scripsit tunc igitur: sed non edidit (melior illi mens) etsi statim, opinor, ab eius morte.*

Argumentum est, quod Titulus præfert, De Ira noscenda, & deinde fugienda. Primus Liber habet itaque descriptionem eius, & scædum habitum iratorum ac faciem. tum definitiones, tum quæstiones, An in solum hominem cadat & asserit. An secundum Naturam sit? negat, cum Stoicis. An utilis sit, præsertim temperata? Id quoque negat, & contra Peripateticos variè disputat. non acui animum ab ea, aut robur: ne malis quidem irascendum esse, nec in cæde Patris, raptu Matris: tuendum ta-

men, & vindicandum. Denique non magni, sed imbecillis animi hanc notam esse. Libri in partibus pulchri & eminentes sunt, in toto parū distincti, & repetitionibus aut digestionē confusi.

LIBER SECVNDVS.

Argumentum I. L I P S I I.

30

DVas partes habet. prior, *Questiunculas* de Ira, altera, aduersus hanc *Remedia*. Prior *questio*, An Ira à solo impetu sit? negat, & animum iudiciumque mox accedere. Itaque rationem audit, & coerceri potest: non futurum, si ab illo solo, & natura, esset. Discriminat obiter Stoicè Motus, & Affectus. Hęc vsque ad Cap. IV. inclusum. *Questio* deinde altera, An crudelitas & sequitia sit ab Ira? negat, & alium Affectum esse: initium tamen, aut alimentum à crebra Ira sepè habere. Cap. deinde VI. An vir bonus peccatis aut peccantibus irascatur? abruit, & toto affectu isto liberat sapientem vsque ad Cap. XI. Ab eo querit, An utilis sit Ira, quia à Contemptu vindicat, & malos terret? Non admittit, & timeri fateatur: quod non est bonum aut optabile bono. Nam & ferę, & morbi timentur. Hęc ad C. XIII. in eo fatetur, simulari à sapiente Iram posse, non tamen vsurpari. Neque simplicis aut generosi eam animi esse, quia liberę & indomitę gentes habent: imò feroces, & à doctrina, aut ratione inculti. Denique Cap. XVIII. utiliter ad *Remedia* Irę transit. Duo ea porrigit, Ne irascamur: & Ne in ira peccemus. Ne incidamus, Educatio talis, & talis iuuat: deinde pugna contra primas Irę causas, & aduocatione semper ac tempore vti. Tum Suspicionēs pellendę: Luxus vitandus. Tum rebus sine sensu, hominibus exiguo sensu, ijs quę natura, vel bono nostro fiunt, non irasci. Culpas nostras videre & agnoscere æquiores ita alienis
fu

A R G V M E N T O R V M.

futuros . Non temerè credere: & credita, examinare ab animo facientis . Præcipuè Fastus ponendus , & estimatio sui : quæ iracundos & vindices facit . Pati potius aut dissimulare : & à foedo affectu abstinere , cuius deformitas in animo ac vultu expressa . Hæc vtilia : legantur, imbibantur.

LIBER TERTIVS.

Argumentum I. LIPSII.

72

EXsequitur alteram partem Remedij, prior medio libro positam, sed dilatam. Ne in Ira peccemus : id est refrenemus eam & cohibeamus . Id variè fit : sed semper statimque faciendum in Affectu præcipiti & incitato . Quem Aristoteles excusat : sed ipse eum accusat, & foeditatem iterum iræ ostendit . Hæc ad Cap. vsque IV. Tum partitur, tria se dicturus . 1. primum, Quemadmodum non irascamur; deinde, Quemadmodum ab ira liberemur ; Tertio, Quemadmodum alium irascentem sistamus placemusque . Hæc, etsi alibi cum repetitione priorum, tamen pulcherrimè & vtilissimè ad finem libri exsequitur : & aurea siue ætherea habebis monita & dicta.

CONSOLATIO AD HELVIAM. LIB. VNVS.

Argumentum I. LIPSII.

123

SCriptus hic libellus in exilio, quod primo imperij Claudiani anno (Vrbis DCCXCIII.) subiit, faciente impura illa Meisalina . Hæc omnium virorum mulier, adulterium Iuliæ Germanici filiæ obiecit: eique Senecam innexuit . Diximus in eius Vita . Iam ergo in Corsica relegatus, Matrem solatur, & ostendit se casum hunc fortiter ferre, atque ipsam debere . Scripsit non statim initio exilij (quod Præfatio dicit)

cit) sed extremo primo anno, aut initio sequentis: ac scripsit iam in æui, & ingenij vigore ac robore, annos natus paullo plus quadraginta. Itaque scriptum ipsum tale est, animi, & eloquentiæ plenum, numeris & structura compositum, atque etiam ordine præter cetera dispositum. Ausim dicere, palmam inter libellos poscit. Consolationis autem duo capita facit: Neque meo nomine dolere, neque tuo debes. Non meo. Nam nihil mihi mali est, quæ vulgus putat, Loci mutatio, Paupertas, Ignominia, Contemptus, non sunt mala: atque id ordine ostendit, ad Cap. XIV. Non etiam tuo debes. nam duo sunt quæ adfligere te possint: vel, quod præsidium aliquod in me amiseris; vel quod Desiderium mei ferre non possis. Prius in te non cadit quæ ambitiosa, non es, nec gratiam aut potentiam filiorum, umquam ostentasti. Non debet item alterum: quia supra sexum tuum fortis semper fuisti. Multa mala tolerasti, hoc etiam fer. Confer te ad Sapientiæ studia, quæ iuuabunt: verte ad fratres meos, & ex his & me nepotes non es deserta. Offitia & oblectamenta isti dabunt. Verte etiam ad sororem tuam, quæ solatium erit, & exemplum. Atque in eius laudibus libelli finis.

CONSOLATIO AD POLYBIUM Lib. VNVS.

Argumentum I. LIPSII. 165

Scriptum in exilio est, dum animo & corpore iacet (fatendum est, & scriptio clamat) anno circiter exilij eius tertio. Nam palam meminit Britannię apertę, quod circa id tempus fuit. Polybius autem, inter præpotentes Claudij liberos, A studijs titulum habuit, & Græcè latinèque dicas eruditum; ex laudibus quidem quas Seneca accumulat, eminenter.

Solatur

ARGVMENTORVM.

Solatur eum in fraterna morte : & Dispositio tota latet, quia principium & pluscula, desunt. In ijs quę sunt, hęc est. Negat dolendum in vnus morte, quoniam mundus ipse, & quidquid in eo, hac lege damnantur. Item quia vanus dolor & sine fructu. Tertiò, Natos nos esse ad Tristia; eoque adsuescendum. Quartò, Voluntatem defuncti aduocat, illum nolle. Quintò, Constantia & exemplo preire alijs fratribus debere: quia persona illustris, & oculi in eam versi. Sextò, & à studijs solatiũ petere vult, quę semper adamauit. Hęc & talia vsque ad Cap. 31. ab eo deinde Exempla spargit eorum, qui fortiter tulere: inter hos (non sine vili adulatione) ipsius Cęsarıs, quem, & mirę laudat: & denique Polybium iterum ad studia, & libros mittit, remediũ in dolorem: Senecę hoc scriptum esse negare non licet; editioni tamen destinatum ab eo non arbitror: quia abiectione & demissione scriptum ad seruulum, heu, quot laudibus exornatum! Pudet, pudet: inimicus Senecę fuit & glorię eius, quisquis vulgavit.

CONSOLATIO AD MARCIAM LIB. VNVS.

Argumentum L. LIPSI. 195

Marcia gratiosa, & diues Matrona, vt apparet: filia A. Cremutij Cordi, viri à studijs scriptisque etiam inclyti. Filium habuit qui iam grandior obiit; maritus, pater, & sacerdos: triennium autem iam ibat (ex Cap. 1. in fine) ab eius morte. Itaque argumentor, hoc scriptum editum initio Claudiani temporis, nec ante. Nam sub Tiberio auctum Metilium, hunc (ita vocabatur) honoribus, vix probabile: sub Caio igitur, qui & alia acta Tiberij rescidit, & nominatim A. Cremutij Cordi scripta lectitari permisit. Quod eodem isto Cap. 1.

quoque tangitur : neque igitur antè potuit hæc Consolatio edi, præsertim inueterato dolore, vt loquitur, & triennali illo lapsu. Imò benè consideranti, sub Claudio, & post exilium fortasse hæc scripta censeantur : in paruo est. Ipse libellus inter insignes, etsi adulatione foemineâ haud expers. Duæ partes sunt : priore laudat illam, & à suo atque alienis deinde exemplis solatur : vsque ad Cap. VI. Posteriore ad Rationes transit, & primam illam communem, luctu nihil profici : tum secundum Naturam eum non esse, sed à mollitie nostra, & incogitantia, quod quæ fieri possunt futura non prouidemus. Iterum deinde Exempla Virorum, & Mulierum. Tum ad sortem conditionemq; nascendi transit, cui mors annexa : vsque ad Cap. XIX. Ibi Dilemma inferit, Nec matri, nec ipsi malè factum. De Matre, breuiter : gratiosa est, nec nisi opinione vexatur. De filio, pluribus : in quiete est, & casibus, vitijque ereptus. Quid si ad ista in tam corrupta ciuitate, inisset? Tempestinè igitur subductus : & Patris deinde (Cremutij) persona inducitur filiam solantis, & erigentis, & magno ore ad supera illa, & cœli spectacula, vocantis.

DE PROVIDENTIA. LIBER VNVS.

Argumentum I. LIPSII.

239

A Vreus hic libellus est, & scriptum post Caligulam video ex cap. 4. *Ego mirmillonem*, inquit, *sub C. Casare audiui de raritate munerum querentem*. In præterito loquitur, & de homine ac tẽpore, quod fuit. Puto igitur sub Claudio, statim à reditu : imò quid si hæc Philosophica quædam in exilio? nam diu ibi hæsit, annos circiter octo, & iustè hoc elegerit, sibi solando. Argumentum enim est, Prouidentiam esse : nec obstare : quod bonis mala quædam, sed exter-

ARGVMENTORVM.

externa, obuenant. Primo igitur vniuersè illam asserit à mundi motu, ordine, constantia: quæ omnia rectorem clamant. Deinde ad Questum propriè, quare ergo mala bonis? Ait primò Deum amare bonos: nec immittere igitur ijs mala. Instar parentis enim castigare, & coercere. Deinde, non videri ea mala bonis, nec vinci ijs, sed exerceri, & per aspera indurari. Deum velut agonothesam esse, & robustis his athleticis suis delectari. Hæc ita communiter, & velut præparans, ad Cap. 3. Ab eo magis distinctè, quinque rationes, cur eueniant, exsequi pergit. Primò, pro ipsis esse, quibus accidunt: Secundò, pro Vniuersis: Tertiò, volentibus euenire: Quartò, euenire fato, & æterna lege. Primam rationem tractat cap. 3. 4: docetque pro ipsis esse, sicut medicina pro ægris. Indurantur etiam sic à Deo, qui se dignos. producit in pugnam: alios viliores, in otio, & umbra, habet. Secundam tractat Cap. 5: pro omnibus esse. vt viri boni, sic habiti, clament alijs, & ostendant non esse Bona aut Mala, quæ vulgus putet. Ad vera igitur illa spectent, & illa petant, hæc fugiant. Ibidem tertiam nescit, Volentes excipere: nam præbent se Deo, & Fato. Quarta excipit, Fatum esse & ab æterno constitutum quid gaudeas doleasque. Denique repetit, mala hæc non esse, & Deum inducit pulcherrimè adhortantem, & ad robur excitantem. Stoicè in fine, Si piget, & ferre tædet, quis tenet? paret ianua, exi.

DE TRANQVILLIT. ANIMI. LIB. VNVS.

Argumentum I. LIPSII. 261

ET hic libellus inter vtilis, & materie ac tractatu insignes. Scriptus est initio reclusus sui ab exilio, cum ad Anlam, & Neroni instituendo admotus fuit. Hoc apparet ex cap. 1.

I N D E X

verbis : *Circumfudit me ex longo frugalitatis situ
venientem multo splendore luxuria , & undique cir-
cumsonuit .* Luxuriam in Aula tangit, ignotam
sibi antea & inuisam . Ordo in scripto confu-
sus est , imò vix est : & traiectio , aut defectus ;
nisi fallor in multis apparet . Summarium ta-
men hoc est . Occasio scribendi à sua incon-
stantia , & quod animi semper pendeat, parum
firmi in alterutra parte , aut quieti . Hoc ait illo-
rum esse , qui in via sunt ad Sapientiam ; sed
nondum peruenierunt , nec fructum eius gu-
stant , Tranquillitatem . ò magnum bonum ! &
quid ea est ? describit . Quomodo perueniam ?
Inconstantiam fugiendo . Quid igitur ea ? &
hanc graphicè describit . Ea pellitur varijs re-
medijs . primum , Occupatione : eaque vel Pu-
blica , si tempora & indoles tua ferent; vel Pri-
uata , vt in optimis studijs meditationibusque
versere . Non tamen subito à Republica fugien-
dum : Multas eius partes esse , & vnam aliquam
licere amplecti . Hec vsque ad Cap. IV. Tum
addit, si ad negotia imus , tria consideranda :
Nos ipsos , Negotium , Homines quorum causa,
aut cum quibus actitamus . In Nobis , estiman-
das Vires quid , & quatenus possimus , neque
ultra tendamus . In Negotijs , an nos ijs pares ?
Item an non catena eorum sit , & longius du-
cent . regressus semper liberos habendos . In
Hominibus , an digni illi labore nostro , & tem-
poris impendio ? non sunt autem Vani , Ambi-
tiosi , nec in seria vlla re occupati . Deinde
Cap. VII. parum cohèrenter addit , Amicum
in primis fidum tranquillitati , & oblectamento
facere : sed qui ingenio tristi non sit , & omnia
accusanti . Iterum non optimus Textus , &
C. VIII. de Patrimoniorum modo . ea nec ma-
gna , nec nulla Tranquillitati apta , sed Media :
& quæ parcimonia producantur . Luxus autem
vitandus , etiam in vtilibus vitæ instrumentis , vt
Bibliotheca , & libris . Post hæc etiam saltus
Cap.

A R G V M E N T O R V M.

Cap. X. & Molestias in omni vita interuenire: sed consuetudine molliri, tum Aspectu alienę sortis, quę sepè deterior. Item cupiditates non longè mittendas, sed ad propinqua, aut facilia pręhendi. Atque hæc proficienti & tironi præcipit: nam sapienti non opus, qui pugnat, imò vincit omnem fortunam. Quam talem, & talem præcogitat, & ipsa prouisione mollit aut frangit. Hęc adusque Cap. XII. Ab eo alia tractatiuncula, Non esse in superuacuis laborandum, neque (quantum potest) in Alienis. Democriti cœleste præceptum inculcat: *Nec priuatim, nec publicè multa agi*. Iam Cap. XIV. à leuitate arcet, itemque pertinacia: idest, neq; assiduè in vita mutare nec si malè elegeris præfractè inherere. Omnia autem æquo, ac penè hilari oculo adspicere. Quid enim vita, nisi mimus? Postremo simulatio (Cap. XVI.) fugienda, & anxia sui compositio: simplicitas assumatur, & interdum hilaritas, atque etiam conuiuia aut liberalior potus. Mergit hoc curas, & animum liberat atque attollit. In fine claudit, dixisse se, *Qua Tueri Tranquillitatem possint, qua Restituere*, ex quibus videas partitionem quę fuit, sed mehercules nunc non extat. Itaque, vt multa Senecę, in partibus laudatum opusculum est; Ordo Vniuersi labat. atque id iniuria temporum aut certè exscriptorum.

DE CONSTANTIA LIBER VNVS.

Argumentum I. LIPSIÆ.

302

Magni animi, magni ingenij, atque etiam eloquij hoc scriptum: vno verbo, inter optima. Editum sub tempus prioris illius puto, de Tranquillitate: cui vulgò etiam iungunt, malè. Diuersum argumentum est, & tali serie. Oreditur à Stoicorum laude, quo rum Paradoxum

I N D E X

xum tractat, Sapientem non affici iniuria. quid ergo? aiebat Serenus: non Cato contumelijs affectus, verberibus, & sputis? Ab hac obiectione ingreditur in Materiem; &, non est tamen iniurijs, inquit: fuit enim sapiens, atqui in sapientem iniuria non cadit. quod tamen ea mente dici ait, non vt fiat, sed vt non admittat. Tangi potest iniuria, sed non lēdi: à te esse, in illo non esse. Hęc pulcherrimè exsequitur ad Cap. IV. Diuidit deindē dicenda in duas partes, idque à discrimine Iniurię, & Contumelię. Priore, negat illam cadere in sapientem. Posteriore, nec istam. De Iniuria, hęc sunt argumenta. Sapiens nullius mali patiens: at malum est Iniuria. Secundum, Iniuria detrahit, & deminuit: sapienti nihil eripitur. habet in se vno omnia reposita, & firmiter, vt Stilpo. Tertium, Fortis ab infirmo non lēditur: non ergo à Malitia Virus. Hic obijcitur, Atqui Socrates nonne iniuria damnatus? Ita, sed sine sua iniuria. Illi intulerunt, ipse non accepit: sed sapientia reiecit. sicut Venenum mihi das, ego antidoto vim eius infringo: scelus tu facis, ego non patior. Quartum argumentum. Iniuria cum Iniustitia mixta est: non hęc cadit in Sapientem: minimè ergo illa. Quintum, Sapienti nemo prodest: ergo nec lēdit. Sextum, Iniuria à spe, aut metu est: Sapiens neutro eorum tangitur. Septimum. vltimumque, Iniuriam nemo immotus accipit: non mouetur Sapiens. Atque hic conclusio prioris partis, & adhortatio ad Dogma animis accipiendum. Altera erat de Contumelia, quam explicat Cap. X. quid propriè sit, & tum à Sapiente arcet. Primò, quia Sapiens magnitudinem suam nouit: non ergo contumelia ad eum pertinet, quę nomen & rem habet à contemptu. Secundo, superbi & insolentes inferunt contumeliam: ipse tales spernit: itaque & ab ijs istam. Tertiò, Nemo maiorem melioremque

con-

A R G V M E N T O R V M.

contemnit; is est Sapiens. Ergo in se dicta ridet, vt conuiuijs ioculos puerorum. Sed quid? fert igitur hæc omnia Sapiens? non castigat aut compescit? imo facit interdum: sicut illos ipsos pueros solemus: non quia malum ille acceperat, sed quia hi fecerunt. Atque hætenus ad Cap. XIV. in solam Contumeliam, aut Iniuriam: iam mixtim vtramque refutat. Hoc argumento. Securitas propria est Sapientis: non est, si alterutram accipit, aut potest accipere. Simile & Epicurei dicunt: etsi minus fortiter. Denique leuia pleraque, quibus vulgus offenditur: suadet reijcere, & ridere ne ridearis. Conclusio, Quomodo cuncti ad Sapientiam, Quomodo qui peruenit, ferendæ iniuriæ? Illi cum morfu aliquo animi, & adhuc pugna; huic, sine alterutro, & victor iam agit ante se vtramque, & triumphat. Ego iterò, magni animi scriptum est: robur ab eo, in temporum hac hominumque cotidiana Malitia, capiamus.

DE CLEMENTIA LIB. PRIMVS.

Argumentum I. LIPSII. 330

HI libri scripti initio Principatus Neronis, quod ipse lib. i. cap.9. palam indicat, cum scribit eum ingressum annum decimum nonum. Et vero digni principe libri, ac materies: atque vtinam legant, & mites simul magnosque animos ab ijs sumant! Exordium est à laude Neronis, nec falsa, vt initia illa erant. Deinde Cap. 3. diuidit scriptum in tres partes, vnam Manuductionis, alteram, quæ naturam Clementiæ explicet; tertiam, quæ ad eam perducatur, & firmet. In prima, primus totus liber absumitur: & præmittit de Vtilitate Clementiæ, & Regibus maximè conuenire. Decoram illis, quia capita Reip. sunt, nos vehut corpus & membra: atqui corpori quis non parcat & indulget? Necessa-

I N D E X

cessariam etiam esse, in copia peccantium, quos si punis semper, solitudinem facis. Ab Exemplo Decorum, qui nobis parcunt: item à Fama, quia omnia Regum patent, & minima seuitia protrahitur. A Securitate. nam ita imperantes, tutiores: adiungitque facta quedam Augusti. Contrà in Tyrannis, qui per seuitiam odia, pericula, exitia sibi gignunt. At princeps igitur raro punit, & molliter, aut modicè, animo atque exemplo parentum. Atque ea moderatio in scholis, militia, animalibus, seruis, cum fructu adhibetur. Etiam à Natura adhibetur, ab apam imagine: quarum Rex aculei est expers. Iam Princeps aut sua, aut aliena causa punit, cum punit. Non debet rigidè in sua, quia ultionis solatio non eget in tam alta fortuna. Non in aliena, nisi (ad instar legis) ut aut emendet, aut alios faciat meliores, siue tutiores. Hæc autem omnia magis raritas animaduersionum præstabit: quæ crebræ vilescunt, & spernuntur. In Clausula, detestatio seuitiæ, & mala ab ea atque exitia.

L I B E R. S E C V N D V S.

Argumentum I. L I P S I I. 366

I Terum Neronis laudatio, & generosæ eius vocis. Tum ad secundam partem transit, Naturam Clementiæ, ipsamque definit. Magis aperit à vitio contrario, & crudelitatem producit ac describit. Fines deinde suos Clementiæ dat, quam à Misericordia vult remotam: nam hanc Stoicis vitium esse. Neque ignoscere etiam, aut ueniam dare concedit: Sed Parcere, Consulere, & quæ verbis magis, quam rebus illi distinguunt. Hic libri finis, sed non Materiæ: & ex diuisione liquet multa abesse, temporum vitio sublata. Dolendum in tam pulchra tractatione: nec secundus hic liber, opinor, primo cesserit.

D E

DE tempore huius scripti, haud nimis constat (nisi quod post Caium:) admodum de bonitate. O pulchri, ò utilis argumenti! tractemus, & imbibamus. Hypothesis est, Vitam non esse breuem, sed à nobis fieri: vel non vtendo, vel malè, aut vanè, vtendo. Hęc sic diducit. Primum, vitijs mancipamur, quibus æuum absumitur, & perit. Secundò, Inutiliter occupamur, in parũ scrijs, & quæ Officia vocamus. Tertio, Opinione aut præsumptione peccamus, & hoc breuem facit, quod longam vitam censemus. Præsentia spernimus futura disponimus, tamquam in magna, & certa copia. Et plerique ad vana: aut aliena, labimur, & perdimus vitam quasi per lusum. Hęc talia ad Cap. vsque X. Inde partitur in tria, omne Tempus, Præteritum, Præsens, Futurum: Et quam male aut ineprè nos in singulis geramus, docet. Inuehitur in occupationes futes, in delicias, in luxus, ignaua otia, etiam superflua litterarum studia. Hic aliquid sistit, & vtinam hodiernos etiam Philologos trahat aut mutet! Solum tempus benè poni, quod Sapientiæ studijs impenditur: per quam vita verè fit longa. Contra, vulgus, æstimat eam à Fortuna: vt hęc læta aut tristis obuenit, sic vitam æstimat breuem aut longam. In tristibus mortem appetunt, in lætistiment. Adhortatio in fine ad Paullinum: quid ad illum? ad se quisque ducat, vt maturè sapiat, in portum vitæ & honestum otium secudar. Mihi voueo, & nitor.

Senex hunc libellum scripsit, & velut Defensionem præscripsit contra calumniatores, qui Opes & Vitam obiectabant. Beatam vitam in Virtute esse: sed hanc externa non spernere, si accedant. Sublimè scriptum est, pulcherrimum in partibus, & quod monita sensusque aureos habet. Partes eius duæ sunt: Quid sit Beata vita? & quomodo eo perueniatur? De priore, negat in Opinione aut More quærendam: per trita si itur, longius ab ea abitur. Ratio sola audienda est. ea dicit, Beatam vitam esse conuenientem naturæ suæ: id est positam in Virtute. Non in Voluptate, cum Epicuro? minimè, & diffusè hunc & affectas refellit. Vsq; eo, vt nec iungi cum Virtute Voluptatem velit, & totum hoc nomen repudiet. Hæc ad Cap. XVI. Inde pars altera, Ad perueniendum igitur sola Virtus amplectenda, cetera spernenda? Negat admitti quidem externa posse, sed non vt finem. Imo ijs qui in via adhuc sunt, & Proficientium numero, opus esse aliqua indulgentia Fortune. Hic priuatam suam causam callidè iam & robustè agit, & obijcientem inducit. Cur tu de Virtute sic locutus, alia etiam habes? cur seruos? nummos, villas, supellectilem? Variè respondet: ac primo Sapientem se non esse, sed conari esse. Deind: alijs summatis viris, Platoni, Zenoni, Aristoteli iam olim hæc obiecta. Atquin omnes isti non quomodo viuerent, sed viuendum esset, docebant. Ardua res Virtus. Suspiciendi, etiam qui conantur ascendere, & si decidunt interim, aut herent. Tum de Opibus ex professo, an habendæ Sapienti à Cap. XXI. Et asserit, haberi, etsi non amari: quæ sitas tamen honestè, & benignè.

A R G V M E N T O R V M.

nignè emittendas aut emissas. Insurgit deinde in istos blasterones & mucronem stili, Socrate inducto, stringit: Sed finis deficit, & quæ vulgò attexuntur, alterius scripti sunt atque argumenti.

DE OTIO SAPIENTIS LIB. VNVS.

Argumentum I. LIPSII.

447

Liber hic an Epistola fuerit, nescio: diuclendus tamen à lib. de Vita beata, cum qua commune nihil habet, sed nec quando scriptum istud, scio: Materies, & tractatio bona est, atque erudita. An sapienti non liceret in otium, & à rep. secedere? Querebatur inter Stoicos, qui consensu eo vocabant. Ipse adfirmat: & principium scripti deest, quæ supersunt, ita habent. Ait ab exemplo principum Stoicorum, id ius, moremque esse: qui etsi miserunt ad rempublicam non iuerunt. Quosdam autem à prima ætate otium, sed honestum, amplecti: quosdam in vltima, tamquam veteranos, & emeritis iam stipendijs, illuc ire. Honestum autem otium in studijs Sapientiæ, & Contemplatione Naturæ esse. Addit hæc Stoicis, sed & Epicureis placere: etsi in leui dissensu. quod isti otium ex proposito petant: illi ex causa. Nempe si Resp. desperatè corrupta: si parua alicui auctoritas aut gratia: item si valetudo infirma. Concludit, etiam in otio Rempublicam tractari. quam duplicem facit, Paruam, & Magnam. Illa est, finibus certis, legibusque comprehensa: vt Atheniensis, aut Romana. Hæc ipse mundus totus, cui Natura ciues nos dedit. Magnam etiam in otio, & secessu Sapiens colit tractatque, scribendo aut docendo. Hoc Zenon, & Chrysippus fecere, & plus generi humano profuere, quam omnium actuosorum sudores, & discursus.

DE

HOs libros inter Philosophiæ ultimos pono, etsi frontem antea tenuerunt. Sed res ita est, si tempus spectes: & scripti omnino sunt sub Nerone, post Claudij mortem. Argumentum certum, quod in fine libri primi contempnim adinodum de Claudio, & *futile eius iudicium* traducit: non facturus umquam illo viuo. Libri boni sunt, sed meherculè in ordine & tractatu confusi: quem vix est vel adnitentem expedire. Tamen, vt possumus. Primus liber exordium habet, & querelam de Ingratitudine, quæ crebra est, & inter vitia tamen magna. Ideo de beneficijs se scripturum, *Quæ vis eorum, & Proprietas sit?* Hæc vsque ad Cap. V. Tum definit, Beneficium non in Materie, sed animo tribuentis esse: & ab eo pendendum. Diducit per exempla, & argumenta, vsque ad Cap. XI. Ibi duo Membra dicendorum proponit, *Quæ beneficia danda, & Quemadmodum?* Prius exsequitur ad finem libri: alterum differt in sequentem.

L I B. S E C V N D V S.

Assumit & repetit alterum membrum, *Quemadmodum beneficia danda?* Varia dat præcepta: vt, *Libenter, Cito, sine dubitatione*. Quedam palam, quedam in secreto. Sed omnia tamen sine superbia aut iactatione. Deinde *quæ nocitura, non dare*, nec si petant: non item *Turpia*, & infamiæ futura. Denique Personæ æstimandæ, & qui dat, & qui accipit, vt decora fiat utrique. Pars altera libri, Ipse accipiens quomodo se gerat? *A quibus capiat, & Quomodo?* in primis. Gratè.

ARGVMENTORVM.

Gratè. Ex occasione *quid faciat ingratos? Superbia, Avaritia, Inuidia.* Pluribus deinde de *Gratitudine*, eamque constare voluntate, vbi res deficit.

LIB. TERTIVS.

Argumentum I. LIPSII. 513

Agit de Ingratis. qui illi sint? & an puniendi, aut ad iudicem vocandi? accurata disputatione negat: & addit, penam ijs in Odio & Infamia esse, atque animo ipso. Deinde ex occasione, an Dominus in seruum gratus esse debeat? an ab illo Beneficium accipiat? adfirmat, & hoc vberius, quia creber tunc seruorum vsus. Adnectit, & An filius patri det Beneficium? disputat in vtramque, sed affirmantem assumat.

LIB. QVARTVS.

Argumentum I. LIPSII. 549

Arguta ferè tractat, sed vtilibus (vt semper) mixtis. Querit, an Beneficium, & Gratia per se expetenda? asserit, contra Epicureos, qui omnia fructu metiebantur. Inter alia hoc argumento, quod etiam Dij dent Beneficia: quod ipsum contra illos negantes vbertim docet. Obiectiones deinde remouet, quæ vtilitatem versari in Beneficijs docere videantur. Tum ad Gratiâ venit & ostendit eam quoque referendam solius Honesti, non Vtilis adspectu. Tum querit, An quem scias ingratum futurum, beneficium sit dandum? distinguit, & partim ait, partim negat.

LIB.

I N D E X
L I B. Q V I N T V S.

Argumentum I. LIPSII. 591

Absolutis duabus præcipuis partibus, *Quomodo dandum Beneficium, Quomodo accipiendum*: transire se dicit ad quædam non tam in ipsa materie, quam ex ipsa, & vicina ac connexa. Quæstiunculas subleat, primo istam: An turpe beneficijs vinci? negat vinci posse, & parem semper esse, qui gratè meminit, qui cupit animo referre, si re non potest. Quæstiuncula secunda: An aliquis sibi Beneficium donet? item negat, & in vtramque tamen partem argutatur. Tertia Quæstiuncula: An aliquis ingratus Stoicè dici possit? ait, & docet. Quarta an non omnes ingrati sint? minimè, etsi plurimos fatetur. Deinde ex adtextu. Quousque, & an alius pro alio obligemur? Vt filius pro Patre, & talia. Distinctione respondet, & magis negat. Quinta Quæstiuncula: An triste Beneficium, & iniusto etiam dari possit? potest. Vltima denique: An repeti Beneficium possit.

L I B. S E X T V S.

Argumentum I. LIPSII. 626

Iterum Quæstiunculæ, Chrysippeo quodam more. Prima, An Beneficium eripi possit? variè differit, claudit tamen vsum eius eripi posse, non ipsum. Secunda, An debeamus ei, qui vel iniustus profuit, vel ignarus? negat. Tertia, An ei qui sua causa nobis profuit? si tantum sua, abnuat: si & mea, admittit. Exempla, & argutias miscet. Quarta, An fas incommodi aliquid alteri optare, vt gratiam possis referre? non est, & damnat. Aliam viam aperit referendæ gratiæ etiam felicibus, etiam Regibus, per consilia, monita, doctrinam.

L I B.

A R G V M E N T O R V M.

L I B. S E P T I M V S.

Argumentum I. LIPSII. 668

Similia prioribus, Quæstiunculae, & subtilibus
utilia tamen mista. Illud principio serium.
coercendam curiositatem, & nimiam sciendi
cupidinem: animum potius ad Mores & virtutem,
id est Sapientiam mittendum. Ex Verbi
deinde occasione Quæstio, An aliquis donare
Sapienti possit cum eius sint omnia? ait posse,
quia animo quidem non usu tamen omnia possidet.
Altera, An qui tentavit reddere beneficium,
reddiderit? ita: Sed tamen iterum iterumque
conandum docet. Tertia, An quod à Viro
bono acceperis, eidem iam malo reddes? Reddes,
sed cum cautione, ne illa quibus malè, & in
suam alienamue noxam utatur. Quarta, Num-
quid obliuisci datorem Beneficii sui oporteat?
Non omnino. & posse tenere memoria ait, imò
& interdum exigere. Vltima, Quomodo ferendi
Ingrati? placido animo, mansueto, magno.

F I N I S.

FRAG.



FRAGMENTA

EX LIBRIS SENECAE
QVI INTERCIDERUNT.

Quintil. cap. 111. Lib. viii.



NOSTRI autem in iungendo, aut deriuando paullum aliquid ausi, vix in hoc satis recipiuntur. Nam memini iuuenis admodum inter Pomponium & Senecam etiam præfationibus esse tractatum, an *gradus eliminat* apud Attium in tragœdia dici oportuisset.

Cap. v. eiusdem libri.

Facit quasdam sententias sola geminatio, qualis est Senecæ in eo scripto, quod Nero ad Senatum misit occisa matre, cum se periclitatum videri vellet: Saluum me esse adhuc nec credo, nec gaudeo.

Cap. 11. lib. ix.

Noui verò & præcipuè declamatores, audaciùs, nec mehercules sine motu quodam imaginantur. vt Seneca in controuersia, cuius summa est, quòd pater filium & nouercam, inducente altero filio, in adulterio deprehensos occidit: Duc: sequor. accipe hanc senilem manum, & quocunque vis imprime. Et paullo post: Aspice, inquit, quod diu non credidisti. Ego verò non video, nox oboritur, & crassa caligo. Habet hæc figura manifestius aliquid. Non enim nariari res, sed agi videtur.

Ibidem.

Nam in totum iurare, nisi vbi necesse est, graui viro parum conuenit. Et est à Seneca dictum eleganter, Non patronorum hoc esse, sed testium.

Plinius

EX LIBRIS SENECAE.

Plinius Nat. Hist. lib. VI. cap. XVII.

Seneca etiam apud nos tentata Indiae commentatione, Lx. annes eius prodidit, gentes duodeviginti centumque. Par labor sit montes enumerare. *Cap. LIII. Lib. IX.*

Æui piscium, memorandum nuper exemplum accepimus. Pausilypum villa est Campaniae, haud procul Neapoli. in ea in Cæsaris piscinis à Pollione Vedio coniectum piscem, sexagesimum post annum expirasse scribit Annæus Seneca, duobus alijs æqualibus eius ex eodem genere, etiam tunc viventibus.

Suetonius Tiberij cap. LXXII.

Seneca eum (Tiberium) scribit intellecta, defectione, exemptam anulum, quasi alicui traditurum, pauper tenuisse: dein rursus aptrasse digito, &c.

A. Gellius cap. II. lib. XII. Noct. Atticarum.

Seneca in lib. XXII. Epistolarum moralium quas ad Luciliū cōposuit, deridiculos versus Q. Ennii de Cethego antiquo viro fecisse hos dicit. — Dictus ollis popularibus olim,

Qui tum viuebant homines, atque æum
agitabant,

Flos delibatus populi & suada medulla.

Ac deinde scribit de iisdem versibus verba hæc: Admiror eloquentissimos viros, & deditos Ennio, pro optimis ridicula laudasse. Cicero certè inter bonos eius versus & hos refert. Atque id etiam de Cicerone dicit. Non miror, inquit, fuisse qui hos versus scriberet, cum fuerit qui laudaret: nisi fortè Cicero summus orator agebat causam suam, & volebat hos versus videri bonos. Paulò post. Apud ipsum quoque, inquit Seneca, Ciceronem inuenies etiam inprosa oratione quædam, ex quibus intelligas illum non perdidisse operam, quòd Ennium legit. Ponit deinde quæ apud Ciceronem reprehendat, quasi Enniana, quòd ita scripserit in libris de republica, Vt Menelæo Laconi fuit

F R A G M E N T A

suauiloquens iucunditas . & quòd alio in loco dixerit, Breuiloquentiam in dicendo colat. Deinde : Non fuit , inquit Seneca , Ciceronis hoc vitium , sed temporis . necesse erat hæc dici , cùm illa legerentur. Deinde adscribit , Cicero- nem hæc ipsa interposuisse ad effugiendam in- famiam nimis lasciua orationis & nitida . De Virgilio quoque eodem in loco verba hæc po- nit, Virgilius quoque noster non ex alia causâ duos quosdam versus, & enormes , & aliquid supra mensuram trahentes interposuit, quàm vt Ennianus populus agnosceret in nouo carmi- ne antiquitatis aliquid . Addit non multò post ex Seneca : Quidam sunt tam magni sensus Q. Ennii, vt licet scripti sint inter hircosos, possint tamen inter vnguentatos placere . Et cùm re- prehendisset versus quos supra de Cethego posuimus, Qui huiusmodi, inquit, versus amant, liceat sibi eisdem admirari & Soterici lectos . Audias tamen commemorari ac referri pauca quædam quæ ipse idem Seneca benè dixerit : quale est illud quod in hominem avarum & auidum & pecuniæ sitientem dixit, Quid enim refert quantum habeas ? multo illud plus est quod non habes.

Tertullianus de Anima, cap. xlii.

Multò coactius Seneca : Post mortem , ait, omnia finiuntur, etiam ipsa.

Lactantius diuinarum institutionum lib. I. cap. iv.

Annæus quoque Seneca, qui ex Romanis vel acerrimus Stoicus fuit , quàm sæpè summum Deum merita laude prosequitur ? Nam cùm de immatura morte differeret , Non intelligis, in- quit, auctoritatem , ac maiestatem iudicis tui ? Rector is orbis terrarum , cælique & deorum omnium Deus: à quo ista numina, quæ singula adoramus & colimus , suspensa sunt ? Item in Exhortationibus: Hic, tùm prima fundamenta molis pulcherrimæ iaceret , & hoc ordiretur , quo neque maius quidquam nouit natura , nec me-

EX LIBRIS SENECAE.

melius, ut omnia sub ducibus suis irent, quam-
uis ipse per totum se corpus intenderat, tamen
ministros regni sui deos genuit. Et quàm
multa alia de Deo nostris similia locutus est?
quæ nunc differo, quòd alijs locis oportunitiora
sunt.

Cap. VII.

Et est illud verum quod dixisse in Exhorta-
tionibus Senecam supra retuli, Genuisse regni
sui ministros Deum.

Eodem cap. VII.

Quod Seneca vir acutus in Exhortationibus
suis vidit. Nos, inquit, aliunde pendemus. Ita-
que ad aliquem respicimus, cui quod est opti-
mum in nobis, debeamus. Alius nos edidit,
alius instruxit: Deus ipse se fecit.

Eiusdem lib. cap. XVI.

Non illepide Seneca, in libris moralis phi-
losophiæ, Quid ergo est, inquit, quare apud
poetas salacissimus Iupiter deficiat liberos tol-
lere? Vtrum sexagenarius factus est, & illi lex
Papia fibulam imposuit? an impetrauit ius
trium liberorum? an tandem illi venit in men-
tem, Ab alio expectes, alteri quod feceris, &
timet, ne quis sibi faciat, quod ipse Saturno?

Libri II. cap. II.

Rectè igitur Seneca in libris Moralibus: Si-
mulacra, inquit, deorum venerantur, illis sup-
plicant genu posito: illa adorant: illis per to-
tum assident diem; aut adstant: illis stipem ia-
ciunt, victimas cædunt: & cum hæc tantoperè
suspiciant, fabros, qui illa fecere, contemnunt.

Eiusdem lib. cap. IV.

Meritò igitur etiam senum stultitiam Seneca
deridet. Non, inquit, bis pueri sumus (ut vulgò
dicitur) semper. Verùm hoc interest, quòd ma-
iora nos ludimus.

Cap. IX.

Melius igitur Seneca, omnium Stoicorum
recutissimus, qui vidit nihil aliud esse Naturam,

F R A G M E N T A

quàm Deum. Ergo, inquit, Deum non laudabimus, cui naturalis est virtus? Nec enim illam didicit ex vlllo. Immò laudabimus. quamvis enim naturalis illi sit, sibi illam dedit, quoniam Deus ipse natura est.

Libri III. cap. xv.

Eodem ductus errore Seneca (quis enim veram viam teneret, errante Cicerone?) Philosophia, inquit, nihil aliud est, quàm recta viuendi ratio: vel, honestè viuendi scientia: vel, ars rectè vitæ agendæ. Non errabimus, si dixerimus philosophiam esse legem benè honesteque viuendi. Et qui dixerit illam regulam vitæ, suum illi nomen reddiderit.

Ibidem.

Idem Seneca in Exhortationibus: Plerique, inquit, Philosophorum tales sunt, vt sint deserti in conuicium suum. quos si audias in auaritiam, in libidinem, in ambitionem perorantes, professionis indicium putes: adedò redundant in ipsos maledicta in publicum missa. quos non aliter intueri decet, quàm medicos, quorum tituli remedia habent, pyxides venena.

Ibidem.

Faciet sapiens, inquit idem Seneca, etiam quæ non probabit, vt etiam ad maiora transitum inueniat: nec relinquet bonos mores, sed tempori aptabit: & quibus alij vtuntur in gloriam, aut voluptatem, vtetur agendæ rei causâ. Et paullopòst: Omnia quæ luxuriosi faciunt, quæque impèriti, faciet & sapiens, sed non eodem modo, eodemque proposito.

Cap. xvi. eiusdem libri.

Et Seneca: Nondum sunt, inquit, mille anni; ex quo initia sapientiæ nota sunt. Multis ergo sæculis humanum genus sine ratione vixit.

Cap. xxiii.

Fuisse Seneca inter Stoicos ait: qui deliberaret, vtrumne Soli quoque suos populos daret: ineptè scilicet, qui dubitauerit.

Cap.

EX LIBRIS SENECAE.

Cap. xxv.

Platonem quidem redemisse Aniceris quidam traditur festeriis VII. Itaque infectatus est conuiciis redemptorem Seneca, quod paruo Platonem aestimauerit.

Lib. v. cap. ix.

Qui volent scire omnia, Senecæ libros in manus sumant, qui morum vitiorumque publicorum & descriptor verissimus, & accusator acerrimus fuit.

Eiusdem libri cap. xiv.

Rectè igitur Seneca, incongruentiam hominibus obiectans, ait: Summa virtus illis videtur magnus animus. & iidem eum, qui contemnit mortem, pro furioso habent. quod est vtique summæ peruersitatis.

Lib. vi. cap. xvii.

Item Senecæ in libris Moralis philosophiæ dicentis: Hic est ille homo honestus, non apice, purpurae, non listorum insignis ministerio, sed nulla re minor: qui cum mortem in vicino videt, non sic perturbatur, tamquam rem nouam viderit: qui, siue toto corpore tormenta patienda sunt, siue flamma ore recipienda est, siue extendendæ per patibulum manus, non quærit quid patiatur, sed quàm benè. Qui autem Deum colit, hæc patitur, nec timet.

Cap. xxiv. lib. vi.

Nec lucrari se quisquam putet, si delicti conscius non habebit. scit enim illa omnia, in cuius conspectu viuimus: nec si vniuersos homines, celare possumus: cui nihil absconditum, nihil potest esse secretum quod: Exhortationes suas Seneca mirabili sententia terminauit. Magnum, inquit, nescio quid, maiusque quàm cogitari potest, numen est. cui viuendo operam damus, huic nos approbemus. Nihil prodest inclusam esse conscientiam: patemur Deo. Quid verius dici potest ab eo qui Deum nosset, quàm dictum est ab homine veræ religionis ignaro.

F R A G M E N T A

quàm Deum. Ergo, inquit, Deum non laudabimus, cui naturalis est virtus? Nec enim illam didicit ex vlllo. Immò laudabimus. quamvis enim naturalis illi sit, sibi illam dedit, quoniam Deus ipse natura est.

Libri III. cap. xv.

Eodem ductus errore Seneca (quis enim veram viam teneret, errante Cicerone?) Philosophia, inquit, nihil aliud est, quàm recta viuendi ratio: vel, honestè viuendi scientia: vel, ars rectè vitæ agendæ. Non errabimus, si dixerimus philosophiam esse legem benè honesteque viuendi. Et qui dixerit illam regulam vitæ, suum illi nomen reddiderit.

Ibidem.

Idem Seneca in Exhortationibus: Plerique, inquit, Philosophorum tales sunt, vt sint deserti in conuicium suum. quos si audias in auaritiam, in libidinem, in ambitionem perorantes, professionis indicium putes: adeò redundant in ipsos maledicta in publicum missa. quos non aliter intueri decet, quàm medicos, quorum tituli remedia habent, pyxides venena.

Ibidem.

Faciet sapiens, inquit idem Seneca, etiam quæ non probabit, vt etiam ad maiora transitum inueniat: nec relinquet bonos mores, sed tempori aptabit: & quibus alij vtuntur in gloriam, aut voluptatem, vtetur agendæ rei causâ. Et paullopòst: Omnia quæ luxuriosi faciunt, quæque impèriti, faciet & sapiens, sed non eodem modo, eodemque proposito.

Cap. xvi. eiusdem libri.

Et Seneca: Nondum sunt, inquit, mille anni; ex quo initia sapientiæ nota sunt. Multis ergo sæculis humanum genus sine ratione vixit.

Cap. xxiii.

Fuisse Seneca inter Stoicos ait: qui deliberaret, vtrumne Soli quoque suos populos daret: ineptè scilicet, qui dubitauerit.

Cap.

EX LIBRIS SENECAE.

Cap. xxv.

Platonem quidem redemisse Aniceris quidam traditur festeriis VIII. Itaque infectatus est conuiciis redemptorem Seneca, quod paruo Platonem æstimauerit.

Lib. v. cap. ix.

Qui volent scire omnia, Senecæ libros in manus sumant, qui morum vitiorumque publicorum & descriptor verissimus, & accusator acerrimus fuit.

Eiusdem libri cap. xiv.

Rectè igitur Seneca, incongruentiam hominibus obiectans, ait: Summa virtus illis videtur magnus animus. & iidem eum, qui contemnit mortem, pro furioso habent. quod est vtique summæ peruersitatis.

Lib. vi. cap. xvii.

Item Senecæ in libris Moralis philosophiæ dicentis: Hic est ille homo honestus, non apice, purpurae, non listorum insignis ministerio, sed nulla re minor: qui cum mortem in vicino videt, non sic perturbatur, tamquam rem nouam viderit: qui, siue toto corpore tormenta patienda sunt, siue flamma ore recipienda est, siue extendendæ per patibulum manus, non quaerit quid patiat, sed quàm benè. Qui autem Deum colit, hæc patitur, nec timet.

Cap. xxiv. lib. vi.

Nec lucrari se quisquam putet, si delicti conscius non habebit. scit enim illa omnia, in cuius conspectu viuimus: nec si vniuersos homines, celare possumus: cui nihil absconditum, nihil potest esse secretum quod: Exhortationes suas Seneca mirabili sententia terminauit. Magnum, inquit, nescio quid, maiusque quàm cogitari potest, numen est. cui viuendo operam damus, huic nos approbemus. Nihil prodest inclusam esse conscientiam: patemur Deo. Quid verius dici potest ab eo qui Deum nosset, quàm dictum est ab homine veræ religionis ignaro?

Idem in eiusdem operis primo : Quid agis? inquit. quid machinaris? quid abscondis? Custos te tuus sequitur. Alium tibi peregrinatio subduxit, alium mors, alium valetudo: hæret hic, quo carere nunquam potes. Quid locum abditum legis, & arbitros remoues? Putas tibi contigisse, ut oculos omnium effugias? Demens, quid tibi prodest non habere conscium, habenti conscientiam.

Eiusdem, cap. xxv.

Quanto melius & verius Seneca? Vultisne vos, inquit, Deum cogitare magnum & placidum, & maiestate leni verendum? amicum, & semper in proximo? non inimolationibus, & sanguine multo colendum: quæ enim ex trucidatione immerentium voluptas est? sed mente pura, bono honestoque proposito? Non templa illi, cõgestis in altitudinem saxi, struenda sunt: In suo cuique consecrandus est pectore.

Lib. vii. cap. xv.

Non inscitè Seneca Romanæ vrbis tempora distribuit in ætates. Primam enim dixit infantiam sub rege Romulo fuisse, à quo & genita, & quasi educata sit Roma: deinde pueritiam sub ceteris regibus, à quibus & aucta sit, & disciplinis pluribus, institutisque formata: at verò Tarquinio regnante cum iam quasi adulta esse cœpisset, seruitium non tulisse, & reiecto superborum dominationis iugo, maluisse legibus obtemperare, quàm regibus: cumque esset adolescentia eius sine Punici belli terminata, tum denique confirmatis viribus cœpisse iuuenescere. Sublata enim Carthagine, quæ tam diu æmula Imperij fuit, manus suas in totum orbem terrarum porrexit: donec regibus cunctis, & nationibus imperio subingatis, cum iam bellorum materia deficeret, viribus suis malè vteretur, quibus se ipsa confecit. Hæc fuit prima eius senectus, cum bellis lacerata ciuilibus, atque intestino

EX LIBRIS SENECAE.

stino malo pressa, rursus ad regimen singularis imperij recidit, quasi ad alteram infantiam reuoluta. Amissa enim libertate, quam Bruto ducē & auctore defenderat, ita consenuit, tamquam sustentare se ipsa non valeret, nisi adminiculo regentium niteretur.

B. Hieronymus aduersus Iovinianum libro primo.

Claudia virgo Vestalis, cū in suspensionem venisset stupri, & simulacrum matris Idæ in vado Tyberis hæreret, ad comprobendam pudicitiam suam fertur cingulo duxisse nauem, quam multa millia hominum trahere nequieuerant. Melius tamen, inquit Lucani poetæ patruus, cum illa esset actum, si hoc quod euenit, ornamentum potius exploratæ fuisset pudicitiae, quàm dubiæ patrociniū.

Eodem libro.

Scripserunt Aristoteles, & Plutarchus, & nos-
ter Seneca de matrimonio libros, ex quibus &
superiora nonnulla sunt, & ista quæ subijcimus.
Amor, formæ obliuio est, & insanix proximus,
foedum minimeque conueniens animo sospiti
vitium; turbat consilia, altos & generosos spiri-
tus frangit, à magnis cogitationibus ad humil-
limas detrahit: querulos, iracundos, temera-
rios, durè imperiosos, seruiliter blandos, omni-
bus inutiles, ipsi nouissimè amoris, facit. Nam
cū fruendi cupiditate insatiabili flagrat, plura
tempora suspicionibus, lacrymis, conuersioni-
bus perdit, odium sui facit, & ipse nouissimè
sibi odio est.

Paullo infra.

Refert prætereà Seneca cognouisse se quen-
dam ornatum hominem, qui exiturus in publi-
cum, fascia vxoris pectus colligabat, & ne pun-
cto quidem horæ præsentia eius carere pote-
rat, potionemque nullam nisi alterius tactam
labris, vir & vxor hauriebant: alia deinceps,
non minùs inepta facientes, in quæ improuida
vis ardentis affectus erumpebat.

In

Nam quid, ait Seneca, de viris pauperibus dicam? quorum in nomen mariti, ad eludendas leges quæ contra cælibes sunt, pars magna conducitur. Quomodo potest regere mores, & præcipere castitatem, & mariti auctoritatem tueri, qui nupsit?

¹ B. Augustinus de Ciuitate Dei lib. VI. cap. x.

² Libertas sanè quæ huic defuit, ne istam vrbanam theologiam theatricæ simillimam, apertè sicut illam reprehendere auderet, Annæo Senecæ, quem nonnullis indiciis inuenimus Apostolorum nostrorum claruisse temporibus, non quidem ex toto, verum ex aliqua parte non defuit. Affuit enim scribenti, viuenti defuit. Nam in eo libra quem contra superstitiones condidit, multò copiosius ac vehementius reprehendit ipse ciuilem istam & vrbanam theologiam, quam Varro theatricam atque fabulosam. Cùm enim de simulacris ageret, Sacros, inquit, immortales, inuiolabileque deos in materia vilissima atque immobili dedicant. Habitus illis hominum, ferarumque, & piscium; quidam verò mixtos ex diuersis corporibus induunt. Numina vocant, quæ si spiritu accepto subito occurrerent, monstra haberentur. Deinde aliquanto post, cùm theologiam naturalem prædicans, quorundam philosophorum sententias digessisset, opposuit sibi quæstionem, & ait: Hoc loco dicet aliquis: Credam ego cælum & terram deos esse, & supra lunam alios, infra alios? Ego feram aut Platonem, aut Peripateticum Stratonem, quorum alter fecit Deum sine corpore, alter sine animo? Et ad hoc respondens, Quid tandem? inquit: veriora tibi videntur T. Tatij, aut Romuli, aut Tulli Hostilij somnia? Cluscinam T. Tatius dedicauit deam, Picum Tiberinumque Romulus, Hostilius Pauorem atque Pallorem; teterrimos hominum affectus: quorum alter mentis territæ motus est; alter

EX LIBRIS SENECAE.

alter corporis, ne morbus quidem, sed color. Hæc numina potius credes, & cœlo recipies? De ipsis verbis ritibus crudeliter turpibus, quàm libere scripsit? Ille, inquit, viriles sibi partes amputat, ille lacertos secat. Vbi iratos deos timent, qui sic propitios habere merentur? dii autem nullo ipsi debent coli genere, si & hoc volunt. Tantus est perturbatæ mentis & sedibus suis pulsæ furor, ut sic dii placentur, quemadmodum ne homines quidem sæuiunt. Teterriimi, & in fabulas traditæ crudelitatis tyranni, lacerauerunt aliquorum membra, neminem sua lacerare iusserunt. In regiæ libidinis voluptatem castrati sunt quidam, sed nemo sibi ne vir esset, iubente domino, manus intulit. Se ipsi in templis contrucidant, vulneribus suis ac sanguine supplicant. Si cui intueri vacet quæ faciunt, quæque patiuntur: inueniet tam indecora honestis, tam indigna liberis, tam dissimilia sanis, ut nemo fuerit dubitaturus furere eos, si cum paucioribus furerent: nunc sanitatis patrociniū est, insanientium turba. Iam illa, quæ in ipso Capitolio fieri solere commemorat, & intrepidè omnino coarguit, quis credat nisi ab irridentibus aut furentibus fieri? Nam, cum in Sacris Ægyptiis Osirim lugeri perditum, mox autem de inuento magnum esse gaudium derisisset; cum perditio eius inuentioque fingatur, dolor tamen ille atque lætitia, ab eis qui nihil perdiderunt, nihilque inuenerunt, veraciter exprimatur: Huic tamen, inquit, furori certum tempus est. Tolerabile est, semel in anno insanire. In Capitolium perueni, pudebit publicatæ dementiæ, quod sibi vanus furor attribuit, officij. Alius numina Deo subiecit, alius horas Ioui nuntiat, alius lictor est, alius vnctor qui vano motu brachiorum imitatur vingentem. Sunt quæ Iunoni ac Mineræ capillos disponant, longè à templo non tantum à simulacro stantes, digitos mouent ornantium
modò

F R A G M E N T A

modo. Sunt quæ speculum teneant, sunt quæ ad vadimonia sua deos aduocent: sunt qui libellos offerant, & illos causam suam doceant. Doctus Archimimus senex iam decrepitus, quotidie in Capitolio mimum agebat, quasi dii libenter spectarent, quem homines desierant. Omne illic artificum genus, operantium diis immortalibus, desidet. Et paulopost: Hi iamen, inquit, etiam si superuacuum vsum, non turpem nec infamem Deo promittunt: sedent quædam in Capitolio, quæ se à Ioue amari putant: nec Iunonis quidem, si credere poetis velis, iracundissimæ respectu terrentur. Hanc libertatem Varro non habuit, tantummodo poeticam theologiam reprehendere ausus est, civilem non ausus est, quam iste concidit. Sed si verum attendamus, deteriora sunt templa, ubi hæc aguntur, quàm theatra, ubi finguntur. Vnde in his sacris civilis theologiæ has partes potius elegit Seneca sapiens, ut eas in animi religione non habeat, sed in actibusingat. Ait enim: Quæ omnia sapiens seruabit tamquam legibus iussa, non tamquam diis grata; Et paulopost: Quid quod & matrimonia, inquit, deorum innigimus, & ne piè quidem, fratrum scilicet & sororum: Bellonam Marti collocamus: Vulcano Venerem: Neptuno Salaciam: quosdam tamen cœlibes relinquimus, quasi conditio defecerit: præsertim cum quædam viduæ sint, ut Populonia, vel Fulgora, & diua Rumina, quibus non miror petitem defuisse. Omnem istam ignobilem deorum turbam, quam longo æuo, longa superstitio congeffit, sic, inquit, adorabimus, ut meminerimus cultum eius magis ad morem, quàm ad rem pertinere. Nec leges ergo illæ, nec mos, in civili theologia id instituerunt, quod diis gratum esset, vel ad rem pertineret: sed iste, quem Philosophi quasi liberum fecerunt: tamen quia ILLUSTRIS POPULI ROMANI SENATOR erat, colebat quod reprehendebat, agebat

EX LIBRIS SENECAE.

agebat quod arguebat, quod culpabat adorabat

Cap. XI. de eodem Seneca.

Hic inter alias ciuilis theologiæ superstitiones reprehendit etiam sacramenta Iudæorum, & maximè sabbata: inutiliter id eos facere affirmans, quòd per illos singulos septem interpositos dies septimam ferè partem ætatis suæ perdant vacando, & multa in tempore vrgentia non agendo lædantur. Christianos tamen iam tunc Iudæis inimicissimos, in neutram partem commemorare ausus est: ne vel laudaret contra suæ patriæ veterem consuetudinem, vel reprehenderet contra propriam forsitan voluntatem.

Ibidem.

De illis sane Iudæis cùm loqueretur, ait: Cùm interim vsque eò sceleratissimæ gentis consuetudo conualuit, vt per omnes iam terras recepta sit. Victi victoribus leges dederunt: Mirabatur hæc dicens, & quid diuinitus ageretur, ignorans. Subiecit planè sententiam, qua significaret, quid de illorum sacramentorum ratione sentiret. Ait enim: Illi tamen causas ritus sui nouerunt, & maior pars populi facit, quòd cur faciat, ignorat.

Scriptor vitæ P. Virgilij Maronis.

Seneca tradidit, Iulium Montanum poetam solitum dicere inuolaturum se quædam Virgilio, si & vocem posset, & os, & hypocrisin: eosdem enim versus, eo pronuntiante, benè sonare; sine illo, inarescere quasi mutes.

Seruius in VI. Æneid.

Seneca scripsit de situ & sacris Ægyptiorum. hic dicit, circa Sienem extremam Ægypti partem esse locum, quem Philas, hoc est Amicas vocant, ideò quòd illic est placata ab Ægyptiis Isis, quibus irascebatur, quòd membra mariti Osiridis non inueniebat, quem frater Typhon occiderat. Quæ inuenta postea cùm sepelire vellet, elegit vicinæ paludis tutissimum locum,

FRAGMENTA

locum, quem ad transitum constat esse difficilem. limosa enim est & papyris referta.

Idem Servius in IX. Æneid.


Ganges fluvius Indiæ est, qui secundum Senecam in situ Indiæ novem alueis fluit, secundum Melonem septem: qui tamen & ipse commemorat nonnullos dicere, quod tribus alueis fluat.

Priscianus lib. VII.

Seneca Ovidium sequens: Gausapa si sumpsit, gausapa sumpta proba.

Concilium Turonense II. Can. XV.

Aliqui Laici, dum diuersa perpetrant adulteria, hoc quod de se sciunt, in aliis suspicantur, sicut ait Seneca, pessimum in eo vitium esse, qui in id quod insanit, ceteros putat furere.





L. ANNÆI
SENECÆ
PHILOSOPHI
DE IRA,
AD NOVATVM.

LIB. PRIMVS.

CAPVT I.

REGISTI à me, Nouate,
vt scriberem quemadmo-
dum posset ira leniri: nec
immeritò mihi videris hunc
præcipuè affectum perti-
muisse, maximè ex omnibus tetrum
ac rabidum. Ceteris enim aliquid quie-
ti placidique inest; hic totus concita-
tus, & in impetu doloris est: armorum,
sanguinis, suppliciorum, minimè hu-
mana feruens cupiditate: dum alteri no-
ceat, sui negligens; in ipsa irruens tela;
& ultionis secum multa tracturæ avidus.
Quidam itaque è sapientibus viris iram
dixerunt breuem insaniam. æquè enim

A

impo-



impotens sui est, decoris oblita, necessitudinum immemor, in quod cœpit pertinax & intentata, rationi consiliisq; præclusa, vanis agitata causis, ad dispectum æqui verique inhabilis, ruinis simillima, quæ super id quod oppressere, franguntur. Vt autem scias non esse sanos, quos ita possedit, ipsum illorum habitum intuere. Nam ut furentium certa indicia sunt, audax & minax vultus, tristis frons, torua facies, citatus gradus, inquieta manus, color versus, crebra, & vehementius acta suspiria: ita irascentium eadem signa sunt. Flagrant, & micant oculi, multus ore toto rubor, exæstuante ab imis præcordijs sanguine; labia quatiuntur, dentes comprimuntur, horrent ac subriguntur capilli, spiritus coactus ac stridens, articulorum seipso torquentium sonus, gemitus mugitusque, & parum explanatis vocibus sermo præruptus, & complosæ sæpius manus, & pulsata humus pedibus, & totum concitum corpus, magnasque minas agens, fœda visu & horrenda facies deprauantium se, atque intumescantium. Nescias, utrum magis detestabile vitium sit; an deforme. Cetera licet abscondere, & in abdito alere: Ira se profert, & in faciem exit: quantòque maior est, hoc efferuescit manifestius. Non vides, ut omnium animalium, simul ad nocendum insurrexerunt, procurrant notæ, ac tota corpora

ra solitum quietumque egrediantur habitum, & feritatem suam exasperent? Spumant apris ora, dentes acuuntur attritu: taurorum cornua iactantur in vacuum, & arena pulsu pedum spargitur: leones fremunt, inflantur iratis colla serpentibus, rabidarum canum tristis aspectus est. Nullum est animal tam horrendum, tamque perniciosum natura, ut non appareat in illo, ubi ira inuasit, noua feritatis accessio. Nec ignoro, ceteros quoque affectus vix occultari; libidinem, metumque, & audaciam dare sui signa, & posse prænosci. neque enim vlla vehementior intra cogitatio est, quæ nihil moueat in vultu. Quid ergo interest? Quod alij affectus apparent, hic eminet.

CAP. II. Iam verò si effectus eius damnaque intueri velis, nulla pestis humano generi pluris stetit. Videbis cædes ac venena, & reorum mutuas sordes, & urbium clades, & rotarum exitia gentium, & principum sub ciuili hasta capita venalia, & subiectas tectis faces, nec intra mœnia coercitos ignes, sed ingentia spatia regionum hostili flamma relucencia. Aspice nobilissimarum ciuitatum fundamenta vix notabilia: has ira deiecit. aspice solitudines per multa milia sine habitatione desertas: has ira exhaustit. aspice tot memoriæ proditos duces, mali exempla fati. alium ira in cubili suo confodit: alium inter sacra men-

4 L. ANNÆI SENECAE

sæ ira percussit ; alium inter leges celebrisque spectaculum fori lancinavit ; alium filij patricidio dare sanguinem iussit ; alium servili manu regalem aperire iugulum ; alium in cruces membra diuidere . Et adhuc singulorum supplicia narro . quin si tibi libuerit , relictis in quos ira viritum exarsit , aspicere cæfas gladio conciones , & plebem immisso milite contrucidatam , & in perniciem promiscuam totos populos capitis damna passos , tanquam aut curam nostram deserentibus , aut auctoritatem contemnentibus . Quid gladiatoribus , quare populus irascitur , & tam iniquè , ut iniuriam putet , quòd non libenter pereunt ? contemni se iudicat , & vultu , gestu , ardore , de spectatore in aduersarium vertitur . Quidquid est , certè non est ira , sed quasi ira : sicut puerorum , qui si ceciderunt , terram verberari volunt , & sæpe nesciunt quidem , cui irascantur , sed tantùm irascuntur sine causa & sine iniuria , non tamen sine aliqua iniuriæ specie , nec sine aliqua penę cupiditate . Deluduntur itaq; imitatione plagarum , & simulatis deprecantium lacrymis placantur , & falsa vltione falsus dolor tollitur .

C A P. I I I. Irascimur , inquit , sæpe non illis qui læserunt , sed his qui læsuri sunt : ut scias iram non tantùm ex iniuria nasci . Verum est , irasci nos læsuris : sed ipsa cogitatione nos lædunt , & iniuriam
qui

qui facturus est, iam facit. Ut scias, inquit, non esse iram pœnæ cupiditatem, infirmissimi sæpe potentissimis irascuntur: nec pœnam concupiscunt, quam non sperant. Primum diximus, iram cupiditatem esse pœnæ exigendæ, non facultatem: concupiscunt autem homines, & quæ non possunt. Deinde nemo tam humilis est, qui pœnam vel summi hominis sperare non possit. ad nocendum potentes sumus. Aristotelis finitio non multum à nostra abest. ait enim, Iram esse cupiditatem doloris reponendi. Quid inter nostram & hanc finitionem intersit, exsequi longum est. contra utramque dicitur, feras irasci, nec iniuria irritatas, nec pœnæ dolorisve alieni causâ. Nam etiamsi hoc efficiunt, non hoc petunt. Sed dicendum est, feras ira carere, & omnia præter hominem. Nam cum sit inimica rationi, nusquam tamen nascitur, nisi ubi rationi locus est. Impetus habent feræ, rabiem, feritatem, incursum: iram quidem non magis, quàm luxuriam. Et in quasdam voluptates intemperantiores homine sunt. Non est quòd credas illi qui dicit: *Non aper irasci meminit, non fidere cursu Cerva, nec armentis incurrere fortibus ursi.* Irasci dicit; incitari, impingi. Irasci quidem non magis sciunt, quàm ignoscere. Muta animalia humanis affectibus carent: habent autem similes illis quosdam impulsus. Alioqui si amor in

illis esset, & odium esset; si amicitia, & simultas; si dissensio, & concordia; quorum aliqua in illis quoque exstant vestigia: ceterum, humanorum pectorum propria bona malaque sunt. Nulli nisi homini concessa prudentia est, diligentia, cogitatio: nec tantum virtutibus humanis animalia, sed etiam vitijs prohibita sunt. Tota illorum ut extra, ita intra, forma humanæ dissimilis est. Regium illud & principale parum subtile, parum exactum: ut vox est quidem, sed non explanabilis; perturbata, & inefficax: ut lingua, sed deuincta, nec in motus varios soluta. Capit ergo visus speciesque rerum, quibus ad impetus euocetur, sed turbidas, & confusas. Ex eo procursus illarum tumultusque vehementes sunt; metus autem, sollicitudinesque, & tristitia, & ira non sunt; sed his quædam similia. Ideo citò cadunt, mutantur in contrarium, & cum acerrimè sæuierunt, expaueruntque, pascuntur; & ex fremitu decursuque vafano statim quies soporque sequitur.

C A P. I V. Quid esset Ira, satis explicatum est: quo distet ab iracundia, apparet: quo ebrius ab ebrioso, & timens à timido. Iratus potest non esse iracundus: iracundus potest aliquando iratus non esse. Cetera, quæ pluribus apud Græcos nominibus in species Iram distinguunt, quia apud nos vocabula sua
 non

non habent, præteribo: etiam si amarum nos, acerbumque dicimus, nec minus stomachosum, rabiosum, clamorosum, difficilem, asperum: quæ omnia irarum differentiae sunt. Inter hos morosum ponas licet, delicatum iracundiae genus. Quædam enim sunt iræ, quæ intra clamorem confidant; quædam non minus pertinaçes, quàm frequentes; quædam sævæ manu, verbis parciores; quædam in verborum maledictorumq; amaritudinem effusæ; quædam ultra querelas & aversationes non exeunt; quædam altæ gravæque sunt, & introitus versæ. Mille aliæ species sunt mali multiplicis.

CAP. V. Quid esset Ira, quæsitum est: an in ullum aliud animal, quàm in hominem caderet: quo ab iracundia distaret, & quæ eius species sint; nunc quæramus, an Ira secundum naturam sit, & an utilis, atque ex aliqua parte retinenda. An secundum naturam sit, manifestum erit, si hominem inspexerimus: quo quid est mitius, dum in recto animi habitu est? quid autem ira crudelius est? Homine quid aliorum amantius? quid ira infectius? Homo in adiutorium mutuum generatus est: ira in exitium. Hic congregari vult, illa discedere: hic prodesse, illa nocere: hic etiam ignotis succurrere, illa etiam carissimos petere: hic aliorum commodis vel impendere se paratus est; ira in periculum, dummodo deducat, de-

scendere. Quis ergo magis naturam rerum ignorat, quàm qui optimo eius operi & commendatissimo, hoc ferum ac perniciosum vitium assignat? Ira, ut diximus, auida pœnæ est: cuius cupidinem inesse pacatissimo hominis pectori, minimè secundum eius naturam est. Beneficijs enim humana vita consistit, & concordia: nec terrore, sed mutuo amore, in fœdus auxiliumque commune constringitur. Quid ergo? non aliquando castigatio necessaria est? Quidni? sed hæc sincera, cum ratione. non enim nocet, sed medetur specie nocendi. Quemadmodum quædam hastilia detorta, ut corrigamus, adurimus, & adactis cuneis, non ut frangamus, sed ut explicemus, elidimus: sic ingenia vitio prava, dolore corporis animique corrigimus. Nempe Medicus primò in leuibus vitijs tentat, non multum ex quotidiana consuetudine inflectere, & cibis, potionibus, exercitationibus ordinem ponere, ac valetudinem tantum mutata vitæ dispositione firmare: proximum est, ut modus proficiat: si modus & ordo non proficit, subducit aliqua, & circumcidit: si ne adhuc quidem respondet; interdicat cibis, & abstinence corpus exonerat. si frustra molliora cesserunt; ferit venam, membrisque, si adhærentia nocent, & morbum diffundunt, manus affert: nec vlla dura videtur curatio, cuius salutaris effectus est. Ita legum præsidem, ciuitatisque

tisq̃ue rectorem decet, quamdiu potest, verbis, & his mollioribus, ingenia curare, vt facienda suadeat, cupiditatemque honesti & æqui conciliet animis, faciatq̃ue vitiorum odium, pretium virtutum: transeat deinde ad tristiores orationem, qua moneat adhuc & exprobet: nouissimè ad pœnas, & has adhuc leues & reuocabiles decurrat: vltima supplicia sceleribus vltimis ponat, vt nemo pereat, nisi quem perire etiam pereuntis intersit.

CAP. VI. Hoc vno medentibus erit dissimilis, quòd illi, quibus vitam non potuerunt largiri, facilem exitum præstant: hic, damnatum cum dedecore & traductione, vita exigit: non, quia delectetur vilius pœna (procul est enim à sapiente tam inhumana feritas) sed vt documentum omnium sint; & qui viuere noluerunt prodesse, morte certè eorum respublica utatur. Non est ergo natura hominis pœnæ appetens: & ideo nec ira quidem secundum naturam hominis, quia pœnæ appetens est. Et Platonis argumentum adferam: quid enim prohibet alienis uti, ex parte qua nostra sunt? Vir bonus, inquit, non lædit. pœna lædit. bono ergo pœna non conuenit: ob hoc nec ira: quia pœna iræ conuenit. Si vir bonus pœna non gaudet, non gaudebit nec eo quidem affectu, cui pœna voluptati est: ergo non est naturalis ira.

CAP. VII. Numquid, quamuis

non sit naturalis ira, assumenda est, quia utilis sæpe fuit? Extollit animos, & incitat: nec quicquam sine illa magnificum in bello fortitudo gerit, nisi hinc flamma subdita est, & hic stimulus peragita-
uit, misitque in pericula audaces. Optimum itaque quidam putant, temperare iram, non tollere: eoque detracto quod exundat, ad salutarem modum cogere: id verò retinere, sine quo languebit actio, & vis, ac vigor animi resoluetur. Primum, facilius est excludere perniciofa, quam regere: & non admittere, quam admissa moderari. Nam cum se in possessione posuerunt, potentiora rectore sunt, nec recidi se minuere patiuntur. Deinde ratio ipsa; cui fræni traduntur, tamdiu potens est, quamdiu diducta est ab affectibus: si miscuit se illis, & inquinavit, non potest continere, quos submouere potuisset. Commota enim semel & concussa mens, ei seruit, à quo impellitur. Quarundam rerum initia in nostra potestate sunt: vltiora nos sua vi rapiunt, nec regressum relinquunt. Vt in præceptis datis corporibus nullum sui arbitrium est, nec resistere morarive deiecta potuerunt, sed consilium omne & pœnitentiam irreuocabilis præcipitatio abscedit, & non licet eò non peruenire, quò non ire licuisset: ita animus, si in iram, amorem, aliosque se proiecit affectus, non permittitur reprimere impetum. rapiat illum
opor

oportet, & ad imum agat suum pondus, & vitiorum natura procliuis.

CAP. VII. Optimum est primum irritamentum iræ protinus spernere, ipsisque repugnare seminibus, & dare operam ne incidamus in iram. nam si coeperit ferre transuersos, difficilis ad salutem recursus est. Quoniam nihil rationis est, ubi semel affectus inductus est, iussque illi aliquod voluntate nostra datum est. Faciet de cetero quantum volet, non quantum permiseris. In primis, inquam, finibus hostis arcendus est: nam cum intrauit, & portis se intulit, modum à captiuis non accipit. Neque enim sepositus est animus, & extrinsecus speculatur affectus, ut illos non patiatur ultra quam oportet procedere, sed in affectum ipse mutatur; ideòque non potest utilem illam vim & salutarem, proditam iam infirmatamque, reuocare. Non enim, ut dixi, separatas ista sedes suas ductasque habent; sed affectus & ratio in melius peiusque mutatio animi est. Quomodo ergo ratio occupata & oppressa vitijs resurget, quæ iræ cessit? aut quemadmodum à confusione se liberabit, in qua peiorum mixtura præualuit? Sed quidam, inquit, in ira se continent: Vtrum ergo ita, nihil ut faciant eorum quæ Ira dicat, an ut aliquid? Si nihil faciunt, apparet non esse ad actiones rerum necessariam iram: quam vos, quasi

fortius aliquid ratione haberet, aduocatis. Denique interrogo, valentior est quàm ratio, an infirmior? Si valentior: quomodo illi modum ratio poterit imponere, cum parere nisi imbecilliora non soleant? Si infirmior est: sine hac per se ad rerum effectus sufficit ratio, nec desiderat imbecillioris auxilium. At irati quidam constant sibi, & se continent. Quomodo? cum iam ira euanesceat, & sua sponte decedit, non cum in ipso feruore est: tunc enim potentior est. Quid ergo? non aliquando in ira quoque & dimittunt incolumes intactosque quos oderunt, & à nocendo abstinere faciunt. Quomodo? cum affectus percussit affectum, aut metus, aut cupiditas aliquid imperauit. non rationis tunc beneficio quieuit, sed affectum infida & mala pace.

C A P. I X. Denique nihil habet in se vtile, nec acuit animum ad res bellicas. Nunquam enim virtus vitio adiuuanda est, se contenta. Quoties impetu opus est, non irascitur, sed exurgit, & in quantum putauit opus esse, concitatur remittiturque: non aliter, quàm quæ tormentis exprimuntur tela, in potestate mittentis sunt, in quantum torqueantur. Ita, inquit Aristoteles; necessaria est: nec quicquam sine illa expugnari potest, nisi illa impleat animum, & spiritum accendat. Utendum autem illa est, non ut duce, sed ut milite. quod est falsum. Nam si exaudit

audit rationem, & sequitur quâ ducitur, iam non est ira: cuius proprium est contumacia. Si verò repugnat, & non ubi iussa est quiescit, sed libidine ferociaque prouehitur: tam inutilis animi minister est, quàm miles, qui signum receptui datum negligit. Itaque si modum adhiberi sibi patitur, alio nomine appellanda est: definit ira esse, quam effrænata in-domitamque intelligo. si non patitur; perniciosa est, nec inter auxilia numeranda. Ita aut ira non est, aut inutilis est. Nam si quis pœnam exigit, non ipsius pœnæ audus, sed quia oportet; non est annumerandus iratis. Hic erit utilis miles, qui scit parere consilio. Affectus quidem tam mali ministri, quàm duces sunt: Ideò nunquam assumet ratio in adiutorium improuidos & violentos impetus, apud quos nihil ipsa auctoritatis habeat: quos nunquam comprimere possit, nisi pares illis similesque opposuerit: ut iræ metum, inertiae iram, timori cupiditatem.

C A P. X. Absit hoc à virtute malum, ut vnquam ratio ad vitia confugiat. Non potest hic animus fidele orium capere: quatiatur necesse est: fluctueturque, qui malis suis tutus est. qui fortis esse, nisi irascitur, non potest; industrius, nisi cupit; quietus, nisi timet: in tyrannide illi viuendum est, in alicuius affectus venientii seruitutem. Non pudet virtutes in cliente-

clientelam vitiorum demittere? Deinde definit quicquam ratio posse, si nihil potest sine affectu, & incipit par illi similisque esse. Quid enim interest, si æquè affectus inconsulta res est sine ratione, quàm ratio sine affectu inefficax? par utrumque est, ubi esse alterum sine altero non potest. Quis autem sustineat affectum exæquari rationi? Ira, inquit, utilis affectus est, si modicus est. Imò si natura utilis est, sed si impatiens imperij rationisque est, hoc duntaxat moderatione consequetur, ut quò minor fuerit, minùs noceat. Ergo modicus affectus, nihil aliud quàm malum modicum est.

C A P. X I. Sed aduersus hostes, inquit, necessaria est ira. Nusquam minùs: ubi non effusos esse oportet impetus, sed temperatos & obediētes. Quid enim est aliud, quòd Barbaros tantò robustiores corporibus, tantò patientiores laborum comminuat, nisi ira infestissima sibi? Gladiatores quoque ars tuetur, ira denuadat. Deinde quid opus est ira, cum idem perficiat ratio? An tu putas venatorem irasci feris, vel cum & fugientes persequitur, & venientes excipit? omnia illa sine ira facit ratio. Quid Cimbrorum, Theutonorumque tot millia superflua Alpibus ira sustulit, ut tantæ cladis noticiam ad suos non nuntius, sed fama pertulerit, nisi quòd erat illis ira pro virtute? quæ ut aliquando perculit, itrauitque obuia, ita sæpius.

sapius sibi exitio est. Germanis quid est animosius? quid ad incursum acrius? quid armorum cupidius? quibus innascuntur innutrienturque: quorum vnica illis cura est, in alia negligentibus. Quid indurati ad omnem patientiam? ut quibus magna ex parte non tegumenta corporum prouisa sunt, non suffugia aduersus perpetuum cœli rigorem. Hos tamen Hispani Galli que, & Asiæ Syriæ que molles bello viri, antequam legio visatur, cadunt: ob nullam rem aliam opportunos, quam ob iracundiam. Agedum, illis corporibus, illis animis delicias, luxum, opes ignorantibus, da rationem, da disciplinam: ut nihil amplius dicam, necesse erit nobis certè mores Romanos repetere. Quo alio Fabius affectas imperij vires recreauit, quam quòd cunctari, & trahere, & morari sciuit, quæ omnia irati nesciunt? Perierat imperium, quod tunc in extremo stabat, si Fabius tantum ausus esset, quantum Ira suadebat. Habuit in consilio fortunam publicam; & æstimatis viribus, ex quibus iam perire nihil sine vniuerso poterat, dolorem vltionemque seposuit: in vnam vtilitatem occasionis intentus, iram antè vicit, quam Hannibalem. Quid Scipio? nonne relicto Hannibale, Punico exercitu, omnibusque quibus irascendum erat, bellum in Africam transtulit, tam lentus, ut opinionem luxurię segnitieque malignis daret? Quid

alter

alter Scipio? non circa Numantiam multum diuque sedit, & hunc suum publicumque dolorem æquo animo tulit, diutius Numantiam quam Carthaginem vinci? quam dum circumuallat, & includit hostem, eò compulit, ut ferro ipsi suo caderent.

CAP. XII. Non est itaque utilis, nec in prælijs quidem aut in bellis Ira. Intemeritatem enim prona est: & pericula dum inferre vult, non cauet. Illa certissima est virtus, quæ se diu multumque circumspexit, & rexit; & ex lento ac destinato prouexit. Quid ergo? inquit, vir bonus non irascetur, si cædi patrem suum viderit, si rapæ matrem? Non irascetur: sed vindicabit, sed æuebitur. Quid autem times, ne parum illi magnus stimulus, etiam sine ira, pietas sit? Aut dic eodem modo; Quid ergo, cum viderit secari patrem suum, filiumve vir bonus non flebit, nec linquetur animo? quæ accidere feminis videmus, quoties illas leuis periculi suspicio perculit. Officia sua vir bonus exequitur inconfusus, intrepidus: & sic bono viro digna faciet, ut nihil faciat viro indignum. Pater cædetur? defendam. cæsus est? exsequar: quia oportet, non quia dolet. Cum hoc dicis Theophraste, quæris inuidiam præceptis fortioribus, & relicto iudice, ad coronam venis. quia vnusquisque in eiusmodi suorum casu irascitur, putas iudicatos.

caturus homines id fieri debere, quod faciunt. Ferre enim iustum quisque affectum iudicat, quem agnoscit. Irascuntur boni viri pro suorum iniurijs ? sed idem faciunt, si calida non benè præbeatur, si vitrum fractum est, si calcens luto sparsus est. Non pietas illam iram, sed infirmitas mouet: sicut pueri, qui tam parentibus amissis flebunt, quàm nuci-
bus. Irasci pro suis, non est pij animi, sed infirmi. Illud pulchrum dignumque, parentibus, liberis, amicis, ciuibus prodire defensorem, ipso officio ducente: volentem, iudicantem, prouidentem, non impulsum & rabidum. Nullus enim affectus vindicandi cupidior est, quàm ira: & ob id ipsum ad vindicandum inhabilis, prærapida & amens: ut omnis fere cupiditas ipsa sibi in id, in quod properat, opponitur. Itaque nec in pace, nec in bello, vnquam bona fuit. Pacem enim similem belli efficit: in armis verò obliuiscitur Martem esse communem, venitque in alienam potestatem, dum in sua non est. Deinde non ideo vitia in vsum recipienda sunt, quia aliquando aliquid boni effecerunt. nam & febres quædam genera valetudinis leuant: nec ideo non ex toto illis caruisse melius est. Abominandum remedij genus est, sanitatem debere morbo. Simili modo ira, etiamsi aliquando, ut venenum, & præcipitatio, & naufragium, ex inopinato profuit, non
ideo

ideo salutaris omnino iudicanda est . sæpe enim salutis fuere pestifera .

C A P. XIII. Deinde quæ habenda sunt in bonis, quò maiora , eò meliora & optabiliora sunt . Si iustitia bonum est , nemo dicet meliorem futuram , si quid detractum ex ea fuerit ; si fortitudo bonum est , nemo illam desiderabit ex aliqua parte deminui ; ergo & ira quo maior , hoc melior , quis enim vllius boni accessionem recusauerit ? atqui augeri illam inutile est ; ergo & esse . Non est bonum , quod incremento malum fit . Vtilis, inquit, ira est, quia pugnaciores facit . Isto modo & ebrietas . Facit enim proteruos & audaces : multique meliores ad ferrum fuere malè sobrij . Isto modo, dic & phrenesim & insaniam viribus necessariam : quia sæpe validiores furor reddit . Quid ? non aliquoties metus è contrario fecit audacem ? & mortis timor etiam incertissimos excitauit in prælium ? Sed ira, ebrietas, timor , aliàque eiusmodi , scæda & caduca irritamenta sunt ; nec virtutem instruunt, quæ nihil vitijs eget, sed segnem aliquando animum & ignauum paululum alleuant . Nemo irascendo fit fortior, nisi qui fortis sine ira non esset . Ita non in adiutorium virtutis venit , sed in vicem . Quid quod , si bonum esset ira , perfectissimum quemque sequeretur ? at qui iracundissimi , infantes , senesque , & acri sunt , & inualidum omne natura queru-

querulum est.

C A P. X I V. Non potest , inquit Theophrastus , fieri , ut ne bonus vir irascatur malis . Isto modo , quo melior quisque , hoc iracundior erit ? Vide ne contra placidior , solutusque affectibus , & cui nemo odio sit . Peccantes verò quid habet cur oderit , cum error illos in huiusmodi delicta compellat ? non est autem prudentis , errantes odisse : alioquin ipse sibi odio erit . Cogitet quàm multa contra bonum morem faciat , quàm multa ex his quæ egit , veniam desiderent : Iam irascetur etiam sibi . Neque enim æquus iudex aliam de sua , aliam de aliena causa , sententiam fert . Nemo , inquam , inuenitur , qui se possit absolvere : & innocentem quisque se dicit , respiciens testem , non conscientiam . Quantò humanius , mitem & pacatum animum prestare peccantibus : & illos non persequi , sed reuocare ? Errantem per agros ignorantia viæ , melius est ad rectum iter ad-mouere , quàm expellere . Corrigeandus est itaque qui peccat , & admonitione , & vi , & molliter , & asperè : meliorque tam sibi quàm alijs faciendus , non siue castigatione , sed siue ira . Quis enim cui mēdetur , irascitur ?

C A P. X V. At corrigi nequeunt , nihilque in illis spei bonæ capax est . Tollā-tur è coetu mortalium , facturi pciora quæ contingunt : & quo vno modo possunt ,
desi-

desinant mali esse: sed hoc sine odio: Quid enim est cui oderim eum, cui tum maximè profum, cùm illum sibi eripio? Num quis membra sua odit, tunc cùm abscindit? non est illa ira, sed misera curatio. Rabidos effligimus canes, trucem atque immansuetum bouem cædimus, & morbidis pecoribus, ne gregem polluant, ferrum demittimus, portentosos foetus extinguimus, liberos quoque, si debiles monstrosique editi sunt, mergimus. Non ira, sed ratio est, à sanis inutilia secerare. Nil minùs quam irasci punientem decet: cum eò magis ad emendationem pœna proficiat, si iudicio lata est. Inde est, quòd Socrates seruo ait: Cæderem te, nisi irascerer. Admonitionem serui in tempus saniùs distulit, illo tempore se admonuit. Cuius erit temperatus affectus, cùm Socrates non sit ausus se iræ committere? Ergo ad coercitionem errantium, sceleratorumque, irato castigatore non opus est. Nam cùm Ira delictum animi sit, non oportet peccata corrigere peccantem.

C A P. XVI. Quid ergo? non irascar latroni? non irascar venefico? Non. Neque enim mihi irascar, cùm sanguinem mitto. Omne pœnæ genus, remedij loco admoveo. Tu adhuc in prima parte versaris errorum, nec grauitè laberis, sed frequenter: Obiurgatio te primùm secreta, deinde publica emendare tentabit.

tabit. Tu longius iam processisti, quàm
ut possis verbis sanari: Ignominia non
contineberis. Tibi fortius aliquid &
quod sentias, inurendum est: in exilium,
& loca ignota mitteris. In te duriora re-
media iam solida nequitia desiderat: &
vincula publica, & carcer adhibebitur:
Tibi insanabilis animus est, & sceleribus
scelera contexens: & iam non causis, quæ
nunquam malo defuturæ sunt, impelle-
ris, sed satis tibi est magna ad peccandum
causa, peccare. Perbibisti nequitiam, &
ita visceribus immiscuisti, ut nisi cum ip-
sis exire non possit. Olim miser mori
quæris. bene de te merebimur: Aufere-
mus tibi istam, qua vexatus, insaniam, &
per tua alienaque volutato supplicia, id,
quod vnum bonum tibi superest, repræ-
sentabimus, mortem. Quare irascat, cui
cum maximè prosum? Interim optimum
misericordiæ genus est, occidere. Si in-
trassem valetudinarium exercitatus &
sciens, aut domum diuitis, non idem im-
perassem omnibus, per diuersa ægrotan-
tibus. Varia in tot animis vitia video, &
ciuitati curandæ adhibitus sum: pro cu-
iusque morbo medicina queratur. Hunc
sanet verecundia, hunc peregrinatio,
hunc dolor, hunc egestas, hunc ferrum.
Itaque etsi peruersa induenda magistra-
tui vestis, & conuocanda classico concio
est: procedam in tribunal, non furens, nec
infestus, sed vultu legis: & illa solennia
verba



verba, seuera magis grauique, quàm rabi-
 da voce concipiam. & agi iubebo non
 iratus, sed seuerus. Et cùm ceruicem no-
 xio præcidi imperabo, & cùm parcidam
 in suam culleo, & cùm mittam in suppli-
 cium militare, & cùm Tarpeio prodito-
 rem hostemve publicum imponam, sine
 ira, eo vultu animoque ero, quo serpen-
 tes, & animalia venenata percutio. Ira-
 cundia opus est ad puniendum. Quid ti-
 bi videtur lex irasci his quos non nouit,
 quos non vidit, quos non futuros sperat?
 Illius itaque sumendus est animus, quæ
 non irascitur, sed constituit. Nam si bo-
 no viro ob mala facinora irasci conuenit,
 & ob secundas res malorum hominum
 inuidere conueniet. Quid enim est indi-
 gnus, quàm florere quosdam, & eos in-
 dulgentia fortunæ abuti, quibus nulla po-
 test satis mala inueniri fortuna? Sed tam
 commoda illorum sine inuidia videbit,
 quàm scelera sine ira. Bonus iudex dam-
 nat improbanda, non odit. Quid ergo?
 non cùm eiusmodi aliquid sapiens habe-
 bit in manibus, tãgetur animus eius, erit-
 que solito commotior? Fateor. Sentiet le-
 nem quendam, tenuemque motum. Nam,
 vt dixit Zeno, in sapientis quoque animo,
 etiam cùm vulnus sanatum est, cicatrix
 manet. Sentiet itaque suspiciones quas-
 dam & umbras affectuum: ipsis quidem
 carebit. Aristoteles ait, affectus quos-
 dam, si quis illis benè vtatur, pro armis
 esse

esse . Quod verum foret , si velut bellica instrumenta sumi deponique possent , induentis arbitrio . Hæc arma quæ Aristoteles virtuti dat , ipsa per se pugnant , non expectant manum . habent , & non habentur . Nil alijs instrumentis opus est : Satis nos instruxit ratione Natura . Hæc dedit telum , firmum , perpetuum , obsequens , nec anceps , nec quod in dominum remitti posset . Non ad prouidendum tantum , sed ad res gerendas satis est per se ipsa ratio . Etenim quid est stultius , quàm hanc ab iracundia petere præsidium : rem stabilem ab incerta , fidellem ab infida , sanam ab ægra ? Quid , quòd ad actiones quoque , in quibus solis opera iracundiæ videtur necessaria , multò per se ratio fortior est ? Nam cùm iudicauit aliquid faciendum , in eo perseuerat . nihil enim melius inuentura est seipsa , quo mutetur : ideo stat semel constitutis . Iram sæpè misericordia retrò egit . habet enim non solidum robur , sed vanum tumorem : violentisquæ principijs vtitur , non aliter quàm qui à terra venti surgunt , & fluminibus paludibusquæ concepti , sine pertinacia vehementes sunt . Incipit magno impetu , deinde deficit ante tempus fatigata : & quæ nihil aliud quàm crudelitatem ac noua genera pœnarum versauerat ; cùm animaduertendum est , iam infracta lenisquæ est . Affectus citò cadit : æqualis est ratio . Ceterum etiam vbi perseueraverit

uerit ira, nonnunquam si plures sunt, qui perire meruerunt, post duorum triumve sanguinem, occidere definit. Primi eius ictus acres sunt, sicut serpentium venena à cubili repentium nocent: innoxij dentes sunt, cum illos frequens morsus exhaust. Ergo non paria patiuntur, qui paria commiserant: & sæpe qui minus commisit, plus patitur; quia recentiori iræ obiectus est, & in totum inæqualis est. modò vltra quàm oportet, excurrit, modò ceteriùs debito resistit. Sibi enim indulget, ex libidine iudicat, & audire non vult, & patrociniò non relinquit locum, & ea tenet quæ inuasit, & eripi sibi iudicium suum, etiam si prauum est, non sinit. Ratio utrique parti locum dat, & tempus dat. Deinde aduocationem etiam sibi petit, ut excutiendæ spatium veritati habeat: ira festinat. Ratio id iudicari vult, quod æquum est: ira id æquum videri vult, quod iudicauit. Ratio nihil præter ipsum, de quo agitur, spectat: ira vanis & extra causam obuersantibus commouetur. Vultus illam securior, vox clarior, sermo liberior, cultus delicatior, aduocatio ambitiosior, fauor popularis exasperat. Sæpè infesta patrono, reum damnat: etiam si ingeritur oculis veritas, amat & tuetur errorem: coargui non vult: & in malè cœptis, honestior illi peritinaia videtur, quàm pœnitentia. Cn. Piso fuit memoria nostra, vir à multis vi-

tiji

tijs integer, sed prauus, & cui placebat pro constantia rigor. Is cum iratus duci iussisset eum, qui ex commeatu sine commilitone redierat, quasi interfecisset, quem non exhibebat, roganti tempus aliquod ad conquiendum, non dedit. damnatus extra vallum ductus est, & iam ceruicem porrigebat, cum subito apparuit ille commilito, qui occisus videbatur. Tunc centurio supplicio prepositus, condere gladium speculatorem iubet: damnatum ad Pisonem reducit, redditurus Pisoni innocentiam. nam militem fortuna reddiderat. Ingenti concursu deducuntur, complexi alter alterum, cum magno gaudio castrorum, commilitones. Conscendit tribunal furens Piso, ac iubet duci utrumque, & eum militem qui non occiderat, & eum qui non perierat. Quid hoc indignius? quia vnus innocens apparuerat, duo peribant: Piso adiecit & tertium. Nam ipsum centurionem, qui damnatum reduxerat, duci iussit. Constituti sunt in eodem illo loco perituri tres, ob vnus innocentiam. O quam solers est iracundia, ad fingendas causas furoris! Te, inquit, duci iubeo, quia damnatus es: te, quia causa damnationis commilitoni fuisti: te, quia iussus occidere, Imperatori non paruisti. Excogitauit quemadmodum tria crimina faceret, quia nullum inuenerat. Habet, inquam, iracundia hoc mali, non vult regi. Irascitur verita-

B

ti

ti ipsi, si contra voluntatem suam appa-
 ruerit: clamore, & tumultu, & totius cor-
 poris iactatione, quos destinavit, inse-
 quitur, adiectis conuicijs maledictisque.
 Hoc non facit ratio: sed si ita opus est, si-
 lens quictaque, totas domos funditus
 tollit, & familias Reipublicæ pestilentes
 cum coniugibus ac liberis perdit, tecta
 ipsa diruit, & solo exæquat; & inimica
 libertati nomina extirpat. Hæc non
 frendens, nec caput quassans, nec quic-
 quam indecorum iudici faciens, cuius
 tum maximè placidus esse debet & in
 statu vultus, cum magna pronuntiat.
 Quid opus est, inquit Hieronymus, cum
 velis cedere aliquem, prius tua labia
 mordere? Quid si ille vidisset, defilien-
 tem de tribunali proconsulem, & fasces li-
 ctori auferentem, & sua vestimenta scin-
 dentem, quia tardiùs scindebantur aliena?
 Quid opus est mensam euertere? quid
 pocula affligere? quid se in columnas im-
 pingere? quid capillos euellere? femur
 pectusque percutere? Quantam iram pu-
 tas, quæ quia non tam citò in alium quam
 vult, erumpit, in se reuertitur? Teneatur
 itaque à proximis, & rogatur, ut ipse sibi
 placetur: quorum nihil facit, quisquis
 vacuus ira, meritam cuique pœnam in-
 iungit. Dimittit sæpè eum, cuius pecca-
 tum deprehendit, si penitentia facti spem
 bonam pollicetur; si intelligit, non ex al-
 to venire nequitiam, sed summo, quod
 aiunt,

aiunt, animo inhaerere. Dabit impunitatem, nec accipientibus nocituram, nec dantibus. Nonnunquam magna scelera leuius, quàm minora compescet: si illa lapsi, non crudelitate commissa sunt; his inest latens & operta, & inueterata calliditas. Idem delictum in duobus non eodem modo afficiet, si alter per negligentiam admisit, alter curauit ut nocens esset. Hoc semper in omni animaduersione seruabit, ut sciat alteram adhiberi, ut emendet malos: alteram, ut tollat. In utroque non praterita, sed futura intuebitur. Nam, ut Plato ait, Nemo prudens punit, quia peccatum est, sed ne peccetur. Renocari enim praterita non possunt: futura prohibentur. & quos uolet nequitiae male cedentis exempla fieri, palàm occidet; non tantum ut pereant ipsi, sed ut alios pereundo deterreant. Hæc cui expendenda, estimandaque sunt; vides quàm debeat omni perturbatione liber accedere ad rem summa diligentia tractandam, potestatem vitæ necisque. Malè irato ferrum committitur. Ne illud quidem iudicandum est, aliquid iram ad magnitudinem animi conferre. Non est enim illa magnitudo, tumor est: nec corporibus copia vitiosi humoris intensus, morbus incrementum est, sed pestilens abundantia. Omnes quos vācors animus supra cogitationes extollit humanas, altum quidem & sublime sperare se credunt: ce-

terum nihil solidi subest, sed in ruinam prona sunt, quæ siue fundamentis crevere. Non habet ira cui insistant. non ex firmo mansuroque oritur, sed ventosa & inanis est: tantumque abest à magnitudine animi, quantum à fortitudine audacia, à fiducia insolentia, ab austeritate tristitia, à seueritate crudelitas. Multum, inquam, interest inter sublimem animum, & superbum. Iracundia nihil amplum decorumque molitur. Contra, mihi videtur veterinosi & infelicis animi, imbecillitatis sibi conscij, sapè indolescere. Vt exulcerata & ægra corpora, ad ictus leuissimos gemunt; ita muliebri maximè & puerile vitium est. At incidit & in viros. nam viris quoque puerilia ac muliebria ingenia sunt. Quid ergo? non aliquæ voces ab iratis emittuntur, quæ magno emissæ videantur animo, veram ignorantibus magnitudinem? qualis illa dita & abominanda: Oderint, dum metuant. Sullano scias sæculo scriptam. Nescio vtrum sibi peius optauerit, ut odio esset, an ut timori. Oderint. Occurrit illi futurum, ut execrentur, insidientur, opprimant. Quid adijcit? Dij illi malefaciant, adeo reperit dignum odio remedium. Oderint. Quid? dum pareant? non. dum probent? non. Quid ergo? dum timeant. Sic nec amari quidem vellem. Magno hoc dictum spiritu putas? falleris. nec enim magnitudo illa est, sed immanitas. Non est quod credas

credas irascentium verbis: quorum strepitus magni, minaces sunt, intus mens pauidissima. Non est quod existimes verum esse, quod apud disertissimum virum Liuium dicitur, Vir ingenij magni magis quàm boni. Non potest illud separari: aut magnum & bonum erit, aut nec magnum. quia magnitudinem animi inconcussam intelligo, & introrsus solidam, ab imo parem firmamque: qualis inesse malis ingenijs non potest. Terribilia enim esse, & tumultuosa, & exitiosa possunt: magnitudinem quidem, cuius firmamentum roburque bonitas est, non habebunt: ceterum sermone, conatu, & omni extra paratu facient magnitudinis fidem. Eloquentur aliquid, quod tu magni putes sicut C. Cæsar. qui iratus cælo quod obstreperet pantomimis, quos imitabatur studiosius quàm spectabat, quodque commensatio sua fulminibus terreretur, prorsus parum certis: ad pugnam vocauit Iouem, & quidem sine missione, Homericum illum exclamans versum, *ἢ μὲν ἀνάνη, ἢ ἐγώ σθ'.* Quanta dementia fuit? putauit, aut sibi noceri ne à Ioue quidem posse, aut se nocere etiam Ioui posse. Non puto parum momenti hanc eius vocem ad incitandum coniuratorum animos addidisse. vltimæ enim patientiæ visum est, eum ferre, qui Iouem non ferret. Nihil ergo in ira, ne cum videtur quidem vehemens, deos hominesque despiciens.

magnum, nihil nobile est: aut si videtur alicui magnum animum ira, producere, videatur & luxuria. Ebore sustineri vult, purpura vestiri, auro regi, terras transferre, maria concludere, flumina præcipitare, nemora suspendere. Videatur & avaritia magni animi, aceruis auri argenti, quæ incubat, & provinciarum nominibus agros colit, & sub singulis villicis latiores habet fines, quàm quos Consules isoriebantur. Videatur & libido magni animi, transnatat freta, puerorum greges castrat, sub gladium mariti venit vxor, morte contempta. Videatur & ambitio magni animi, non est contenta honoribus annuis: si fieri potest, vno nomine occupare fastos vult, per omnem orbem titulos disponere. Omnia ista non refert, in quantum procedant, extendantque se: angusta sunt, misera, depressa. Sola sublimis & excelsa virtus est: nec quicquam magnum est, nisi quod simul & placidum.

LIBER SECVNDVS.

CAPVT I.

PRIMVS liber, Nouate, benigniorem habuit materiam, facilis enim in procliuia vitiorum decursus est. nunc ad exiliora veniendum est. Quærimus enim, vtrum ira iudicio, an impetu incipiat: id est, vtrum sua sponte moueatur, an quemadmodum

modum pleraque, quæ intra nos inscijs nobis oriuntur. Debet autem in hæc se demittere disputatio, ut ad illa quoque altiora possit exsurgere. Nam & in corpore nostro ossa, neruique & articuli, firmamenta totius, & vitalia, minimè speciosa visu, prius ordinantur: deinde hæc, ex quibus omnis in faciem aspectumque decor est: post hæc omnia, qui maximè oculos rapit color, ultimus perfecto iam corpore affunditur. Iram quin species oblata iniuriæ moueat, non est dubium: sed utrum speciem ipsam statim sequatur, & non accedente animo excurrat, an illo assentiente moueatur, querimus. Nobis placet, nil ipsam per se audere, sed animo approbante. Nam speciem capere acceptæ iniuriæ, & ultionem eius concupiscere, & utrumque coniungere, nec lædi se debuisse, & vindicari debere, non est eius impetus, qui sine voluntate nostra concitetur. Ille simplex est: hic compositus, & plura continens. Intellexit aliquid, indignatus est, damnavit, ulciscitur. hæc non possunt fieri, nisi animus eius qui tangebatur, assensus est.

CAP. II. Quorsus, inquis, hæc questio pertinet? ut sciamus, quid sit ira. Nam si iniuris nobis nascitur, nunquam rationi succumbet. Omnes enim motus, qui non voluntate nostra sunt, inuicti & inevitabiles sunt: ut horror frigida asperies, ad quosdam ictus aspernatio, ad peio-

res nuntios subriguntur pili, & rubor ad improba verba suffunditur, sequiturque vertigo prærupta cernentes. Quorum quia nihil in nostra potestate est, nulla, quominus fiant, ratio persuadet: Ira præceptis fugatur. Est enim voluntarium animi vitium, non ex his quæ conditione quadam humanæ sortis eueniunt; ideoque etiam sapientissimis accidunt. Inter quæ & primus ille ictus animi ponendus est, qui nos post opinionem iniuriæ mouet. Hic subit etiam inter ludicra scenæ spectacula, & lectiones rerum vetustarum. sæpè Clodio Ciceronem expellenti, & Antonio occidenti, videmur irasci. Quis non contra Marij arma, & contra Sullæ proscriptionem concitatur? Quis non Theodoto & Achillæ, & ipsi puero, non puerile auso facinus, infestus est? Cantus nos nonnunquam & concitata modulatio instigat: Martius quoque ille tubarum sonus mouet mentes, & atrox pictura, & iustissimorum suppliciorum tristis aspectus. Inde est, quod arridemus arridentibus, & contristat nos turba mœrentium, & effervesceamus ad aliena certamina: quæ non sunt iræ, non magis quàm tristitia est, quæ ad conspectum inimici naufragi contrahit frontem: non magis quàm timor, qui Hannibale post Cannas. mœnia circumfidente, lectoris percutit animum: sed omnia ista motus sunt animorum moueri volentium,

tium, nec affectus, sed principia præludentia affectibus. Sic enim militaris viri, in media pace iam togati aures tuba fuscitat, equosque castrenses erigit crepitus armorum. Alexandrū aiunt, Xenophanto canente, manū ad arma misisse.

C A P. III. Nihil ex his quæ animum fortuitu impellunt, affectus vocari debet: ista, vt ita dicam, patitur magis animus, quàm facit. Ergo affectus est, non ad oblatas rerum species moueri, sed permittere se illis: & hunc fortuitum motum persequi. Nam si quis pallorem, & lacrimas procidentem, & irritationem humoris obscœni, altūve suspirium, & oculos subitò acriores, aut quid his simile, indicium affectus, animique signum putat, fallitur, nec intelligit, hos corporis esse pulsus. Itaque & fortissimus plerumque vir, dum armatur, expalluit: & signo pugnae dato, ferocissimo militi paululū genua tremuerunt: & magno Imperatori, antequàm inter se acies arietarent, cor exiluit: & oratori eloquentissimo, dum ad dicendum componitur, summa riguerunt. Ira non moueri tantum, sed excurrere debet. est enim impetus. nunquam autem impetus sine assensu mentis est: neque enim fieri potest, vt de ultione & pœna agatur, animo nesciente. Putauit se aliquis læsum, voluit vilesce: dissuadente aliqua causâ, statim refedit. Hanc, iram non voco, sed motum animi, rationi præ-

tentem. Illa est ira, quæ rationem transfilit, quæ secum rapit. Ergo illa prima agitatio animi, quam species iniuriæ incussit, non magis ira est, quàm ipsa iniuriæ species: sed ille sequens impetus, qui speciem iniuriæ non tantùm accepit, sed approbavit. Ira est concitatio animi, ad ultionem voluntate & iudicio pergentis. Nunquid dubium est, quin timor fugam habeat, ira impetum? Vide ergo, an putes aliquid sine assensu mentis aut peti posse, aut caueri.

CAP. IV. Et ut scias, quemadmodum incipiant affectus, aut crescant, aut efferantur; est primus motus non voluntarius quasi præparatio affectus, & quædam comminatio. alter cum voluntate non contumaci, tanquam oporteat me vindicari, cum læsus sim: aut oporteat hunc penas dare, cum scelus fecerit. tertius motus est iam impotens, qui non, si oportet, ulcisci vult: sed utique, qui rationem euicit. Primum illum animi ictum effugere ratione non possumus: sicut ne illa quidem, quæ diximus accidere corporibus, ne nos oscitatio aliena sollicitet, ne oculi ad intentionem subitam digitorum comprimantur. Ista non potest ratio vincere: consuetudo fortasse, & assidua observatio extenuat. Alter ille motus, qui iudicio nascitur, iudicio tollitur.

CAP. V. Illud etiam in quærendum est. Hi qui vulgò sæviunt, & sanguine

ne humano gaudent, an irascantur, cum eos occidunt, à quibus nec acceperunt iniuriam, nec accepisse se existimant: qualis fuit Apollodorus, aut Phalaris. Hæc non est ira: feritas est. non enim quia accepit iniuriam, nocet: sed parata est, dum noceat, velle accipere. nec illi verbera lacerationesque in ultionem petuntur, sed in voluptatem. Quid ergo? Origo huius mali ab ira est: quæ ubi frequenti exercitatione & satietate in obliuionem clementiæ venit, & omne fœdus humanum eiecit animo, nouissimè in crudelitatem transit. Rident, itaque, gaudentque, & voluptate multa perfruuntur, plurimumque ab iratorum vultu absunt, per otium læui. Hannibalem aiunt dixisse, cum fossam sanguine humano plenam vidisset: O formosum spectaculum! Quantò pulchrius illi visum esset, si flumen aliquod lacumque compleisset? Quid mirum, si hoc maximè spectaculo caperis innatus sanguini, & ab infante cadibus admotus? sequetur te fortuna crudelitatis tuæ per viginti annos secunda, dabitque oculis tuis gratum ubique spectaculum. videbis istud & circa Trasimenum, & circa Cannas, & nouissimè circa Carthaginem tuam. Volesus nuper sub diuo Augusto proconsul Asiæ, cum CCC. vna die securi percussisset, incedens inter cadauera vultu superbo, quasi magnificum quiddam conspiciendumque fecisset, Græcè præ-

clamavit: O rem regiam! Quid hic rex fecisset? non fuit hæc ira, sed maius malum, & insanabile.

CAP. VI. Virtus, inquit, ut honestis rebus propitia est; ita turpibus irata esse debet. Quid si dicatur, virtutem & humilem & magnam esse debere? at qui hæc dicit, illam extolli vult, & deprimi: quoniam lætitia ob rectè factum, clara magnificaque est; ira ob alienum peccatum, sordida & angusti pectoris est: nec unquam committet virtus, ut vitia, dum compefcit, imitetur. ipsam iram castigandam habet, quæ nihilo melior est, sæpè etiam peior his delictis quibus irascitur: Gaudere latarique, proprium & naturale virtutis est: irasci non est ex dignitate eius, non magis quàm mœrere. Atqui iracundiæ tristitia comes est: & in hanc omnis ira vel post pœnitentiam, vel post repulsam reuoluitur. Et si sapientis est, peccatis irasci, magis irascetur maioribus, & sæpè irascetur. sequitur, ut non tantùm iratus sit sapiens, sed iracundus. Atqui si nec magnam iram, nec frequentem, in animo sapientis locum habere credimus: quid est, quare non ex toto hoc affectu illum liberemus? modus inquam esse non potest, si pro facto cuiusque irascendum est. Nam aut iniquus erit, si æqualiter irascetur delictis inæqualibus: aut iracundissimus, si toties ex-eanduerit, quoties iram scelera meruerint.

rint. Et quid indignius, quàm sapientis affectum ex aliena pendere nequitia? desinet ille Socrates posse eundem vultum domum referre, quem domo extulerat.

CAP. VII. Atqui si irasci sapiens debet turpiter factis, & concitari tristari què ob scelera, nihil est ærumnosius sapiente. omnis illi per iracundiam mœrorem què vita transibit. Quod enim momentum erit, quo non improbanda videat? quoties processerit domo, per sceleratos illi, avaros què, & prodigos, & impudentes, & ob ista felices, incedendum erit: nusquam oculi eius flectentur, ut non quod indignantur, inueniant. Deficiet, si toties à se iram, quoties causla poscet, exegerit. Hæc tot millia ad forum prima luce properantia, quàm turpes lites, quantum turpiores aduocatos habent? Alius rudicia patris accusat, quæ mereri satius fuit: alius cum matre consistit: alius delator venit eius criminis, cuius manifestior reus est. & iudex damnaturus quæ fecit, eligitur: & corona pro mala causla, bona patroni voce corrupta. Quid singula persequor? cùm videris forum multitudine refertum, & Septa concursu omnis frequentia plena, & illum Circum, in quo maximam sui partem populus ostendit: hoc scito, istic tantundem esse vitiorum, quantum hominum. Inter istos quos togatos vides, nulla pax est: alter in alterius exitum leui compendio ducitur.

CAP.

CAP. VIII. Nulli nisi ex alterius damno quæstus est : felicem oderunt , infelicem contemnunt : maiore grauantur , minori graues sunt : diuersis stimulantur cupiditatibus : omnia perdita ob leuem voluptatem prædamque cupiunt : Non alia quam in ludo gladiatorio vita est , cum ipsi dem viuentium pugnantiumque . Ferarum iste conuentus est : nisi quod illæ inter se placidæ sunt , morsuque similium abstinent , hi mutua laceratione satiantur . hoc vno ab animalibus mutis differunt , quod illa mansuescunt alentibus , horum rabies ipsos à quibus est nutrita , depascitur . Nunquam irasci desinet sapiens , si semel cœperit . omnia sceleribus ac vitijs plena sunt . plus committitur , quam quod possit coercitione sanari . Certatur ingenti quodam nequitiæ certamine : maior quotidie peccandi cupiditas , minor verecundia est . Expulso melioris æquiorisq; respectu , quocumque visum est , libido se impingit , nec furtiua iam scelera sunt : præter oculos eunt , adeoque in publicum missa nequitia est , & in omnium pectoribus euahit , vt innocentia non rara , sed nulla sit . Numquid enim singuli aut pauci rupere legem ? vndique , velut signo dato , ad fas nefasq; miscendum coorti sunt .

Non hospes ab hospite tutus,

*Non socer à genero , fratrum quoque gratia
rara est.*

Imminet exitio vir coniugis , illa mariti.

Luri.

Lurida terribiles miscent aconita nonerca.

Filius ante diem patrios inquirat in annos.

Et quota pars ista scelerum est? non descripsit castra ex vna parte contraria, parentum liberorumque sacramenta diuersa, subiectam patriæ ciuis manu flammam, & agmina infestorum equitum ad conquirendas proscriptorum latebras circumuolitantia, & violatos fontes venenis, & pestilentiam manu factam, & præductam obsessis parentibus fossam, plenos carceres, & incendia totas vrbes concremantia, dominationesque funestas, & regnorum publicorumque exitiorum clandestina consilia: & pro gloria habita, quæ quamdiu opprimi possuit, scelera sunt: raptus ac stupra, & hæc omnia quidem libidini exceptum.

CAP. IX. Adde nunc publica per iuria gentium, & rupta fœdera, & in prædam validioris quicquid non resistebat, abductum; circumscriptioes, furta, fraudes, inficiationes, quibus trina non sufficiunt fora. Si tantum irasci vis sapientem, quantum scelèrum indignitas exigit non irascendum illi, sed insaniendum est. Illud potius cogitabis, non esse irascendum erroribus. quid enim si quis irascatur in tenebris parum vestigia certa potentibus? quid si quis surdis, imperia non exaudientibus? quid si pueris, quod neglecto dispectu officiorum, ad lusus & ineptos æqualium iocos spectent? quid si
illis

illis irasci velis, qui aegrotant, senescunt, fatigantur? Inter cetera mortalitatis incommoda, & hæc est caligo mentium: nec tantum necessitas errandi, sed errorum amor. Ne singulis irascaris, vniuersis ignoscendum: generi humano venia tribuenda est. Si irasceris, iuuenibus senibusque, quod peccant: irascere infantibus, quod peccaturi sunt. Num quis irascitur pueris: quorum ætas nondum nouit rerum discrimina? Maior est excusatio & iustior, hominem esse; quam puerum. Hac conditione nati sumus, animalia obnoxia non paucioribus animi, quam corporis morbis: non quidem obtusa, nec tarda, sed acutissime nostro male uentia, alter alteri vitiorum exempla. Quisque sequitur priores, male iter ingressos, quidni habeant excusationem, cum publica via errauerint?

CAP. X. In singulos seueritas Imperatoris distringitur: at necessaria venia est, ubi totus deseruit exercitus. Quid tollis iram sapientis? turba peccantium. Intel- ligit quam iniquum sit, & periculosum, irasci publico vitio. Heraclitus quoties prodierat, & tantum circa se male uiuentium, imo male pereuntium viderat, flebat, miserebatur omnium, qui sibi læti felicesque occurrebant, miti animo, sed nimis imbecillo: & ipse inter deplorandos erat. Democritum contra aiunt, nunquam sine risu in publico fuisse: adeo ni-

hil illi videbatur ferium eorum, quæ feriõ gerebantur. Vbi istic iræ locus est? aut ridenda omnia, aut flenda sunt. Non irascetur sapiens peccantibus. Quare? quia scit neminem nasci sapientem, sed fieri. scit paucissimos omni quo sapientes euadere: quia conditionem humanæ vitæ perspectam habet: nemo autem naturæ sanus irascitur. Quid enim si mirari velit, non in siluestribus dumis poma pendere? Quid si miretur spineta sentesque non vtili aliqua fruge compleri? nemo irascitur, vbi vitium natura defendit. Placidus itaque sapiens & æquus erroribus, non hostis, sed correptor peccantium, hoc quotidie procedit animo. Multi mihi occurrent vino dediti, multi libidinosi, multi ingrati, multi auari, multi furiis ambitionis agitati. Omnia ista tam propitius aspiciet, quàm ægros suos medicus. Nunquid ille, cuius nauigium multam, vndique laxatis compagibus, aquam trahit, nautis ipsique nauigio irascitur? occurrit potiùs, & aliam excludit vndam, aliam egerit; manifesta foramina præcludit, latentibus & ex occulto sentinam ducentibus labore continuo resistit; nec ideò intermittit, quia quantum exhaustum est, subnascitur. Lento adiutorio opus est contra mala continua & fœcunda; non vt desinant, sed ne vincant.

C A P. XI. Vtilis est, inquit, ira: quia contemptum effugit, quia malos terret.

Pri.

Primam ira & quantum minatur, valet; ob hoc ipsum quia terribilis est, & inuisa est. Periculosius est autem timeri, quam despici. Si verò sine viribus est, magis exposita contemptui est, & derisum non effugit. quid enim est iracundia in superuacuum tumultuante frigidius? Deinde non ideo quædam, quia terribiliora, potiora sunt: nec hoc sapientis dici velim, quod ferè quoque telum est, timeri. Quid? non timetur febris, podagra, vlcus malum? nunquid ideo quicquam in istis boni est? an contrà, omnia despecta, & feæda, & turpia, ipso quo timentur, sunt? Ira per se deformis est, & minimè metuenda: at timetur à pluribus, sicut deformis persona ab infantibus. Quid, quod semper in auctores redundat timor, nec quisquam metuitur, ipse securus? Occurrat hoc loco tibi Laberianus ille versus, qui medio civili bello in theatro dictus, totum in se populum non aliter conuertit, quam si missa esset vox publici affectus:

*Necesse est multos timere, quem multi
timet.*

Ita natura constituit, ut quod alieno metu magnum est, à suo non vacet. Leoni quàm pauida sunt ad leuissimos strepitus pectora? acerrimas feras umbra, vox, & odor insolitus exagitat. quicquid terret, & trepidat. Non est ergo quare concupiscat quisquam sapiens timeri.

C A P. XII. Nec ideo iram magnum
quisquam.

quisquam putet, quia formidini est: quoniam quædam etiam contemptissima timeantur: venena, & ossa mortifera, & morsus. Nec est mirum, cum maximos ferarum greges, linea pennis distincta contingat, & in insidias agat: ab ipso effectu dicta formido. Vanis enim vana terrores sunt. Curriculi motus, rotarumque versata facies, leones redigit in caueam: elephantem porcina vox terret. Sic itaque ira metuitur, quomodo umbra ab infantibus, à feris rubens pinna. Non ipsa in se quicquam habet firmum aut forte, sed vanos animos mouet. Nequitia, inquit, de rerum natura tollenda est, si velis iram tollere: neutrum autem potest fieri. Primum, potest aliquis non algere, quamuis ex rerum natura hiems sit: & non aestuare, quamuis menses æstiuui sint. aut loci beneficio aduersus intemperiem anni tutus est, aut patientia corporis sensum utriusque peruincit. Deinde certe istud necesse est prius virtutem ex animo tollas, quam iracundiam recipias: quoniam cum virtutibus vitia non coeunt. Nec magis quisquam eodem tempore & iratus potest esse, & vir bonus, quam æger & sanus. Non potest, inquit, omnis ex animo ira tolli: nec hoc hominis natura patitur. Atqui nihil est tam difficile & arduum, quod non humana mens vincat, & in familiaritatem perducatur assidua meditatio: nullique sunt tam feri & sui iuris affe-

44 L. ANNÆI SENECAE
affectus, ut non disciplina perdomentur.
Quocumque sibi imperavit animus, ob-
tinuit. Quidam ne vnquam riderent,
consecuti sunt: vino quidam, alij Venere,
quidam omni humore interdixere cor-
poribus. Alius contentus breui somno,
vigiliam indefatigabilem extendit: Di-
dicerunt alij tenuissimis & aduersis funi-
bus currere, & ingentia, vixque humanis
toleranda viribus onera portare, & in im-
mensam altitudinem mergi, ac sine vlla
respirandi vice perpeti maria.

CAP. XIII. Mille sunt alia, in quibus
pertinacia impedimentum omne trans-
cendit, ostenditque nihil esse difficile, cu-
ius sibi ipsa mens patientiam indiceret.
Istis, quos paulò ante retuli, aut nulla tam
pertinacis studij, aut non digna merces
fuit. Quid enim magnificum consequi-
tur ille, qui sarcinae ingenti ceruices sup-
ponere? qui somno non submittere ocu-
los? qui penetrare in imum mare? & ta-
men ad finem operis, non magno aucto-
ramento, labor peruenit. Nos non aduo-
cabitur patientiam, quos tantum præ-
mium expectat, felicitis animi immota
tranquillitas? Quantum est effugere ma-
ximum malum iram, & cum illa rabiem,
sæuitiam, crudelitatem, furorem, & alios
comites eius affectus? Non est quòd pa-
trocinium nobis quaeramus, & excusatam
licentiam, dicentes, aut utile id esse, aut
inui-

inevitabile. cui enim tandem vitio aduocatus defuit? Non est quòd dicas, excidi non posse. sanabilibus agrotamus malis: ipsaque nos in rectum genitos natura, si emendari velimus, iuuat. Nec, ut quibusdam dictum est, arduum in virtutes & asperum iter est: plano adeuntur. Non vanæ vobis auctor rei venio. Facilis est ad beatam vitam via: inite modò bonis auspiciis, ipsisque diis benè iuantibus, Multò difficilius est facere ista, quæ facitis. Quid enim quiete otiosius animi, quid ira laboriosius? Quid clementia remissius, quid crudelitate negotiosius? vacat pudicitia, libido occupatissima est, omnium denique virtutum tutela faciliior est: vitia magno coluntur. Debet ira remoueri? hoc ex parte fatentur etiam, qui dicunt esse minuendam. Tota dimittatur: nihil profutura est, sine illa facilius rectiusque scelera tollentur: mali punientur, & traducentur in melius.

CAP. XIV. Omnia, quæ debet sapiens, sine ullius malæ rei ministerio efficiet: nihilque admiscebit, cuius modum sollicitus obseruet. Nunquam itaque iracundia admittenda est: aliquando simulanda, si segnes audientium animi concitandi sunt, sicut tardè consurgentes ad cursum equos stimulis, facibusque subditis, excitamus. Aliquando incutiendus est his metus, apud quos ratio non proficit. Irasci quidem non magis utile est, quam

quàm mœrere , quàm metuere. Quid ergo? non incidunt causæ , quæ iram lacerant? Sed tunc maximè illi opponendæ manus sunt: nec est difficile , vincere animum: cùm athletæ , quoque in vilissima sui parte occupati , tamen ictus doloreſque patiantur , ut vires cædentis exhauriant, nec cùm ira suadet, feriunt, sed cùm occasio. Pyrrhum maximum præceptorum certaminis gymnici , solitum aiunt his quos exercebat , præcipere , ne irascerentur. Ira enim perturbat artem, & quæ noceat tantùm , non quæ caveat , aspicit. Sæpè itaque ratio patientiam suadet , ira vindictam: & qui primis defungi malis potuimus, in maiora devolvimur. Quosdam vnius verbi contumelia , non æquo animo lata, in exilium proiecit: & qui leuem iniuriam silentio ferre noluerant , gravissimis malis obruti sunt , indignati-que aliquid ex plenissima libertate diminui, servile in sese attraxerunt iugum.

C A P. XV. Ut scias, inquit, iram habere in se generosi aliquid , liberas videbis gentes quæ iracundissimæ sunt: ut Germanos & Scytas . Quod evenit , quia fortiora solidaque natura ingenia , antequam disciplina molliantur , prona in iram sunt. Quædam enim non nisi melioribus innascuntur ingenijs . sicut valida arbuta & lata , quamvis neglecta tellus creat : alia fecundi soli silva est . Itaque & ingenia natura fortia iracundiam ferunt,

ferunt, nihilque tenue & exile capiunt, ignea & feruida: sed imperfectus ille vigor est, ut omnibus quæ sine arte, ipsius tantum naturæ bono, exsurgunt. sed nisi citò domita sunt, quæ fortitudini apta erant, audacia temeritatique consuescunt. Quid? non mitioribus animis vitia leniora coniuncta sunt? ut misericordia, amor, & verecundia. Itaque tibi sæpè bonam indolem in malis quoque ostendam. sed non ideo vitia non sunt, si naturæ melioris indicia sunt. Deinde omnes istæ feritate liberæ gentes, leonum luporumque ritu, ut ferire non possunt, ita nec impetare. Non enim humani vim ingenij, sed feri & intractabilis habent. Nemo autem regere potest, nisi qui & regi.

CAP. XVI. Ferè itaque imperia penes eos fuere populos, qui mitiore cælo utuntur: in frigora Septentrionemque vergentibus immanis ingenia sunt, ut ait Poeta,

—*subque simillima calo.*

Animalia, inquit, generosissima habentur, quibus multum inest iræ. Errat, qui ea in exemplum hominis adducit, quibus pro ratione est impetus: homini pro impetu, ratio est. Sed nec illis quidem omnibus idem prodest. Iracundia leones adiuuat, pavor cervos, accipitrem impetus, columbam fuga. Quid, quòd ne illud quidem verum est, optima animalia esse iracundissima? Ferasne putem, quibus

ex raptu alimenta sunt, meliores, quàm iratiores? Patientiam laudauerim boum, & equorum frænos sequentium. Quid autem est, cur hominem ad tam infelicia exempla reuoces: cùm habeas mundum, Deumque, quem ex omnibus animalibus, ut solus imitetur, solus intelligit? Simplicissimi, inquit, omnium habentur iracundi. Fraudulentis enim & versutis comparantur: & simplices videntur, quia expositi sunt, quos quidem non simplices dixerim, sed incautos. Stultis, luxuriosis, nepotibusque hoc nomen imponimus, & omnibus vitijs parum callidis.

CAP. XVII. Orator, inquit, iratus aliquando melior est. Imò imitatus iratum. Nam & histriones in pronuntian- do non irati populum mouent, sed iratum benè agentes. Et apud iudices itaque, & in concione, & ubicunq; alieni animi ad nostrum arbitrium agendi sunt, modò iram, modò metum, modò misericordiam, ut aliis incutiamus, ipsi simulabimus: & sæpè id quod veri affectus non effecissent, effecit imitatio affectuum. Languidus, inquit, animus est, qui ira caret. Verum est, si nihil habet ira valentius. Nec latronem oportet esse, nec prædam; nec misericordem, nec crudelem. illius nimis mollis animus, huius nimis durus est. Temperatus sit sapiens: & ad res fortiùs agendas non iram, sed vim adhibeat.

CAP.

CAP. XVIII. Quoniam quæ de ira quærentur, tractauimus, accedamus ad remedia eius. Duo autem, vt opinor, sunt: ne incidamus in iram, & ne in ira peccemus. Vt in corporum cura, alia de tuenda valerudine, alia de restituenda, præcepta sunt: ita aliter iram debemus repellere, aliter compescere, vt vincamus. Quædam ad vniuersam vitam pertinentia præcipiuntur: ea in educationem, & in sequentia tempora diuidentur. Educatio maximam diligentiam, plurimumq; profuturam desiderat. facile est enim, teneros adhuc animos componere: difficulter reciduntur vitia, quæ nobiscum creuerunt. Opportunissima ad iracundiam feruidi animi natura est. nam cum elementa sint quatuor, ignis, aqua, aer, & terra: potestates pares his sunt, frigida, feruida, arida, atque humida. Et locorum itaque, & animalium, & corporum, & morum varietates, mixtura elementorum facit, & proinde in aliquos magis incumbunt ingenia, prout alicuius elementi maior vis abundauit. Inde quædam humidas vocamus, aridasque regiones, & calidas, & frigidas. Eadem animalium & hominum discrimina sunt.

CAP. XIX. Refert quantum quisque humidi in se calidiq; contineat, cuius in illo elementi portio præualebit, inde mores erunt. Iracundos feruidi mixtura faciet: est enim actuosus & perti-

nax ignis . Frigidi mistura frigidus facit :
 pigrum est enim contractumque frigus .
 Volunt itaque quidam ex nostris iram in
 pectore moueri , efferuescente circa cor
 sanguine . Causa , cur hic porissimum
 assignetur iræ locus , non alia est , quàm
 quod in toto corpore calidissimum pe-
 ctus est . Quibus humidi plus inest , eo-
 rum paulatim crescit ira : quia non est pa-
 ratus illis calor , sed motu acquiritur . Ita-
 que puerorum feminatumque iræ acres
 magis , quàm graues sunt , leuioreſque
 dum incipiunt : siccis ætatibus vehemens
 robustaque ira est , sed sine incremento ,
 non multum sibi adiiciens , quia inclina-
 tum calorem frigus insequitur . Senes
 difficiles & queruli sunt , ut ægri & con-
 ualescentes , & quorum aut lassitudine ,
 aut detractione sanguinis exhaustus est
 calor . In eadem causa sunt siti fameque
 rabidi , & quibus exangue corpus est , ma-
 ligneque alitur & deficit . Vinum incen-
 dit iram : quia calorem auget pro cuius-
 que natura .

C A P. X X: Quidam ebrij efferue-
 scunt , quidam sicci . Neque vlla alia caus-
 sa est , cur iracundissimi sint . flauis ruben-
 tesque : quibus talis natura color est , qua-
 lis fieri ceteris inter iram solet . mobilis
 enim illis agitatufque sanguis est . Sed
 quemadmodum natura quosdam procli-
 uos in iram facit : ita multæ incidunt
 causæ , quæ idem possint quod natura .

Alios

Alios morbus aut iniuria corporum in hoc perduxit, alios labor, & continua peruigilia, noctesque sollicitæ, & desideria, amoresque: & quicquid aliud aut corpori nocuit aut animo, agram mentem in querelas parat. Sed ista omnia initia causæque sunt, plurimumque potest consuetudo: quæ si grauis est, alit vitium. Naturam quidem mutare, difficile est: nec licet semel mixta nascentium elementa conuertere. Sed in hoc nosse profuit, ut calentibus ingenijs subtrahatur vinum: quod pueris Plato negandum putat, & ignem vetat igne incitari. Nec cibis quidem implendi sunt. distendentur enim corpora, & animi cum corpore tumescent: Labor illos citra lassitudinem exerceat: ut minuatur, non ut consummatur calor, nimiusque ille feruor despumer. Lusus quoque proderunt. modica enim voluptas laxat animos, & temperat. Humidioribus, siccioribus & frigidis non est ab ira periculum: sed maiora vitia metuenda sunt, pavor, difficultas, & desperatio, & suspiciones.

CAP. XXI. Mollienda itaque fouendaque talia ingenia, & in lætitiâ euocanda sunt. Et quia alijs contra iram, alijs contra tristitiâ remedijs utendum est, nec dissimilibus tantum ista, sed contrarijs curanda sunt, semper ei occurremus, quod increnerit. Plurimum,

inquam, proderit pueros statim salubriter institui. Difficile autem regimen est: quia dare debemus operam, ne aut iram in illis nutriamus, aut indolem retundamus. Diligenti observatione res indiget. Vtrumque enim & quod extollendum, & quod deprimendum est, similibus alitur. Facile autem etiam attendentem similia decipiunt. Crescit licentia spiritus, seruitute comminuitur. assurgit, si laudatur, & in spem sui bonam adducitur: sed eadem ista insolentiam & iracundiam generant. Sic itaque inter vtrumque regendus est, ut modo frænis utamur, modo stimulis: nihil humile, nihil serui-
le patiatur. Nunquam illi necesse sit rogare suppliciter: nec profit rogasse. potius causæ suæ, & prioribus factis, & bonis in futurum promissis donetur. In certaminibus æqualium nec vinci illum patiamur, nec irasci, demus operam, ut familiaris sit his, cum quibus contendere solet: ut in certamine assuescat non nocere velle, sed vincere. Quoties superaverit, & dignum aliquid laude fecerit, attolli, non gestire patiamur. Gaudium enim exultatio, exultationem tumor, & nimia æstimatio sui sequitur. Dabimus aliquod laxamentum: in desidia verò otiumque non resoluemus, & procul à contactu deliciarum retinebimus. Nihil enim magis facit iracundos, quàm educatio mollis & blanda, Ideò vnicis quò
plus

plus indulgetur, pupillisque quò plus licet, corruptior animus est. Non resistet offensis, cui nihil vnquam negatum est, cui lacrimas sollicita semper mater absterfit, cui de pædagogo satisfactum est. Non vides, vt maiorem quamque fortunam maior ira comitetur? In diuitibus nobilibusque & magistratibus præcipuè apparet, cum quicquid leue & inane in animo erat, secunda se aura sustulit. Felicitas iracundiam nutrit, vbi aures superbas assentatorum turba circumstetit. Tibi enim ille respondeat? Non pro fastigio te tuo metiris: ipse te proijcis: & alia, quibus vix sanæ, & ab initio benè fundatæ mentes, restiterint. Longè itaque ab assentatione pueritia remouenda est. Audiat verum, & timeat: interim vereatur: semper maioribus assurgat. Nihil per iracundiam exoret. Quod flenti negatum fuerat, quieto offeratur: & diuitias parentum in conspectu habeat, non in vñ. Exprobrentur illi perperam facta.

C A P. X X I I. Pertinebit ad rem, præceptores pædagogosque pueris placidos dari. Proximis applicatur omne quod tenerum est, & in eorum similitudinem crescit. nutricum & pædagogorum retulere mox in adolescentiam mores. Apud Platonem educatus puer, cum ad parentes relatus, vociferantem videret patrem; Nunquam, inquit, hoc apud Pla-

tonem vidi. Non dubito quin citius patrem imitatus sit, quàm Platonem. Tenuis ante omnia sit victus, & non pretiosa vestis, & similis cultus cum æqualibus. Non irascetur aliquem sibi comparari, quem ab initio multis parem feceris. Sed hæc ad liberos nostros pertinent. In nobis siquidem fors nascendi & educatio nec vitij locum, nec iam præcepti habet: sequentia ordinanda sunt. Contra primas itaque causas pugnare debemus. Causa autem iracundiæ, opinio iniuriæ est: cui non faciliè credendum est, nec aperitis quidem manifestisque statim accedendum. Quædam enim falsa, veri speciem ferunt. Dandum semper est tempus: veritatem dies aperit. Ne sint aures criminantibus faciles. hoc humanæ naturæ vitium suspectum notumque nobis sit: quod quæ inuiti audimus, libenter credimus: & antequam iudicemus, irascimur.

CAP. XXIII. Quid, quod non criminationibus tantum, sed suspicionibus impellimur, & ex vultu risuque alieno peiora interpretati, innocentibus irascimur? Itaque agenda est contra se causa absentis, & in suspensio ira retinenda. Potest enim poena dilata exigi, non potest exacta reuocari. Notus est ille tyrannicida, qui imperfecto opere comprehensus, & ab Hippia tortus, ut confcios indicaret, circumstantes amicos tyranni

no-

nominauit, quibus quàm maximè caram salutem eius sciebat. Et cùm ille singulos, vt nominati erant, occidi iussisset, interrogauit, Ecquis superesset? Tu, inquit, solus: neminem enim alium, cui carus esses, reliqui. Effecit ira, vt tyrannus tyrannicidæ manus commodaret, & præsidia sua gladio suo cæderet. Quanto animosius Alexander: qui cùm legisset Epistolam matris, qua admonebatur, vt à veneno Philippi medici caueret, acceptam potionem non deterritus bibit? Plus sibi de amico suo credidit. Dignus fuit qui innocentem haberet, dignus qui faceret. Hoc eò magis in Alexandro laudò, quia nemo tam obnoxius iræ fuit. Quò rarior autem moderatio in regibus, hoc laudanda magis est. Fecit hoc & Cæsar, ille qui victoria ciuili clementissimè vsus est, cum scrinia deprehendisset epistolarum ad Pompeium missarum ab ijs, qui videbantur aut in aduersis, aut in neutris fuisse partibus, combussit: quamuis enim moderatè solet irasci, maluit tamen non posse. Gratissimum putauit: genus veniæ, nescire quid quisque peccasset. Plurimum mali credulitas facit. sæpè ne audiendum quidem est: quoniam in quibusdam rebus satius est decipi, quàm diffidere.

CAP. XXIV. Tollenda ex animo suspicio & coniectura, fallacissima irritamenta. Ille me parùm humanè salutauit,

110

C 4 ille

ille osculo meo non adhæsit, ille inchoatum sermonem citò abruptit, ille ad cœnam non vocauit, illius vultus auerfior visus est. Non deerit suspicioni argumentatio: simplicitate opus est, & benigna rerum æstimatione. Nihil nisi quod in oculos incurreret, manifestumque erit, credamus: & quoties suspicio nostra vana apparuerit, obiurgemus credulitatem. Hæc enim castigatio consuetudinem efficiet non faciliè credendi.

C A P. X X V. Inde & illud sequitur, ut minimis sordidisque rebus non exacerbemur. Parum agilis est puer, aut tepidior aqua potui, aut turbatus torus, aut mensa negligentius posita. Ad ista concitari, insania est. æger, & infelicis valetudinis est, quem leuis aura contraxit: affecti oculi, quos candida vestis obturbat: dissolutus delicijs, cuius latus alieno labore condoluit. Mindyridem aiunt fuisse ex Sybaritarum ciuitate: qui cum vidisset fodientem, & altiùs rastrum alleuantem, lassum se fieri questus, vetuit illum opus in conspectu suo facere. idem sæpiùs questus est, quòd folijs rosæ duplicatis incubuisset. Vbi animum simul & corpus voluptates corrumpere, nihil tolerabile videtur: non quia dura, sed quia molles patimur. Quid enim est cur tussis alicuius, aut sternutamentum, aut musca parùm curiosè fugata, nos in rabiem agat, aut. versus calix, aut clauis negli-

gen

gentis serui manibus elapsa? Feret iste æquo animo ciuile conuitium, & ingesta in concione curiave maledicta, cuius aures tracti subsellij stridor offendit? Perpetietur hic famem, & æstiuæ expeditionis sitim, qui puero malè diluenti niuem, irascitur?

C A P. X X V I. Nulla itaque res magis iracundiam alit, quàm luxuria intemperans & impatiens: durè tractandus animus est, vt ictum non sentiat, nisi grauem. Irascimur aut his à quibus nec accipere iniuriam potuimus, aut his à quibus accipere potuimus. Ex prioribus quædam sine sensu sunt: vt librum, quem minutioribus literis scriptum sæpè proiecimus, & mendosum lacerauimus: vt vestimenta, quæ quia displicebant, scidimus. His irasci quàm stultum est: quæ iram nostram, nec meruerunt, nec sentiunt? Sed nos offendunt videlicet, qui illa fecerunt. Primum, sæpè antequam hoc apud nos distinguamus, irascimur: deinde fortasse ipsi quoque artifices excusationes iustas afferent. Alius non potuit meliùs facere, quàm fecit: nec ad tuam contumeliam parùm didicit. alius non in hoc, vt te offenderet, fecit. Ad vltimum, quid est dementius, quàm bilem in homines collectam, in res effundere? Atqui vt his irasci dementis est, quæ anima carent, sic & mutis animalibus: quia nulla est iniuria, nisi à consilio profecta.

Nocere itaque nobis possunt, ut ferrum aut lapis: iniuriam quidem facere non possunt. Atqui contemni se quidam putant, ubi equi iidem obsequentes alteri equiti, alteri contumaces sunt: tanquam iudicio, non consuetudine, & arte tractandi, quædam quibusdam subiectiora sunt.

C A P. XXVII. Atqui ut his ita sci stultum est, ita pueris, & non multum à puerorum prudentia distantibus. Omnia enim ista peccata apud æquum iudicem, pro innocentia habent imprudentiam. Quædam sunt, quæ nocere non possunt, nullamque vim nisi beneficam & salutarem habent: ut dii immortales, qui nec volunt obesse, nec possunt. Natura enim illis mitis & placida est; tam longè remota ab aliena iniuria, quam à sua. Dementes itaque & ignari veritatis, illis imputant levitiam maris, immodicos imbres, pertinaciam hiemis: cum interim nihil bonum, quæ nobis nocent profuntve, ad nos propriè dirigatur. Non enim nos causa mundo sumus, hiemem æstatemque referendi. suas ista leges habent, quibus divina exercentur. nimis nos suspicimus, si digni nobis videmur, propter quos tanta moriantur. nihil ergo horum in nostram iniuriam fit: imò contrà, nihil non ad salutem. Quædam esse diximus, quæ nocere non possunt: quædam, quæ nolunt. In his erunt boni magistratus, parentesque, & præceptores,
&

& indices: quorum castigatio sic accipienda est, quomodo scalpellum & abstinencia, & alia quæ profutura torquent. Affecti sumus poena? Succurrat non tantum quid patiamur, sed quid tecerimus: in consilium de vita nostra mittamur. Si verum ipsi dicere nobis voluerimus, plaris litem nostram æstimabimus. Si volumus æqui omnium rerum indices esse, hoc primum nobis suadeamus, neminem nostrum esse sine culpa. Hinc enim maxima indignatio oritur. Nihil peccaui, nihil feci: imò nihil fatearis. Indignamur aliqua admonitione aut coercitione nos castigatos: cum illo ipso tempore peccemus, quo adiicimus malefactis arrogantiam, & contumaciam. Quis est iste qui se profitetur omnibus legibus innocentem? Vt hoc ita sit, quàm angusta innocentia est, ad legem bonum esse? quanto latius officiorum patet, quàm iuris regula? quàm multa pietas, humanitas, liberalitas, iustitia, fides exigunt, quæ omnia extra publicas tabulas sunt?

CAP. XXVIII. Sed ne ad illam quidem arctissimam innocentiae formulam præstare nos possumus. Alia fecimus, alia cogitauimus: alia optauimus, alijs fauimus: in quibusdam innocentes sumus, quia non successit. Hoc cogitantes, æquiores simus delinquentibus, cedamus obiurgantibus: utique nobis ne irascamur.

mur (cui enim non ; si nobis quoque ?)
 minimè dijs . Non enim illorum , sed le-
 ge mortalitatis patimur , quicquid incom-
 modi accidit . At morbi doloresque in-
 currunt . Vtique aliquà fugiendum est ,
 domicilium putre sortitis . Dicetur aliquis
 malè de te locutus , cogita an prior fece-
 ris , cogita de quàm multis loquaris . Co-
 gitemus , inquam , alios non facere iniu-
 riam , sed reponere : alios pronos facere ,
 alios coactos facere , alios ignorantes :
 etiam eos qui volentes scientesque fa-
 ciunt , ex iniuria nostra non ipsam iniu-
 riam petere . Aut dulcedine vrbauitatis
 prolapsus est , aut fecit aliquid , non vt no-
 bis obesset , sed quia consequi ipse non po-
 terat , nisi nos repulisset . Sæpè adulatio ,
 dum blanditur , offendit . Quisquis ad se
 retulerit , quotiens ipse in suspicionem
 falsam inciderit , quàm multis officijs suis
 fortuna speciem iniuriæ induerit , quàm
 multos post odium amare cœperit , po-
 terit non statim irasci : vtiq; si sibi tacit-
 us ad singula quibus offenditur , dixerit ,
 Hæc & ipse commisi . Sed vbi tam æ-
 quum iudicem inuenies ? Is qui nullius
 non vxorem concupiscit , & satis iustam
 causam putat amandi , quòd aliena est ,
 idem vxorem suam aspicere non vult : & fi-
 dei acerrimus exactor , est perfidus : &
 mendacia persequitur ; ipse periurus :
 & litem sibi inferri ægerrimè calumnia-
 tor patitur . Pudicitiam seruulorum
 suo-

suorum attentari non vult, qui non percipit suæ. Aliena vitia in oculis habemus: à tergo nostra sunt. Inde est, quòd tempestiua filij conuiuia pater deterior filio castigat. Nihil alienæ luxuriæ ignoscit, qui nihil suæ negauit: & homicidæ tyrannus irascitur: & punit furta sacrilegus. Magna pars hominum est, quæ non peccatis irascitur, sed peccantibus. Faciet nos moderatiores respectus nostri, si consuluerimus nos. Nunquid & ipsi aliquid tale commisimus? Nunquid sic errauimus? Expediutne nobis ista daminari? Maximum remedium est iræ, mora. Nec ab illa peto initio, vt ignoscat, sed vt iudicet. desinet, si expectat: nec vniuersam illam tentaueris tollere. graues habet impetus primos: tota vincetur, dum partibus carpitur.

CAP. XXIX. Ex his quæ nos offendunt, alia renuntiantur nobis; alia ipsi audimus aut videmus. His quæ narrata sunt, non debemus citò credere. Multi ementiuntur, vt decipiant: multi, quia decepti sunt. alius criminatione gratiam captat, & fingit iniuriam, vt videatur doluisse factam. est aliquis malignus, & qui amicitias cohærentes diducere velit. est suspicax, & qui spectare ludos cupiat, vt ex longinquo tutoque speculetur, quos collisit. De paruula summa iudicatur, tibi res sine teste non probaretur; testis, sine iureiurando non valeret: utrique par-

ti-dares aduocationem, dares tempus, nec semel audires. magis enim veritas elucet, quò sapius ad manum venit: amicum condemnas de præsentibus, antequam audias, antequam interroges? illi, antequam aut accusatorem suum nosse liceat, aut crimen, irasceris? Iam enim iam, quid vtrinq̃ue diceretur, audisti. Hic ipse qui ad te detulit, desinet dicere, si probare debuerit. Non est, inquit, quod me protrahas: ego productus negabo. Alioqui nihil vnquam tibi dicam. Eodem tempore & instigat, & ipse se certamini & pugnae subtrahit. Qui dicere tibi nisi clam non vult, panem non dicit. Quid est iniquius, quàm secreto credere, palam irasci?

CAP. XXX. Quorundam ipsi testes sumus: In his naturam excutimus, voluntatemque facientium. Puer est? aetati donetur, nescit, an peccet. Pater est? aut tantum profuit, ut illi etiam iniuriæ ius sit: aut fortassis ipsum hoc meritum eius est, quo offendimur. Mulier est? errat. Iussus est? necessitati quis, nisi iniquus, succenset. Læsus est? non est iniuria, pati quod prior feceris. Iudex est? plus illius credas sententiæ, quàm tuæ. Rex est? si nocentem punit, cede iustitiæ: si innocentem, cede fortunæ. Mutum animal est, aut simile muto? imitaris illud, si irasceris. Morbus est, aut calamitas? leuius transiliet sustinentem.

gem. Deus est? tam perdis operam cum illi irasceris, quam cum illum alteri precaris iratum. Bonus vir est, qui iniuriam fecit? noli credere. Malus? noli mirari. Dabit pœnas alteri, quas debet tibi: & iam sibi dedit, qui peccauit. Duo sunt, ut dixi, quæ iracundiam concitant. Primum, si iniuriam videmur accepisse: de hoc satis dictum est. Deinde, si iniquè accepisse: de hoc dicendum est. Iniqua quædam iudicant homines, quia pati non debuerint: quædam, quia non sperauerint. Indigna putamus, quæ inopinata sunt. Itaque maximè commouent, quæ contra spem, expectationemque euenerunt. Nec aliud est quare in domesticis minima offendant: in amicis iniuriam, vocemus negligentiam.

CAP. XXXI. Quomodo, ergo, inquit, inimicorum nos iniuriæ mouent? quia non expectauimus illas, aut certè non tantas. Hoc efficit amor nostri nimius. inuiolatos nos etiam inimicis iudicamus esse debere. Regis quisque intra se animum habet, ut licentiam sibi dari velit, in se nolit. Aut ignorantia nos itaque rerum, aut insolentia iracundos facit. Ignorantia: Quid enim mirum est, malos mala facinora edere? Quid noui est, si inimicus nocet, amicus offendit, filius labitur, seruus peccat? Turpissimam aiebat Fabius Imperatori excusationem esse, Non putavi: ego turpissimam homini

mini puto : Omnia puta, expecta, etiam
in bonis moribus aliquid existet aspe-
rius. Fert humana natura insidiosos a-
micos, fert ingratos, fert cupidos, fert im-
pios : Cum de moribus vnius iudicabis,
de publicis cogita. vbi maximè gaude-
bis, maximè metues : vbi tranquilla tibi
omnia videntur, ibi nocitura non desunt,
sed quiescunt. semper futurum aliquid,
quod te offendar, existima. Gubernator
nunquam ita totos sinus explicuit secu-
rus, vt non expedita ad contrahendum
armamenta disponderet. Illud ante omnia
cogita, scèdam esse & execrabilem vim
nocendi, & alienissimam homini, cuius
beneficio etiam sæua mansuescunt. Aspi-
ce elephantorum iugo colla submissa,
taurorum pueris pariter ac feminis per-
sultantibus terga impunè caleata, & re-
pentes inter pocula sinusque innoxio lap-
sū dracones, & intra domum virorum le-
onumque ora placida tractantibus, adu-
lantesque dominum feras : pudebit cum
animalibus permutasse mores. Nefas est
nocere patriæ : ergo ciui quoque. nam
hic pars patriæ est. Sanctæ partes sunt, si
vniuersum venerabile est : ergo & homo
homini. nam hic in maiore tibi vrbe ciuis
est. Quid si nocere velint manus pedibus?
manibus oculi? Vt omnia inter se mem-
bra consentiunt, quia singula seruari, to-
tius interest : ita homines singulis par-
cent, quia ad cœtum geniti sumus; salua
autem

autem esse societas nisi amore & custodia partium non potest. Ne viperas quidem & natrixes, & si qua morsu aut ictu nocent, effligeremus, si ut reliqua manusfacere possemus, aut efficere, ne nobis aliisve periculo essent. Ergo ne homini quidem nocebimus, quia peccauit, sed ne peccet: nec unquam ad præteritum; sed ad futurum poena referetur. non enim irascitur, sed cauet. Nam si puniendus est, cuicunque prauum maleficumque ingenium est, poena neminem excipiet.

CAP. XXXII. At enim ira habet aliquam voluptatem: & dulce est, dolorem reddere. Minimè. non enim ut in beneficiis honestum est, merita meritis repensare: ita iniurias iniuriis. illic, vinci turpe est: hic, vincere. Inhumanum verbum est, & quidem pro iusto receptum, Vltio: & a contumelia non differt nisi ordine. Qui dolorem regerit, tantum excusatiùs peccat. M. Catonem in balneo quidam percussit imprudens. quis enim illi sciens faceret iniuriam? postea satisfaciendi Cato, Non memini, inquit, percussum me. Melius putauit, non agnoscere, quam vindicare. Nihil, inquis, post tantam petulantiam mali factum est? Imò multum boni, cœpit Catonem nosse. Magni animi est, iniurias despicere: vltionis contumeliosissimum genus est, non esse visum dignum, ex quo peteretur vltio. Multi leues iniurias aliis sibi demisere, dum vindicant:

dicant: ille magnus & nobilis est, qui more magnæ feræ, latratus minorum canum securus exaudit. Mintus, inquit, contemnemur, si vindicauerimus iniuriam. Si tanquam ad remedium venimus, sine ira veniamus: non quasi dulce sit vindicari, sed quasi utile. Sæpè autem satius fuit dissimulare, quàm vlcisci.

- CAP. XXXIII. Potentiorum iniuriæ hilari vultu, non patienter tantum ferendæ sunt. Facient iterum, si se fecisse crediderint. Hoc habent pessimum animi magna fortuna insolentes, quos læserunt & oderunt. Notissima vox est eius, qui incultu regum consenuerat. cum illum quidam interrogaret, Quomodo rarissimam rem in aula consecutus esset, senectutem? Iniurias, inquit, accipiendo, & gratias agendo. Sæpè adeò iniuriam vindicare non expedit, ut ne fateri quidem expediat. C. Cæsar Pastoris splendidi equitis Romani filium cum in custodia habuisset, munditiis eius & cultioribus capillis offensus: rogante patre, ut salutem sibi filij concederet, quasi de supplicio eius admonitus, duci protinus iussit. Ne tamen omnia inhumanè faceret aduersum patrem, ad cœnam illum inuitavit eo die. venit Pastor, nihil vultu exprobrante. Propinavit illi Cæsar heminam: & posuit illi custodem. perduravit miser, non aliter quàm si filij sanguinem biberet. Unguentum & coronas misit, & ob-
- ser-

seruare iussit an sumeret. sumpsit eo die, quo filium extulerat, imò quo non extulerat. Iacebat conuiuia centesimus, & porciones vix honestas natalibus liberorum, podagricus senex hauriebat: cùm interim non lacrimas emisit, nec dolorem aliquo signo crumpere passus est. Cœnauit, tanquam pro filio exorasset. Quæris, quare? habebat alterum. Quid ille Priamus? non dissimulauit iram, & Regis genua complexus est? funestam perfusamque cruore filij manum, ad os suum retulit, & cœnauit, sed tamen sine vnguento, sine coronis: & illum hostis sæuissimus multis solatiis, vt cibum caperet, hortatus est, non vt pocula ingentia, super caput posito custode, siccaret. Contempsisset Pastorem, si sibi timuisset: nunc iram compescuit pietas. Dignus fuit, cui permetteret à conuiuio ad ossa filij legenda discedere. Ne hoc quidem permisit. benignus interim & comis adolescens propinationibus senem crebris, vt cura leniretur, laceſſebat: contra ille se lætum, & oblitum quid eo esset actum die, præstitit. Perierat alter filius, si carnifici conuiuia non placuisset.

CAP. XXXIV. Ergo ira abstinentum est, siue par est qui laceſſendus est, siue superior, siue inferior. Nam cum pare contendere, anceps est: cum superiore, furiosum: cum inferiore, sordidum. Pusilli hominis & miseri est, repetere mordentem. mures & formicæ, si

manum admoueris, ora conuertunt: imbecillia se lædi putant, si tanguntur. Faciet nos mitiores, si cogitauerimus, quid aliquando nobis profuerit ille, cui irascimur, & meritis offensa redimetur. Illud quoque occurrat, quantum commendationis nobis allatura sit clementiæ fama, & quàm multos venia amicos utiles fecerit. Ne irascamur inimicorum & hostium liberis. Inter Syllanæ crudelitatis exempla est, quod à republica liberos proscriptorum submouit. Nihil est iniquius, quàm aliquem heredem paterni odij fieri. Cogitemus, quotiens ad ignoscendum difficiles erimus, an expediat omnes nobis inexorabiles esse. Quàm sæpè veniam qui negauit, petit? quàm sæpè pedibus eius aduolutus est, quem à suis repulit? Quid est gloriosius, quàm iram amicitia mutare? Quos Populus Rom. fideliores habet socios, quàm quos habuit pertinacissimos hostes? quod hodie esset imperium, nisi salubris prouidentia victos permiscuisset victoribus? Irascetur aliquis? tu contra beneficiis prouoca. Cadit statim simultas, ab altera parte deserta, nisi par non pugnat. Si vtrinque certabitur, ille est melior, qui prior pedem retulit: victus est, qui vicit. Percussit te? recede. referendo enim, & occasionem sapientiùs ferendi dabis, & excusationem. non poteris reuelli, cùm voles: Nunquid velit quisquam tam graui-

ter

ter hostem ferire, vt relinquat manum in vulnere, & se ab ictu reuocare non possit? atqui tale ira telum est, vix retrahitur.

CAP. XXXV. Arma nobis expedita prospicimus, gladium commodum & habilem: non vitabimus impetus animi, his graues magis, furiosos & irreuocabiles? Ea demum velocitas placet, quæ vbi iussa est, vestigium sistit, nec vltra destinata procurrit, & quæ flecti & à cursu ad gradum reduci potest. Ægros scimus nervos esse, vbi inuitis nobis mouentur. senex, aut infirmi corporis est, qui cùm ambulare vult, currit. animi motus eos putemus sanissimos validissimosque, qui nostro arbitrio ibunt, non suo ferentur. Nihil tamen æquè profuit, quàm primùm intueri deformitatem rei, deinde periculum. Non est vllius affectus facies turbatior. pulcherrima ora fœdauit, toruos vultus ex tranquillissimis reddidit. Liquit decor omnis iratos: & siue amictus illius compositus sit ad legem, attrahet vestem, omnemque curam sui effundet. Si capillorum natura vel arte iacentium non informis est habitus; cùm animo inhorrescunt, tumescunt venæ, concuritur crebro spiritu pectus, rabida vocis eruptio colla distendit. tunc artus trepidi, inquietæ manus, totius corporis fluctuatio. Qualem intrà putas esse animum, cuius extrà imago tam fœda est? quanto illi intra pectus terribilior vultus, acrior spi-

spiritus est , intensior impetus , rupturus se nisi eruperit? Quales sunt hostium, vel ferarum cæde madentium , aut ad cædem euntium aspectus ; qualia poetæ inferna monstra finxere , succincta serpentibus , & igneo flatu ; quales ad bella excitanda, discordiamque in populos diuidendam , pacemque lacerandam teterrimæ inferum exeunt Furix : talem nobis iram figuremus , flamma lumina ardentia, sibilu mugituque & gemitu & stridore , & si qua his inuisior vox est , perstreptentem , tela manu utraque quatientem. neque enim illi tegere se , cura est. toruam , cruentamque , & cicatricosam , & verberibus suis liuidam , incessibus vesanis , offusam multa caligine , incurstantem , vastantem , fugantemque , & omnium odio laborantem , sui maximè : si aliter nocere non possit, terras, maria, cælum ruere cupientem , infestam pariter , inuisamque. Vel, si videtur , sit qualis apud vates nostros est :

Sanguineum quatens dextra Bellona flagellum ,

Aut scissa gaudens vadit Discordia palla.
aut si qua magis dira facies excogitari diri affectus potest .

CAP. XXXVI. Quibusdam , ut ait Sextius, iratis profuit aspexisse speculum. perturbauit illos tanta mutatio sui : velut in rem præsentem adducti non agnouerunt se, & quantulum ex vera deformita-

te

re imago illa speculo repercussa reddebat? animus si ostendi, & si in vlla materia perlucere posset, intuentes nos confunderet, ater maculosusque, æstuans, & distortus, & tumidus. Nunc quoque tanta deformitas eius est per ossa carnesque, & tot impedimenta, effluentis: quid si nudus ostenderetur? Speculo equidem neminem deterritum ab ira credo: quid ergo? qui ad speculum venerat, vt se mutaret, iam mutauerat. Iratis quidem nulla est formosior effigies, quam atrox & horrida, qualesque esse, etiam videri volunt. Magis illud videndum est, quam multis ira per se nocuerit. Alij nimio feruore rupere venas, & sanguinem supra vires elatus clamor egestit, & luminum suffudit aciem in oculos vehemētius humor egestus, & in morbos ægri recidere. nulla celerior ad insaniam via est. Multi itaque continuauerunt iræ furorem; nec quam expulerant mentem, vnquam receperunt. Aiacem in mortem egit furor, in furorem ira. Mortem liberis, egestatem sibi, ruinam domui imprecantur: & irasci se negant, non minùs quam insanire, furiosi. Amicissimis hostes, vitandique carissimis: legum, nisi quàm nocent, immemores, ad minima mobiles. non sermone, non officio, aditu faciles. Omnia per vim gerunt, gladiis & pugnare parati, & incumbere. Maximum enim malum illos cepit, & omnia exuperans

rans vitia . Alia paulatim intrant : repentina & vniuersa vis huius est . omnes denique alios affectus sibi subiicit : amorem ardentissimum vincit . Transfoderunt itaque amata corpora , & in eorum quos occiderant , iacuere complexibus . Auaritiam durissimum malum , minimumque flexibile ira calcavit ; adacta opes suas spargere , & domui , rebusque in vnum collatis iniicere ignem . Quid ? non ambitiosus magno æstimata proiecit insignia , honoremque delatum repulit ? nullus affectus est , in quem non ira dominetur .

LIBER TERTIVS.

CAPVT I.



QVOD maximè desiderasti , Nouate , nunc facere tentabimus , iram excidere animis , aut certè refranare , & impetus eius inihibere . Id aliquando palàm aperteque faciendum est , vbi minor vis mali patitur : aliquando ex occulto , vbi nimitum ardet , omni que impedimento exasperatur & crescit . Refert , quantas vires , quamque integras habeat . vtrumne verberanda & agenda retrò sit , an cedere ei debeamus , dum tempestas prima defauit , ne remedia ipsa secum ferat :
consi-

consilium pro moribus cuiusque capiendum erit. Quosdam enim preces vincunt: quidam insultant, instantque submissis. Quosdam terrendo placabimus: alios obiurgatio, alios confessio, alios pudor cœpto deiecit: alios mora, lentum præcipitis mali remedium, ad quod novissimè descendendum est. Ceteri enim affectus dilationem recipiunt, & curari tardius possunt: huius incitata, & seipsa rapiens violentia, non paulatim procedit, sed dum incipit, tota est. Nec aliorum more vitiorum sollicitat animos, sed abducit; & impotentes sui, cupidosque vel communis mali, exagitat: nec in ea tantum, in quæ destinavit, sed in occurrentia obiter furit. Cetera vitia impellunt animos: ira præcipitat. Ceteris etiam si resistere contra affectus suos non licet, at certè affectibus ipsis licet stare: hæc non secus quàm fulmina procellæque, & si qua alia irreuocabilia sunt, quia non eunt, sed cadunt, vim suam magis ac magis tendit. Alia vitia à ratione, hæc à sanitate desciscit. alia accessus lenes habent, & incrementa fallentia: in ira deiectus animorum est. Nulla itaque res vrget magis attonita, & in vires suas prona; & siue successit, superba; siue frustratur, insana; ne repulsa quidem in tædium acta, ubi aduersarium fortuna subduxit, in seipsam morsus suos vertit: nec refert, quantum sit, ex quo surrexit.

D

Ex

Ex leuissimis enim in maxima euadit.

CAP. II. Nullam transit ætatem: nullum hominum genus excipit. Quædam gentes beneficio egestatis non nouere luxuriam. quædam, quia exercitæ & vagæ sunt, effugere pigritiam. quibus incultus mos, agrestis vita est, circumscriptio ignota est, & fraus, & quodcunque in foro malum nascitur: nulla gens est, quam non ira instiget, tam inter Graios quàm barbaros potens: non minùs permiciosa leges metuentibus, quàm quibus iura distinguit modus virium. Denique cetera singulos corripiunt: hic vnus affectus est, qui interdum publicè concipitur. Nunquam vniuersus populus vnius feminae amore flagrauit: nec in pecuniam aut lucrum tota ciuitas spem suam misit. ambitio viritum singulos occupat. Impotentia non est malum publicum: sæpè in iram vno agmine itum est. viri, feminae, senes, pueri, principes, vulgusque consensere: & tota multitudo paucissimis verbis concitata ipsum concitatorem antecessit. Ad arma protinus ignesque discursum est, & indicta finitimis bella, aut gesta cum ciuibus. Totæ cum stirpe omni crematae domus: & modò eloquio fauorabilis habitus, in medio honore, iram suæ concionis excepit. in Imperatorem suum legiones pila torserunt. Dissedit plebs tota cum patribus: publicum consilium

filium, senatus, non expectatis dilectibus, nec nominato Imperatore, subitos iræ suæ duces legit: ac per tecta virbis, nobiles confectatus viros, supplicium manu sumpsit. Violauit legationes rupto iure gentium, rabiesque infanda ciuitatem tulit. nec datum tempus, quo resideret tumor publicus: sed deductæ protinus classes, & oneratæ tumultuario milite. Sine more, sine auspiciis, populus ductu iræ suæ egressus, fortuita raptaque pro armis gessit: deinde magna clade temeritatem audacis iræ luit.

CAP. III. Hic barbaris fortè ruentibus in bella exitus est. cùm mobiles animos species iniuriæ perculit; aguntur statim: & quâ dolor traxit, ruinæ modo regionibus incidunt incompoti, interiti, incauti, pericula appetentes sua: gaudent feriri, & instare ferro, & tela corpore vrgere, & per suum vulnus exire. Non est, inquis, dubium, quin magna ista & pestifera sit vis: ideò quemadmodum sanari debeat, monstra. Atqui, vt in prioribus libris dixi, stat Aristoteles defensor iræ, & vetat illam nobis exsecari. Calcar ait esse virtutis: hac erepta, inermem animum, & ad conatus magnos pigrum, inermemque fieri. Necessarium est itaque fœditatem eius ac feritatem coarguere, & ante oculos ponere, quantum monstri sit, homo in hominem ferrens; quantoque impetu ruat, non sine

pernicie sua perniciosus. & ea deprimens,
 quæ mergi nisi cum mergente non pos-
 sunt. Quid ergo? sanum hunc aliquis vo-
 cat, qui, velut tempestate correptus, non
 it, sed agitur, & furenti malo seruit? nec
 mandat ultionem suam, sed ipse eius e-
 xactor, animo simul ac manu sævit, ca-
 rissimorum, eorumque quos mox amif-
 fos fleturus est, carnifex? Hunc aliquis af-
 fectum virtuti adiutorem comitemque
 dat; consilia, sine quibus virtus gerit ni-
 hil, obturbantem? Caducæ sinistraeque
 sunt vires, & in malum suum validæ, in
 quas ægrum morbus & accessio erexit.
 Non est ergo, quod me putes tempus in
 superuacuis consumere, quod iram, quasi
 dubiæ apud homines opinionis sit, infamem:
 cum aliquis sit, & quidem de illu-
 stribus philosophis, qui illi indicat ope-
 ras, & tanquam utilem ac spiritus submi-
 nistrantem in prælia, in actus rerum, ad
 omne quodcunque calore aliquo geren-
 dum est, vocet. Ne quem fallat, tanquam
 aliquo tempore, aliquo loco profutura,
 ostendenda est rabies eius effrænata & at-
 tonita: apparatusque illi reddendus est
 suus, eculei, & fidiculæ, & ergastula, &
 cruces, & circumdati defixis corporibus
 ignes, & cadauera quoque trahens vn-
 cus, varia vinculorum genera, varia pœ-
 narum, lacerationes membrorum, in-
 scriptiones frontis, & bestiarum imma-
 num caueæ. Inter hæc instrumenta col-
 loc-

locetur ira, dirum quiddam atque horridum stridens, omnibus per quæ furit tetrior.

CAP. IV. Ut de ceteris dubium sit, nulli certè affectui peior est vultus, quem in prioribus libris descripsimus, asperum & acrem, & nunc subito retrorsum sanguine fugato, pallentem, nunc in os omni calore ac spiritu verso, subrubicundum, & similem cruento, venis tumentibus, oculis nunc trepidis & exsurgentibus, nunc in vno obtutu defixis & hærentibus. Adiice dentium inter se arietatorum, & aliquem esse cupientium, non alium sonum quàm est apris, tela sua attritu acutentibus. Adiice articulorum crepitum, cum se ipsæ manus frangunt, & pulsatum sæpius pectus, anhelitus crebros, tractosque altius gemitus, instabile corpus, incerta verba subitis exclamationibus, tremantia labra, interdumque compressa, & dirum quiddam exsibilantia. Ferarum, mehercules, siue illas fames exagitat, siue infixum visceribus ferrum, minùs terra facis est, etiam cum venatorem suum semianimes morfu ultimo petunt, quàm hominis ira flagrantis. Age, si exaudire voces ac minas vacet, qualia excarnificati animi verba sunt? nonne reuocare se quisque ab ira volet, cum intellexerit illam à suo primùm malo incipere? Non vis ergo admoneam eos qui iram in summa potentia exercent, & argu-

mentum virium existimant, & in magnis magnæ fortunæ bonis ponunt paratam vltionem, quàm non sit potens, imò nec liber quidem dici possit, ira captus? non vis admoneam, quò diligentior quisque sit, vt ipse se circumspiciat: alia animi mala ad pessimos quosque pertinere, iracundiam etiam eruditis hominibus, & in alia sanis, irrepere? adeò vt quidam simplicitatis iudicium iracundiam dicant, & vulgò credatur facillimus quisque huic obnoxius.

CAP. V. Quorsus, inquis, hoc pertinet? Vt nemo se iudicet tutum ab illa: cum lentos quoque natura, & placidos, in sequitiam ac violentiam euocet. Quemadmodum aduersus pestilentiam nihil prodest firmitas corporis, & diligens valetudinis cura: promiscuè enim imbecilla robustaque inuadit: ita ab ira tam inquietis moribus periculum est, quàm compositis & remissis, quibus eò turpior ac periculosior est, quò plus in illis mutat. Sed cum primum sit, non irasci; secundum, retinere; tertium, alienæ iræ mederi: dicam primum, quemadmodum in iram non incidamus; deinde, quemadmodum ab illa liberemur, nouissimè, quemadmodum irascentem retineamus placemusque, & ad sanitatem reducamus. Ne irascamur, præstabimus, si omnia vitia iræ nobis subinde proposuerimus, & illam benè æstimaueri-

ri-

rimus. Accusanda est apud nos, dam-
nanda: perscrutanda eius mala, & in
medium protrahenda sunt: ut qualis sit
appareat, comparanda cum pessimis est.
Avaritia acquirit, & contrahit, quo ali-
quis melior utatur: ira impendit: paucis
gratuita est. Iracundus dominus quos-
dam in fugam servos egit, quosdam in
mortem: quanto plus irascendo, quàm id
erat propter quod irascebatur, amisit? Ira
patri luctum, marito dinortium attulit,
magistratui odium, candidato repulsam.
Peior est etiam quàm luxuria: quoniam
illa sua voluptate fruitur, hæc alieno do-
lore. Vincit malignitatem & invidiam:
illæ enim infelicem fieri volunt, hæc fa-
cere. illæ fortuitis malis delectantur: hæc
non potest expectare fortunam: nocere
ei quem odit, non noceri vult. Nihil est
simulacris gravius: has ira conciliat.
nihil est bello funestius: in hoc poten-
tium ira prorumpit. ceterum etiam illa
plebeia ira & priuata, inerme, & sine
viribus bellum est. Præterea ira, ut se-
ponamus quæ mox secutura sunt damna,
insidias, perpetuam ex certaminibus mu-
tuis sollicitudinem, dat poenas dum exi-
git: naturam hominis mutat. Illa in a-
morem hortatur, hæc in odium: illa
prodesse iubet, hæc nocere. Adijce,
quod cum indignatio eius à nimio sui su-
spectu veniat, & animosa videatur, pusil-
la est & angusta, nemo enim non eo, à

quo se contemptum iudicat, minor est. At ille ingens animus, & verus æstimator sui, non vindicat iniuriam, quia non sentit. Vt tela à duro resiliunt, & cum dolore cædentis solida feriuntur: ita nulla magnum animum iniuria ad sensum sui adducit, fragilior eo quod petit. Quanto pulchrius est, velut nulli penetrabilem telo, omnes iniurias contumeliasque respuere? Ultio, doloris confessio est. non est magnus animus, quem incuruat iniuria. Aut potentior te, aut imbecillior læsit. si imbecillior, parce illi: potentior, tibi.

CAP. VI. Nullum est argumentum magnitudinis certius quàm nihil posse, quo instigeris, accidere. Pars superior mundi & ordinatior, ac propinqua sideribus, nec in nubem cogitur, nec in tempestatem impellitur, nec versatur in turbine: omni tumultu caret. inferiora fulminant. Eodem modo sublimis animus, quietus semper, & in statione tranquilla collocatus, intra se premens quibus ira contrahitur, modestus & venerabilis est & compositus: quorum nihil inuenies in irato. Quis enim traditus dolori & furens, non primam reiecit verecundiam? quis impetu turbidus, & in aliquem ruens, non quicquid in se verecundi habuit, abiecit? cui officiorum numerus aut ordo constitit incitato? quis linguæ temperavit? quis ullam partem corporis

tenuit? quis se regere potuit? In immensum proderit nobis illud Democriti salutare praeceptum, quo monstratur tranquillitas, si neque priuatim, neque publice multa, aut maiora viribus nostris egerimus. Nunquam tam feliciter in multa discurrenti negotia dies transit, ut non aut ex homine, aut ex re offensa nascatur, quæ animū in iras paret. Quemadmodum per frequentia urbis loca properanti in multos incurritandum est, & alicubi labi necesse est, alicubi retineri, alicubi respergi: ita in hoc vitæ actu dissipato & vago, multa impedimenta, multæ querelæ incidunt. Alius spem nostram fefellit, alius distulit, alius intercept: non ex destinato proposita fluxerunt. nulli fortuna tam dedita est, ut multa tentanti ubique respondeat. Sequitur ergo, ut is cui contra quam proposuerat, aliqua cesserunt, impatiens hominum rerumque sit: ex leuissimis causis irascatur, nunc personæ, nunc negotio, nunc loco, nunc fortunæ, nunc sibi. Itaque ut quietus possit esse animus, non est iactandus, nec multarum, ut dixi, rerum actu fatigandus, nec magnarum, supraque vires appetitarum. Facile est, leuia aptare ceruicibus, & in hanc aut in illam partem transferre sine lapsu: at quæ alienis in nos manibus imposita ægrè sustinemus, victi in proximos effundimus, & dum stamus sub sarcina, impares oneri vacillamus.

CAP. VII. Idem accidere in rebus
 ciuilibus ac domesticis, scias. negotia
 expedita & habilia sequuntur actorem:
 ingentia, & supra mensuram agentis, nec
 dant se facile; & si occupata sunt, pre-
 munt atque adducunt administrantem,
 tenerique iam visa, cum ipso cadunt. Ita-
 que fit, ut frequenter irrita sit eius volun-
 tas, qui non quæ facilia sunt, aggreditur,
 sed vult facilia esse, quæ aggressus est.
 Quotiens aliquid conaberis, te simul &
 ea quæ paras, quibusque pararis, ipse
 metire. Faciet enim te asperum pœni-
 tentia operis infecti. Hic interest, utrum
 quis feruidi sit ingenij, an frigidi, atque
 humilis. generoso repulsa iram exprimet,
 languido inerti que tristitiam. Ergo a-
 ctiones nostræ nec prauæ sint, nec auda-
 ces, nec improbæ. in vicinum spes exeat.
 nihil conemur, quod mox adepti quoque
 successisse miremur.

CAP. VIII. Demus operam, ne
 accipiamus iniuriam, quam ferre nesci-
 mus. Cum placidissimo & facillimo, &
 minime anxio morosoque viuendum est.
 Sumuntur à conuersantibus mores: & ut
 quædam in contactos corporis vitia tran-
 siliunt, ita animus mala sua proximis tra-
 dit. Ebriosus conuictores in amorem vi-
 ni traxit: impudicorum cœtus fortem
 quoque, & silicem virum amollit: aua-
 ritia in proximos virus suum transtulit.
 Eadem ex diuerso ratio virtutum est, ut
 omne

omne quod secum habent, mitigent. nec tam valetudini profuit utilis regio & salubrius cœlum, quàm animis parùm firmis, in turba meliorum versari. Quæ res quantum possit, intelliges, si videris feras quoque conuictu nostro mansuescere: nullique immani bestię vim suam permanere, si hominis contubernium diu passâ est. Retunditur omnis asperitas, paulatimque inter placida dediscitur. Accedit huc, quòd non tantùm exemplo melior fit, qui cum quietis hominibus vivit: sed quòd causas irascendi non invenit, nec vitium suum exercet. Fugere itaque debet omnes, quos irritaturos iracundiam sciet. Qui sunt, inquis, isti? multi ex variis causis idem facturi. Offendet te superbus contemptu, diues contumelia, petulans iniuria, lividus malignitate, pugnax contentione, ventosus & mendax vanitate. non feres à suspicioso timeri, à pertinace vinci, à delicato fastidiri. Elige simplices, faciles, moderatos; qui iram tuam nec evocent, & ferant. Magis adhuc proderunt submissi & humani, & dulces, non tamen usque in adulationem. nam iracundos nimia assentatio offendit. Erat certè amicus noster, vir bonus, sed iræ paratioris, cui non magis erat tutum blandiri, quàm maledicere. Cælium oratorem fuisse iracundissimum constat, cum quo, ut aiunt, cœnabat in cubiculo lectę patientię

cliens . sed difficile erat illi in crapulam coniecto, rixam eius cum quo edebat, effugere . Optimum iudicauit, quicquid dixisset, sequi, & secundas agere . Non tulit Cælius assentientem, sed exclamauit: Dic aliquid contrà, vt duo simus . Sed ille quoque, quòd non irasceretur iratus, citò sine aduersario desit . Eligamus ergo vel hos potius, si conscij nobis iracundiæ sumus, qui vultum nostrum ac sermonem sequantur . facient quidem nos delicatos, & in malam consuetudinem inducent, nihil contra voluntatem audiendi: sed proderit, vitio suo intervalum & quietem dare . Difficilis quoque & indomita natura, blandientem ferret: & nihil asperum retrumque palpanti est . Quotiens disputatio longior & pugnacior erit, in prima resistamus, antequam robur accipiat . Alit seipsam contentio: demissos altius tenet . Facilius est se à certamine abstinere, quàm abducere .

C A P. I X. Studia quoque grauiora iracundis omittenda sunt, aut certè citra lassitudinem exercenda: & animus non inter plura versandus, sed artibus amœnis tradendus . Lectio illum carminum obleniat, & historia fabulis detineat: mollius delicatiusque tractetur . Pythagoras perturbationes animi lyra componebat . quis autem ignorat, lituos & tubas concitamenta esse; sicut quosdam cantus blandimenta, quibus mens resoluatur.

Con-

Confusis oculis profunt virentia, & quibusdam coloribus infirma acies acquiescit, quorundam splendore præstringitur: sic mentes ægras studia læta permulcent. Forum, aduocationes, iudicia fugere debemus, & omnia quæ exulcerant vitium; æquè cauere lassitudinem corporis. consumit enim, qui quid in nobis mite placidumque est, & acria concitat. Ideò quibus stomachus suspectus est, processuri ad res agendas maioris negotij, bilem cibo temperant. quam maximè mouet fatigatio: siue quia calorem inedia compellit, & nocet sanguini, cursumque eius, venis laborantibus, sistit: siue quia corpus attenuatum & infirmum incumbit animo. certè ob eandem causam iracundiores sunt valetudine aut ætate fessi. Fames quoque & sitis, ex eisdem causis, vitanda est: exasperat enim & incendit animos.

CAP. X. Vetus dictum est, A lasso rixam quæri. Æquè autem & ab esuriēte, & à sitiēte, & ab omni homine quem aliqua res vrit. Nam vt vlcera ad leuem tactum, deinde etiam ad suspicionem tactus condolēscunt: ita animus affectus, minimis offenditur. adeò vt quosdam saluatio, epistola, oratio, & interrogatio in litem euocent. Nunquam sine querela ægra tanguntur. Optimum est itaque, ad primum mali sensum mederi sibi: tum verbis quoque suis minimum libertatis dare,

dare, & inhibere imperum. Facile est autem, affectus suos cum primum oriuntur, deprehendere. morbum signa præcurrunt. Quemadmodum tempestaris ac pluuie ante ipsas notæ veniunt, ita iræ, amoris, omniumque istarum procellarum animos vexantium, sunt quædam prænuntia. Qui comitiali vitio solent corripi, iam aduentare valetudinem intelligunt, si calor summa deseruit, & incertum lumen, nervorumque trepidatio est, si memoria sublabitur, caputque versatur: Solitis itaque remedijs incipientem casum occupant, & odore gustuque quicquid est quod alienat animos, repellitur: aut fomentis contra frigus rigoremque pugnatur: aut si parùm medicina profecit, vitauerunt turbam, & sine teste ceciderunt. Proderit morbum suum nosse, & vires eius antequam spatientur, opprimere. Videamus quid sit, quod nos maximè concitet. Alium verborum, alium rerum contumeliæ mouent. hic vult nobilitati suæ, hic formæ suæ parci. ille elegantissimus haberi cupit, ille doctissimus. hic superbiam impatiens est, hic contumaciæ. ille seruos non putat dignos quibus irascatur: hic intra domum sæuus est, foris mitis. ille rogari, inuidiam iudicat: hic, non rogari, contumeliam. Non omnes ab eadem parte feriuntur.

CAP. XI. Scire itaque oportet, quid in te imbecillum sit, ut id maximè protegas.

Non

Non expedit omnia videre, omnia audire. multæ nos iniuriæ transeant; ex quibus pleraque non accipit, qui nescit. Non vis esse iracundus? ne sis curiosus. Qui inquit quid in se dictum sit, qui malignos sermones, etiam si secretò habiti sint, eruit, se ipse inquietat. Quædam interpretatio eò perducit, ut videantur iniuriæ. Itaque alia differenda sunt, alia deridenda, alia donanda. Circumscribenda multis modis ira est, pleraque in lusum iocumque vertantur. Socratem aiunt, colapho percussum nihil amplius dixisse, quàm Molestum esse, quod nescirent homines quando cum galea prodire deberent. Non quemadmodum facta sit iniuria refert, sed quemadmodum lata. Nec video quare difficilis sit moderatio, cum sciam tyrannorum quoque, tumida & fortuna & licentia ingenia, familiarem sibi sauitiam repressisse. Pisistratum certè, Atheniensium tyrannum, memoriæ proditur, cum multa in crudelitatem eius ebrius conuiuia dixisset, nec deessent qui vellent manus ei commodare, & alius hinc, alius illinc faces subderent; placido animo tulisse, & hoc irritantibus respondisse, Non magis illi se succensere, quàm si quis obligatis oculis in se incurrisset. Magna pars querelas manu fecit, aut falsa suspicando, aut leuia aggrauando.

CAP. XII. Sæpè ad nos ira venit,
sæpiùs.

ſæpiùs nos ad illam, quæ nunquam accer-
 ſenda eſt : etiam cùm incidit, reiſciatur .
 Nemo dicit ſibi : Hoc propter quod ira-
 ſcor, aut feci, aut feciſſe potui . Nemo ani-
 mum facientis , ſed ipſum æſtimat fa-
 ctum . atqui ille intueudus eſt, an voluerit,
 an inciderit; coactus ſit, an deceptus : odiũ
 ſecutus ſit, an præmium : ſibi morem geſ-
 ſerit , an manum alteri commodauerit .
 Aliquid peccantis ætas facit , aliquid for-
 tuna : vt ferre ac pati, aut humanum , aut
 humile ſit . Eo loco nos conſtituamus ,
 quo ille eſt cui irāſcimur . nunc facit ira-
 cundos iniqua noſtri æſtimatio : & quæ
 facere vellemus, pati nolumus . Nemo ſe
 differt . atqui maximum remedium iræ,
 dilatio eſt : vt primus eius feruor relan-
 gueſcat , & caligo quæ premit mentem ,
 aut reſidat, aut minus denſa ſit . Quædam
 ex his quæ te præcipitem ferebant, hora,
 non tantum dies, molliet : quædam ex to-
 to euaneſcent . Si in hoc erit petita aduo-
 catio , apparebit iam iudicium eſſe , non
 iram . Quicquid voles quale ſit ſcire, tem-
 pori trade . nihil diligenter in fluctu cer-
 nitur . Non potuit impetrare Plato à ſe
 tempus , cùm ſeruo ſuo irāſceretur , ſed
 ponere illum ſtatim tunicam , & præbero
 ſcapulas verberibus iuſſit, ſua manu ipſe
 percuſſurus . Poſtquam intellexit irāſci ſe,
 ſicut ſuſtulerat manum ſuſpenſam deti-
 nebat, & ſtabat percuſſuro ſimilis . Inter-
 rogatus deinde ab amico, qui fortè inter-
 uene-

nenerat, quid ageret? Exigo, inquit, pœnas ab homine iracundo. velut stupēs, gestum illum scuituri deformem: sapienti viro seruabat, oblitus iam ferui: quia alium quem potiùs castigaret, inuenerat. Itaque abstulit sibi in suos potestatem, & ob peccatum quoddam commotior; Tu, inquit, Speusippe seruulum istum verberibus obiurga: nam ego irascor. Ob hoc non cecidit, propter quod alius cecidisset. Irascor, inquit: plus faciam quàm oportet: libentiùs faciam. non sit iste seruus in eius potestate, qui in sua non est. Aliquis vult irato committi vltionem, cùm Plato sibi ipse imperium abrogauerit? Nihil tibi liceat, dum irasceris. quare? quia vis omnia licere: Pugna tecum ipse: si iram vincere non potes, illa te incipit vincere. Si absconditur, si illi exitus non datur, signa eius obruamus: & illam, quantum fieri potest, occultam secretamque teneamus.

CAP. XIII. Cum magna id nostra molestia fiet. Cupit enim exilire, & incendere oculos, & mutare faciem: sed si immingere illi extra nos licuit, supra nos est. In imo pectoris secessu recondatur, feraturque, non ferat: imò in contrarium omnia eius indicia flectamus. Vultus remittatur, vox lenior sit, gradus lentior: paulatim cum exterioribus interiora formentur. In Socrate iræ signum erat, vocem submittere, loqui parciùs. apparebat

tunc

tunc illum sibi obſtare. Deprehendebatur itaque à familiaribus & coarguebatur: nec erat illi exprobratio latitantis iræ ingrata. Quid ni gauderet, quòd iram ſuam multi intelligerent, nemo ſentiret? ſenſiſſet autem, niſi ius amicis obiurgandi ſe dediſſet, ſicut ipſe ſibi in amicos ſumpſerat. Quanto magis hoc nobis faciendum eſt? rogemus amiciffimum quemque, ut tunc maximè aduerſus nos libertate utatur, cùm minimè illam pati poterimus: nec aſſentiatur iræ noſtræ. Contra potens malum, & apud nos gratioſum, dum conſpicimus, dum noſtri ſumus, aduocemus.

CAP. XIV. Qui vinum malè ferunt, & ebrietatis ſuæ temeritatem ac petulantiam metuunt, mandant ſuis, ut è conuiuiο auferantur. Intemperantiam in morbo ſuam experti, parere ſibi in aduerſa valetudine vetant. Optimum eſt, notis vitij impedimenta proſpicere, & ante omnia ita componere animum, ut & grauiffimis rebus ſubitiſque conuulſus iram aut non ſentiat, aut magnitudine inopinatæ iniuriæ exortam in altum retrahat, nec dolorem ſuum profiteatur. Id fieri poſſe apparebit, ſi pauca ex ingenti turba exempla protulero: ex quibus utrūque diſcere licet, quantum mali habeat ira, vbi hominum præpotentum poteſtate tota vtitur: quantum ſibi imperare poſſit, vbi metu maiore compreſſa eſt. Cambyſen regem

gem nimis deditum vino, Præxaspes vnus
 ex carissimis monebat, vt parcius biberet:
 Turpem esse dicens ebrietatem in rege,
 quem oculi omnium auresque sequerentur.
 Ad hoc ille: Vt scias, inquit, quem-
 admodum nunquam excidam mihi, ap-
 probabo iam, & oculos post vinum in of-
 ficio esse, & manus. Bibit deinde libera-
 lius quàm aliàs, capacioribus scyphis: &
 iam grauis, & temulentus, obiurgatoris
 sui filium procedere vltra limen iubet, al-
 leuataque super caput sinistra manu sta-
 re. Tunc intendit arcum, & ipsum cor a-
 dolescentis (id enim se petere dixerat) fi-
 git, recisoque pectore hærens in ipso cor-
 de spiculum ostendit: ac respiciens patrē,
 An satis certam haberet manum interro-
 gavit. At ille negavit Apollinem potuisse
 certiùs dimittere. Dij illum malè per-
 dant, animo magis quàm conditione
 mancipium. Eius rei laudator fuit, cuius
 nimis erat spectatorem fuisse. Occasio-
 nem blanditiarum putauit, pectus filij in
 duas partes diductum, & cor sub vulnere
 palpitans. Controuersiam illi facere de
 gloria debuit, & reuocare iactum, vt regi
 liberet in ipso patre certio rem manum
 ostendere. O Regem cruentum! ò di-
 gnum in quem omnium suorum arcus
 verterentur! Cùm execrati fuerimus il-
 lum, conuiuia supplicijs funeribusq; sol-
 uentem, tamen sceleratiùs telum illud
 laudatum est, quàm missum. Videbimus
 quo-

quomodo se pater gerere debuerit, stans super cadaver filij sui, cædemque illam, cuius & testis fuerat & caussa: id de quo nunc agitur, patet, iram suprimi posse. Non maledixit regi, nullum emisit ne calamitosi quidem verbum, cum æquè cor suum, quàm filij, transfixum videret. Potest dici, meritò deuorasse verba. nam si quid tanquam iratus dixisset, nihil tanquam pater facere potuisset. Potest, inquam, videri sapientiùs se in illo casu gessisse, quàm cum de potandi modo præciperet: quem satius erat vinum quàm sanguinem bibere, cuius manus poculis occupari pax erat. Accessit itaque ad numerum eorum, qui magnis cladibus ostenderunt, quanti constarent regum amicis bona consilia.

CAP. XV. Non dubito, quin Harpagus quoque tale aliquid regi suo Persarumque suaserit, quo offensus, liberos illi epulandos apposuit, & subinde quæsiit, an placeret conditura? Deinde ut satis illum plenum malis suis vidit, afferri capita ulorum iussit, & Quomodo esset acceptus, interrogauit. Non defuerunt misero verba, non os concurret: Apud regem, inquit, omnis cœna iucunda est. Quid hac adulatione profecit? ne ad reliquias innitaretur. Non veto patrem damnare regis sui factum, non veto querere dignam tam truci portento pœnam: sed hoc interim intelligo posse etiam ex ingentibus malis

lis nascentem iram abscondi, & ad verba contraria sibi cogi. Necessaria est ista doloris refrænatio, utique hoc sortitis vitæ genus, & ad regiam adhibitis mēsam, Sic estur apud illos, sic bibitur, sic respondetur: funeribus suis arridendum est. An tanti sit vita, videbimus: alia ista quæstio est. Non consolabimur tam triste ergastulum, non adhortabimur ferre imperia carnificum, ostendemus in omni servitute apertam libertati viam. Si æger animus, & suo vitio miser est; huic misérias finire secum licet. Dicam & illi qui in regem incidit, sagittis pectora amicorum petentem, & illi cuius dominus liberorum visceribus patres saturat: Quid gemis demens, quid expectas, ut te aut hostis aliquis per exitium gentis tuæ vindicet, aut rex à longinquo potens aduolet? Quocumque respexeris, ibi malorum finis est. Vides illum præcipitem locum? illac ad libertatem descenditur. Vides illud mare, vides illud flumen, illum puteum? libertas illic in imo sedet. Vides illam arborem, breuem, retorridam, infelicem? pendet inde libertas. Vides iugulum tuum, guttur tuum, cor tuum? effugia servitutis sunt. Nimis mihi operosos exitus monstras, & multum animi ac roboris exigentes. Quæris, quod sit ad libertatem iter? quælibet in corpore tuo vena.

C A P. XVI. Quandiu quidem nihil
tam

tam intolerabile nobis videtur, ut nos expellat à vita, iram, in quocunq; erimus statu, remoueamus. Perniciosa est feruentibus. omnis enim indignatio in tormentum suum proficit, & imperia grauiora sentit, quò contumaciùs patitur. Sic laqueos fera dum iactat, astringit; sic aues viscum, dum trepidantes excutiunt, plumis omnibus illinunt. Nullum tam arctum est iugum, quod non minùs lædat ducentem, quàm repugnantem. Vnum est leuamentum malorum ingentium, pati, & necessitatibus suis obsequi. Sed cum utilis sit feruentibus, affectuum suorum, & huius præcipuè rabidi atque effrænis continentia, utilior est regibus. Perierunt omnia, ubi quantum suadet ira, fortuna permittit: nec diu potest, quæ multorum malo exercetur, potentia stare. Periclitantur enim, ubi eos qui separatim gemunt, communis metus iunxit. Plerosq; itaq; modò singuli mactauerunt, modò vniuersi, cum illos conferre in vnum iras publicus dolor coegisset. Atque pleriq; sic iram, quasi insigne regium, exercuerunt. sicut Darius, qui primus, post ablatum Mago imperium, Persas & magnam partem Orientis obtinuit. Nam cum bellum Scythis indixisset, Orientem cingentibus, rogatus ab Oebazo nobili sene, ut ex tribus liberis vnum in solatium patri relinqueret, duorum opera vteretur: plus quàm rogabatur polliceri-

licitus, omnes se illi dixit remissurum: & occisos in conspectu parentis abiecit, crudelis futurus, si omnes abduxisset.

CAP. XVII. At quanto Xerxes facilior? qui Pythio, quinque filiorum patri, vnius vacationem petenti, quem vellet, eligere permisit: deinde quem elegerat, in partes duas distractum ab utroque viæ latere posuit, & hac victima iustitiam exercitum. Habuit itaque quem debuit exitum. victus, & latè longèque fusus, ac stratum ubique ruinam suam cernens, medius inter suorum cadauera incessit. Hæc barbaris regibus feritas in ira fuit: quos nulla eruditio, nullus litterarum cultus imbuerat: dabo tibi ex Aristotelis suu regem Alexandrum, qui Clitum carissimum sibi & vnà educatum, inter epulas transfodit, & manu quidem sua, parum adulantem, & pigre ex Macedone ac libero in Persicam seruitutem transeuntem. Nam Lysimachum, æquè familiarem sibi, leoni obiecit. Nunquid ergo hic Lysimachus, felicitate quadam dentibus leonis elapsus, ob hoc, cum ipse regnaret, mitior fuit? Nam Telephorum Rhodium amicum suum undique decurtatum, cum aures illi nasumque abscidisset, in cauea velut nouum animal aliquod & inusitatum diu pavit; cum oris detruncati mutilatiq; deformitas humanam faciem perdidisset. Accedebat fames & squalor & illiquies corporis, in stercore suo

suo destituti, callosis super hæc genibus manibusque, quas in usum pedum angustiae loci cogeabant. lateribus verò attritu exulceratis, non minùs fœda quàm terribilis erat forma eius visentibus: factusque pœna sua monstrum, misericordiam quoque amiserat. tamen cùm dissimillimus esset homini, quì illa patiebatur; dissimilior erat, qui faciebat.

C A P. X V I I I. Vtinam ista sæuitia intra peregrina mansisset exempla, nec in Romanos mores cum alijs aduenticijs vitijs, & suppliciorum irarumque barbaria transisset! M. Mario, cui viciatim populus statuas posuerat, cui thure & vino Romanus populus supplicabat, L. Sylla perfringi crura, etui oculos, amputari manus iussit; & quasi totiens occideret, quotiens vulnerabat, paulatim & per singulos artus lacerauit. Quis erat huius imperij minister? quis, nisi Catilina, iam in omne facinus manus exercens? hic illum ante bustum Q. Catuli carpebat, grauissimus mitissimi viri cineribus: supra quos vir mali exempli, popularis tamen, & non tam immeritò quàm nimis amatus, per stillicidia sanguinem dabat. Dignus erat Marius qui illa pateretur, Sylla qui iuberet, Catilina qui faceret: sed indigna Respublica, quæ in corpus suum pariter & hostium & ciuium gladios reciperet. Quid antiqua perscrutor? modò C. Cæsar Sextum Papinium, cui pater erat consularis, Belie-

num

num Bassum quæstorem suum Procuratoris sui filium, alios Senatores & equites Romanos, vno die flagellis cecidit, torsit, non quæstionis, sed animi causâ. Deinde adeo impatiens fuit differendæ voluptatis, quàm ingens crudelitas sine dilatione poscebat, vt in xysto maternorum hortorum, qui porticum à ripa separat, inambulans, quosdam ex illis cum matronis atque aliis senatoribus ad lucernam decollaret. Quid instabat? quod periculum, aut priuatum, aut publicum, vna nox minabatur? quantum fuit, lucem expectare? denique ne senatores populi Romani soleatus occideret.

CAP. XIX. Quàm superbæ fuerit crudelitatis, ad rem pertinet scire, quanquam aberrare aliò possumus videri, & in diuini exire: sed hoc ipsum pars erit iræ, super solita sauiantis. Cæciderat flagellis senatores: ipse effecit, vt dici posset, Solet fieri. torserat per omnia quæ in rerum natura tristissima sunt, fidiculis, tabularibus, eculeo, igne, vultu suo. Et hoc loco respondebitur, magnam rem! si tres senatores, quasi nequam mancipia, inter verbera & flammæ diuisit, homo qui de toto senatu trucidando cogitabat: qui optabat, vt populus Romanus vnâ ceruicem haberet, vt scelera sua tot locis ac temporibus diducta, in vnum ictum & vnum diem cogeret. Quid tam inauditum,

tum, quàm nocturnum supplicium? cùm latrocinium tenebris abscondi soleat; animaduersiones, quò notiores sunt, plus ad exemplum emendationemque proficiunt. Et hoc loco respōdebitur mihi: Quod tantopere admiraris, isti bellæ quotidianum est; ad hoc viuit, ad hoc vigilat, ad hoc lucubrat. Nemo certè inuenietur alius, qui imperauerit his, in quos animaduerti iubebat, os inserta spongia includi, ne vocis emittendæ haberent facultatem. Cui vnquam morituro non est relictum, quā gerneret? timuit, ne quam liberio rem vocem extremus dolor mitteret: ne quid quod nollet, audiret. sciebat autem innumerabilia esse, quæ obijcere illi nemo, nisi periturus, auderet. Cùm spongiæ non inuenirentur, scindi vestimenta miserorum, & in os farciri pannos imperauit. Quæ ista sæuitia est? liceat vltimum spiritum trahere: da exituræ animæ locum: liceat illam non per vulnus emittere.

CAP. XX. Adijcere his longum est, quot patres quoque occisorum eadem nocte, dimissis per domos centurionibus, confecit: id est, homo misericors luctu liberauit. Non enim Caij sæuitiam, sed iræ malum propositum est scribere: quæ non tantum virum furit, sed gentes totas lancinat, sed vrbes, sed flumina, & tuta ab omni sensu doloris connerberat. Sicut rex Persarum, totius populi nares recidit in Syria: inde Rhinocotura loci nomen est.

est. Pepercisse illum indicas, quod non tota capita præcidit? nouo genere pœnæ delectatus est. Tale aliquid passi forent *Æthiopes*, qui ob longissimum vitæ spatium *Matrobij* appellantur. in hos enim, quia non supinis manibus exceperant seruitutem, missisque legatis libera responsa dederant, quæ contumeliosa reges vocant, *Cambyses* fremebat: & non prouisis comæatibus, non exploratis itineribus, per inuia, per arentia trahebat omnem bello utilem turbam: cui intra primum iter deerant necessaria, nec quicquam subministrabat sterilis & inculta, humanoque ignota vestigio regio. Sustinebant famem primò tenerrima frondium, & cacumina arborum, tum coria igne mollita, & quicquid necessitas cibum fecerat: postquam inter arenas radices quoque & herbæ defecerant, apparuitque inops etiam animalium solitudo, decimum quemque sortiti, alimentum habuerunt fame sauius. Agebat adhuc ira regem præcipitem, cum partem exercitus amisisset, partem comedisset: donec timuit, ne & ipse vocaretur ad sortem: tum demum signum receptui dedit. Seruabantur interim illi generosæ aues, & instrumenta epularum camelis vehabantur: cum fortirentur milites eius, quis malè periret, quis peiùs viueret.

CAP. XXI. Hic iratus fuit genti, & ignotæ, & immeritæ, sensura tamen: Cy-

rus, flumini. Nam cum Babylonein opugnaturus festinaret ad bellum, cuius maxima momenta in occasionibus sunt, Gynden latè fufum amnem vado transire tentauit: quod vix tutum est etiam cum sensit æstatem, & ad minimum deductus est. Ibi vnus ex his equis, qui trahere regium currum albi solebant, abreptus, vehementer commouit regem. iurauit itaque amnem illum regis equis meatum auferentem, eò se redacturum, vt transiri calcariq̃ue etiam à feminis posset. Huc deinde omnem transtulit belli apparatus, & tandiu assedit operi, donec C. & LXXX. cuniculis diuisum alueum in CCC. & LX. riuos dispergeret, & siccum relinqueret in diuersum fluentibus aquis. Perijt itaque & tempus, magna in vanis rebus iactura, & militum ardor, quem inutilis labor fregit, & occasio aggrediendi imparatos, dum ille bellum indictum hosti cum flumine gerit.

CAP. XXII. Hic furor (quid enim aliud voces?) Romanos quoque contigit. C. enim Cæsar villam in Herculanensi pulcherrimam, quia mater sua aliquando in illa custodita erat, diruit, fecitq̃ue eius per hoc notabilem fortunam. Itantem enim prænauigabamus: nunc causâ dirutæ quæritur. Et tam hæc cogitanda sunt exempla, quæ vites; quàm illa è contrario, quæ sequaris, moderata, lenia: quibus nec ad irascendum causâ defuit, nec ad vlciscen-

scendum potestas. Quid enim facilius fuit Antigono, quàm duos manipulares duci iubere, qui incumbentes regio tabernaculo faciebant, quod homines & periculosissimè & libentissimè faciunt, de rege suo malè existimant? Audierat omnia Antigonus, utpote cùm inter dicentes & audientem palla interesset: quam ille leuiter commouit, & Longius, inquit, discedite, ne vos rex audiat. Idem quadam nocte, cùm quosdam ex militibus suis exaudisset, omnia mala imprecantes regi, qui ipsos in illud iter & inextricabile lutum deduxisset, accessit ad eos qui maximè laborabant: & cùm ignorantes à quo adiuuarentur, explicuisset: Nunc, inquit, maledicite Antigono, cuius vitio in has miseras incidistis: ei autem benè optate, qui vos ex hac voragine eduxit. Idem tam miri animo hostium suorum maledicta, quàm ciuium tulit. Itaque cùm in paruulo quodam castello Græci obsiderentur, & fiducia loci contemnentes hostem multa in deformitatem Antigoni iocarentur, & nunc staturam humilem, nunc collisum nasum deriderent: Gaudete, inquit, & aliquid boni spero: si in castris meis Silenum habeo. Cùm hos dicaces fame domuisset, captis sic usus est, ut eos qui militiæ utiles erant, in cohortes describeret, ceteros præconi subijceret: id quoque se negauit facturum fuisse, nisi expediret his dominum habere, qui tam

malam haberent linguam. Huius nepos fuit Alexander, qui lanceam in conuiuas suos torquebat, qui ex duobus amicis quos paulò antè retuli, alterum feræ obiecit, alterum sibi. Ex his duobus tamen, qui leoni obiectus est, vixit.

CAP. XXIII. Non habuit hoc auitum ille vitium, ne paternum quidem. nam si qua alia in Philippo virtus, fuit & concumiliarum patientia, ingens instrumentum ad turetam regni. Demochares ad illum, *Parthesiastes* ob nimiam & procacem linguam appellatus, inter alios Atheniensem legatos venerat: audita benignè legatione, Philippus, Dicite, inquit, mihi, facere quid possum, quod sit Atheniensibus gratum? Excepit Demochares: Te, inquit, suspendere. Indignatio circumstantium ad tam inhumanum responsum exorta est: quos Philippus conticescere iussit, & Therpsitam illum saluum, incolumemque dimittere. At vos, inquit, ceteri legati nunciate Atheniensibus, multò superbiores esse, qui ista dicunt, quàm qui impunè dicta audiunt. Multa & diuus Augustus digna memoria fecit, dixitque: quibus appareat illi iram non imperasse. Timagenes historiarum scriptor, quædam in ipsum, quædam in uxorem eius, & in totam domum dixerat, nec perdiderat dicta, magis enim circumfertur, & in ore hominum est, temeraria urbanitas. Sæpè illum Cæsar monuit,

ut moderatius lingua vteretur : perseueranti, domo sua interdixit. Postea Timagenes in contubernio Pollionis Asinij conieuit, ac tota ciuitate dilectus est. nullum illi limen praelusa Cæsaris domus abstulit. Historias postea quas scripserat, recitauit, & combussit; & libros acta Cæsaris. Augusti continentes in ignem posuit. inimicitias gessit cum Cæsare. Nemo amicitiam eius, extimuit, nemo quasi fulguritum refugit: fuit qui præberet tam altè cadenti sinum. Tulit hoc, ut dixi, Cæsar patienter, ne eo quidem motus, quòd laudibus suis, rebusque gestis manus attulerat. Nunquam cum hospite inimici sui questus est: hoc duntaxat Pollioni Asinio dixit, *Ἰνδοίητος*. Paranti demum excusationem, obstitit. Fruere, inquit, mi Pollio, fruiere. Et cum Pollio diceret: Si iubes Cæsar, statim illi domo mea interdiciam. Hoc me, inquit, putas facturum, cum ego vos in gratiam reduxerim? Fuerat enim aliquando Timageni Pollio iratus: nec ullam aliam habuerat causam definendi, quàm quòd Cæsar exeperat.

CAP. XXIV. Dicat itaque quisque sibi, quoties laceffitur: Nunquid potentior sum Philippo? illi tamen impune maledictum est. Nunquid in domo mea plus possum, quàm toto orbe terrarum diuix Augustus potuit? ille tamen contentus fuit, à conuiciatore suo secedere. Quid

est quare ego serui mei hilarius respon-
sum, & contumaciorem vultum, & non
peruenientem vsque ad me murmuratio-
nem, flagellis & compedibus expiem?
quis sum, cuius aures lædi nefas sit? Igno-
uerunt multi hostibus: ego non ignoscam
pigris, negligentibus, garrulis? Puerum
ætas excuset, feminam sexus, extraneum
libertas, domesticum familiaritas. Nunc
primum offendit? cogitemus: quandiu
placuerit. sæpè & aliàs offendit? feramus
quod diu tulimus. Amicus est? fecit quod
noluit. Inimicus est? fecit quod debuit.
Prudentiori cedamus: stultiori remitta-
mus. pro quocunque, illud respondeam-
us nobis, sapientissimos quoque viros
multa delinquere: neminem esse tam cir-
cumspexitum, cuius non diligentia ali-
quando sibi ipsi excidat: neminem tam
maturum, cuius non gravitatem in ali-
quod feruidius factum casus impingat:
neminem tam timidum offensarum, qui
non in illas, dum vitat, incidat.

-CAP. XXV. Quomodo homini pu-
sillo solatium in malis fuit, etiam magno-
rum virorum titubare fortunam, & equio-
re animo filium in angulo flevit, qui vidit
acerba funera etiam ex regia duci: sic ani-
mo æquiore feret ab aliquo lædi, ab ali-
quo contemni, cuiuscunque venit in men-
tem, nullam esse tantam potentiam, in-
quam non incurrat iniuria. Quod si
etiam prudentissimi peccant, cuius non

error

error bonam causam habet? Respiciamus, quoties adolescentia nostra in officio partum diligens fuerit, in sermone parum modesta, in vino parum temperans: Si iratus est: demus illi spatium, quo dispicere quid fecerit, possit. se ipse castigabit. Denique dabit poenas. non est quod cum illo paria faciamus. Illud non venit in dubium, quin se exemerit turbæ, & altius steterit, quisquis despexit lacescentes: proprium est magnitudinis veræ, non se sentire percussum. Sic immanis fera ad latratum canum lenta respexit: sic irritus ingenti scopulo fluctus assultat. Qui non irascitur, inconcussus iniuria perstitit: qui irascitur, motus est. At ille quem modò altioreni omni incommodo posui, tenet quodam amplexu summum bonum. nec homini tantum, sed ipsi fortunæ responderet. Omnia licet facias, minor es, quam ut serenitatem meam obducas. Vetat hoc ratio, cui vitam regendam dedi. plus mihi nocitura est ira, quam iniuria. Quid niplus? illius modus certus est: ista quousque me latura sit, incertum est.

CAP. XXVI. Non possum, inquis, pati. graue est, iniuriam sustinere. Mentiris. quis enim iniuriam non potest ferre, qui potest iram? Adice nunc, quod id agis ut & iram feras, & iniuriam. Quare fers ægri rabiem, & phrenetici verba? puerorum proteruas manus? nempe quia videntur nescire, quid faciant. Quid inter-

est, quo quisque vitio fiat imprudens? imprudentia par in omnibus patrocinium est. Quid ergo? inquis. impune illi erit? puta te velle: tamen non erit. Maxima est enim factæ iniuriæ pœna, fecisse: nec quisquam gravius afficitur, quàm qui ad supplicium pœnitentiæ traditur. Denique ad conditionem rerum humanarum respiciendum est, ut omnium accidentium æqui iudices simus: iniquus autem est, qui commune vitium, singulis obiecit. Non est Æthiopis inter suos insignitus color: nec rufus crinis & coactus in nodum apud Germanos: utrumque decet. Nihil in vno indicabis notabile aut fœdum, quod genti suæ publicum est. At ista quæ retuli, vnius regionis: atque anguli. consuetudo defendit: vide nunc quanto in his iustior venia sit, quæ per totum genus humanum vulgata sunt. Omnes inconsulti. & improuidi sumus, omnes incerti, queruli, ambitiosi. Quid lenioribus verbis vlcus publicum abscondo? omnes mali sumus. Quicquid itaque in alio reprehenditur, id vnusquisque in suo sinu inueniet. Quid illius pallorem, illius maciem notas? pestilentia est. Placidiores itaque inuicem simus, mali inter malos viuimus. Vna res nos facere potest quieros, mutæ facilitatis conuentio. Ille mihi iam nouit: ego illi nondum: sed iam aliquem, fortasse læsisti: sed lædes.

CAP. XXVII. Noli æstimare hanc:
ho-

horam, aut hunc diem: totum inspicere mentis tuæ habitum. etiam si nihil mali fecisti, potes facere. Quanto fatius est, sanari iniuriam, quàm ulcisci? Multum temporis ultio, absument, multis se iniuriis obijcit, dum una dolet. Diutius irascimur omnes, quàm lædimur: quanto melius est, abire in diversum, nec vitia vitiis componere? Num quis satis constare sibi videatur, si mulam calcibus repetat, & canem morlu? Ista, inquis, peccare se nesciunt. Primum, quàm iniquus est, apud quem hominem esse, ad impetrandam veniam nocet? deinde, si cetera animalia iræ tuæ subducit, quòd consilio caret: eo loco tibi sit, quisquis consilio caret. Quid enim refert, an alia mutis dissimilia habeat, si quod in omni peccato muta defendit, similem habet caliginem mentis? Peccavit, hoc enim primum, hoc enim extremum. Non est quòd illi credas etiam si dixit: Iterum non faciam. Et iste peccabit, & in istum alius, & tota vita inter errores volutabitur. Mansuetè immanueta tractanda sunt. Quod in luctu dici solet, efficacissimè, & in ira dicitur: Vtrum aliquando desines, an nunquam? si aliquando; fatius est iram relinquere, quàm ab ira relinqui. Sin semper hæc cogitatio durabit; vides, quàm impacatam tibi denunties vitam. qualis enim erit semper tumentis?

CAP. XXVIII. Adice nunc, quòd nisi

E 6. benè.

benè te ipse succenderis, & subinde causas quibus stimuleris, renouaueris, sua sponte ira discedet, & vires illi dies subtrahet. quanto satius est à te illam vinci, quàm à se? Huic irasceris, deinde illi: seruis, deinde libertis: parentibus, deinde liberis: notis, deinde ignotis. Vbiq̃ue enim causæ supersunt, nisi deprecator animus accessit. Hinc te illò furor rapiet, & illinc aliò: & nouis subinde irritamentis orientibus, continuabitur rabies. Age infelix, & quando amabis? O quàm bonum tempus in re mala perdis! Quanto nunc satius erat, amicos parare, inimicos mitigare, Rempub. administrare, transferre in res domesticas operam: quàm circumspicere quid alicui possis facere mali? quod aut dignitati eius, aut patrimonio, aut corpori vnlus infligas? cùm id tibi contingere sine certamine ac periculo non possit, etiàm si cum inferiore concurreas. Victum licet accipias, & ad arbitrium tuum omni patientiæ expositum: sæpè nimia vis ardentis aut articulum loco mouit, aut neruum in his quos fregit, dentibus fixit. Multos iracundia inancos, multos debiles fecit, etiam vbi patientiæ est nacta materiam. Adijce nunc, quod nihil tam imbecille natum est, vt sine elidentis periculo pereat. imbecillos valentissimis aliàs dolor, aliàs casus exæquat. Quid, quod pleraq̃ue eorum propter quæ irascimur, offendunt nos
magis,

magis, quàm lædunt? multum autem intereſt, utrùm aliquis voluptati meæ obſtet, an deſit: eripiat, an non det. Atqui in æquo ponimus, utrùm aliquis auferat, an neget: utrùm ſpem noſtram præcidat, an differat: utrùm contra nos faciat, an proſe: amore alterius, an odio noſtri. Quidam verò non tantùm iuſtas cauſas ſtandi contra nos, ſed etiam honeſtas habent. Alius patrem tuctur, alius frãtrem, alius patrum, alius amicum. his tamen non ignoſcimus id facientibus: quod niſi facerent, improbaremus. imò, quod eſt incredibile, ſæpè de facto benè exiſtimamus, de faciente malè.

CAP. XXIX. At mehercules vtr magis ac iuſtus, fortiſſimum quemque ex hoſtibus ſuis, & pro libertate ac ſalute patriæ pertinaciſſimum ſuſpicit, & talen ſibi ciuem, talem militem contingere optat. Turpe eſt, odiſſe quem laudes: quanto verò turpius, ob id aliquem odiſſe, propter quod miſericordia dignus eſt? Si captiuus in ſeruitutem ſubito depreſſus reliquias libertatis tenet, nec ad ſordida ac laborioſa minifteria agilis occurrit, ſi ex otio piger equum vehiculumque domini curſu non exæquat, ſi inter quotidianas vigilias feſſum ſomnus oppreſſit, ſi ruſticum laborem recuſat, aut non fortiter obit, à ſeruitute vrbaſa & feriata tranſlatus ad durum opus. Distinguiamus, utrùm aliquis non poſſit, an nolit. multos abſolue-

hemus, si cœperimus antè iudicare, quàm irasci. Nunc autem primum impetum sequimur, deinde quamvis vana nos concitauerint, perseveramus, ne videamur cœpisse sine causa: & quod iniquissimum est, pertinaciores nos facit iniquitas iræ. Retinemus enim illam, & augemus: quasi argumentum sit iustè irascendi, graviter irasci. Quanto melius est, initia ipsa perspicere, quàm leuia sint, quàm innoxia? Quod accidere vides in animalibus mutis, idem in homine deprehendes: friuolis turbamur, & inanibus.

C A P. X X X. Taurum color rubicundus excitat, ad vmbra, aspis exsurgit, vt los leonesque mappa proritat. Omnia quæ natura fera ac rabida sunt, consternantur ad vana. Idem inquietis & stolidis ingenijs enenit: rerum suspitione feriuntur. adeo quidem, vt interdum iniurias vocent modica beneficia: in quibus frequentissima, certe acerbissima iracundia materia est. Carissimis enim irascimur, quod minora nobis præstiterint, quàm mente concepimus, quàm quæ alij tulerint: cum vtriusque rei paratum remedium sit. Magis alteri indulgit? nostra nos sine comparatione delectent. nunquam erit felix, quem torquebit felicior. Minus habeo quàm speravi? sed fortasse plus speravi, quàm debui. Hæc pars maxime metuenda est: hic perniciosissimæ iræ nascuntur, & sanctissima quæque inuasu-

uasuræ. Diuum Iulium plures amici confecerunt, quàm inimici, quorum non expleuerat spes inexplébiles. Voluit quidem ille: neque enim quisquam liberaliùs victoria usus est, ex qua nihil sibi vindicauit, nisi dispensandi potestatem. sed quemadmodum sufficere tam improbis desiderijs posset, cum tantum omnes concupiscerent, quantum poterat vnus? Vidit itaque strictis circa sellam suam gladijs commilitones suos, Cimbrum Tillium acerrimum paulò ante suarum partium defensorem, aliosque post Pompeium demum Pompeianos.

CAP. XXXI. Hæc res sua in reges arma conuertit, fidissimosque eò compulit, vt de morte eorum cogitarent, pro quibus & ante quos mori, votum habuerant. Nulli ad aliena respicienti, sua placent. Inde dijs quoque irascimur, quòd aliquis nos antecedit, oblitus quantum sequatur à tergo ingentis inuidiæ. Tanta tamen importunitas hominum est, vt quamuis multum acceperint, iniuriæ loco sit, plus accipere potuisse. Dedit mihi præturam? sed consulatum speraueram. Dedit duodecim fasces? sed non fecit ordinarium consulem. A me numerari voluit annum? sed deest mihi ad sacerdotium. Cooptatus in collegium suum? sed cur in vnum? Consummauit dignitatem meam? sed patrimonio nihil contulit. Ea dedit mihi, quæ debebat alicui dare: de suo nihil protulit.

tulit . Age potiùs gratias , pro his quæ accepisti : reliqua expecta , & nondum plenum te esse gaude . Inter voluptates est , superesse quod speres . Omnes vicisti ? primum te esse in animo amici tui letare . multi te vincunt ? considera , quanto antecedas plures , quàm sequaris .

- CAP. XXXII. Quod sit in te maximum vitium , quæris ? falsas rationes conficis : data magno æstimas , accepta paruo . Aliud in alio nos deterreat . quibusdam timeamus irasci , quibusdam vereamur , quibusdam fastidiamus . Magnam rem sine dubio fecerimus , si seruulum infelicem in ergastulum miserimus . Quid properamus verberare statim , crura protinus frangere ? non peribit potestas ista , si discretetur . sine id tempus veniat , quo ipsi iubeamus : nunc ex imperio iræ loquimur . cùm illa abierit , tunc videbimus , quanti sit ista his æstimanda . In hoc enim præcipuè fallimur . ad ferrum venimus , ad capitalia supplicia : & vinculis , carcere , fame , vindicamus rem , castigandam flagris leuioribus . Quomodo , inquis , nosribes intueri , quàm omnia per quæ lædè videmur , exigua , misera , puerilia sint ? Ego verò nihil magis suaferim , quàm sumere ingentem animum , & hæc propter quæ litigamus , discurremus , anhelamus , videre : quàm humilia & abiecta sint , nulli qui altum quiddam aut magnificum cogitat , respicienda . Circa pecuniam plurimum

voci-

vociferationis est : hæc fora defatigat, patres liberosque committit, venena miscet, gladios tam percussoribus quam legionibus tradit. hæc est sanguine nostro delibuta. propter hanc vxorum maritorumque noctes strepunt litibus, & tribunalia magistratum premit turba: reges sæuiunt, rapiuntque, & ciuitates longo seculorum labore constructas euertunt, vt aurum argentumque in cinere vrbum scrutentur.

CAP. XXXIII. Libet intueri fiscos in angulo iacentes. Hi sunt, propter quos oculi clamore exprimentur: fremitu iudiciorum basilicæ resonant: euocati ex longinquis regionibus iudices sedent. iudicaturi, vtrius iustior auaritia sit. Quid si ne propter fiscum quidem, sed pugnum æris, aut imputatum à seruo denarium, senex sine hærede moriturus stomacho dirumpitur? Quid si propter vsuram aut millesimam, valetudinarius scenerator distortis pedibus, & manibus ad computandum modò relictis, clamat, ac per vadium assēs suos in ipsis morbi accessionibus vindicat? Si totam mihi ex omnibus metallis, quæ cum maximè deprimimus, pecuniam proferas, si in medium proijcias quicquid thesauri tegunt, auaritia iterum sub terras referente quæ malè egresserat; omnem istam congeriem dignam non putem, quæ frontem viri boni contrahat. Quanto risu prosequenda sunt.

sunt, quæ nobis lacrimas educunt ?

CAP. XXXIV. Cedo nunc, persequere cetera, cibos, potiones, horumque causa paratam ambitionem, munditias, verba, contumelias, & motus corporum parum honorificos, & suspiciones, & contumacia iumenta, & pigra mancipia, interpretationes malignas vocis alienæ: quibus efficitur, ut inter iniurias naturæ numeretur sermo homini datus. Crede mihi, leuia sunt: propter quæ non leniter excandescimus, qualia quæ pueros in rixam & iurgium concitant. Nihil ex his, quæ tam tristes agimus, ferium est, nihil magnum. Inde, inquam, vobis ira & infania est, quod exigua magno æstimatis. Auferre hic mihi hereditatem voluit: hic me diu spe suprema captatum criminatus est; hic scortum meum concupivit. Quod vinculum amoris esse debebat, seditionis atque odij causa est, idem velle.

CAP. XXXV. Iter angustum rixas transeuntium concitat: diffusa & late patens via ne populos quidem collidit. Ista quæ appetitis quia exigua sunt, nec possunt ad alterum, nisi alteri erepta, transferri: eadem affectantibus pugnam & iurgia excitant. Respondisse tibi indignaris libertum, & uxorem, & clientem: deinde idem de Repub. libertatem sublatam queris, quam domi sustulisti. Rursus si tacuit interrogatus, contumaciam vocas. Et loquatur, & taceat, & rideat. coram
do.

domino? inquis. imò coram patrefamiliis. Quid clamas? quid vociferaris? quid flagella media cœna petis, quòd serui loquuntur, quòd non eodem loco turba concionis est, & silentium solitudinis? In hoc habes aures, ut nisi modulata tantùm & mollia, & ex dulci tracta composita que accipiant? Et risum audias oportet, & fletum, & blanditias, & lutes, & prospera, & tristia, & hominum voces, & fremitus animalium latratulque. Quid miser expauescis ad clamorem serui, ad tiuitum æris, ad ianuæ impulsu? cùm tam delicatus fueris, tonitrua audienda sunt. Hoc quod de auribus dictum est, transfer ad oculos: qui non minùs fastidio laborant, si malè instituti sunt. macula offenduntur & sordibus, & argento parùm splendido, & stagno non ad solem perlucente. Hi nempe oculi, qui non ferunt nisi varium, ac recenti cura nitens marmor, qui mensam nisi crebris distinctam næuis, qui nolunt domi nisi auro pretiosa calcare: æquissimo animo foris & scabras lutosasque semitas spectant, & maiorem partem occurrentium squalidam, parietes insularum exesos, ruinosos, inæquales.

CAP. XXXVI. Quid ergo aliud est quod illos in publico non offēdat, domi moueat, quàm opinio illic æqua & patiens, domi morosa & querula? Omnes sensus perducendi sunt ad firmitatem. natura

tura patientes sunt, si animus illos deficiat corrumpere; qui quotidie ad rationem reddendam vocandus est. Faciebat hoc Sextius, ut consummato die cum se ad nocturnam quietem recepisset, interrogaret animum suum: Quod hodie malum tuum sanasti? cui vitio obstitisti? qua parte melior es? Desinet ira, & erit moderatior, quæ sciet sibi quotidie ad iudicem esse veniendum. Quid ergo pulchrius hac consuetudine excutiendi totum diem? qualis illi somnus post recognitionem sui sequitur? quàm tranquillius, altus ac liber, cum aut laudatus est animus, aut admonitus, & speculator sui censorque secretus cognoscit de moribus suis? Vtor hac potestate, & quotidie apud me causam dico. cum sublatum è conspectu lumen est, & conticuit vxor moris iam mei conscia, totum diem mecum scrutor, facta ac dicta mea remetior. Nihil mihi ipse abscondo, nihil transeo: quare enim quicquam ex erroribus meis tuncam, cum possim dicere: Vide ne istud ampliùs facias, nunc tibi ignosco. In illa disputatione pugaciùs locutus es: noli postea congregi cum imperitis. nolunt discere, qui nunquam didicerunt. Illum liberiùs admonuisti, quàm debebas. itaque non emendasti, sed offendisti. de cetero vide, non tantum arverum sit quod dicis, sed an ille cui dicitur, veri patiens sit.

CAP. XXXVII. Admoneri bonus

gau-

gaudet: pessimus quisque correptorem asperimè patitur. In conuiuio quorundam te sales, & in dolorem tuum iacta verba tetigerunt: vitare vulgarem conuietum memento. solutior est post vinum licentia, quia ne sobrijs quidem pudor est. Iratum vidisti amicum tuum ostiario caufidici alicuius aut diuitis, quod intrantem submouerat: & ipse pro illo iratus extremo mancipio fuisti. Irasceris ergo cathenario cani? & hic cum multum latrauit, obiecto cibo mansuescit. recede longius, & ride. Nunc iste aliquem se putat, quod custodit litigatorum turba limen obsessum. nunc ille qui intra iacet, felix fortunatusque est: & beati hominis ac potentis iudicat indicium, difficilem ianuam. nescit durissimum esse ostium carceris. Præsume animo, multa esse tibi patienda. Numquis se hieme algere miratur? numquis in mari nauicare, in via concuti? Fortis est animus, ad quæ præparatus venit. Minus honorato loco positus, irasce cœpisti conuiuatori, vocatori, ipsi qui tibi præferebatur. Demens, quid interest, quam lecti premas partem? honestiorem te, aut turpiorem, potest facere puluinus? Non æquis quendam oculis vidisti, quia de ingenio tuo malè locutus est. Recipis hanc legem? ergo te Ennius, quo non delectaris, odisset: & Hortensius simultates tibi indiceret: & Cicero, si derideres carmina eius, inimicus esset.

CAP. XXXVIII. Vis tu æquo animo pati candidatus suffragia? Contumeliam tibi fecit aliquis. nunquid maiorem quam Diogeni, philosopho Stoico? cui de ira cum maxime differenti, adolescens protervus inspuuit. tulit hoc iste leniter ac sapienter. Non quidem, inquit, irascor: sed dubito tamen, an irasci oporteat. Cato noster melius. cui cum causam agenti, in frontem mediam, quantum poterat attracta piugui salua, inspuisset Lentulus, ille patrum nostrorum memoria factiosus & impotens, absterlit faciem, & Affirmabo, inquit, omnibus, Lentule, falli eos, qui te negant os habere.

CAP. XXXIX. Contigit iam nobis, Nouate, bene componere animum, si aut non sentit iracundiam, aut superior est: videamus quomodo alienam iram leniamus: nec enim sani esse tantum volumus, sed sanare. Primam iram non audebimus oratione mulcere, furda est & amens: dabimus illi spatium. remedia in remissionibus profunt: nec oculos tumentes tentabimus, vim rigentem mouendo incitaturi, nec cetera vitia dum feruent. Initia morborum quies curat. Quantum, inquis, prodest remedium tuum, si sua sponte desinentem iram placat? Primum, ut citius desinat, efficit: deinde custodiet, ne recidat: ipsum quoque impetum, quem non audet lenire, fallit. Remouebit omnia ultionis instrumenta, si-

mit-

mulabit iram, vt tanquam adiutor & doloris comes plus auctoritatis in confilijs habeat. moras neſcit: & dum maiorem quatit pœnam, præſentem differet. omni arte requiem furori dabit. Si vehementior erit; aut pudorem illi cui non reſiſtat, inſuet, aut metum. Si infirmior; ſermones inferet, vel gratos, vel nouos, & cupiditate cognoscendi auocabit. Medicum aũt, cum regis filiam curare deberet, nec ſine ferro poſſet, dum tumentem mammam leuiter fouet, ſcapellum ſpongia rectum induxiſſe. Repugnaret puella remedio palam admoto: eadem, quia non expectauit, dolorem tulit.

C A P. XL. Quædam non niſi decipra ſanantur. Alteri dices: Vide ne inimicis iracundia tua voluptati ſit. Alteri: Vide ne magnitudo animi tui, creditumque apud pleroſque robur, cadat. Indignor mehercule, & non inuenio dolendi modum: ſed tempus expectandum eſt. dabit pœnas. Serua iſtud in animo tuo. cum potueris, & pro mora reddes. Caſtigare verò irascentem, & vtrò obuiam ire ei, incit ire eſt. Variè aggredieris, blandeq̃ue: niſi fortè tanta perſona eris, vt poſſis iram comminſcere: quemadmodum fecit diuus Auguſtus, cum cœnaret apud Vedium Polliõem. Fregerat vnus ex ſeruis eius cryſtallinum. rapi eum Vedius iuſſit, nec vulgari quidem periturum morte: nauarum obijci iubebatur, quas ingens pili-

piscina continebat. Quis non hoc illum putaret luxuriæ causâ facere? sæuitia erat. Euasit è manibus puer, & confugit ad Cæsaris pedes: nihil aliud petiturus, quàm vt aliter periret, nec esca fieret. Motus est nouitate crudelitatis Cæsar, & illum quidem mitti, crySTALLINA autem omnia coram se frangi iussit, compleri-
 que piscinam. Fuit Cæsari sic castigandus amicus: bene usus est viribus suis. E conuiuio rapi homines imperas, & noui generis pœnis lancinari? si calix tuus fractus est, viscera hominis distrahentur? rantum tibi placebis, vt ibi aliquem duci iubeas vbi Cæsar est?

CAP. XL I. Sic instandum potentiae est, vt iram ex superiori loco aggredi possit. malè tractabilem, ac talem dumtaxat, qualem modò retuli, feram, immanem, sanguinariam, quæ iam insanibilis est, nisi maius aliquid extimuit. Pacem demus animo, quam dabit præceptorum salutarium assidua meditatio, actusque rerum boni, & intenta mens ad vnius honesti cupiditatem. Conscientia: fatis fiat. nil in famam laboremus: sequatur vel mala, dum bene merearis. At vulgus animosa miratur, & audaces in honore sunt: placidi pro inertibus habentur. primo forsitan aspectu, sed simulac æqualitas vitæ fidem facit, non segnitiam illam animi esse, sed pacem veneratur idem illos populus colitque. Nihil ergo habet in se vtile teter
 ille

ille & hostilis affectus ; at omnia è contra-
rio mala , ferrum, ignes : pudore calcato ;
cadibus inquinavit manus, membra libe-
rorum dispersit . Nihil vacuum reliquit à
scelere, non gloriæ memor , non infamiae
metuens , inemendabilis cùm ex ita in o-
dium occalluit.

C A P. X L I I. Careamus hoc malo ,
purgemusque mentem, & exstirpemus ra-
dicitus ea vitia , quæ quamvis tenuia vi-
decunque hæserint , renascentur : & iram
non temperemus , sed ex toto remouea-
mus . Quod enim male rei temperamen-
tum est ? poterimus autem , adnitamur
modò . Nec vlla res magis proderit , quàm
cogitatio mortalitatis . sibi quisque ut al-
teri dicat : Quid iuuat , tanquam in æter-
num genitos iras indicere , & breuissimam
ætatem dissipare ? quid iuuat , dies quos in
voluptatem honestam impendere licet , in
dolorem alicuius tormentumque trans-
ferre ? non capiunt res istæ iacturam , nec
tempus vacat perdere . Quid ruimus in
pugnam ? quid certamina nobis accersi-
mus ? quid imbecillitatis obliti , ingentia
odia fuscipimus , & ad frangendum fragi-
les consurgimus ? Iam istas inimicitias ,
quas implacabili gerimus animo , febris
aut aliud malum corporis vetabit geri-
iam per acerrimum media mors diri-
met . Quid tumultuamur , & vitam sedi-
tiosi conturbamus ? stat super caput fa-
tum , & pereuntis dies imputat , propius-
que

que ac propius accedit . Istud tempus quod alienæ destinās morti , fortasse citra tuam est .

CAP. XLIII. Quin potius vitam breuiem colligis , placidamque & tibi & ceteris præstas?quin potius amabilem te, dum viuis, omnibus desiderabilem, cum excesseris, reddis? Et quid illum, nimis ex alto tecum agentem, detrahare cupis? quid illum oblarrantem tibi, humilem quidem & contemptum, sed superioribus acidum ac molestum, exterrere viribus tuis tentas? Quid seruo? quid domino? quid regi? quid clienti tuo irasceris? sustine paululum. venit ecce mors, quæ nos pares faciat. Ridere solemus inter matutina arenæ spectacula, tauri & vrsi pugnam inter se colligatorum: quos, cum alter alterum vexarit, sus confector expectat. Idem facimus. aliquem nobiscum alligatum lacessimus: cum victo victoriq̃ue finis equè maturus immineat. Quieti potius pacatiq̃ue, quantulumcunq̃ue superest, exigamus. nulli cadaver nostrum iaceat inuisum. Sæpè rixam conclamatum in vicino incendium soluit: & interuentus feræ, larronem viatoremq̃ue diducit. Colluctari cum minoribus malis non vacat, vbi metus maior apparuit. Quid nobis cum dimicatione & insidiis? numquid amplius isti cui irasceris, quàm mortem optas? etiam te quiescente morietur. perdis operam: facere vis, quod futurum est. Nolo,

inquis,

inquis, utique occidere, sed exilio, sed ignominia, sed damno afficere. Magis ignosco ei, qui vulnus inimici, quam qui pusulam concupiscit. hic enim non tantum mali animi est, sed pusilli. Siue de ultimis suppliciis cogitas, siue de leuioribus; quantulum est temporis, quo aut ille poena sua torqueatur, aut tu malum gaudium ex aliena percipias? Iam ipsum spiritum exspuimus, interim dum trahimus. Dum inter homines sumus, colamus humanitatem: non timori cuiquam, non periculo sumus: detrimenta, iniurias, conuicia, vellicationes contemnuamus, & magno animo breuia feramus incommoda. Dum respicimus, quod aiunt, versamurque nos, iam mortalitas aderit.

L. ANNÆI SENECAE

AD HELVIAM MATREM

DE CONSOLATIONE

LIBER VNVS.

I. LIPS. *Carmina hic visum praescribere, quae Seneca tribuuntur, & certe exilium eius tangunt. Siue ab ipso igitur, siue de ipso scripta, ad argumentum & lucem libelli spectant.*

L. ANNÆI SENECAE.

I. AD CORSICAM.

CORSICA Phocæo tellus habitata
colono ,

- Corfica, quæ Graio nomine Cynus eras:

- Corfica Sardinia breuior, porrectior Ilua:

- Corfica piscosis peruia fluminibus:

- Corfica terribilis, cum primum incanduit
æstas :

- Sæuior, ostendit cum ferus ora canis:

- Parce relegatis, hoc est, iam parce sepultis,

Viuorum cineri sit tua terra leuis.

II. DE EADEM.

Barbara præruptis inclusa est Corfica sax-
is :

- Horrida, desertis vndique vasta locis.

- Non poma Autumnus, segetes non edu-
cat Æstas :

- Canaq; Palladio munere Bruma caret:
Umbrarum nullo Ver est latabile foetu,

- Nullaq; in infauito nascitur herba solo:

- Non panis, non haustus aquæ, non vlti-
mus ignis :

- Hic sola hæc duo sunt, exul, & exilium.

III. QVERELA.

- Occisi iugulum quisquis scrutaris amici,

- Tu miserum necdum me satis esse putas:

- Desere confossum: victori vulnus iniquo

- Mortiferum impressit mortua sæpè ma-
nus .

IV.

Quisquis es, & nomen dicam? dolor omnia cogit,

Qui nostrum cinerem nunc, inimice, premis:

Et non contentus tantis, subitisque ruinis,
Stringis in exstinctum tela cruenta caput.
Crede mihi, vires aliquas Natura sepulchris

Attribuit: tumulos vindicat umbra suos.
Ipsos crede Deos hoc nunc tibi dicere,
Liuor,

Hoc tibi nunc Manes dicere crede meos:
Res est sacra, miser. Noli mea tangere fata.
Sacrilegæ bustis abstinere manus.

Carmina mortifero tua sunt suffusa veneno,

Et sunt criminibus pectora nigra magis.
Nemo tuos fugiat, non vir, non foemina dentes,

Haud puer, haud ætas vndiq; tuta senis.
Utque furens totas immittit saxa per vrbes
In populum: sic tu verba maligna iacis.
Sed solet insanos populus compescere sanus:

Et repetunt motum saxa remissa caput.
In te nunc stringit nullus non carmina vates,

Inque tuam rabiem publica Musa furit.
Dum sua compositus nondum benè concutit arima

Miles, & è nostra lancea torta manu =

Bellus homo , & validè capitalia crimina
ludis :

Deque tuis manant atra venena iocis .
Sed tu perque iocum dicis vinumque .
quid ad rem ,

Si plorem? risus si rursus ista facit ?
Quare tolle iocos, non est iocus esse mali-
gnum .

Nunquam sunt grati, qui nocuere sales.
VI. A D A M I C V M.

Crispe , meæ vires , lassarumque ancora
rerum :

Crispe vel antiquo conspiciende foro :
Crispe potens nunquam, nisi cum prodes-
se volebas:

Naufragio litus, tutaque terra meo .
Sohus honor nobis, arx & tutissima nobis :
Et nunc afflicto sola quies animo.

Crispe , fides dulcis , placidiq̃ue acerrima
virtus:

Cuius Cecropio pectora melle madent.
Maxima facundo vel auo, vel gloria patri:
Quo solo careat si quis, in exilio est.
An tu cui iaceo saxis telluris adhærens ,
Mens tecum est , nulla quæ cohibetur
humo .

VII. DE QUALITATE TEMPORIS.
Omnia tempus edax depascitur , omnia
carpit,

Omnia sede mouet, nil finit esse diu.
Flumina deficiunt , profugum mare litto-
ra ficcatur,

Subsidunt montes , & iuga celsa ruunt.
Quid

Quid tam parua loquor ? moles pulcher-
rima cæli.

Ardebit flammis tota repente suis .

Omnia mors pascit. Lex est , non pœna ,
perire :

Hic aliquo mundus tempore nullus erit.

VIII. V O T V M.

Sic mihi sit frater , maiorque , minorque
superstes,

Et de me doleat nil, nisi morte mea .

Sic illos vincam, sic vincar rursus amando:

Mutuus inter nos sic benè certet amor.

Sic dulci Marcus qui nunc sermone fri-
tinnit,

Facundo patruos prouocet ore duos .

*Hæc in schedis Pythæanis palàm Seneca
adscribuntur : est & aliud , quod ob argu-
menti similitudinem viri docti pariter ad-
signant .*

IX. A D C O R D V B A M.

Corduba solue comas , & tristes indue
vultus :

Inlacrimans cineri munera mitte meo.

Nunc longinqua tuum deplora , Cordu-
ba, vatem :

Corduba non alio tempore mœsta ma-
gis .

Tempore non alio , quo versis viribus
Orbis,

Incubuit belli rota ruina tibi .

Cùm geminis oppressa malis vtrimque
peribas :

Ecce tibi Pompeius , Cæsar & hostis erat.

Tempore non alio , quo ter tibi funera
centum,

Hen! nox vna dedit, quæ tibi sūma fuit.
Non, Lusitanus quateret cū mœnia latro,
Figeret & portas lancea torta tuas .
Ille tuis quondam magnus, tua gloria,
cuius

Infigar scopulo. Corduba solue comas,
Et gratare tibi , quòd te Natura supremo
Alluit Oceano : tardius ista doles.

C A P V T I.



AEpè iam , mater optima ,
imperum cepi consolandi
te, sæpè continui . Vt aude-
rem, multa me impellebant
primum , videbar depositu-
rus omnia incommoda , cū lacrimas
tuas , etiam si suppressere non potuissem ,
interim certè abstersissem. deinde plus ha-
biturum me auctoritatis non dubitabam
ad excitandam te , si prior ipse consurre-
xissem . præterea timebam , ne à me non
victa fortuna aliquem meorum vinceret .
Itaque utcunq̃ue conabar, manu super pla-
gam meam imposita, ad obliganda vulne-
ra vestra reptare. Hoc propositum meum,
erant rursus quæ retardarent. Dolori tuo,
dum recens læuiret , sciebam occurren-
dum non esse , ne illum ipsa solatia irrita-
rent, & accenderent. nam in morbis quoq̃;
nihil est perniciosius, quàm immatura me-
dicina.

dicina. Expectabam itaq; dum ipse vires suas frangeret, & ad sustinenda remedia mora mitigatus, tangi se ac tractari pateretur. Præterea, cum omnia clarissimorum ingeniorum monumenta, ad compescendos moderandosque luctus composita euoluerem, non inueniebam exemplum eius qui consolatus suos esset, cum ipse ab illis comploraretur. Ita in re noua hæsitabam, verebarque, ne hæc non consolatio, sed exulceratio esset. Quid quod nouis verbis, nec ex vulgari & quotidiana sumptis allocutione, opus erat homini ad consolandos suos ex ipso rogo caput allevanti? Omnis autem magnitudo doloris modum excedentis necesse est dilectum verborum eripiat, cum sæpè vocem quoque ipsam intercludat. Vtunque, connitatur: non fiducia ingenij, sed quia possum instar efficacissimæ consolationis esse, consolator. Cui nihil negares, huic hoc utique te non esse negaturam (licet omnis moeror contumax sit) spero, ut desiderio tuo velis à me modum statui.

CAP. II. Vide quantum de indulgentia tua promiserim mihi: potentior me futurum apud te non dubito, quàm dolorem tuum: quo nihil est apud miseros potentius. Itaque ne statim cum eo concurram, adero priùs illi, & quibus excitetur, ingeram: omnia proferam, & rescindam quæ iam obducta sunt. Dicit aliquis: Quod hoc genus est consolandi, oblite-

rata mala reuocare, & animum in omnium ærumnarum suarum conspectu collocare, vix vnus patientem? Sed is cogitet, quæcunq; vsque eo perniciosa sunt, vt contra remedium conualuerint, plerumq; contrariis curari. Omnes itaque luctus illi suos, omnia lugubria admonebo: hoc erit non molli via mederi, sed vrere ac fecare. Quid consequatur? vt pudeat animum, tot miseriarum victorem, ægrè ferre vnum vulnus, in corpore tam cicatricoso. Fleant itaque diutius, & gemant, quorum delicatas mentes enervauit longa felicitas, & ad leuissimarum iniuriarum motus collabantur: at quorum omnes anni per calamitates transierunt, grauissima quoque forti & immobili constantia perferant. Vnum habet asfidua infelicitas boni, quod quos sæpè vexat, nouissimè indurat. Nullam tibi fortuna vacationem dedit à grauissimis luctibus: ne natalem quidem tuum excepit. Amisisti matrem statim nata, imò dum nascereris: & ad vitam quodammodo exposita es. Creuisti sub nouerea: quam tu quidem omni obsequio, & pietate, quanta vel in filia conspici potest, matrem fieri coegisti: nulli tamen non magno constitit & bona nouerca. Auunculum indulgentissimum, optimum ac fortissimum virum, cùm aduentum eius expectares, amisisti. Et ne scruitiam suam fortuna leuiorem ducendo faceret,

ret, intra tricesimum diem, carissimum virum tuum, ex quo mater trium liberorum eras, extulisti. Lugenti tibi luctus nuntiatus est, omnibus quidem absentibus liberis: quasi de industria in id tempus coniectis malis tuis, ut nihil esset ubi se dolor tuus reclinaret. Transco tot pericula, tot metus, quos sine intervallo in te incurstantes pertulisti: modò in eundem sinum, ex quo tres nepotes emiseras, ossa trium nepotum recepisti. Intra vicesimum diem, quàm filium meum in manibus & in osculis tuis mortuum funeraueras, raptum me audisti, hoc adhuc defuerat tibi, lugere viuos.

CAP. III. Grauiissimum est ex omnibus, quæ ynquam in corpus tuum descenderunt, recens vulnus: fateor. non summam cutem rupit: pectus, & viscera ipsa diuisit. Sed quemadmodum tirones leuiter saucij, tamen vociferantur, & manus medicorum magis, quàm ferrum horrent: at veterani, quamuis confossi, patienter ac sine gemitu, velut aliena corpora, exsecari patiuntur: ita tu nunc debes te fortiter præbere curationi. Lamentationes quidem & ululatus, & alia per quæ ferè muliebris dolor tumultuatur, amoue. perdidisti enim tot mala, si nondum misera esse didicisti. Ecquid video, tecum timide egisse? nil tibi subduxi ex malis tuis, sed omnia coaceruata ante te posui. Magno id animo feci: constitui enim vince-

rata mala reuocare, & animum in omnium ærumnarum suarum conspectu collocare, vix vnus patientem? Sed is cogitet, quæcunque vsque eo pernicioſa ſunt, vt contra remedium conuaſcerint, plerumque contrariis curari. Omnes itaque luctus illi ſuos, omnia lugubria admonebo: hoc erit non molli via mederi, ſed vrere ac ſecare. Quid conſequar? vt pudeat animum, tot miſeriarum victorem, ægrè ferre vnum vulnus, in corpore tam cicatricoso. Flegant itaque diutiùs, & gemant, quorum delicatas mentes enervauit longa felicitas, & ad leuiſſimarum iniuriarum motus collabantur: at quorum omnes anni per calamitates tranſierunt, grauiſſima quoque forti & immobili conſtantia perferant. Vnum habet aſſidua infelicitas boni, quòd quos ſæpè vexat, nouiſſimè indurat. Nullam tibi fortuna vacationem dedit à grauiſſimis luctibus: ne natalem quidem tuum exceperit. Amiſiſti matrem ſtatim nata, imò dum naſcereris: & ad vitam quodammodo expoſita es. Creuiſti ſub nouerca: quam tu quidem omni obſequio, & pietate, quanta vel in filia conſpici poteſt, matrem fieri cœgiſti: nulli tamen non magno conſtitit & bona nonerca. Auunculum indulgentiſſimum, optimum ac fortiſſimum virum, cùm aduentum eius expectares, amiſiſti. Et ne ſæuitiam ſuam fortuna leuiorem ducendo faceret,

ret, intra tricesimum diem, carissimum virum tuum, ex quo mater trium liberorum eras, extulisti. Lugenti tibi luctus nuntiatus est, omnibus quidem absentibus liberis: quasi de industria in id tempus coniectis malis tuis, ut nihil esset ubi se dolor tuus reclinaret. Transeo tot pericula, tot metus, quos sine intervallo in te incurstantes pertulisti: modò in eundem finem, ex quo tres nepotes emiseras, ossa trium nepotum recepisti. Intra vicesimum diem, quàm filium meum in manibus & in osculis tuis mortuum funeraueras, raptum me audisti, hoc adhuc defuerat tibi, lugere viuos.

CAP. III. Grauiissimum est ex omnibus, quæ ynquam in corpus tuum descenderunt, recens vulnus: fateor, non summam cutem rupit: pectus, & viscera ipsa diuisit. Sed quemadmodum tirones leuiter faucij tamen vociferantur, & manus medicorum magis, quàm ferrum horrent: at veterani, quamuis confossi, patienter ac sine gemitu, velut aliena corpora, exsecari patiuntur: ita tu nunc debes te fortiter præbere curationi. Lamentationes quidem & ululatus, & alia per quæ ferè muliebris dolor tumultuatur, amoue. perdidisti enim tot mala, si nondum misera esse didicisti. Ecquid video, tecum timide egisse? nil tibi subduxi ex malis tuis, sed omnia coaceruata ante te posui. Magno id animo feci: constitui enim vince-

132 L. ANNÆI SENECAE
re dolorem tuum, non circumscribere.

CAP. IV. Vincam, puto. primum si ostendero nihil me pati, propter quod possum dici miser, nedum propter quod miseros etiam, quos contingo, faciam: deinde si ad te transiero, & probauero, ne tuam quidem grauem esse fortunam, quæ tota ex mea pendet. Hoc prius aggrediar, quod pietas tua audire gestit, nihil mali esse mihi: si hoc tibi demonstrare non potero, ipsas res quibus me putas premi, non esse intolerabiles, faciam manifestum. Sin id credi non potuerit: at ego mihi ipse magis placebo, quod inter eas res beatus ero, quæ miseros solent facere. Non est quod de me alius credas: ipse tibi, ne quid incertis opinionibus perturberis, indico me non esse miserum. Adiiciam, quod securior sis, nec fieri quidem posse miserum.

CAP. V. Bona conditione conditi sumus, si eam non deseruerimus. Id egit rerum natura, ut ad benè viuendum non magno apparatu opus esset: vnusquisque facere se beatum potest. Leue momentum in aduentitiis rebus est, & quod in neutram partem magnas vires habeat: nec secunda sapientem euehunt, nec aduersa demutunt. Laborauit enim semper, ut in se plurimum poneret, intra se omne gaudium peteret. Quid ergo? sapientem me esse dico? minimè: nam id quidem si profiteri possem, non tantum ne-
ga-

garem miserum me esse, sed omnium fortunatissimum, & in vicinum Deo perditum prædicarem. Nunc, quod satis est ad omnes miseras leniendas, sapientibus viris me dedi; & nondum in auxilium mei validus, in aliena castra confugi, eorum scilicet, qui facile se & sua tuentur. Illi me iusserunt stare assidue, velut in præsidio positum, & omnes conatus fortunæ, & omnes impetus prospicere multò antè quàm incurrant. Illis gravis est, quibus est repentina: facile eam sustinet, qui semper expectat. Nam & hostium aduentus eos prosternit, quos inopinatè occupavit: at qui futuro se bello ante bellum parauerunt, compositi & aptati; primum, qui tumultuosissimus est, ictum facile excipiunt. Nunquam ego fortunæ credidi, etiam si videretur pacem agere: omnia illa, quæ in me indulgentissimè conferebat, pecuniam, honores, gloriam eo loco posui, vnde posset ea sine motu meo repetere. Interuallum inter me & illa magnum habui. itaque abstulit illa, non auulsit. Neminem aduersa fortuna comminuit, nisi quem secunda decepit. Illi qui munera eius velut sua, & perpetua amauerunt, qui se propter illa suspici voluerunt: iacent & mœrent cum vanos & pueriles animos, omnis solidæ voluptatis ignaros, falsa & mobilia oblectamenta destituunt. At ille qui se lætis rebus non inflauit, nec mutatis contrahit; aduersus

vtrum

utrumque statum inuictum animum tenet, explorata iam firmitatis. nam in ipsa felicitate, quid contra infelicitatem valeret, expertus est. Itaque ego in illis quæ omnes optant, existimaui semper, nihil veri boni inesse; quin inania, & specioso ac decepturo fucō circumlita inueni, intra nihil habentia fronti suæ simile. Nam in illis quæ mala vocantur, nihil tam terribile ac durum inuenio, quàm opinio vulgi minabatur. verbum quidem ipsum, persuasione quadam & consensu, iam asperius ad aures venit, & audientes tanquam triste, & execrabile ferit: ita enim populus iussit: sed populi scita ex magna parte sapientes abrogant.

CAP. VI. Remoto igitur iudicio plurimum, quos prima rerum facies, utrumque credita est, aufert, videamus quid sit exilium: nempe, loci commutatio est. Angustare ne videamur vim eius, & quicquid pessimum in se habet, subtrahere: hanc commutationem loci sequuntur incommoda, paupertas, ignominia, contemptus. Aduersus ista postea configam: interim primum illud intueri volo, quid acerbi afferat ipsa loci commutatio. Carere patria, intolerabile est, Aspice agetum hanc frequentiam, cui vix urbis immensæ tecta sufficiunt. maxima pars illius turbæ patria caret: ex municipijs & colonijs suis, ex toto denique orbe terrarum confluxerunt. Alios adducit ambitio, alios necessitas.

fitas officij publici, alios imposita legatio,
 alios luxuria, opulentum & opportunum
 vitijs locum quærens: alios liberalium
 studiorum cupiditas, alios spectacula:
 quosdam traxit amicitia, quosdam indu-
 stria, latam ostendendæ virtuti inacta ma-
 teriam: quidam vānalem formam attu-
 lerunt, quidam vānalem eloquentiam.
 Nullum non hominum genus concurrat
 in urbem, & virtutibus & vitijs magna
 pretia ponentem. Iube omnes istos ad
 nomen citari, & Vnde domo quisque sit,
 quære: videbis maiorem partem esse, quæ
 relictis sedibus suis, venerit in maximam
 quidem ac pulcherrimam urbem, non ta-
 men suam. Deinde ab hac ciuitate disce-
 de, quæ velut communis patria potest di-
 ci: omnes vrbes circumi. nulla est, vbi
 magnam partem peregrinæ multitudinis
 non inuenias. Nunc transi ab ijs quarum
 amœna positio, & opportunitas regionis
 plures allicit: deserta loca, & asperitimas
 insulas, Sciathum & Seriphum, Gyarum
 & Cosuram pete. nullum inuenies exi-
 lium, in quo non aliquis animi causa
 moretur. Quid tam nudum inueniri po-
 test, quid tam abruptum vndique, quam
 hoc saxum? quid ad copias respicienti ie-
 iunijs? quid ad homines immansuetius?
 quid ad ipsum loci situm horridius? quid
 ad cæli naturam intemperantius? plures
 tamen hic peregrini, quam cines consi-
 stunt. Usque eo ergo commutatio ipsa

locorum grauis non est, ut hic quoque locus à patria quosdam abduxerit. Inuenio qui dicant, inesse naturalem quandam animi irritationem commutandi sedes, & transferendi domicilia. Mobilis enim & inquieta mens homini data est: nunquam se tenet: spargitur, & cogitationes suas in omnia nota atque ignota dimittit, vaga, & quietis impatiens, & nouitate rerum latissima. Quod non miraberis, si primam eius originem aspexeris. Non est ex terreno & graui concreta corpore: ex illo caelesti spiritu descendit. caelestium autem natura semper in motu est: fugit, & velocissimo cursu agitur. Aspice sidera mundum illustrantia: nullum eorum perstat. labitur assidue, & locum ex loco mutat: quamuis cum vniuerso vertatur, in contrarium nihilominus ipsi mundo refertur: per omnes signorum partes discurret; perpetua eius agitatio, & aliundè aliò commigratio est. Omnia voluuntur semper, in transitu sunt, & ut lex & naturæ necessitas ordinauit, aliundè aliò deferuntur. Cum per certa annorum spatia orbes suos explicuerint, iterum ibunt per quæ venerant. Inunc, & animum humanum, ex iisdem quibus diuina constant compositum seminibus, molestè ferre puta transitum ac migrationem: cum Dei natura, assidua & citatissima commutatione, vel delectet se, vel conseruet. A caelestibus, agedùm, te ad huma-

humana conuerte. videbis gentes, populosque mutasse sedem. Quid sibi volunt in medijs Barbarorum regionibus Græcæ vrbes? quid inter Indos Persasque Macedonicus sermo? Scythia, & totus ille ferarum indomitaramque gentium tractus, ciuitates Achaia: Ponticis impositas littoribus ostentat. Non perpetuæ hiemis sæuitia, non hominum ingenia, ad similitudinem cæli sui horrentia transferentibus domus suas obstiterunt. Atheniensis in Asia turba est: Miletus LXXV. urbium populum in diuersa effudit: totum Italiæ latus, quod infero mari alluitur, maior Græcia fuit. Tuscos Asia sibi vindicat: Tyrij Africam incolunt: Hispaniam Pœni: Græci se in Galliam immiserunt: in Græciam Galli: Pyrenæus Germanorum transitus non inhibuit: per inuia, per incognita versauit se humana leuitas. Liberos, coniugesque, & graues senio parentes traxerunt. Alij longo errore iactati, non iudicio elegerunt locum, sed lassitudine proximum occupauerunt: alij armis sibi ius in aliena terra fecerunt: quasdam gentes, cum ignota peterent, mare hausit: quedam ibi confederunt, ubi illas rerum inopia deposuit. Nec omnibus eadem causâ relinquendi, quarendique patriam fuit. Alios excidia urbium suarum, hostilibus armis elapsos, in aliena, spoliatos suis, expulerunt: alios domestica seditio submouit: alios nimia superfluen-

fluentis populi frequentia, ad exonerandas vires emisit: alios pestilentia, aut frequens terrarum hiatus, aut aliqua intoleranda infelicitis soli vitia eiecerunt: quosdam fertilis oræ, & in maius laudatæ, fama corripit: alios alia causâ exciuit domibus suis. Illud itaque est manifestum, nihil eodem loco mansisse, quo genitum est. assiduus humani generis discursus est. quotidie aliquid in tam magno orbe mutatur. Noua urbium fundamenta iaciunt: noua gentium nomina, extinctis prioribus, aut in accessionem validioris conuersis, oriuntur. Omnes autem istæ populorum transportationes, quid aliud, quam publica exilia sunt?

CAP. VII. Quid tam longo te cirenicu traho? quid interest enumerare Antenorē Patavij conditorem, & Euandrum in ripa Tiberis regna Arcadium collocantem? quid Diomedem, aliosq; quos Troianum bellum, victos simul victoresq; per alienas terras dissipauit? Romanum imperium nempe auctorem exulem respicit: quem profigum, capta patria, exiguas reliquias trahentem, necessitas & victoris metus, longinqua quærentem, in Italiam derulit. Hic deinde populus quot colonias in omnes prouincias misit? vbiq; vicit Romanus, habitat. Ad hanc commutationem locorum libenter nomina dabat, & relictis aris suis trans maria sequebatur colonus senex.

CAP.

CAP. VIII. Res quidem non desiderat plurium enumerationem: vnum tamen adijciam, quod in oculos se ingerit. Hæc ipsa insula sæpè iam cultores mutauit. Vt antiquiora quæ vetustas obduxit, trans-eam, Phocide relictâ, Graij qui nunc Massiliam colunt, prius in hac insula con-federunt. Ex qua quid eos fugauerit, in-certum est: vtrum cæli grauitas, an præ-potentis Italiæ conspectus, an natura im-portuosi maris. nam in causâ non fuisse feritatem accolarum, eo apparet, quod maximè tunc trucibus & inconditis Gal-liæ populis se interposuerunt. Transie-runt deinde Ligures in eam, transierunt & Hispani, quod ex similitudine ritus ap-paret. eadem enim tegumenta capitum: idemque genus calceamenti, quod Can-tabris est: & verba quædam. nam totus sermo, conuersatione Græcorum Ligu-rumque, à patrio desciiuit. Deductæ dein-de sunt duæ ciuium Romanorum colo-niæ: altera à Mario, altera à Sylla. Toties huius aridi & spinosi saxi mutatus est po-pulus. Vix denique inuenies vllam ter-ram, quam etiam nunc indigenæ colant. permixta omnia & insititia sunt: alius alij successit. Hic concupiuit, quod alij fasti-dio fuit: ille vnde expulerat, eiectus est. Ita fato placuit, nullius rei eodem semper loco stare fortunam. Aduersus ipsam mutationem locorum, detractis ceteris incommodis quæ exilio adhærent, satis
hoc

hoc remedij putat Varro, doctissimus Romanorum, quod quocunq̃ue venimus, eadem rerum natura vtendum est. M. Brutus satis hoc putat, quod licet in exilium euntibus virtutes suas ferre secum. Hæc etiam si quis singula parum iudicat efficaciam ad consolandum exulem, vtraque in vnum collata fatebitur plurimum posse. Quantulum enim est, quod perdidimus? duo quæ pulcherrima sunt, quocunq̃ue nos mouerimus, sequentur: natura communis, & propria virtus. Id actum est, mihi crede, ab illo, quisquis formator vniuersi fuit, siue ille Deus est potens omnium, siue incorporalls ratio ingentium operum artifex, siue diuinus spiritus per omnia, maxima, minima, æquali intentione diffusus, siue fatum & immutabilis causarum inter se cohærentium series: id, inquam, actum est, vt in alienum arbitrium, nisi vilissima quæque, non caderent. Quicquid optimum homini est, id extra humanam potentiam iacet: nec dari, nec eripi potest. Mundus hic, quo nihil neque maius, neque ornatius, rerum Natura genuit: animus contemplator, admiratorque mundi, pars eius magnificentissima, propria nobis, & perpetua, tandiu nobiscum mansura, quandiu ipsi manebimus. Alacres itaque & erecti quocunq̃ue res tulerit, intrepido gradu properemus.

CAP. IX. Emetiamur quascunq̃ue terras, nullum inuenturi solum intra mundum,

CONSOL. AD HELVIAM. 141

dum, quod alienum homini sit. vnde cur-
 que ex æquo ad cælum erigitur acies: pa-
 ribus intervallis omnia diuina ab omni-
 bus humanis distant. proinde dum oculi
 mei ab illo spectaculo, cuius insatiabiles
 sunt, non abducantur, dum mihi lunam
 solemque intueri liceat, dum cæteris in-
 hære sideribus, dum ortus eorum, oc-
 casus, intervallaque, & causas inuestiga-
 re velocius meandi, vel tardius, spectare
 tot per noctem stellas micantes, & alias
 immobiles, alias non in magnum spatium
 exeuntes, sed intra suum se circumagen-
 tes vestigium, quasdam subito erumpen-
 tes, quasdam igne fuso perstringentes
 aciem, quasi decidant, vel longo tractu
 cum luce multa præteruolantes; dum
 cum his sim, & cælestibus, quæ homini
 fas est, immiscear; dum animum ad co-
 gnatarum rerum conspectum tenden-
 tem, in sublimi semper habeam: quantum
 refert mea, quid calcem? Atqui non est
 hæc terra frugiferarum aut lætarum ar-
 borum serax: non magnis & nauigabili-
 bus fluminum alueis irrigatur: nihil gi-
 gnit, quod aliæ gentes petant, vix ad tu-
 telam incolentium fertilis: non pretiosus
 hic lapis cæditur, non auri argenti que ve-
 næ eruntur. Angustus animus est, quem
 terrena delectant. ad illa abducendus est,
 quæ ubique aquæ apparent, ubique aquæ
 splendent: & hoc cogitandum est, ista
 peris bonis per falsa & prauè credita ob-
 stare.

stare. Quò longiores porticus expedierint, quò altius turres sustulerint, quò latius vicos porrexerint, quò depressius æstiuos specus foderint, quò maiori mole fastigia cœnationum subuexerint: hoc plus erit, quod illis cœlum abscondat. In eam te regionem casus eiecit, in qua latissimum receptaculum casa est. Næ tu pusilli animi es, & sordidè se consolantis, si ideò id fortiter pateris, quia Romuli casam nostri. Dic illud potius: Istud humile tugurium nempe virtutes recipit: iam omnibus templis formosius erit, cum illic iustitia conspecta fuerit, cum continentia, cum prudentia, pietas, omnium officiorum rectè dispensandorum ratio, humanorum diuinorumque scientia. Nullus angustus est locus, qui hanc tam magnarum virtutum turbam capit: nullum exilium graue est, in quo licet cum hoc ire comitatu. Brutus in eo libro quem de Virtute composuit, ait, se vidisse Marcellum Mitylenis exulantem, & quantum modò natura hominis pateretur, beatissimè viuentem, neque vnquam bonarum artium cupidiorum quàm illo tempore. Itaque adiicit, visum sibi se magis in exilium ire, qui sine illo rediturus esset, quàm illum in exilio relinquere. O fortunatiorem Marcellum, eo tempore, quo exilium suum Bruto approbavit, quàm quo populo R. consulatum! Quantus vir ille fuit, qui effecit, vt aliquis exul sibi videretur, quòd

quòd ab exule recederet? qui in admirationem sui adduxit hominem, etiam Catoni suo mirandum? Idem Brutus ait, C. Cæsarem Mitylenas præteruectum, quia non sustineret videre deformatum virum. Illi quidem reditum impetrauit Senatus, publicis precibus, tam sollicitus ac mœstus, ut omnes illo die Bruti habere animum viderentur, & non pro Marcello, sed pro se deprecari, ne exules essent, si sine illo fuissent: sed plus multo consecutus est, quo die illum exulem Brutus relinquere non potuit, Cæsar videre. Contigit enim illi testimonium utriusq; Brutus sine Marcello reuerti se doluit: Cæsar erubuit. Num dubitas, quin ille tantus vir, sic ad tolerandum æquo animo exilium se ipse adhortatus sit? Quòd patria cares, non est miserum. Itate te disciplinis imbuiisti, ut scires omnem locum sapienti viro patriam esse. Quid porro hic qui te expulit, non ipse per annos decem continuos patria caruit? propagandi sine dubio imperij causa: sed nempe caruit. nunc ecce trahit illum ad se Africa resurgentis belli minis plena, trahit Hispania, quæ fractas & afflictas partes refovet, trahit Ægyptus infida, totus denique orbis, qui ad occasionem concussi imperij intentus est. cui primum rei occurreret? cui parti se opponeret? Aget illum per omnes terras victoria sua. Illum suspiciant & colant gentes: tu vive Bruto miratore

con-

contentus . Benè ergo exilium tulit Marcellus . nec quicquam in animo eius mutavit loci commutatio , quamvis eum paupertas sequeretur . in qua nihil mali esse , quisquis modò nondum pervenit in insaniam omnia subvertentis avaritiæ , atque luxuriæ , intelligit . Quantulum est enim , quod in tutelam homini necessarium sit ? & cui deesse hoc potest , ullam modo virtutem habenti ? Quod ad me quidem pertinet , intelligo me non opes , sed occupationes perdidisse . corporis exigua desideria sunt . frigus submovere vult , alimentis famem ac sitim extinguere : quicquid extrà concupiscitur , vitijs , non vñibus laboratur . Non est necesse omne perscrutari profundum , nec strage animalium ventrem onerare , nec conchylia vltimi maris ex ignoto littore eruere . Dij istos deæque perdant , quorum luxuria tam invidiosi imperij fines transcendit . Ultra Phasim capi volunt , quod ambitiosam popinam instruat : nec piget à Parthis , à quibus nondum pœnas repetimus , aures petere . Vndique conuehunt , omnia nota fastidienti gulæ . Quod dissolutus delicijs stomachus vix admittat , ab vltimo portatur Oceano . Vomunt vt edant , edunt vt vomant : & epulas , quas toto orbe conquirunt ; nec concoquere dignantur . Ista si quis despicit , quid illi paupertas nocet ? si quis concupiscit , illi paupertas etiam prodest . Inuitus enim

sana-

sanatur: & si remedia ne coactus quidem recipit, interim certè dum non potest, nolenti similis est. C. Cæsar, quem mihi videtur rerum natura edidisse, vt ostenderet quid summa vitia in summa fortuna possent, centies sestertio cœnauit vno die: & in hoc omnium adiutus ingenio, vix tamen inuenit, quomodo prouinciarum tributum vna cœna fieret. Omiserabiles, quorum palatum nisi ad pretiosos cibos non excitatur! pretiosos autem, non eximius sapor, aut aliqua faucium dulcedo; sed raritas, & difficultas parandi facit. Alioquin si ad sanam illis mentem placeat reuerti, quid opus est tot artibus ventri seruientibus? quid mercaturis? quid vastatione siluarum? quid profundis perscrutatione? passim iacent alimenta, quæ rerum natura omnibus locis disposuit. sed hæc velut cæci transeunt, & omnes regiones peruagantur; maria traiciunt, & cùm famem exiguo possint sedare, magno irritant.

CAP. X. Libet dicere: Quid deducitis naues? quid manus & aduersus feras & aduersus homines armatis? quid tanto tumultu discurritis? quid opes opibus aggeritis? non vultis cogitare, quàm parua vobis corpora sint? Nonne furor, & vltimus mentium error est, cùm tam exiguum capias, cupere multum? Licet itaque augeatis census, promoueatis fines: nunquam tamen corpora vestra laxabitis. Cùm be-

nè cesserit negotiatio, multum militia retulerit, cum indagati vndique cibi coierint, non habebitis vbi istos apparatus vestros collocetis. Quid tam multa conquiritis? Scilicet maiores nostri, quorum virtus etiam nunc vitia nostra sustentat, infelices erant, qui sibi manu sua parabant cibum: quibus terra cubile erat: quorum tecta nondum auro fulgebant: quorum templa nondum gemmis nitebant. Itaque tunc per fictiles deos religiosè iurabatur: qui per illos inuocauerant, ad hostem morituri, ne fallerent, redibant. Scilicet minùs beatè viuebat dictator noster, qui Samnitum legatos audit, cum vilissimum cibum in foco ipse manu sua versaret: illa, qua iam sæpè hostem percusserat, laureamque in Capitolini Iouis gremio reposuerat. quàm Apicius nostra memoria vixit, qui in ea vrbe, ex qua aliquando Philosophi, velut corruptores iuuentutis, abire iussi sunt, scientiam popinæ professus, disciplina sua sæculum infecit: cuius exitum nosse, operæpretium est. Cum festertium millies in culinam congerisset, cum tot congiaria Principum, & ingens Capitolij vectigal singulis comestationibus exorbisset; ære alieno oppressus, rationes suas tunc primum coactus inspexit. superfuturum sibi festertium centies computauit: & velut in vltima fame victurus, si festertio centies vixisset, veneno vitam finiuit. Quanta luxuria erat,

cui

cui sestertium centies egestas fuit? I nunc,
& puta pecuniæ modum ad rem pertinere,
non animi.

CAP. XI. Sestertium centies aliquis
extimuit: & quod alij voto petunt, veneno
fugit. Illi verò tam prauæ mentis homi-
ni vltima potio saluberrima fuit. Tunc
venena edebat bibebatque, cum immensis
epulis non delectaretur tantum, sed glo-
riaretur, cum vitia sua ostentaret, cum ci-
uitatem in luxuriam suam conuerteret,
cum iuuentutem ad imitationem sui sol-
licitaret, etiam sine malis exemplis, per se
docilem. Hæc accidunt diuitias non ad
rationem reuocantibus, cuius certi sunt
fines: sed ad vitiosam consuetudinem, cu-
ius immensum & incomprehensibile ar-
bitrium est. Cupiditati nihil satis est: na-
turæ satis est etiam parum. Nullum ergo
paupertas exulis incommodum habet:
nullum enim tam inops exilium est, quod
non alendo homini abundè fertile sit. At
vestem, an domum desideraturus est exul?
Si hæc quoque ad vsum tantum desidera-
bit, neque tectum ei deerit, neque vela-
men. æquè enim exiguo tegitur corpus,
quàm alitur. nihil homini natura, quod
necessarium faciebat, fecit operosum. Si
desiderat saturatam multo conchylio pur-
puram, intextam auro, variisque colori-
bus distinctam & artibus: non fortunæ
iste vitio, sed suo pauper est. etiam si illi,
quicquid amisit, restitueris, nihil ages.

plus enim restituto deerit ex eo quod cupit, quàm exuli ex eo, quod habuit. Si desiderat aureis fulgentem vasis suppellectilem, & antiquis nominibus artificum argentum nobile, æs paucorum insania pretiosum, & seruorum turbam, quæ quamuis magnam domum angustet, iumentorum corpora differta, & coacta pinguescere, & nationum omnium lapides: ista congerantur licet, nunquam explebunt inexplabilem animum. non magis, quàm vllus sufficiet humor ad satiandum eum, cuius desiderium non ex inopia, sed ex æstu ardentium viscerum oritur. non enim sitis illa, sed morbus est. Nec hoc in pecunia tantum, aut alimentis euenit: eadem natura est in omni desiderio, quod non ex inopia, sed ex vitio nascitur. quicquid illi congesseris? non finis erit cupiditatis, sed gradus. Qui continebit itaque se intra naturalem modum, paupertatem non sentiet: qui naturalem modum excedet, eum in summis opibus quoque paupertas sequeretur. Necessariis rebus & exilia sufficiunt: superuacuis nec regna. Animus est qui diuites facit. hic in exilia sequitur, & in solitudinibus asperrimis, cum quantum satis est sustinendo corpori, inuenit, ipse bonis suis abundat & fruitur. Pecunia nihil ad animum pertinet. non magis, quàm ad deos immortales omnia ista, quæ imperita ingenia, & nimis corporibus suis addicta, suspiciunt. Lapides, aurum

rūm & argentum, & magni leuatique mensarum orbes, terrena sunt pondera: quæ non potest amare sincerus animus, ac naturæ suæ memor, leuis ipse, & quandoque emissus fuerit, ad summa emicaturus. interim, quantum per moras membrorum, & hanc circumfusam grauem sarcinam licet, celeri & volucris cogitatione diuina perlustrat. Ideoque nec exulare vnquam potest, liber, & diis cognatus, & omni mundo omniq̃ æuo par. Nam cogitatio eius circa omne cælum, & in omne præteritum futurumq̃ tempus immittitur. Corpusculum hoc, custodia & vinculum animi, huc atque illuc iactatur: in hoc supplicia, in hoc latrocinia, in hoc morbi exercentur. animus quidem ipse sacer & æternus est, & cui non possunt iniici manus.

CAP. XII. Nec me putes ad eleuanda incommoda paupertatis, quam nemo grauem sentit, nisi qui putat, vti tantum præceptis sapientum. Primum aspice, quanto maior pars sit pauperum, quos nihilo notabis tristiores sollicitioresq̃ diuitibus: imò nescio an eò latiores sint, quod animus eorum in pauciora distringitur. Transeamus à pauperibus: veniamus ad locupletes. quàm multa sunt tempora, quibus pauperibus similes sunt! Circumcisæ sunt peregrinantium sarcinæ: & quotiescunq̃ festinationem necessitas itineris exigit, comitum turba dimittitur. Mili-

tantes quotam partem rerum suarum secum habent? cum omnem apparatus castrensis disciplina submoueat. Nec tantum conditio illos temporum, aut locorum inopia; pauperibus exæquat: sumunt quosdam dies, cum iam illos diuitiarum taxidium cepit, quibus humi cœnent, & remoto auro, argentoque, fictilibus utantur. Dementes! hoc quod aliquando concupiscunt, semper timent. O quanta illos caligamentium, quanta ignorantia veritatis exercet, qui fugiunt quod voluptatis causa imitantur! Me quidem, quoties antiqua exempla respexi, paupertatis uti solatiis pudet. quoniam quidem eò temporum luxuria prolapsa est, ut maius viaticum exulum sit, quam olim patrimonium principum fuit. Vnum fuisse Homero seruum, tres Platoni, nullum Zenoni, à quo cœpit Stoicorum rigida ac virilis sapientia, satis constat. num ergo quisquam eos miseros vixisse dicet, ut non ipse miserrimus ob hoc omnibus videatur? Menenius Agrippa, qui inter patres ac plebem publicæ gratiæ sequester fuit, ære collato funeratus est. Attilius Regulus, cum Pœnos in Africa funderet, ad Senatum scripsit, mercenarium suum discessisse, & ab eo desertum esse rus. quod Senatui publicè curari, dum abesset Regulus, placuit. Fuit tanti, seruum non habere, ut colonus eius populus R. esset. Scipionis filia ex ærario dотem acceperunt: quia
nihil

nihil illis reliquerat pater. Æquum mer-
 hercules erat populum R. tributum Sci-
 pioni semel conferre, cum à Carthagine
 semper exigeret. O felices viros puella-
 rum, quibus populus R. loco soceri fuit!
 Beatiore sine istos putas, quorum panto-
 mimæ decies sestertio nubunt, quàm Sci-
 pionem, cuius liberi à senatu tutore suo,
 in dotem æs grane acceperunt? Dedigna-
 tur aliquis paupertatem, cuius tam claræ
 imagines sunt? indignatur exul aliquid si-
 bi deesse, cum defuerit Scipioni dos, Re-
 gulo mercenarius, Menenio finus? cum
 omnibus illis, id quod deerat, ideò hone-
 stiùs suppletum sit, quia defuerat? His er-
 go aduocatis non tantum tuta est, sed
 etiam gratiosa paupertas.

CAP. XIII. Responderi potest: Quid
 artificiosè ista diducis, quæ singula susti-
 neri possunt, collata non possunt? Com-
 mutatio loci tolerabilis est, si tantum lo-
 cum mutes: paupertas tolerabilis est, si
 ignominia absit, quæ vel sola opprimere
 animos solet. Aduersus hunc, quisquis
 me malorum turba terrebit, his verbis
 utendum erit. Si contra viam quamlibet
 partem fortunæ satis tibi roboris est,
 idem aduersus omnes erit. cum semel
 animum virtus indurauit, undique inuul-
 nerabilem præstat. Si avaritia dimisit,
 vehementissima generis humani pestis;
 moram tibi ambitio non faciet. Si vlti-
 mum diem non quasi pœnam, sed quasi

naturæ legem aspicias; ex quo pectore mortis metum elegeris, in id nullius rei timor audebit intrare. Si cogitas, libidinem non voluptatis causâ homini datam, sed propagandi generis; quem non violauerit hoc secretum & infixum visceribus ipsis exitium, omnis alia cupiditas intactum præteribit. Non singula vitia ratio, sed pariter omnia prosternit: in vniuersum semel vincit. Ignominia tu putas quemquam sapientem moueri posse, qui omnia in se reposuit, qui ab opinionibus vulgi secessit? Plus etiam quàm ignominia, est mors ignominiosa. Socrates tamen eodem illo vultu, quo aliquando solus triginta tyrannos in ordinem redegebat, carcerem intrauit, ignominiam ipsi loco detracturus. neque enim poterat carcer videri, in quo Socrates erat. Quis usque eò ad conspiciendam veritatem excæcatus est, ut ignominiam putet M. Catonis fuisse, duplicem in petitione præturæ & consulatus repulsam? ignominia illa præturæ & consulatus fuit, quibus ex Catone honor habebatur. Nemo ab alio contemnitur, nisi à se antè contemptus est. Humilis & proiectus animus sit isti contumeliæ opportunus: qui verò aduersus sæuissimos casus se extollit, & ea mala quibus alij opprimuntur, euertit, ipsas miseras infularum loco habet: quando ita affecti sumus, ut nihil equè magnam apud nos admirationem occupet, quàm homo
forti-

fortiter miser. Ducebatur Athenis ad supplicium Aristides: cui quisquis occurrerat, deiciebat oculos, & ingemiscebat, non tanquam in hominem iustum, sed tanquam in ipsam iustitiam animaduertetur. Inuentus est tamen, qui faciem eius inspueret. poterat ob hoc molestè ferre, quod sciebat neminem id ausurum purioris. At ille absterfit faciem, & subridens ait comitanti se Magistratui: Admone istum, ne postea tam improbè oscitet. Hoc fuit contumeliæ ipsi contumeliam facere. Scio quosdam dicere, contemptu nihil esse grauius, mortem ipsis potioremi videri. His ego respondebo, & exilium sæpè contemptione omni carere: si magnus vir cecidit, magnus iacuit; non magis illum contemni, quàm eum ædium sacrarum ruinæ calcantur, quas religiosi æquè ac stantes adorant.

CAP. XIV. Quoniam meo nomine nihil habes, mater carissima, quod te in infinitas lacrimas agat, sequitur vt causæ tuæ te stimulent. Sunt autem duæ. nam aut illud te mouet, quod præsidium aliquod videris amisisse: aut, quod desiderium ipsum per se pati non potes. Prior pars mihi leuiter perstringenda est. noui enim animum tuum, nihil in suis præter ipsos amantem. Viderint illæ matres, quæ potentiam liberorum muliebri impotentia exercent; quæ, quia feminis honores non licet gerere, per illos ambitio-

ſæ ſunt ; quæ patrimonia filiorum & exhauriunt , & captant ; quæ eloquentiam commodando aliis fatigant. Tu liberorum tuorum bonis plurimum gaudiſa es , minimum uſa : tu liberalitati noſtræ ſemper impoſuiſti modum , cum tuæ non imponeres : tu filiaſ familias , locupletibus filiis ultro contuliſti : tu patrimonia noſtra ſic adminiſtraſti , ut tanquam in tuis laborares , tanquam alienis abſtineres : tu gratiæ noſtræ , tanquam alienis rebus utereris , pepercidiſti , & ex honoribus noſtris nihil ad te niſi voluptas & impenſa pertinuit . nunquam indulgentia ad utilitatem reſpexit . Non poteſ itaque erepto filio deſiderare , quæ incolumi nunquam ad te pertinere duxiſti .

CAP. XV. Illò omniſ conſolatio mihi vertenda eſt , unde vera viſ materni doloris oritur . Ego complexu filij cariffimi careo , non conſpectu eiſ , non ſermone fruor. ubi eſt ille , quo viſo tristem vultum relaxavi , in quo omnes ſollicitudines meas depoſui ? ubi colloquia ; quorum inexplibilis eram ? ubi ſtudia , quibus libentiùs quàm ſemina , familiariùs quàm mater , intereram ? ubi ille occurſus ? ubi matre viſa ſemper pueriliſ hilaritas ? Adiciſ iſtiſ loca ipſa gratulationum & conuiſtium , & , ut neceſſe eſt , efficaciffimas ad vexandos animos recentis conuerſationiſ notas . Nam hoc quoque aduerſus te crudeliter fortuna molita eſt , quòd te ante tertium de-

demum diem quàm percussus sum, securam, nec quicquam tale metuentem, aggredi voluit. benè nos longinquitas locorum diuiserat: benè aliquot annorum absentia huic te malo præparauerat; redisti, non vt voluptatem ex filio perciperes, sed ne consuetudinem desiderij perderes. Si multò antè abfuissès, fortiùs tu lissès, ipso interuallo desiderium molliente: si non recessissès, vltimum certè fructum biduo diutiùs videndi filium tu lissès. Nunc crudele fatum ita composuit, vt nec fortunæ meæ interessès, nec absentiaè assuesceres. Sed quanto ista duriora sunt, tanto maior tibi virtus aduocanda est, & velut cum hoste noto, ac sæpè iam victo, acriùs est congregiendum. Non ex intacto corpore tuo sanguis hic fluxit: per ipsas cicatrices percussa es.

CAP. XVI. Non est quòd vtaris excusatione nominis muliebris, cui panè concessum est immoderatum in lacrimas ius, non immensum tamen: & idèd maiores decem mensium spatium lugentibus viros dederunt, vt cum pertinacia muliebris mœroris publica constitutione deciderent. non prohibuerunt luctus, sed finieunt. Nam & infinito dolore, cum aliquem ex carissimis amiseris, affici, stulta indulgentia est: & nullo, inhumana duritia. Optimum inter pietatem & rationem temperamentum est, & sentire desiderium, & opprimere. Non est quòd ad quasdam se-

minas respicias, quarum tristitiam semel
 sumptam mors finiuit. nosti quasdam,
 quæ amissis filiis, imposita lugubria nun-
 quam exuerunt. à te plus exigit vita ab
 initio fortior. non potest muliebris excu-
 satio contingere ei, a qua omnia vitia mu-
 liebria abfuerunt. Non te maximum sæ-
 culi malum, impudicitia, in numerum plu-
 rium adduxit: non gemmæ te, non mar-
 garitæ flexerunt: non tibi diuitiæ, velut
 maximum generis humani bonum, reful-
 serunt: non te benè in antiqua & seuera
 institutam domo, periculosa etiam pro-
 bis pejorum detorsit imitatio. Nunquam
 te fecunditatis tuæ, quasi exprobraret
 ætatem, puduit: nunquam more aliarum,
 quibus omnis commendatio ex forma
 petitur, tumescentem vterum abscondisti,
 quasi indecens onus, nec intra viscera tua
 conceptas spes liberorum elisisti. Non
 faciem lenociniis ac coloribus polluisti.
 nunquam tibi placuit vestis, quæ nihil
 ampliùs quàm nudam componeret: vni-
 cum tibi ornamentum, pulcherrima, &
 nulli obnoxia ætati, forma: maximum de-
 cus, visa est pudicitia. Non potes itaque,
 ad obtinendum dolorem, muliebre no-
 men prætereundum, ex quo te virtutes tuæ
 seduxerunt. tantum debes à feminarum
 lacrimis abesse, quantum à vitiis. Ne fe-
 minæ quidem te sinent intabescere vulne-
 ri tuo, sed leuiori necessario mœrore ci-
 tò defunctam, iubebunt exsurgere: si mo-
 dò

dò illas intueri voles feminas, quas con-
specta virtus inter magnos viros posuit:
Corneliam ex duodecim liberis ad duos
fortuna redegit. Si numerare funera Cor-
neliæ velles, amiserat decem: si æstimare,
amiserat Gracchos. Flentibus tamen cir-
ca se, & fatum eius execrantibus interdi-
xit, Ne fortunam accusarent, quæ sibi fi-
lios Gracchos dedisset. Ex hac femina
debut nasci, qui diceret in concione: Tu
matri meæ maledicas, quæ me peperit?
Multò mihi videtur animosior vox ma-
tris. Filius magno æstimabat Graccho-
rum natales: mater & funera. Rutilia
Cottam filium secuta est in exilium, &
vsque eò fuit indulgentia constricta, vt
mallet exilium pati, quàm desiderium:
nec antè in patriam, quàm cum filio re-
dijt. Eundem iam reducem, & in Repub.
florentem tam fortiter amisit, quàm se-
cuta est: nec quisquam lacrimas eius post
elatum filium notauit. In expulso virtu-
tem ostendit, in amisso prudentiam. nam
& nihil illam à pietate deterruit, & nihil
in tristitia superuacua stultaque detinuit.
Cum his te numerari feminis volo, qua-
rum vitam semper imitata es: earum in
coercenda comprimendaque ægritudine
optimè sequeris exemplum. Scio rem
non esse in nostra potestate, nec vllum af-
fectum seruire: minimè verò cum, qui ex
dolore nascitur. Ferox enim, & aduersus
omne remedium contumax est. volumus
eum

eum interim obruere, & deuorare gemitus: per ipsum tamen compositum fictumque vultum lacrimæ profunduntur. Ludis interim aut gladiatoribus animum occupamus: at illum inter ipsa, quibus auocatur, spectacula, leuis aliqua desiderij nota subiuit. Ideò melius est, illum vincere, quàm fallere. Nam qui aut delusus voluptatibus, aut occupationibus abductus est, resurgit, & ipsa quiete imperum ad sæuiendum colligit: at qui rationi cessit, in perpetuum componitur. Non sum itaque monstraturus illa, quibus vfos multos esse scio, vt peregrinatione te vel longa detineas, vel amœna delectes; vt rationum accipiendarum diligentia, patrimonij administratione multum occupes temporis; vt semper nouo te aliquo negotio implices: omnia ista ad exiguum momentum prosunt, nec remedia doloris, sed impedimenta sunt. ego autem malo illum desinere, quàm decipi. Itaque illò te duco, quò omnibus qui fortunam fugiunt, confugiendum est, ad liberalia studia: illa sanabunt vulnus tuum, illa omnem tristitiam tibi euellent. His etsi nunquam assuesces, nunc utendum erat: sed quantum tibi patris mei antiquus rigor permisit, omnes bonas artes non quidem comprehendisti, attigisti tamen. Utinam quidem vitorum optimus, pater meus, nimis maiorum consuetudini deditus, voluisset te sapientum præceptis erudi

diri

diri potiùs, quàm imbui ! non parandum tibi nunc contra fortunam esset auxilium, sed proferendum . Propter istas quæ literis non ad sapientiam vtuntur , sed ad luxuriam instituuntur, minus est indulgere studijs passus . beneficio tamen rapacis ingenij plus , quàm pro tempore, hausisti : iacta sunt disciplinarum omnium fundamenta . Nunc ad illas reuertere : tutam te præstabunt . illæ consolabuntur , illæ delectabunt; illæ si bona fide animum tuum intrauerint , nunquam amplius intrabit dolor, nunquam sollicitudo, nunquam afflictionis irritæ superuacua vexatio : nulli horum patebit pectus tuum : nam ceteris vitijs iam pridem clusum est . Hæc quidem certissima præsidia sunt , & quæ sola te fortunæ eripere possint : sed quia dum in illum portum , quem studia promittunt , perueneris , adminiculis quibus innitaris opus est ; volo interim solatia tua tibi ostendere . Respice fratres meos, quibus saluis , fas tibi non est accusare fortunam . in vtroque habes quod te diuersa virtute delectet : alter honores industria consecutus est, alter sapienter contempsit . Acquiesce alterius filij dignitate , alterius quiete , vtriusque pietate . noui fratrum meorum intimos affectus . alter in hoc dignitatem excolit , vt tibi ornamento sit : alter in hoc se ad tranquillam quietamque vitam recepit , vt tibi vacet . Bene liberos tuos & in auxilium , & in oblecta-

men-

mentum, fortuna disposuit: potes alterius dignitate defendi, alterius otio frui. Certabunt in te officijs: & vnus desiderium, duorum pietate supplebitur. Audacter possum promittere: nihil tibi decrit, præter numerum. Ab his ad nepotes quoque respice. Marcum blandissimum puerum, ad cuius cōspectum nulla potest durare tristitia: nihil tam magnum, nihil tam recens in cuiusquam petore fuerit, quod non circumfusus ille permulceat. Cuius non lacrimas illius hilaritas supprimat? cuius non contractum sollicitudine animum illius argutiae soluant? quem non in iocos vocabit illa lasciuias? quem non in se conuertet, & abducet infixum cogitationibus, illa neminem satiatura garrulitas? Deos oro, contingat hunc habere nobis superstitem. In me omnis fatorum crudelitas lassata consistat: quicquid matri dolendum fuit, in me transferit: quicquid auiae, in me. Floreat reliqua in suo statu turba: nihil de orbitate, nihil de conditione mea querar. Fuerim tantum, nihil amplius doliturae domus piamentum. Tene in gremio tuo citò tibi daturam pronepotes Nouatillam: quam sic in me transtuleram, sic mihi adscripseram, vt possit videri, quòd me amisit, quamuis saluo patre, pupilla. hanc & pro me dilige. Abstulit illi nuper fortuna matrem: tua potest efficere pietas, vt perdidisse se matrem doleat

teat tantum, non & sentiat. Nunc mores eius compone, nunc formam: alius præcepta descendunt, quæ teneris imprimuntur ætatibus. Tuis assuescat sermonibus, ad tuum fingatur arbitrium. multum illi dabis, etiam si nihil dederis præter exemplum. Hoc iam tibi solemne officium, pro remedio erit: non potest animum pie dolentem à solitudine auertere, nisi aut ratio, aut honesta occupatio. Numerarem inter magna solatia patrem quoque tuum, nisi abesset. nunc tamen ex affectu tuo, quid illius intersit, cogita: intelliges, quanto iustius sit, te illi seruari, quam mihi impendi. quoties te immodica vis doloris inuasit, & sequi se iubebit, patrem cogita. cui tu quidem tot nepotes pronepotesque dando, effecisti ne vnica esses: consummatio tamen ætatis actæ feliciter, in te vertitur. Illo viuo, nefas est te, quod vixeris, queri.

CAP. XVII. Maximum adhuc solatiū tuum tacueram, sororem tuam: illud fidelissimum pectus tibi, in quod omnes curæ tuæ pro indiuiso transferuntur, illum animum omnibus nobis maternum. Cum hac tu lacrimas tuas miscuisti, in huius primū respirasti sinu. Illa quidem affectus tuos semper sequitur: in mea tamen persona non tantum pro te dolet. Illius manibus in urbem perlatus sum: illius pio maternoque nutricio per longum tempus æger conualui: illa pro quaestura mea

gra-

gratiam suam extendit: & quæ ne sermonis quidem, aut claræ salutationis sustinuit audaciam, pro me vicit indulgentia verecundiam. Nihil illi seductum vitæ genus, nihil modestia, in tanta feminarum petulantia, rustica, nihil quies, nihil secreti & ad otium repositi mores obstiterunt, quò minùs pro me etiam ambitiosa fieret. Hæc est, mater carissima, solatium, quo reficiaris: illi quantum potes te iunge, illius arctissimis amplexibus alliga. Solent mœrentes, ea quæ maximè diligunt, fugere, & libertatem dolori suo quærere: tu ad illam te, & quicquid cogitaueris, confer: siue seruare habitum istum voles, siue depocere, apud illam inuenies vel finem dolori tuo, vel comitem. Sed si prudentiam perfectissimæ feminae noui, non patietur te nihil profuturo mœrore consumi, & exemplum tibi suum, cuius ego etiam spectator fui, narrabit. Carissimum virum amiserat, auunculum nostrum, cui virgo nupserat, in ipsa nauigatione: tulit tamen eodem tempore & luctum, & metum, cuiusque tempestatibus corpus eius naufragæ euexit. O quàm multarum egregia opera in obscuro iacent! Si huic illa simplex admirandis virtutibus contigisset antiquitas: quanto ingeniorum certamine celebraretur vxor, quæ oblita imbecillitatis, oblita etiam firmissimis metuendi maris, caput suum periculis pro sepultura obie-

obiecit, & dum cogitat de viri funere, nihil de suo timuit? Nobilitatur carminibus omnium, quæ se pro coniuge vicariam dedit. hoc amplius est, discrimine vitæ sepulchrum viro querere: maior est amor, qui pari periculo minus redimit. Post hoc nemo miratur, quod per sedecim annos, quibus maritus eius Ægyptum obtinuit, nunquam in publico conspecta est. neminem prouincialem domum suam admisit: nihil à viro petijt, nihil à se peti passa est. Iraque loquax, & ingeniosa in contumelias præfectorum prouincia, in qua etiam qui vitauerunt culpam, non effugerunt infamiam, velut vnicum sanctitatis exemplum suscepit: & quod illi difficillimum est, cui etiam periculosi sales placent, omnem verborum licentiam continuit: & hodie similem illi, quamuis nunquam speret, semper optat. Mulrum erat, si per sedecim annos illam prouincia probasset: plus est, quod ignorauit. Hæc non ideò refero, vt eius laudes exsequar, quas circumscribere est, tam parcè transcurrere: sed vt intelligas, magni animi esse feminam, quam non ambitio, non avaritia, comites omnis potentia & pæstes, vicerunt: non metus mortis eam, exarmata naui naufragium suum spectantem, deteruit, quò minus examini viro herens, quaereret, non quemadmodum inde exiret, sed quemadmodum efferret. Huic parem virtutem exhibeas oportet, & animum à lu-

ctu

ctu recipias, & id agas, ne quis te putet
 patus tui pœnitere. Ceterum quia ne-
 cesse est, cum omnia feceris, cogitationes
 tamen tuas subinde ad me recurrere, nec
 quemquam nunc ex liberis tuis frequen-
 tius tibi obuersari: non quia illi minùs
 cari sint, sed quia naturale est, manum sæ-
 pius ad id referre quod doleat: qualem
 me cogites, accipe. Lætum & alacrem;
 velut optimis rebus. sunt autem optimæ;
 quæ animus omnis cogitationis expers
 operibus suis vacat, & modò se leuiori-
 bus studijs oblectat, modò ad consideran-
 dam suam vniuersique naturam, veri aui-
 dus insurgit. Terras primùm, situmque
 earum quærit. deinde conditionem cir-
 cumfusi maris, cursusque eius alternos &
 recursus: tunc quicquid inter cælum, ter-
 rasque plenum formidinis interjacet, per-
 spicit, & hoc tonitribus, fulminibus, ven-
 torum flatibus, ac nimborum niuisque &
 grandinis jactu tumultuosum spatium:
 tum peragratiss humilioribus, ad summa
 prorumpit, & pulcherrimo diuinorum
 spectaculo fruitur, æternitatisque
 suæ memor, in omne quod fuit,
 futurumque est omnibus.
 sæculis, va-
 dit.

L. ANNÆI SENECAE

LIBER

DE CONSOLATIONE

AD POLYBIUM

ΑΚΕΦΑΛΟΣ.

EXCAP. XX.

*** nostra corpora compares, firma sunt: si redigas ad conditionem naturæ omnia destruentis, & vnde edidit eodem reuocantis, caduca sunt. Quid enim immortale manus mortales fecerint? Septem illa miracula, & si qua his multo mirabiliora sequentium annorum extruxit ambitio, aliquando solo æquata visentur. Ita est. nihil perpetuum, pauca diuturna sunt. aliud alio modo fragile est: rerum exitus variantur: ceterum quicquid cœpit, & desinit. Mundo quidam minantur interitum, & hoc vniuersum, quod omnia diuina humanaque complectitur, si fas putas credere, dies aliquis dissipabit, & in confusionem veterem tenebrasque demerget. Eat nunc aliquis, & singulas compleret animas: Carthaginis ac Numantiae Corinthique cinerem, & si quid altius cecidit, lamentetur: cum etiam hoc, quod non habet quò cadat, sit interiturum. Eat aliquis, & fata tantum
ali.

aliquando nefas ausura, sibi non pepercisse conqueratur.

CAP. XXI. Quis tam superbæ impotentisq̃ue arrogantia est, ut in hac naturæ necessitate omnia ad eundem finem reuocantis, se vnum ac suos seponi velit: ruinæque, etiam ipsi mundo imminenti, aliquam domum subtrahat? Maximum ergo solatium est, cogitare id sibi accidisse, quod ante se passi sunt omnes, omnesque passiuri: & ideò mihi videtur rerum natura, quod grauissimum fecit, commune fecisse, ut crudelitatem fati consolaretur æqualitas. Illud quoque te non minimum adiuuerit, si cogitaueris nihil profuturum dolorem tuum, nec illi quem desideras, nec tibi. noles enim longum esse, quod irritum est. Nam si quicquam tristitia profecturi sumus, non recuso, quicquid lacrimarum fortunæ meæ superfluit, tuæ affundere. inueniam etiam nunc, per hos exhaustos iam fletibus domesticis oculos quod effluat, si modò id tibi futurum bono est. Quid cessas? conqueramur. atque adeò ipse hanc litem meam faciam. Iniquissima omnium iudicio fortuna, adhuc videbaris ab eo homine te continuisse, qui munere tuo tantam venerationem receperat, ut, quod rarò vlli contingit, felicitas eius effugeret inuidiam. Ecce eum dolorem illi, quem saluo Cæsare accipere maximum poterat, impressisti: & cum benè illum vndique
cir-

circumissēs , intellexisti hanc partem tantummodo patere ictibus tuis . Quid enim illi aliud faceres? pecuniam eriperes? nunquam illi obnoxius fuit . nunc quoque quantum potest , illam à se abiicit , & in tanta felicitate acquirendi , nullum maiorem ex ea fructum , quàm contemptum eius petit . Eriperes illi amicos? sciebas tam amabilem esse , vt facile in locum amissorum posset alios substituere . Vnum enim hunc ex his quos in Principali domo potentes vidi , cognouisse videor : quem omnibus amicum habere cùm expediat , magis tamen etiam libet . Eriperes illi bonam opinionem? solidior est hæc apud eum , quàm vt à te quoque ipsa concuti posset . Eriperes bonam valetudinem? sciebas animum eius liberalibus disciplinis , quibus non innutritus tantum , sed innatus est , sic esse fundatum , vt supra omnes corporis dolores emineret . Eriperes spiritum? quantulum nocuisses? longissimum illi eum ingenij fama promissit . Id egit ipse , vt meliore sui parte duraret , & compositis eloquentiæ præclaris operibus , à mortalitate se vindicaret . Quandiu fuerit ullus litteris honor , quandiu steterit aut Latinae linguæ potentia , aut Græcæ gratia , vigebit cum maximis viris : quorum se ingenijs vel contulit , vel , si hoc verecundia eius recusat , applicuit .

C A P. XXII. Hoc ergo vnum excogi-

cogitasti, quomodo illi maximè posses nocere. Quo melior enim est quisque, hoc sæpius ferre te consuevit, sine vllò delectu furentem, & inter ipsa beneficia metuendam. Quantulum erat, tibi immunem ab iniuria præstare eum hominem, in quem videbatur indulgentia tua ratione certa peruenisse, & non ex tuo more temerè incidisse? Adijciamus, si vis, ad has querelas, ipsius adolescentis interceptam inter prima incrementa indolem. Dignus fuit ille te fratre: tu certè eras dignissimus, qui nec ex indigno quidem quicquam doleres fratre. Redditur illi testimonium æquale omnium hominum. desideratur in tuum honorem, laudatur in suum: nihil in illo fuit, quod non libenter agnosceres. Tu quidem etiam minùs bono fratri fuisses bonus: sed in illo pietas tua idoneam nacta materiam, multo se liberius exercuit. Nemo potentiam eius iniuria sensit, nunquam ille te fratrem vlli minatus est. Ad exemplum se modestiæ tuæ formauerat, cogitabatque quantum tu & ornamentum tuorum esses, & onus. Suffecit ille huic sarcinæ. O dura fata, & nullis æqua virtutibus! antequam felicitatem suam nosset frater tuus, exemptus est. Parùm autem me indignari scio: nihil est enim difficilius, quam magno dolori paria verba reperire. Iam nunc tamen si quid proficere possumus, conqueramur. Quid tibi voluisti
 tam

tam iniusta, & tam violenta fortuna? Tam citò indulgentiæ tuæ te pœnituit? quæ ista crudelitas est, in medio fratres impetum facere, & tam cruenta rapina concordissimam turbam imminuere, tam benè stipatam optimorum adolescentium domum, in nullo fratre degenerantem, turbare, & sine vlla causâ delibare voluisti? Nihil ergo prodest innocentia ad omnem legem exacta, nihil antiqua frugalitas, nihil felicitatis summæ potentia, summa conseruata abstinentia, nihil sincerus & purus litterarum amor, nihil ab omni labe mens vacans? Luger Polybius, & in vno fratre, quid de reliquis possit metuere, admonitus, etiam de ipsis doloris sui solatiis timet. Facinus indignum! luget Polybius, & aliquid propitio dolet Cæsare. hoc sine dubio impotens fortuna captasti, vt ostenderes neminem contra te, ne à Cæsare quidem, posse defendi.

CAP. XXIII. Diutius accusare fata possumus, mutare non possumus. stant dura & inexorabilia. nemo illa conuicio, nemo fletu, nemo causâ mouet: nihil vnquam parcunt vlli, nec remittunt. Proinde parcamus lacrimis, nihil proficientibus. facilius enim nos illi dolor adiiciet, quàm illum nobis reducet. Qui si nos torquet, non adiuvat, primo quoque tempore deponendus est: & ab inanibus solatiis, atque amara quadam libidine dolendi, animus recipiendus. Nam la-

H cri-

crimis nostris, ni ratio finem fecerit, fortuna non faciet. Omnes agetum mortales circumspice: larga ubique flendi, & assidua materia. alium ad quotidianum opus laboriosa egestas vocat: alium ambitio nunquam quiesca sollicitat: alius diuitias quas optauerat, metuit, & voto laborat suo: alium sollicitudo, alium labor torquet, alium semper vestibulum obsidens turba: hic habere se dolet liberos, hic perdidisse. Lacrimæ nobis decerunt, antequam causæ dolendi. Non vides qualem vitam nobis rerum natura promiserit, quæ primum nascentium omen fletum esse voluit? Hoc principio edimur, huic omnis sequentium annorum ordo consentit: sic vitam agimus: ideoque moderatè id fieri debet à nobis, quod sæpè faciendum est: & respicientes, quantum à tergo rerum tristium immincat, si non finire lacrimas, at certè reseruare debemus. Nulli parcendum est rei magis quàm huic, cuius tam frequens vsus est. Illud quoque te non minimum adiuuerit, si cogitaueris, nulli minùs gratum esse dolorem tuum, quàm ei cui præstari videtur. Torqueri ille te aut non vult, aut non intelligit. nulla itaque eius officij ratio est, quod ei cui præstatur, si nihil sentit, superuacuum est; si sentit, ingratum.

CAP. XXIV. Neminem toto orbe terrarum esse, qui delectetur lacrimis tuis, audacter dixerim. Quid ergo? quem
ne-

nemo aduersus te animum gerit, eum esse te tu credis fratris tui, vt cruciatu tuo noceat tibi: vt te velit abducere ab occupationibus tuis, id est, à studio, & Cæsare? non est hoc simile veri. Ille enim indulgentiam tibi tanquam fratri præstitit, venerationem tanquam parenti, cultum tanquam superiori: ille desiderio tibi esse vult, tormento esse non vult. Quid itaque inuat dolori intabescere: quem, si quis defunctis sensus est, finire frater tuus cupit? De alio fratre, cuius incerta posset voluntas videri, omnia hæc dubiè ponerem, & dicerem: Siue te torqueri lacrimis nunquam desinentibus frater tuus cupit, indignus hoc affectu tuo est: siue non vult, vtique inutilem dolorem dimitte. nec impius frater sic desiderari debet, nec pius sic velit. In hoc verò, cuius tam explorata pietas est, pro certo habendum est, nihil esse illi posse acerbius, quàm hic si tibi casus eius acerbus est, si te vlllo modo torquet, si oculos tuos, indignissimos hoc malo, sine vlllo flendi sine conturbat idem & exhaurit. Pietatem tuam tamen nihil equè à lacrimis tam inutilibus abducat, quam si cogitaueris, fratribus te tuis exemplo esse debere, fortiter hanc fortunę iniuriam sustinendi. Quod duces magni faciunt, rebus affectis, vt hilaritatem de industria simulent, & aduersas res adumbrata lætitia abscondant, ne militum animi, si fractam ducis sui mentem viderint,

& ipsi collabantur: id nunc tibi quoque faciendum est. Indue dissimilem animo tuo vultum, & si potes, projice omnem ex toto dolorem: sin minus, introrsus abde & contine, ne appareat; & da operam, ut fratres tui te imitentur: qui honestum putabunt, quodcunque facientem viderint, animumque ex vultu tuo sument. Et solatium debes esse, & consolator illorum: non poteris autem horum mœrori obstare, si tuo indulseris.

CAP. XXV. Potest & illa res à luctu te prohibere nimio, si tibi ipse renuntiaveris, nihil horum quæ facis posse subduci. Magnam tibi personam hominum consensus imposuit: hæc tibi tuenda est. Circumstat te omnis ista consolantium frequentia, & in animum tuum inquit, ac perspicit quantum roboris ille aduersus dolorem habeat, & vtrumne tu tantum rebus secundis dexterè vti scias; an & aduersas possis viriliter ferre. obseruantur oculi tui. Liberiora omnia sunt iis, quorum affectus tegi possunt: tibi nullum secretum liberum est, in multa luce fortuna te posuit. omnes scient, quomodo te in isto tuo gesseris vulnere: vtrumne statim percussus arma submiseris, an in gradu steteris. Olim te in altiore ordinem & amor Cæsaris extulit, & tua studia deduxerunt. nihil te plebeium decet, nihil humile. Quid autem tam humile

ac muliebre est, quàm consumendum se dolori committere? Non idem tibi in luctu pari, quod tuis fratribus licet. multa tibi non permittit opinio de studijs ac moribus tuis recepta: multum à te homines exigunt, multum expectant. Si volebas tibi omnia licere; ne conuertisses in te ora omnium. nunc autem tibi præstandum est, quantum promisisti omnibus illis, qui opera ingenij tui laudant, qui describunt: quibus cum fortuna tua opus non sit, ingenio opus est. Custodes animi tui sunt. nihil vnquam itaque potes indignum facere perfecti & eruditi viri professione, vt non multos admirationis de te suæ pœniteat. Non licet tibi flere immodicè: nec hoc tantummodo non licet, nec somnum quidem extendere in partem diei licet, aut à tumultu rerum in otium ruris, gratia quietis confugere, aut assidua laboriosi officij statione fatigatum corpus voluntaria peregrinatione recreare, aut spectaculorum varietate animum detinere, aut ex tuo arbitrio diem disponere.

CAP. XXVI. Multa tibi non licent, quæ humillimis & in angulo iacentibus licent. Magna seruitus est, magna fortuna. Non licet tibi quicquam arbitrio tuo facere. audienda sunt tot hominum milia, tot disponendi libelli, tantus rerum ex orbe toto accurrenrium congestus. Vt possit per ordinem suum principis maxi-

mi officium geri, quieti animi est. Non licet tibi, inquam, flere: ut multos flentes audire possis: ut periclitantium, & ad misericordiam mitissimi Cæsaris pervenire cupientium lacrimæ profint, tibi tuæ affrucandæ sint. Hoc tamen etiam non in leuioribus remediis adiuuabit. cum voles omnium rerum obliuisci, cogita Cæsarem: vide quantam huius in te indulgentiæ fidem, quantam industriam debeas. intelliges non magis tibi incuruari licere, quam illi, si quis modò est fabulis traditus, cuius humeris mundus innititur. Cæsari quoque ipsi, cui omnia licent, propter hoc ipsum multa non licent. Omnium domos illius vigilia defendit, omnium otium illius labor, omnium delicias illius industria, omnium vacationem illius occupatio. Ex quo se Cæsar orbi terrarum dedicauit, sibi eripuit: & siderum modo, quæ irrequieta semper cursus suos explicant, nunquam illi licet nec subsistere, nec quicquam suum facere. Ad quemdam itaque modum tibi quoque eadem necessitas iniungitur: non licet tibi ad utilitates tuas, ad studia tua respicere. Cæsare orbem terrarum possidente, impartiri te nec voluptati, nec dolori, nec ulli rei potes: totum te Cæsari debes. Adijce nunc, quòd cum semper prædices rariorem tibi spiritu tuo Cæsarem esse; fas tibi non est, saluo Cæsare, de fortuna queri. Hoc incolumi, salui tibi sunt tui:

nihil perdidisti : non tantum siccos oculos tuos esse , sed etiam lutos oportet. In hoc tibi omnia sunt: hic pro omnibus est. Quod longè à sensibus tuis prudentissimis piissimisque abest , adversus felicitatem tuam parum gratus es , si tibi quicquam , hoc salvo , flere permittis . Monstrabo etiamnum , non quidem firmius remedium , sed familiarius . Si quando te domum receperis , tunc erit tibi metuent da tristitia . nam quandiu numen tuum intueberis , nullum illa ad te inueniet accessum : omnia in te Cæsar tenebit : cum ab illo discesseris , tunc , velut occasione data , infidiabitur solitudini tuæ dolor , & requiescenti animo tuo paulatim irrepet. Itaque non est , quod ullum tempus vacare patiaris à studiis , tunc tibi literæ tuæ , tam diu ac fideliter amate , gratiam referant : tunc te illæ antistitem & cultorem suum vindicent : tunc Homerus & Virgilius , tam benè de humano genere meriti , quàm tu de omnibus & de illis meruisti , quos pluribus notos esse voluisti quàm scripserant , multum tecum morentur : tunc id erit omne tempus , quod illis tuendum commiseris . Tunc Cæsaris tui opera , ut per omnia sæcula domestico narrentur præconio , quantum potes compone . nam ipse tibi optimè formandi cōdendique res gestas , & materiam dabit , & exemplum .

CAP. XXVII. Non audeo te usque ad

H 4 pro

producere, ut fabellas quoque & Aesopeos logos, intentatum Romanis ingeniiis opus, solita tibi venustate connectas. difficile est quidem, ut ad hæc hilariora studia tam vehementer perculsus animus, tam citò possit accedere: hoc tamen argumentum habeto, iam corroborati eius, & redditi sibi, si poterit se à seuerioribus scriptis ad hæc solutiora producere. In illis enim quamuis ægrum eum adhuc, & secum reluctantem, aduocabit ipsa rerum quas tractabit austeritas: hæc quæ remissa fronte commentanda sunt, non feret, nisi cùm iam sibi ab omni parte constiterit. Itaque debebis eum seueriore materia primùm exercere, deinde hilariore temperare. Illud quoque magno tibi erit leuamento, si sæpè te sic interrogaueris: Vtrumne meo nomine doleo, an eius qui decessit? Si meo; perit meæ indulgentiæ iactatio, & incipit dolor, hoc vno excusatus, quòd honestus est, cum ad utilitatem respicit, & pietate desciscere. Nihil autem minùs bono viro conuenit, quàm in fratris luctu calculos ponere. Si illius nomine doleo; necesse est, alterutrum ex his duobus esse iudicem. Nam si nullus defunctis sensus est, euasit omnia frater meus vitæ incommoda, & in eum restitutus est locus, in quo fuerat antequam nasceretur: & expers omnis mali, nihil timet, nihil cupit, nihil patitur. Quis iste est furor, pro eo me nunquam do-

dolere desinere, qui nunquam doliturus est? Si est aliquis defunctis sensus; nunc animus fratris mei, velut ex diutino carcere emissus, tandem sui iuris & arbitrij gestit, & rerum naturæ spectaculo fruitur, & humana omnia ex superiore loco despicit; diuina verò, quorum rationem tandiu frustra quæsierat, propius intuetur. Quid itaque eius desiderio inaceror, qui aut beatus, aut nullus est? beatum despicere, inuidia est: nullum, dementia.

CAP. XXVIII. An hoc te mouet, quòd videtur ingentibus, & cum maximè circumfusus, bonis caruisse? Cùm cogitaeris multa esse quæ perdidit, cogita plura esse quæ non timet. Non ira eum torquet, non morbus affliget, non suspicio laceret, non edax & inimica semper alienis processibus inuidia confectabitur, non metus sollicitabit, non leuitas fortunæ citò munera sua transferentis inquietabit. Si benè computes, plus illi remissum, quàm ereptum est. Non opibus fruetur, non tua simul ac sua gratia; non accipiet beneficia, non dabit. Miserum putas quòd ista amisit, an beatum quòd non desiderat? mihi crede, is beatior est, cui fortuna superuacua est, quàm is cui parata est. Omnia ista bona, quæ nos speciosa, sed fallaci voluptate delectant, pecunia, dignitas, potentia, aliaque complura, ad quæ generis humani cæca cupiditas obstupescit, cum labore possidentur.

cum invidia conspiciuntur : eosque ipsos quos exornant , & premunt , plus minantur , quàm profunt . Lubrica & incerta sunt : nunquam benè tenentur : nam ut nihil de tempore futuro timeatur , ipsa tamen magnæ felicitatis tutela sollicita est . Si velis credere altius veritatem intuentibus , omnis vita supplicium est . In hoc profundum inquietumque proiecti mare , alternis æstibus reciprocam , & modò allevians nos subitis incrementis , modò maioribus damnis deserens , assidueque iactans , nunquam stabili consistimus loco : pendemus & fluctuamur , & alter in alterum illidimur , & aliquando naufragium facimus , semper timemus . In hoc tam procelloso , & in omnes tempestates expolito mari navigantibus , nullus portus nisi mortis est . Ne itaque invideris fratri tuo : quiescit tandem liber , tandem tutus , tandem æternus est : superstitem Casarem , omnemque eius prolem , superstitem & cum omnibus habet fratribus . Antequam quicquam ex suo fautore fortuna mutaret , tantam adhuc illam , & muneratam plena manu congerentem reliquit . Præterit nunc aperto & libero cælo , ex humili atque depresso in eum emicuit locus , quisquis ille est , qui solutas vinculis animas beato recipit sinu : & nunc liberè vagatur , omniaque rerum naturæ bonæ cum summa voluptate perspicit . Erras . non perdidit lucem frater tuus , sed securio-

riorem fortitus est. omnibus illò nobis commune est iter. Quid fata desilemus? non reliquit ille nos, sed antecessit.

CAP. XXIX. Est, mihi crede, magna felicitas in ipsa felicitate moriendi. Nihil ne in totum quidem diem certi est. quis in tam obscura & inuoluta veritate diuinat, utrumne fratri tuo mors inuiderit, an consuluerit? Illud quoque, qua iustitia in omnibus rebus es, necesse est te adinnet cogitantem, non iniuriam tibi factam, quòd talem fratrem amisti, sed beneficium datum, quòd tandiu pietate eius tibi uti fruique licuit. Iniquus est, qui muneris sui arbitrium danti non relinquit: auidus, qui non lucri loco habet quod accepit, sed damni, quod reddidit. Ingratus est, qui iniuriam vocat finem voluptatis: stultus, qui nullum fructum esse putat bonorum, nisi præsentium. qui non & in præteritis acquiescit, & ea iudicat certiora quæ abierunt, quia de illis ne desinant non est timendum. Nimis angustat gaudia sua, qui eis tantummodo quæ habet ac videt, frui se putat, & habuisse eadem pro nihilo ducit. citò enim nos omnis voluptas relinquit, quæ fluit & transit, & parè antequam venias, auferat. Itaque in præteritum tempus animus mittendus est, & quicquid nos unquam delectauit, reducendum, ac frequenti cognitione pertractandum est. Longior fideliorque est memoria volu-

præteritum, quàm præsentia. Quòd habuisti ergo optimum fratrem, in summis bonis pone. Non est quòd cogites, quanto diutius habere potueris, sed quandiu habueris. Rerum natura illum tibi sicut ceteris fratribus, non mancipio dedit, sed commodauit: cùm visum est deinde, repetiit, nec tuam in eo satietatem secuta est, sed suam legem. Si quis pecuniam creditam soluisse se molestè ferat, eam præsertim cuius vsum gratuitum acceperit, nonne iniustus habebitur? Dedit natura fratri tuo vitam, dedit & tibi: quæ suo iure vsa, à quo voluit, debitum suum citius exegit. non illa in culpa est, cuius nota erat conditio, sed mortalis animi spes auida, quæ subinde quid rerum natura sit obliuiscitur, nec vnquam sortis suæ meminit, nisi cùm admonetur. Gaude itaque habuisse te tam bonum fratrem, & vsumfructum eius, quamuis breuior voto tuo fuerit, boni consule. Cogita iucundissimum esse, quòd habuisti: humanum, quòd perdidisti. Nec enim quicquam minus inter se consentaneum est, quàm aliquem moueri, quòd sibi talis frater parùm diu contigerit: non gaudere, quòd tamen contigerit. At inopinanti ereptus est. Sua quemque credulitas decipit: & in eis quæ diligit, voluntaria mortalitatis obliuio. Natura nulli se necessitatis suæ gratiam facturam esse testata est. Quotidie præter oculos nostros transeunt notorum igno-
to.

torumque funera: nos tamen aliud agimus, & subitum id putamus esse, quod nobis tota vita denunciatur futurum. Non est itaque ista fatorum iniquitas, sed mentis humanæ prauitas, insatiabilis rerum omnium: quæ indignatur inde se exire, quò admissa est precariò.

CAP. XXX. Quanto ille iustior, qui nuntiata filij morte, dignam magno viro vocem emisit? Ego cum genui, tum moriturum sciui. Prorsus non mireris ex hoc natum esse, qui fortiter mori posset. Non accepit tamquam nouum nuntium, filij mortem: quid est enim noui, hominem mori, cuius tota vita nihil aliud quam ad mortem iter est? Ego cum genui, tum moriturum sciui. Deinde adiecit rem maioris & prudentiæ & animi: Huic rei sustuli. Omnes huic rei tollimur: quisquis ad vitam editur, ad mortem destinatur. Gaudeamus ergo omnes eo quod datur, redamurque id cum reposcemur. alium alio tempore fata comprehendent, neminem præteribunt. In procinctu stet animus: & id quod necesse est, nunquam timeat: quod incertum est, semper expectet. Quid dicam duces, ductumque progenies, & multis aut consulatibus conspicuos, aut triumphis, sorte defunctos inexorabili? tota cum regibus regna, populi que cum gentibus tulere fatum suum. Omnes, imò omnia in vltimum diem spectant: non idem vniuersis finis est. Alium in
me-

medio cursu vita deserit, alium in ipso
 aditu relinquit, alium in extrema senec-
 tute fatigatum iam & exire cupientem
 vix emittit: alio quidem atque alio tem-
 pore, omnes tamen in eundem locum
 tendimus. Vtrumne stultius sit nescio,
 mortalitatis legem ignorare, an impuden-
 tius, recusare. Agedum illa quæ multo
 ingenij tui labore celebrata sunt, in ma-
 nus sume, vtriuslibet auctoris carmina:
 quæ tu ita resolvisti, ut quamvis structura
 illorum recesserit, permaneat tamen gra-
 tia. Sic enim illa ex alia lingua in aliam
 transtulisti, ut (quod difficillimum erat)
 omnes virtutes in alienam te orationem
 secutæ sint. Nullus erit in illis scriptis li-
 ber, qui non plurima varietatis humanæ
 incertorumq; casuum & lacrimarum, ex
 aliâ atque aliâ causâ fluentium, exempla
 tibi suggerat. Lege, quo spirita ingenti-
 bus intonueris rebus: pudebit te subito
 deficere, & ex tanta orationis magnitu-
 dine decidere. Ne commiseris, ut quis-
 quis ex emplò ac modò scripta tua mira-
 batur, quærat quomodo tam grandia,
 tamque solida, tam fragilis animus con-
 ceperit. Potius ab istis quæ te torquent,
 ad hæc tot & tanta quæ consolantur, con-
 uerte, ac respice optimos fratres, respice
 uxorem, filium respice. Pro omnium ho-
 rum salute, hæc tecum portione fortuna
 decidit. Multos habes in quibus acquie-
 scas.

CAP. XXXI. Ab hac te infamia vindica, ne videatur omnibus plus apud te valere vnus dolor, quàm hac tam multa solatia. Omnes istos vnà tecum perculsos vides, nec posse tibi subuenire, imò etiam vtrò expectare, vt à te subleuentur, intelligis: & idèò quanto minus in illis doctrinæ minusque ingenij est, tanto magis resistere te necesse est communi malo. Est autem hoc ipsum solatij loco, inter multos dolorem suum diuidere: qui quia dispensatur inter plures, exigua debet apud te parte subsidere. Non desinam totiens tibi offerre Cæsarem. illo moderante terras, & ostendente, quanto melius beneficijs imperium custodiatur, quàm armis, illo rebus humanis præsidente, non est periculum, ne quid perdidisse te sentias. in hoc vno tibi satis præsidij, satis solatij est. Attolle te: & quotiens lacrimæ suboriuntur oculis tuis, totiens illos in Cæsarem dirige: siccabuntur maximi & clarissimi conspectu numinis. Fulgor eius illos, vt nihil aliud possint aspicere, præstringet, in se hærentes detinebit. Hic tibi, quem tu diebus intueris ac noctibus, à quo nunquam deiecis animum, cogitandus est, hic contra fortunam aduocandus: nec dubito, cum tanta illi aduersus omnes suos sit mansuetudo, tantaque indulgentia, quin multis iam solatijs tuum istud vulnus obduxerit, nonnulla, quæ dolori obstarent tuo, congesserit. Quid porro? vt
nihil

nihil horum fecerit, nonne protinus ipse
 conspectus per se tantūmodo, cogitatusq;
 Cæsar, maximo solatio tibi est? Dij illum
 Deeq; omnes terris diu commodent. acta
 hic D. Augusti, & annos vincat, ac, quan-
 diu mortalis erit, nihil ex domo sua mor-
 tale esse sentiat. Rectorem Romano impē-
 rio filiū longa fide approbet, & ante illum
 consortem patris, quā successorē acci-
 piat. Sera, & nepotibus demum nostris dies
 nota sit, qua illum gens sua cælo asserat.

CAP. XXXII. Abstine ab hoc manus
 tuas fortuna, nec in isto potentiam tuam,
 nisi ea parte qua prodes, ostenderis. pate-
 re illum generi humano iam diu ægro &
 affecto mederi: patere, quicquid prioris
 Principis favor concussit, in locum suum
 restituere ac reponere. Sidus hoc, quod
 præcipitato in profundum, ac demerso in
 tenebras orbi refulsit, semper luceat. Hic
 Germaniam pacet, Britanniam aperiat, &
 patris triumphos ducat, & novos: quorum
 me quoque spectatorem futurum, quæ pri-
 mum obtinet locum ex virtutibus eius,
 promittit clementia. nec enim sic me de-
 ieceat, ut nollet erigere: imò ne deiecit qui-
 dem, sed impulsū à fortuna & cadentem
 sustinuit, & in præceps euntem leniter, di-
 uinæ manus usus moderatione deposuit.
 Deprecatus est pro me senatum, & vitam
 mihi non tantū dedit, sed etiam petijt.
 Viderit, qualem volet æstimari causam
 meam. vel iustitia eius bonam perspiciet,
 vel

vel clementia faciet. vtrumque in æquo mihi eius beneficium erit, siue innocentem me scierit esse, siue voluerit. Interim magnum miseriarum mearum solatium est, videre misericordiam eius, totum orbem peruagantem: quæ cum ex ipso angulo, in quo ego defossus sum, complures multorum iam annorum ruina obrutos effoderit, & in lucem reduxerit, non vereor ne me vnum transeat. Ipse autem optimè nouit tempus, quo cuique debeat succurrere: ego omnem operam dabo, ne peruenire ad me erubescat. O felicem clementiam tuam Cæsar! quæ efficit, vt quietiorem sub te agant vitam exules, quàm nuper sub Caio egere principes. Non trepidant, nec per singulas horas gladium expectant, nec ad omnem nauium conspectum pauent. Per te habent, vt fortunæ sæuiantis modum, ita spem quoque melioris eiusdem, ac præsentis quietem. Scias licet ea demum fulmina esse iustissima, quæ etiam percussi colunt.

CAP. XXXIII. Hic itaque princeps, qui publicum omnium hominum solatium est, aut me omnia fallunt, aut iam recreauit animum tuum, & tam magno vulnerei maiora adhibuit remedia: iam te omni confirmauit modo: iam omnia exempla, quibus ad animi æquitatem compellereris, tenacissima memoria retulit: iam omnium præcepta sapientum assueta sibi facundia explicuit. Nullus
ita-

itaque melius has alloquendi partes occupaverit. aliud habebunt hoc dicente pondus verba, velut ab oraculo emissa, omnem vim doloris tui diurna eius confundet auctoritas. Hunc itaque tibi puta dicere: Non te solum fortuna desumpsit sibi, quem tam graui afficeret iniuria. nulla domus in toto orbe terrarum aut est, aut fuit sine aliqua comploratione. Transibo exempla vulgaria, quæ etiam si minora, tamen mira sunt: ad fastos te, & annales perducam publicos. Vides omnes has imagines, quæ implevere Cæsareum atrium? nulla non haram aliquo suorum incommodo insignis est: nemo non ex istis, in ornamentum sæculorum resurgentibus viris, aut desiderio suorum tortus est, aut à suis cum maximo animi cruciatu desideratus est. Quid tibi referam Scipionem Africanum, cui mors fratris in exilio nuntiata est? Is frater qui eripuit fratrem carcere, non potuit eripere fato: & quàm iuris æqui impatiens pietas Africani fuerit, cunctis apparuit: eodem enim die, quo viatoris manibus fratrem abstulerat, tribuno quoque plebis priuatus intercessit. tam magno tamen fratrem desiderauit hic animo, quàm defenderat. Quid referam Æmilianum Scipionem, qui vno panè eodemque tempore, spectauit patris triumphum, duorumque fratrum funera? adolescentulus tamen, ac propemodum puer, tanto animo tulit.

tulit illam familiæ suæ, super ipsum Paulli triumphum concidentis subitam vastitatem, quanto debuit ferre vir in hoc natus, ne urbi Romanæ aut Scipio deesset, aut Carthago superesset.

CAP. XXXIV. Quid referam duorum Lucullorum direptam morte concordiam? Quid Pompeios? quibus ne hoc quidem sæuiens reliquit fortuna, ut una denique conciderent ruina. Vixit Sextus Pompeius, primum sorori superstes, cuius morte optimè cohærentis Romanæ pacis vincula resoluta sunt. Idemque vixit superstes optimo fratri: quem fortuna in hoc erexerat, ne minus altè eum deijceret, quàm patrem deiecerat: & post hunc tamen casum non tantum dolori, sed bello suffecit. Innumerabilia undique exempla separatorum morte fratrum succurrunt, imò contrà, vix vlla vnuquam horum paria conspecta sunt, vnà senescencia: sed contentus nostræ domus exemplis ero. Nemo enim tam expers erit sensus ac sanitatis, ut fortunam vlli queratur luctum intulisse: quam sciet etiam Cæsarum lacrimas concupisse. Diuus Augustus amisit Octauiam sororem carissimam, & ne ei quidem rerum natura lugendi necessitatem abstulit, cui cælum destinauerat: imò verò idem omni genere orbitatis vexatus, sororis filium successionis præparatum suæ perdidit. Denique ne singulos eius luctus enumerem, & generos ille

ille amisit, & liberos, & nepotes : ac nemo magis ex omnibus mortalibus hominem esse se, dum inter homines erat, sensit. Tamen tot tantosque luctus cepit rerum omnium capacissimum eius pectus, victorque Diuus Augustus non gentium tantummodo externarum, sed etiam dolorum fuit. Caius Cæsar, Diui Augusti auunculi mei nepos, circa primos iuventutis suæ annos Lucium fratrem carissimum sibi, princeps iuventutis principem eiusdem iuventutis amisit, in apparatu Parthici belli : & graniore multo animi vulnere, quam postea corporis, ictus est : quod utrumque piissimè idem, & fortissimè tulit. Cæsar patruus meus, Drusum Germanicum patrem meum, minorem natu quam ipse erat fratrem, intima Germaniæ recludentem, & gentes ferocissimas Romano subiicientem imperio, in complexu & osculis suis amisit : modum tamen lugendi non sibi tantum, sed etiam alijs fecit : ac totum exercitum, non solum mœstum, sed etiam attonitum, corpus Drusi sui sibi vindicantem, ad morem Romani luctus redegit : indicavitque non militandi tantum disciplinam esse servandam, sed etiam dolendi. Non potuisset ille lacrimas alienas compescere, nisi prius pressisset suas,

CAP. XXXV. M. Antonius avus meus, nullo minor nisi eo à quo victus est, tunc cum Rempub. constitueret, &
trium-

triumvirali potestate præditus, nihil supra se, exceptis verò duobus collegis, omnia infra se cerneret, fratrem interfectum audiuit. Fortuna impotens, quales ex humanis malis tibi ipsa ludos facis! Eo ipso tempore, quo M. Antonius civium suorum vitæ sedebat mortisque arbiter, M. Antonij frater duci iubebatur ad supplicium. Tulit hoc tamen tam triste vulnus eadem magnitudine animi, qua omnia alia aduersa tolerauerat: & hoc fuit ei lugere, viginti legionum sanguine fratri parentare. Sed ut omnia alia exempla præteream, ut in me quoque ipso alia taceam funera, bis me fraterno luctu fortuna aggressa est: bis intellexit lædi me posse, vinci non posse. Amisi Germanicum fratrem: quem quomodo amauerim, intelligit profecto, quisquis cogitat quomodo suos fratres pij fratres ament. Sic tamen affectum meum rexi, ut nec relinquere quicquam quod exigi deberet à bono fratre, nec facerem quod reprehendi posset in Principe. Hæc ergo puta tibi parètem publicum referre exempla, eundem ostendere quàm nihil sacrum intactumque sit fortunæ, quæ ex his penatibus ausa est funera ducere, ex quibus erat deos petitura. Nemo itaque miretur, aliquid ab illa aut crudeliter fieri, aut iniquè. Potest enim hæc aduersus priuatas domos vllam æquitatem nosse, aut vllam modestiam, cuius implacabilis sæuitia totius

tiens ipsa funestavit pulvinaria? Faciamus licet illi conuicium, non nostro tantum ore, sed etiam publico: non tamen mutabitur: aduersus omnes se preces, omnesque querimonias eriget. Hoc fuit in rebus humanis fortuna, hoc erit; nihil inausum sibi reliquit: nihil intactum relinquet. Ibit violentior per omnia, sicut semper est solita, eas quoque domos ausu iniuriæ causa intrare, in quas per templa aditur, & atram laureatis foribus inducere vestem.

CAP. XXXVI. Hoc vnum obtineamus ab illa votis ac precibus publicis, si nondum illi genus humanum placuit consumere, si Romanum adhuc nomen propicia respicit, hunc Principem, lapsis hominum rebus datum, sicut omnibus mortalibus, sibi esse sacrosanctum velit. discat ab illo clementiam, atque à mitissimo omnium Principum mitis fieri. Debes itaque omnes intueri eos, quos paulò antè retuli, aut adscitos cœlo, aut proximos, & ferre æquo animo fortunam, ad te quoque porrigentem manus: quas ne ab eis quidem, per quos iramus, abstinere. Debes illorum imitari firmitatem in perferendis & emincendis doloribus, & in quantum modò homini fas est, per diuina ire vestigia. Quamuis in alijs rebus dignitatum magna discrimina sint, virtus in medio posita est: neminem dedignatur, qui modò dignum se illa iudicet. Optime

mè certè illos imitaberis, qui cùm indignari possent non esse ipsos expertes huius mali, tamen in hoc vno se ceteris exaquare hominibus, non iniuriam, sed ius mortalitatis iudicauerunt; tuleruntque nec nimis acerbè & asperè quod acciderat, nec moliter & effeminatè. Nam & non sentire mala sua, non est hominis: & non ferre, non est viri. Non possum tamen, cùm omnes circumiuerim Cæsares, quibus fortuna fratres & sorores eripuit, hunc præterire ex omni Cæsarium numero excerpendum: quem rerum natura in exitium opprobriumque humani generis edidit, à quo imperium euersum funditus, Principis pijsissimi recreat clementia. C. Cæsar, amissa sorore Drusilla, is homo qui non magis dolere quàm gaudere Principaliter posset, conspectum conuersationemque ciuium suorum profugit, exsequijsque sororis suæ non interfuit, iusta sorori non præstitit, sed in Albanum suum secessit. At foro & aduocatis, & huiusmodi alijs occupationibus acerbissimi funeris leuabat mala! Pro pudor imperij. principis Romani lugentis sororem, alea solatium animi fuit. Idem ille Caius furiosa inconstantia, modò barbam capillumque submittens, modò Italiae ac Siciliae oras extabundus permeriens, & nunquam satis certus utrùm lugeri vellet, an coli sororem. Eodem enim tempore, quo templa illi constituebat ac puluinaria, eos qui

qui partim mœsti fuerant, crudelissima afficiebat animaduersione. Eadem enim intemperie animi aduersarū rerum ictus ferebat, qua secundarum elatus euentu, supra humanum intumescerebat modum. Procul istud exemplum ab omni Romano viro, luctum suum aut intempestiuus auocare lusibus, aut sordium ac squaloris fœditate irritare, aut alienis malis oblectare, minimè humano solatio. Tibi verò nihil ex consuetudine mutandum tua. quoniam quidem ea instituisti amare studia, quæ & optimè felicitatem extollunt, & facillimè minuunt calamitatem: eademque & ornamenta hominum maxima sunt, & solatia.

CAP. XXXVII. Nunc itaque te studiis tuis immerge altius, nunc illa tibi velut munimenta animi circunda, nec ex vlla tui parte inueniat introitum dolor. Fratris quoque tui produc memoriam aliquo scriptorum monumento tuorum. hoc enim vnum est rebus humanis opus, cui nulla tempestas noceat, quod nulla consumat vetustas: cætera, quæ per constructionem lapidum, & marmoreas moles, aut terrenos tumulos in magnam eductos altitudinem constant, non propagabunt longam diem: quippe & ipsa intereunt. Immortalis est ingenij memoria: hanc tuo fratri largire, in hac eum colloca. meliùs illum duraturo semper consecrabis ingenio, quàm irritò dolore lugebis.

bis. Quod ad ipsam fortunam pertinet,
 etiam si nunc agi apud te causa eius non
 potest: omnia enim illa quæ nobis dedit,
 ob hoc ipsum, quod aliquid eripuit, inui-
 sa sunt. tunc tamen erit agenda, cum pri-
 mum æquiores te illi iudicem dies fece-
 rit: tunc enim poteris in gratiam cum illa
 redire. Nam multa prouidit, quibus
 hanc emendaret iniuriam: multa etiam
 nunc dabit quibus redimat: denique ip-
 sum quod abstulit, ipsa dederat tibi. No-
 li ergo contra te ingenio uti tuo, noli ad-
 esse dolori tuo. Potest quidem eloquen-
 tia tua, quæ parua sunt, approbare pro ma-
 gnis: rursus magna attenuare, & ad mini-
 ma deducere: sed aliò ista vires seruet
 suas, nunc tota se in solatium tuum confe-
 rat. Sed tamen dispice, ne hoc iam quo-
 que sit supernaculum, aliquid enim à nobis
 natura exigit: plus vanitate contrahitur.
 Nunquam autem ego à te, ne ex toto mœ-
 reas, exigam. Et scio inueniri quosdam
 duræ magis quàm fortis prudentiæ vi-
 ros, qui negent doliturum esse sapientem.
 Hi verò videntur nunquam in huiusmo-
 di casum incidisse: alioquin excussisset il-
 lis fortuna superbam sapientiam, & ad
 confessionem eos veri etiam innitos com-
 pulisset. Satis præstiterit ratio, si id vnum
 ex dolore, quod & superest & abundat,
 exciderit. nam ut quidem nullum omni-
 no esse eum patiatur, nec sperandum ulli,
 nec concupiscendum est. Hunc potius

modum seruet, qui nec impietatem imiteretur, nec infaniam: & nos in eo teneat habitu, qui & piæ mentis est, nec emotæ. Fluant lacrimæ, sed eadem desinant: trahantur ex imo pectore gemitus, sed iidem & finiantur. Sic rege animum tuum, vt & sapientibuste approbare possis, & fratribus. effice, vt frequenter fratris tui memoriam tibi velis occurrere, vt illum & sermonibus celebres, & assidua recollectione repræsentes tibi. Quod ita denique consequi poteris, si tibi memoriam eius iucundam magis, quàm flebilem feceris. naturale est enim, vt semper animus ab eo refugiat, ad quod cum tristitia reuertitur. Cogita modestiam eius, cogita in rebus agendis solertiam, in exsequendis industriam, in promissis constantiam. Omnia dicta eius ac facta & aliis expone, & tibimet ipse commemora. Qualis fuerit cogita, qualisque sperari potuerit. quid enim de illo non tutò sponderi fratre posset? Hæc, utcunque potui, longo iam situ obsoleto & hebetato animo composui: quæ si aut parùm respondere ingenio tuo, aut parùm mederi dolori videbuntur, cogita quàm non facile Latina ei verba succurrant, quem Barbarorum inconditus grauisque fremitus circumsonat.

L. ANNÆI SENECAE

AD MARCIAM

DE CONSOLATIONE

LIBER VNVS.

CAPVT I.



NISI te, Marcia, scirem, tam
 longè ab infirmitate mulie-
 bris animi, quàm à ceteris vi-
 tiis recessisse, & mores tuos
 velut antiquum aliquod exemplar aspici:
 non auderem obuiam ire dolori tuo, cui
 viri quoque libenter hærent & incubant.
 nec spem concepissem, tam iniquo tem-
 pore, tam inimico iudice, tam inuidioso
 crimine, posse me efficere, vt fortunam
 tuam absolueres. Fiduciam mihi dedit
 exploratum iam robur animi, & magno
 experimento approbata virtus tua. Non
 est ignotum, qualem te in personam patris
 tui gesseris: quem non minùs quàm libe-
 ros dilexisti: excepto eo, quòd non opta-
 bas superstitem. nec scio an & optaueris.
 Permittit enim sibi quædam & contra bo-
 num morem magna pietas. Mortem A.
 Cremutij Cordi, parentis tui, quantum
 poteras, inhibuisti. Postquam tibi ape-
 ruit, inter Seianianos satellites illam
 vnam patere seruitutis fugam, non fauisti
 consilio eius, sed dedisti manus victa, fu-

I 2 disti-

disti:que lacrimas clam, & gemitus deuorasti quidem, non tamen hilari fronte existi:& hoc illo sæculo, quo magna pietas erat, nihil impiè facere. Vt verò aliquam occasionem mutatio temporum dedit: ingenium patris tui, de quo sumptum erat supplicium; in vsum hominum reduxisti, & à vera illum vindicasti morte, ac restituiſti in publica monumenta libros, quos vir ille fortissimus sanguine suo scripserat. Optimè meruisti de Romanis studiis; magna illorum pars arserat: optimè de posteris, ad quos veniet incorrupta rerum fides, auctori suo magno imputata: optimè de ipso, cuius viget vigebitque memoria,quandiu fuerit in pretio Romana cognosci; quandiu quisquam erit, qui reuerti velit ad acta maiorum; quandiu quisquam qui velit scire, quid sit vir Romanus; quid subactis iam ceruicibus omnium; & ad Seianianum iugum adactis; indomitus sit homo, ingenio, animo, manu liber. Magnum mehercule detrimentum Resp. ceperat, si illum ob duas artes pulcherrimas in obliuionem coniectum; eloquentiam & libertatem, non eruiſſes. Legitur, floret, in manus hominum, in pectora receptus, vetustatem nullam timeri. At illorum carnificum citò scelera, quibus solis memoriam meruerunt, tacebuntur. Hac magnitudo animi tui vetuit me ad sexum tuum respicere: vetuit ad vultum, quem tot annorum continua tristi-

stitia, ut semel obduxit, tenet. Et vide
quàm non surrepam tibi, nec furtum fa-
cere affectibus tuis cogitem. Antiqua
mala in memoriam reduxi. & vis scire
hanc quoque plagam esse sanandam?
ostendi tibi æquè magni vulneris cicatri-
cem. Alij itaque molliter agant, & blan-
diantur: Ego configere cum tuo mœrore
constitui, & defessos exhaustosque ocu-
los, si verum audire vis, magis iam ex con-
suetudine, quàm ex desiderio fluentes,
continebo. si fieri potuerit, fauente te re-
mediis tuis; sin minus, vel inuita. teneas
licet & amplexeris dolorem tuum, quem
tibi in filij locum superstitem fecisti.
Quis enim erit finis? omnia in superua-
cuum tentata sunt. fatigatae allocutiones
amicorum; auctoritates magnorum & af-
finium tibi virorum; studia, hereditarium
& paternum bonum, surdas aures, irri-
to ac vix ad breuem occupationem profi-
ciente solatio, transeunt. illud ipsum na-
turale remedium temporis, quod maxi-
mas ærumnas quoque componit, in te vna-
vim suam perdidit. Tertius iam præter-
iit annus, cum interim nihil ex primo illo
impetu cecidit, renouat se, & corroborat
quotidie luctus: & iam sibi ius mora fe-
cit, eoque adductus est, ut putet turpe de-
finere. Quemadmodum omnia vitia pe-
nitius insidunt, nisi dum surgunt, oppressa
sint: ita quoque hæc tristitia & misera, & in-
le scruentia, ipsa nouissimè acerbitate pa-

scuntur, & fit infelicis animi praua voluptas dolor. Cupissem itaque primis temporibus ad istam curationem accedere: leuiore medicina fuisset oriens adhuc restringenda vis: vehementius contra inueterata pugnandum est. Nam vulnerum quoque sanitas facilis est, dum à sanguine recentia sunt: tunc & vruntur, & in altum reuocantur, & digitos scrutantium recipiunt. vbi corrupta in malum vlcus verterunt, difficilius curantur. Non possum nunc per obsequium; nec molliter assequi tam durum dolorem? frangendus est.

CAP. II. Scio; à præceptis incipere omnes qui monere aliquem volunt, & in exempla desinere: mutari hunc interim morem expedit. Aliter enim cum alio agendum est. quosdam ratio ducit: quibusdam nomina clara opponenda sunt, & auctoritas, quæ liberum non relinquat animum ad speciosa stupentem. Duo tibi ponam ante oculos maxima, & sexus, & sæculi tui, exempla: alterius, fœminæ, quæ se tradidit ferendam dolori: alterius, quæ pari affecta casu, maiore damno, non tamen dedit longum in se malis suis dominium, sed citò animum in sedem suam reposuit. Octauia & Liuia, altera soror Augusti; altera vxor, amiserunt filios iuuenes, vtraque spe futuri principis certa. Octauia Marcellum, cui & auunculus & socer incumbere cœperat, in quem onus imperij reclinaret. adolescentem animo ala-

alacrem, ingenio potentem; sed & frugalitatis continentiaque in illis aut annis aut opibus non mediocriter admirandum; patientem laboris, voluptatibus alienum; quantumcunque imponere illi auunculus; & (ut ita dicam) inædificare voluisset, laturum. Bene legerat nulli cessura ponderi fundamenta. Nullum finem, per omne vitæ suæ tempus, flendi gemendique fecit: nec ullas admisit voces, salutare aliquid afferentes. ne auocari quidem se passa est. Intenta in vnam rem, & toto animo affixa, talis per omnem vitam fuit, qualis in funere. non dico non ausa consurgere, sed alleuari recusans: secundam orbitatem iudicans, lacrimas omittere. Nullam habere imaginem filij carissimi voluit, nullam sibi fieri de illo mentionem. Oderat omnes matres, & in Liuiam maximè fuit: quia videbatur ad illius filium transisse sibi promissa felicitas. Tenebris & solitudini familiarissima, ne ad fratrem quidem respiciens, carmina celebrandæ Marcelli memoriæ composita, aliosque studiorum honores reiecit, & aures suas aduersus omne solatium clausit, à solemnibus officiis seducta, & ipsam magnitudinis fraternæ nimis circumluentem fortunam exosa, defodit se, & abdidit. Assidentibus liberis, nepotibus, lugubrem vestem non deposuit: non sine contumelia omnium suorum, quibus saluis orba sibi videbatur.

CAP. III. Livia amiserat filium Drusum, magnum futurum principem, iam magnum ducem. Intrauerat penitus Germaniam, & ibi signa Romana fixerat, ubi vix ullos esse Romanos notum erat. In expeditione victor decesserat, ipsis illum hostibus ægrum cum veneratione & pace mutua prosequentibus, nec optare quod expediebat audientibus. Accedebat ad hanc mortem, quam ille pro Rep. obierat, ingens ciuium prouinciarumque, & totius Italix desiderium: per quam effusus in officium lugubre municipiis coloniisque, vsque in urbem ductum erat funus triumpho simillimum. Non licuerat matri vltima filij oscula, gratumque extremi sermonem oris haurire, longo itinere reliquias Drusi sui prosecutæ, tot per omnem Italiam ardentibus rogis, quasi totiens illum amitteret, irritatæ. Vt primum tamen intulit tumulo, simul & illum, & dolorem suum posuit: nec plus doluit quàm aut honestum erat, aut Cæsare, aut æquo maius. Non desuit itaque Drusi sui celebrare nomen, vbiq; illum sibi priuatim publiceque repræsentare, & libentissimè de illo loqui, de illo audire: cum memoriam alterius nemo posset retinere ac frequentare, quin illam tristem sibi redderet. Elige itaque, vtrum exemplum putas probabilius. si illud prius sequi vis, eximis te numero viuorum; auersaberis & alienos liberos. & tuos; ipsumque

quæ desiderans, triste matribus omen occurrere. Voluptates honestas, permissas, tamquam parum decoras fortunæ tuæ reijciens, inuisam habebis lucem: & ætati tuæ, quod non præcipitet te quamprimum, & finiat, infestissima eris: quod turpissimum alienissimumque est animo tuo, in meliorem noto partem, ostendes te vivere nolle, mori non posse. Si ad hoc maximæ fœminæ te exemplum applicueris, moderatius ac mitius: non eris in ærumnis, nec te tormentis macerabis. Quæ enim, malum, amentia est, pœnas à se infelicitatis exigere, & mala sua augere? Quam in omni vita seruasti, morum probitatem & verecundiam, in hac quoque te præstabis. est enim quædam & dolendi modestia: illum ipsum iuuenem dignissimum quiete, semper nominans, cogitantque, meliorem pones loco, si matri suæ, qualis viuus solebat, hilaris, & cum gaudio occurrat.

CAP. IV. Nec te ad fortiora ducam præcepta, ut inhumano ferre humana iubeam modo, ut ipso funebri die oculos matris exsiccem, ad arbitrium tecum veniam: hoc inter nos quæretur, utrum magnus esse debeat, an perpetuus dolor. Non dubito, quin Liuiæ Augustæ, quam familiariter coluisti, magis tibi placeat exemplum. Illa te ad suum consilium vocat: illa in primo feruore, cum maximè impatientes ferocesque sunt miseræ.

se consolandam. Arco Philosopho viri sui præbuit. & multum eam rem profuisse sibi confessæ est: plus quàm populum Romanum, quem nolebat tristem tristitia sua facere: plus quàm Augustum, qui subducto altero adminiculo titubabat, nec luctu suorum inclinandus erat: plus quàm Tiberium filium, cuius pietas efficiebat, ut in illo acerbo & defleto gentibus funere, nihil sibi nisi numerum deesse sentiret. Hic, ut opinor, aditus illi fuit, hoc principium apud fœminam opinionis suæ custodem diligentissimam. *Vsq̃ue in hunc diem Linia (quantum quidem ego sciam, assiduus viri tui comes, cui non tantum quæ in publicum emittuntur, nota sunt, sed omnes quoque secretiores animorum vestrorum motus) dedisti operam ne quid esset, quod in te quisquam reprehenderet. Nec id in maioribus modo observasti, sed in minimis, ne quid faceres, cui famam, liberrimam Principum iudicem, velles ignoscere. Nec quicquã pulchrius existimo in fastigio collocatis, quàm multarum rerum veniam dare, nullius petere. Servandus itaq; tibi in hac re tuus mos est, ne quid committas, quod minus aliterve factum velis.*

CAP. V. Deinde oro atque obsecro, ne te difficilem amicis & intractabilem præstes. Non est enim quod ignores, omnes hos nescire quemadmodum se gerant; loquantur aliquid coram te de Druso, an nihil: ne aut obliuio clarissimi iuuenis illi faciat iniuriam, aut
men-

mentio tibi. Cum secessimus, & in unum conuenimus, facta eius dictaq; quanto meruit suspectu celebramus: coram te altum nobis de illo silentium est. Cares itaque maxima voluptate filij tui laudibus, quas non dubito quin vel impendio vita si potestas detur, in auum omne sis prorogatura. Quare patere, imò accersere sermones, quibus ille narretur; & apertas aures praebe ad nomen memoriamq; filij tui: nec hoc graue duxeris, ceterorum more, qui in eiusmodi casibus partem mali putant, audire solatia. Nunc incubuisti tota in alteram partem, & oblita meliorum, fortunam tuam, qua deterior est, aspicias. Non conuertis te ad conuictus filij tui, occursusq; incundos, non ad pueriles dulcesq; blanditias, non ad incrementa studiorum: ultimam illam faciem rerum premis; in illam, tamquam parum ipsa per se horrida sit, quicquid potes congeris. Ne, obsecro te, concupieris peruersissimam gloriam, infelicissimam videri.

CAP. VI. Simul cogita, non esse magnum, se rebus prosperis fortem gerere, ubi secundo cursu vita procedit: nec gubernatoris quidem artem, tranquillum mare & obsequens ventus ostendit: aduersi aliquid incurrat oportet, quod animum probeat. Proinde ne submiseris te, imò contrà fige stabilem gradum: & quicquid onerum supra cecidit, sustine, primo dumtaxat strepitu contrerrita. Nulla re maior inuidia fortuna fit, quam aquo animo. Post hoc ostendit illi filium

incolumem, ostendit ex amisso nepotes. Tuum illic Marcia negotium actum, tibi Areus assedit: te mutata persona consolatus est. Sed puta, Marcia, ereptum tibi amplius quàm vlla vnquam mater amiserit (non permulceo te, nec extenuo calamitatem tuam). si fletibus fata vincuntur, conferamus: eat omnis inter luctus dies: noctem sine somno tristitia consumat: ingerantur lacerato pectori manus, & in ipsam faciem impetus fiat: atque omni se genere sævitie profecturus mœror exerceat. Sed si nullis planctibus defuncta reuocantur; si fors immota, & in aeternum fixa, nulla miseria mutatur; & mors tener quicquid abstulit; desinat dolor, qui perit. Quare regamus: nec nos ista vis transuersos auferat. Turpis est nauigij rector, cui gubernacula fluctus eripuit, qui fluctuantia vela deseruit, permisit tempestati ratem: at ille vel in naufragio laudandus, quem obruit mare clauum tenentem & obnixum.

CAP. VII. At enim naturale desiderium suorum est. Quis negat, quandiu modicum est? nam in discessu, non solum amissione, carissimorum necessarius morsus est, & firmissimorum quoque animorum contractio. Sed plus est quod opinio adiicit, quàm quod natura imperauit. Aspice mutorum animalium: quàm concitata sint desideria, & tamen quàm breuia. Vaccarum vno die alteròve mugitus auditur:

auditur: nec diutiùs equarum vagus ille
 amensque discursus est. Foræ cum vesti-
 gia catulorum confectatæ sunt, & silvas
 peruagatæ, cum sæpè ad cubilia expilata
 redierint, rabiem intra exiguum tempus
 extinguunt. Aues cum stridore magno
 inanes nidos circumfremunt: intra mo-
 mentum tamen quiete, volatus suos, repe-
 tunt. Nec vili animali longum fœtus sui
 desiderium est, nisi homini: qui adest do-
 lori suo; nec tantum quantum sentit, sed
 quantum constituit, afficitur. Vt scias au-
 tem non esse hoc naturale, luctibus fran-
 gi, primùm magis fœminas quàm viros,
 magis barbaros quàm placidos eruditæ-
 que gentis homines, magis indoctos
 quàm doctos, eadem orbitas vulnerat.
 Atqui ea, quæ à natura vim acceperunt,
 eandem in omnibus seruant. Apparet
 non esse naturale, quod varium est. Ignis
 omnes ætates, omnium vrbiùm ciues,
 tam viros quàm fœminas, vret: ferrum in
 omni corpore exhibebit secandi poten-
 tiam: quare? quia vires illi à natura datæ
 sunt, quæ nihil in personam constituit.
 Paupertatem, luctum, orationem alius
 aliter sentit, prout illum consuetudo in-
 fecit: & imbecillum impatientemque red-
 dit præsumpta opinio de non timendis
 terribilis.

C A P. V I I I. Deinde quod naturale
 est, non decrescit mora: dolorem dies
 consumit, licet contumacissimum, quoti-
 die

die insurgentem, & contra remedia effervescentem; tamen illum, efficacissimum mitigandæ ferociæ, tempus enervat. Manet quidem tibi, Marcia, etiamnum ingens tristitia, & iam videtur duxisse calum, non illa concitata, qualis initio fuit, sed pertinax & obstinata: tamē hanc quoque ætas tibi minutatim eximet. Quoties aliud egeris, animus relaxabitur: nunc te ipsa custodis: multum autem interest, vtrum tibi permittas mœrere, an imperes. Quanto magis hoc morum tuorum elegantia conuenit, finem luctus potius facere, quàm expectare: nec illum opperiri diem, quo te inuita dolor desinat: ipsa illi renuntia.

CAP. IX. Vnde ergo tanta nobis pertinaçia in deploratione nostri, si id non sit naturæ iussu? quòd nihil nobis mali, antequam eueniat; proponimus, sed ut immunes ipsi, & alijs pacatius ingressi iter, alienis non admonemur casibus, illos esse communes. Tot præter domum nostram ducuntur exsequia: de morte non cogitamus. tot acerba funera: nos togam nostrorum infantium, nos militiam, & paterne hæreditatis successionem animo agitamus. tot diuitum subita paupertas in oculos incidit: & nobis nunquam in mentem venit, nostras quoque opes æquē in lubrico positas. Necessē est itaque magis corruamus, qui quasi ex inopinato ferimur. Quæ multò antè prouisa sunt, langu-

guidiùs incurrunt. Vis tu scire te ad omnes expositam ictus stare, & illa quæ alios tela fixerunt, circa te vibraſſe? velut murum aliquem, aut obſeſſum multo hoſte locum, & arduum aſcenſu, inermis adeas, expecta vulnus, & illa ſupernè volantia eum ſagittis pilisq̃ue ſaxa, puta in tuum vibrata corpus. Quoties aut ad latus, aut poſt tergum ceciderint, exclama: Non decipies me fortuna, nec ſecuram aut negligentem opprimes. ſcio quid pares. alium percuiſti, me petiſti. Quis vnquam res ſuas, quaſi periturus, aſpexit? quis vnquam noſtrum de exilio, de egeſtate, de luctu cogitare auſus eſt? quis non, ſi admoneatur vt de ſuis cogitet, tamquam dirum omen reſpuat, & in capita inimicorum aut ipſius intempeſtiui monitoris abire illa iubeat? Non putaui futurum. Quicquam tu putas non futurum, quod multis ſcis poſſe fieri, quod multis vides eueniſſe? Egregium verſum & dignum audiui. eſt enim e populo.

Cuius poteſt accidere, quod cuiquam poteſt.

Ille amiſit liberos: & tu amittere poteſ. ille damnatus eſt: & tua innocentia ſub ictu eſt. Hic nos error decipit, hic effœminat, dum patimur, quæ nunquam pati nos poſſe præuidimus. Aufert vim præſentibus malis, qui futura proſpexit.

C A P. X. Quicquid eſt hoc, Marcia, quod circa nos ex aduentitio fulget, liberi, honores, opes, ampla atria, & excluſorum

rum clientium turba referta vestibula,
 clara, nobilis, aut formosa coniux, cete-
 raque ex incerta & mobili sorte penden-
 tia: alieni commodatiq̃ue apparatus sunt:
 nihil horum dono datur: collaticijs, & ad
 dominos redituris instrumentis scæna ad-
 ornatur. Alia ex his primo die, alia secun-
 do referentur: pauca vsque ad finem per-
 seuerabunt. Ita non est quod nos suspi-
 ciamus, tamquam inter nostra positi: mu-
 tuo accepimus. Vsusfructus noster est,
 cuius tempus ille arbiter muneris sui tem-
 perat: nos oportet in promptu habere,
 quæ in incertum diem data sunt, & appel-
 latis, sine querela reddere. Pessimi est
 debitoris, creditori facere conuicium.
 Omnes ergo nostros, & quos superstites
 lege nascendi optamus, & quos præcede-
 re iustissimum ipsorum votu est, sic ama-
 re debemus, tamquam nihil nobis de per-
 petuitate, imò nihil de diurnitate eo-
 rum promissum sit. Sæpè admonendus
 est animus, amet vt recessura, imò tam-
 quam recedentia. quicquid à fortuna da-
 tum est, tamquam extemplò abiturum
 possideat. Rapite ex liberis voluptates,
 fruendos vos inuicem liberis date, & sine
 dilatione omne gaudium haurite. nihil
 de hodierna die præmittitur. Nimis ma-
 gnam aduocationem dedi: nihil de hac
 hora. Festinandum est. Instat à tergo
 mors: iam deficiet iste comitatus: iam
 contubernia ista, sublato clamore soluen-
 tur.

tur. Rapina rerum omnium est. Miseri nescitis fuga vivere. Si mortuum tibi filium doles, eius temporis quo natus est, crimen est. mors enim illi nascenti determinata est. In hanc legem datus: hoc factum ab vtero statim prosequabatur. In regnum fortunæ & quidem durum atque iniunctum peruenimus, illius arbitrio digna atque indigna passuri. corporibus nostris impotenter, contumeliosè, crudeliter abutetur: alios ignibus perurit, vel in pœnam admotis, vel in remedium: alios nudos mari iactabit, & luctatos cum fluctibus, ne in arenam quidem aut litus explodet, sed in alicuius ventrem immensæ beluæ detrudet: alios morborum varijs generibus emaceratos, diu inter vitam mortemque detinebit. Vt varia & libidinosa, mancipiorumque suorum negligens domina, & pœnis & muneribus errabit. Quid opus est partes deslere? tota vita flebilis est. Urgebunt noua incommoda, priusquam veteribus satisfeceris. Moderandus est itaque vobis animus ad hæc maximè, quæ immoderatè fertis: & in metus, & in dolores humanum pectus dispensandum.

CAP. XL Quæ demum ista tuæ publicæque conditionis obliuio est? Mortalis nata es, mortales peperisti: putre ipsa fluidumque corpus, & casibus morbisque repetita, sperasti tam imbecilla materia solida & æterna gestasse? Decessit filius tuus,
id

id est, decucurrit ad hunc finem, ad quem, quæ feliciora partu tuo putas, properant. Huc omnis ista quæ in foro litigat, in theatris desidet, in templis precatur turba, dispari gradu vadit. Et quæ veneraris, & quæ despicias, vnus ex æquabit cinis. Hoc iubet illa Pythicis oraculis adscripta vox, NOSCE TE. Quid est homo? quodlibet quassum vas, & quodlibet fragile: iactatu, non tempestate magna, vt dissiparis, est opus. Vbicunque arietaueris, solueris. Quid est homo? imbecillum corpus, & fragile, nudum, suapte natura inerme, alienæ opis indigens, ad omnem fortunæ contumeliam proiectum: cùm benè lacertos exercuit, cuiuslibet feræ pabulum, cuiuslibet victima: ex infirmis fluidisque contextum, & lineamentis exterioribus nitidum, frigoris, æstus, laboris impatiens: ipso rursus situ & otio iturum in tabem: alimenta metuens sua, quorum modò inopia, modò còpia rumpitur: anxix sollicitæque tutelæ, precarij spiritus, & malè hærentis, quâ partim repentinum audiet, ex improviso sonus auribus grauis excutit: soli semper sibi nutrimentum vitiosum & inutile. Miramur in hoc mortem vnius, qua singulis opus est; Numquid enim vt concidat, res magni molimenti est? Odor illi saporque, & lassitudo, & vigilia, & humor, & cibus, & sine quibus viuere non potest, mortifera sunt. Quocunque se mouet, infirmitatis
sua.

suæ statim consciùm , non omne cœlum ferens , aquarum nouitatibus , statuque non familiaris auræ , & tenuissimis caussis atque offensionibus morbidum , putre , cassum , à fletu vitam auspicatum : cùm interim quantos tumultus hoc tam contemptum animal mouet ? in quantas cogitationes oblitum conditionis suæ venit ? Immortalia , æterna volutat animo , & in nepotes pronepotesque disponit : cùm interim longa conantem eum mors opprimat : & hoc quod senectus vocatur , pauci sunt circuitus annorum .

CAP. XII. Dolor tuus, ò Marcia, si modo illi vlla ratio est , vtrum sua spectat incommoda , an eius qui decessit ? Vtrumne amisso filio mouet , quòd nullas ex illo voluptates cepisti : an quòd maiores , si diutius vixisset , percipere potuisti ? Si nullas te percepisse dixeris ; tolerabilius efficies detrimentum tuum : minùs enim homines desiderant ea , ex quibus nihil gaudij lætitiæque perceperunt . Si confessa fueris percepisse magnas voluptates ; oportet te non de eo quod detractum est queri , sed de eo gratias agere quod collegisti . Prouenerunt enim satis magni fructus laborum tuorum ex ipsa educatione : nisi fortè hi , qui catulos auesque , & friuola animorum oblectamenta , summa diligentia nutriunt , fruuntur aliqua voluptate ex visu tactuque & blanda adulatione mutorum : liberos nutrientibus , non fructus

ctus educationis, ipsa educatio est. Licet
 itaque tibi nihil industria eius contulerit,
 nihil diligentia custodierit, nihil pruden-
 tia quaesierit: ipsum quod habuisti, quod
 amasti, fructus est. At potuit longior esse,
 & maior. Melius tamen tecum actum est,
 quam si omnino non contigi set. quoniam
 si ponatur electio, utrum satius sit, non
 diu felicem esse, an nunquam: melius est,
 discessura nobis bona, quam nulla contin-
 gere. Vtrumne malles degenerem ali-
 quem, & numerum tantum nomenque fi-
 lij expleturum habuisse, an tantæ indolis,
 quantæ tuus fuit? Iuuenis citò prudens,
 citò pius, citò maritus, citò pater, citò
 omnis officij curiosus, citò sacerdos, om-
 nia tam propera. Nulli ferè & magna bo-
 na, & diuturna, contingunt. non durat;
 nec ad ultimum exit, nisi lenta felicitas.
 Filium tibi dii immortales non diu datur-
 ri, statim talem dederunt, qualis diu effici
 potest. Ne illud quidem dicere potes, ele-
 ctam te à dijs, cui ~~frui~~ non liceret filio.
 Circui per omnem notorum & ignoto-
 rum frequentiam oculis: occurrent tibi
 ubique maiora. Senferunt ista magni du-
 ces, senferunt principes. ne deos quidem
 fabulæ immunes reliquerunt; puro ut no-
 strorum funerum leuamētum esset, etiam
 diuina concidere. Circumspice, inquam,
 omnes. nullam tam miseram nominabis
 domum, quæ non inueniat in miseriore
 solatium. Non, mehercule, tam malè de-
 mori-

moribus tuis sentio, ut putem posse te leuiter pati casum tuum, si tibi ingentem numerum lugentium produxero. maliuoli solatii genus est, turba miserorum. Quosdam tamen referam: non ut scias, hoc solere hominibus accidere: ridiculum est enim, mortalitatis exempla colligere: sed ut scias fuisse multos, qui lenierunt aspera, ferendo placide. A felicissimo incipiam. L. Sylla filium amisit: nec ea res aut malitiam eius, & acerrimam virtutem in hostes ciuesque, contudit: aut effecit, ut cognomen illud usurpasse salus videretur, quod amisso filio assumpsit: nec odia hominum veritus, quorum malis, illius nimis secundæ res constabant: nec inuidiam deorum, quorum illud crimen erat, Sylla tam felix. Sed istud inter res nondum iudicatas habeatur, qualis Sylla fuerit, etiam inimici fatebuntur, bene illum arma sumpsisse, bene posuisse: hoc de quo agitur constabit, non esse maximum malum, quod etiam ad felicissimos peruenit. Nec nimis admiretur Græcia illum patrem, qui in ipso sacrificio nunciata filij morte, tibicinem tantum tacere iussit, & coronam capiti detraxit, cetera rite perfecit.

CAP. XIII. Puluillus hoc fecit pontifex, cui postem tenenti, & Capitolium dedicanti, mors filij nunciata est: quam ille exaudisse dissimulans, & sollempnia pontificalis carminis verba concepit, gemitu
non

non interrupte precationem, & ad filij sui nomen Ioue propitiato. Putasses eius luctus aliquem finem esse debere, cuius primus dies, primus impetus ab altaribus publicis, & fausta nuncupatione, non abduxit patrem. Dignus mehercule fuit memorabili dedicatione, dignus amplissimo sacerdotio, qui colere deos ne iratos quidem destitit. Idem tamen, ut redijt domum, & impleuit oculos, & aliquas voces flebiles misit: & peractis, quæ mos erat præstare defunctis, ad Capitolium hilari redijt vultu. Paullus circa illos nobilissimi triumphij dies, quo victum ante currum egit Persen, incliti regis nomen, duos filios in adoptionem dedit: quos sibi seruauerat, extulit. Quales re-tentos putas, cum inter commodatos Scipio fuisset? Non sine motu vacuum Paulli currum populus Romanus aspexit. concionatus est tamen, & egit dijs gratias, quod compos voti factus esset. Precatum enim se, ut si quid ob ingentem victoriam inuidiæ dandum esset, id suo potius, quam publico damno, lucretur. Vides quam magno animo tulerit? orbitati suæ gratulatus est. Ecquem magis poterat mouere tanta mutatio? solatia simul atque auxilia perdidit: non contigit tamen tristem Paillum Persi videre.

CAP. XIV. Quid nunc te per innumera-bilia magnorum virorum exempla ducam, & quæram miseros? quasi non diffi-cilius

cilius sit, inuenire felices. Quota quæque domus vsque ad exitum omnibus partibus suis constitit, in qua non aliquid turbatum sit? Vnum quemlibet annum occupa: & ex eo magistratus cita. Lucium, si vis, Bibulum, & C. Cæsarem. videbis inter collegas inimicissimos concordem fortunam. L. Bibuli, melioris quàm fortioris viri, duo simul filij interfecti sunt: Ægyptio quidem militi ludibrio habiti: vt non minùs ipsa orbitate, auctor eius, digna res lacrimis esset. Bibulus tamen, qui, toto honoris sui anno, ob inuidiam collegæ, domi latuerat, postero die quàm geminum funus renunciatum est, processit ad solita & publica officia. Quid minus poterat, quàm vnum diem duobus filiis dare? tam citò liberorum luctum finiuit, qui consularum anno luxerat. C. Cæsar cùm Britanniam peragraret, nec Oceano felicitatem suam continere posset, audiuit decessisse filiam, publica secum fata ducentem. In oculis erat iam Cn. Pompeius, non equo laturus animo quemquam alium esse in Repub. magnam, & modum impositurus incrementis, quæ graua illi videbantur, etiam cùm in commune crescerent: tamen intra tertium diem imperatoria obiit munia, & tam citò dolorem vicit, quàm omnia solebat.

CAP. XV. Quid aliorum tibi funera Cæsarium referam? quos in hoc mihi interrim

rim videtur violare fortuna, vt sic quoque generi humano profint, ostendentes, ne eos quidem, qui dijs geniti deosque genituri dicantur, sic suam fortunam in potestate habere, quemadmodum alienam. Diuus Augustus amissis liberis, nepotibus, exhausta Cæsarum turba, adoptione desertam domum fulsit. Tulit tamen fortiter, tamquam eius iam res ageretur, cuius cum maximè intererat, de dijs neminem queri. Tib. Cæsar, & quem genuerat, & quem adoptauerat, amisit: ipse tamen pro rostris laudauit filium, stetitque in conspectu posito corpore, interiecto tantummodo velamento, quod pontificis oculos à funere arceret, & flente populo Romano non flexit vultum: experiendum se dedit Sciano ad latus stanti, quam patienter posset suos perdere. Videsne quanta copia virorum maximorum sit, quos non excepit hic omnia prosternens casus, in quos tot animi bona, tot ornamenta publicè priuatimque congesta erant? Sed videlicet it in orbem ista tempestas: & sine dilectu vastat omnia, agitque vt sua. Iube singulos conferre rationem: nulli contigit impune nasci.

CAP. XVI. Scio quid dicas: Oblitus es fœminam te consolari: virorum refers exempla. Quis autem dixerit naturam malignè cum muliebribus ingenijs egisse, & virtutes illarum in arctum retraxisse? Par illis, mihi crede, vigor, par ad honesta (libeat)

(libeat) facultas est : laborem doloremque ex æquo, si consueuere, patiuntur. In qua istud vixit, dii boni, loquimur? in qua regem Romanis capitibus Lucretia & Brutus deiecerunt. Bruto libertatem debemus, Lucretiæ Brutum. In qua Clœliam, contempto hoste & flumine, ob insignem audaciam tantum non in viros transcripsimus. Equestri insidens statui, in sacra via, celeberrimo loco, Clœlia exprobrat iuuenibus nostris puluinem ascendentibus, in ea illos vrbe sic ingredi, in qua etiam fœminas equo donauimus. Quod tibi si vis exempla referri fœminarum, quæ suos fortiter desiderauerunt, non ostiatim quæram: ex vna tibi familia duas Cornelias dabo. Primam Scipionis filiam, Gracchorum matrem. duodecim illa partus, totidem funeribus recognouit. & de ceteris facile est, quos nec editos, nec amissos ciuitas sensit: Tib. Gracchum, & Caium, quos etiam qui bonos viros negauerit, magnos fatebitur, & occisos vidit, & insepultos: consolantibus tamen miseramque dicentibus, *Nunquam*, inquit, *non felicem me dicam, quæ Gracchos peperit.* Cornelia Liuium Drusum, clarissimum iuuenem, illustris ingenij, videntem per Gracchorum vestigia, imperfectis interrogationibus, intra penates interemptum suos amiserat, incerto cædis auctore: tamen & acerbam mortem filij, & inultam, tam magno animo tulit, quam ipse leges

tulerat. Iam cum fortuna in gratiam,
 Marcia, reuerteris, si tela, quæ in Scipio-
 nes, Scipionumque matres ac filios egit,
 quibus Cæsares petuit, ne à te quidem con-
 tinuit. Plena & infesta variis casibus vita
 est: à quibus nulli longa pax, vix induciæ
 sunt. Quatuor liberos sustuleras, Marcia.
 nullum aiunt frustra cadere telum, quod
 in confectum agmen immissum est. Mi-
 rum est, tantam turbam non potuisse sine
 inuidia damnove præteruchi? At hoc ini-
 quior fortuna fuit, quòd non tantum fi-
 lios eripuit, sed elegit. Nunquam tamen
 iniuriam dixeris, ex æquo cum potentiore
 diuidere; duas tibi reliquit filias, & harum
 nepotes: & ipsum quem maximè luges,
 prioris oblita, non ex toto abstulit. Ha-
 bes ex illo duas filias. si malè fers, magna
 onera: si benè, magna solatia. In hoc te
 perduxit, vt illas cum videris, admonea-
 ris filij, non doloris. Agricola, euerfis ar-
 boribus, quas aut ventus radicibus euul-
 sit, aut contortus repentino impetu turbo
 perfregit, subolem ex illis residuam fo-
 uet, & amissarum semina statim planta-
 que disponit: & momento (nam vt in dam-
 na, ita ad incrementa rapidum veloxque
 tempus est) adulescunt amissis lætiora.
 Has nunc Metilij tui filias in eius vicem
 substitue: & vacantem locum exple.
 Vnum dolorem, geminato solatio leua.
 Hæc quidem natura mortalium est, vt ni-
 hil magis placeat, quàm quod amissum
 est.

est. iniquiores sumus aduersus relictā, ereptorum desiderio. sed si æstimare volueris, quàm tibi valdè fortuna, etiam cùm senuerit, pepercerit, scies te habere plus quàm solatia. Respice tot nepotes, duas filias.

CAP. XVII. Dic illud quoque, Marcia. moueret me, si esset cuique pro moribus fortuna, nunquam mala bonos sequerentur: nunc video, exempto discrimine, & eodem modo, malos bonosque iactari. Graue est tamen, quem educaueris iuuenem, iam matri, iam patri præsidium ac decus, amittere. Quis negat graue esse? sed humanum est. Ad hoc genita es ut perderes, ut perires, ut sperares, metueres, alios teque inquietares, mortem & timeres & optares, &, quod est pessimum, nunquam scires cuius esses status. Si quis Syracusās petenti diceret: Omnia incommoda; omnes voluptates futuræ peregrinationis tuæ antè cognosce, deinde ita nauiga. Hæc sunt quæ mirari possis. videbis primum ipsam insulam ab Italia angusto intercisam freto; quam continenti quondam cohæsisse constat. subitum illò mare irrupit, & *Hesperium Siculo latus abscidit*. deinde videbis (licebit enim tibi auidissimum maris verticem stringere) illam fabulosam, Charvbdim dico, quàm diu ab Austro vacat, quietam; at si quis inde ventus spirauit, hiatu magno profundoque nauigia sorbentem. Videbis cele-

bratissimum carminibus fontem Arcthusam, nitidissimi, ac perlucidi ad imum stagni, gelidissimas aquas profundentem: siue illas ibi primum nascentes inuenit, siue immersum terris flumen integrum subter tot maria, & à confusione peioris undæ seruatum, reddidit. Videbis portum quietissimum omnium, quos aut natura posuit in tutelam classium, aut adiuit manus, sic tutum, ut ne maximarum quidem tempestatum furori locus sit. Videbis ubi Athenarum potentia fracta: ubi tot millia captiuorum, ille excisis in infinitam altitudinem saxi, nobilis carcer incluserat: ipsam ingentem ciuitatem, & laxius territorium, quàm multarum urbium fines sint: tepidissima hiberna, & nullum diem sine interuentu solis. Sed cùm omnia ista cognoueris, grauis & insalubris æstas hiberni cœli beneficia corrumpet. Erit Dionysius illic tyrannus, libertatis, iustitiæ, legum exitium, dominationis cupidus etiam post Platonem, vitæ etiam post exilium: alios vret, alios verberabit, alios ob leuem offensam iubebit detruncari: accerset ad libidinem mares fœminasque: & inter fœdos regiae intemperantiæ greges parum erit simul binis coire. Audisti quid te inuitare possit, quid abstertere: proinde aut nauiga, aut resiste. Post hanc denunciationem, si quis dixisset intrare se Syracusas velle, satisne iustam querelam de vlllo, nisi de se, habere

bere posset, qui non incidisset in illa, sed prudens sciensque venisset? Dicit omnibus nobis natura: Neminem decipio. tu si filios sustuleris, poteris habere formosos, poteris & deformes: & si fortasse tibi multi nascentur, esse ex illis aliquis tam feruator patriæ, quam proditor poterit. Non est quod desperes tantæ dignationis futuros, ut nemo tibi propter illos maledicere audeat: propone tamen & tantæ futuros turpitudinis, ut ipsi maledictum sint. Nihil vetat illos tibi suprema præstare, & laudari te à liberis tuis: sed sic te para, tanquam in ignem positura, vel puerum, vel iuuenem, vel senem. Nil enim ad rem pertinent anni: quoniam nullum non acerbum funus est, quod parens sequitur. Post has leges propositas, si liberos tollis, omni deos invidia liberas, qui tibi nihil spoponderunt!

CAP. XVIII. Ad hanc imaginem agendum totius vitæ introitum referamus. Syracusas visere deliberanti tibi, quicquid delectare poterat, quicquid offendere, exposui: puta nascenti me tibi venire in consilium: intratura es urbem diis hominibusque communem, omnia complexam, certis legibus æternisque deuinctam, indefatigata celestium officia voluentem. Videbis illic innumerabiles stellas, miraberis vno sidere omnia impleri, solem quotidiano cursu diei noctisque spatia signantem, annum in æstatem hiememque

æqualiter diudentem. Videbis nocturnam lunæ successionem à fraternis accessionibus lene remissumque lumen mutantem, & modò occultam, modò toto ore terris imminentem, accessionibus damnisque mutabilem, semper proximæ dissimilem. Videbis quinque sidera diuersas agentia vias, & in contrarium præcipiti mundo nitentia: ex horum leuissimis motibus fortunæ populorum dependent, & maxima ac minima proinde formantur prout æquum iniquumve sidus incessit. Miraberis collecta nubila, & eadentes aquas, & obliqua fulmina, & cœli fragorem. Cùm satiatus spectaculo supernorum in terram oculos deieceris, excipiet te alia formæ rerum, aliterque mirabilis. Hinc camporum in infinitum patentium fusa planities; hinc montium magnis & niualibus surgentium iugis, erecti in sublime vertices; delectus fluminum, & ex vno fonte in Orientem Occidentemque defusi amnes; & summis cacuminibus nemora nutantia, & tantum silvarum, cum suis animalibus, auriumque concentu dissono. Varij urbium situs, & seclusæ nationes locorum difficultate. quarum aliæ se in erectos subtrahunt montes, aliæ ripis, lacu, vallibus, palude circumfunduntur: adiuta cultu seges, & arbusta sine cultore fertilia, & riuorum lenis inter prata districtus, & amœni sinus, & littora in portum recedentia, sparsæ tot per vastum insulæ,

fulæ, quæ interuentu suo maria distinguunt. Quid lapidum gemmarumque fulgor, & inter rapidorum cursum torrentium aurum arenas interfluens, & in mediis terris, medioque rursus mari nitentes ignium faces, & vinculum terrarum Oceanus, continuationem gentium triplici sinu scindens, & ingenti licentia exaltans? Videbis his inquietis, & sine vento fluctuantibus aquis immani & fidem excedenti magnitudine terrentia animalia, quædam graua & alieno se magisterio mouentia; quædam velocia, concitatis perniciores remigiis, quædam haurientia vndas, & magno prænaugantium periculo efflantia. Videbis hic nauigia, quas non nouere terras quærentia. Videbis nihil humanæ audaciæ intentatum, etisq; ei spectatrix, & ipsa pars magnaconantium: disces, docebisq; artes, alias quæ vitam instruant, alias quæ ornent, alias quæ regant. Sed istic erunt mille corporum & animorum pestes, & bella, & latrocinia, & venena, & naufragia, & intemperies cæli corporisq; & carissimorum acerba desideria, & mors, incertum facilis, an per pœnam cruciatumque. Delibera tecum, & perpende quid velis. vt in illa venias, per ista exeundum est. Respondebis, velle te viuere. quidni? imò, puto, ad id non accedes, ex quo tibi aliquid detrahi doles. Viue ergo, vt conuenit. Nemo, inquis, nos consuluit. Con-

fulci sunt de nobis parentes nostri : qui cum conditionem vitæ nossent , in hanc nos sustulerunt .

CAP. XIX. Sed ut ad solatia veniam , videamus primum quid curandum sit , deinde quemadmodum . Mouet lugentem desiderium eius , quem dilexit . id per se tolerabile apparet . Absentes enim abfuturosque , dum viuerent , non flemus , quamnis omnis usus illorum nobis & conspectus ereptus sit . Opinio est ergo , quæ nos cruciat : & tanti quodque malum est , quanti illud taxauimus . In nostra potestate remedium habemus . Iudicemus illos abesse , & nosmetipsi fallamus : dimisimus illos , imò consecuturi præmisimus . Mouet & illud lugentem : Non erit qui me defendat , qui à contemptu vindicet . Ut minime probabili , sed vero solatio utar : in ciuitate nostra plus gratiæ orbitas confert , quam eripit . Adeoque senectutem solitudo , quæ solebat destruere , ad potentiam ducit , ut quidam odia filiorum simulent , & liberos seruent , & orbitatem manu faciant . Scio quid dicas : Non mouent me detrimenta mea . etenim non est dignus solatio , qui filium sibi decessisse , sicut mancipium , molestè fert : cui quicquam in filio respicere , præter ipsum , vacat . Quid igitur te , Marcia , mouet ? utrum , quod filius tuus decessit : an , quod non diu vixit ? Si quod decessit , semper debui si dolere : semper enim scisti mori . Co-
gita .

gita, nullis defunctum malis affici. illa quæ nobis inferos faciunt terribiles, fabula est. Nullas scimus imminere mortuis tenebras, nec carcerem, nec flumina flagrantia igne, nec obliuionis amnem, nec tribunalia, nec reos vltos in illa libertate tam laxa: nullos iterum tyrannos. Luserunt ista poetæ, & vanis nos agitare terroribus. Mors omnium dolorum & solutio est, & finis: vltra quam mala nostra non exeunt, quæ nos in illam tranquillitatem, in qua antequam nasceremur iacuimus, reponit. Si mortuorum aliquis miseretur, & non natorum misereatur: Mors nec bonum nec malum est. Id enim potest aut bonum aut malum esse, quod aliquid est: quod verò ipsum nihil est, & omnia in nihilum redigit, nulli nos fortunæ tradit. Mala enim bonæque circa aliquam versantur materiam. Non potest id fortuna tenere, quod natura dimisit: nec potest miser esse, qui nullus est. Excessit filius tuus terminos, intra quos se ruitur. Excepit illum magna & æterna pax: non paupertatis metu, non diuitiarum cura, non libidinis per voluptatem animos carpentis stimulis incessitur, non inuidia felicitatis alienæ tangitur, nec suæ premittitur, nec conuiciis quidem vllis verecundæ aures verberantur: nulla publica clades conspicitur, nulla priuata: non sollicitus futuri pender ex euentu, semper in deteriora dependenti. Tandem ibi constitit.

vnde nil eum pellat, vbi nil terreat.

CAP. XX. O ignaros malorum suorum, quibus non mors vt optimum inuentum naturæ laudatur! quæ siue felicitatem includit, siue calamitatem repellit, siue satietatem aut lassitudinem senis terminat, siue iuvenile æuum, dum meliora sperantur, in flore deducit, siue pueritiam ante duriores gradus reuocat: omnibus finis, multis remedium, quibusdam votum, de nullis melius merita, quàm de his ad quos venit antequam inuocaretur. Hæc seruitutem inuito domino remittit: hæc captiuorum catenas leuat: hæc è carcere educit, quos exire imperium impotens vetuerat. hæc exulibus in patriam semper animum oculosque tendentibus, ostendit, nihil interesse inter quos quisque iaceat. hæc, vbi res communes fortuna malè diuisit, & æquo iure genitos, alium alij donauit, exæquat omnia. hæc est quæ nihil quicquam alieno fecit arbitrio. hæc est, in qua nemo humilitatem suam sensit. hæc est quæ nulli paruit. hæc est, Marcia, quam pater tuus concupiuit. Hæc est, inquam, quæ efficit, vt nasci non sit supplicium: quæ efficit, vt non concidam aduersus minas casuum, vt seruare animum saluum ac potentem sui possim. Habeo quò appellam. Video istic cruces non vnus quidem generis, sed aliter ab aliis fabricatas. alij capite conuersos in terram suspendere, alij per obscœna stipitem

tem egerunt, alij brachia patibulo expli-
 cuerunt. Video fidiculas, video verbera:
 & membris & singulis articulis singula
 machinamenta: sed video & mortem.
 Sunt istic hostes cruenti, ciues superbi: sed
 video istic & mortem. Non est molestum
 seruire, vbi si domini pertaxum est, licet
 vno gradu ad libertatem transire. contra
 iniurias vitæ, beneficium mortis habeo.
 Cogita, quantum boni opportuna mors
 habeat, quàm multis diutius vixisse no-
 cuerit. Si Cn. Pompeium, decus istius fir-
 mamentumque imperij, Neapoli valitudo
 abstulisset, indubitatus populi Romani
 princeps excesserat. At nunc exigui tem-
 poris adiectio fastigio illum suo depulit.
 Vidit legiones in conspectu suo casas: &
 ex illo prælio, in quo prima acies senatus
 fuit, quàm infelices reliquæ sunt, impera-
 torem ipsum superfuisse! vidit Ægyptium
 carnificem, & sacrosanctum victoribus
 corpus satelliti præstitit, etiam si incolumis
 fuisset pœnitentiam salutis acturus.
 quid enim erat turpius, quàm Pompeium
 viuere beneficio regis? M. Cicero si eo
 tempore, quo Catilinæ fidas deuittauit,
 quibus pariter cum patria petitus est, con-
 cidisset, liberata Repub. conseruator eius:
 si denique filia suæ funus secutus fuisset,
 etiam tunc felix mori potuit. Non vidisset
 strictos in ciuilia capita mucrones:
 nec diuisa percussoribus occisorum bona,
 vt etiam de suo perirent: non hastam

consolaria spolia vendentem : nec cædes ,
 nec locata publicè latrocinia , bella , rapi-
 nas, tantum Catilinarum. Marcum Cato-
 nem si à Cypro & hereditatis regiae di-
 spensatione redeuntem mare deuorasset ,
 vel cum illa pecunia, quam afferebat ciui-
 li bello stipendium , nonne illo benè
 actum foret ? hoc certè secum tulisset, ne-
 minem ausurum coram Catone peccare .
 Nunc annorum adiectio paucissimorum ,
 virum libertati non suæ tantum , sed pu-
 blicæ natum , coegit Cæsarem fugere ,
 Pompeium sequi. Nihil ergo mali imma-
 tura mors attulit Metilio: omnium etiam
 malorum remisit patientiam . Nimis ta-
 men citò periit, & immaturus . Primum,
 puta illum superfuisse : comprehendere
 quantum plurimum procedere homini li-
 cet: quantulum est ? Ad breuissimum tem-
 pus editi, citò cessuri loco, venienti in pa-
 ctum hoc, prospicimus hospitium. De no-
 stris ætatibus loquor , quas incredibili ce-
 leritate conuolui constat ? computa vr-
 bium sæcula . videbis quàm non diu ste-
 terint , etiam quæ verustate gloriantur .
 Omnia humana breuia & caduca sunt, in-
 finiti temporis nullam partem occupan-
 tia . Terram hanc cum populis , vrbibus-
 que, & fluminibus, & ambitu maris, pun-
 cti loco ponimus , ad vniuersa referentes :
 minorem portionem ætas nostra , quàm
 partem puncti habet, si temporì compare-
 tur omni. cuius maior est mensura quàm
 mundi:

mundi: utpote cum ille se intra huius spatium toties remetiatur. Quid ergo interest id extendere, cuius quantumcunque fuerit incrementum, non multum aberit à nihilo? vno modo multum est quod viuimus: si satis est. Licet mihi vaces, & in moram tardatæ senectutis nouies denoscentenosque percenseas annos: cum ad omne tempus dimiseris animum, nulla erit illa breuissimi longissimiq; æui differentia, si inspecto quanto quis vixerit spatium, comparaueris quanto non vixerit. Deinde non immaturus decessit: vixit enim, quantum debuit viuere. Nihil enim illi iam ultra supererat. Non vna hominibus senectus est, ut ne animalibus quidem intra quatuordecim quædam annos defatigantur: & hæc illis longissima ætas est, quæ homini prima, dispar cuique viuendi facultas data est: nemo nimis citò moritur, qui victurus diutius quàm vixit, non fuit. Fixus est cuique terminus: manebit semper ubi positus est: nec illum ulterius diligentia aut gratia promouebit: scit libenter illum ulterius diligentiam ex consilio perdidisse. Tulit suum, — *meta scq; dati peruenit ad æui*. Non est itaque quod sic te oneres: Potuit diutius viuere. Non est interrupta eius vita, nec vnquam se annis casus interiecit. soluitur quod cuique promissum est: eunt vi sua fata, nec adiungunt quicquam, nec ex promisso semel demunt: frustra vota ac studia fiunt. Habebit.

bebit quisque, quantum illi dies primus adscripsit. ex illo quo primum lucem vidit, iter mortis ingressus est, accessitque fato propior: & illi ipsi, qui adiciebantur adolescentiæ anni, vitæ detrahebantur. In hoc omnes errore versamur, ut non putemus ad mortem, nisi senes inclinatosque iam vergere: cum illò infantia statim, & iuuenta, omnisque ætas ferat. Agunt opus suum fata. nobis sensum nostræ necis auferunt: quoque facilius obrepac mors, sub ipso vitæ nomine latet. Infantem in se pueritia conuertit, pueritiam pubertas, iuuentutem senectus abstulit. Incrementa ipsa, si benè computes, damna sunt.

CAP. XXI. Quereris, Marcia, non tam diu vixisse filium tuum, quàm potuisset? Vnde enim scis, an diutius illi expedierit? an illi hac morte consultum sit? Quem inuenire hodie potes, cuius res tam benè positæ sint & fundatæ, ut nihil illi procedenti tempore timendum sit? Labuntur humana, ac fluunt: neque pars vitæ nostræ tam obnoxia aut tenera est, quàm quæ maximè placet. Ideoque felicissimis optanda mors est, quia in tanta inconstantia turbaque rerum, nihil nisi quod præterijt, certum est. Quis tibi recepit, illud pulcherrimum filij tui corpus, & summa pudoris constantia inter luxuriosæ urbis oculos conseruatum, potuisse ita morbos euadere, ut ad senectutem formæ illesum per-

perferret decus?

CAP. XXII. Cogita animi mille labe-
neque enim recta ingenia, qualem in ado-
lescentia spem sui fecerant, usque in sene-
ctutem pertulerunt: sed interuersa ple-
rumque sunt. Aut sera, eoque fœdior lu-
xuria inuasit, & coegit dehonestare spe-
ciosa principia: aut in popinam ventrem-
que projectis, summa illis curarum fuit,
quid essent, quid biberent. Adijce incen-
dia, ruinas, naufragia, lacerationes medi-
corum ossa viuis legentium, & totas in
viscera manus demittentium, & non sim-
plici dolore pudenda curantium. Post
hæc exilium. non fuit innocentior filius
tuus, quàm Rutilius. Carcerem. non fuit
sapientior, quàm Socrates. Voluntario
vulnere transfixum pectus. non fuit san-
ctior quàm Cato. Cum ista perspexeris,
scies optimè cum his agi, quos natura,
quia illos hoc manebat vitæ stipendium,
citò in tutum recepit: Nihil est tam fal-
lax, quàm vita humana: nihil tam insidio-
sum. non mehercule quisquam accepis-
set, nisi daretur inscijs. Itaque si felicissi-
mum est, non nasci: proximum puta, bre-
uitate vitæ defunctos, citò in integrum
restitui. Propone illud acerbissimum tibi
tempus, quo Seianus patrem tuum clien-
ti suo Satrio Secundo congiatium dedit.
Irascebatur illi ob vnum aut alterum li-
berius dictum, quod tacitus ferre non po-
tuerat, *Seianum in ceruices nostras nec im-
poni*

poni quidem, sed ascendere. Decernebatur illi statua in Pompeij theatro ponenda, quod exustum Cæsar reficiebat. Exclamavit Cordus, Tunc verè theatrum perire. Quis ergo non rumperetur, supra cineres Cn. Pompeij constitui Seianum, & in monumentis maximi imperatoris consecrari pessimus militem? consecratur. Subscriptio, & acerrimi canes, quos ille, ut sibi vni mansuetos, omnibus feros haberet; sanguine humano pascebat, circumlatrare etiam hominem, & illum imparatum, incipiunt. Quid faceret? si viuere vellet; Seianus rogandus erat: si mori; filia. uterque inexorabilis: constituit filiam fallere. Vtque itaque balneo, & quo plus imponeret, in cubiculum se quasi gustaturus contulit: & dimissis pueris, quædam per fenestram, ut videretur edisse, proiecit: à cœna deinde, quasi iam satis in cubiculo edisset, abstinuit: alteroq; die, & tertio idem fecit. Quarto, ipsa infirmitate corporis faciebat indicium. Complexus itaque te: Carissima, inquit, filia, & hoc unum, tota celata vita, iter mortis ingressus sum, & iam medium serè teneo. Reuocare me nec debes, nec potes. Atque ita lumen omne præcludi iussit, & se in tenebris condidit. Cognito consilio eius, publica voluptas erat, quod è faucibus avidissimorum luporum educeretur præda. Accusatores, Seiano auctore, ad eunt consilium tribumalia: queruntur in mori Cordum, interpellant.

lantes quod coegerant. adeò illis Cordus videbatur effugere . Magna res erat. in questione, an morte rei perderentur. dum deliberatur, dum accusatores iterum ad- eunt, ille se absoluerat . Vidēsne, Marcia, quantē iniquorum temporum vices ex in- opinato ingruant? fles quòd alicui tuo- rum mori necesse fuit? pænè non licuit. .

CAP. XXIII. Præter hoc, quòd omne futurum incertum est, & ad deteriora cer- tius: facilius ad superos iter est, animis citò ab humana conuersatione dimissis . minius enim fœcis ponderisq̃ue traxerunt: antequam obducerentur, & altiùs terre- na conciperent, liberati, leuiiores ad ori- ginem suam reuolant, & faciliùs, quic- quid est illud, absoluti transfluunt . Nec vnquam magnis ingenijs cara in corpo- re mora est . exire atque erumpere ge- stiunt, ægrè has angustias ferunt, va- gi per omne sublime, & ex alto afluetti humana despicere . Inde est quod Plato clamat: *Sapientis animum totum in mor- tem prominere, hoc velle, hoc meditari, hac semper cupidine ferri in exteriora tenden- tem* . Quid tu, Marcia, cùm videres senti- lem in iuvene prudentiam; victorem om- nium voluptatum animum, emendatum, carentem vitio; diuitias sine auaritia, ho- nores sine ambitione, voluptates sine lu- xuria appetentem; diu tibi putabas illum sospitem posse contingere? Quicquid ad summum peruenit, ad exitum properat.
Eripit

Eripit se aufertque ex oculis perfecta virtus : nec ultimum tempus expectant, quæ in primo maturuerunt. Ignis quò clarior fuit, citius exstinguitur : viuacior est, qui cum lenta difficiliq̃ue materia commissus, fumoq̃ue demersus, ex sordido lucet. eadem enim detinet causa, quæ malignè alit. Sic ingenia quò illustriora, breuiora sunt. Nam ubi incremento locus non est, vicinus occasus est. Fabianus ait, quod nostri quoq̃ue parentes videre, puerum Romæ fuisse, statura ingentis viti : sed hic citò decessit. & moriturum breui nemo non prudens dixit. non poterat enim ad illam ætatem peruenire, quam præceperat. Ita est indicium imminentis exitij maturitas, & appetit finis, ubi incrementa consumpta sunt.

CAP. XXIV. Incipe virtutibus illum, non annis æstimare : satis diu vixit. pupillus relictus, sub tutorum cura vsque ad decimumquartum annum fuit : sub matris custodia semper. cùm haberet suos penates, relinquere tuos noluit. Adolescentens statura, pulchritudine, cetero corporis robore castris natus, militiam recusauit, ne à te discederet. Computa, Marcia, quàm rarò liberos videant, quæ in diuersis domibus habitant : cogita, tot illos perire annos matribus, & per sollicitudinem exigì, quibus filios in exercitu habent : scies multum patuisse hoc tempus, ex quo nihil perdidisti. Nunquam à conspectu

spectu tuo recessit : sub oculis tuis studia
 formavit, excellentis ingenij, & æquaturi-
 aum, nisi obstitisset verecundia, quæ mul-
 torum profectus silentio preflit. Adole-
 scens rarissimæ formæ, in tam magna mu-
 lierum turba viros corrumpentium, nul-
 lius spei se præbuit : & cum quarumdam
 usque ad tentandum peruenisset improbi-
 tas, erubuit, quasi peccasset, quod placne-
 rat. Hac sanctitate morum effecit, ut
 puer admodum dignus sacerdotio vide-
 retur, materna sine dubio suffragatione :
 sed ne mater quidem nisi pro bono can-
 didato valuisset. Harum in contempla-
 tione virtutum sic te gere, tanquam si
 nunc ille tibi magis vacet. Nunc nihil
 habet quo auocetur, nunquam tibi solici-
 tudini, nunquam mœrori erit. Quod
 vnum ex tam bono filio poteras dolere,
 doluisti : cetera exempta casibus, plena vo-
 luptatis sunt, si modò uti filio scis, si mo-
 dò quid in illo pretiosissimum fuerit, in-
 telligis. Imago dumtaxat filij tui periit,
 & effigies non simillima : ipse quidem
 æternus, meliorisq; nunc status est, de-
 spoliatus oneribus alienis, & sibi relictus.
 Hæc quæ vides ossa circumuoluta nervis,
 & obductam cutem, vultumq; & mini-
 stras manus, & cetera quibus involuti su-
 mus, vincula animorum tenebræque
 sunt. Obruitur his animus, offuscatur,
 inficitur, arcetur à veris & suis, in falsa
 coniectus : omne illi cum hac carne graui
 certa-

certamen est, ne abstrahatur & fidat: nirtur illò, vnde dimissus est: ibi illum æterna requies manet, è confusis crassisque pura & liquida visentem.

CAP. XXV. Proinde non est quòd ad sepulcrum filij tui curras. pessima eius, & ipsi molestissima istic iacent, ossa cineresque: non magis illius partes, quàm vestes, aliaque tegumenta corporum. Integer ille, nihilque in terris relinquens, fugit, & totus excessit: paullumque supra nos commoratus, dum expurgatur, & inhaerentia vitia situmque omnis mortalis æui excutit, deinde ad excelsa sublatus, inter felices currit animas, excipitque illum cœtus sacer, Scipiones, Catonesque, vique contemptores vitæ, & mortis beneficio liberi. Parens tuus, Marcia, illic nepotem suum, quamquam illic omnibus omne cognatum est, applicat sibi, noua læce gaudētem, & vicinorum siderum meatus docet: nec ex coniecturis, sed omnium ex vero peritus, in arcana naturæ libens ducit. Utq; ignotarum urbium monstrator, hospiti gratus est: ita sciscitanti cœlestium causas, domesticus interpret. In profunda terrarum permittere aciem iuuat: delectat enim ex alto relictæ respicere. Sic itaque, Marcia, te gere, tanquam sub oculis patris filijque posita, non illorum quos noueras, sed tanto excellentiorum, & in summo locorum: erubescere quicquam humile aut vulgare, & mutatos
in

in melius tuos flere . In æterna rerum per
 . vasta & libera spatia demissos , non illos
 . interfusa maria discludunt , nec altitudo
 . montium , aut imæ valles , aut incerta va-
 . da Syrtium . tramites omnia plani , & ex
 . facili mobiles , & expediti , & inuicem per-
 . uij sunt , intermixtiq̃ue sideribus .

CAP. XXVI. Puta itaque ex illa ar-
 . ce cœlesti patrem tuum , Marcia , cui tan-
 . tum apud te auctoritatis erat , quantum
 . tibi apud filium tuum , non illo ingenio ,
 . quo ciuilia bella defleuit , quo proscriben-
 . tes in æternum ipse proscripsit , sed tanto
 . clariore , quanto est ipse sublimior , dicere :
 . Cur te filia tam longa tenet ægritudo ?
 . Cur in tanta veri ignorantia versaris , vt
 . iniquè actum iudices cum filio tuo , quòd
 . in tadium versus vitæ , ipse ad maiores se
 . recepit suos ? Nescis quantis fortuna pro-
 . cellis disturbet omnia ? quàm nullis beni-
 . gniam faciliè se præstiterit , nisi qui mini-
 . mum cum illa contraxerant ? Regesne ti-
 . bi nomen felicitissimos futuros , si ma-
 . turiùs illos mors instantibus subtraxisset
 . malis ? An Romanos duces , quorum nihil
 . magnitudini deerit , si aliquid ætati detra-
 . xeris ? an nobilissimos viros clarissimos-
 . que ad ictum militaris gladij composita
 . ceruice formatos ? Respice patrem atque
 . auum tuum . Ille in alieni percussoris ve-
 . nit arbitrium . Ego nihil in me cuiquam
 . permisi , & cibo prohibitus ostendi , quàm
 . magno animo scripsissem . Cur in domo
 nostra

nostra diutissimè lugetur, qui felicissimè
 moritur? Coimus in vnum omnes, vide-
 musque vos alta nocte circumdari. Nil
 apud vos, ut putatis, optabile, nil excel-
 sum, nil splendidum: sed humilia cuncta,
 & graua, & anxia, & quotam partem lu-
 minis nostri cernentia? Quid dicam, nulla
 hic arma mutuis furere concursibus, nec
 classes classibus frangi, nec parricidia aut
 fingi, aut cogitari, nec fora litibus strepe-
 re dies perpetuos: nihil in obscuro, dete-
 ctas mentes, & aperta praeordia, & in pu-
 blico medioque vitam, & omnis æui pro-
 spectum, euentumque? Iuuabat vnius sæ-
 culi me fata componere, in parte vltima
 mundi, & inter paucissimos gesta: tot sæ-
 cula, tot ætatum contextum & seriem,
 quicquid annorum est, licet visere. licet
 surrectura, licet ruitura regna prospicere,
 & magnarum virbium lapsus, & maris no-
 uos cursus. Nam si potest tibi solatio es-
 se desiderij tui commune fatum, nihil quo
 stat loco itabit. omnia sternet, abducat-
 que secum verustas: nec hominibus solum
 (quota enim ista fortuitæ potentiae portio
 est?) sed locis, sed regionibus, sed mundi
 partibus ludet: tot supprimet montes, &
 alibi rupes in altum nouas exprimet: ma-
 ria sorbebit, flumina auerret: & commer-
 cio gentium rupto, societatem generis
 humani cœtusque dissoluet. Alibi hiatibus
 vastis subducat vires, tremoribus quatiet,
 & ex infimo pestilentes halitus mittet, &
 inur-

CONSOL. AD MARCIAM. 239
inundationibus, quicquid habitatur, ob-
ducet: necabitque omne animal orbe sub-
merso, & ignibus vastis torrebit incen-
detque mortalia. Et cum tempus adue-
nerit, quo se mundus renouaturus extin-
guat, viribus ista se suis cadent, & sidera
sideribus incurrent, & omni flagrante ma-
teria, vno igne, quicquid nunc ex disposi-
to lucet, ardebit. Nos quoque felices ani-
mæ, & æterna sortite, cum Deo visum erit
iterum ista moliri, labentibus cunctis, &
ipsi parua ruinæ ingentis accessio, in anti-
qua elementa venemur. Felicem filium
tuum, Marcia, qui ista iam nouit.

L. ANNÆI SENECAE

DE PROVIDENTIA,

sive

QVARE BONIS VIRIS MALA

ACCIDANT, CVM SIT

PROVIDENTIA,

LIBER VNVS.

CAPVT I.

QVÆSISTI à me, Lucili, quid ita, si
Providentia mundus ageretur, mul-
ta bonis viris acciderent mala? Hoc com-
modus in contextu operis redderetur,
cum præesse vniuersis providentiam pro-
bare-

baremus, & interesse nobis Deum: sed quoniam à roto particulam reuelli placet, & vnam contradictionem manente lite integra soluere: faciam rem non difficilem, causam deorum agam. Superuacuum est in præsentia ostendere, non sine aliquo custode tantum opus stare, nec hunc siderum certum discursum fortuiti impetus esse, & quæ casus incitat, sæpè turbari & citò arietare: hanc inoffensam velocitatem procedere æternæ legis imperio, tantum rerum terra marique gestantem, tantum clarissimorum luminum & ex dispositione lucentium: non esse materiæ errantis hunc ordinem: neque quæ temerè coierunt, tanta arte pendere, vt terrarum grauissimum pondus sedeat immotum, & circa se properantis cœli fugam spectet: vt infusa vallibus maria molliant terras, nec vllum incrementum fluminum sentiant; vt ex minimis seminibus nascantur ingentia. Ne illa quidem quæ videntur confusa & incerta, pluuias dico nubesque, & elisorum fulminum iactus, & incendia ruptis montium verticibus effusa, tremores labantis soli, & alia quæ tumultuosa pars rerum circa terras mouet, sine ratione, quamuis subita sint, accidunt: sed suas & illa causas habent non minùs, quàm quæ alienis locis conspecta miraculo sunt, vt in medijs fluctibus calentes aquæ, & noua insularum in vasto exsiliens mari spatia. Iam verò si quis obser-

obseruauerit nudari litora pelago int se
 recedente, eademque intra exiguum tem-
 pus operiri, credet cæca quadam voluta-
 tione modò contrahi vndas, & introrsum
 agi, modò erumpere, & magno cursu re-
 petere sedem suam, cùm illæ interim por-
 tionibus crescunt, & ad horam ac diem
 subeunt, ampliores minoresque, prout il-
 las lunare sidus elicit, ad cuius arbitrium
 oceanus exundat. Suo ista tempori refer-
 rentur: cò quidem magis, quòd tu non
 dubitas de prouidentia, sed quereris. In
 gratiam te reducam cum diis, aduersus
 optimos optimis. Neque enim natura pa-
 titur, vt bona bonis noceant. Inter bonos
 viros ac Deum amicitia est, conciliante
 virtute. amicitiam dico: imò etiam neces-
 situdo & similitudo: quoniam quidem bo-
 nus ipse tempore tantùm à Deo differt,
 discipulus eius, æmulatorque, & vera pro-
 genes: quem parens ille magnificus, vir-
 tutum non lenis exactor, sicut seueri pa-
 tres, duriùs educat. Itaque cùm videris
 bonos viros acceptosque diis, laborare,
 sudare, per arduum ascendere, malos au-
 tem lasciuire, & voluptatibus fluere: cogi-
 ta filiorum nos modestia delectari, vernu-
 larum licentia: illos disciplina tristiori
 contineri, horum ali audaciam. Idem ti-
 bi de Deo liqueat. bonum virum in deli-
 ciis non habet: experitur, indurat, sibi il-
 lum præparat.

CAP. II. Quare multa bonis viris ad-
 L uerfa

uerſa eueniunt? nihil accidere bono viro
 mali poteſt. Non miſcentur contraria.
 Quemadmodum tot amnes, tantum ſu-
 pernè deiectorum imbrium, tanta medi-
 catorum vis fontium, non mutant ſapo-
 rem maris, nec remittunt quidem: ita ad-
 uerſarum impetus rerum viri fortis non
 vertit animum. Manet in ſtatu, & quic-
 quid euenit, in ſuum colorem trahit. Eſt
 enim omnibus externis potentior: nec
 hoc dico, non ſentit illa: ſed vincit, & alio-
 quin quietus placidusque, contra incur-
 rentia attollitur. Omnia aduerſa, exerci-
 tationes putat. Quis autem, vir modò, &
 erectus ad honeſta, non eſt laboris appe-
 tens iuſti, & ad officia cum periculo prom-
 ptus? cui non induſtrioſo otium pœna eſt?
 Athletas videmus, quibus virium cura eſt,
 cum fortiſſimis quibuſque conſligere, &
 exigere ab his, per quos certamini præpa-
 rantur, vt totis contra ipſos viribus vtan-
 tur. cædi ſe vexarique patiuntur, & ſi non
 inueniunt ſingulos pares, pluribus ſimul
 obiciuntur. Marcet ſine aduerſario vir-
 tus. tunc apparet quanta ſit, quantum va-
 leat, polleatque, cum quid poſſit, patientia
 oſtendit. Scias licet, idem viris bonis eſ-
 ſe faciendum, vt dura ac difficilia non re-
 formident, nec de fato querantur. quic-
 quid accidit, boni conſulant, in bonum
 vertant. Non quid, ſed quemadmodum
 ſeras, intereſt. Non vides, quanto aliter
 patres, aliter matres indulgeant? illi exci-
 tari

tari iubent liberos ad studia obeunda maturè , feriatis quoque diebus non patiuntur esse otiosos , & sudorem illis , & interdum lacrimas excutiant: at matres fouere in sinu, continere in umbra volunt; nunquam flere , nunquam tristari , nunquam laborare . Patrium habet Deus aduersus bonos viros animum , & illos fortiter amat : & Operibus, inquit , doloribus, ac damnis exagitantur , vt verum colligant robur . Languent per inertiam saginata : nec labore tantum , sed mole , & ipso sui onere deficiunt . Non fert vllum ictum illæsa felicitas . at vbi assidua fuit cum incommodis suis rixa , callum per iniurias ducit, nec vlli malo cedit : sed etiam si ceciderit, de genu pugnat. Miraris tu, si Deus ille bonorum amantissimus , qui illos quàm optimos esse atque excellentissimos vult , fortunam illis cum qua exerceantur, assignat? Ego verò non miror , si quando impetum capiunt spectandi magnos viros , colluctantes cum aliqua calamitate . Nobis interdum voluptati est , si adolescens constantis animi irruentem feram venabulo excepit , si leonis incursum interritus pertulit : tantoque spectaculum est gratius, quanto id honestior fecit . Non sunt ista , quæ possunt deorum in se vultum conuertere , sed puerilia , & humanæ oblectamenta leuitatis . Ecce spectaculum dignum , ad quod respiciat intentus operi suo Deus: ecce par Deo di-

gnum, vir fortis cum mala fortuna compositus, utique si & prouocauit. Non video, inquam, quid habeat in terris Iupiter pulchrius, si conuertere animum velit, quam ut spectet Catonem, iam partibus non semel fractis stantem, nihilominus inter ruinas publicas rectum. Licet, inquit, omnia in vnius ditionem concesserint, custodiantur legionibus terræ, classibus maria, Cæsarianus portas miles obsideat: Cato, qua exeat, habet. Vna manu latam libertati viam faciet. ferrum istud, etiam ciuili bello purum & innoxium, bonas tandem ac nobiles edet operas. libertatem, quam patriæ non potuit, Catoni dabit. Aggredere anime diu meditatam opus, eripe te rebus humanis. Iam Petreius & Iuba concurrerunt, iacentque alter alterius manu cæsi. Fortis & egregia fati conuentio: sed quæ non deceat magnitudinem nostram. tam turpe est Catoni, mortem ab vilo petere, quam vitam. Liquet mihi, cū magno spectasse gaudio deos, cū iam ille vir, acerrimus sui vindex, alienæ saluti consulit, & instruit discedentium fugam: dum etiam studia nocte vltima tractat, dum gladium sacro pectori infigit, dum viscera spargit, & illam sanctissimam animam, indignamque quæ ferro contaminaretur, manu educit. Inde crediderim fuisse parum certum & efficax vulnus. non fuit Diis immortalibus satis, spectare Catonem semel; retenta ac

renocata virtus est, ut in difficiliore parte se ostenderet. Non enim tam magno animo mors initur, quam repetitur. Quidni libenter spectarent alumnus suum, tam claro ac memorabili exitu euadentem? mors illos consecrat, quorum exitum & qui timent, laudant.

CAP. III. Sed iam procedente oratione ostendam, quam non sint quæ videntur, mala. nunc illud dico, ista quæ tu vocas aspera, quæ aduersa & abominanda, primum pro ipsis esse, quibus accidunt, deinde pro vniuersis: quorum maior diis cura est, quam singulorum. Post hæc, volentibus accidere, ac dignos malo esse, si nolint. His adiiciam, fato ista fieri, & rectè eadem lege bonis euenire, qua sunt boni. Persuadebo inde tibi, ne vnquam boni viri miserearis: potest enim miser dici, non potest esse. Difficillimum, ex omnibus quæ proposui, videtur quod primum dixi: pro ipsis esse quibus eueniunt ista, quæ horremus ac tremimus. Pro ipsis est, inquis, in exilium proijci, in egestatem deduci, liberos, coniugem efferre, ignominia affici, debilitari? Si miraris, hoc pro aliquo esse, miraberis quosdam ferro & igne curari, nec minus fame ac siti. Sed si cogitaueris tecum, remedij causa quibusdam & radi ossa & legi, & extrahi venas, & quædam amputari membra, quæ sine totius perniciæ corporis hæere non poterant: hoc quoque patieris.

probari tibi, quædam incommoda pro his
 esse, quibus accidunt. tam mehercules,
 quàm quædam quæ laudantur atque ap-
 petuntur, contra eos esse, quos delectaue-
 runt: simillima cruditaribus, ebrietatibus-
 que, & cæteris quæ necant per volupta-
 tem. Inter multa magnifica Demetrii no-
 stri, & hæc vox est, à qua recens sum. so-
 nat adhuc, & vibrat in auribus meis. Ni-
 hil, inquit, mihi videtur infelicius eo, cui
 nihil vnquam euenit aduersi. Non licuit
 enim illi se experiri. Vt ex voto illi flu-
 xerint omnia, vt ante votum: malè tamen
 de illo dii iudicauerunt. indignus visus
 est, à quo vinceretur aliquando fortuna,
 quæ ignauissimum quemq; refugit. quasi
 dicat: Quid ego istum mihi aduersarium
 assumam? statim arma submittet. non
 opus est in illum tota potentia mea: leui
 comminatione pelletur. non potest susti-
 nere vultum meum. Alius circumspicia-
 tur, cum quo conferre possimus manum:
 pudet congredi cum homine vinci para-
 to. Ignominiam iudicat gladiator, cum in-
 feriore componi: & scit eum sine gloria
 vinci, qui sine periculo vincitur. Idem fa-
 cit fortuna. fortissimos sibi pares quærit,
 quosdam fastidio transit. Contumaciissi-
 mum quemq; & rectissimum aggreditur,
 aduersus quem vim suam intēdat. Ignem
 experitur in Mucio, paupertatē in Fabri-
 cio, exilium in Rutilio, tormenta in Regu-
 lo, venenum in Socrate, mortem in Cato-
 ne.

ne. Magnum exemplum, nisi mala fortuna, non inuenit. Infelix est Mucius, quòd dextera ignes hostium premit, & ipse à se exigit erroris sui pœnas? quòd Regem, quem armata manu non potuit, exusta fugat? Quid ergo? felicior esset, si in sinu amicæ foueret manum? Infelix est Fabricius, quòd rus suum, quantum à Repub. vacauit, fodit? quòd bellum tam cum Pyrrho, quàm cum diuitiis gerit? quòd ad focum cœnat illas ipsas radices, & herbas, quas in agro repurgando triumphalis senex vulsit? Quid ergo? felicior esset, si in ventrem suum longinqui littoris pisces, & peregrina aucupia congeret? si conchyliis superi atque inferi maris, pigritiam stomachi nauseantis erigereret? si ingenti pomorum strue cingeret primæ formæ feras, capras multa cæde venantium? Infelix est Rutilus, quòd qui illum damnauerunt, causam dicent omnibus sæculis? quòd æquiore animo passus est se patriæ eripi, quàm sibi exilium? quòd Sullæ dictatori solus aliquid negauit, & reuocatus non tantum retrò cessit, sed longius fugit? Viderint, inquit, hoc isti, quos Romæ deprehendit felicitas tua. videant largum in foro sanguinem, & supra Seruilium lacum (id enim proscriptionis Sullanæ spoliarium est) senatorum capita, & passim vagantes per urbem percussorum greges: & multa millia ciuium Romanorum, vno loco post fidem, imò per ipsam

fidem, trucidata. Videant ista, qui exulare non possunt. Quid ergo felix est L. Sulla, quòd illi descendenti ad forum gladio submonetur, quòd capita consularium virorum patitur appendi, & pretium cædis per quæstorem ac tabulas publicas numerat? & hæc omnia facit ille qui legem Corneliæ tulit. Veniamus ad Regulum. quid illi fortuna nocuit, quòd illum documentum fidei, documentum patientiæ fecit? Figunt cutem clavi, & quocunque fatigatum corpus reclinauit, vulnere incumbit, & in perpetuam vigiliam suspensa sunt lumina. Quanto plus tormenti, tanto plus erit gloriæ. Vis scire, quàm non pœniteat hoc pretio æstimasse virtutem? Refice tu illum, & mitte in senatum: eandem sententiam dicet. Feliciorem ergo tu Mæcenatem putas, cui amoribus anxio, & morosæ vxoris quotidiana repudiâ deflenti; somnus per symphoniarum cantum, ex longinquo lene resonantium, quæritur? Mero se licet sopiat, & aquarum fragoribus auocet, & mille voluptatibus mentem anxiam fallat: tam vigilabit in pluma, quàm ille in cruce. Sed illi solatium est, pro honesto dura tolerare, & ad causam à patientia respicit: hunc voluptatibus marcidum, & felicitate nimia laborantem, magis his quæ patitur vexat causâ patiendi. Non vsque eò in possessionem generis humani vitia venerunt, ut dubium sit, an electione fati data, plures

Reguli

Reguli nasci, quàm Mæcenates velint. Aut si quis fuerit, qui audeat dicere, Mæcenatem se quàm Regulum nasci maluisse: idem iste, taceat licet, nasci se Terentiam maluit. Malè tractatum Socratem iudicas, quòd illam potionem publicè mixtam, non aliter quàm medicamentum immortalitatis obduxit, & de morte disputavit vsque ad ipsam? malè cum illo actum est, quòd gelatus est sanguis, ac paulatim frigore inducto venarum vigor constitit? Quanto magis huic invidendum est, quàm illis quibus gemma ministratur, quibus exoletus omnia pati doctus, suspensam auro nitentem diluit? Hi quicquid biberint, vomitu remerientur tristes, & bilem suam regustantes: at ille, venenum lætus & libens hauriet. Quod ad Catonem, pertinet, satis dictum est: summamque illi felicitatem contigisse, consensus hominum fatebitur. quem sibi rerum natura delegit, cum quo metuenda collideret. Inimicitie potentum graves sunt? opponatur simul Pompeio, Cæsari & Crasso. Graue est, à deterioribus honore anteciri? Vatinius postferatur. Graue est, ciuilibus bellis interessè? toto terrarum orbe pro causa bona tam infelicitè, quàm pertinaciter, militet. Graue est, sibi manus afferre? faciat. Quid per hoc consequar? vt omnes sciant, non esse hæc mala, quibus ego dignum Catonem putavi.

CAP. IV. Prospera in plebem ac vilia ingenia deueniunt : at calamitates terroresque mortalium sub iugum mittere , proprium magni viri est. Semper verò esse felicem , & sine morfu animi transire vitam , ignorare est rerum naturæ alteram partem . Magnus es vir : sed vnde scio , si tibi fortuna non dat facultatem exhibendæ virtutis ? Descendisti ad Olympia : sed nemo præter te . coronam habes , victoriam non habes . Non gratulor tanquam viro forti , sed tanquam consulatum præturamve adepto . honore auctus es . Idem dicere & bono viro possum , si illi nullam occasionem difficilior casus dedit , in qua vna vim sui animi ostenderet . Miserum te iudico , quòd nunquam fuisti miser . transisti sine aduersario vitam . Nemo sciet , quid potueris : ne tu quidem ipse . Opus est enim ad notitiam sui , experimento . quid quisque posset , nisi tentando non didicit . Itaque quidam vtrò se cessantibus malis obtulerunt , & virtuti ituræ in obscurum occasionem , per quam enitesceret , quæsierunt . Gaudent , inquam , magni viri aliquando rebus aduersis , non aliter quàm fortes milites bellis . Ego myrmillonem sub C. Cæsare de raritate munerum audiui querentem : Quàm bella , inquit , ætas perit ! Auida est periculi virtus , & quò tendat , non quid passura sit , cogitat : quoniam & quod passura est , gloriæ pars est . Militares viri gloriantur vulne-

ri-

DE PROVIDENTIA. 251

ribus, lati fluentem meliori casu sanguinem ostentant. Idem licet fecerint qui integri reuertuntur ex acie, magis spectatur qui saucius redit. Ipsis inquam Deus consulit, quos esse quam honestissimos cupit, quoties illis materiam præbet aliquid animosè fortiterque faciendi: ad quam rem opus est aliqua rerum difficultate. Gubernatorem in tempestate, in acie militem intelligas. Vnde possum scire, quantum aduersus paupertatem tibi animi sit, si diuitiis diffuis? unde possum scire, quantum aduersus ignominiam & infamiam, odiumque popolare, constantia habeas, si inter plausus fenescis? si te inexpugnabilis, & inclinatione quadam mentium pronus fauor sequitur? unde scio, quam equo animo laturus sis orbitatem, si quoscunque sustulisti, vides? Audiui te cum alios consolareris: tunc conspexissem, si te ipse consolatus esses, si te ipse dolere veruisses. Nolite, obsecro vos, expauescere ista, quæ dii immortales velut stimulos admouent animis. Calamitas, virtutis occasio est. Illos merito quis dixerit miseros, qui nimia felicitate torpescunt, quos velut in mari lento tranquillitas iners detinet. Quicquid illis inciderit, nouum veniet. magis: vrgent sæua inexpertos. graue est teneræ ceruici iugum. Ad suspicionem vulneris tiro pallefcit: audaciter veteranus cruorem suum spectat, qui scit se sæpè vicisse post sanguinem. Hos itaque Deus, quos

probat, quos amat; indurat, recognoscit, exercet. eos autem quibus indulgere videtur, quibus parcere: molles venturis malis seruat. Erratis enim, si quem iudicatis exceptum: veniet ad illum diu felicem sua portio. Quisquis videtur dimissus esse, dilatus est. Quare Deus optimum quemque aut mala valetudine, aut aliis incommodis, afficit? Quare in castris quoque periculosa fortissimis imperantur? Dux lectissimos mittit, qui nocturnis hostes aggrediantur insidiis, aut explorent iter, aut præsidium loco deiciant. Nemo eorum qui exeunt, dicit, Malè de me Imperator meruit: sed, Benè iudicauit. Idem dicant quicunque iubentur pati, timidis ignauisque flebilis: Digni visi sumus Deo, in quibus experiretur, quantum humana natura posset pati. Fugite delicias. fugite eneruatam felicitatem, qua animi permadescunt, nisi aliquid interuenit, quod humanæ sortis admoneat, velut perpetua ebrietate sopiti. Quem specularia semper ab adflatu vindicant, cuius pedes inter fomenta subinde mutata tepuerunt, cuius coenationes subditus & parietibus circumfusus calor temperauit, hunc levis aura non sine periculo stringet. Cum omnia, quæ excesserunt modum, noceant; periculosissima felicitatis intemperantia est. Mouet cerebrum, in vanas mentem imagines euocat, multum inter falsum ac verum mediæ caliginis fun-

fundit. Quidni satius sit, perpetuam infelicitatem quæ aduocat ad virtutem sustinere; quàm infinitis atque immodicis bonis rumpi? Leuior ieiunio mors est: cruditate dissiliunt. Hanc itaque rationem dii sequuntur in bonis viris, quam in discipulis suis præceptores: qui plus laboris ab his exigunt, in quibus certior spes est. Numquid tu inuisos esse Lacedæmonijs liberos suos credis, quorum experiuntur indolem publicè verberibus admotis? ipsi illos patres adhortantur, vt ictus flagellorum fortiter perferant, & laceros ac semianimes rogant, perseuerent vulnera præbere vulneribus. Quid mirum, si durè generosos spiritus Deus tentat? nunquam virtutis molle documentum est. Verberat nos & lacerat fortuna? patiamur. non est sæuitia: certamen est. quo sæpius adierimus, fortiores erimus. Solidissima pars est corporis, quam frequens vsus agitauit. Præbendi fortunæ sumus, vt contra ipsam ab ipsa duremur. Paulatim nos sibi pares faciat. contemptum periculorum assiduitas periclitandi dabit. Sic sunt nauticis corpora, ferendo mari dura: agricolis, manus trite: ad excutienda tela, militares lacerti valent: agilia sunt membra cursoribus. Id in quoque solidissimum est, quod exercuit. Ad contemnendam malorum potentiam, animus patientia peruenit: quæ quid in nobis efficere possit, scies; si aspexeris, quantum nationibus.

bus nudis & inopia fortioribus, labor præster. Omnes considera gentes, in quibus Romana pax definit: Germanos dico, & quicquid circa Istrum vagarum gentium occurrat. Perpetua illos hiems, triste cælum premit, malignè solum sterile sustentat, imbrem culmo aut fronde defendunt, super durata glacie stagna persultant, in alimentum feras captant. Miseri tibi videntur? nihil miserum est, quod in naturam consuetudo perduxit: paulatim enim voluptati sunt, quæ necessitate cœperunt. Nulla illis domicilia; nullæ sedes sunt, nisi quas lassitudo in diem posuit; vilis, & hic quærendus manu victus; horrenda iniquitas cœli, intacta corpora: hoc quod tibi calamitas videtur, tot gentium vita est. Quid miraris bonos viros, ut confirmentur, concuti? Non est arbor solida, nec fortis, nisi in quam frequens ventus incurrat: ipsa enim vexatione constringitur, & radices certius figit. Fragiles sunt, quæ in aprica valle creuerunt. Pro ipsis ergo bonis viris est, ut esse interriti possint, multum inter formidolosa versari, & æquo animo ferre quæ non sunt mala, nisi malè sustinenti.

CAP. V. Adjice nunc, quod pro omnibus est, optimum quemque, ut ita dicam, militare, & edere operas. Hoc est propositum Deo, quod sapienti viro, ostendere hæc quæ vulgus appetit, quæ reformidat, nec bona esse nec mala: apparebunt autem
bona

bona esse, si illa non nisi bonis viris tribuerit, & mala esse, si malis tantum irrogauerit. Detestabilis erit cæcitas, si nemo oculos perdiderit, nisi cui eruendi sunt. Itaque careant luce Appius & Metellus. Non sunt diuitiæ bonum. Itaque habeat illas & Ellius leno: ut homines pecuniam cum in templis consecrauerint, videant & in fornice. Nullo modo magis potest Deus concupita traducere, quam si illa ad turpissimos defert, ab optimis abigit: At iniquum est, bonum virum debilitari, aut constringi, aut alligari, malos integris corporibus solutos ac delicatos incedere. Quid porro? non est iniquum, fortes viros arma sumere, & in castris pernoctare, & pro vallo obligatis stare vulneribus: interim in vrbe securos esse, præcisos & profectos impudicitiam? Quid porro? non est iniquum, nobilissimas virgines ad sacra facienda noctibus excitari, altissimo somno inquinatas frui? Labor optimos citat. Senatus per totum diem sæpè consulitur: cum illo tempore vilissimus quisque, aut in campo otium suum oblectet, aut in popina lateat, aut tempus in aliquo circulo terat. Idem in hac magna republica fit. boni viri laborant, impèdunt, impenduntur, & volentes quidem: non trahuntur à fortuna, sequuntur illam, & æquant gradus. si scissent, antecessissent. Hanc quoque animosam Demetrii fortissimi viri vocem audisse me memini: Hoc vnum, inquit,

quit, dii immortales, de vobis queri possum, quod non antè mihi voluntatem vestram notam fecistis. Prior enim ad ista venissem, ad quæ nunc vocatus adsum. Vultis liberos sumere? illos vobis sustuli. Vultis aliquam partem corporis? sumite. Non magnam rem promitto. citò totum relinquam. Vultis spiritum? Quid ni? nullam moram faciam, quominus recipiatis, quod dedistis. à volente feretis, quicquid petieritis. Quid ergo est? maluissem offerre, quàm tradere. Quid opus fuit auferre? accipere potuistis. sed ne nunc quidem auferetis: quia nihil eripitur, nisi retinenti. Nihil cogor, nihil patior inuitus: nec seruiò Deo, sed assentio. eò quidem magis, quod scio omnia certa & in æternum dicta lege decurrere. Fata nos ducunt, & quantum cuique restet, prima nascentium hora disposuit. Causa pendet ex causa, priuata ac publica longus ordo rerum trahit. Ideò fortiter omne ferendum est: quia non, vt putamus, incidunt cuncta, sed veniunt. Olim constitutum est, quid gaudeas, quid fleas: & quamuis magna videatur varietate singulorum vita distinguì, summa in vnum venit: accepimus peritura, perituri. Quid ita indignamur? quid querimur? ad hoc parati sumus. Vtatur, vt vult, suis natura corporibus: nos læti ad omnia & fortes cogitemus, nihil perire de nostro. Quid est boni viri? præbere se fato. Grande solatium est, cum

uniuerso rapi. Quicquid est quod nos sic
 viuere iussit, sic mori: eadem necessitate &
 deos alligat. irreuocabilis humana pari-
 ter ac diuina cursus vehit. Ille ipse om-
 nium conditor ac rector scripsit quidem
 fata, sed sequitur. semper paret, semel ius-
 sit. Quare tamen Deus tam iniquus in
 distributione fati fuit, vt bonis viris pau-
 pertatem, vulnera & acerba funera adscri-
 beret? Non potest artifex mutare mate-
 riam: hæc passa est. Quædam separari à
 quibusdam non possunt, cohærent, indi-
 uida sunt. Languida ingenia, & in som-
 num itura, aut in vigiliam somno similli-
 mam, inertibus nectuntur elementis: vt
 efficiatur vir cum cura dicendus, fortiore
 fato opus est. Non erit illi planum iter:
 sursum oportet ac deorsum eat, fluctue-
 tur, ac nauigium in turbido regat. contra
 fortunam illi tenendus est cursus. Multa
 accident dura, aspera, sed quæ molliat &
 complanet ipse. Ignis aurum probat, mi-
 seria fortes viros, Vide quàm altè ascen-
 dere debeat virtus: scies illi non per se-
 cura vadendum esse.

*Ardua prima via est, & qua vix manè re-
 centes*

*Enituntur equi: medio est altissima cælo:
 Vnde mare & terras ipsi mihi sæpè videre
 Fit timor, & pauida trepidat formidine pe-
 ctus.*

*Vltima prona via est, & eget moderamine
 certo.*

Tunc

*Tunc etiam, qua me subiectis excipit undis,
Ne ferar in praeceptis, Thetis solet ipsa vereri.
Hæc cum audisset ille generosus adole-
scens: Placet, inquit, via. ascendo. est tanti
per ista ire casuro. Non desinit acrem
animum metu territare:*

*Vique viam teneas, nulloq; errore traharis.
Per tamen aduersi gradieris cornua tauri,
Æmonioq; arcus, violentiq; ora leonis.*

Post hæc ait: *Iunge datos currus.* his qui-
bus deterri me putas, incitor: libet illic
stare, vbi ipse sol trepidat. humilis & iner-
tis est, tuta sectari: per alta virtus it.

CAP. VI. Quare tamen bonis viris pa-
titur aliquid mali Deus fieri? Ille verò
non patitur. Omnia mala ab illis remo-
uit, scelera & flagitia, & cogitationes im-
probas, & auida consilia, & libidinem cæ-
cam, & alieno imminentem auaritiam: ip-
sos tueretur ac vindicat. Nunquid hoc quo-
que à Deo aliquis exigit, vt bonorum vi-
rorum etiam sarcinas feruet? remittunt
ipsi hanc Deo curam: externa contem-
nunt. Democritus diuitias proiecit, onus
illas bonæ mentis existimans: quid ergo
miraris, si id Deus bono accidere patitur,
quod vir bonus aliquando vult sibi acci-
dere? Filios amittunt viri boni. quidni,
cùm aliquando & ipsi occidant? In exi-
lium mittuntur. quidni, cùm aliquando
ipsi patriam non repetituri relinquunt?
Occiduntur. quidni, cùm aliquando ipsi
sibi manus afferant? Quare quædam dura
patiuntur.

patiuntur? ut etiam alios pati doceant.
 nati sunt in exemplar. Puta itaque Deum
 dicere: Quid habetis, quod de me queri
 possitis vos, quibus recta placuerunt?
 Alijs bona falsa circumdedit, & animos in-
 anes, velut longo fallaciq̃ue somnio lusi.
 auro illos, argento & ebore ornavi: intus
 boni nihil est. Isti, quos pro felicibus as-
 picitis, si non quā occurrunt, sed quā la-
 tent, videritis, miseri sunt, sordidi, turpes,
 ad similitudinem parietum suorum ex-
 trinsecus culti. Non est ista solida & sin-
 cera felicitas: crusta est, & quidem tenuis.
 Itaque dum illis licet stare, & ad arbi-
 trium suum ostendi, nitent & imponunt:
 cū aliquid incidit, quod disturbet ac de-
 tegat, tunc apparet quantum altæ ac veræ
 fœditatis alienus splendor absconderit.
 Vobis dedi bona certa, mansura: quanto
 magis versaueritis, & vndique inspexeri-
 tis, meliora maioraq̃ue. Permissi vobis,
 metuenda contemnere, cupienda fastidi-
 re. non fulgetis extrinsecus: bona vestra
 introrsus obversa sunt. Sic mundus exte-
 riora contempsit, spectaculo sui lætus.
 Intus omne posui bonum. non egere feli-
 citate, felicitas vestra est. At multa inci-
 dunt tristitia, horrenda, dura toleratu.
 Quia non poteram vos istis subducere,
 animos vestros aduersus omnia armaui.
 Ferte fortiter: hoc est, quo Deum antece-
 datis. ille extra patientiam malorum est,
 vos supra patientiam. Contemnite pau-
 per-

peratatem. nemo tam pauper viuit, quàm natus est. Contemnite dolorem: aut soluetur, aut soluet. contemnite fortunam: nullum illi telum quo feriret animum, dedidi. contemnite mortem: quæ vos aut finit, aut transfert. Ante omnia caui, ne quis vos teneret inuitos. patet exitus. Si pugnare non vultis, licet fugere. Ideoque ex omnibus rebus, quas esse vobis necessarias volui, nihil feci facilius, quàm mori. Prono animam loco posui: trahitur. Attendite modò, & videbitis, quàm brevis ad libertatem, & quàm expedita, ducat via. Non tam longas in exitu vobis, quàm intransibus moras posui: alioqui magnum in vos regnum fortuna tenuisset, si homo tam tardè moreretur, quàm nascitur. Omne tempus, omnis vos locus doceat, quàm facile sit renunciare naturæ, & munus suum illi impingere. Inter ipsa altaria & sollemnes sacrificantium ritus, dum optatur vita, mortem condiscite. Corpora opima taurorum exiguo concidunt vulnere, & magnarum virium animalia humanæ manus ictus impellit. tenui ferro commissura ceruicis abrumpitur, & cùm articulus ille, qui caput columque committit, incisus est, tanta illa moles corruit. Non in alto latet spiritus, nec utique ferro eruendus est: non sunt vulnere impresso scrutanda præcordia: in proximo mors est. Non certum ad hos ictus destinaui locum: quacumque peruium.

uium est. Ipsum illud, quod vocatur mori, quo anima discedit à corpore, breuius est, quàm vt sentiri tanta velocitas possit. Siue fauces nodus elisit; siue spiramentum aqua præcluserit; siue in caput lapsos subiacentis soli duritia comminuit; siue haustus ignis cursum animæ remeantis interscidit: quicquid est, properat. Ecquid erubescitis? quod tam citò fit, timetis diu?

L. ANNÆI SENECAE

AD SERENVM

DE TRANQVILLITATE ANIMI

LIBER.

CAPVT I.

INQVIRENTI mihi in me, Serene, quædam vitia apparebant resecta, in aperto posita, quæ manu prenderem, quædam obscuriora, & in recessu; quædam non continua, sed ex intervallis redeuntia: quæ vel molestissima dixerim; vt hostes vagos, & ex occasionibus assilientes, per quos neutrum licet, nec tanquam in bello paratum esse, nec tanquam in pace securum. Illum tamen habitum in me maximè deprehendo (quare enim non verum, vt medico fatear?) me nec bona fide liberatum ijs, quæ timebam & oderam, nec rursus obnoxium. In statu vt non pessimo,

CAP. IV. Prospera in plebem ac vilia ingenia deueniunt: at calamitates terroresque mortalium sub iugum mittere, proprium magni viri est. Semper verò esse felicem, & sine morfu animi transire vitam, ignorare est rerum naturæ alteram partem. Magnus es vir: sed vnde scio, si tibi fortuna non dat facultatem exhibendæ virtutis? Descendisti ad Olympia: sed nemo præter te. coronam habes, victoriam non habes. Non gratulor tanquam viro forti, sed tanquam consulatum præturamve adepto. honore auctus es. Idem dicere & bono viro possum, si illi nullam occasionem difficilior casus dedit, in qua vna vim sui animi ostenderet. Miserum te iudico, quòd nunquam fuisti miser. transisti sine aduersario vitam. Nemo sciet, quid potueris: ne tu quidem ipse. Opus est enim ad notitiam sui, experimento. quid quisque posset, nisi tentando non didicit. Itaque quidam vltro se cessantibus malis obtulerunt, & virtuti ituræ in obscurem occasionem, per quam enitesceret, quæsierunt. Gaudent, inquam, magni viri aliquando rebus aduersis, non aliter quàm fortes milites bellis. Ego myrmilionem sub C. Cæsare de raritate munerum audiui querentem: Quàm bella, inquit, ætas perit! Auida est periculi virtus, & quò tendat, non quid passura sit, cogitat: quoniam & quod passura est, gloriæ pars est. Militares viri gloriantur vulne-

DE PROVIDENTIA. 251

libus, lati fluentem meliori casu sanguinem ostendant. Idem licet fecerint qui integri reuertuntur ex acie, magis spectatur qui saucius redit. Ipsi inquam Deus consulit, quos esse quam honestissimos cupit, quoties illis materiam præbet aliquid animosè fortiterque faciendi: ad quam rem opus est aliqua rerum difficultate. Gubernatorem in tempestate, in acie militem intelligas. Vnde possum scire, quantum aduersus paupertatem tibi animi sit, si diuitiis diffuis? unde possum scire, quantum aduersus ignominiam & infamiam, odiumque popolare, constantiæ habeas, si inter plausus senescis? si te inexpugnabilis, & inclinatione quadam mentium pronus sanor sequitur? unde scio, quam equo animo laturus sis orbitatem, si quoscunque sustulisti, vides? Audiui te cum alios consolaretis: nunc conspexissem, si te ipse consolatus esses, si te ipse dolere vetuisses. Nolite, obsecro vos, expauescere ista, quæ dii immortales velut stimulos admovent animis. Calamitas, virtutis occasio est. Illos merito quis dixerit miseros, qui nimia felicitate torpescunt, quos velut in mari lento tranquillitas iners detinet. Quicquid illis inciderit, nouum veniet. magis: vrgent sæua inexpertos. graue est teneræ ceruici iugum. Ad suspicionem vulneris tiro pallefeit: audaciter veteranus cruorem suum spectat, qui scit se sæpè vicisse post sanguinem. Hos itaque Deus, quos

probat, quos amat; indurat, recognoscit, exercet. eos autem quibus indulgere videtur, quibus parcere: molles venturis malis seruat. Erratis enim, si quem iudicatis exceptum: veniet ad illum diu felicem sua portio. Quisquis videtur dimissus esse, dilatus est. Quare Deus optimum quemque aut mala valetudine, aut aliis incommodis, afficit? Quare in castris quoque periculosa fortissimis imperantur? Dux lectissimos mittit, qui nocturnis hostes aggrediantur insidiis, aut explorent iter, aut praesidium loco deiciant. Nemo eorum qui exeunt, dicit, Malè de me Imperator meruit: sed, Benè iudicauit. Idem dicant quicumque iubentur pati, timidis ignauisque flebilis: Digni visi sumus Deo, in quibus experiretur, quantum humana natura posset pati. Fugite delicias. fugite eneruatam felicitatem, qua animi permadescunt, nisi aliquid interuenit, quod humanæ sortis admoneat, velut perpetua ebrietate sopiti. Quem specularia semper ab adflatu vindicant, cuius pedes inter fomenta subinde mutata tepuerunt, cuius cœnationes subditus & parietibus circumfusus calor temperauit, hunc lenis aura non sine periculo stringet. Cum omnia, quæ excesserunt modum, noceant; periculosissima felicitatis intemperantia est. Mouet cerebrum, in vanas mentem imagines euocat, multum inter falsum ac verum mediæ caliginis fun-

fundit. Quidni satius sit, perpetuam infelicitatem quæ aduocat ad virtutem sustinere, quàm infinitis atque immodicis bonis rumpi? Lenior ieiunio mors est: cruditate dissiliunt. Hanc itaque rationem dii sequuntur in bonis viris, quam in discipulis suis præceptores: qui plus laboris ab his exigunt, in quibus certior spes est. Numquid tu inuisos esse Lacedæmonijs liberos suos credis, quorum experiuntur indolem publicè verberibus admotis? ipsi illos patres adhortantur, vt ictus flagellorum fortiter perferant, & laceros ac semianimes rogant, perseuerent vulnera præbere vulneribus. Quid mirum, si durè generosos spiritus Deus tentat? nunquam virtutis molle documentum est. Verberat nos & lacerat fortuna? patiamur. non est sæuitia: certamen est. quo sæpius adierimus, fortiores erimus. Solidissima pars est corporis, quam frequens vsus agitauit. Præbendi fortunæ sumus, vt contra ipsam ab ipsa duremur. Paulatim nos sibi pares faciat. contemptum periculorum assiduitas periclitandi dabit. Sic sunt nauticis corpora, ferendo mari dura: agricolis, manus trite: ad excutienda tela, militares lacerti valent: agilia sunt membra cursoribus. Id in quoque solidissimum est, quod exercuit. Ad contemnendam malorum potentiam, animus patientia peruenit: quæ quid in nobis efficere possit, scies, si aspexeris, quantum nationibus.

bus nudis & inopia fortioribus, labor præstet. Omnes considera gentes, in quibus Romana pax definit. Germanos dico, & quicquid circa Istrum vagarum gentium occurrat. Perpetua illos hiems, triste cælum premit, malignè solum sterile sustentat, imbrem culmò aut fronde descendunt, super durata glacie stagna persultant, in alimentum feras captant. Miseri tibi videntur? nihil miserum est, quod in naturam consuetudo perduxit: paulatim enim voluptati sunt, quæ necessitate cœperunt. Nulla illis domicilia; nullæ sedes sunt, nisi quas lassitudo in diem posuit; vilis, & hic quærendus manu victus; horrenda iniquitas cœli, intecta corpora: hoc quod tibi calamitas videtur, tot gentium vita est. Quid miraris bonos viros, ut confirmentur, concuti? Non est arbor solida, nec fortis, nisi in quam frequens ventus incurfat: ipsa enim vexatione constringitur, & radices certius figit. Fragiles sunt, quæ in aprica valle creuerunt. Pro ipsis ergo bonis viris est, ut esse interriti possint, multum inter formidolosa versari, & æquo animo ferre quæ non sunt mala, nisi malè sustinenti.

CAP. V. Adijce nunc, quòd pro omnibus est, optimum quemque, ut ita dicam, militare, & edere operas. Hoc est propositum Deo, quod sapienti viro, ostendere hæc quæ vulgus appetit, quæ reformidat, nec bona esse nec mala: apparebunt autem
bona

bona esse, si illa non nisi bonis viris tribuerit, & mala esse, si malis tantum irrogauerit. Detestabilis erit cæcitas, si nemo oculos perdiderit, nisi cui eruendi sunt. Itaque careant luce Appius & Metellus. Non sunt diuitiæ bonum. Itaque habeat illas & Ellius leno: ut homines pecuniam cum in templis consecrauerint, videant & in fornice. Nullo modo magis potest Deus concupita traducere, quam si illa ad turpissimos defert, ab optimis abigit: At iniquum est, bonum virum debilitari, aut constringi, aut alligari, malos integris corporibus solutos ac delicatos incedere. Quid porro? non est iniquum, fortes viros arma sumere, & in castris pernoctare, & pro vallo obligatis stare vulneribus: interim in vrbe securos esse, præcisos & profectos impudicitiam? Quid porro? non est iniquum, nobilissimas virgines ad sacra facienda noctibus excitari, altissimo somno inquinatas frui? Labor optimos citat. Senatus per totum diem sæpè consulitur: cum illo tempore vilissimus quisque, aut in campo otium suum oblectet, aut in popina lateat, aut tempus in aliquo circulo terat. Idem in hac magna republica fit. boni viri laborant, impèdunt, impenduntur, & volentes quidem: non trahuntur à fortuna, sequuntur illam, & æquant gradus. si scissent, antecessissent. Hanc quoque animosam Demetrii fortissimi viri vocem audisse me memini: Hoc vnum, inquit,

quit, dii immortales, de vobis queri possum, quod non antè mihi voluntatem vestram notam fecistis. Prior enim ad ista venissem, ad quæ nunc vocatus adsum. Vultis liberos sumere? illos vobis sustuli. Vultis aliquam partem corporis? sumite. Non magnam rem promitto. citò totum relinquam. Vultis spiritum? Quid ni? nullam moram faciam, quominus recipiatis, quod dedistis. à volente feretis, quicquid petieritis. Quid ergo est? maluissem offerre, quàm tradere. Quid opus fuit auferre? accipere potuistis. sed ne nunc quidem auferetis: quia nihil eripitur, nisi retinenti. Nihil cogor, nihil patior inuitus: nec seruiò Deo, sed assentio. eò quidem magis, quod scio omnia certa & in æternum dicta lege decurrere. Fata nos ducunt, & quantum cuique restet, prima nascentium hora disposuit. Causa pendet ex causa, priuata ac publica longus ordo rerum trahit. Ideò fortiter omne ferendum est: quia non, vt putamus, incidunt cuncta, sed veniunt. Olim constitutum est, quid gaudeas, quid fleas: & quamuis magna videatur varietate singulorum vita distinguì, summa in vnum venit: accepimus peritura, perituri. Quid ita indignamur? quid querimur? ad hoc parati sumus. Vtatur, vt vult, suis natura corporibus: nos læti ad omnia & fortes cogitemus, nihil perire de nostro. Quid est boni viri? præbere se fato. Grande solatium est, cum

vni-

uniuerso rapi. Quicquid est quod nos sic
 viuere iussit, sic mori: eadem necessitate &
 deos alligat. irreuocabilis humana pari-
 ter ac diuina cursus vehit. Ille ipse om-
 nium conditor ac rector scripsit quidem
 fata, sed sequitur. semper paret, semel ius-
 sit. Quare tamen Deus tam iniquus in
 distributione fati fuit, vt bonis viris pau-
 pertatem, vulnera & acerba funera adscri-
 beret? Non potest artifex mutare mate-
 riam: hæc passa est. Quædam separari à
 quibusdam non possunt, cohærent, indi-
 uidua sunt. Languida ingenia, & in som-
 num itura, aut in vigiliam somno similli-
 mam, inertibus nectuntur elementis: vt
 efficiatur vir cum cura dicendus, fortiore
 fato opus est. Non erit illi planum iter:
 sursum oportet ac deorsum eat, fluctue-
 tur, ac nauigium in turbido regat. contra
 fortunam illi tenendus est cursus. Multa
 accident dura, aspera, sed quæ molliat &
 complanet ipse. Ignis aurum probat, mi-
 seria fortes viros, Vide quàm altè ascen-
 dere debeat virtus: scies illi non per se-
 cura vadendum esse.

*Ardua prima via est, & qua vix manè re-
 centes*

*Enituntur equi: medio est altissima cælo:
 Vnde mare & terras ipsi mihi sæpè videre
 Fit timor, & pauida trepidat formidine pe-
 ctus.*

*Vltima prona via est, & eget moderamine
 certo.*

Tunc

*Tunc etiam, qua me subiectis excipit undis,
Ne ferar in praeceps, Thetis solet ipsa vereri.
Hæc cum audisset ille generosus adole-
scens: Placet, inquit, via. ascendo. est tanti
per ista ire casuro. Non desinit acrem
animum metu territare:*

*Vique viam teneas, nulloq; errore trahavis.
Per tamen aduersi gradieris cornua tauri,
Æmonioq; arcus, violentiq; ora leonis.*

Post hæc ait: *Iunge datos currus.* his qui-
bus deterreri me putas, incitor: libet illic
stare, vbi ipse sol trepidat. humilis & iner-
tis est, tuta sectari: per alta virtus it.

CAP. VI. Quare tamen bonis viris pa-
titur aliquid mali Deus fieri? Ille verò
non patitur. Omnia mala ab illis remo-
uit, scelera & flagitia, & cogitationes im-
probas, & auida consilia, & libidinem cæ-
cam, & alieno imminenti avaritiam: ip-
sos tuetur ac vindicat. Nunquid hoc quo-
que à Deo aliquis exigit, vt bonorum vi-
rorum etiam sarcinas seruet? remittunt
ipsi hanc Deo curam: externa contem-
nunt. Democritus diuitias proiecit, onus
illas bonæ mentis existimans: quid ergo
miraris, si id Deus bono accidere patitur,
quod vir bonus aliquando vult sibi acci-
dere? Filios amittunt viri boni. quidni,
cum aliquando & ipsi occidant? In exi-
lium mittuntur. quidni, cum aliquando
ipsi patriam non repetituri relinquunt?
Occiduntur. quidni, cum aliquando ipsi
sibi manus afferant? Quare quædam dura
patiantur.

patiuntur? ut etiam alios pati doceant.
 nati sunt in exemplar. Puta itaque Deum
 dicere: Quid habetis, quod de me queri
 possitis vos, quibus recta placuerunt?
 Alijs bona falsa circumdedi, & animos in-
 anes, velut longo fallaciq̃ue somnio lusi.
 auro illos, argento & ebore ornaui: intus
 boni nihil est. Isti, quos pro felicibus as-
 picitis, si non quā occurrunt, sed quā la-
 tent, videritis, miseri sunt, sordidi, turpes,
 ad similitudinem parietum suorum ex-
 trinsecus culti. Non est ista solida & sin-
 cera felicitas: crusta est, & quidem tenuis.
 Itaque dum illis licet stare, & ad arbi-
 trium suum ostendi, nitent & imponunt:
 cū aliquid incidit, quod disturbet ac de-
 tegat, tunc apparet quantum altæ ac veræ
 fœditatis alienus splendor absconderit.
 Vobis dedi bona certa, mansura: quanto
 magis versaueritis, & vndique inspexeri-
 tis, meliora maioraq̃ue. Permissi vobis,
 metuenda contemnere, cupienda fastidi-
 re. non fulgetis extrinsecus: bona vestra
 introrsus obuersa sunt. Sic mundus exte-
 riora contempsit, spectaculo sui lætus.
 Intus omne posui bonum. non egere feli-
 citate, felicitas vestra est. At multa inci-
 dunt tristitia, horrenda, dura toleratu.
 Quia non poteram vos istis subducere,
 animos vestros aduersus omnia armaui.
 Ferte fortiter: hoc est, quo Deum antece-
 datis. ille extra patientiam malorum est,
 vos supra patientiam. Contemnite pau-
 perta-

DE PROVIDENTIA. 261
uium est . Ipsum illud . quod vocatur mori,
quo anima discedit à corpore , breuius
est,quàm vt sentiri tanta velocitas possit .
Siue fauces nodus elisit ; siue spiramen-
tum aqua præclusit ; siue in caput lapsos
subiacentis soli duritia comminuit ; siue
haustus ignis cursum animæ remeantis
interscidit:quicquid est,properat. Ecquid
erubescitis? quod tam cito fit, timetis diu ?

L. ANNÆI SENECAE

AD SERENVM

DE TRANQVILLITATE ANIMI
LIBER.

CAPVT I.

INQVIRENTI mihi in me, Se-
rene, quædam vitia apparebant
resecta, in aperto posita, quæ
manu prenderem, quædam ob-
scuriora, & in recessu ; quædam non con-
tinua, sed ex interuallis redeuntia : quæ
vel molestissima dixerim ; vt hostes va-
gos , & ex occasionibus assilientes , per
quos neutrum licet, nec tanquam in bel-
lo paratum esse , nec tanquam in pace
securum . Illum tamen habitum in me
maximè deprehendo (quare enim non ve-
rum, vt medico fatear?) me nec bona fide
liberatum ijs, quæ timebam & oderam,
nec rursus obnoxium . In statu vt non pes-
simo,

simo, ita maximè querulo & moroso pos-
 tus sum : nec ægroto , nec valeo . Non est
 quòd dicas, omnium virtutum tenera es-
 se principia , tempore ipsis duramentum
 & robur accedere . Non ignoro , etiam
 quæ in speciem laborant , dignitatem di-
 co, & eloquentiæ famam, & quicquid ad
 alienum suffragium venit , mora conua-
 lescere, & quæ veras vires parant , & quæ
 ad placendum fuco quodam subornantur,
 expectant annos, donec paulatim colorem
 diuturnitas ducat: sed ego verèor, ne con-
 suetudo , quæ rebus affert constantiam ,
 hoc vitium in me altiùs figat . Tam bo-
 norum, quàm malorum, longa conuersa-
 tio amorem inducit . Hæc animi inter
 vtrumque dubij, nec ad recta fortiter, nec
 ad praua vergentis , infirmitas qualis sit ,
 non tam semel tibi possum, quàm per par-
 tes ostendere . Dicam quæ accidant mihi :
 tu morbo nomen inuenies . Tenet mē
 summus amor parcimoniæ , fateor. placet
 non in ambitionem cubile compositum ,
 non ex arcula prolata vestis, non mille
 ponderibus aut tormentis splendere co-
 gentibus pressa: sed domestica, & vilis, nec
 seruata, nec sumenda sollicitè . Placet ci-
 bus , quem nec parent familiæ , nec spe-
 ctent : non ante multos paratus dies , nec
 multorum manibus ministratus, sed para-
 bilis facilisque , nihil habens accersiti pre-
 tiosive, vbilibet non defuturus , nec pa-
 trimonio grauis, nec corpori , nec reditu-
 rus

rus quā intrauerat . Placet minister incultus & rudis vernula ; argentum graue rustici patris, sine vllō opere & nomine artificis ; & mensa non varietate macularum conspicua, nec per multas elegantium dominorum successiones ciuitati nota : sed in vsum posita, quæ nullius conuiuæ oculos nec voluptate moretur , nec accendat inuidia . Cū benè ista placuerunt , præstringit animum apparatus alicuius paedagogij , diligentius quā iam intra priuatum larem vestita, & auro culta mancipia , & agmen seruorum nitentium . Iam domus etiam quā calcatur pretiosa, & diuitijs per omnes angulos dissipatis , tecta ipsa fulgentia, & affectator comesque patrimoniorum pereuntium populus. Quid perlucens ad imum aquas , & circumfluentes ipsa conuiuia ? quid epulas loquar, scæna sua dignas ? Circumfudit me ex longo frugalitatis situ venientem, multo splendore luxuria , & vndique circumsonuit . Paullum titubat acies : facilius aduersus illam animum , quā oculos attollo . Recedo itaque non peior , sed tristior: nec inter illa friuola mea tam lætus incedo, tacitusque morsus subit , & dubitatio, numquid illa meliora sint. nihil horum me mutat, nihil tamen non concutit. Placet vim præceptorum sequi , & in mediam ire Rempublicam : placet honores fascesque, non purpura , aut aureis virgis adductum capeßere, sed vt amicis propinquif-

quisque, & omnibus ciuibus, omnibus
 deinde mortalibus paratior utiliorque
 sum, propius positus. Sequor Zenonem,
 Cleanthem, Chrysippum: quorum tamen
 nemo ad Rempub. accessit, nemo non mi-
 sit. Ad quam cum animum insolitum
 arietari permisi, ubi aliquid occurrit, aut
 indignum (vt. in omni vita humana mul-
 ta sunt) aut parum ex facili fluens, aut
 multum temporis res non magno æsti-
 mande poposcerunt, ad otium conuertor.
 & quemadmodum pecoribus, fatigatis
 quoque, velocior domum gradus est: pla-
 cet intra parietes suos vitam coercere.
 Nemo vllum auferat diem, nihil dignum
 tanto impendio redditurus. sibi ipse ani-
 mus hæreat, se colat, nihil alieni agat, ni-
 hil quod ad iudicem spectet: amerur ex-
 pers publice priuatęque curę tranquillitas.
 Sed ubi lectio fortior erexit animum, &
 aculeos subdiderunt exempla nobilia:
 prosilire libet in forum, commodare alte-
 ri vocem, alteri operam, etsi nihil profu-
 turam, tamen conaturam prodesse: alte-
 rius coercere in foro superbiam, malè se-
 cundis rebus elati. In studijs puto me-
 hercule melius esse res ipsas intueri, &
 harum causã loqui: ceterum verba rebus
 permittere, vt quã duxerint, hac inelabo-
 rata sequatur oratio. Quid opus est secu-
 lis duratura componere? Vis tu non id
 agere, ne te posteri taceant? morti natus
 es: minus molestiarum habet funus taci-
 tum.

tum. Itaque occupandi temporis causa, in vsum tuum, non in præconium, aliquid simplici stilo scribe. minore labore opus est studentibus in diem. Rursus ubi se animus cogitationis magnitudine leuauit, ambitiosus in verba est, altiusque ut spirare, ita eloqui gestit, & ad dignitatem rerum exit oratio: oblitus tum legis prefiorisque iudicij, sublimis feror, & ore iam non meo. Ne singula diutius persequar, in omnibus rebus hæc me sequitur bonæ mentis infirmitas: cui ne paulatim defluam vereor, aut quod est sollicitius, ne semper casuro similis pendeam, & plus fortasse sit, quam quod ipse provideo. Familiariter enim domestica aspicimus, & semper iudicio fauor officit. Puto multos potuisse ad sapientiam peruenire, nisi putassent se peruenisse: nisi quædam in se dissimulassent, quædam apertis oculis transilissent. Non est enim quod nos magis aliena iudices adulatione perire, quam nostra. Quis sibi verum dicere ausus est? quis non inter laudantium blandientiumque positus greges, plurimum tamen sibi ipse assentatus est? Rogo itaque, si quod habes remedium, quo hanc fluctuationem meam sistas, dignum putes me, qui tibi tranquillitatem debeam. Non esse periculosos motus animi, nec quicquam tumultuosi afferentes, scio. ut vera tibi similitudine id de quo queror exprimam, non tempestate vexor, sed nausea. Detra-

M he

he ergo quicquid hoc est mali, & succurre
in conspectu terrarum laboranti.

CAP. II. Quæro mehercule iamdudum,
Serene, ipse tacitus, cui talem affectum
animi similem putem. nec vilius propius
admoneor exemplo, quàm eorum qui ex
longa & graui valetudine expliciti, mo-
tiunculis, leuibusque interim offensis per-
stringuntur: & cum reliquias effugerint,
suspicionibus tamen inquietantur, medi-
cisque iam sani manum porrigunt, & om-
nem calorem corporis sui calumniantur.
Horum, Serene, non parùm sanum est cor-
pus, sed sanitati parùm assuevit: sicut est
quidam tremor etiam tranquilli maris,
aut lacus, cum ex tempestate requieuit.
Opus est itaque non illis durioribus, quæ
etiam transcurrimus, vt alicubi obstes ti-
bi, alicubi irascaris, alicubi instes grauius;
sed illud quod vltimum venit, vt fidem ti-
bi habeas, & recta ire via te credas, nihil
auocatus transuersis multorum vestigiis
passim discurrentium, & quorundam cir-
ca ipsam errantium viam. Quod deside-
ras autem, magnum & summum est, Deo-
que vicinum, non concuti. Hanc stabi-
lem animi sedem Græci *Εὐθυμία* vocant,
de qua Democriti volumen egregium est.
ego Tranquillitatem voco. nec enim imi-
tari, & transferre verba, ad illorum for-
mam necesse est: res ipsa, de qua agitur, a-
liquo signanda nomine est, quod appella-
tionis Græcæ vim debet habere, non fa-
ciem.

ciem. Ergo quærimus, quomodo animus semper æqualis, secundoq; cursu eat, propitiussq; sibi sit, & sua lætus aspiciat: & hoc gaudium non interrumpat, sed placido statu maneat, nec attollens se vnquam, nec deprimens. Id Tranquillitas erit. Quomodo ad hanc perueniri possit, in vniuersū quæramus: sumes tu ex publico remedio, quantum voles. Totum interim vitium in medium protrahendum est, ex quo agnoscet quisque partem suam: simul tu intelliges, quanto minus negotij habeas cum fastidio tui, quàm hi quos ad professionem speciosam alligatos, & sub ingenti titulo laborantes, in sua simulatione pudor magis, quàm voluntas tenet, Omnes in eadem caussa sunt: & hi qui leuitate vexantur, ac tædio, assiduaque mutatione propositi, quibus semper magis placet quod reliquerunt: & illi, qui marcent & oscitant. Adijce illos, qui non aliter, quàm quibus difficilis somnus est, vexant se, & hoc atque illo modo componunt, donec quietem lassitudine inueniant, statum vitæ suæ formando subinde, in eo nouissimè manent, in quo illos non mutandi odium, sed senectus ad nouandum pigra deprehendit. Adijce & illos, qui non inconstantia vitio parùm leues sunt, sed inertia. Viuunt, non quomodo volunt, sed quomodo cœperunt. Innumerales deinceps proprietates sunt, sed vnus effectus vitij, displicere sibi. Hoc

oritur ab intemperie animi , & cupiditatibus timidis , aut parùm prosperis , vbi aut non audent , quantum concupiscunt , aut non consequuntur , & in spem toti prominent, semper instabiles mobilesque, quod necesse est accidere pendentibus . Omni vita pendent , & inhonesta se ac difficilia docent, coguntque: & vbi sine præmio labor est, torquet illos irritum dedecus ; nec dolent praua, sed frustrà voluisse. Tunc illos & pœnitentia cœpti tenet , & incipendi timor, subrepitque illa iactatio animi , non inuenientis exitum , quia nec cupiditatibus suis imperare , nec obsequi possunt; & cunctatio vitæ parùm se explicantis , & inter destituta vota torpentis animi fitus. Quæ omnia grauiora sunt , vbi odio infelicitatis operosæ ad otium profugerunt, & ad secreta studia: quæ pati non potest animus ad ciuilia erectus , agendique cupidus, & natura inquietus, parum scilicet in se solatiorum habens: ideoque detractis oblectationibus , quas ipsæ occupationes discurrentibus præbent , domum, solitudinem, parietes non fert, inuitus aspicit se sibi relictus . Hinc illud est tædium, & displicentia sui, & nusquam residentis animi volutatio , & otij sui tristis atque ægra patientia: vtique vbi causas fateri pudet , tormenta introrsus egit verecundia, in angusto inclusæ cupiditates , sine exitu , se ipsæ strangulant. Inde mœror marcorque , & mille fluctus mentis

incer-

incertæ, quam inchoata habent suspensam, deplorata tristem: inde ille affectus otium suum detestantium, quærentiumq; nihil ipsos habere, quod agant, & alienis incrementis inimicissima invidia. Alit enim liuorem infelix inertia: & omnes destrui cupiunt, quia se non potuerunt prouehere: & ex hac deinde auersatione alienorum processuum, & suorum desperatione, obitascens fortunæ animus, & de sæculo querens, & in angulos se retrahens, & pœnæ incubans suæ, dum tædet sui, pigetque. Natura enim humanus animus agilis est, & pronus ad motus: grata omnis illi excitandi se abstrahendique materia est; gravior quibusque pessimis ingeniis, quæ occupationibus libenter deterruntur. Vt vlcera quædam nocituras manus appetunt, & tactu gaudent, & scædam corporum scabiem delectat, quicquid exasperat: non aliter dixerim his mentibus, in quas cupiditates velut mala vlcera eruperunt, voluptati esse laborem vexationemque. Sunt enim quædam, quæ corpus quoque nostrum cum quodam dolore delectant: vt versare se, & mutare nondum fessum latus, & aliò atque aliò positum ventilari. Qualis ille Homericus Achilles est, modò pronus, modò supinus, in varios habitus se ipse componens. quòd proprium ægri est, nihil diu pati, & mutationibus vt remediis uti. Inde peregrinationes suscipiuntur vagæ, & littora

pererrantur, & modò mari se, modò terra
 experitur semper præsentibus infesta le-
 uitas. Nunc Campaniam petamus. iam
 delicata fastidio sunt: inculta videantur.
 Bruttios & Lucanos saltus persequamur.
 Aliquid tamen inter deserta amēni requi-
 ratur, in quo luxuriosi oculi longo loco-
 rum horrentium squallore releuentur.
 Tarentum petatur, laudatusque portus, &
 hiberna cœli mitioris, & tecta vel antiquæ
 satis opulenta turbæ. Iam flectamus cur-
 sum ad urbem. nimis diu à plausu & fra-
 gore aures vacauerunt: iuuat iam & hu-
 mano sanguine frui. Aliud ex alio susci-
 pitur, & spectacula spectaculis mutantur:
 ut ait Lucretius,

Hoc se quisque modo semper fugit.

Sed quid prodest, si non effugit? sequitur
 se ipse, & vrget grauissimus comes. Ita-
 que scire debemus, non locorum vitium
 esse quo laboramus, sed nostrum. Infirmi
 sumus ad omne tolerandum, nec laboris
 patientes, nec voluptatis, nec nostræ, nec
 vllius rei diutiùs. Hoc quosdam egit ad
 mortem, quòd proposita sæpè mutando,
 in eadem reuoluebantur, & non relinqui-
 rant nouitati locum. Fastidio illis esse
 cœpit vita, & ipse mundus: & subit illud
 rabidarum deliciarum: Quousque eadem?

CAP. III. Aduersus hoc tædium quo
 auxilio putem vtendum, quæris. Opti-
 mum erat (ut ait Athenodorus) actione
 rerum & Reip. tractatione, & officijs ciui-
 libus

libis se detinerè. nam vt quidam sole, & exercitatione, & cura corporis, diem ducunt, athletisq; vtilissimum est, lacertos suos roburq; cui se vni dicauerunt, maiore temporis parte nutrire: ita nobis animum ad rerum ciuiliu certamen parantibus, in opere esse, non longè pulcherrimum est? Nam cum vtilem se efficere ciuib; mortalibusq; propositum habeat, simul & exercetur & proficit, qui in medijs se officijs posuit, communia priuataq; pro facultate administrans. Sed quia in hac, inquit, tam insana hominum ambitione, tot calumniatoribus in deterius recta torquentibus, parùm tuta simplicitas est, & plus futurum semper est quod obstat, quàm quod succedat, à foro quidem & publico recedendum est: sed habet, vbi se etiam in priuato lare explicet magnus animus. nec vt leonum animaliumq; impetus caueis coercetur: sic hominum, quorum maximè in seductu actiones sunt. Ita tamen delituerit, vt vbicunq; otium suum absconderit, prodesse velit & singulis & vniuersis, ingenio, voce, consilio. Nec enim is solus Reip. prodest, qui candidatos extrahit, & tuetur reos, & de pace belloq; censet: sed qui iuventutem exhortatur, qui in tanta bonorum præceptorum inopia, virtute instruit animos, qui ad pecuniam luxuriamq; cursu ruentes prenfat ac retrahit, & si nihil aliud, certè moratur, in priuato publicum negotium agit.

An ille plus præstat, qui inter peregrinos & ciues, aut urbanus prætor adeuntibus assessoris verba pronunciat: quàm qui docet quid sit iustitia, quid pietas, quid patientia, quid fortitudo, quid mortis contemptus, quid deorum intellectus, quantum bonum sit bona conscientia? Ergo si tempus in studia conferas, quod subduxeris officiis, non deserueris, nec munus detractaueris. Neque enim ille solus militat, qui in acie stat, & cornu dextrum laenumque defendit: sed & qui portas tæretur, & statione minùs periculosa, non otiosa tamen fungitur, vigiliasque seruat, & armamentario præest. quæ ministeria quamuis incruenta sint, in numerum stipendiorum veniunt. Si te ad studia reuocaueris, omne vitæ fastidium effugeris. nec noctem fieri optabis tædio lucis, nec tibi grauis eris, nec aliis superuacuis: multos in amicitiam attrahes, affluetque ad te optimus quisque. Nunquam enim quamuis obscura virtus latet, sed mittit sui signa. quisquis dignus fuerit, vestigiis illam colliget. Nam si omnem conuersationem tollimus, & generi humano renunciamus, viuimusque in nos tantum conuersi; sequetur hanc solitudinem, omni studio carentem, inopia rerum agenda-rum. Incipiemus ædificia alia ponere, alia subuertere, & mare submouere, & aquas contra difficultates locorum ducere, & malè dispensare tempus, quod nobis
natura

natura consumendum dedit. Alij parce illo vtimur, alij prodigè: alij sic impendimus, vt possimus rationem reddere: alij, vt nullas habeamus reliquias. Quare nihil turpius est, quàm grandis natu senex, qui nullum aliud habet argumentum, quo se prober diu vixisse, præter ætatem. Mihi, carissime Serene, nimis videtur submisisse temporibus se Athenodorus, nimis citò refugisse. Nec ego negauerim aliquando cedendum: sed sensim relato gradu, & saluis signis, salua militari dignitate. Sanctiores tutioresque sunt hostibus suis, qui in fidem cum armis veniunt. Hoc puto virtuti faciendum, studiosoque virtutis. si praualebit fortuna, & præcidet agendi facultatem; non statim auersus inermisque fugiat, latebras quærens, quasi vllus locus sit, quò non possit fortuna persequi: sed parcius se inserat officiis, & cum dilectu inueniat aliquid, in quo utilis ciuitati sit. Militare non licet? honores spectet. priuato viuendum est? sit orator. silentium indictum est? tacita aduocatione ciues inuet. periculosum etiam ingressu forum est? in domibus, in spectaculis, in conuiuiis, bonum contubernalem, amicum fidelem, temperantem conuiuiam agat. Officia si ciuis amiserit, hominis exerceat. Idèd magno animo nos non vnius vr̃bis mœnibus clausimus, sed in totius orbis commercium emisimus, patriamque nobis mundum professi

sumus: ut liceret latiore virtuti campum dare. Præclusum tibi tribunal est, & rostris prohiberis, aut comitiis? respice post te, quantum latissimarum regionum pateat, quantum populorum. nunquam tibi ita magna pars obstruetur, ut non maior relinquatur. Sed vide, ne totum istud vitium tuum sit. non vis enim nisi consul, aut prytanes, aut ceryx, aut suses administrare Rempub. Quid si militare nolis, nisi imperator, aut tribunus? etiam si alij primam frontem tenebunt, te fors inter triarios posuit: inde voce, adhortatione, exemplo, animo milita. Præcisus quoque manibus ille in prælio inuenit, quod partibus conferat, qui stat tantum, & clamore iuuat. Tale quiddam facies, si à prima te Reipub. parte fortuna submouerit; stes tamen, clamore iuues: si quis fauces oppresserit; stes tamen, & silentio iuues. Nunquam inutilis est opera ciuis boni. auditu enim, visu, vultu, nutu, obstinatione tacita, incessuque ipso prodest. Ut salutaria quædam, citra gustum tactumque, odore proficiunt: ita virtus utilitatem etiam ex longinquo & latens fundit, siue exspatiatur & fruitur suo iure; siue precarios habet accessus, cogiturque vela contrahere; siue otiosa muta que est, & angusto circumscripta, siue ad aperta: in quocunque habitu est, prodest. Quid? tu parum utile putas exemplum bene quiescentis? Longè, inquam, optimum est miscere

scere otium rebus, quotiens actiuosa vita
 impedimentis fortuitis, aut ciuitatis con-
 ditione prohibetur. Nunquam enim vs-
 que eò interclusa sunt omnia, vt nulli
 actioni honestæ locus sit. Numquid po-
 tes inuenire urbem. miseriores, quam
 Atheniensium fuit; cùm illam triginta ty-
 ranni diuellerent? mille trecentos ciues,
 optimum quemque, occiderant: nec finem
 ideò faciebat, sed irritabat se ipsa sæuitia.
 In qua ciuitate erat ariopagos, religiosis-
 simum iudicium, in qua senatus populuf-
 que senatui similis: coibat quotidie carni-
 ficum triste collegium, & infelix curia ty-
 rannis angusta. Poteratne illa ciuitas con-
 quiescere, in qua tot tyranni, quot satelli-
 tes erant? Ne spes quidem vlla recipiendæ
 libertatis animis poterat offerri: nec vlli
 remedio locus apparebat, contra tantam
 vim malorum. vnde enim miseræ ciuitati
 tot Harmodios? Socrates tamen in me-
 dio erat, & lugentes patres consolabatur,
 & desperantes de Repub. exhortabatur, &
 diuitibus opes suas metuentibus expro-
 brabat seram periculosæ auaritiæ pœni-
 tentiam; & imitari volentibus magnum
 circumferebat exemplar, cùm inter tri-
 ginta dominos liber incederet. Hunc ta-
 men Athenæ ipsæ in carcere occiderunt:
 & qui tutò insultauerat agmini tyranno-
 rum, eius libertatem libera ciuitas non
 tulit: vt scias & in afflictâ Repub. esse oc-
 casionem sapienti viro ad se proferen-

dum, & in florenti ac beata, pecuniam, inuidiam, mille alia vitia inermia regnare. Vtunque ergo se Respub. dabit, utunque fortuna permittet, ita aut explicabimus nos, aut contrahemus: utique mouebimus, nec alligati metu torpebimus. Imò ille vir fuerit, qui periculis vndique imminetibus, armis circà & catenis frementibus, non alliferit virtutem, nec absconderit. Non enim debet seruantem se obruere. Vt opinor, Curius Dentatus aiebat, Malle esse se mortuum, quàm viuere. Vltimum malorum est, ex viuorum numero exire, antequam moriaris. Sed faciendum erit, si in Reipub. tempus minùs tractabile incideris, ut plus otio ac litteris vindices: nec aliter quàm in periculosa nauigatione, subinde portum petas: nec expectes donec res te dimittant, sed ab illis te ipse distringas.

CAP. IV. Inspecere autem debemus primum nosmetipsos, deinde quæ aggredimur negotia, deinde eos quorum causâ, aut cum quibus agendum est. Ante omnia, necesse est seipsum estimare: quia ferè plus nobis videmur posse, quàm possumus. Alius eloquentiæ fiducia prolabitur, alius patrimonio suo plus imperauit, quàm ferre possit: alius infirmum corpus laborioso oppressit officio. Quorundam parùm idonea est verecundia rebus ciuilibus, quæ firmam frontem desiderant: quorundam contumacia non facit ad aulam.

qui-

quidam non habent iram in potestate : & illos ad temeraria verba quælibet indignatio effert. quidam vrbanitatem nesciunt continere, nec periculosis abstinent salibus . Omnibus his vtilior negotio quies est ferox impatiensque natura , irritamenta nocituræ libertatis euitet.

CAP. V. Æstimanda sunt deinde ipsa quæ aggredimur , & vires nostræ cum rebus, quas tentaturi sumus , comparandæ . Debet enim semper plus esse virium in latore,quàm in onere. necesse est opprimant onera,quæ ferente maiora sunt. Quædam præterea non tam magna sunt negotia , quàm fœcunda, multumque negotiorum ferunt. & hæc refugienda sunt, ex quibus noua occupatio multiplexque nascetur . Nec accedendum eò , vnde liber regressus non sit : his admouenda manus est , quorum finem aut facere , aut certè sperare possis . Relinquenda, quæ latius actu procedunt , nec vbi proposueris , desinunt.

CAP. VI. Hominum vtique delectus habendus est; an digni sint, quibus partem vitæ nostræ impendamus, an ad illos temporis nostri iactura perueniat. Quidam vltro officia nostra nobis imputant . Athenodorus ait , ne ad cœnam quidem se iturum ad eum , qui sibi nil pro hoc debiturus sit . Puto intelligis , multo minùs ad eos iturum , qui cum amicorum officijs paria in mensa faciunt , qui fercula pro congiarijs numerant : quasi in alienum bono-

honorem intemperantes sint. Deme illis testes spectatoresque, non delectabit popina secreta. Considerandum est, vtrum natura tua agendis rebus, an otioso studio contemplationique aptior sit: & eò inclinandum, quò te vis ingenij defert. Isocrates Ephorum iniecta manu à foro subduxit, vtiliorem componendis monumentis historiarum ratus. Malè enim respondent coacta ingenia. reluctante natura, irritus labor est.

CAP. VII. Nihil tamen æquè oblectauerit animum, quàm amicitia fidelis & dulcis. Quantum bonum est, vbi sunt præparata pectora, in quæ tutò secretum omne descendat, quorum conscientiam minùs quàm tuam timeas, quorum sermo solitudinem leniat, sententia consilium expediat, hilaritas tristitiam dissipet, conspectus ipse delectet. Quos scilicet vacuos, quantum fieri poterit, à cupiditatibus, eligemus. Serpunt enim vitia, & in proximum quemque transiliunt, & contactu nocent. Itaque, vt in pestilentia, cauendum est, ne corruptis iam corporibus & morbo flagrantibus assideamus, quia pericula trahemus, afflatuque ipso laborabimus: ita in amicorum legendis ingeniis dabimus operam, vt quamminimè inquinatos assumamus. Initium morbi est, agris sana miscere. Nec hoc præceperim tibi, vt neminem nisi sapientem sequaris, aut attrahas. vbi enim istum inuenies, quem

quem tot sæculis quærimus? pro optimo est, minimè malus. Vix tibi esset facultas delectus felicioris, si inter Platonas & Xenophontas, & illum Socratici fœtus prouentum bonos quæreres: aut si tibi potestas Catonianæ fieret ætatis, quæ pletosque dignos tulit, qui Catonis sæculo nascerentur, sicut multos peiores, quàm vnquam aliàs, maximorumque molitores scelerum. Vtraque enim turba opus erat, vt Cato posset intelligi. habere debuit & bonos, quibus se approbaret: & malos, in quibus vim suam experiretur. Nunc verò, in tanta bonorum egestate, minùs fastidiosa fiat electio. Præcipuè tamen vitentur tristes, & omnia deplorantes, quibus nulla non caussa in querelas placet. Constet illi licet fides & beneuolentia, tranquillitati tamen inimicus est comes perturbatus, & omnia gemens.

CAP. VIII. Transeamus ad patrimonia, maximam humanarum ærumnarum materiam. Nam si omnia alia quibus angimur, compares, mortes, ægrotationes, metus, desideria, dolorum laborumque patientiam, cum iis quæ nobis mala pecunia nostra exhibet; hæc pars multum prægrauabit. Itaq; cogitandum est quanto leuior doler sit, non habere, quàm perdere: & intelligemus, paupertati eò minorem tormentorum, quò minorem damnonum esse materiam. Erras enim, si putas animosius detrimenta diuites ferre.

ma-

honorem intemperantes sint. Deme illis testes spectatoresque, non delectabit popina secreta. Considerandum est, vtrum natura tua agendis rebus, an otioso studio contemplationique aptior sit: & cò inclinandum, quò te vis ingenij defert. Isocrates Ephorum iniecta manu à foro subduxit, vtiliorem componendis monumentis historiarum ratus. Malè enim respondent coacta ingenia. reluctante natura, irritus labor est.

CAP. VII. Nihil tamen æquè oblectauerit animum, quàm amicitia fidelis & dulcis. Quantum bonum est, vbi sunt præparata pectora, in quæ tutò secretum omne descendat, quorum conscientiam minùs quàm tuam timeas, quorum sermo solitudinem leniat, sententia consilium expediat, hilaritas tristitiam dissipet, conspectus ipse delectet. Quos scilicet vacuos, quantum fieri poterit, à cupiditatibus, eligemus. Serpunt enim vitia, & in proximum quemque transiliunt, & contactu nocent. Itaque, vt in pestilentia, cauendum est, ne corruptis iam corporibus & morbo flagrantibus assideamus, quia pericula trahemus, afflatuque ipso laborabimus: ita in amicorum legendis ingeniis dabimus operam, vt quamminimè inquinatos assumamus. Initium morbi est, ægris sana miscere. Nec hoc præceperim tibi, vt neminem nisi sapientem sequaris, aut attrahas. vbi enim istum inuenies, quem

quem tot sæculis quærimus? pro optimo est, minimè malus. Vix tibi esset facultas delectus felicioris, si inter Platonas & Xenophontas, & illum Socratici fœtus prouentum bonos quæreret: aut si tibi potestas Catonianæ fieret ætatis, quæ pletosque dignos tulit, qui Catonis sæculo nascerentur, sicut multos peiores, quàm vnquam aliàs, maximorumque molitores scelerum. Vtraque enim turba opus erat, vt Cato posset intelligi. habere debuit & bonos, quibus se approbaret: & malos, in quibus vim suam experiretur. Nunc verò, in tanta bonorum egestate, minùs fastidiosa fiat electio. Præcipuè tamen vitentur tristes, & omnia deplorantes, quibus nulla non causa in querelas placet. Constet illi licet fides & beneuolentia, tranquillitati tamen inimicus est comes perturbatus, & omnia gemens.

CAP. VIII. Transeamus ad patrimonium, maximam humanarum ærumnarum materiam. Nam si omnia alia quibus angimur, compares, mortes, ægrotationes, metus, desideria, dolorum laborumque patientiam, cum iis quæ nobis mala pecunia nostra exhibet; hæc pars multum prægrauabit. Itaque cogitandum est quanto leuior doler sit, non habere, quàm perdere: & intelligemus, paupertati eò minorem tormentorum, quò minorem damnorum esse materiam. Erras enim, si putas animosius detrimenta diuites ferre.

ma-

maximis minimisque corporibus par est dolor vulneris. Bion eleganter ait, Non minus molestum esse caluis, quam comatis, pilos velli. Idem scias licet de pauperibus locupletibusque, par illis esse tormentum. utrisque enim pecunia sua obhaesit, nec sine sensu auelli potest. Tolerabilius autem est, ut dixi, faciliusque, non acquirere, quam amittere: ideoque latiores videbis, quos nunquam fortuna respexit, quam quos deseruit. Vidit hoc Diogenes, vir ingentis animi, & effecit ne quid sibi eripi posset. Tu istud paupertatem, inopiam, egestatem voca, & quam voles ignominiosum securitati nomen impone: putabo hunc non esse felicem, si quem mihi alium inueneris, cui nihil peccet. Aut ego fallor, aut regnum est, inter auaros, circumscriptores, latrones, plagiarios, vnum esse, cui noceri non possit. Si quis de felicitate Diogenis dubitat, potest idem dubitare & de deorum immortalium statu, an partim beatè degant: quòd illis non prædia, nec horti sint, nec alieno colono rura pretiosa, nec grande in foro scænus. Non te pudet, quisquis diuitijs adstupes? respice agetum mundum: nudos videbis deos, omnia dantes, nihil habentes. Hunc tu pauperem putas, an dijs immortalibus similem, qui se fortuitis omnibus exiit? Feliciorem tu Demetrium Pompeianum vocas, quem non puduit locupletiore esse Pompeio a Nume.

Numerus illi quotidie seruorum , velut Imperatori exercitus , referebatur : cui iamdudum diuitiæ esse debuerant , duo vicarij , & cella laxior . At Diogeni seruus vnicus fugit , nec eum reducere , cum monstraretur , tanti putauit . Turpe est , inquit , Manen sine Diogene posse viuere , Diogenem sine Mane non posse . Videtur mihi dixisse : Age tuum negotium fortuna . nihil apud Diogenem iam tuum est . Fugit mihi seruus? imò liber abiit . Familia vestiarius petit , victumque : tot ventres audissimorum animalium tuendi sunt : emenda vestis , & custodiendæ rapacissimæ manus , & flentium detestantiumque ministerijs vtendum . Quanto ille felicior , qui nihil vlli debet , nisi , cui facillimè negat , sibi ? Sed quoniam non est tantum roboris nobis , angustanda ceruicibus sunt patrimonia , vt minùs ad iniurias fortune simus expositi . Habiliora sunt corpora pusilla , quæ in arma sua contrahi possunt , quàm quæ superfunduntur , & vndique magnitudo sua vulneribus obiecit . Optimus pecuniæ modus est , qui nec in paupertatem cadit , nec procul à paupertate discedit .

CAP. IX. Placebit autem hæc nobis mensura , si priùs parcimonia placuerit : sine qua nec vllæ opes sufficiunt , nec vllæ non satis patent : præsertim cum in vicino remedium sit , & possit ipsa paupertas in diuitias se , aduocata frugalitate , conuertere.

tere. Afluēscamus à nobis remouere pompam, & vsu rerum ornamenta metiri. Cibibus famem domet, potio sitim, libido quā necesse est fluat. Discamus membris nostris inniti: cultum victumque non ad noua exempla componere, sed vt maiorum suadent mores. Discamus continentiam augere, luxuriam coercere, gulam temperare, iracundiam lenire, paupertatem æquis oculis aspicere, frugalitatem cole-
re, etiam si nos pudebit desiderijs natura-
libus paruo parata remedia adhibere: spes effrænatas, & animum in futura eminentem velut sub vinculis habere, id agere, vt diuitias à nobis potiùs quàm à fortuna petamus. Non potest, inquam, tanta varietas & iniquitas casuum ita depelli, vt non multum procellarum irruat magna
armamenta pandentibus: cogendæ in ar-
ctum res sunt, vt tela in vanum cadant. Ideòque exilia interim calamitatesque in remedium cessere, & leuioribus incom-
modis grauiora sanata sunt, vbi parùm au-
dit præcepta animus, nec curari mollius potest. Quid ni consulitur, si & pauper-
tas & ignominia, & rerum euersio adhi-
betur? malo malum opponitur. Afluēscamus ergo cœnare posse sine populo, & seruis paucioribus seruire, & vestes parare in quod inuentæ sunt, habitare contra-
ctius. Non in cursu tantùm circique cer-
tamine, sed in his spatijs vitæ interiùs fle-
tendum est. Studiorum quoque, quæ li-
bera-

beralissima impensa est, tandiu rationem habebo, quandiu modum. Quò mihi innumerabiles libros & bibliothecas, quarum dominus vix tota vita sua indices perlegit? Onerat discentem turba, non instruit: multoque satis est paucis te auctoribus tradere, quàm errare per multos. Quadringenta millia librorum Alexandria arserunt, pulcherrimum regiae opulentiae monumentum, alius laudauerit, sicut Liuius, qui elegantiae regum curaeque egregium id opus ait fuisse. Non fuit elegantia illud, aut cura, sed studiosa luxuria: imò ne studiosa quidem. quoniam non in studium, sed in spectaculum comparauerant: sicut plerisque ignavis etiam seruilium litterarum, libri non studiorum instrumenta, sed cœnationum ornamenta sunt. Paretur itaque librorum quantum satis sit, nihil in apparatus. Honestius, inquis, in hos impensas, quàm in Corinthia pictasque tabulas effuderim. Vitiosum est vbiq; , quod nimium est. Quid habes cur minùs ignoscas nomen marmore atque ebore captanti, quàm opera conquirenti aut ignotorum auctorum, aut improbatorum, & inter tot millia librorum oscitanti? cui voluminum suorum frontes maximè placent, tituliq; ? Apud desidiosissimos ergo videbis, quicquid orationum historiarumque est, & tecto tenus exstructa loculamenta. iam enim inter balnearia & thermas, bibliotheca quoque,

que , vt necessarium domus ornamentum expolitur . Ignoscerem planè , si è studiorum nimia cupidine oriretur : nunc ista exquisita , & cum imaginibus suis descripta factorum opera ingeniorum , in speciem & cultum parietum comparantur.

CAP. X. At in aliquod genus vitæ difficile incidisti , & tibi ignoranti vel publica fortuna, vel priuata laqueum impegit , quem nec soluere possis , nec abrumpere . Cogita compeditos primò ægrè ferre onera , & impedimenta crurum : deinde vbi non indignari illa , sed pati proposuerunt , necessitas fortiter ferre docet, consuetudo facilè . Inuenies in quolibet genere vitæ oblectamenta, & remissiones , & voluptates , si nolueris malam putare vitam potius , quàm inuidiosam facere . Nullo melius nomine de nobis natura meruit , quàm quod cùm sciret , quibus ærumnis nasceremur, calamitatum mollementum consuetudinem inuenit , citò in familiaritatem grauissima adducens . Nemo duraret , si rerum aduersarum eandem vim assiduitas haberet, quam primus ictus . Omnes cum fortuna copulati sumus. aliorum aurea catena est , & laxa : aliorum arcta & sordida . Sed quid refert? eadem custodia vniuersos circumdedit: alligatiq; sunt etiam qui alligauerunt. nisi tu fortè leuiorem in sinistra catenam putas . Alium honores, alium opes vinciunt; quos-

quosdam nobilitas , quosdam humilitas premit: quibusdam aliena supra caput imperia sunt, quibusdam sua : quosdam exilia vno loco tenent, quosdam sacerdotia . Omnis vita seruitium est . Assuescendum itaque conditioni suæ, & quam minimùm de illa querendum: & quidquid habet circa se commodi , apprehendendum est : Nihil tam acerbum est, in quo non equus animus solatium inueniat . Exiguæ sæpè aræ in multos vsus describentis arte pascere, & quamuis angustum pedem dispositio fecit habitabilem . Adhibe rationem difficultatibus: possunt & dura molliri , & angusta laxari, & graua scitè ferentes minùs premere . Non sunt præterea cupiditates in longinquum mittendæ , sed in vicinum illis egredi permittamus, quoniam includi ex toto non patiuntur . Relictis his , quæ aut non possunt fieri , aut difficulter possunt , propè posita , speique nostræ alludentia sequamur : sed sciamus , omnia æquè leuia esse , extrinsecus diuersas facies habentia , introrsus pariter vana . Nec inuideamus altiùs stantibus: quæ excelsa videntur, prærupta sunt . Illi rursus, quos fors iniqua in ancipiti posuit, tutiores erunt superbiam detrahendo rebus per se superbis , & fortunam suam quammaximè poterunt, in planum deferendo . Multi quidem sunt, quibus necessariò hærendum sit in fastigio suo, ex quo nō possunt, nisi cadendo descendere : sed hoc ipso

so testentur , maximum onus suum esse, quòd alijs graue esse cogantur , nec subleuatos se, sed suffixos : iustitia, mansuetudine, humana lege, & benigna manu, præparent multa ad sequentes casus præsidia, quorum spe securius pendeant . Nihil tamen equè hos ab his animi fluctibus vindicauerit , quàm semper aliquem incrementis terminum figere: nec fortunæ arbitrium desinendi dare , sed seipsum , multo quidem citra extrema , hortentur consistere . Sic & aliquæ cupiditates animum acuent, sed finitæ : non in immensum incertumque producent.

CAP. XI. Ad imperfectos & mediocres, & malè sanos , hic meus sermo pertinet ; non ad sapientem . Huic non timidè, nec pedetentim ambulandum est . tanta enim fiducia sui est, vt obuiam fortunæ ire non dubitet, nec vnquam loco illi cessurus sit : nec habet vbi illam timeat: quia non mancipia tantùm, possessionesque, & dignitatem, sed corpus quoque suum, & oculos , & manum , & quicquid est cariorem vitam facturum: seque ipsum inter precaria numerat , viuitque vt commodatus sibi , & reposcentibus sine tristitia redditurus . Nec ideo est vilis sibi , quia scit se suum non esse: sed omnia tam diligenter faciet, tam circumspèctè, quàm religiosus homo sanctusque solet tueri fidei commissà . Quandocunque autem reddere iubebitur, non queretur cum fortuna; sed dicet; Gra-
tias

tias ago pro eo quod possedi, habuique. Magna quidem res tuas mercede colui: sed quia imperas, cedo gratus libensque. si quid habere me tu volueris, etiam nunc seruabo: si aliud placet, ego verò factum signatumque argentum, domum, familiamque meam reddo, restituo. Appellauerit natura, quæ prior nobis credidit. & huic dicemus, Recipe animum meliorem, quàm dedisti: non tergiversor, nec refugio. paratum habes à volente, quod non sentienti dedisti. aufer. Reuerti vnde veneris, quid graue est? malè viuet, quisquis nesciet benè mori. Huic itaque primum rei pretium detrahendum est, & spiritus inter seruitia numerandus. Gladiatores (ait Cicero) inuisos habemus, si omni modo vitam impetrare cupiunt: fauemus, si contemptum eius præ se ferunt: idem euenire nobis scias. Sæpè enim causla moriendi est, timidè mori. Fortuna illa quæ ludos sibi facit, Quò, inquit, te reseruem, malum & trepidum animal? eò magis conuulneraberis & confodieris, quia nescis præbere iugulum. At tu & viues diutiùs, & morieris expeditiùs, qui ferrum non subducta cernice, nec manibus oppositis, sed animosè recipis. Qui mortem timebit, nihil vnquam pro homine viuo faciet. at qui scit, hoc sibi cùm conciperetur, statim condictum, viuet ad formulam: & simul illud quoque eodem animi robore præstabit, ne quid ex his quæ eueniunt,

niunt, subitum sit. Quidquid enim fieri potest, quasi futurum prospiciendo, malorum omnium impetus molliet. qui ad præparatos expectantelque nihil afferunt novum: securis, & beata tantum spectantibus, graues eveniunt. Morbus enim, captivitas, ruina, ignis, nihil horum repentinum est. Sciebam in quàm tumultuosum me contubernium natura cluisset. totiens in vicinia mea conclamatum est, totiens præter limen immaturas exsequias fax cereusque præcessit: sæpè altiùs ruentis ædificij fragor sonuit: multos ex his quos forum, curia, sermo, mecum contraxerat, nox abstulit, & vinctas ad sodalitium manus copulatas intercidit. Mirer aliquando ad me pericula accessisse, quæ circa me semper errauerunt? Magna pars hominum est, quæ nauigatura, de tempestate non cogitat. Nunquam me in bona re mali pudebit auctoris. Publius tragicis comicisque vehementior ingenijs, quotiens mimicas ineptias, & verba ad summam caueam spectantia reliquit, inter multa alia cothurno, non tantum sipario, fortiora, & hoc ait:

Cuius potest accidere, quod cuiquam potest. Hoc si quis in medullas demiserit, & omnia aliena mala, quorum ingens quotidie copia est, sic aspexerit, tanquam illis liberum & ad se iter sit: multò ante se armabit, quàm petatur. Serò animus ad periculorum patientiam, post pericula, instruitur.

tur. Non putavi hoc futurum. nunquam hoc euenturum credidiffem. Quare autem non? Quæ sunt diuitiæ, quas non egestas, & fames, & mendicitas à tergo sequatur? Quæ dignitas, cuius non prætex-tam, & augurale, & lora patricia, & sordes comitentur, & exportatio, & notæ, & mille maculæ, & extrema contemptio? Quod regnum est, cui non parata sit ruina, & proculcatio, & dominus, & carnifex? nec magnis ista interuallis diuifa, sed horæ momentum interest inter folium, & aliē-na genia. Scito ergo, omnem conditio-nem versabilem esse: & quidquid in vllum incurrit, posse in te quoque incurrere. Locuples es? numquid ditior Pompeio? cui cum Caius vetus cognatus, hospes nouus, aperuisset Cæsaris domum, vt suam cluderet, defuit panis & aqua: cum tot flumina possideret in suo orientia, & in suo cadentia, mendicauit stillicidia: fame ac siti periit, in palatio cognati, dum illi heres publicum funus esurienti locat. Honoribus summis functus es? numquid aut tam magnis, aut tam insperatis, aut tam vniuersis, quàm Seianus? Quo die illum senatus deduxerat, populus in frustra diuifit: in quem quidquid congeri poterat, dii hominesq; contrulerant; ex eo nihil super-fuit, quod carnifex traheret. Rex es? non ad Crœsum te mittam, qui rogam suum & ascendit iussus, & exstingui vidit, factus non regno tantum, sed etiam morti suæ

superstes: non ad Iugurtham, quem populus Romanus intra annum quamtimuerat, spectauit. Prolemæum Africæ regem, Armeniæ Mithridatem, inter Caianas custodias vidimus. alter in exilium missus est: alter ut meliori fide mitteretur, optabat. In tanta rerum, sursum ac deorsum euntium, versatione, si non quidquid fieri potest, pro futuro habes, das in te vires rebus aduersis: quas infregit, quisquis prior vidit. Proximum ab his erit, ne aut in superuacuis, aut ex superuacuo laboremus: id est, ne aut quæ non possumus consequi, concupiscamus: aut adepti, cupiditatum vanitatem nostrarum serò, post multum pudorem, intelligamus. id est, ne aut labor irritus sine effectu sit, aut effectus labore indignus. Ferè enim ex his tristitia sequitur, si aut non successit, aut successus pudet.

CAP. XII. Circumcidenda est concursatio, qualis est magnæ parti hominum, domos, & theatra, & fora pererrantium: alienis se negotiis offerunt, semper aliquid agentibus similes. Horum si aliquem exeuntem domo interrogaueris: Quò tu? quid cogitas? respondebit tibi: Non mehercule scio: sed aliquos videbo, aliquid agam. Sine proposito vagantur, quærentes negotia: nec quæ destinauerunt, agunt, sed in quæ incurrerunt. Inconsultus illis vanusque cursus est. qualis formi-

formicis, per arbuſta repentibus; quæ in ſummum cacumen, deinde in imum inanes aguntur. His plerique ſimilem vitam agunt, quorum non immerito quis inquietam inertiam dixerit. Quorundam, quaſi ad incendium currentium, miſereberis: uſq; eò impellunt obuios, & ſe alioſq; præcipitant: cùm interim cucurrerint, aut ſalutaturi aliquem nō reſalutaturum, aut funus ignoti hominis proſecuturi, aut iudicium ſæpè litigantis, aut ſponſalia ſæpè nubentis, & lecticam affectati, quibuſdam locis & ipſi tulerint. deinde domum cum ſuperuacua redeunt ſaſtitudine, iurant neſciſſe ſeipſos, quare exierint, ubi fuerint, poſtero die erraturi per eadem illa veſtigia. Omnis itaque labor aliquò referatur, aliquò reſpiciat. Non induſtria inquietos, & inſanos, ſed falſæ rerum imagines agitant nam ne illi quidem ſine aliqua ſpe mouentur; proritat illos alicuius rei ſpecies, cuius vanitatem capta mens non coarguit. Eodem modo vnumquemque ex his, qui ad augendam tūrbam exeunt, inanes & leues cauſæ per urbem circumducunt, nihilque habentem in quo laboret, lux orta expellit: & cum multorum fruſtrà liminibus illiſtis inomenclator perſalutauit, à multis exclusus, neminem ex omnibus difficilius domi, quàm ſe, conuenit. Ex hoc malo dependet illud teterriſimum vitium, auſcultatio, & publicorum ſecretorumq; inquiſitio, & multarum re-

rum scientia, quæ nec tutò narrantur, nec tutò audiuntur. Hoc secutum puto Democritum, ita cœpisse: Qui tranquillè volet viuere, nec priuatim agat multa, nec publicè: ad superuacua scilicet referentem. Nam si necessaria sunt, & priuatim & publicè, non tantùm multa, sed innumerabilia agenda sunt: vbi verò nullum officium solemne nos citat, inhibendæ actiones sunt.

CAP. XIII. Nam qui multa agit, sæpè fortunæ potestatem sui facit: quam tutissimum est rarò experiri, ceterùm semper de illa cogitare, & sibi nihil de fide eius promittere. Nauigabo, nisi si quid inciderit: & prætor fiam, nisi si quid obstiterit: & negotiatio mihi respondebit, nisi si quid interuenerit. Hoc est, quare sapienti nihil contra opinionem dicamus accidere, non illum casibus hominum excepiamus, sed erroribus: nec illi omnia vt voluit cedunt, sed vt cogitauit. in primis autem cogitauit, aliquid posse propositis suis resistere. Necessè est autem leuius ad animum peruenire destitutæ cupiditatis dolorem, cui successum non vtique promiseris.

CAP. XIV. Faciles etiam nos facere debemus, ne nimis destinatis rebus indulgeamus. transeamus in ea, in quæ nos casus deduxerit: nec mutationes aut consilij aut status pertimescamus: dummodo nos leuitas, inimicissimum quieti vitium, non

non excipiat. Nam & pertinacia necesse est anxia & misera sit, cui fortuna sapere aliquid extorquet: & leuitas multo gravior, nusquam se continens. Vtrumque infestum est tranquillitati, & nihil mutare posse, & nihil pati. Vtique animus ab omnibus externis in se reuocandus est. sibi confidat, se gaudeat, sua suspiciat: recedat, quantum potest, ab alienis, & se sibi applicet, damna non sentiat, etiam aduersa benignè interpretetur. Nuntiato naufragio, Zeno noster, cum omnia sua audiret submersa: Iubet, inquit, me fortuna expeditius philosophari. Minabatur Theodoro: philosopho tyrannus mortem, & quidem insepultam. Habes, inquit, cur tibi placeas: hemina sanguinis in tua potestate est: nam quod ad sepulturam pertinet, o te ineptum, si putas interesse, supra terram, an infra putrescam. Canius Iulus, vir in primis magnus, cuius admirationi ne hoc quidem obstat, quod nostro seculo natus est, cum Caio diu altercatus, postquam abeunti Falaris ille dixit, Ne forte inepta spe tibi blandiaris, duci te iussi: Gratias, inquit, ago, optime princeps. Quid senserit, dubito: multa enim occurrunt mihi. Contumeliosus esse voluit, & ostendere quanta crudelitas esset, in qua mors beneficium erat? An exprobrauit illi quotidianam dementiam? agebant enim gratias, & quorum liberi occisi, & quorum bona ablata erant. An tanquam li-

bertatem libenter accepit? Quidquid est, magno animo respondit. Dicit aliquis: Potuit post hæc iubere illum Caius vivere. Non timuit hoc Canius. nota erat Caij in talibus imperiis fides. Credisne illum decem medios vsque ad supplicium dies, sine vlla sollicitudine exegisse? verisimile non est, quæ vir ille dixerit, quæ fecerit, quàm in tranquillo fuerit. Ludebat latrunculis, cùm centurio agmen periturorum trahens, & illum quoque citari iubet. Vocatus, numeravit calculos, & sodali suo. Vide, inquit, ne post mortem meam mentiaris te vicisse. Tum annuens centurioni: Testis, inquit, eris, vno me antecedere. Lulisse tu Canium illa tabula putas? illufit. Tristes erant amici, talem amissuri virum. Quid mœsti, inquit, estis? Vos quæritis, an immortales animæ sint: ego iam sciam. nec desistit, in ipso veritatem sine scrutari, & ex more suo quæstionem habere. Prosequebatur illum philosophus suus: nec iam procul erat tumultus, in quo Cæsari Deo nostro fiebat quotidianum sacrum. Quid, inquit, Cani nunc cogitas? aut quæ tibi mens est? Obseruare, inquit Canius, proposui illo velocissimo momento, an sensurus sit animus, exire se. promisitque, si quid explorasset, circumiturum amicos, & indicaturum quis esset animarum status. Ecce in media tempestate tranquillitas: ecce animus æternitate dignus, qui fatum suum in argu-

gumentum veri vocat : qui in vltimo illo gradu positus, exeuntem animam percontatur : nec vsque ad mortem tantum, sed aliquid etiam ex ipsa morte discit. Nemo diutiùs philosophatus. sed non raptim relinquetur magnus vir, & cum cura dicendus. dabimus te in omnem memoriam, clarissimum caput, Caianæ cladis magna portio.

.. CAP. XV. Sed nihil prodest priuæ tristitiæ causas abieciſſe. Occupat enim nonnunquam odium generi humani, & occurrit tot scelerum feliciū turba, cū cogitaueris, quā sit rara simplicitas, quā ignota innocentia, & vix vnquam, nisi cū expedit, fides, & libidinis lucra. damnaque pariter inuisa, & ambitio vsque eò iam se suis non continens terminis, vt per turpitudinem splendeat. Agitur animus in noctem, & velut euersis virtutibus, quas nec sperare licet, nec habere prodest, tenebræ oboriuntur. In hoc itaque flectendi sumus, vt omnia vulgi vitia non inuisa nobis, sed ridicula videantur : & Democritum potius imitemur, quā Heraclitum. Hic enim quoties in publicum processerat, flebat: ille ridebat. huic omnia quæ agimus, miseræ; illi ineptiæ videbantur. Eleuanda ergo omnia, & facili animo ferenda. humanius est deridere vitam, quā deplorare. Adiice, quòd de humano quoque genere meliùs meretur qui ridet illud, quā qui luget. Ille

spei bonæ aliquid relinquit : hic tamen stultè deflet, quæ corrigi posse desperat & vniuersa contemplatus, maioris animi est, qui risum non tenet, quàm qui lacrimas ; quando leuissimum affectum animi mouet, & nihil magnum, nihil seuerum, nec ferium quidem, ex tanto apparatu putat. Singula, propter quæ læti ac tristes sumus, sibi quisque proponat, & sciat verum esse, quod Bion dixit, Omnia hominum negotia similia initiis esse, nec vitam illorum magis sanctam aut seueram esse, quàm conceptus inchoatos. Sed satius est, publicos mores & humana vitia placidè accipere, nec in risum, nec in lacrimas excidere. Nam alienis malis torqueri, æterna miseria est : alienis delectari malis, voluptas inhumana : sicut illa inutilis humanitas, flere, quia aliquis filium efferat, & frontem suam fingere. In tuis quoque malis id agere te oportet, vt dolori tantum des quantum poscit, non quantum consuetudo. Plerique enim lacrimas fundunt, vt ostendant : & toties siccos oculos habent, quoties spectator defuit : turpe iudicantes, non flere, cùm omnes faciant. Adeò penitus hoc se malum fixit, ex aliena opinione pendere, vt in simulationem etiam simplicissima res, dolor veuiat. Sequitur pars, quæ solet non immeritò contristare, & in solitudinem deducere, vbi bonorum exitus mali sunt. Vt, Socrates cogitur in carcere mori, Rutilius in exilio
vivere,

viuere, Pompeius & Cicero clientibus suis præbere ceruicem: Cato ille, virtutum viua imago, incumbens gladio, simul de se ac de Rep. palàm facere. Neceſſe eſt torqueri, tam iniqua præmia fortunam perſoluere. & quid ſibi quiſque nunc ſperet, cùm videat peſſima optimos pati? Quid ergo eſt? vide quomodo quiſq; illorum tulerit: & ſi fortes fuerunt, ipſorum animos deſidera; ſi muliebritè & ignauè periire, nihil perit. Aut digni ſunt, quorum virtus tibi placeat: aut indigni, quorum deſideretur ignauia. Quid enim eſt turpius, quàm ſi maximi viri timidos fortiter moriendo faciunt? Laudemus toties dignum laudibus, & dicamus: Tanto fortior, tanto felicior! humanos effugiſti caſus, liuorem, morbum: exiſti ex cuſtodia: non tu dignus mala fortuna Diis viſus es, ſed indignus in quem iam aliquid fortuna poſſet. Subducentibus verò ſe, & in ipſa morte ad vitam reſpectantibus, manus iniiciendæ ſunt. Neminem flebo lætum, neminem flentem. ille lacrimas meas ipſe abſterſit; hic ſuis lacrimis efficit, ne vllis dignus ſit. Ego Herculem fleam, quòd viuus vritur: aut Regulum, quòd tot clauis configitur: aut Catonem, quòd vulnera ſua fortiter tulit? Omnes iſti leui temporis impenſa inuenerunt, quomodo æterni fierent: ad immortalitatem moriendo venerunt. Eſt & illa ſollicitudinum non mediocriſ materia, ſi te anxie componas, nec

vlli simpliciter ostendas: qualis multorum vita est, ficta, & ostentationi parata. Torquet enim assidua observatio sui, & deprehendi aliter, quàm solet, metuit. nec vnquam cura solvimur, vbi toties nos æstimari putamus, quoties aspici. Nam & multa incidunt, quæ inuitos denudent: & vt benè cedat tanta sui diligentia, non tamen iucunda vita, aut secura est, semper sub persona viuentium. At illa quantum habet voluptatis, sincera & per se ornata simplicitas, nihil obtendens moribus suis? Subit tamen & hæc vita contemptus periculum, si omnia omnibus patent. sunt enim qui fastidiant, quicquid propius adierunt. Sed nec virtuti periculum est, ne admota oculis reuilescat: & satius est simplicitate contemni, quàm perpetua simulatione torqueri. Modum tamen rei adhibeamus. multum interest, simpliciter viuas, an negligenter. Multum in se recedendum est. conuersatio enim dissimilium, benè composita disturbat, & renouat affectus, & quidquid imbecillum in animo, nec percuratum est, exulcerat. Miscenda tamen ista, & alternanda sunt, solitudo & frequentia. Illa nobis faciet hominum desiderium, hæc nostri: & erit altera alterius remedium. odium turbæ sanabit solitudo, tædium solitudinis turba. Nec in eadem intentione æqualiter retinenda mens est, sed ad iocos reuocanda. Cum pueris Socrates ludere non erubescere.

bescebat : & Cato vino laxabat animum ,
 curis publicis fatigatum : & Scipio triu-
 phale illud & militare corpus mouit ad
 numeros . non molliter se infringens , vt
 nunc mos est , etiam incessu ipso vltra
 muliebrem mollitiem fluentibus ; sed vt
 illi antiqui viri solebant , inter lulum ac
 festa tempora , virilem in modum tripu-
 diare , non facturi detrimentum , etiam si
 ab hostibus suis spectarentur . Danda est
 remissio animis : meliores actioresque re-
 quieti surgent . Vt fertilibus agris non est
 imperandum : citò enim exhauriet illos
 nunquam intermissa fœcunditas : ita ani-
 morum impetus assiduus labor frangit .
 Vires recipient paulùm resoluti , & re-
 missi . Nascitur ex assiduitate laborum ,
 animorum hebetatio quædam , & lan-
 guor : nec ad hoc tanta hominum cupidi-
 tas tenderet , nisi naturalem quamdam
 voluptatem haberet lusus iocusque : quo-
 rum frequens vsus , omne animis pondus ,
 omnemque vim eripiet . Nam & somnus
 refectioni necessarius est : hunc tamen si
 per diem noctemque continues , mors
 erit . Multum interest , remittas aliquid ,
 an soluas . Legum conditores festos insti-
 tuerunt dies , vt ad hilaritatem homi-
 nes publicè cogerentur : tamquam ne-
 cessarium laboribus interponentes tem-
 peramentum . Et magni , vt dixi , viri qui-
 dam sibi menstruas certis diebus ferias
 dabant : quidam nullum non diem , inter

& otium & curas, diuidebant. qualem Pol-
 lionem Asinium, oratorem magnum, me-
 minimus: quem nulla res vltra decimam
 retinuit. ne epistolas quidem post eam
 horam legebat, ne quid nouæ curæ nasce-
 retur: sed totius dici lassitudinem duabus
 illis horis ponebat. Quidam medio die
 interiunxerunt, & in postmeridianas ho-
 ras aliquid leuioris operæ distulerunt.
 Maiores quoque nostri nouam relatio-
 nem, post horam decimam, in senatu fieri
 vetabant. Miles vigilias diuidit, & nox
 immunis est ab expeditione redeuntium.
 Indulgendum est animo: dandumque sub-
 inde otium. quod alimenti ac virium lo-
 co sit: & in ambulationibus apertis va-
 gandum, vt cœlo libero & multo spiritu
 augeat attollatque se animus. Aliquando
 vectatio iterque, & mutata regio, vigorem
 dabunt, conuictusque & liberalior potio:
 nonnunquam & vsque ad ebrietatem ve-
 niendum, non vt mergat nos, sed vt depri-
 mat. Eluit enim curas, & ab imo animum
 mouet: & vt morbis quibusdam, ita tristi-
 tiæ medetur. Liberque non ob licentiam
 linguæ dictus est inuentor vini, sed quia
 liberat seruitio curarum animum, & asse-
 rit, vegetioremque & audaciorem in om-
 nes conatus facit. Sed vt libertatis, ita
 vini salubris moderatio est. Et Solonem,
 Arcesilaumque indulgisse vino credunt.
 Catoni ebrietas obiecta est: at facilius ef-
 faciet, quisquis obiecerit, hoc crimen ho-
 ne-

nestum,quàm turpem Catonem. Sed nec
 sapè faciendum est, ne animus malam
 consuetudinem ducat: & aliquando ta-
 men in exultationem libertatemque ex-
 trahendus, tristisque sobrietas reinouen-
 da paulisper. Nam, siue Græco poetæ
 credimus, aliquando & insanire iucun-
 dum est: siue Platoni, frustra poeticas fo-
 res compos sui pepulit: siue Aristoteli,
 nullum magnum ingenium sine mixtura
 dementiæ fuit. Non potest grande ali-
 quid & supra ceteros loqui, nisi mota
 mens. Cum vulgaria & solita contem-
 pfit, instinctuque sacro surrexit excelsior,
 tunc demum aliquid cecinit grandius ore
 mortali. Non potest sublime quicquam
 & in arduo positum contingere, quandiu
 apud se est. Desciscat oportet à solito, &
 efferatur, & mordeat frenos, & rectorem
 rapiat suum: eoque ferat, quò per se ti-
 muisset ascendere. Habes, Serene carissi-
 me, quæ possint tranquillitatem tueri, quæ
 restituere; quæ surrepentibus vitijs resi-
 stant. Illud tamen scito, nihil horum sa-
 tis esse validum, rem imbecillam seruanti-
 bus, nisi intenta & assidua cura circumeat
 animum labentem.

L. ANNÆI SENECAE

DE CONSTANTIA
SAPIENTIS,

sive

QVOD INSAPIENTEM
NON CADIT INIVRIA.

CAPVT I.

NANTVM inter Stoicos, Serene, & ceteros sapientiam professos interessè, quantum inter fœminas & mares, non immeritò dixerim: cùm vtraque turba ad vitæ societatem tantundem conferrat; sed altera pars ad obsequendum, altera imperio nata sit. Ceteri sapientes molliter & blandè, vt ferè domestici & familiares medici, ægris corporibus, non quâ optimum & celerrimum est, medentur, sed quâ licet: Stoici virilem ingressi viam, non vt amœna ineuntibus videatur curæ habent, sed vt quamprimùm nos eripiant, & in illum editum verticem educant, qui ad eò extra omnem teli iactum surrexit, vt supra fortunam emineat. At ardua per quæ vocamur, & confragosa sunt. Quid enim plano aditur excelsum? Sed ne tam abrupta quidem

quidem sunt, quàm quidam putant. prima tantum pars saxa rupeſque habet, & inuij ſpeciem: ſicut pleraque ex longinquo ſpeculantibus abſciſſa & connexa videri ſolent, cum aciem longinquitas fallat. Deinde propiùs aduentibus eadem illa, quæ in vnum congeſſerat error oculorum, paulatim adaperiuntur: tum illis, quæ præcipitia ex interuallo apparebant, reddit lene fatigium. Nuper cum incidiſſet mentio M. Catonis, indignè ferebas (ſicut es iniquitatis impatiens) quòd Catonem ætas ſua parùm intellexiſſet, quòd ſupra Pompeios & Cæſares ſurgentem, infra Vatinios poſuiſſet: & tibi indignum videbatur, quòd illi diſſuaſuro legem, toga in foro eſſet erepta, quodque à Roſtris, vſque ad arcum Fabianum, per ſeditioſæ factionis manus tractus, voces improbas, & ſputa, & omnes alias inſanæ multitudinis contumelias pertuliſſet. Tunc ego reſpondi, habere te quòd Reipublicæ nomine mouereriſ, quam hinc P. Clodius, hinc Vatinius, ac peſſimus quiſque vænundabat: & cæca cupiditate corrupti, non intelligebant, ſe, dum vendunt, etiam vænire.

CAP. II. Pro ipſo quidem Catone ſecurum te eſſe iuſſi. Nullum enim ſapientem nec iniuriam accipere, nec contumeliam poſſe: Catonem autem certius exemplar ſapientis viri nobis deos immortales dediſſe, quàm Vlixem & Herculé prioribus ſæculis. Hos enim Stoici noſtri ſapien-

tes pronunciauerunt, inuictos laboribus,
 & contemptores voluptatis, & victores
 omnium terrarum. Cato cum feris ma-
 nus non contulit, quas consecrari venato-
 ris agrestisque est: nec monstra igne ac
 ferro persecutus est, nec in ea tempora in-
 cidit, quibus credi posset cœlum vnius hu-
 meris iniiti, excussa iam antiqua creduli-
 tate, & sæculo ad summam perducto so-
 lertiam. Cum ambitu congressus, multi-
 formi malo, & cum potentiae immensa
 cupiditate, quam totus orbis in tres diui-
 sus sariare non poterat, aduersus vitia ci-
 uitatis degenerantis, & pessum sua mole
 sedentis, stetit solus, & cadentem Rempu-
 blicam, quantum modò vna retrahi ma-
 nu poterat, retinuit: donec vel abreptus,
 vel abstractus, comitem se diu sustentatae
 ruinæ dedit: simulque extincta sunt, quæ
 nefas erat diuidi. Neque enim Cato post
 libertatem vixit, nec libertas post Cato-
 nem. Huic tu putas iniuriam fieri potuif-
 se à populo, quòd aut præturam illi detra-
 xit, aut togam? quòd sacrum illud caput
 purgamentis oris aspersit? Tutus est sa-
 piens, nec vlla affici aut iniuria, aut con-
 tumelia potest.

CAP. III. Videor mihi intueri animum
 tuum incensum, & efferuescentem: paras
 acclamare: Hæc sunt quæ auctoritatem
 præceptis vestris detrahant. magna pro-
 mittitis, & quæ ne optari quidem, nedum
 credi possint: deinde ingentia locuti, cùm

pauperem negastis esse sapientem, non negatis solere illi & seruum, & vestem, & tectum, & cibum deesse; cum sapientem negastis insanire, non negatis & alienari, & parum sana verba emittere, & quicquid vis morbi cogit, audere; cum sapientem negastis seruum esse, iidem non itis inficias, & vœnum iturum, & imperata facturum, & domino suo seruilia præstiturum ministeria. Ita, sublato altè supercilio, in eadem quæ ceteri, descenditis, mutatis rerum nominibus. Tale itaque aliquid & in hoc esse suspicor, quod prima specie pulchrum atque magnificum est: nec iniuriam, nec contumeliam accepturum esse sapientem. Multum autem interest, vtrum sapientem extra indignationem, an extra iniuriam ponas. Si dicis illum æquo animo laturum; nullum habet privilegium. contigit illi res vulgaris, & quæ discitur ipsa iniuriarum assiduitate, patientia. Si negas accepturum iniuriam, id est, neminem illi tentaturum facere; omnibus relictis negotijs Stoicus fio. Ego verò sapientem non imaginatio honore verborum exornare constitui, sed eo loco ponere, quò nulla permittatur iniuria. Quid ergo? nemo erit qui laceßat, qui tentet? Nihil in rerum natura tam sacrum est, quod sacrilegum non inueniat: sed non ideò diuina minùs in sublimi sunt, si existunt, qui magnitudinem multum ultra se positam, non icturi petant. Inuuln-
nera-

nerabile est, non quod non feritur, sed quod non læditur. Ex hac tibi nota sapientem exhibeo. Numquid dubium est, quin certius robur sit, quod non vincitur, quàm quod non laceffitur? cùm dubiæ sint vires inexpertæ: at meritò certissima firmitas habeatur, quæ omnes incurfus respuit. Sic tu sapientem melioris scito esse naturæ, si nullius illi iniuria nocet, quàm si nulla fit. Et illum fortem virum dicam, quem bella non subigunt, nec admota vis hostilis exterret: non cui pingue otium est. inter desides populos. Huiusmodi igitur, sapientem nulli esse iniuriæ obnoxium. Itaque non refert, quàm multa in illum conijciantur tela, cùm sit nulli penetrabilis. Quomodo quorundam lapidum inexpugnabilis ferro duritia est, nec secari adamas, aut cædi, vel deteri potest, sed incurrentia vtrò retundit: quemadmodum quædam non possunt igne consumi, sed flamma circumfusa, rigorem suum habitumque conseruant: quemadmodum proiecti in altum scopuli mare frangunt, nec ipsi vlla sæuitiæ vestigia, tot verberati sæculis, ostentant: ita sapientis animus solidus est, & id roboris collegit, ut tam tutus sit ab iniuria, quàm illa quæ retuli.

CAP. IV. Quid igitur? non erit aliquis qui sapienti facere tentet iniuriam? tentabit, sed non peruenturam ad eum. Maiore enim intervallo à contactu inferiorum

reriorum abductus est, quàm vt vlla vis noxia vsque ad illum vires suas perferat. Etiam cum potentes, & imperio editi, & consensu seruientium validi, nocere ei tentent: tam citra sapientem omnes eorum impetus deficient, quàm quæ neruo tormentisve in altum exprimuntur, cum extra visum exsilierunt, citra cœlum tamen flectuntur. Quid tu putas, cum stolidus ille rex multitudine telorum diem obscurasset, vllam sagittam in Solem incidisse? aut demissis in profundum catenis Neptunum potuisse contingi? Vt cœlestia humanas manus effugiunt, & ab his qui templa diruunt, aut simulacra conflagrant, nihil diuinitati nocetur; ita quicquid fit in sapientem proteruè, petulanter, superbe, frustra tentatur. At satius erat, neminem esse qui facere vellet. Rem difficilem optas humano generi, innocentiam. At non fieri, eorum interest qui facturi sunt, non eius qui pati, ne si fiat quidem, non potest. Imò nescio, an magis vires sapientia ostendat tranquilla inter lacescentia: sicut maximum argumentum est imperatoris armis virisque pollentis, tuta securitas & in hostium terra. Diuidamus si tibi videtur, Serene, iniuriam à contumelia: prior illa natura grauior est: hæc leuior, & tantum delicatis grauis: qua non læduntur, sed offenduntur. Tanta est tamen animorum dissolutio & vanitas, vt quidam nihil acerbius putent. Sic inuenies seru-

uum,

num, qui flagellis quā colaphis cēdi malit, & qui mortem ac verbera tolerabiliora credat, quā contumeliosa verba. Ad tantas ineptias peruentum est, ut non dolore tantū, sed doloris opinione vexemur: more puerorum, quibus metus incutit vmbra, & personarum deformitas, & deprauata facies; lacrimas verò euocant nomina parū grata auribus, & digitorum motus, & alia, quæ impetu quodam erroris improuidi refugiunt.

CAP. V. Iniuria propositum hoc habet, aliquem malo afficere: malo autem sapientia non relinquit locum. Vnum enim malum illi est turpitudō: quæ introire eō, vbi iam virtus honestūque est, non potest: iniuria ergo ad sapientem non peruenit. Nam si iniuria alicuius mali patientia est, sapiens autem nullius mali est patiens, nulla ad sapientem iniuria pertinet. Omnis iniuria deminutio eius est, in quem incurrit. nec potest aliquis iniuriam accipere sine aliquo detrimento vel dignitatis, vel corporis, vel rerum extra nos positarum: sapiens autem nihil perdere potest, omnia in se reposuit, nihil fortunæ credit, bona sua in solido habet, contentus virtute, quæ fortuitis non indiget. Ideoque nec augeri, nec minui potest. nam in summum perducta, incrementi non habent locum. Nihil eripit fortuna, nisi quod dedit: virtutem autem non dat: ideo nec detrahit. Libera est, inuiolabilis, immota,

mota, inconcussa, sic contra casu indurata, ut nec inclinari quidem, nedum vinci possit. Aduersus apparatus terribilium, rectos oculos tenet, nihil ex vultu mutat, siue illi dura, siue secunda ostentantur. Itaque nihil perdet, quod perire sensurus sit. Vnius enim in possessione virtutis est, ex qua depelli nunquam potest: ceteris precario utitur. quis autem iactura mouetur alieni? Quod si iniuria nihil ledere potest ex his quæ propria sapientis sunt, quia virtute sua salua sunt: iniuria sapienti non potest fieri. Megara Demetrius ceperat, cui cognomen Poliorcetes fuit. ab hoc Stilpon philosophus interrogatus, numquid perdidisset? Nihil, inquit: omnia namque mea mecum sunt. Atqui & patrimonium eius in prædā cesserat, & filias rapuerat hostis, & patriam. At ille victoriam illi excussit: & se, vrbe capta, non inuictum tantum, sed indemnem esse testatus est. habebat enim secum vera bona, in quæ non est manus iniectio. At ea quæ dissipata & direpta ferebantur, non iudicabat sua, sed aduenticia, & nutum fortunæ sequentia: ideo non ut propria dilexerat. Omnium enim extrinsecus affluentium lubrica & incerta possessio est. Cogita nunc, an huic fur, an calumniator, aut vicinus potens, aut diues aliquis regnum orbe senectutis exercens, facere iniuriam possit, cui bellum & hostis ille, egregiam artem quassandarum vrbium

pro-

professus, eripere nihil potuit. Inter micantes ubique gladios, & militarem in rapinam tumultum, inter flammās & sanguinem stragemque impulsæ ciuitatis, inter fragorem templorum super deos suos cadentium, vni homini pax fuit. Non est itaque quod audax iudices promissum; cuius tibi, si parum fidei habeo, sponso-rem dabo. Vix enim credis tantum firmitatis in hominem, aut tantam animi magnitudinem cadere. sed si prodit in medium, qui dicat:

CAP. VI. Non est quod dubites, an at- tollere se homo natus supra humana pos- sit, an dolores, damna, vlcerationes, vul- nera, magnos motus rerum circa se fre- mentium securus aspiciat, & dura placidè ferat, & secunda moderatè; nec illis ce- dens, nec his fretus, vnus idemque inter diuersa sit, nec quicquam suum, nisi se pu- tet esse, ea quoque parte qua melior est. Assum hoc vobis probaturus, sub isto tot ciuitatum euersore, munimenta incursum arietis labefieri, & turrium altitudinem cuniculis ac latentibus fossis repentè resi- dere, & æquatum editissimas arces ag- gerem crescere: at nulla machinamenta posse reperiri, quæ benè fundatum ani- mum agitent. Erepsi modo è ruinis do- mus, & incendijs vndique relucens, per flammās, per sanguinem fugi. Filias meas qui casus habeat, an peior publico, nescio. Solus, & senior, & hostilia circa
mē

me omnia videns, tamen integrum incolumemque esse censum meum profiteor, teneo, habeo quicquid mei habui. Non est quod me victum, victorem te credas: vicit fortuna tua fortunam meam. Caduca illa, & dominum mutantia, ubi sunt nescio: quod ad res meas pertinet, mecum sunt, mecum erunt. Perdiderunt isti diuites patrimonia; libidinosi amores suos, & magno pudoris impendio dilecta scorta; ambitiosi curiam & forum, & loca exercendis in publico vitijs destinata; scenatores perdiderunt tabellas suas, quibus auaritia falso læta, diuitias imaginatur: ego quidem omnia integra illibataque habeo. Proinde istos interroga qui sient, qui lamentantur, strictis gladijs nuda pro pecunia corpora opponunt, qui hostem onerato sinu fugiant. Ergo ita habes, Serene, perfectum illum virum, humanis diuinisque virtutibus plenum, nihil perdere. Bona eius solidis & inexsuperabilibus munimentis præcincta sunt. Non Babylonis illi muros contuleris, quos Alexander intravit: non Carthaginis aut Numantiae moenia, vna manu capta: non Capitolium, arcemve habent ista hostile vestigium. Illa quæ sapientem tuentur, à flamma & ab incurso tuta sunt: nullum introitum præbent, excelsa, inexpugnabilia, dijs æqua.

CAP. VII. Non est quod dicas, ita ut soles, hunc sapientem nostrum nusquam inue-

inueniri . Non fingimus istud humani ingenij vanum decus, nec ingentem imaginem falsæ rei concipimus, sed qualem confirmamus, exhibuimus, & exhibebimus . Rarò forsitan, magnisq; ætatum internallis inuenitur. neque enim magna, & excedentia solitum ac vulgarem modum, crebrò gignuntur: ceterum hic ipse M. Cato, à cuius mentione hæc disputatio processit, vereor ne supra nostrum exemplar sit. Denique validius debet esse quod lædit, eo quod læditur: non est autem fortior nequitia virtute. non potest ergo lædi sapiens. Iniuria in bonos non tentatur nisi à malis: bonis inter se pax est. Quòd si lædi nisi infirmior non potest: malus autem bono infirmior est: nec iniuria bonis, nisi à dispari, verenda est: iniuria in sapientem virum non cadit. Illud enim iam non es admonendus, neminem bonum esse, nisi sapientem. Sed iniuste, inquis, Socrates damnatus est, iniuriam accepit. Hoc loco intelligere nos oportet, posse euenire, vt faciat aliquis iniuriam mihi, & ego non accipiam: tamquam si quis rem cum è villa mea surripuit, in domo mea ponat: ille furtum fecerit, ego nihil perdiderim. Potest aliquis nocens fieri, quamuis non nocuerit. Si quis cum vxore, tamquam cum aliena concumbat, adulter est, quamuis illa adultera non sit. Aliquis mihi venenum dedit, sed vim suam remixtum cibo perdidit: venenum illud dando, scelere se obliga-

obligauit, etiam si non nocuit. Non minus latro est, cuius telum opposita veste elusum est. Omnia scelera etiam ante effectum operis, quantum culpæ satis est, perfecta sunt. Quædam eius conditionis sunt, & hæc vice copulantur, vt alterum sine altero esse non possit. Quod dico, conabor facere manifestum. Possum pedes mouere, vt non curram: currere non possum, vt pedes non moueam. possum, quamuis in aqua sim, non natæ: si nato, non possum in aqua non esse. Ex hac forte & hoc est, de quo agitur. si iniuriam accepi, necesse est factam esse: si est facta, non est necesse accepisse me. Multa enim incidere possunt, quæ submoueant iniuriam. Vt, intentam manum deijcere casus potest, & emissâ tela declinare: ita iniurias qualescunque potest aliqua res depellere, & in medio intercipere, vt & factæ sint, nec acceptæ.

C A P. V I I I. Præterea, nihil iniustum iustitia pati potest: quia non coeunt contraria: iniuria autem non potest fieri non iniuste: ergo sapienti iniuria non potest fieri. Nec est quod mireris, si nemo potest illi iniuriam facere, nec prodelle quidem quisquam potest. & sapienti nihil deest, quod accipere possit loco muneris: & malus nihil potest tribuere sapienti. Habere enim prius debet, quam dare: nihil autem habet, quod ad se transferri sapiens gauisurus sit. Non potest

O

ergo

ergo quidam aut nocere sapienti, aut prodesse: quemadmodum divina nec iuari desiderant, nec lædi possunt. sapiens autem vicinus proximisque diis consistit, excepta mortalitate, similis Deo. Ad illa nitens pergensque excelsa, ordinata, intrepida, æquali & concordi cursu fluentia, secunda, benigna, bono publico natus, & sibi & aliis salutaris, nihil humile concupiscet, nihil flebit, qui rationi innixus, per humanos casus diuino incedet animo. Non habet unde accipiat iniuriam ab homine: me tantum dicere putas? nec à fortuna quidem: quæ quotiens cum virtute congressa est, nunquam par recessit. Si maximum illud, ultra quod nihil habent iratæ leges, aut sæuissimi domini, quod minentur, in quo imperium suum fortuna consumit; æquo placidoque animo accipimus, & scimus mortem malum non esse, ob hoc ne iniuriam quidem: multò facilius alia tolerabimus, damna, dolores, ignominias, locorum commutationes, orbitates, discidia. quæ sapientem, etiam si vniuersa circumueniant, non mergunt; ne dum ad singulorum impulsus mœreat. Et si fortunæ iniurias moderatè fert: quanto magis hominum potentium, quos leuit fortunæ manus esse?

CAP. IX. Omnia itaque sic patitur, ut hiemis rigorem, ut intemperantiam cœli, ut feruores morbosque, & cetera sorte accidentia. Nec de quoquam tam benè iudicat,

dicat, ut illum quicquam putet consilio fecisse: quod in vno sapiente est. aliorum omnium non consilia, sed fraudes, & insidiæ, & motus animorum inconditi sunt: quos casibus adnumerat. Omne autem fortuitum citra nos sæuit, & iniuriatur. Illud quoque cogita, iniuriarum latissimè patere materiam illis, per quæ periculum nobis quæsitum est: ut accusatore submisso, aut criminatione falsa, aut irritatis in nos potentiorum motibus, quæque alia inter rogatos latrocinia sunt. Est & illa iniuria frequens, si lucrum aliqui excussum est, aut præmium diu captatum; si magno labore affectata hereditas auersa est; & quæstuosæ domus gratia erepta. hæc effugit sapiens, qui nescit nec in spe, nec in metu viuere. Adijce nunc, quod iniuriam nemo immota mente accipit, sed ad sensum eius perturbatur: caret autem perturbatione vir erectus: moderator sui, altæ quietis & placida. Nam si illum tangit iniuria; & mouet, & impedit. caret autem ira sapiens, quam excitat iniuriæ species: nec aliter careret ira, nisi & iniuria, quam scit sibi non posse fieri. Inde tam erectus latusque est, inde continuo gaudio elatus, adeo ad offensiones rerum nominumque non contrahitur, ut ipsa illa iniuria vsui sit, per quam experimentum sui capit, & virtutem tentat. Fauemus, obsecro vos, huic proposito, aquisque & animis & auribus assimus, dum sa-

piens iniuriæ excipitur: nec quicquam idè petulantia nostræ, aut rapacissimis cupiditatibus, aut temeritati superbiæque detrahitur. Saluis vitiis vestris, hæc sapienti libertas quæritur. non ut vobis facere non liceat iniuriam, agimus: sed ut ille omnes iniurias in altum dimittat, patientiaque se ac magnitudine animi defendat. Sic in certaminibus sacris, plerique vicere, cædentium manus obstinata patientia fatigando. Ex hoc puta genere sapientem eorum, qui exercitatione longa ac fideli, robur perpetiendi lassandi que omnem inimicam vim consecuti sunt.

CAP. X. Quoniam priorem partem percurrimus, ad alteram transeamus: in qua quibusdam propriis, plerisque verò communibus contumeliam refutabimus. Contumelia est minor iniuria, quam queri magis quam exsequi possumus, quam leges quoque nulla dignam vindicta putauerunt. Hunc affectum mouet humilitas animi, contrahentis se, ob factum dictumque inhonorificum. Ille me hodie non admisit, cum alios admitteret: sermonem meum aut superbe auersatus est, aut palam risit: & non in medio me loco, sed imo collocauit: & alia huius notæ. Quæ quid vocem, nisi querelas nauseantis animi, in quas ferè delicati & felices incidunt? non vacat enim hæc notare, cui pectora instant. Nimio otio, ingenia natura infirma & muliebria, & inopia veræ iniuriæ

riæ lasciuiencia, his commouentur: quorum pars maior constat vitio interpretantis. Itaque nec prudentiæ quicquam in se esse, nec fiduciæ ostendit, qui contumelia afficitur. non dubiè enim contemptum se iudicat: & hic morsus non sine quadam humilitate animi euenit, supprementis se ac descendentis. Sapiens autem à nullo cõtemnitur, magnitudinem suam nouit: nullique tantum de se licere, renunciat sibi: & omnes has quas non miserrias animorum, sed molestias dixerim, non vincit, sed ne sentit quidem. Alia sunt quæ sapientem ferunt, etiam si non peruertunt: vt dolor corporis, & debilitas, aut amicorum liberorumque amissio, & patriæ bello flagrantis calamitas. Hæc non nego sentire sapientem. nec enim lapidis illi duritiam ferrive asserimus: nulla virtus est, quæ non sentias, perpeti.

CAP. X I. Quid ergo est? Quosdam ictus recipit: sed receptos enincit, sanat, & comprimit. hæc verò minora ne sentit quidem, nec aduersus ea solita illa virtute vititur dura tolerandi: sed aut non annotat, aut digna risu putat. Præterea, cum magnam partem contumeliarum superbi insolentesque faciant, & malè felicitatem ferentes: habet quo illum affectum inflatum respuat, pulcherrimam virtutem omnium, animi sanitatem, magnitudinemque. illa, quicquid huiusmodi est, transcurrit, vt vanas somniorum species, visus

que nocturnos , nihil habentes solidi , neque veri . Simul illud cogitat , omnes inferiores esse , quàm ut illis audacia sit , tanto excelsiora despicere . Contumelia à contemptu dicta est : quia nemo , nisi quem contempsit , tali iniuria notat . nemo autem maiorem melioremque contemnit , etiam si facit aliquid quod contemnentes solent . Nam & pueri os parentum feriunt , & crines matris turbavit laceravitque infans , & sputo aspersit , aut nudavit in conspectu suorum regenda , & verbis obstaculioribus non pepercit : & nihil horum contumeliam dicimus . quare ? quia qui fecit , contemnere non potest . Eadem causa est : cur nos mancipiorum nostrorum urbanitas , in dominos contumeliosa , delectet : quorum audacia ita demum sibi in conuiuas ius facit , si coepit à domino . Ut quisque contemptissimus , & ut maxime ludibrio est , ita solutissimæ lingue est . Pueros quidem in hoc mercantur procares , & eorum impudentiam aciunt , & sub magistro habent , qui probra meditatè effundant : nec has contumelias vocamus , sed argutias .

CAP. XII. Quanta autem dementia est , iisdem modò delectari , modò offendi : & rem ab amico dictam , maledictum vocare , à seruulo , ioculari conuicium ? Quem animum nos aduersus pueros habemus , hunc sapiens aduersus omnes , quibus etiam post iuuentam canosq; puerilitas est .

An

An quicquam isti profecerunt, quibus animi mala sunt, auctique in maius errores, qui à pueris magnitudine, tantum formaque corporum differunt: ceterum non minus vagi incertique, voluptatem sine dilectu appetentes, trepidi, & non ingenio, sed formidine quieti? Non ideo quicquam inter illos puerosque, interesse quis dixerit, quod illis talorum numquam & aris minuti auaritia est; his auri argenti que & urbium: quod illi inter ipsos magistratus gerunt, & prætexam fascesque ac tribunal imitantur; hi eadem in campo foroque & in curia ludunt. illi in litoribus arena congesta simulacra domum excitant; hi ut magnum aliquid agentes, in lapidibus ac parietibus, & tectis, moliendis occupati, ad tutelam corporum inuenta, in periculum verterunt: Ergo par pueris, longiusque progressis, sed in alia maioraque error est. Non immerito itaque horum contumelias sapiens, ut iocos, accipit: & aliquando illos, tanquam pueros, malo poenaeque admonet, & afficit: non quia accipit iniuriam, sed quia fecerunt, & ut desinant facere. Sic enim & pecora verberedomantur: nec irascimur illis, cum sessorem recusauerint: sed compescimus, ut dolor contumaciam vincat. Ergo & illud solutum scies, quod nobis opponitur, Quare si non accepit iniuriam nec contumeliam sapiens, punit eos qui fecerunt: non enim se vlciscitur, sed illos emendat.

CAP. XIII. Quid est autem, quare hanc animi firmitatem non credas in virum sapientem cadere, cum tibi in aliis idem notare, sed non ex eadem causa liceat? Quis enim phrenetico medicus irascitur? quis febricitantis, & frigida prohibiti maledicta, in malam partem accipit? Hunc affectum aduersus omnes habet sapiens, quem aduersus ægros suos medicus: quorum nec obscœna, si remedio egent, contractare, nec reliquias & effusa intueri dedignatur, nec per furorem sæuientium excipere conuicia. Scit sapiens, omnes hos qui togati purpuratique incedunt, valentes coloratosque, malè sanos esse: quos non aliter videt, quàm ægros intemperantes. Itaque ne succenset quidem, si quid in morbo perulantius ausi sunt aduersus medentem: & quo animo honores eorum nihilo estimat, eodem parum honorificè facta. Quemadmodum non placet sibi, si illum mendicus coluerit, nec contumeliam iudicabit, si illi homo plebis vltimæ salutanti mutuam salutationem non reddiderit: sic nec se suspiciet quidem, si illum multi diuites suspexerint. scit enim illos nihil à mendicis differre, imò inferiores esse. illi enim exiguò, hi multo egent. Et rursum non tangetur, si illum rex Medorum, Attalusve Asiæ, salutantem silentio ac vultu arrogantis transierit. scit statum eius non magis habere quicquam inuidendum, quàm eius.

eius, cui in magna familia cura obtigit, ægros insanosque compescere. Num molestè feram, si mihi non reddiderit nomen aliquis ex his, qui ad Castoris negotiantur, nequam mancipia ementes vendentesque, quorum tabernæ pessimorum servorum turba refertæ sunt? non, ut puto: quid enim is boni habet, sub quo nemo nisi malus est? Ergo ut huius humanitatem inhumanitatemque negligit, ita & regis. Habes sub te Parthos, Medos, & Bactrianos: sed quos metu contines, sed propter quos remittere arcum tibi non contingit, sed postremos, sed vanales, sed novum aucupantes dominum. Nullius ergo movebitur contumelia. Omnes enim inter se differunt: sapiens quidem pares illos, ob æqualem stultitiam, omnes putat. Iam si semel se demiserit eò, ut aut iniuria moveatur, aut contumelia; non poterit unquam esse securus: securitas autem proprium bonum sapientis est. Nec committet, ut vindicando sibi contumeliam factam, honorem habeat ei qui fecit. necesse est enim, à quo quisque contemni molestè fert, suspici gaudeat.

CAP. XIV: Tanta quosdam dementia tenet, ut contumeliam sibi posse fieri putent à muliere. Quid refert, quantum habeat, quot lecticarios, quàm oneratas aures, quàm laxam sellam? æquè impudens animal est, & nisi scientia accessit ac multa eruditio, ferum, cupiditatum inconti-

nens. Quidam se à cinerario impulsos moleste ferunt, & contumeliam vocant ostiarij difficultatem, nomenclatoris superbiam, cubicularij supercilium. O quantus inter ista risus tollendus est, quanta voluptate implendus animus, ex alienorum errorum tumultu, contemplati quietem suam! Quid ergo? sapiens non accedet ad fores, quas durus ianitor obsidet? Ille verò, si res necessaria vocabit, experietur, & illum, quisquis erit, tanquam canem acrem obiecto cibo leniet: nec indignabitur aliquid impendere, ut limen transeat, cogitans & in pontibus quibusdam pro transitu dari. Itaque illi quoque, quisquis erit, qui hoc salutationum publicum exercet, donabit: scit emere venalia. Ille pusilli animi est, qui sibi placet, quod ostiario liberè respondit, quod virgam eius fregit: quod ad dominum accessit, & petiit corium. Facit: se aduersarium qui contendit, & ut vincat, par fuit. At sapiens colaphis percussus, quid faciet? quod Cato, cum illi os percussum esset: non excauit, non vindicauit iniuriam: ne remisit quidem, sed factam negauit. Maiore animo non agnouit, quam ignouisset. Non diu in hoc hærebimus. quis enim nescit, nihil ex his quæ creduntur bona aut mala, ita videri sapienti, ut omnibus? Non respicit quid homines turpe iudicent, aut miserum: non ita quæ populus: sed ut sidera contrarium mundo iter intendunt, ita hic aduer-

aduersus opinionem omnium vadit.

C A P. X V. Definite itaque dicere :

Non accipiet ergo sapiens iniuriam, si cædetur? si oculus illi eruetur? non accipiet contumeliam, si obscœnorum vocibus improbis per forum agetur? si in conuiuio regis, recumbere infra mensam, vescique cum seruis ignominiosa officia sortitis iubebitur? si quid aliud ferre cogetur eorum, quæ excogitari pudori ingenuo molesta possunt? In quantumcunque ista vel numero, vel magnitudine creuerint, eiusdem naturæ erunt. Si non tangent illum parua, ne maiora quidem: si non tangent pauca, ne plura quidem. Sed ex imbecillitate vestra coniecturam capitis ingentis animi: & cùm cogitastis, quantum putetis vos pati posse, sapientis patientiæ paullo vltiorem terminum ponitis. At illum in aliis mundi finibus sua virtus collocauit, nihil vobiscum commune habentem.

Quare etsi aspera, & quantumcunque toleratu graua sint, audituque & visu refugienda, non obruetur eorum cœta: & qualis singulis, talis vniuersis obsistet. Qui dicit illud tolerabile sapienti, illud intolerabile; & animi magnitudinē intra certos fines tenet: male agit, vincit nos fortuna, nisi tota vincatur. Nec putes istam Stoicam esse duritiam: Epicurus, quem vos patronum inertiae vestrae assumitis, putatisque mollia ac desidiosa præcipere, & ad voluptates ducentia: Raro, inquit,

sapienti interuenit fortuna. Quàm penè emisit viri vocem ! Vistu fortiùs loqui, & illam ex toto submouere ? Domus hæc sapientis angusta, sine cultu, sine strepitu, sine apparatu, nullis obseruatur ianitoribus, turbam vœnali fastidio digerentibus : sed per hoc limen vacuum, & ab ostiariis liberum, fortuna non transit. scit non esse illic sibi locum, vbi sui nihil est. Quòd si Epicurus quoque, qui corpore plurimum indulgit, aduersus iniurias exsurgit : quid apud nos incredibile videri potest, aut supra humanæ naturæ mensuram ? Ille ait iniurias tolerabiles esse sapienti, nos iniurias non esse.

CAP. XVI. Nec est, quòd dicas hoc naturæ repugnare. Non negamus rem incommodam esse, verberari & impelli, & aliquo membro carere : sed omnia ista negamus iniurias esse. non sensum illis doloris detrahimus : sed nomen iniuriæ, quod non potest recipi virtute salua. Vter veriùs dicat, videbimus. Ad contemptum quidem iniuriæ uterq; consentit. Quæris quid inter duos interlit ? Quod inter gladiatores fortissimos ; quorum alter premie vulnus, & stat in gradu ; alter respiciens ad clamantem populum, significat nihil esse, & intercedi non patitur. Non est, quòd putes magnum, quo dissidemus. Illud quidem agitur, quod vnum ad nos pertinet : vtraque exempla hortantur contemnere : & iniurias, & quas iniuriarum vnt
bras

bras ac suspensiones dixerim, contumelias ad quas despiciendas non sapienti opus est viro, sed tantum conspiciente, qui sibi possit dicere: Vtrum meritò mihi ista accidunt, an immeritò? Si meritò, non est contumelia, iudicium est. si immeritò: illi qui iniusta facit, erubescendum est. Et quid est illud, quod contumelia dicitur? in capitis mei leuitatem iocatus est, & in oculorum valetudinem, & in crurum gracilitatem, & in staturam. Quæ contumelia est, quod apparet, audire? Coram vno aliquid dictum ridemus, coram pluribus indignamur: & eorum alijs libertatem non relinquimus, quæ ipsi in nos dicere assueuimus. Iocis temperatis delectamur, immodicis irascimur.

CAP. XVII. Chrysippus ait quemdam indignatum, quod illum aliquis Veruecem marinum dixerat. In senatu flentem vidimus Filium Cornelium, Nasonis generum, cum illum Corbulo Struthiocamelum depilatum dixisset. Aduersus alia maledicta, mores & vitam conuulnerantia, frontis illi firmitas constitit: aduersus hoc tam absurdum lacrimæ prociderunt: tanta animorum imbecillitas est, vbi ratio discessit. Quid quod offendimur, si quis sermonem nostrum imitatur, si quis incessum, si quis vitium aliquod corporis aut lingue exprimit? quasi notiora illa fiant alio imitante, quam nobis facientibus. Senectutem quidem inuiti audiunt,

& canos, & alia, ad quæ voto peruenitur. Paupertatis maledictum quosdam perussit: quam sibi obiecit, quisquis abscondit. Itaque materia petulantibus, & per contumeliam urbanis detrahitur, si ultro illam, & prior occupes: nemo alijs risum præbuit, qui ex se cepit. Vatinius hominem natum & ad risum, & ad odium, scurræ fuisse venustum ac dicacem, memoria proditum est. in pedes suos ipse plurima dicebat, & in fauces concisas: sic inimicorum, quos plures habebat quàm morbos, & in primis Ciceronis urbanitatem effugit. Si ille hoc potuit duritia oris, qui assiduus conuicijs depudere didicerat: cur is non possit, qui studijs liberalibus, & sapientiæ cultu, ad aliquem profectum peruenierit? Adijce, quòd genus ultionis est, eripere ei qui fecit contumeliæ voluptatem. Solent dicere: Miserum me, puto non intellexit! adeò fructus contumeliæ in sensu, & indignatione patientis est. Deinde non deerit illi aliquando par: inuenietur, qui te quoque vindicet.

CAP. XVIII. C. Cæsar inter cetera vitia, quibus abundabat, contumeliōsus mirabiliter ferebatur, omnes aliqua nota feriendi, ipse materia risus benignissima. Tanta illi palloris insaniam testantis fœditas erat, tanta oculorum sub fronte anili latentium toruitas, tanta capitis destituti, & emendicatis capillis aspersi deformitas, adijce obsessam fetis ceruicem, & exilita-

exilitatem crurum, & enormitatem pedum. Immenſum eſt, ſi velim ſingula referre, per quæ in patres auoſque ſuos contumelioſus fuit, per quæ in vniuerſos ordines: ea referam, quæ illum exitio dederunt. Aſiaticum Valerium in primis amicis habebat, ferocem virum, & vix æquo animo alienas contumelias laturum. Huic in conuiuio, item in concione, voce clariffima, qualis in concubitu eſſet vxor eius, obiecit. Dij boni, hoc virum audire, Principem ſcire, & uſque eò licentiam perueniſſe, vt non dico conſulari, non dico amico, ſed tantum marito Princeps & adulterium ſuum narret, & faſtidium? Chæreæ tribuno militum, ſermo non pro manu erat, languidus ſono, & infracta voce ſuſpectior. Huic Caius ſignum petenti modò Veneris, modò Priapi dabat: aliter atque aliter exprobrans armato molitiam. Hæc ipſe perlucidus, crepidatus, armillatus. Coegit itaque illum uti ferro, ne ſæpiùs ſignum peteret. Ille primus inter coniuratos manum ſuſtulit: ille certicem mediam vno ictu decidit: plurimum deinde vndique publicas ac priuatas iniurias vlcifcentium gladiatorum ingeſtum eſt. ſed primus vir fuit, qui minimè viſus eſt. At idem Caius omnia contumelias putabat, & ſicut ferendarum impatiens, faciendarum cupidiffimus. Iratus fuit Herennio Macro, quòd illum Caium ſalutauerat: nec impune ceſſit primipilario,

zio, quòd Caligulam dixerat. Hoc enim in castris natus, & alumnus legionum vocari solebat, nullo nomine militibus familiarior vnquam factus: sed iam Caligulam conuicium & probum indicabat cothurnatus. Ergo hoc ipsum solatio erit, etiam si nostra facilitas ultionem omiserit, futurum aliquem, qui pœnas exigat à procace, & superbo, & iniurioso: quæ vitia nunquam in vno homine, & in vna contumelia consumuntur. Respiciamus eorum exempla, quorum laudamus patientiam: vt Socratis, qui comœdiarum publicatos in se, & spectatos sales, in partem bonam accepit, risitque non minùs, quàm cum ab vxore Xanthippe immunda aqua perfunderetur. At Iphicrates, cui mater barbara & Thressa obijciebatur, respondit, & deorum matrem Idæam esse.

CAP. XIX. Non est in rixam colluctationemque veniendum. procul auferendi pedes sunt: & quidquid horum ab imprudentioribus fiet (fieri autem nisi ab imprudentibus non potest) negligendum. Et honores & iniuriæ vulgi, in promiscuo habendi sunt; nec his dolendum, nec illis gaudendum. Alioquin multa, timore contumeliarum aut tædio, necessaria omitemus: & publicis priuatisque officijs, aliquando etiam salutaribus, non occurremus, dum muliebris nos cura angit, aliquid contra animum audiendi, aliquando etiam obirati potentibus, detegemus hunc

hunc affectum intemperanti libertate. Non est autem libertas, nihil pati. Fallimur. libertas est, animum opponere iniurijs, & eum facere se, ex quo solo sibi gaudenda veniant: exteriora deducere à se, ne inquieta agenda sit vita, omnium risus, omnium linguas timenti. Quis est enim, qui non possit contumeliam facere, si quisquam potest? Diuerso autem remedio utetur sapiens, affectatorque sapientiæ. Imperfectis enim, & adhuc ad publicum se iudicium dirigentibus, hoc proponendum est, inter iniurias ipsos contumeliasque debere versari. Omnia leuiora accidunt expectantibus. quò quisque honestior genere, fama, patrimonio est, hoc se fortius gerat: memor, in prima acie altos ordines stare: contumelias & verba probrosa, & ignominias, & cerera dehonestamenta, velut clamorem hostium ferat, & longinqua tela, & saxa sine vulnere circa galeas crepitantia. Iniurias verò, vt vulnera, alia armis, alia pectori infixæ, non deiectus, ne motus quidem gradu, sustineat. Etiam si premeris, & infesta vi vrgeris, cedere turpe est: assignatum à natura locum tuere. Quæris quis hic sit locus? viri. Sipienti aliud auxilium est huic contrarium. Vos enim rem geritis: illi parta victoria est. Ne repugnet vestro bono, & hanc spem, dum ad verum peruenitis, alite in animis: libenterque meliora excipite, & opinionem ac voto iuuat, esse aliquem inuictum, esse

330 L. ANNÆI SENECAE
se aliquem in quem nihil fortuna possit,
ē Republica humani generis est.

L. ANNÆI SENECAE

AD NERONEM CÆSAREM
DE CLEMENTIA,
LIBER PRIMVS.

CAPVT I.

SCRIBERE de clementia, Nero
Cæsar, institui: vt quodammodo spe-
culi vice fungerer, & te tibi ostenderem,
peruenturum ad voluptatem maximam
omnium. Quamuis enim rectē factorum
verus fructus sit fecisse, nec vllum vitæ-
tum pretium dignum illis extra ipsas sit:
inuat tamen inspicere & circuire bonam
conscientiam, tum immittere oculos in
hanc immensam multitudinem, discor-
dem, seditiosam, impotentem, in perni-
ciem alienam suamque pariter exultatu-
ram, si hoc iugum fregerit, & ita loqui se-
cum: Ego ex omnibus mortalibus placui,
electusque sum, qui in terris deorum vice
funderer: ego vitæ necisque gentibus ar-
biter. qualem quisque sortem, statumque
habeat, in manu mea positum est. Quid
enique mortalium fortuna datum velit,
meo ore pronunciat: ex nostro responso
lætitiæ causas, populi vrbesque concipiunt.
Nulla pars vsquam, nisi volente pro-

propitioque me, floret. Hæc tot millia
gladiatorum, quæ pax mea comprimit, ad
nutum meum stringentur: quas nationes
funditus excindi, quas transportari, qui-
bus libertatem dari, quibus eripi, quos re-
ges mancipia fieri, quorumque capiti re-
gium circundari decus oporteat, quæ ruat
urbes, quæ oriantur, mea iurisdictio est.
In hac tanta facultate rerum, non ira me
ad iniqua supplicia compulit, non inueni-
lis impetus, non temeritas hominum &
contumacia, quæ sæpè tranquillissimis pe-
titoribus quoque patientiam extorsit: non
ipsa ostentandæ per terrores potentia di-
ra, sed frequens magnis imperijs, gloria:
Conditum, imò constrictum apud me fer-
rum est. summa parsimonia etiam vilissi-
mi sanguinis. nemo non, cui alia desint,
hominis nomine apud me gratus est.
Seueritatem abditam, clementiam in pro-
cinctu habeo. sic me custodio, tanquam
legibus, quas ex abdito ac tenebris in lu-
cem euocaui, rationem redditurus sim.
Alterius ætate prima motus sum, alterius
ultima: alium dignitati donavi, aliam hu-
militati: quoties nullam inueneram mis-
ericordiæ causam, mihi peperi. Hodie
dijs immortalibus, si à me rationem repe-
tant, annumerare genus humanum para-
tus sum. Potes hoc Cæsar prædicare au-
dacter, omnium quæ in fidem tutelamque
tuam venerunt, nihil per te, neque vi, ne-
que clam Reipub. ereptum. Rarissimam
lau-

laudem, & nulli adhuc Principum concessam concupisti, innocentiam. Non perdis operam: nec bonitas ista tua singularis, ingratos aut malignos aestimatores nacta est. refertur tibi gratia. Nemo vnus homo, vni homini, tam carus vnquam fuit; quam tu populo Romano, magnum longumque eius bonum. Sed ingens tibi onus imposuisti: nemo iam diuum Augustum, nec Tiberij Cæsaris prima tempora loquitur: nemo quod te imitari velit exemplar extra te quærit. Principatus tuus ad gustum exigitur. Difficile hoc fuisset, si non naturalis tibi ista bonitas esset, sed ad tempus sumpta: nemo enim potest personam diu ferre. Ficta, citò in naturam suam recidunt: quibus veritas subest, quæque (vt ita dicam) ex solido nascuntur, tempore ipso in maius meliusque procedunt. Magnam adibat aleam populus Romanus, cum incertum esset, quò se statim nobilis indoles daret: iam vota publica introito sunt. nec enim periculum est, ne te subita tui capiat obliuio. Facit quidem auidos nimia felicitas: nec tam temperatæ cupiditates sunt vnquam, vt in eo quod contigit, desinant. gradus à magnis ad maiora fit: & spes improbissimas complectuntur, insperata assecuti. Omnibus tamen nunc ciuibus tuis & hæc confessio exprimitur, esse felices: & illa, nihil iam his accedere bonis posse, nisi vt perpetua sint. Multa illos cogunt ad hanc confessionem,

fionem, quā nulla in homine tardior est: securitas alta, affluens: ius supra omnem iniuriam positum. Obuersatur oculis lætissimę forma Reipub. cui ad summam libertatem nihil deest, nisi pereundi licentia. Pręcipuè tamen æqualis ad maximos inosq̃ue peruenit clementiæ tuę admiratio. Cætera enim bona, pro portione fortunę suę, quisque sentit aut expectat, maiora minoraq̃ue: ex clementia omnes idem sperant. Nec est quisquam, cui tam valdè innocentia sua placeat, vt non stare in conspectu clementiam, paratam humanis erroribus, gaudeat.

CAP. II. Essè autem aliquos scio, qui clementia pessimum quemque putent sustineri: quoniam nisi post crimen superuacua est, & sola hæc virtus inter innocentes cessat. Sed primùm omnium, sicut medicinę apud agros vsus, etiam apud sanos honor est: ira clementiam quamuis pœna digni inuocent, etiam innocentes colunt. Deinde, habet clementia in persona quoque innocentium locum: quia interim fortuna pro culpa est: nec innocentia tantùm clementia succurrit, sed sæpè virtuti: quoniam quidem conditione temporum incidunt quædam, quę possint laudata puniri. Adijce, quòd magna pars hominum est, quę reuerti ad innocentiam possit. Sed non tamen vulgò agnoscere decet. nam vbi discrimen inter malos bonosq̃ue sublatum est, confusio sequitur

quitur, & vitiorum eruptio. Itaque adhibenda est moderatio, quæ sanabilia ingenia distinguere à deploratis sciat. Nec promiscuam habere ac vulgarem clementiam oportet, nec abscisam, nam tam omnibus ignoscere crudelitas est, quàm nulli. Modum tenere debemus: sed quia difficile est temperamentum, quidquid æquo plus futurum est, in partem humaniorem præponderet.

CAP. III. Sed hæc suo loco melius dicentur: nunc in tres partes omnem hanc materiam diuidam, Prima erit manumissionis: secunda quæ naturam clementiæ habitumque demonstrat: nam cum sint vitia quædam virtutes imitantia, non possunt secerni, nisi signa quibus dignoscantur impresseris. tertio loco quæremus, quomodo ad hanc virtutem perducatur animus, quomodo confirmet eam, & usu suam faciat. Nullam verò ex omnibus virtutibus magis homini convenire, cum sit nulla humanior, cõstet necesse est: non solum inter nos, qui hominem sociale animal, communi bono genitum videri volumus: sed etiam inter illos, qui hominem voluptati donant, quorum omnia dicta factaque ad utilitatem suam spectant. nam si quietem petit & otium, hanc virtutem naturæ suæ nactus est, quæ pacem amat, & manus retinet. Nullum tamen clementia ex omnibus magis, quàm regem aut Principem decet. Ita enim vir-

ntes magnis viris decori gloriæque sunt, si illis salutaris potentia est. nam pestifera vis est, valere ad nocendum. Illius demum magnitudo stabilis fundataque est, quem omnes tam supra se esse, quam pro se sciunt; cuius curam excubare pro salute singulorum atq; vniuersorum quotidie experiuntur; quo procedente, non tanquam malum aliquod aut noxium animal è cubili profilierit, diffugiunt, sed tamquam ad clarum ac beneficum sidus certatim aduolant, obijcere se pro illo mucronibus insidiantium paratissimi, & substernere corpora sua, si per stragem illi humanam, iter ad salutem struendum sit. Somnum eius nocturnis excubijs muniunt: latera obiecti circumfusi que defendunt: incurrentibus periculis se opponunt. Non hic est sine ratione populis vrbibusque consensus, sic protegendis amandisque reges, & se suaque iactandi, quocunque desiderauerit imperantis salus. Nec hæc vilitas sui est, aut dementia, pro vno capite tot millia excipere ferrum, ac multis mortibus vnâ animam redimere, nonnunquam senis & inualidi. Quemadmodum totum corpus animo deseruit, & cum hoc tanto maius tantoque speciosius sit, ille in occulto maneat tenuis, & in qua sede latitet incertus: tamen manus, pedes, oculi negotium illi gerunt; illum hæc cutis munit, illius iussu iacemus, aut inquieti discurremus; cum ille imperauit, siue

siue avarus dominus est, mare lucri causa scrutamur; siue ambitiosus, iamdudum dexteram flammis obiecimur, aut voluntariè substituimus: sic hæc immensa multitudo, vnius animæ circumdata, illius spiritu regitur, illius ratione flectitur, pressura se ac fractura viribus suis, nisi consilio sustineretur.

CAP. IV. Suam itaque incolumitatem amant, cum pro vno homine denas legiones in aciem deducunt, cum in prima fronte procurrunt, & aduersa vulneribus pectora ferunt, ne Imperatoris sui signa vertantur. Ille est enim vinculum, per quod Resp. cohæret: ille spiritus vitalis, quem hæc tot millia trahunt: nihil ipsa per se futura, nisi onus & præda, si mens illa imperij subtrahatur:

*Rege incolumi mens omnibus vna,
Amisso rupere fidem.*

Hic casus Romanæ pacis exitium erit, hic tanti fortunam populi in ruinas ager. Tandiu ab isto periculo aberit hic populus, quandiu sciet ferre frænos: quos si quando abruperit, vel aliquo casu discussos reponi sibi passus non erit, hæc vnitas & hic maximi imperij contextus in partes multas dissiliet: idemque huic vrbi dominandi finis erit, qui patendi fuerit. Ideo Principes regesque, & quocunque alio nomine sunt tutores status publici, non est mirum amari ultra priuatas etiam necessitudines. Nam si sanis hominibus publi-

ea priuatis potiora sunt: sequitur, ut is quoque carior sit, in quem se Respub. conuertit. Olim enim ita se induit Reipub. Cæsar, ut diduci alterum non possit, sine vtriusque perniciæ. nam ut illi viribus opus est, ita & huic capite.

CAP. V. Longius videtur recessisse à proposito oratio mea: at mehercules rem ipsam premit. Nam si, quod adhuc colligitur, animus Reipub. tu es, illa corpus tuum: vides, ut puto, quàm necessaria clementia sit. tibi enim parcis, cùm videris alteri parcere. Parcendum itaq; est etiam improbandis ciuibus, non aliter quàm membris languentibus: & si quando misso sanguine opus est, sustinendum est, ne vltra quàm necesse sit incidas. Est ergo, ut dicebam, clementia omnibus quidem hominibus secundùm naturam, maximè tamen decora Imperatoribus: quanto plus habet apud illos quod seruet, quantoque in maiore materia apparet. Quantulum enim nocet priuata crudelitas? Principum sæuitia, bellum est. Cùm autem virtutibus inter se sit concordia, nec vlla altera melior aut honestior sit: quædam tamen quibusdam personis aptior est. Decet magnanimitas quemlibet mortalem, etiam illum infra quẽ nihil est. Quid enim maius, aut fortius, quàm malam fortunã retundere? Hæc tamen magnanimitas in bona fortuna latiore locum habet, meliusque in tribunali, quàm in plano conspicitur.

spicitur . Clementia in quamcunque domum peruenerit , eam felicem tranquillamque præstabit: sed in regia quò rarior, eò mirabilior. Quid enim est mirabilius , quàm cum, cuius iræ nihil obstat , cuius grauiori sententiæ ipsi qui pereunt assentiuntur , quem nemo interrogaturus est , imò si vehementiùs excanduit , nec deprecaturus quidem, ipsum sibi manum injicere , & potestate sua in melius placidiusque uti ? hoc ipsum cogitantem: Occidere contra legem nemo non potest : seruare nemo, præter me . Magnam fortunam magnus animus decet: qui nisi se ad illam extulit, & altior steterit, illam quoque infra terram deducit. Magni autem animi est proprium, placidum esse, tranquillumque , & iniurias atque offensiones superne despicere . Muliebre est , furere in ira : ferarum verò , nec generosarum quidem , præmordere & urgere proiectos . Elephantes leonesque transeunt , quæ impulerunt : ignobilis bestię pertinacia est . Non decet regem seua, & inexorabilis ira: non multum enim supra eum eminet, cui se irascendo exæquat: at si dat vitam, si dat dignitatem periclitantibus & meritis amittere , facit quod nulli nisi rerum potenti licet . Vita enim etiam superiori eripitur , nunquam nisi inferiori datur . Seruare , proprium est excellentis fortunæ : quæ nunquam magis suspici debet, quàm cum illi contingit idem posse quod
diis,

diis, quorum beneficio in lucem edimur, tam boni quàm mali. Deorum itaque sibi animum asserens Princeps, alios ex ciuibus suis, quia vtilis bonique sunt, libens videat, alios in numerum relinquat: quosdam esse gaudeat, quosdam patiatur.

CAP. VI. Cogitate in hac ciuitate, in qua turba per latissima itinera sine intermissione defluens eliditur, quotiens aliquid obstitit, quod cursum eius velut torrentis rapidi moraretur: in qua tribus eodem tempore theatri viæ postulantur: in qua consumitur, quidquid terris omnibus aratur: quanta solitudo & vastitas futura sit, si nihil relinquitur, nisi quod iudex seuerus absoluerit. Quotus quisque ex quæstoribus est, qui non ea ipsa lege teneatur, qua quærit? Quotus quisque accusator vacat culpa? & nescio, an nemo ad dandam veniam difficilior sit, quàm qui illam petere sæpiùs meruit. Peccauimus omnes: alij grauiora, alij leuiora, alij ex destinato, alij fortè impulsì, aut aliena nequitia ablati: alij in bonis consiliis parùm fortiter stetimus, & innocentiam inuiti ac renitentes perdidimus. Nec delinquimus tantùm, sed vsque ad extremum æui delinquemus. Etiam si quis tam benè purgauit animum, vt nihil obturbare eum ampliùs possit ac fallere, ad innocentiam tamen peccando peruenit.

CAP. VII. Quoniam deorum feci mentionem, optimè hoc exemplum Principi

constituam, ad quod formetur, ut se talem esse ciuibus, quales sibi deos velit. Expedit ergo habere inexorabilia peccatis atque erroribus numina? expedit usque ad ultimam infesta perniciem? Ecquis regum erit tutus, cuius non membra aruspices colligant? Quod si dii placabiles, & æqui, delicta potentium non statim fulminibus persequuntur: quanto æquius est, hominem hominibus præpositum, miti animo exercere imperium, & cogitare, utrùm mundi status gratior oculis pulchriorque sit sereno & puro die, an cum fragoribus crebris omnia quatiuntur, & ignes hinc atque illinc micant? Atqui non alia facies est quieti moderatique imperij, quàm serenæ cæli & nitentis. Crudele regnum, turbidum, tenebrisque obscurum est, inter trementes & ad repentinum sonitum expauescentes, nec eo quidem qui omnia turbat inconcusso. Facilius priuatis ignoscitur, pertinaciter se vindicantibus. possunt enim lædi, dolorque eorum ab iniuria venit. timent præterea contemptum: & non retulisse lædentibus gratiam, infirmitas videtur, non clementia. At cui ultio in facili est, is omisâ ea, certam laudem mansuetudinis consequitur. Humili loco positus exerere manum, litigare, in rixam procurrare, ac morem iræ suæ gerere, liberius est: leues inter paria ictus sunt: regi vociferatio quoque, verborumque intemperantia, non ex maiestate est.

CAP.

CAP. VIII. Graue putas, eripi loquendi arbitrium regibus, quod humillimi habent? Ista, inquis, seruitus est, non imperium. Quid tu, non experiris istud nobis esse, non tibi seruitutem? Alia conditio est eorum qui in turba, quam non excedunt, latent: quorum & virtutes ut appareant, diu luctantur, & vitia tenebras habent. Vestra facta dictaque rumor excipit: & ideo nullis magis cauendum est, qualem famam habeant, quam qui qualemcunque meruerint, magnam habituri sunt. Quam multa tibi non licent, quæ nobis beneficio tuo licent? Possum in qualibet parte urbis solus incedere, sine timore, quamuis nullus sequatur comes, nullus sit domi, nullus ad latus gladius: tibi in tua pace armato viuendum est. Aberrare à fortuna tua non potes: obsidet te, & quocunque descendis, magno apparatu sequitur. Et hæc summa magnitudinis seruitus est, non posse fieri minorem; sed cum diis tibi communis ista necessitas est. nam illos quoque cælum alligatos tenet: nec magis illis descendere datum est, quam tibi tutum. Fastigio tuo affixus es. Nostros motus pauci sentiunt. prodire nobis, ac recedere, & mutare habitum sine sensu publico licet: tibi non magis, quam Soli, latere contingit. Multa contra te lux est, omnium in istam conuersi oculi sunt. Prodire te putas? oriris, loqui non potes, nisi ut vocem tuam, quæ ubique sunt gen-

tes, excipiant. irasci non potes, nisi ut omnia tremant. sic neminem potes affligere, nisi ut quidquid circa fuerit, quatiatur. Ut fulmina paucorum periculo cadunt, omnium metu; sic animadversiones magnarum potestatum terrent latius, quam nocent: non sine causa. Non enim quantum fecerit, sed quantum facturus sit, cogitatur in eo, qui omnia potest. Adijce nunc, quod priuatos homines ad accipiendas iniurias opportuniore, acceptarum patientia facit: regibus certior est ex mansuetudine securitas. Quia frequens vindicta paucorum odium reprimat, omnium irritat: voluntas oportet antè saeuendi, quàm causa deficiat. Alioquin quemadmodum præcisæ arbores plurimis ramis repullulant, & multa satorum genera ut densiora surgant, reciduntur: ita regia crudelitas augeat inimicorum numerum, tollendo. Parentes enim liberi quæ eorum, qui interfecti sunt, & propinqui, & amici, in locum singulorum succedunt.

CAP. IX. Hoc quàm verum sit, adinonere te exemplo domestico volo. Diuus Augustus fuit mitis Princeps, si quis illum à principatu suo æstimare incipiat: in communi quidem Rep. gladium mouit. Cùm hoc ætatis esset, quod tu nunc es, duodeuicesimum egressus annum, iam pugiones in sinu amicorum absconderat, iam insidiis M. Antonij consulis latus petie-

tierat, iam fuerat collega proſcriptionis: ſed cū annum quadrageſimum tranſiſſet, & in Gallia moraretur, delatum eſt ad eum indicium, L. Cinna, ſtolidi ingenij virum, inſidias ei ſtruere: Dictum eſt & ubi, & quando, & quemadmodum aggredi vellet. vnus ex conſciis deferebat. Conſtituit ſe ab eo vindicare: conſilium amicorum aduocari iuſſit. Nox illi inquieta erat, cū cogitaret adoleſcentem nobilem, hoc detracto, integrum, Cn. Pompeij nepotem damnandum. Iam vnum hominem occidere non poterat: cū M. Antonio proſcriptionis ediſtum inter cœnam dictarat. Gemens ſubinde voces emittebat varias, & inter ſe contrarias. Quid ergo? ego percuſſorem meum ſecurum ambulare patiar, me ſollicito? Ergo non dabit pœnas, qui tot ciuilibus bellis fruſtra petiſſet caput, tot naualibus, tot peſtibus præliis incolume, poſtquam terra marique pax parta eſt, non occidere conſtituit, ſed immolare? nam ſacrificantem placuerat adoriri. Rurſus ſilentio interpoſito, maiore multo voce ſibi, quàm Cinnae, irascebatur: Quid vniſ, ſi perire te tam multorum intereſt? quis finis erit ſuppliciorum? quis ſanguinis? Ego ſum nobilibus adoleſcentulis expoſitum caput, in quod mucrones acuant. Non eſt tanti vita, ſi, vt ego non peream, tam multa perdenda ſunt. Interpellauit tandem illum Liuiæ vxor: &, Admittis, inquit, muliebre:

consilium? Fac quod medici solent: qui ubi vsitata remedia non procedunt, tentant contraria. Seueritate nihil adhuc profecisti: Saluidienum Lepidus secutus est, Lepidum Muræna, Murænam Cæpio, Cæpionem Egnatius, vt alios taceam, quos tantum ausos pudet: nunc tenta, quomodo tibi cedat clementia. Ignosce L. Cinna. deprehensus est: iam nocere tibi non potest, prodesse famæ tuæ potest. Gaius sibi, quòd aduocatum inuenerat, vxori quidem gratias egit: renuntiari autem extemplo amicis, quos in consilium rogauerat, imperauit, & Cinna vnum ad se accersit: dimissisque omnibus è cubiculo, cum alteram Cinnae poni Cathedram iussisset: Hoc, inquit, primum à te peto, ne me loquentem interpelles, ne meo sermone medio proclames: dabitur tibi loquendi liberum tempus. Ego te, Cinna, cum in hostium castris inuenissem, non factum tantum mihi inimicum, sed natum, seruaui, patrimonium tibi omne concessi. Hodie tam felix es, & tam diues, vt victo victores inuideant. Sacerdotium tibi petenti, præteritis compluribus, quorum parentes mecum militauerant, dedi. Cum sic de te meruerim, occidere me cōstituisti. Cum ad hanc vocem exclamasset, procul hanc ab se abesse dementiam: Non præstas, inquit, fidem, Cinna: conuenerat, ne interloquereris. Occidere, inquam, me paras. adiecit locum, socios, diem, ordinem infidia-

diarum, cui commissum esset ferrum. E
 cum defixum videret, nec ex conuentione
 iam, sed ex conscientia tacentem: Quo, in-
 quit, hoc animo facis? Vt ipse sis princeps?
 malè mehercule cum Republica agitur, si
 tibi ad imperandum nihil præter me ob-
 stat. Domum tueri tuam non potes. nu-
 per libertini hominis gratia, in priuato
 iudicio superatus es. Adeò nihil facilius
 potes, quàm contra Cæsarem aduocare?
 Cedo, si spes tuas solus impedio. Paullus-
 ne te, & Fabius Maximus, & Cossi, & Ser-
 uilij ferent, tantumque agmen nobilium,
 non inania nomina præferentium, sed eo-
 rum qui imaginibus suis decori sunt? Ne
 totam eius orationem repetendo, ma-
 gnā partem voluminis occupem: diu-
 tius enim quàm duabus horis locutum
 esse constat, cum hanc pœnam, qua sola
 erat contentus futurus, extenderet; Vi-
 tam tibi, inquit, Cima, iterum do, prius
 hosti, nunc insidiatori ac parricidæ. Ex
 hodierno die inter nos amicitia incipiat:
 contendamus, utrū ego meliore fide
 vitam tibi dederim, an tu debeas. Post
 hæc detulit ultro consulatum, questus,
 quòd non auderet petere, amicissimum
 fidelissimumque habuit, heres solus fuit
 illi: nullis ampliùs insidiis ab illo peti-
 tus est.

CAP. X. Ignouit abauus tuus victis,
 nam si non ignouisset, quibus imperasset?
 Sallustium, & Cocceios, & Duillios, & to-

tam cohortem primam admiſſionis, ex aduerſariorum caſtris conſcripſit. Iam Domitios, Meſſallas, Aſinios, Cicerones, & quidquid floris in ciuitate erat, clementiæ ſuæ debebat. Ipſum Lepidum quandiu mori paſſus non eſt? Per multos annos tulit ornamenta principis retinentem: & pontificatum maximum, non niſi mortuo illo, transferri in ſe paſſus eſt. maluit enim illum honorem vocari, quàm ſpolium. Hæc cum clementia ad ſalutem ſecuritatemque perduxit; hæc gratum ac fauorabilem reddidit; quamuis nondum ſubactis Reipub. ceruicibus manum impoſuiſſet; hæc hodieque præſtat illi famam, quæ vix viuſ principibus ſeruit. Deum eſſe, non tanquam iuſſi credimus. Bonum principem Auguſtum, & benè illi conueniſſe parentis nomen, fatemur: ob nullam aliam cauſam, quàm quòd contumelias quoque ſuas, quæ acerbiores principibus ſolent eſſe, quàm iniuriæ, nulla crudelitate exſequebatur: quòd probroſis in ſe dictis arrifit: quòd dare illum pœnas apparebat, cum exigeret: quòd quòſeunque ob adulterium filiæ ſuæ damnauerat, adeò non occidit, vt dimiſſis, quò tutiores eſſent, diplomata daret. Hoc eſt ignoſcere, cum ſcias multos futuros qui pro te irascentur, & tibi alieno ſanguine gratificentur, non dare tantùm ſalutem, ſed præſtare.

CAP. XI. Hæc Auguſtus ſenex, aut iam
in

in senectutem annis vergentibus : in adolescentiâ caluit , arsit ira , multa fecit , ad quæ inuitus oculos retorquebat . Comparare nemo mansuetudini tuæ audebit diuum Augustum , etiam si in certamen iuuenilium annorum deduxerit senectutem plus quàm maturam . Fuerit moderatus & clemens : nempe post mare Actiacum Romano cruore infectum , nempe post fractas in Sicilia classes , & suas & alienas : nempe post Perusinas aras , & proscriptiones . Ego verò clementiam non voco , lassam crudelitatem . Hæc est , Cæsar , clementia vera , quam tu præstas , quæ non scævitæ poenitentia cœpit : nullam habere maculam , nunquam ciuilem sanguinem fudisse . Hæc est in maxima potestate , verissima animi temperantia , & humani generis incomprehensibilis amor , non cupiditate aliqua , non temeritate incendi , non priorum principum exemplis corruptum , quantum in ciues suos liceat , experiendo tentare , sed hebetare aciem imperij sui . Præstitisti , Cæsar , ciuitatem incruentam , & hoc quod magno animo gloriatus es , Nullam te toto orbe stillam cruoris humani misisse : eò maius est mirabiliusque , quòd nulli vnquã citius gladius commissus est . Clementia ergo non tantum honestiores , sed tutiores præstat : ornamentumque imperiorum est , simul certissima salus . cum reges consenuerint , liberisque ac nepotibus tradiderint re-

gna, tyrannorum execrabilis ac brevis potestas est. Quid interest inter tyrannum & regem? species enim ipsa fortunæ ac licentia par est, nisi quod tyranni voluptate sæuiunt, reges non nisi ex causâ ac necessitate.

CAP. XII. Quid ergo? non reges quique occidere solent? sed quoties id fieri publica utilitas persuadet. tyrannis sæuitia cordi est. Tyrannus autem à rege distat factis, non nomine. Nam & Dionysius maior iure meritoque præferri multis regibus potest: & L. Sullam appellari tyrannum quid prohibet, cui occidendi finem fecit inopia hostium? Descenderit licet Dictatura sua, & se togæ reddiderit: quis tamen umquam tyrannus tam auidè humanum sanguinem bibit, quàm ille, qui septem millia ciuium Romanorum, contrucidari iussit? Et cum in vicino, ad ædem Bellonæ sedens, exaudivisset conclamationem tot millium sub gladio gementium, exterrito senatu: Hoc agamus, inquit, P. C. seditiosi pauculi meo iussu occiduntur. Hoc non est mentitus: pauci Sullæ videbantur. Sed mox de Sulla consequemur, quomodo hostibus irascendum sit: utique si in hostile nomen ciues, & ex eodem corpore abrupti, transierint. Interim hoc quod dicebam, clementia efficit, ut magnum inter regem tyrannumque discrimen sit: uterque licet non minùs armis valletur. sed

sed alter arma habet, quibus in munimentum pacis utitur; alter ut magno timore magna odia compescat. Nec illas ipsas manus, quibus se commisit, securus aspicit: contrarijs in contraria agitur. nam & inuisus est, quia timetur, & timeri vult, quia inuisus est: & illo execrabili versu, qui multos dedit præcipites, utitur:

Oderint dum metuant.

ignarus quanta rabies oriatur, ubi supra modum odia creuerunt. Temperatus enim timor cohibet animos: assiduius verò & acer, & extrema admouens, in audaciam iacentes excitat, & omnia experiri suadet. Sic feras lineis & pinna clusas contineas: easdem à tergo eques telis incessat: tentabunt fugam per ipsa quæ fugerant, proculcabuntque formidinem. Acerrima virtus est, quam vltima necessitas extundit. Relinquat oportet securi aliquid metus, multòque plus spei, quàm periculorum, ostendet: alioquin ubi quiescenti paria metuuntur, incurrere in pericula iuuat, & aliena anima abuti. Placido tranquilloque regi fida sunt auxilia sua; quibus ad communem salutem utatur: gloriosusque miles (publicæ enim securitati dare operam videtur) omnem laborem libens patitur, ut parentis custos. At illum acerbum, & sanguinarium, necesse est grauentur stipatores sui.

CAP. XII. Non potest habere quis-

quisquam bonæ ac fidæ voluntatis ministros, quibus in tormentis, & eculeo, & ferramentis ad mortem paratis vitur, quibus non aliter quàm bestiis homines obiectat: omnibus reis noxior ac sollicitior, ut qui homines deosque testes ac vindices facinorum timeat, eò perductus, ut non liceat illi mutare mores. Hoc enim inter cetera, vel pessimum habet crudelitas: quod perseverandum est, nec ad meliora patet regressus. Scelera enim, sceleribus tuenda sunt. quid autem eo infelicius, cui iam esse malo necesse est? O miserabilem illum, sibi certè! nam ceteris misereri eius nefas sit, qui cædibus ac rapinis potentiam exercuit, qui suspecta sibi cuncta reddidit, tam externa quàm domestica: cum arma metuat, ad arma confugiens: non amicorum fidei credens, non liberorum pietati. Quid ubi circumspexit quæque fecit, quæque facturus est, & conscientiam suam plenam sceleribus ac tormentis adaperuit: sæpè mortem timet, sæpiùs optat, inuisior sibi quàm seruiantibus. E contrario, is cui curæ sunt vniuersa, quamquam alia magis, alia minus tuetur, nullam non Reip. partem tamquam sui nutrit, inclinatus ad mitiora; etiam si ex usu est animaduertere; ostendens quàm inuitus aspero remedio manus admoveat: in cuius animo nihil hostile, nihil efferum est. Qui potentiam suam
placide

placide ac salutariter exercet, approbare imperia sua ciuibus cupiens: felix abunde sibi visus, si fortunam suam publicauerit; sermone affabilis, accessuque facilis, vultu, qui maximè populos demeretur, amabilis, æquis desiderijs propensus, & iniquis acerbis, à tota ciuitate amatur, defenditur, colitur. Eadem de illo homines secretò loquuntur, quæ palàm. Tollere filios cupiunt, & publicis malis sterilitas indicta recluditur: benè se meritorium de liberis suis quisque non dubitat, quibus tale sæculum ostenderit. Hic Princeps suo beneficio tutus, nihil præsidij eget: arma ornamentis causa habet.

C A P. XIV. Quod ergo officium eius est? quod bonorum parentum: qui obiurgare liberos nonnunquam blandè, nonnunquam minaciter solent, aliquando admonere etiam verberibus. Numquid aliquis sanus filium, ad primam offensam, exhereditat? nisi magnæ & multæ iniuriæ patientiam euicerint, nisi plus est quod timet, quàm quod damnat, non accedit ad decretorium stilum. Multa antè tentat, quibus dubiam indolem, & peiore loco iam positam, renocet: simul deplorata est; vltima experitur. Nemo ad supplicia exigenda peruenit, nisi qui remedia consumpsit. Hoc quod parenti, etiam Principi faciendum est; quem appellauimus Patrem patriæ, non adulatione

tionem vana adducti . Cetera enim cognomina honori data sunt . Magnos & Felices & Augustos diximus , & ambrosæ maiestati quidquid potuimus titulorum concessimus , illis hoc tribuentes . Patrem quidem patriæ appellauimus , ut sciret datam sibi potestatem patriam : quæ est temperatissima , liberis consulens , suæque post illos ponens . Tardè sibi pater membra sua abscindat : etiam cum absciderit , reponere cupiat : & in abscindendo gemit , cunctatus multum diuque . Propè enim est ut libenter damnet , qui citò : propè ut iniquè puniat , qui nimis . Erixonem equitem Romanum , memoria nostra , quia filium suum flagellis occiderat , populus in foro graphis confodit . Vix illum Augusti Cæsaris auctoritas , infestis tam patrum , quam filiorum manibus eripuit .

CAF. XV. T. Arium , qui filium deprehensum in parricidio , exilio damnauit , causa cognita , nemo non suspexit , quòd contentus exilio , & exilio delegato . Massiliæ parricidam continuit , & annua illi præstitit , quanta præstare integro solebat . Hæc liberalitas effecit , ut in qua ciuitate nunquam deest patronus peioribus , nemo dubitaret , quin reus meritò damnatus esset , quem is pater damnare potuisset , qui odisse non poterat . Hoc ipso exemplo dabo , quem compares bono patri bonum Principem .

Cogni-

Cogniturus de filio T. Arius, aduocauit in consilium Cæsarem Augustum. venit in priuatos penates, assedit, pars alieni consilij fuit. Non dixit: Imò in meam domum veniat. Quod si factum esset, Cæsaris futura erat cognitio, non patris. Audita causa, excussisque omnibus, & his quæ adolescens pro se dixerat, & his quibus arguebatur, petit vt sententiam suam quisque scriberet, ne ea omnium fieret, quæ Cæsaris fuisset. Deinde priusquam aperirentur codicilli, iurauit se T. Arii hominis locupletis hereditatem non adi-
 turum. Dicet aliquis, pusillo animo. timuit, ne videretur locum spei suæ aperire velle, filij damnatione. Ego contrà sentio: Quilibet nostrum debuisset aduersus opiniones malignas satis fiduciæ habere in bona conscientia: Principes multa debent etiam famæ dare. Iurauit se non adi-
 turum hereditatem. Arius quidem eodem die & alterum heredem perdidit, sed Cæsar libertatem sententiæ suæ redemit: & postquam approbavit gratuitam esse seueritatem suam, quod principi semper curandum est, dixit, relegandum quò patri videretur. Non culleum, non serpentes, non carcerem decreuit: memor non de quo censeret, sed cui in consilio esset. Mollissimo genere pœnæ contentum esse debere patrem dixit, in filio adolescentulo, impulsio in id scelus, in quo se, quod proximum erat ab innocentia, timidè
 gessisset:

gessisset : debere illum ab vrbe & à parentis oculis submoueri.

CAP. XVI. O dignum , quem in consilium patres aduocarent ! ò dignum quem coheredem innocentibus liberis scriberent ! Hæc clementia Principem decet , vt quocunque venerit , mansuetiora omnia faciat . Nemo regi tam vilis sit , vt illum perire non sentiat . qualiscunque , pars imperij est . In magna imperia ex minoribus petamus exemplum . Non est vnum imperandi genus . imperat Princeps ciuibus suis , pater liberis , præceptor discipulis , tribunus vel centurio militibus . Nonne pessimus pater videbitur , qui assiduus plagis liberos , etiam ex leuissimis causis , compescet ? Vter autem præceptor liberalibus studijs dignior , qui excarnificat discipulos , si memoria illis non constiterit , aut si parùm agilis in legendo oculus hæserit : an qui monitionibus , & verecundia , emendare ac docere malit : tribunum centurionemque da seuum : desertores faciet , quibus tamen ignoscitur . Numquidnam æquum est , grauius homini & durius imperari , quàm imperatur animalibus mutis ? atqui equum non crebris verberibus exterrere , dornandi peritus magister . Fiet enim formidolosus & contumax , nisi eum tactu blandiente permulseris . Idem facit venator , qui instituit catulos vestigia sequi , qui que iam exercitatis vtitur ad excitandas , vel persequendas feras . Nec crebro.

brò illis minatur: contunditur enim animus, & quidquid est indolis, comminuitur trepidatione degeneri: nec licentiam vagandi errandique passim concedit. Adjicias his licet, tardiora agentes iumenta: quæ cum ad contumelias & miseras nata sint, nimia sæuitia coguntur iugum detrectare.

CAP. XVII. Nullum animal morosius est, nullum maiore arte tractandum, quàm homo: nulli magis parcendum. Quid enim stultius, quàm in iumentis quidem & canibus erubescere iram exercere, pessima autem conditione hominem esse? Morbis medemur, nec irascimur: atqui & hic morbus animi mollem medicinam desiderat, ipsumque medentem minimè infestum ægro. Mali medici est, desperare, ne curet. Idem in his, quorum animus affectus est, facere debet, cui credita salus omnium est: non citò spem proijcere, nec mortifera signa pronunciare. Luctetur cum vitijs, resistat; alijs morbum suum exprobet; quosdam molli curatione decipiat, citius meliusque sanaturus remedijs fallentibus. Agat Princeps curam, non tantùm salutis, sed etiam honestæ cicatricis. Nulla regi gloria est ex sæua animaduersione: quis enim dubitat posse? at contrà maxima, si vim suam continet, si multos iræ alienæ eripuit, neminem suæ impendit.

CAP. XVIII. Seruis imperare moderate,

deratè, laus est : & in mancipio cogitandum est, non quantum illud impune pati possit, sed quantum tibi permittat æqui bonique natura? quæ parcere etiam captivis, & pretio paratis, iubet. Quanto iustius hominibus liberis, ingenuis, honestis, non ut mancipijs abuti, sed his quos gradu antecedas, quorumque tibi non tradita servitus sit, sed tutela? Servis ad statuum licet confugere. cum in servum omnia liceant, est aliquid, quod in hominem licere commune ius animantium vetet : quia eiusdem naturæ est, cuius tu. Quis non Vedium Pollionem peius odebat, quàm servi sui, quod murænas sanguine humano saginabat ; & eos qui se aliquid offenderant, in viuarium, quid aliud quàm serpentibus, obijci iubebat? O hominem mille mortibus dignum! siue deuorandos servos obijciebat murænis, quas esurus erat, siue in hoc tantum illas alebat, ut sic aleret. Quemadmodum domini crudeles tota ciuitate commonstrantur, inuisi que & detestabiles sunt : ita regum & iniuria latius patet, & infamia, atque odium sæculis traditur. Quanto autem non nasci melius fuit, quàm numerari inter publico malo natos.

CAP. XIX. Excogitare nemo quicquam poterit, quod magis decorum regenti sit quàm clementia : quocunque modo is, & quocunque iure præpositus ceteris erit. Eò scilicet formosius id esse, magni-

gnificentiusque fatebimur, quò in maiori præstabitur potestate: quam non oportet noxiam esse, si ad naturæ legem componitur. Natura enim commenta est regem: quod & ex alijs animalibus licet cognoscere, & ex apibus: quarum regi amplissimum cubile est, medioque ac tutissimo loco. Præterea onere vacat, exactor alienorum operum: & amissio rege, totum dilabitur examen. nec unquam plus unum patiuntur, melioremque pugna quærunt. Præterea insignis regi forma est, dissimilisque ceteris, tum magnitudine, tum nitore: hoc tamen maximè distinguitur. Iracundissimæ, ac pro corporis captu pugnacissimæ sunt apes, & aculeos in vulnere relinquunt: rex ipse sine aculeo est. Noluit illum natura nec sævum esse, nec ultionem magno constaturam petere: telumque detraxit, & iram eius inermem reliquit. Exemplar hoc magnis regibus ingens est. Est enim illi mos, exerere se in parvis, & ingentium rerum documenta minima agere. Pudeat ab exiguis animalibus non trahere mores: cum tantò hominum moderatior esse animus debeat, quantò vehementius nocet. Utinam quidem eadem homini lex esset: & ira cum telo suo frangeretur: nec sæpius liceret nocere quàm semel, nec alienis vitibus exercere odia! facile enim lassaretur furor, si per se sibi satisfaceret, & si mortis periculo vim suam effunderet. Sed ne

nunc

nunc quidem illi cursus tutus est. Tantum enim necesse est timeat, quantum timeri voluit: & manus omnium obseruet, & eo quoque tempore quo non captatur, peti se iudicet, nullumq; momentum immune à metu habeat. Hanc aliquis egram vitam sustinet: cum liceat innoxium, atque ob hoc securum, salutare potentiae ius, lætis omnibus, tractare? Errat enim, si quis existimat tutum esse ibi regem, ubi nihil è rege tutum est. Securitas securitate mutua paciscenda est. Non opus est instruere in altum editas arces, nec in adfensum arduos colles emunire, nec latera montium abscindere, multiplicibus semuris turribusque sepire; saluum regem in aperto clementia præstabit. Vnum est inexpugnabile munimentum, amor ciuium. Quid pulchrius est, quam viuere optantibus cunctis, & vota non sub custode nuncupantibus? si paulum valetudo titubauit, non spem hominum excitari, sed metum? nihil esse cuiquam tam pretiosum, quod non pro salute præsidis sui cominutatum velit? omne quod illi contingit, sibi quoque euenire deputet? In hoc assiduis bonitatis argumentis probauit, non Remp. suam esse, sed se Reipublicæ. Quis huic audeat struere aliquod periculum? quis ab hoc non, si possit, fortunam quoque auertere velit, sub quo iustitia, pax, pudicitia, securitas, dignitas florent? sub quo opulenta ciuitas copia bonorum omnium

omnium abundat? Nec alio animo rectorem suum intuetur, quàm si dii immortales potestatem visendi sui faciant: intue-remur venerantes colentesque. Quid autem? non proximum illis locum tenet is, qui se ex deorum natura gerit, beneficus ac largus, & in melius potens? Hæc affectare, hæc imitari decet: maximum ita haberi, ut optimus simul habeatur.

C A P. XX. Duabus de causis punire princeps solet, si aut se vindicat, aut alium. Prius de parte disseram, quæ ipsum contingit. difficilius est enim moderari, ubi dolori debetur ultio, quàm ubi exemplo. Superuacuum est hoc loco admonere, ne facile credat, ut verum excutiat, ut innocentia faueat, ut appareat, non minus rem agi periclitantis, quàm iudicis: hoc ad iustitiam, non ad clementiam pertinet. Nunc illum hortamur, ut manifestè læsus, animum in potestate habeat: & pœnam, si tutò poterit, donet: sin minus, temperet: longeque sit in suis, quàm in alienis, exorabilior iniurijs. Nam quemadmodum non est magni animi, qui de alieno liberalis est, sed ille qui quod alteri donat, sibi detrahit: ita clementem vocabo, non in alieno dolore facilem, sed eum qui cum suis stimulis exagitetur, non proflit: qui intelligit magni animi esse, iniurias in summa potentia pati, nec quidquam esse gloriosius principe impune læso.

C A P. XXI. Ultio duas res præstare solet:

let : aut solatium affert ei qui accipit iniuriam, aut in reliquum securitatem . Principis maior est fortuna , quàm vt tali solatio egeat : manifestiorque vis , quàm vt alieno malo opinionem sibi virium quærat . Hoc dico , cùm ab inferioribus petitus violatusque est : nam si quos pares aliquando habuit , infra se videt , satis vindicatus est . Regem & seruus occidit, & ferpens, & sagitta: seruauit quidem nemo, nisi maior eo quem seruauit. Vti itaque animosè debet tanto munere decorum , dandi auferendique vitam potens: in his præsertim , quos scit aliquando suo fastigio obstitisse : hoc arbitrium adeptus , ultionem impleuit , perfecitque quantum veræ pœnæ fatis erat . Perdidit enim vitam , qui debet : & quisquis ex alto ad inimici pedes abiectus , alienam de capite suo regiamque sententiam expectauit, in seruatoris sui gloriam viuet , plusque nomini eius conferet incolumis , quàm si ex oculis ablatus esset . Assiduum enim spectaculum alienæ virtutis est: in triumpho citò transisset : Si verò regnum quoque suum tutò relinquî apud eum potuit , reponique eò vnde dec derat, ingenti incremento surgit laus eius, qui contentus fuit, ex rege victo nihil, præter gloriam sumere . Hoc est etiam ex victoria sua triumphare, testarique , nihil se quod dignû esset victore , apud victos inuenisse . Cum ciuibus , & ignotis , atque humilibus , eò
mode-

moderatiùs agendum est, quò minoris est afflixissè eos. Quibusdam libenter parcas: à quibusdam te vindicare fastidias, & non aliter quàm in animalibus paruis & obrepentem inquinantibus, reducenda manus est: at in iis qui in ore ciuitatis seruati puniriq̃ue erunt, occasione notæ clementiæ utendum est.

C A P. X X I I. Transeamus ad alienas iniurias: in quibus vindicandis, hæc tria lex secuta est, quæ Princeps quoque sequi debet: aut vt eum quem punit, emendet; aut vt pœna eius ceteros meliores reddat; aut vt sublatis malis securiores ceteri viuant. Ipsos faciliùs emendabis minòre pœna: diligentius enim viuunt, cui aliquid integri superest. Nemo dignitati perditæ parcat. impunitatis genus est iam non habere pœnæ locum. Ciuitatis autem mores magis corrigit parcitas animaduersionum. facit enim consuetudinem peccandi, multitudo peccantium: & minùs grauis nota est quam turba damnatorum leuat: & seueritas, quod maximum remedium habet, assiduitate amittit auctoritatem. Constituit bonos mores ciuitati Princeps, & vitia eius feliciùs compescit, si patiens eorùm est, non tanquam probet, sed tanquam inuitus, & cum magno tormento ad castigandum veniat. Verecundiam peccandi facit ipsa clementia regentis. Grauior multo pœna videtur, quæ à miti viro constituitur.

Q

CAP.

CAP. XXIII. Præterea videbis ea sæpè committi, quæ sæpè vindicantur. Pater tuus plures intra quinquennium culleo infuit, quàm omnibus sæculis infutos accepimus. Multo minùs audebant liberi nefas ultimum admittere, quandiu sine lege crimen fuit. Summa enim prudentia altissimi viri, & rerum naturæ peritissimi maluerunt, velut incredibile scelus, & ultra audaciam positum præterire, quàm dum vindicant, ostendere posse fieri. Itaque parricidæ cum lege cœperunt, & illis facinus pœna monitrauit. pessimo loco pietas fuit, postquam sæpiùs culleos vidimus, quàm cruces. In qua ciuitate rarò homines puniuntur, in ea consensus fit innocentiae, & indulgetur velut publico bono. Putet se innocentem esse ciuitas, erit. magis irascitur à communi frugalitate desciscientibus, si paucos eos esse viderit. Periculosum est, mihi crede, ostendere ciuitati, quanto plures mali sint.

CAP. XXIV. In Senatu dicta est aliquando sententia, vt seruos à liberis cultus distingueret: deinde apparuit, quantum periculum immineret, si serui nostri numerare nos cœpissent. Idem scito metuendum esse, si nulli ignoscitur: citò apparebit, pars ciuitatis deterior quanto prægrauet. Non minùs Principi turpia sunt multa supplicia, quàm medico multa funera. Remissiùs imperanti, meliùs pareretur. Natura contumax est humanus animus,

mus, & in contrarium atque arduum nitens, sequiturque facilius, quàm ducitur. Et ut generosi atque nobiles equi, melius facili frano reguntur: ita clementiam voluntaria innocentia impetu suo sequitur, & dignam putat ciuitas, quam seruet sibi. plus itaque hac via proficitur. Crudelitas minimè humanum malum est, indignum tam miti animo. Ferina ista rabies est, sanguine gaudere ac vulneribus: & abiecto homine, in siluestre animal transire.

CAP. XXV. Quid enim interest, oro te Alexander, leoni Lysimachum obiciias, an ipse laceres dentibus tuis? tuum illud os est, tua illa feritas. O quàm cuperes tibi potius vngues esse, tibi rictum illum edendorum hominum capacem! Non exigimus à te, ut manus ista, exitium familiarium certissimum, ulli salutaris sit: ut iste animus ferox, insatiabile gētium malum, citra sanguinem cædemque satietur: clementia vocetur, si ad occidendum amicum, carnifex inter homines eligitur. Hoc est, quare vel maximè abominanda sit sæuitia. quòd excedit fines, primùm solitos, deinde humanos. Noua supplicia conquirat, ingenium aduocat, instrumenta excogitat, per quæ varietur atque extendatur dolor, & delectatur malis hominum. Tunc ille dirus animi morbus ad insaniam peruenit vltimam, cum crudelitas versa est in voluptatem: & iam occidere hominem iuuat. Nam talem virum

à tergo sequitur euersio, odia, venena, gladij. tam multis periculis petitur, quàm multorum ipse periculum est: priuatisque nonnunquam consiliis, aliàs verò consternatione publica circumuenitur. Leuis enim & priuata pernicies, non totas vrbes mouet: quòd latè furere cœpit, & omnes appetit, vndique configitur. Serpentes paruulæ fallunt, nec publicè consequuntur: vbi aliqua solitam mensuram transiit, & in monstrum excreuit, vbi fontes potui infecit, & sufflatu deurit, obteritque, quacunque incessit, ballistis petitur. Possunt verba dare, & euadere pusilla mala: ingentibus obuiam itur. Sic vnus ager nec domum quidem perturbat: at vbi crebris mortibus pestilentiam esse apparuit, conclamatio ciuitatis, ac fuga est, & diis ipsis manus intenduntur. Sub vno aliquo templo flamma apparuit: familia vicinique aquam ingerunt: at incendium vastum, & multas iam domos depastum, parte vrbis obruitur.

CAP. XXVI. Crudelitatem priuatorum serviles quoque manus, sub certo crucis periculo, vltæ sunt: tyrannorum, gentes populique, & quorum erat malum, & hi quibus imminabat, excindere aggressi sunt. Aliquando sua præsidia in ipsos consurrexerunt, perfidiamque, & impietatem, & feritatem, & quidquid ab illis didicerant, in ipsos exercuerunt. Quid enim potest ab eo quisquam sperare, quem malum esse

esse docuit? non diu paret nequitia, nec quantum iubetur, peccat. Sed puta tutam esse crudelitatem: quale eius regnum est? non aliud, quàm captarum urbium forma, & terribiles facies publici metus. Omnia mœsta, turbida, & confusa: voluptates ipsæ timentur. Non conuiuia secura ineunt, in quibus lingua sollicitè etiam ebriis custodienda est: non spectacula, ex quibus materia criminis ac periculi quaritur. Apparentur licèt magna impensa, & regiis opibus, & artificum exquisitis nominibus: quem tamè è ludo in carcerem ire iunet? Quod istud, dii boni, malum est, occidere, sœuire, delectari sono catenarum, & ciuium capita decidere; quocunque ventum est multū sanguinis fundere, aspectu suo terrere ac fugare? Quæ alia vita esset, si leonès vrsique regnarent? si serpentibus in nos, ac noxiissimo cuique animali daretur potestas? Illa rationis expertia, & à nobis immanitatis crimine damnata, abstinent suis, & tuta est etiam inter feras similitudo: apud homines tantum, nec à necessariis quidem rabies temperat sibi, sed externa suaque in æquo habet, quò possit exercitatio à singulorum cædibus; deinde in exitia gentium serpere. Et iniicere tectis ignem, aratrum vetustis urbibus inducere, potentiam putat: & vnum occidi iubere aut alterum, parum imperatorium credit: nisi eodem tempore grex miserrum subiectus stetit, crudelitatem suam in

ordinem coactam putat. Felicitas illa, multis salutem dare, & ad vitam ab ipsa morte reuocare, & mereri clementia ciuicam. Nullum ornamentum Principis fastigio dignius pulchriusque est, quàm illa corona OB. CIVES. SERVATOS. non hostilia arma detracta victis, non currus barbarorum sanguine cruenti, non parta bello spolia. Hæc diuina potentia est, gregatim ac publicè seruare: multos autem occidere, & indiscretos, incendij ac ruinæ potentia est.

LIBER SECVNDVS.

CAPVT I.



T de clementia scriberem, Nero Cæsar, vna me vox tua maximè compulit: quam ego non sine admiratione, & cum diceretur, audisse memini, & deinde aliis narrasse. Vocem generosam, magni animi, magnæ lenitatis: quæ non composita, nec alienis auribus data, subitò erupit; sed bonitatem tuam cum fortuna tua litigantem in medium adduxit. Animaduersurus in latrones duos Burrus præfectus tuus, vir egregius, & tibi Principi natus, exigebat, a te, scriberes, in quos & ex qua causa animaduerti velles. hoc sæpè dilatum, vt aliquando fieret, instabat. Inuitus inuito
cūm

cum chartam protulisset, traderetque, exclamasti: Vellem nescire litteras. O dignam vocem, quam audirent omnes gentes, quæ Romanum imperium incolunt, quæque iuxta iacent dubiæ libertatis, quæque se contra viribus aut animis attollunt! O vocem, in concionem omnium mortalium mittendam, in cuius verba Principes regesque iurent! O vocem publica generis humani innocentia dignam, cui redderetur antiquum illud sæculum! Nunc profectò consentire decebat ad æquum bonumque, expulsa alieni cupiditate, ex qua omne animi malum oritur: pietatem integritatemque, cum fide ac modestia, surgere: & vitia diuturno abusa regno, tandem felici ac puro sæculo dare locum.

CAP. II. Futurum hoc, Cæsar, ex magna parte sperare & confiteri liber. tradetur ista animi tui mansuetudo, diffundeturque paullatim per omne imperij corpus, & cuncta in similitudinem tui formabuntur. A capite bona valetudo. inde omnia vegeta sunt atque erecta, aut languore demissa: prout animus eorum viget, aut marcet. Et erunt ciues, erunt focij digni hac bonitate: & in totum orbem recti mores reuertentur. parceret ubique manibus. Diutius me morari hic patere, non ut blandiar auribus tuis: nec enim mihi hic mos est. maluerim veris offendere, quàm placere adulando. quid

ordinem coactam putat. Felicitas illa, multis salutem dare, & ad vitam ab ipsa morte reuocare, & mereri clementia ciuicam. Nullum ornamentum Principis fastigio dignius pulchriusque est, quàm illa corona OB. CIVES. SERVATOS. non hostilia arma detracta victis, non currus barbarorum sanguine cruenti, non parta bello spolia. Hæc diuina potentia est, gregatim ac publicè seruare: multos autem occidere, & indiscretos, incendiij ac ruinæ potentia est.

LIBER SECVNDVS.

CAPVT I.

VT de clementia scriberem, Nero Cæsar, vna me vox tua maximè compulit: quam ego non sine admiratione, & cum diceretur, audisse memini, & deinde aliis narrasse. Vocem generosam, magni animi, magnæ lenitatis: quæ non composita, nec alienis auribus data, subitò erupit; sed bonitatem tuam cum fortuna tua litigantem in medium adduxit. Animaduersurus in latrones duos Burrus præfectus tuus, vir egregius, & tibi Principi natus, exigebat, à te, scriberes, in quos & ex qua causâ animaduerti velles. hoc sæpè dilatum, vt aliquando fieret, instabat. Inuitus inuito
cùm

cū chartam protulisset, traderetque, exclamasti: Vellem nescire litteras. O dignam vocem, quam audirent omnes gentes, quæ Romanum imperium incolunt, quæque iuxta iacent dubiæ libertatis, quæque se contra viribus aut animis attollunt! O vocem, in concionem omnium mortalium mittendam, in cuius verba Principes regesque iurent! O vocem publica generis humani innocentia dignam, cui redderetur antiquum illud sæculum! Nunc profectò consentire decebat ad æquum bonumque, expulsa alieni cupiditate, ex qua omne animi malum oritur: pietatem integritatemque, cum fide ac modestia, surgere: & vitia diuturno abusa regno, tandem felici ac puro sæculo dare locum.

CAP. II. Futurum hoc, Cæsar, ex magna parte sperare & confiteri liber. tradetur ista animi tui mansuetudo, diffundereturque paullatim per omne imperij corpus, & cuncta in similitudinem tui formabuntur. A capite bona valetudo. inde omnia vegeta sunt atque erecta, aut languore demissa: prout animus eorum viget, aut marcet. Et erunt ciues, erunt socij digni hac bonitate: & in totum orbem recti mores reuertentur. parcetur vbiq; manibus. Diutius me morari hic patere, non vt blandiar auribus tuis: nec enim mihi hic mos est. maluerim veris offendere, quàm placere adulando. quid

ergo est , propter quod benè factis dictis-
 que tuis quàm familiarissimum esse te cu-
 pio ? ut quod nunc natura & impetus est ,
 fiat iudicium . Illud mecum considero ,
 multas voces magnas , sed detestabiles , in
 vitam humanam peruenisse , celebresque
 vulgo ferri : ut illam , Oderint , dum me-
 tuant . Cui Græcus versus similis est , qui
 se mortuo terram misceri ignibus iubet :
 & alia huius notæ . Ac nescio quomodo ,
 ingenia immania & inuisa materia fœ-
 cundiori expresserunt sensus vehementes
 & concitados . Nullam adhuc vocem au-
 diui ex bono lenique animosam . Quid
 ergo est ? ut rarò , inuitus , & cum magna
 cunctatione , ita aliquando scribas neces-
 se est istud , quod tibi in odium litteras
 adduxit : sed , sicut facis , cum magna cun-
 ctatione , cum multis dilationibus .

CAP. III. Et ne fortè decipiat nos
 speciosum clementiæ nomen aliquando ,
 & in contrarium abducatur : videamus quid
 sit clementia , qualisque sit , & quos fines
 habeat . Clementia est temperantia animi ,
 in potestate vlciscendi . vel , lenitas supe-
 rioris aduersus inferiorem in constituen-
 dis pœnis . Plures proponere , est tutius ;
 ne vna definitio parùm rem comprehen-
 dat ; & , ut ita dicam , formula excidat . Ita-
 que dici potest & , Inclinatio animi ad le-
 nitatem in pœna exigenda . Illa finitio
 contradictiones inueniet , quamuis ma-
 ximè ad verum accedat , si dixerimus ,

cle-

clementiam esse moderationem aliquid ex merita ac debita poena remittentem, reclamabitur, nullam virtutem quicquam minus debito facere. Atqui hoc omnes intelligunt, clementiam esse, quæ se flectit citra id, quod meritò constitui posset. Huic contrariam imperiti putant severitatem; sed nulla virtus virtuti contraria est.

CAP. IV. Quid ergo opponitur clementiæ? Crudelitas; quæ nihil aliud est, quam atrocitas animi in exigendis poenis. Sed quidam non exigunt poenas, crudeles tamen sunt: tamquam, qui ignotos homines & obuios non in compendium, sed occidendi causa occidunt. Nec interficere contenti, sæviunt; ut Sinis ille & Procrustes, & piratæ, qui captos verberant, & in ignem vivos imponunt. Hæc crudelitas quidem: sed quia nec ultionem sequitur (non enim læsa est) nec peccato alicui irascitur (nullum enim anteceffit crimen) extra finitionem nostram cadit; quæ finitio continebat in exigendis poenis intemperantiam animi. Possumus dicere, non esse hanc crudelitatem, sed feritatem, cui voluptati sævitia est: possumus insaniam vocare. nam varia sunt genera eius, & nullum certius, quam quod in cædes hominum & laniationes pervenit. Illos ergo crudeles vocabo, qui puniendi causam habent, modum non habent. Sicut in Phalari, quem aiunt non

Q 5 qui-

quidem in homines innocentes, sed super humanum ac probabilem modum seuisse. Possumus effugere cauillationem, & ita finire, ut sit crudelitas, inclinatio animi ad asperiora. Hanc clementia repellit longius à se: nam seueritatem illi conuenire, certum est. Ad rem pertinet, quærere hoc loco, quid sit misericordia. Plerique enim ut virtutem eam laudant, & bonum hominem vocant misericordem: hæc autem vitium animi est. Vtraque circa seueritatem, circaque clementiam posita sunt: quæ vitare debemus, ne per speciem seueritatis in crudelitatem, neve per speciem clementiæ in misericordiam incidamus. In hoc, leuiore periculo erratur, sed par error est à vero recedentium.

CAP. V. Ergo quemadmodum religio deos colit, superstitio violat: ita clementiam mansuetudinemque omnes boni præstabunt, misericordiam autem vitabunt. Est enim vitium pusilli animi, ad speciem alienorum malorum succidentis. Itaque pessimo cuique familiarissima est. Anus & mulierculæ sunt, quæ lacrimis nocentissimorum mouentur, quæ si liceret, carcerem effringerent. Misericordia non causam, sed fortunam spectat; clementia rationi accedit. Scio malè audire apud imperitos sectam Stoicorum, tamquam nimis duram, & minimè principibus regibusque bonum daturam consilium. Obiicitur enim illi, quòd sapien-

piem negat misereri, negat ignoscere. Hæc si per se ponantur, inuisa sunt. videntur enim nullam spem relinquere humanis erroribus, sed omnia delicta ad pœnam deducere. Quod si est, quid hac secta durius, quæ dediscere humanitatem iubet, portumque aduersus fortunam certissimum mutuo auxilio cludit? Sed nulla secta benignior leniorque est, nulla amantior hominum, & communibus bonis attentior: ut propositum sit vsui esse aut auxilio, nec sibi tantum, sed vniuersis singulisque consulere. Misericordia est ægritudo animi, ob alienarum miseriarum speciem: aut, tristitia ex alienis malis concepta, quæ accidere immentibus credit. Ægritudo autem in sapientem virum non cadit: serena eius mens est, nec quidquam incidere potest quod illam obducatur. Nihil æquè hominem, quàm magnus animus decet: non potest autem magnus esse idem, si metus & mœror confundit, si mentem obducit & contrahit. Hoc sapienti ne in suis quidem accidet calamitatibus, sed omnem fortunæ iram reuerberabit, & ante se frangat. eandem semper faciem seruabit, placidam & inconcussam: quod facere non posset, si tristitiam reciperet. Adjice, quod sapiens prouidet, & in expedito consilium habet: nunquam autem liquidum sincerumque ex turbido venit. Tristitia enim inhabilis est ad dispiciendas

res, vtilia excogitanda, periculosa vitanda, æqua æstimanda. Ergo non misereatur, quia & sine miseria animi non fit. ceterum omnia, quæ qui misereantur, dolentes facerent: hic libens & alacri animo faciet.

C A P. V I. Succurret alienis lacrimis, non accedet: dabit manum naufrago, exuli hospitium, egenti stipem, non hanc contumeliosam, qua pars maior horum qui se misericordes videri volunt, abijcit & fastidit quos adiuuat, contingique ab his timet: sed ut homo homini, ex communi dabit. Donabit lacrimis maternis filium, & catenas solui iubebit, & ludo eximet, & cadauer etiam noxium sepe- liet. At faciet ista tranquilla mente, vultu suo. Ergo non miserebitur sapiens, sed succurret, sed proderit, in commune auxilium natus, ac publicum bonum, ex quo dabit cuique partem: etiam ad calamitosos, proportionem, improbandos & emendandos, bonitatem suam permittet. Afflictis verò, & fortius laborantibus, multo libentius subueniet. Quotiens poterit, fortunę intercedet. ubi enim opibus potius utetur, aut viribus, quàm ad restituenda quæ casus impulit? Vultum quidem non deijciet, nec animum, ad æruscantis ciuis aut pannosi aridam faciem, & obnixam baculo senectutem: ceterum omnibus dignis proderit, & deorum more, calamitosos propitius respiciet. Misericordia vicina est.

est miserię: habet enim aliquid, trahitque ex ea. Imbecilles oculos esse scias, qui ad alienam lippitudinem & ipsi suffunduntur: tam mehercule, quàm morbum esse, non hilaritatem, semper arridere ridentibus, & ad omnium oscitationem ipsum quoque os diducere. Misericordia vitium est animorum, nimis miserię fauentium: quam si quis à sapiente exigit, propè est, ut lamentationem exigit, & in alienis funeribus gemitus. At quare non ignoscat, dicam.

CAP. VII. Constituamus nunc quodque quid sit venia, ut sciamus dari illam à sapiente non debere. Venia est pœnę meritæ remissio. Hanc sapiens quare non debeat dare, reddunt rationem diutius, quibus hoc propositum est. Ego ut breuiter, tanquam in alieno iudicio dicam: ei ignoscitur qui puniri debuit: sapiens autem nihil facit quod non debet, nihil prætermittit quod debet. itaque pœnam quàm exigere debet, non donat: sed illud quod ex venia consequi vis, honestiore tibi via tribuit. Parcit enim sapiens, consulit & corrigit. Idem facit, quod si ignosceret, nec ignoscit: quoniam qui ignoscit, fateatur aliquid se, quod fieri debuit, omisisse. Aliquem verbis tantùm admonebit, pœna non afficiet, etatem eius emendabilem intuens: aliquem inuidia criminis manifestè laborantem, iubebit incolumem esse: quia deceptus est, quia per vinum lapsus.

pfus. Hostes dimittet saluos, aliquando etiam laudatos, si honestis caussis pro fide, pro fœdere, pro libertate in bellum accincti sunt. Hæc omnia non veniæ, sed clementiæ opera sunt. Clementia liberum arbitrium habet: non sub formula, sed ex æquo & bono iudicat. & absolueri illi licet, & quanti vult, taxare litem. Nihil ex his facit, tanquam iusto minus fecerit, sed tanquam id quod constituit, iustissimum sit. Ignoscere autem est, quæ indicas punienda, non punire. Venia, debitiæ poenæ remissio est: clementia hoc primum præstat, ut quos dimittit, nihil aliud illos pati debuisse pronuntiet. Plenior est ergo, quàm venia, & honestior. De verbo (ut mea fert opinio) controuersia est, de re quidem conuenit. Sapiens multa remittet, multos parùm sani, sed sanabilis ingenij, seruabit. Agricolas bonos imitabitur, qui non tantùm rectas procerasque arbores colunt: sed illis quoque quas aliqua deprauauit causâ, adminicula quibus regantur, applicant. Alias circumcidunt, ne proceritatem rami premant: quasdam infirmas vitio loci, nutriunt: quibusdam, aliena umbra laborantibus, cœlum aperiunt. Secundum hæc, videbit perfectus sapiens, quod ingenium qua ratione tractandum sit, quomodo in rectum praua flectantur. * *Multa desunt.*

L. ANNÆI SENECAE

AD PAULLINVM

DE BREVITATE VITÆ

LIBER VNVS.

CAPVT I.

MAIOR pars mortalium, Paulline, de naturæ malignitate conqueritur, quòd in exiguum æui gignimur, quòd hæc tam velociter, tam rapidè dati nobis temporis spatia decurrant: adeò vt, exceptis admodum paucis, ceteros in ipso vitæ apparatu vita destituat. Nec huic publico, vt opinantur, malo, turba tantum & imprudens vulgus ingemuit: clarorum quoq; virorum hic affectus querelas euocauit. Inde illa maximi medicorum exclamatio est, Vitam breuem esse, longam artem. Inde Aristoteli cum rerum natura exigenti, minimè conueniens sapienti viro lis est: illam animalibus tantum indulgisse, vt quina aut dena sæcula edurent, homini in tam multa ac magna genito, tanto citeriorem terminum stare. Non exiguum temporis habemus, sed multum perdimus. Satis longa vita, & in maximarum rerum consummationem largè data est, si tota benè collocaretur. Sed vbi per luxum ac negligentiam defluit, vbi
nulli

nulli rei bonę impenditur : vltima demum necessitate cogente , quam ire non intelleximus,transisse sentimus . Ita est. non accepimus breuem vitam, sed fecimus : nec inopes eius, sed prodigi sumus . Sicut amplæ & regiæ opes, vbi ad malum dominum peruenerunt , momento dissipantur : at quamuis modicæ, si bono custodi traditæ sunt , vsu crescunt: ita ætas nostra, benè disponenti, multum patet.

CAP. II. Quid de rerum natura querimus : illa se benignè gessit. vita , si scias vti, longa est. Alium insatiabilis tenet auidia : alium in superuacuis laboribus operosa sedulitas : alius vino madet : alius inertia torpet: alium defatigat ex alienis iudicijs suspensa semper ambitio : alium mercandi præcepta cupiditas circa omnes terras, omnia maria, spoa lucri ducit. Quosdam torquet cupido militiæ , nunquam non aut alienis periculis intentos , aut suis anxios : sunt quos ingratus superiorum cultus voluntaria seruitute consumat . Multos aut affectatio alienæ fortunæ , aut suæ odium detinuit : plerosque nihil certum sequentes , vaga & inconstans , & sibi displicens leuitas , per noua consilia iactauit , Quibusdam nihil quò cursum dirigant, placet , sed marcentes oscitantesque fataprehendunt : adeò vt quod apud maximum poetarum , more oraculi dictum est, verum esse non dubitem :

Exigua pars est vita, quam nos viuimus.

cete-

ceterum quidem omne spatium, non vita, sed tempus est. Vrgentia circumstant vitia undique: nec resurgere, aut in dispectum veri attollere oculos sinunt, sed mersos, & in cupiditatibus infixos premunt. Nunquam illis recurrere ad se licet: sed si quando aliqua quies fortuitò contigit, velut in profundo mari, in quo post ventum quoque volutatio est, fluctuantur, nec vnquam illis à cupiditatibus suis otium instat. De istis me putas disserere, quorum in confesso mala sunt? aspice illos, ad quorum felicitatem concurritur: bonis suis effocantur. Quàm multis graues sunt diuitiæ? quàm multorum eloquentia quotidiano ostentandi ingenij spatio, sanguinem educit? quàm multi continuis voluptatibus pallent? quàm multis nihil liberi relinquit circumfusus clientium populus? Omnes denique istos, ab infimis vsque ad summos, pererrat: hic aduocat, hic adest: ille periclitatur, ille defendit, ille iudicat. Nemo se sibi vindicat, alius in alium consumimur. Interroga de istis, quorum nomina ediscuntur: his illos dignosci videbis notis: Hic illius cultor est, ille illius, suus nemo. Deinde dementissima quorundam indignatio est. queruntur de superiorum fastidio, quòd ipsis adire volentibus non vacauerint. Audet quisquam de alterius superbia queri, qui sibi ipse nunquam vacat? Ille tamen, quisquis est, insolenti quidem vultu, sed aliquando respexit:

spexit: ille aures suas ad tua verba demisit: ille te ad latus suum recepit. tu non inspicere te vnquam, non audire dignatus es.

CAP. III. Non est itaque quòd ista officia cuiquam imputes: quoniam quidem cùm illa faceres, non esse cum aliquo volebas, sed tecum esse non poteras. Omnia licet quæ vnquam ingenia fulserunt, in hoc vnum consentiant, nunquam satis hanc humanarum mentium caliginem mirabuntur. Prædia sua occupari à nullo patiuntur: & si exigua contentio est de modo finium, ad lapides & arma discurrunt: in vitam suam incidere alios sinunt, imò verò ipsi etiam possessores eius futuros inducunt. Nemo inuenitur, qui pecuniam suam diuidere velit: vitam vnusquisque quàm multis distribuit? Adstricti sunt in continendo patrimonio: simul ad temporis iacturam ventum est, profusissimi in eo, cuius vnus honesta avaritia est. Libet itaq; ex seniorum turba comprehendere aliquem. Peruenisse te ad vltimum ætatis humanæ videmus: centesimus tibi, vel suprà, premitur annus. agedum, ad computationem ætatem tuam reuoca. Dic quantum ex isto tempore creditor, quantum amica, quantum reus, quantum cliens abstulerit; quantum lis vxoria, quantum seruorum coercitio, quantum officiosa per urbem discursatio. Adijce morbos, quos manu fecimus: adijce, quod & sine
vfu

vsu iacuit: videbis te pauciores annos habere, quàm numeras. Repete memoria tecum, quando certus consilij fueris, quotus quisque dies vt destinaueras recesserit; qui tibi vsus tui fuerit; quando in statu suo vultus, quando animus intrepidus; quid tibi in tam longo æuo facti operis sit; quàm multi vitam tuam diripuerint, te non sentiente quid perderes; quantum vanus dolor, stulta lætitia, auida cupiditas, blanda conuersatio abstulerit; quàm exiguum tibi de tuo relictum sit: intelliges, te immaturum mori.

CAP. IV. Quid ergo est in caussa? Tanquàm semper victuri viuitis: nunquam vobis fragilitas vestra succurrit. Non obseruatis quantum temporis transierit. velut ex pleno & abundanti perditis: cùm interim fortasse ille ipse, alicui vel homini vel rei donatus, vltimus dies sit. Omnia, tamquam mortales, timetis: omnia tamquam immortales, concupiscitis. Audies plerosque dicentes: A quinquagesimo in otium secedam: sexagesimus annus ab officijs me dimittet. Et quem tandem longioris vitæ prædem accipis? quis ista, sicuti disponis, ire patietur? Non pudet te reliquias vitæ tibi reseruare, & id solum tempus bonæ menti destinare, quod in nullam rem conferri possit? Quàm seruum est, tunc viuere incipere, cùm desinendum est? quæ tam stulta mortalitatis obliuio, in quinquagesimum & sexagesimum annum differre

380 L. ANNÆI SENE CÆ,
ferre sana consilia : & inde velle vitam in-
choare, quò pauci perduxerunt ? Potentif-
simis, & in altum sublati hominibus , ex-
cidere voces videbis , quibus otium op-
tent , laudent , omnibus bonis suis præfe-
rant . Cupiunt interim ex illo fastigio suo,
si tutò liceat, descendere. nam vt nihil ex-
tra laceſſat , aut quatiat; in ſe, ipſa fortuna
ruit.

CAP. V. Diuus Auguſtus, cui dij plura
quàm vlli præſtiterunt , non deſijt quietem
ſibi precari , vacationem à Repub. petere.
Omnis eius ſermo ad hoc ſemper. reuolu-
tus eſt, vt ſibi ſperaret otium . Hoc labo-
res ſuos , etiam ſi falſo , dolci tamen oble-
ſcibat ſolatio, aliquando ſe victurum ſibi .
In quadam ad ſenatum miſſa epiſtola ,
cùm requiem ſuam non vacuam fore di-
gnitatis, nec à priore gloria diſcrepantem ,
pollicitus eſſet , hæc verba inueni: Sed iſta
fieri ſpecioſiùs, quàm promitti poſſunt. me
tamen cupido temporis optatiſſimi mihi ,
prouexit, vt quoniam rerum lætitia mora-
tur adhuc , præciperem aliquid voluptatis
ex verborum dulcedine . Tanta viſa eſt
res otium, vt illam, quia uſu non poterat ,
cogitatione præſumeret . Qui omnia vi-
debat ex ſe vno pendentia , qui hominibus
gentibuſque fortunam dabat , illum diem
lætiſſimus cogitabat , quo magnitudinem
ſuam exueret . Expertus erat, quantum il-
la bona, per omnes terras fulgentia , ſudo-
ris exprimerent, quantum occultarum ſo-
licitu-

licitudinum tegerent: cum ciuibus primum, deinde cum collegis, nouissimè cum affinibus, coactus armis decernere, mari terraque sanguinem fudit: per Macedoniam, Siciliam, Ægyptum, Syriam, Asiamque, & omnes propè oras bello circumactus, Romana cæde lassos, exercitus ad externa bella conuertit. Dum Alpes pacat, immixtosque mediæ paci & imperio hostes perdomat, dum vltra Rhenum, Euphratem & Danubium terminos mouet, in ipsa vrbe, Murenæ, Cæpionis, Lepidi, Egnatorum in eum mucrones acuebantur. Nondum horum effugerat insidias: filia, & tot nobiles iuuenes adulterio velut sacramento adacti, iam infractam ætatem territabant: postquam & iterum timendam cum Antonio mulier. Hæc vlcera cum ipsis membris absciderat: alia subnascebantur. velut cum graue multo sanguine est corpus, parte semper aliquæ sumpebantur. Itaque otium optabat: in huius spe & cogitatione labores eius residebant: hoc votum erat eius, qui voti compotes facere poterat. Marcus Cicero inter Catilinas Cludiosque iactatus, Pompeiosque & Crassos, partim manifestos inimicos, partim dubios amicos, dum fluctuatur cum Republica, & illam pessum euntem tenet, nouissimè abductus, nec secundis rebus quietus, nec aduersarum patiens, quotiens illum ipsum consulatum suum non sine causa, sed sine fine laudatum,

rum, detestatur? quàm flebiles voces exprimit in quadam ad Atticum epistola, iam victo patre Pompeio, adhuc filio in Hispania fracta arma refouente? Quid agam, inquit, hic quæris? moror in Tusculano meo semiliber. Alia deinceps adjicit, quibus & priorem ætatem complorat, & de præsentī queritur, & de futura desperat. Semiliberum se dixit Cicero. at mehercules nunquam sapiens in tam humile nomen procedet, nunquam semiliber erit: integræ semper libertatis & solidæ, solutus, & sui iuris, altior ceteris. Quid enim supra eum potest esse, qui supra fortunam est?

CAP. VI. L. Iulius Drusus, vir acer & vehemens, cum leges novas & mala Gracchana mouisset, stipatus ingenti totius Italiæ cœtu, exitum rerum non prouidens, quas nec agere licebat, nec iam liberum erat semel inchoatas relinquere, exsecratus inquietam à primordiis vitam, dicitur dixisse, Vni sibi, nec puero quidem, unquam ferias contigisse. Ausus est enim & pupillus adhuc, & prætextatus, iudicibus reos commendare, & gratiam suam interponere tam efficaciter, ut quædam iudicia constet ab illo rapta. Quo non irrumperet tam immatura ambitio? scires in malum ingens, & priuatum, & publicum, euasuram illam tam præcoquem audaciam. Serò itaque querebatur, nullas sibi ferias contigisse: à puero seditiosus, & fo-

ro grauis . Disputatur, an ipse sibi manus attulerit. subito enim, vulnere per inguem accepto; collapsus est : aliquo dubitante , an mors voluntaria esset : nullo , an tempestiua. Superuacuum est commemorare plures : qui cū alijs felicissimi viderentur , ipsi in se verum testimonium dixerunt, perosi omnem actum annorum suorum . Sed his querelis nec alios mutaue-
runt, nec seipsos . Nam cū verba erum-
perent , affectus ad consuetudinem rela-
bebantur . Vestra mehercule vita , licet
supra mille annos exeat , in arctissimum
contrahetur . Ista vitia nullum non sæcu-
lum deuorabunt: hoc verò spatium, quod,
quamuis natura currit , ratio dilatat, citò
vos effugiat necesse est . Non enim appre-
henditis , nec retinetis , nec velocissimæ
omnium rei moram facitis , sed abire vt
rem superuacua ac reparabilem finitis .
In primis autem & illos numero, qui nul-
li rei , nisi vino ac libidini vacant . nulli
enim turpius occupati sunt : ceteri , etiam
si vana gloriæ imagine teneantur, specio-
sè tamen errant . Licet avaros mihi, licet
vel iracundos enumeres, vel odia exercen-
tes iniusta , vel bella : omnes isti virilius
peccant. in Venerem ac libidinem proie-
ctorum inhonesta labes est . Omnia isto-
rum tempora excute. aspice quandiu com-
putent, quandiu insidientur , quandiu ti-
meant, quandiu colant, quandiu colantur,
quantum vadimonia sua atque aliena oc-
cupent,

cupient, quantum conuiuia, quæ iam ipsa officia sunt: videbis, quemadmodum illos respirare non sinant vel mala sua, vel bona. Denique inter omnes conuenit, nullam rem bene exerceri posse ab homine occupato: non eloquentiam, non liberales disciplinas: quando districtus animus nihil altius recipit, sed omnia velut inculcata respuit. Nihil minus est hominis occupati, quàm viuere: nullius rei difficilior est scientia.

CAP. VII. Professores aliarum artium vulgo multique sunt. quædam verò ex his pueri admodum ita percepisse visi sunt, ut etiam præcipere possent: Viuere tota vita discendum est: & quod magis fortasse miraberis, tota vita discendum est mori. Tot maximi viri, relictis omnibus impedi-
mentis, cum diuitijs, officijs, voluptatibus renunciaissent, hoc vnum in extremam usque ætatem egerunt, ut viuere scirent: plures tamen ex his nondum se scire confessi, è vita abierunt, nedum ut isti sciant. Magni, mihi crede, & supra humanos errores eminētis viri est, nihil ex suo tempore delibari sinere: & ideo vita eius longissima est, cui quantumcunque patuit, totum ipsi vacauit. Nihil inde incultum otiosumque iacuit: nihil sub alio fuit. neque enim quidquam reperit dignum, quod cum tempore suo permutaret, custos eius parcissimus. Itaque satis illi fuit. his verò necesse est defuisse, ex quorum vita multum populus

pulus tulit. Nec est quod putes, hinc illos non intelligere damnum suum. plerisque certè audies ex his quos magna felicitas grauat, inter clientium greges, aut caussarum actiones, aut ceteras honestas misérias exclamare interdum: Mihi vivere non licet. Quidni non liceat? omnes illi qui te sibi aduocant, tibi abducunt. Ille reus quot dies abstulit? quot ille candidatus? quot illa anus, efferendis heredibus lassâ? quot ille ad irritandam auaritiâ captantium simulatus eger? quot ille potentior amicus, qui vos non in amicitia, sed in apparatu habet? Dispunge, inquam, ac recense vitæ tuæ dies: videbis paucos admodum & reijculos apud te resedisse. Asscutus ille quos optauerat fascēs, cupit ponere, & subinde dicit: Quando hic annus præteribit? Facit ille ludos, quorum sortem sibi obtingere magno æstimauit: Quando, inquit, istos effugiam? Diripitur ille toto foro patronus, & magno concursu omnia, vltra quàm audiri potest complet, Quando, inquit, res proferentur? Præcipitat quisque vitam suam, & futuri desiderio laborat, præsentium tædio. At ille, qui nullum non tempus in vsus suos confert, qui omnes dies tamquam vitam ordinat, nec optat crastinum, nec timet. Quid enim est, quod iam vlla hora nouæ voluptatis possit afferre? Omnia nota, omnia ad satietatem percepta sunt: de cetero, fors fortuna vt volet or-

R di-

dinet, vita iam in tuto est. Huic adjici potest, detrahi nihil; & adjici sic, quemadmodum saturo iam & pleno aliquid cibi, quod nec desiderat, nec capit.

CAP. VIII. Non est itaq; quod quemquam, propter canos aut rugas, putes diu vixisse. non enim ille diu vixit, sed diu fuit. Quid enim? si illum multum putes nauigauisse, quem sæua tempestas à portu exceptum huc & illuc tulit, ac viribus ventorum ex diuerso furentium per eadem spatia in orbem egit? non ille multum nauigauit, sed multum iactatus est. Mirari soleo, cum video aliquos tempus petere, & eos qui rogantur facillimos. Illud vterque spectat, propter quod tempus petitur est: ipsum quidem neuter. Quasi nihil petitur, quasi nihil datur; re omnium pretiosissima luditur. Fallit autem illos, quia res incorporalis est, quia sub oculos non venit: ideoque vilissima aestimatur, imò pænè nullum pretium eius est. Annua congiaria homines clarissimi accipiunt, & his aut laborem, aut operam, aut diligentiam suam locant: nemo aestimat tempus. vtuntur illo laxius, quasi gratuito. At eosdem ægros vide, si mortis periculum admotum est propius, medicorum genua tangentes; si metuunt capitale supplicium, omnia sua, vt viuant, paratos impendere: tanta in illis discordia affectuum est. Quod si posset, quemadmodum præteritorum annorum cuiusq; numerus proponi,

ni, sic futurorum : quomodo illi , qui paucos viderent superesse , trepidarent , quomodo illis parcerent ? Atqui facile est , quamvis exiguum dispensare , quod certum est : id debet seruari diligentius , quod nescias quando deficiat . Nec est tamen , quod ignorare putes illos , quàm cara res sit . Dicere solent eis quos valdissimè diligunt , paratos se partem annorum suorum dare . Dant , nec intelligunt : dant autem ita , vt sine illorum incremento sibi detrahant : sed hoc ipsum an detrahant , nesciunt : ideò tolerabilis est illis iactura detrimenti latentis . Nemo restituet annos , nemo iterum te tibi reddet . Ibit quàm scēpit ætas , nec cursum suum aut reuocabit aut supprimebit : nihil tumultuabitur , nihil admonebit velocitatis suæ , tacita labetur . Non illa se regis imperio , non fauore populi longius proferet . sicut iussa est , à primo die curret : nusquam diuertet , nusquam remorabitur . Quid fiet ? tu occupatus es , vita festinat : mors interim adcrit , cui , velis nolis , vacandum est .

CAP. IX. Potestne quisquam , dico , hominum eorum qui prudentiam iactāt , & operosiùs occupati sunt , quàm vt meliùs possint viuere ? Impendio vitæ vitam instruunt , cogitationes suas in longum ordinant : maxima porrò vitæ iactura , dilatio est . Illa primum quemque extrahit diem , illa eripit præsentia , dum vltiora promittit . Maximum viuendi impedi-

mētum est, expectatio, quæ pendet ex crastino . Perdis hodiernum. quod in manu fortunæ positum est, disponis: quod in tua, dimittis . Quò spectas, quò te extendis? omnia quæ ventura sunt, in incerto iacent: protinus viue . Clamat ecce maximus vates, & velut diuino furore instinctus salutare carmen canit:

*Optima quæque dies miseris mortalibus aui
Prima fugit.*

Quid cunctaris, inquit, quid cessas? Nisi occupas, fugit: cùm occupaueris, tamen fugiet. Itaque cum celeritate temporis, vtendi velocitate certandum est. velut ex torrente rapido, nec semper casuro, citò hauriendum est. Hoc quoque pulcherri-
mè ad exprobandam infinitam cogitationem, quòd nō optimam quamque etatem, sed diem dicit. Quid securus, & in tanta temporum fuga lentus, menses tibi, & annos, & longam seriem, vtcunque auiditati tuæ visum est, exporrigis? de die tecum loquitur, & de hoc ipso fugiente. Non dubium est ergo, quin prima quæque optima dies fugiat mortalibus miseris, id est, occupatis; quorum pueriles adhuc animos senectus opprimit, ad quam imparati inermesque veniunt. Nihil enim prouisum est: subitò in illam, nec opinantes inciderunt: accedere eam cottidie non sentiebant. Quemadmodum quos aut sermo, aut lectio, aut aliqua interior cogitatio iter facientes decipit, petuenisse se an-

tè sciunt, quàm appropinquasse: ita hoc iter vitæ assiduum & citatissimum, quod dormientes vigilantesq; eodem gradu facinus, occupatis non apparet, nisi in fine.

CAP. X. Quod proposui, si in partes velim & argumenta diducere, multa mihi occurrent, per quæ probem breuissimam esse occupatorum vitam. Solebat dicere Fabianus, non ex his cathedrariis philosophis, sed ex veris & antiquis, contra affectus impetu, non subtilitate pugnandum, nec minutis vulneribus, sed incursum auertendam aciem. Sugillationem enim retundi debere, non vellicari. Tamen ut illis error exprobretur suus, docendi, non tantum deplorandi sunt. In tria tempora vita diuiditur: quod est, quod fuit, & quod futurum est. Ex his, quod agimus, breue est: quod acturi sumus, dubium: quod egimus, certum. Hoc est enim, in quod fortuna ius perdidit, quod in nullius arbitrium reduci potest. Hoc amittunt occupati. nec enim illis vacat præterita respicere: & si vacet, iniucunda est pœnitendæ rei recordatio. Inuiti namque ad tempora malè exacta animum reuocant, nec audent ea retentare, quorum vitia etiam quæ aliquo præsentis voluptatis lenocinio subripiebantur, retractando patefcunt. Nemo, nisi à quo omnia acta sunt sub celsura sua, quæ nunquam fallitur, libenter se in præteritum retorquet. Ille qui multa ambitiosè concupit, superbè contem-

pluit, impotenter vicit, insidiosè decepit, auarè rapuit, prodigè effudit, necesse est memoriam suam timeat. Atqui hæc est pars temporis nostri sacra ac dedicata, omnes humanos casus supergressa, extra regnum fortunæ subducta: quam non inopia, non metus, non morborum incurfus exagitat. Hæc nec turbari, nec eripi potest: perpetua eius & intrepida possessio est. Singuli tantum dies, & hi per momenta præsentis sunt: at præteriti temporis omnes, cum iusseris, aderunt, ad arbitrium tuum se inspici ac detineri patientur: quod facere occupatis non vacat. Securæ & quietæ mentis est, in omnes vitæ suæ partes discurrere: occupatorum animi velut sub ingo sunt, flectere se ac respicere non possunt. Abiit igitur vita eorum in profundum, & ut nihil prodest, quantumlibet ingeras, si non subest quod excipiat, ac seruet: sic nihil refert, quantum temporis detur, si non est ubi subsidat. per quassos foratosque animos transmittitur. Præsens tempus breuissimum est, adeo quidem, ut quibusdam nullum videatur: in cursu enim semper est. fluit & præcipitatur: antè definit esse, quàm venit: nec magis moram patitur, quàm mundus, aut sidera, quorum irrequieta semper agitatio, nunquam in eodem vestigio manet. Solum igitur ad occupatos præsens pertinet tempus: quod tam breue est, ut arripi non possit, & id ipsum illis, districtis in
multa,

multa, subducitur.

CAP. XI. Denique vis scire, quàm non diu uiuant? vide quàm cupiant diu viuere. Decrepiti senes paucorum annorum accessionem votis mendicant. minores natu seipfos esse fingunt: mendacio sibi blandiuntur: & tam libenter fallunt, quàm si fata vnà decipiant. Iam verò cùm illos aliqua imbecillitas mortalitatis admonuit, quemadmodum pauentes moriuntur, non tanquam exeant de vita, sed tanquam extrahantur? stultos se fuisse, quòd non vixerint, clamitant, & si modò euaserint ex illa valetudine, in otio victuros. Tunc quàm frustrà parauerint, quibus non fruerentur, quàm incassum omnis labor ceciderit, cogitant. At quibus vita procul ab omni negotio agitur, quid nisi spatiosa sit? nihil ex illà delegatur, nihil aliò atque aliò spargitur, nihil inde fortunæ traditur, nihil negligentia interit, nihil largitione detrahitur, nihil superuacuum est: tota (vt ita dicam) in reditu est. Quantulacunque itaque abundè sufficit: & ideò quandocunque vltimus dies venerit, non cunctabitur vir sapiens ire ad mortem certo gradu. Quæris fortè, quos occupatos vocem? non est quòd me solos putes dicere, quos à basilica immissi demum canes eiiciunt; quos aut in sua vides: turba speciosius elidi, aut in aliena contemptius; quos officia domibus suis euocant, vt alienis foribus illidant; quos hasta

prætoris infami lucro, & quandoque suppuraturo, exercet. Quorundam otium occupatum est. in villa, aut in lecto suo, in media solitudine, quamvis ab omnibus recesserunt, sibi ipsi molesti sunt: quorundam non otiosa vita est dicenda, sed desidiosa occupatio.

CAP. XII. Illum tu otiosum vocas, qui Corinthia paucorum furore pretiosa; anxia subtilitate concinnat, & maiorem dierum partem in æruginosis lamellis consumit? qui in ceromate (nam, proh facinus, ne Romanis quidem vitiis laboramus) spectator puerorum rixantium fedet? qui victorum suorum greges in ætatum & colorum paria diducit? qui athletas nouissimos pascit? Quid? illos otiosos vocas, quibus apud tonsorem multæ horæ transmittuntur, dum decerpitur, si quid proxima nocte succreuit, dum de singulis capillis in consilium itur, dum aut disiecta coma restituitur, aut deficiens hinc atque illinc in frontem compellitur? Quomodo irascuntur, si tonsor paulò negligentior fuit? tanquam virum tonderet. Quomodo excandescunt, si quid ex iuba sua decisum est, si quid extra ordinem iacuit, nisi omnia in anulos suos reciderunt? Quis est istorum, qui non malit rempublicam turbari, quàm comam suam? qui non sollicitior sit de capitis sui decore, quàm de salute? qui non comptior esse malit, quàm honestior?

Hos

Hos tu otiosos vocas, inter pectinem speculumque occupatos? Quid illi, qui in componendis, audiendis, discendis canticis operati sunt: dum vocem cuius rectum cursum natura & optimum & simplicissimum fecit, inflexu modulationis inertissimæ torquent? Quorum digiti aliquod inter se carmen metientes semper sonant: quorum cum ad res serias, sæpè & tristes, adhibiti sunt, exauditur tacita modulatio? non habent isti otium, sed iners negotium. Conuiuia mehercule horum non posuerim inter vacantia tempora, cum videam quàm solliciti argentum ordinent, quàm diligenter exoletorum suorum tunicas succingant, quàm suspensi sint, quomodo aper à coco exeat: quanta celeritate, signo dato, glabri ad ministeria discurrant: quanta arte scindantur aues in frustra non enormia: quàm curiosè infelices pueruli ebriorum sputa detergeant. Ex his elegantix lautitixque fama captatur, & vsque eò in omnes vitæ successus mala sua illos sequuntur, vt nec bibant sine ambitione, nec edant. Nec illos quidem inter otiosos numeraueris, qui sella se & lectica huc & illuc ferunt, & ad gestationum suarum, quasi deferere illas non liceat, horas occurrunt: quos, quando lauari debeant, quando natare, quando cœnare, alius admonet: & vsque eò nimio delicati animi languore soluuntur, vt per se scire non possint, an esuriant.

Audio quemdam ex delicatis (si modò deliciae vocandæ sunt, vitam & consuetudinem humanam dediscere) cùm ex balneo inter manus elatus, & in sella positus esset, dixisse interrogando, Iam sedeo? Hunc tu ignorantem an sedeat, putas scire an viuat, an videat, an otiosus sit? Non faciliè dixerim, utrùm magis miserear, si hoc ignorauit, an si se ignorare finxit. Multarum quidem rerum obliuionem sentiunt, sed multarum & imitantur: quædam vitia illos, quasi felicitatis argumenta, delectant. Nimis humilis & contempti hominis esse videtur, scire quid faciat. I nunc; & mimos multa mentiri ad exprobandam luxuriam putata. Plura mehercule prætereunt quàm fugunt: & tanta incredibilium vitiorum copia, ingenioso in hoc vnum sæculo, processit, vt iam mimorum arguere possimus negligentiam. Esse aliquem, qui vsque eo deliciis interierit, vt an sedeat, alteri credat?

CAP. XIII. Non est ergo otiosus hic: aliud nomen imponas. æger est, imò mortuus est. Ille otiosus est, cui otii sui sensus est: hic verò semiuiuus, cui ad intelligendos corporis sui habitus indice opus est. quomodo potest hic alicuius temporis dominus esse? persequi singulos longum est: quorum aut latrunculi, aut pila, aut excoquendi in sole corporis cura, consumpsere vitam. Non sunt otiosi,

si, quorum voluptates multum negotium habent. Nam de illis nemo dubitabit, quin operosè nihil agant, qui in litterarum inutilium studiis detinentur: quæ iam apud Romanos quoque magna inanus est. Græcorum iste morbus fuit, quæ-
rere: quem numerum remigum Ulixes habuisset: prior scripta esset Ilias, an Odyssea: præterea an eiusdem esset auctoris. Alia deinceps huius notæ: quæ siue contineas, nihil tacitam conscientiam iuvant; siue proferas, non doctior videberis, sed molestior. Ecce Romanos quoque inuasit inane studium superuacua discendi. His diebus audiui quemdam sapientem referentem, quæ primus quisque ex Romanis ducibus fecisset. Primus naturali prælio Duillius vicit, primus Curius dentatus in triumpho duxit elephantos. Etiamnum ista, & si ad veram gloriam non tendunt, circa civilium tamen operum exempla versantur. Non est profutura talis scientia: est tamen quæ nos speciosa rerum vanitate detineat. Hoc quoque quærentibus remittamus, quis Romanis primus persuasit nauem conscendere? Claudius is fuit: Caudex ob hoc ipsum appellatus, quia plurimum tabularum contextus, caudex apud antiquos vocabatur: vnde publicæ tabulæ, codices dicuntur: & naues, nunc quoque, quæ ex antiqua consuetudine per Tiberim comeatus subuehunt, caudicariæ vocantur.

Sanè & hoc ad rem pertineat, quòd Valerius Corvinus primus Messianam vicit, & primus ex familia Valeriorum, vrbis captae in se translato nomine Messiana appellatus est, paulatimq; vulgò permutante litteras, Messalla dictus est. Num & hoc quemquam curare permittas, quòd primus L. Sulla in circo leones solutos dedit, cùm alioquin alligati darentur, ad conficiendos eos missis à rege Bocco iaculatoribus? & hoc sanè remittatur. Num & Pompeiũ primum in circo elephantorum duodeviginti pugnam edidisse, commissis more praelij noxiis hominibus, ad ullam rem bonam pertinet? Princeps ciuitatis, & inter antiquos principes, vt fama tradidit, bonitatis eximiae, memorabile putauit spectaculi genus, nouo more perdere homines. Depugnant? parum est: lancinantur? parum est: ingenti mole animalium obterantur: Satiùs erat ista in oblivionem ire, ne quis postea potens disceret, inuideretque rei minimè humanæ.

CAP. XIV. O quantum caliginis mentibus humanis obijcit magna felicitas! ille se supra rerum naturam esse tunc credidit, cùm tot miserorum hominum cateruas, sub alio cælo natis beluis obijceret; cùm bellum inter tam disparia animalia committeret; cùm in conspectu populi Romani multum sanguinis funderet; mox plus ipsum fundere coacturus. At idem postea Alexandrina perfidia deceptus, ultimo

timo mancipio transfodiendum se præbuit, tum demum intellecta inani iactatione cognominis sui. Sed ut illò reuer-
tar, vnde decessi, & in alia materia osten-
dam superuacua quorundam diligen-
tiam: idem narrabat, Metellum victis in
Sicilia Pœnis, triumphantem, vnum om-
nium Romanorum ante currum centum
& viginti captiuos elephantos duxisse:
Sullam, vltimum Romanorum protulisse
pomœrium, quod nunquam prouinciali,
sed Italico agro acquisito mos proferre
apud antiquos fuit. Hoc scire magis pro-
dest, quàm Auentinum montem extra po-
mœrium esse, ut ille affirmabat, propter
alteram ex duabus causis: aut quòd plebs
eò secessisset, aut quòd Remo auspicante
illo loco aues non addixissent. Alia dein-
ceps innumerabilia quæ aut ficta sunt, aut
mendacij similia. Nam ut concedas om-
nia eos fide bona dicere, ut ad præstatio-
nem scribant: tamen cuius ista errores
minuent? cuius cupiditates prement? quem
fortiorem, quem iustiorum, quem libera-
liorem facient? Dubitare se interim Fa-
bianus noster aiebat, an satius esset nullis
studijs admoueri, quàm his implicari. Soli
omnium otiosi sunt, qui sapientiæ vacant:
soli viuunt, nec enim suam tantum ætatem
bene tuentur: omne æuum suo adiungunt.
Quidquid annorum ante illos actum est,
illis acquisitum est. Nisi ingratis sumus,
illi clarissimi sacrarum opinionum con-
ditores,

598 L. ANNÆI SENECAE
ditores, nobis nati sunt, nobis vitam præ-
parauerunt. Ad res pulcherrimas, ex tene-
bris ad lucē erutas, alieno labore deduci-
mur: nullo nobis saculo interdictum est:
in omnia admittimur: & si magnitudine
animi egredi humanæ imbecillitatis an-
gustias libet, multum per quod spatiemur
temporis est. Disputare cum Socrate licet,
dubitare cum Carneade, cum Epicuro
quiescere, hominis naturam cum Stoicis
vincere, cum Cynicis excedere, cum rerum
natura in consortium omnis æui pariter
incedere. Quidni ab hoc exiguo & cadu-
co temporis transitu, in illa nos toto de-
mus animo, quæ immensa, quæ æterna
sunt, quæ cum melioribus communia? Isti
qui per officia discursant, qui se aliosque
inquietant, cum benè insanierint, cum
omnium limina quotidie perambulaue-
rint, nec vllas apertas fores præterierint,
cum per diuersas domos meritoriam salu-
tationem circumtulerint: quorumquem-
que ex tam immensa, & varijs cupiditati-
bus districta vrbe poterunt videre? quàm
multi erunt, quorum illos aut somnus,
aut luxuria, aut inhumanitas submoueat?
quàm multi, qui illos, cum diu torserint,
simulata festinatione transcurrant? quàm
multi per refertum clientibus atrium pro-
dire vitabunt, & per obscuros ædium adi-
tus profugient? quasi non inhumanius sit
decipere, quàm excludere. quàm multi
hesterua crapula semisomnes & granes,
illis.

illis miseris somnum suum rumpentibus , ut alienum expectent , vix alleviatis labijs infusurratum millies nomen , oscitatione superbissima reddent ? Hos in veris officijs morari licet dicamus , qui Zenonem , qui Pythagoram quotidie , & Democritum , ceterosque antistites bonarum artium , qui Aristotelem & Theophrastum volent habere quamfamiliarissimos. nemo horum non vacabit , nemo non venientem ad se beatiorē , amantiorēque sui dimittet , nemo quemquam vacuis à se manibus abire patietur . Nocte conveniri , & interdiu , ab omnibus mortalibus possunt. Horum te mori nemo coget , omnes docebunt : horum nemo annos tuos conteret , suos tibi contribuet : nullius ex his sermo periculosus erit , nullius amicitia capitalis , nullius sumptuosa observatio.

C A P. XV. Feres ex his , quidquid voles : per illos non stabit , quo minus quantum plurimum ceperis , haurias . Quæ illum felicitas , quàm pulchra senectus manet , qui se in horum clientelam contulit ? habebit cum quibus de minimis maximisque rebus deliberet , quos de se quotidie consulat , à quibus audiat verum sine contumelia , laudetur sine adulatione ; ad quorum se similitudinem effingat . Solemus dicere , non fuisse in nostra potestate , quos sortiremur parentes ; sorte nobis datos. nobis verò ad nostrum arbitrium nasci

scilicet. Nobilissimorum ingeniorum familiæ sunt. elige in quam adscisci velis: non in nomen tantum adoptaberis, sed in ipsa bona, quæ non erunt sordidè nec malignè custodienda: maiora fient, quò illa pluribus diuiseris. Hi tibi dabunt ad æternitatem iter, & te in illum locum, ex quo nemo eijciet, subleuabunt: hæc vna ratio est extendendæ mortalitatis, imò in immortalitatem vertendæ. Honores, monumenta, quidquid aut decretis ambitio iussit, aut operibus exstruxit, citò subruitur: nihil non longa demolitur vetustas, & mouet ociùs, quod consecrauit. Sapientiæ noceri non potest. nulla delebit ætas præsens, nulla diminuet sequens, ac deinde semper vltior aliquid ad venerationem conferet. quoniam quidem in vicino versatur inuidia: simpliciùs longè posita miramur. Sapientis ergo multum patet vita: non idem illum qui ceteros terminus includit. solus generis humani legibus soluitur: omnia illi sæcula, vt Deo seruiunt. Transiit tempus aliquod? hoc recordatione comprehendit. instat? hoc vititur. venturum est? hoc præcipit. Longam illi vitam facit, omnium temporum in vnum collatio. Illorum breuissima ac sollicitissima ætas est, qui præteritorum obliuiscuntur, præsentia negligunt, de futuro timent: cum ad extrema venerint, se-
rò intelligunt miseri, tandiu se, dum nihil agunt, occupatos fuisse.

CAP.

CAP. XVI. Nec est quòd hoc argu-
 mento probari putes, longam illos agere
 vitam, quia interdum mortem inuocant.
 Vexat illos imprudentia incertis affecti-
 bus, & incurrentibus in ipsa quæ metuunt.
 mortem sæpè ideò optant, quia timent.
 Illud quoque argumentum non est, quod
 putes diu viuentium, quòd sæpè illis lon-
 gus videtur dies: quòd dum veniat con-
 dictum tempus cœnæ, tardè ire horas
 queruntur. nam si quando illos deserunt
 occupationes, in otio relictæ æstuant, nec
 quomodo id disponant, aut extrahant,
 sciunt. Itaque ad occupationem aliquam
 tendunt, & quod interiacet, omne tempus
 grane est: tam mehercules, quàm cùm dies
 muneris gladiatorij edictus est, aut cùm
 alicuius alterius vel spectaculi vel volu-
 ptatis expectatur constitutum, transilire
 medios dies volunt. Omnis illis speratæ
 rei longa dilatio est. At illud tempus,
 quod amant, breue est, & præceps, bre-
 uiusque multo fit suo vitio: aliundè enim
 aliò transfugiunt, & consistere in vna cu-
 piditate non possunt. non sunt illis longi
 dies, sed inuisi. At contrà, quàm exiguæ
 noctes videntur, quas in complexu scór-
 torum, aut vino exrigunt? inde etiam poe-
 tarum furor, fabulis humanos errores
 alentium, quibus visus est Iupiter, volu-
 ptate concubitus delenitus, duplicasse no-
 ctem. Quid aliud est vitia incendere, quàm
 auctores illis inscribere deos, & dare mor-
 bo,

bo, exemplo diuinitatis, excusatam licentiam? Possunt istis non breuissimæ viseri noctes, quas tam carè mercantur; diem noctis expectatione perdunt, noctem lucis metu. Ipsæ voluptates eorum trepidæ, & varijs terroribus inquietæ sunt, subitque cum maximè exsultantes sollicita cogitatio: Hæc quàm diu? Ab hoc affectu reges suam fleuere potentiam: nec illos magnitudo fortunæ suæ delectauit, sed venturus aliquando finis exterruit. Cùm per magna camporum spatia porrigeret exercitum, nec numerum eius, sed mensuram comprehenderet Persarum rex insolentissimus, lacrimas fudit, quòd intra centum annos nemo ex tanta iuuentute superfluenturus esset. At illis erat admoturus fatum ille ipse, qui flebat, perditurusque alios in terra, alios in mari, alios in prælio, alios in fuga, & intra exiguum tempus consumpturus illos, quibus centesimum annum timebat.

CAP. XVII. Quid, quòd gaudia quoque eorum trepida sunt? non enim solidis causis innituntur, sed eadem qua oriuntur, vanitate turbantur. Qualia autem putes tempora esse, etiam ipsorum confessione misera: cùm hæc quoque, quibus se attollunt, & supra hominem effeunt, parùm sincera sint? Maxima quæque bona sollicita sunt: nec ulli fortunæ minùs benè, quàm optimæ, creditur. Alia felicitate ad tuendam felicitatem opus est:

est: & pro ipsis, quæ successerunt votis, vota facienda sunt. Omne enim, quod fortuito euenit, instabile est: quò altius surrexit, vergit pronius in occasum. neminem porro casura delectant. Miserrimam ergo necesse est, non tantum breuissimam, vitam eorum esse, qui magno parant labore, quod maiore possideant. operose assequuntur quæ volunt, anxij tenent quæ assecuti sunt. Nulla interim nunquam amplius redituri temporis est ratio. Nouæ occupationes veteribus substituuntur, spes spem excitat, ambitionem ambitio: miseriarum, non finis quæritur, sed materia mutatur. Nostri nos honores torserunt? plus temporis alieni auferunt. Candidati laborare desuimus? suffragatores incipimus. Accusandi deposuimus molestiam? iudicandi nanciscimur. Iudex desijt esse? quæsitior est. Alienorum bonorum mercenaria procuratione consenuit? suis opibus detinetur. Marius caliga dimisit? consulatus exercet. Quintius dictaturam properat euadere? ab aratro reuocabitur. Ibit in Pœnos nondum tantæ maturus rei Scipio, victor Hannibalis, victor Antiochi, sui consulatus decus, fraterni sponsor: ni per ipsum mora sit, cum Ioue reponetur? ciuiles seruatores agitant seditiones, & post fastiditos à iuvene dijs æquos honores, iam senem contumacis exilij delectabit ambitio. Nunquam deerunt vel felices, vel miseræ solitu-

citudinis causæ : per occupationes intercludetur otium : nunquam agetur, semper optabitur.

C A P. X V I I I. Excerpe itaque te vulgo, Paulline carissime ; & in tranquillorem portum, non pro ætatis spatium iactatus, tandem recede. Cogita quot fluctus subieris, quot tempestates partim priuatas sustinueris, partim publicas in te conuerteris. Satis iam per laboriosa & inquieta documenta exhibita virtus est : experire quid in otio faciat. Maior pars ætatis, certè melior, Reipub. data sit: aliquid temporis tui fume etiam tibi. Nec te ad segnem aut inertem quietem voco : non ut somno, & caris turbæ voluptatibus, quidquid est in te indolis viuæ, demergas. Non est istud quiescere. inuenies maiora omnibus adhuc strenuè tractatis operibus, quæ repositus & securus agites. Tu quidem orbis terrarum rationes administras, tam abstinenter quàm alienas, tam diligenter quàm tuas, tam religiosè quàm publicas. in officio amorem consequeris, in quo odium vitare difficile est : sed tamen, mihi crede, satius est vitæ suæ rationes, quàm frumenti publici nosse. Istum animi vigorem, rerum maximarum capacissimum, à ministerio honorifico quidem, sed parùm ad beatam vitam apto, ad te reuoca: & cogita, non id egisse te ab ætate prima, omni cultu studiorum liberalium, ut tibi multa millia frumenti

com-

committerentur. maius quiddam & altius de te promiferas. Non deerunt & frugalitatis exactæ homines, & laboriofæ operæ. Tanto aptiora exportandis oneribus tarda iumenta funt, quàm nobiles equi: quorum generofam pernicitatem quis vnquam graui farcina preffit? Cogita præterea, quantum follicitudinis fit, ad tantam te molem obijcere. cum ventre humano tibi negotium eſt: nec rationem patitur, nec æquitate mitigatur, nec vlla prece flectitur populus efuriens. Modò intra paucos illos dies, quibus C. Cæſar perijt, ſi quis inferis ſenſus eſt, hoc grauiffimè ferens, quod decedebat populo Romano ſuperſtite, ſeptem aut octo certè dierum cibaria ſuperèſſe, dum ille pontes nauibus iungit, & viribus imperij ludat. aderat vltimum malorum obſeſſis quoque, alimentorum egeſtas. Exitio pænè ac fame conſtitit, & quæ famem ſequitur rerum omnium ruina, furioſi, & externi, & infelicitè ſuperbi regis imitatio. Quem tunc animum habuerunt illi, quibus erat mandata frumenti publici cura? ferrum, ſaxa, ignes, Caium excepturi, ſumma diſſimulatione tantum inter viſcera latentis mali tegebant: cum ratione ſcilicet. Quædam enim ignorantibus ægris curanda funt. cauſſa multis moriendi fuit, morbum ſuum noſſe.

C A P. X I X. Recipe te ad hæc tranquilliora, tutiora, maiora. Simile tu putas eſſe,

elle, utrum cures, ut incorruptum à fraude aduehentium & negligentia frumentum transfundatur in horrea, ne concepto humore vitietur, & concalescat, ut ad mensuram pondusque respondeat: an ad hæc sacra & sublimia accedas, sciturus quæ natura sit dijs, quæ voluntas, quæ conditio, quæ forma? quis animum tuum casus expectet, ubi nos à corporibus dimissos natura componat? quid sit, quod huius mundi grauissima quæque in medio sustineat, supra leuia suspendat, in summum ignem ferat, sidera cursibus suis excitet? Cetera deinceps ingentibus plena miraculis. Vis tu, relicto solo, mente ad ista respicere? nunc dum calet sanguis, vigentibus ad meliora eundum est. Expectat te in hoc genere vitæ multum bonarum artium, amor virtutum atque usus, cupiditatum obliuio, viuendi atque moriendi scientia, alta rerum quies. Omnium quidem occupatorum conditio misera est: eorum tamen miserrima, qui ne suis quidem occupationibus laborant. ad alienum dormiunt somnum, ad alienum ambulant gradum, ad alienum comedunt appetitum; amare & odisse, res omnium liberrimas, iubentur. Hi si velint scire, quàm brevis ipsorum vita sit, cogitent, ex quota parte sua sit. Cùm videris itaque prætextam sæpè iam sumptam, cùm celebre in foro nomen, non inuideris. ista vitæ damno parantur: ut vnus ab illis numeretur

meretur annus, omnes annos suos conterent. Quosdam, cum in summum ambitionis eniterentur, inter prima luctantes, ætas reliquit: quosdam cum in consummationem dignitatis per mille indignitates erepsissent, misera subiit cogitatio, ipsos laborasse in titulum sepulcri: quorundam vltima senectus, dum in novas spes ut iuuenta disponitur, inter conatus magnos & improbos, inualida defecit.

CAP. XX. Fœdus ille, quem in iudicio pro ignotissimis litigatoribus grandæ natu, & imperitæ coronæ assentationes captantem, spiritus liquit. turpis ille, qui viuendo lassus citius quàm laborando, inter ipsa officia collapsus est. turpis, quem accipiendis immorientem rationibus, diu tractus risit heres. Præterire quod mihi occurrit exemplum, non possum. Turannius fuit exacte diligentæ senex: qui post annum nonagesimum, cum vacationem procurationis à C. Cæsare vltro accepisset, componi se in lecto, & velut exanimem à circumstante familia plangi iussit. Lugebat domus otium domini senis, nec finiuit antè tristitiam, quàm labor illi suus restitutus est. Adeone iuuat occupatum mori? Idem plerisque animus est: diutius cupiditas illis laboris, quàm facultas est: cum imbecillitate corporis pugnant: senectutem ipsam nullo alio nomine grauem indicant, quàm quod illos seponit. Lex à quinquagesimo anno militem

esse, vtrum cures, vt incorruptum à fraude aduehentium & negligentia frumentum transfundatur in horrea, ne concepto humore vitietur, & concalescat, vt ad mensuram pondusque respondeat: an ad hæc sacra & sublimia accedas, sciturus quæ natura sit dijs, quæ voluntas, quæ conditio, quæ forma? quis animum tuum casus expectet, vbi nos à corporibus dimissos natura componat? quid sit, quod huius mundi grauißima quæque in medio sustineat, supra lenia suspendat, in summum ignem ferat, sidera cursibus suis excitet? Cetera deinceps ingentibus plena miraculis. Vis tu, relicto solo, mente ad ista respicere? nunc dum calet sanguis, vigentibus ad meliora eundum est. Expectat te in hoc genere vitæ multum bonarum artium, amor virtutum atque vsus, cupiditatum obliuio, viuendi atque moriendi scientia, alta rerum quies. Omnium quidem occupatorum conditio misera est; eorum tamen miserrima, qui ne suis quidem occupationibus laborant. ad alienum dormiunt somnum, ad alienum ambulant gradum, ad alienum comedunt appetitum; amare & odisse, res omnium liberrimas, iubentur. Hi si velint scire, quàm brevis ipsorum vita sit, cogitent, ex quota parte sua sit. Cùm videris itaque prætextam sæpè iam sumptam, cùm celebre in foro nomen, non inuideris. ista vitæ damno parantur: vt vnus ab illis numeretur

meretur annus, omnes annos suos conterent. Quosdam, cum in summum ambitionis eniterentur, inter prima luctantes, ætas reliquit: quosdam cum in consummationem dignitatis per mille indignitates erepsissent, misera subiit cogitatio, ipsos laborasse in titulum sepulcri: quorundam vltima senectus, dum in nouas spes ut iuuenta disponitur, inter conatus magnos & improbos, inualida defecit.

C A P. X X. Fœdus ille, quem in iudicio pro ignotissimis litigatoribus grandæ natu, & imperitæ coronæ assentationes captantem, spiritus liquit. turpis ille, qui viuendo lassius citius quàm laborando, inter ipsa officia collapsus est. turpis, quem accipiendis immoriente rationibus, diu tractus risit heres. Præterire quod mihi occurrit exemplum, non possum. Turannius fuit exacte diligentis senex: qui post annum nonagesimum, cum vacationem procurationis à C. Cæsare ultro accepisset, componi se in lecto, & velut exanimem à circumstante familia plangi iussit. Lugebat domus otium domini senis, nec finiuit antè tristitiam, quàm labor illi suus restitutus est. Adeone iuuat occupatum mori? Idem plerisque animus est: diutius cupiditas illis laboris, quàm facultas est: cum imbecillitate corporis pugnant: senectutem ipsam nullo alio nomine grauem indicant, quàm quod illos seponit. Lex à quinquagesimo anno militem

408 L. ANNÆI SENECAE
tem non cogit , à sexagesimo senatorem
non citat : difficiliùs homines à se otium
impetrant, quàm à lege . Interim dum rapiuntur & rapiunt , dum alter alterius
quietem rumpit, dum mutuò sunt miseri,
vita est sine fructu, sine voluptate, sine vilo profectu animi : nemo in conspicuo
mortem habet , nemo non procul spes intendit . Quidam verò disponunt etiam illa quæ ultra vitam sunt, moles magnas sepulcrorum , & operum publicorum dedicationes , & ad rogi munera , & ambiciosas exsequias . At mehercule istorum funera , tanquam minimum vixerint , ad faces & ad cereos ducenda sunt.

L. ANNÆI SENECAE
DE VITA BEATA
AD GALLIONEM FRATREM.

LIBER VNVS.

CAPVT I.

VIVERE , Gallio frater, omnes beatè volunt: sed ad peruidendum, quid sit quod beatam vitam efficiat , caligant . Adeoque non est facile consequi beatam vitam , vt ab ea quisque eò longiùs recedat, quò ad illam citatiùs fertur , si via lapsus est: quæ vbi in contrarium ducit , ipsa velocitas maioris interpalli causâ fit . Proponen-

ponendum est itaque primum, quid sit quod petamus: tunc circumspiciendum est, quā contendere illò celerrimè possimus: intellecturi in ipso itinere, si modò rectum erit, quantum quotidie profligetur, quantoque propius ab eo simus, ad quod nos cupiditas naturalis impellit. Quandiu quidem passim vagamur, non ducem secuti, sed fremitum & clamorem dissonum in diuersa vocantium, conteritur vita inter errores, brevis, etiam si dies noctesque bonæ menti laboremus. Decernatur itaque & quò tendamus, & quā non sine perito aliquo, cui explorata sint ea, in quæ procedimus. Quoniam quidem non eadem hic, quæ in ceteris peregrinationibus, conditio est. In illis comprehensus aliquis limes, & interrogati incolæ, nō patiuntur errare: at hic tritissima quæque via, & celeberrima, maximè decipit. Nihil ergo magis præstandum est, quam ne, pecorum ritu, sequamur antecedentium gregem, pergentes non quā eundum est, sed quā itur. Atqui nulla res nos maioribus malis implicat, quàm quòd ad rumorem componimur: optima rati ea, quæ magno assensu recepta sunt, quorumque exempla nobis multa sunt: nec ad rationem, sed ad similitudinem viuimus. Inde ista tanta coaceruatio aliorum supra alios ruentium. Quod in strage hominum magna euenit, cū ipse se populus premit, nemo ita cadit, vt non alium in se attrahat;

hat; primi exitio sequentibus sunt : hoc in omni vita accidere , videas licet. nemo sibi tantum errat , sed alij erroris causa & auctor est . Nocet enim applicari antecedentibus:& dum unusquisque mauult credere,quam iudicare,nunquam de vita iudicatur, semper creditur: versatque nos & precipitat traditus per manus error , alienisque perimus exemplis . Sanabimur , si modo separemur à cœtu : nunc verò stat contra rationem, defensor mali sui, populus. Itaque idem euenit,quod in comitiis, in quibus eos factos prætores iidem qui fecere mirantur,cùm se mobilis fauor circumegit.Eadem probamus,eadem reprehendimus. hic exitus est omnis iudicij, in quo lis secundum plures datur.

CAP. II. Cùm de beata vita agitur, nō est quod mihi illud discessionum more respondeas: Hæc pars maior esse videtur . Ideò enim peior est. Non tam benè cum rebus humanis agitur , vt meliora pluribus placeant : argumentum pessimi , turba est. Quæramus quid optimè factum sit,non quid vñtatiissimum: & quid nos in possessione felicitatis æternæ constituat , non quid vulgo , veritatis pessimo interpreti , probatum sit . Vulgum autem tam chlamydatos , quam coronam voco. Non enim colorem vestium , quibus prætexta corpora sunt , aspicio : oculis de homine non credo . habeo melius certiusque lumen, quo à falsis vera diiudicem . Animi
bo-

bonum, animus inueniat. Hic, si vnquam illi respirare & recedere in se vacauerit; ò quàm sibi ipse verum, tortus à se, fatebitur, ac dicet! Quidquid feci adhuc, infectum esse mallet: quidquid dixi, cùm recogito, in multis video: quidquid optaui, inimicorum execrationem puto: quidquid timui, dii boni, quanto melius fuit, quàm quod concupiui? Cum multis inimicitias gessi, & in gratiã ex odio (si modò vlla inter malos gratia est) redij: mihi ipsi nondum amicus sum. Omnem operam dedi, vt me multitudini educerem, & aliqua dote notabilem facerem: quid aliud quàm telis me opposui, & maleuolentiæ quod morderet ostendi? Vides tu istos, qui eloquentiam laudant, qui opes sequuntur, qui gratiæ adulantur, qui potentiam extollunt? omnes aut sunt hostes, aut (quod in æquo est) esse possunt. Quàm magnus mirantium, tam magnus invidentium populus est.

CAP. III. Quin potius quæro aliquid vsu bonum, quod sentiam, non quod ostendam: ista quæ spectantur, ad quæ consistitur, quæ alter alteri stupens monstrat, foris nitent, introrsus misera sunt. Quæramus aliquid non in speciem bonum, sed solidum & æquabile, & à secretiore parte formosius. Hoc eruiamus. nec longè positum est; inuenietur: scire tantùm opus est, quò manum porrigas. Nunc velut in tenebris vicina transimus, offensantes in

ipsa, quæ desideramus. Sed ne te per circuitus traham, aliorum quidem opiniones præteribo: nam & enumerare illas longum est, & coarguere. nostram accipe. Nostram verò cum dico, non alligo me ad vnum aliquem ex Stoicis proceribus: est & mihi censendi ius. Itaque aliquem sequar, aliquem iubebo sententiam diuidere: fortasse & post omnes citatus, nihil improbabo ex his quæ priores decreuerint, & dicam: Hoc amplius censeo. Interim, quod inter omnes Stoicos conuenit, rerum naturæ assentior. ab illa non decerrare, & ad illius legem exemplumq; formari, sapientia est. Beata est ergo vita, conueniens naturæ suæ: quæ non aliter contingere potest, quàm si primum sana mens est, & in perpetua possessione sanitatis suæ. Deinde, si fortis ac vehemens, tum pulcherrima & patiens, apta temporibus, corporis sui pertinentiumque ad id curiosa; non anxie tamen: rerum quæ vitam instruunt, diligens, sine admiratione cuiusquam: vsura fortunæ muneribus, non seruitura: Intelligis, etiam si non adiiciam, sequi perpetuam tranquillitatem, libertatem: depulsis his, quæ aut irritant nos, aut territant. Nam pro voluptatibus, & pro illis quæ parua ac fragilia sunt, & in ipsis flagitiis noxia, ingens gaudium subit, inconcussum, & æquabile: tum pax & concordia animi, & magnitudo cum mansuetudine. Omnis enim ex infirmi-

firmitate feritas est.

CAP. IV. Potest aliter quoque defini-
niri bonum nostrum, id est, eadem sen-
tentia, non iisdem comprehendi verbis.
Quemadmodum idem exercitus modò
latius panditur, modò in angustum coar-
ctatur, & aut in cornua, sinuata media
parte, curuatur, aut recta fronte explica-
tur: vis illi, utcumque ordinatus est, eadem
est, & voluntas pro eisdem partibus stan-
di: ita definitio summi boni aliàs diffun-
di potest & exporrigi, aliàs colligi, & in se
cogi. Idem itaque erit, si dixerò: Sum-
mum bonum est, animus fortuita despi-
ciens, virtute lætus: aut, Inuicta vis ani-
mi, perita rerum, placida in actu, cum hu-
manite multa, & conuersantium cura.
Libet & ita definire, ut beatum dicamus
hominem eum, cui nullum bonum ma-
lumque sit, nisi bonus malusque animus:
honesti cultor, virtute contentus, quem
nec extollant fortuita, nec frangant: qui
nullum maius bonum eo, quod sibi ipse
dare potest, nouerit: cui vera voluptas erit,
voluptatum contemptio. Licet, si euagari
velis, idem in aliam atque aliam faciem, sal-
ua & integra potestate, transferre. Quid
enim prohibet nos beatam vitam dicere,
liberum animum, & erectum, & interri-
tum ac stabilem, extra metum, extra cupi-
ditatem positum; cui vnum bonum ho-
nestas, vnum malum turpitudine? Cetera
vilis turba rerum, nec detrahens quia-

S 3 quam

rectus: beatus est præsentibus, qualiacunque sunt, contentus, amicusque rebus suis: beatus is, cui omnem habitum rerum suarum ratio commendat. Vident & illi, qui summum bonum voluptatem dixerunt, quàm turpi illud loco posuerint. Itaque negant posse voluptatem à virtute diduci, & aiunt, nec honestè quemquam vivere, ut non iucundè; nec iucundè, ut non honestè viuat. Non video, quomodo ista tam diuersa in eandem copulam coniiciantur. Quid est, oro vos, cur separari voluptas à virtute non possit? videlicet, quòd omne boni ex virtute principium est: ex huius radicibus etiam ea, quæ vos & amatis & expetitis, oriuntur. Sed si ista indiscreta essent, non videremus quædam iucunda, sed non honesta: quædam verò honestissima, sed aspera, & per dolores exigenda.

CAP. VII. Addite nunc, quòd voluptas etiam ad vitam turpissimam venit: at virtus malam vitam non admittit. & infelices quidam non sine voluptate, imò ob ipsam voluptatem sunt: quod non eueniret, si virtuti se voluptas immiscuisset, qua virtus sæpè caret, nunquam indiget. Quid dissimilia, imò diuersa componitis? Altum quiddam est virtus, excelsum, regale, inuictum, infatigabile: voluptas, humile, seruale, imbecillum, caducum, cuius statio ac domicilium fornices & popinæ sunt. Virtutem in templo inuenies, in fo-

ro, in curia, pro muris stantem, puluerulentam, coloratam, callosas habentem manus: voluptatem latitantem sæpius, ac tenebras captantem; circa balnea ac sudatoria, ac loca ædilem metuentia; mollem, eneruam, mero atque vnguento madentem, pallidam, fucatam, & medicamentis pollutam. Summum bonum immortale est, nescit exire: nec satietatem habet, nec poenitentiam. nunquam enim recta mens vertitur: nec sibi odio est, nec quidquam mutauit optima. at voluptas tunc cum maximè delectat, exstinguitur. Nec multum loci habet. itaque citò implet: & tædio est, & post primum impetum marcet. Nec id vnquam certum est, cuius in motu natura est. ita ne potest quidem vlla eius esse substantia, quod venit transire celerimè, in ipso vsu sui periturum. Eò enim peruenit, vbi desinat: & dum incipit, spectat ad finem.

CAP. VIII. Quid, quòd tam bonis, quàm malis, voluptas inest? nec minùs turpes dedecus suum, quàm honestos egregia delectant. Ideoque præceperunt veteres, optimam sequi vitam, non iucundissimam: vt rectæ ac bonæ voluntatis non dux, sed comes voluptas sit. Natura enim duce vtendum est: hanc ratio obseruat, hanc consulit. Idem est ergo beatè viuere, & secundum naturam. Hoc quid sit, iam aperiam. Si corporis dotes, & apta naturæ, conseruabimus diligenter &

S s im

esse, vtrum cures, vt incorruptum à fraude aduehentium & negligentia frumentum transfundatur in horrea, ne concepto humore vitietur, & concalescat, vt ad mensuram pondusque respondeat: an ad hæc sacra & sublimia accedas, sciturus quæ natura sit dijs, quæ voluntas, quæ conditio, quæ forma? quis animum tuum casus expectet, vbi nos à corporibus dimissos natura componat? quid sit, quod huius mundi grauissima quæque in medio sustineat, supra lenia suspendat, in summum ignem ferat, sidera cursibus suis excitet? Cetera deinceps ingentibus plena miraculis. Vis tu, relicto solo, mente ad ista respicere? nunc dum calet sanguis, vigentibus ad meliora eundum est. Expectat te in hoc genere vitæ multum bonarum artium, amor virtutum atque vsus, cupiditatum obliuio, viuendi atque moriendi scientia, alta rerum quies. Omnium quidem occupatorum conditio misera est: eorum tamen miserrima, qui ne suis quidem occupationibus laborant. ad alienum dormiunt somnum, ad alienum ambulant gradum, ad alienum comedunt appetitum; amare & odisse, res omnium liberrimas, iubentur. Hi si velint scire, quàm brevis ipsorum vita sit, cogitent, ex quota parte sua sit. Cùm videris itaque prætextam sæpè iam sumptam, cùm celebre in foro nomen, non inuideris. ista vitæ damno parantur: vt vnus ab illis numeretur

meretur annus, omnes annos suos conterent. Quosdam, cum in summum ambitionis eniterentur, inter prima luctantes, ætas reliquit: quosdam cum in consummationem dignitatis per mille indignitates erepsissent, misera subiit cogitatio, ipsos laborasse in titulum sepulcri: quorundam vltima senectus, dum in nouas spes vt inuenta disponitur, inter conatus magnos & improbos, inualida defecit.

C A P. X X. Fœdus ille, quem in iudicio pro ignotissimis litigatoribus grandè natu, & imperitæ coronæ assentationes captantem, spiritus liquit. turpis ille, qui viuendo lassus citiùs quàm laborando, inter ipsa officia collapsus est. turpis, quem accipiendis immorientem rationibus, diu tractus risit heres. Præterire quod mihi occurrit exemplum, non possum. Turanius fuit exactè diligentis senex: qui post annum nonagesimum, cum vacationem procurationis à C. Cæsare vltro accepisset, componi se in lecto, & velut exanimem à circumstante familia plangi iussit. Lugebat domus otium domini senis, nec finiuit antè tristitiam, quàm labor illi suus restitutus est. Adeone iuuat occupatum mori? Idem plerisque animus est: diutiùs cupiditas illis laboris, quàm facultas est: cum imbecillitate corporis pugnant: senectutem ipsam nullo alio nomine grauem indicant, quàm quod illos seponit. Lex à quinquagesimo anno militem

408 L. ANNÆI SENECAE
tem non cogit , à sexagesimo senatorem
non citat : difficiliùs homines à se otium
impetrant, quàm à lege . Interim dum ra-
piuntur & rapiunt , dum alter alterius
quietem rumpit, dum mutuò sunt miseri,
vita est sine fructu, sine voluptate, sine vl-
lo profectu animi : nemo in conspicuo
mortem habet , nemo non procul spes in-
tendit . Quidam verò disponunt etiam il-
la quæ ultra vitam sunt, moles magnas se-
pulcrorum , & operum publicorum dedi-
cationes , & ad rogum munera , & ambi-
tiosas exsequias . At mehercule istorum
funera , tanquam minimum vixerint , ad
faces & ad cereos ducenda sunt.

L. ANNÆI SENECAE

DE VITA BEATA AD GALLIONEM FRATREM.

LIBER VNVS.

CAPVT I.

VIVERE , Gallio frater, omnes
beatè volunt: sed ad peruiden-
dum, quid sit quod beatam vi-
tam efficiat , caligant . Adeo-
que non est facile consequi beatam vi-
tam , vt ab ea quisque eò longiùs recedat ,
quò ad illam citatiùs fertur , si via lapsus
est: quæ vbi in contrarium ducit , ipsa ve-
locitas maioris interpalli causâ fit . Pro-
ponen-

ponendum est itaque primum, quid sit quod petamus: tunc circumspiciendum est, quā contendere illò celerrimè possimus: intellecturi in ipso itinere, si modò rectum erit, quantum quotidie profligetur, quantoque propius ab eo simus, ad quod nos cupiditas naturalis impellit. Quandiu quidem passim vagamur, non ducem secuti, sed fremitum & clamorem dissonum in diuersa vocantium, conteritur vita inter errores, brevis, etiam si dies noctesque bonæ menti laboremus. Decernatur itaque & quò tendamus, & quā non sine perito aliquo, cui explorata sint ea, in quæ procedimus. Quoniam quidem non eadem hic, quæ in ceteris peregrinationibus, conditio est. In illis comprehensus aliquis limes, & interrogati incolæ, nō patiuntur errare: at hic tritissima quæque via, & celeberrima, maximè decipit. Nihil ergo magis præstandum est, quam ne, pecorum ritu, sequamur antecederium gregem, pergentes non quā eundum est, sed quā itur. Atqui nulla res nos maioribus malis implicat, quàm quòd ad rumorem componimur: optima rati ea, quæ magno assensu recepta sunt, quorumque exempla nobis multa sunt: nec ad rationem, sed ad similitudinem viuimus. Inde ista tanta coaceruatio aliorum supra alios ruentium. Quod in strage hominum magna euenit, cū ipse se populus premit, nemo ita cadit, ut non alium in se attrahat;

hat; primi exitio sequentibus sunt : hoc in omni vita accidere , videas licet. nemo sibi tantum errat , sed alij erroris causa & auctor est . Nocet enim applicari antecedentibus:& dum vnusquisque mauult credere,quàm iudicare,nunquam de vita iudicatur, semper creditur: versatque nos & præcipitat traditus per manus error , alienisque perimus exemplis . Sanabimur , si modò separemur à cœtu : nunc verò stat contra rationem, defensor mali sui, populus. Itaque idem euenit, quod in comitiis, in quibus eos factos prætores iidem qui fecere mirantur, cum se mobilis fauor circumegit. Eadem probamus, eadem reprehendimus. hic exitus est omnis iudicij, in quo lis secundum plures datur.

CAP. II. Cùm de beata vita agitur, nõ est quòd mihi illud discessionum more respondeas : Hæc pars maior esse videtur . Ideò enim peior est. Non tam benè cum rebus humanis agitur , vt meliora pluribus placeant : argumentum pessimi , turba est. Quæramus quid optimè factum sit, non quid vsitatissimum: & quid nos in possessione felicitatis æternæ constituat, non quid vulgo , veritatis pessimo interpreti , probatum sit . Vulgum autem tam chlamydatos , quàm coronam voco. Non enim colorem vestium , quibus prætexta corpora sunt , aspicio : oculis de homine non credo . habeo melius certiusque lumen, quo à falsis vera diiudicem . Animi
bo-

bonum, animus inueniat. Hic, si vnquam illi respirare & recedere in se vacauerit; ò quàm sibi ipse verum, tortus à se, fatebitur, ac dicet! Quidquid feci adhuc, infectum esse mallem: quidquid dixi, cùm recogito, in multis video: quidquid optaui, inimicorum execrationem puto: quidquid timui, dii boni, quanto melius fuit, quàm quod concupiui? Cum multis inimicitias gessi, & in gratiã ex odio (si modò vlla inter malos gratia est) redij: mihi ipsi nondum amicus sum. Omnem operam dedi, vt me multitudini educerem, & aliqua dote notabilem facerem: quid aliud quàm telis me opposui, & maleuolentiæ quod morderet ostendi? Vides tu istos, qui eloquentiam laudant, qui opes sequuntur, qui gratiæ adulantur, qui potentiam extollunt? omnes aut sunt hostes, aut (quod in æquo est) esse possunt. Quàm magnus mirantium, tam magnus invidentium populus est.

CAP. III. Quin potius quæro aliquid vsu bonum, quod sentiam, non quod ostendam: ista quæ spectantur, ad quæ consistitur, quæ alter alteri stupens monstrat, foris nitent, introrsus misera sunt. Quæramus aliquid non in speciem bonum, sed solidum & æquabile, & à secretiore parte formosius. Hoc eruamus. nec longè positum est; inuenietur: scire tantùm opus est, quò manum porrigas. Nunc velut in tenebris vicina transimus, offensantes in

ipsa, quæ desideramus. Sed ne te per circuitus traham, aliorum quidem opiniones præteribo: nam & enumerare illas longum est, & coarguere. nostram accipe. Nostram verò cum dico, non alligo me ad vnum aliquem ex Stoicis proceribus: est & mihi censendi ius. Itaque aliquem sequar, aliquem iubebo sententiam diuidere: fortasse & post omnes citatus, nihil improbabo ex his quæ priores decreuerint, & dicam: Hoc amplius censeo. Interim, quod inter omnes Stoicos conuenit, rerum naturæ assentior. ab illa non deerrare, & ad illius legem exemplumq; formari, sapientia est. Beata est ergo vita, conueniens naturæ suæ: quæ non aliter contingere potest, quàm si primùm sana mens est, & in perpetua possessione sanitatis suæ. Deinde, si fortis ac vehemens, tum pulcherrima & patiens, apta temporibus, corporis sui pertinentiumque ad id curiosa; non anxie tamen rerum quæ vitam instrunt, diligens, sine admiratione cuiusquam: vsura fortunæ muneribus, non seruitura: Intelligis, etiam si non adiiciam, sequi perpetuam tranquillitatem, libertatem: depulsis his, quæ aut irritant nos, aut territant. Nam pro voluptatibus, & pro illis quæ parua ac fragilia sunt, & in ipsis flagitiis noxia, ingens gaudium subit, inconcussum, & æquabile: tum pax & concordia animi, & magnitudo cum mansuetudine. Omnis enim ex in-

firmi-

firmitate feritas est.

CAP: IV. Potest aliter quoque defini-
niri bonum nostrum, id est, eadem sen-
tentia, non iisdem comprehendi verbis.
Quemadmodum idem exercitus modò
latius panditur, modò in angustum coar-
ctatur, & aut in cornua, sinuata media
parte, curuatur, aut recta fronte explica-
tur: vis illi, vtcunque ordinatus est, eadem
est, & voluntas pro eisdem partibus stan-
di: ita definitio summi boni aliàs diffun-
di potest & exporrigi, aliàs colligi, & in se
cogi. Idem itaque erit, si dixerò: Sum-
mum bonum est, animus fortuita despi-
ciens, virtute latus: aut, Inuicta vis ani-
mi, perita rerum, placida in actu, cum hu-
manite multa, & conuersantium cura.
Libet & ita definire, vt beatum dicamus
hominem eum; cui nullum bonum ma-
lumque sit, nisi bonus malusque animus:
honesti cultor, virtute contentus, quem
nec extollant fortuita, nec frangant: qui
nullum maius bonum eo, quod sibi ipse
dare potest, nouerit: cui vera voluptas erit,
voluptatum contemptio. Licet, si euagari
velis, idem in aliam atq; aliam faciem, sal-
ua & integra potestate, transferre. Quid
enim prohibet nos beatam vitam dicere,
liberum animum, & erectum, & interri-
tum ac stabilem, extra metum, extra cupi-
ditatem positum; cui vnum bonum ho-
nestas, vnum malum turpitudine? Cetera
vilis turba rerum, nec detrahens quic-

S 3 quam

quam beatæ vitæ, nec adiiciens, sine auctu
ac detrimento summi boni veniens ac re-
cedens. Hunc ita fundatum necesse est,
velit nolit, sequatur hilaritas continua, &
lætitia alta atque ex alto veniens, ut quæ
suis gaudeat, nec maiora domesticis cu-
piat. Quidni ista penset benè cum minutis,
& friuolis, & non perseverantibus cor-
pusculi motibus? quo die infra volupta-
tem fuerit, & infra dolorem erit.

CAP. V. Vides autem, quàm malam
& noxiam servitutem serviturus sit, quæ
voluptates doloresque, incertissima do-
minia, impotentissimaque, alternis pos-
sidebunt. Ergo exeundum ad libertatem
est: hanc non alia res tribuit, quàm for-
tunæ negligentia. Tum illud orietur inæ-
stimabile bonum, quies mentis in tuto
collocatæ, & sublimitas: expulsi que ter-
roribus, ex cognitione veri gaudium
grande & immotum, comitasque & dif-
fusio animi: quibus delectabitur non ut
bonis, sed ut ex bono suo ortis. Quoniam
liberaliter agere cœpi, potest beatus dici,
qui nec cupit, nec timet, beneficio ra-
tionis. Quoniam & saxa timore & tristi-
tia carent, nec minùs pecudes: non ideò
tamen quisquam felicia dixerit, quibus
non est felicitatis intellectus. Eodem lo-
co pone homines, quos in numerum pe-
corum & animalium redegit hebes natu-
ra, & ignoratio sui. Nihil interest inter
hos, & illa: quoniam illis nulla ratio est,
his

his praua, & malo suo atque in peruersum solers. Beatus enim nemo dici potest, extra veritatem proiectus. Beata ergo vita est, in recto certoque iudicio stabilita, & immutabilis. Tunc enim pura mens est, & soluta omnibus malis, cum non tantum lacerationes, sed etiam vellicationes effugerit: statuta semper ubi constitit, ac sedem suam etiam irata & infestante fortuna vindicata. Nam quod ad voluptatem pertinet, licet circumfundatur undique, per omnes vias influat, animumque blandimentis suis leniat, aliaque ex aliis admoueat, quibus totos partesque nostri sollicitet: quis mortalium, cui vllum superest hominis vestigium, per diem noctemque titillari velit, & deserto animo, corpori operam dare?

CAP. VI. Sed & animus quoque, inquit, voluptates habebit suas. Habeat sane, sedeatque luxuriæ & voluptatum arbiter, impleat se omnibus eis, quæ oblectare sensus solent: deinde præterita respiciat, & exoletarum voluptatum memor exsultet prioribus, futurisque iam imminet, ac spes ordinet suas, & dum corpus in præsentis sagina iacet, cogitationes ad futura præmittat: hoc mihi videtur miserius, quoniam mala pro bonis legere, dementia est. Nec sine sanitate quisquam beatus est: nec sanus, cui offutura pro optimis appetuntur. Beatus est ergo iudici-

rectus: beatus est præsentibus, qualiacunque sunt, contentus, amicisq̃ue rebus suis: beatus is, cui omnem habitum rerum suarum ratio commendat. Vident & illi, qui summum bonum voluptatem dixerunt, quàm turpi illud loco posuerint. Itaque negant posse voluptatem à virtute diduci, & aiunt, nec honestè quemquam vivere, vt non iucundè; nec iucundè, vt non honestè viuat. Non video, quomodo ista tam diuersa in eadem copulam coniiciantur. Quid est, oro vos, cur separari voluptas à virtute non possit? videlicet, quòd omne boni ex virtute principium est: ex huius radicibus etiam ea, quæ vos & amatis & expetitis, oriuntur. Sed si ista indiscreta essent, non videremus quædam iucunda, sed non honesta: quædam verò honestissima, sed aspera, & per dolores exigenda.

CAP. VII. Addite nunc, quòd voluptas etiam ad vitam turpissimam venit: at virtus malam vitam non admittit. & infelices quidam non sine voluptate, imò ob ipsam voluptatem sunt: quod non eueniret, si virtuti se voluptas immiscuisset, qua virtus sæpè caret, nunquam indiget. Quid dissimilia, imò diuersa componitis? Altum quiddam est virtus, excelsum, regale, inuictum, infatigabile: voluptas, humile, seruale, imbecillum, caducum, cuius statio ac domicilium fornices & popinæ sunt. Virtutem in templo inuenies, in fo-

ro, in curia, pro muris stantem, puluerulentam, coloratam, callosas habentem manus: voluptatem latitantem sæpiùs, ad tenebras captantem; circa balnea ac sudatoria, ac loca ædilem metuentia; mollem, eneruam, mero atque vnguento madentem, pallidam, fucatam, & medicamentis pollutam. Summum bonum immortale est, nescit exire: nec satietatem habet, nec pœnitentiam. nunquam enim recta mens vertitur: nec sibi odio est, nec quidquam mutauit optima. at voluptas tunc cùm maximè delectat, exstinguitur. Nec multum loci habet. itaque citò implet: & tædio est, & post primum imperum marcet. Nec id vnquam certum est, cuius in motu natura est. ita ne potest quidem vlla eius esse substantia, quod venit transire celerimè, in ipso vsu sui periturum. Eò enim peruenit, vbi desinat: & dum incipit, spectat ad finem.

CAP. VIII. Quid, quòd tam bonis, quàm malis, voluptas inest? nec minùs turpes dedecus suum, quàm honestos egregia delectant. Ideoque præceperunt veteres, optimam sequi vitam, non iucundissimam: vt rectæ ac bonæ voluntatis non dux, sed comes voluptas sit. Natura enim duce vtendum est: hanc ratio obseruat, hanc consulit. Idem est ergo beatè viuere, & secundum naturam. Hoc quid sit, iam aperiam. Si corporis dotes, & apta naturæ, conseruabimus diligenter &

impavidè, tanquam in diem data & fugacia; si non subierimus eorum seruitutem, nec nos aliena possederint; si corpori grata & aduenticia eo nobis loco fuerint, quo sunt in castris auxilia, & armaturæ leues. Seruiant ista, non imperent: ita demum vtilia sunt menti. Incorruptus vir sit externis, & insuperabilis, miratorque tantum sui: fidens animi, atque in vtrumque paratus, artifex vitæ. Fiducia eius non sine scientia sit, non sine constantia: maneant illi semel placita, nec vlla in decretis eius litura sit. Intelligitur, etiam si non adiecero, compositum ordinatumque fore talem virum, & in his quæ ager cum comitate magnificum. Erit vera ratio sensibus insita, & capiens inde principia. nec enim habet aliud vnde conetur, aut vnde ad verum impetum capiat, & in se reuertatur. Nam mundus quoque cuncta complectens, rectorque vniuersi Deus, in exteriora quidem tendit, sed tamen in totum vndique in se redit. Idem nostra mens faciat: cum secuta sensus suos, per illos se ad externa porrexerit; & illorum & sui potens sit, & (vt ita dicam) deuinciat summum bonum. Hoc modo vna efficietur vis ac potestas, concors sibi: & ratio illa certa nascetur, non dissidens nec hesitans in opinionibus comprehensionibusque, nec in sua persuasione. Quæ cum se disposuit, & partibus suis consensit, & (vt ita dicam) concinuit, summum bonum

num tetigit: Nihil enim pravi, nihil lubrici superest: nihil in quo arietet, aut labet. Omnia faciet ex imperio suo, nihilque inopinatum accidet: sed quidquid aget, in bonum exhibit, facile & parate, & sine tergiversatione agentis. Nam pigritia & hæsitatio, pugnam & inconstantiam ostendit. Quare audacter licet profitearis, summum bonum esse, animi concordiam. Virtutes enim ibi esse debebunt, ubi consensus atque unitas erit: dissident vitia.

CAP. IX. Sed tu quoque, inquit, virtutem non ob aliud colis, quam quia aliquam ex illa speras voluptatem. Primum, non si voluptatem præstatura virtus est, ideo propter hanc petitur: non enim hanc præstat, sed & hanc: nec huic laborat, sed labore eius quamvis aliud petet, hoc quoque assequetur. Sicut in arvo, quod segeti proscissum est, aliqui flores internascuntur, non tamen huic herbulae, quamvis delectet oculos, tantum operis insumptum est: aliud fuit ferenti propositum, hoc superuenit: sic voluptas non est merces, nec causa virtutis, sed accessio: nec quia delectat, placet; sed quia placet, delectat. Summum bonum in ipso iudicio est, & habitu optimæ mentis: que cum suum habitum implevit, & finibus se suis cinxit, consummatum est summum bonum, nec quidquam amplius desiderat. Nihil enim extra totum est, non magis

quàm ultra finem . Itaque erras, cùm interrogas , quid sit illud propter quod virtutem petam ? quæris enim aliquid supra summum . Interrogas, quid petam ex virtute ? ipsam . nihil enim est melius : ipsa pretium sui est . An hoc parùm magnum est ? Cùm tibi dicam, summum bonum est, infragilis animi rigor & providentia , & subtilitas , & sanitas , & libertas , concordia & decor : aliquid etiamnum exigis maius, ad quod ista referantur ? Quid mihi voluptatem nominas ? Homini bonum quæro , non ventris, qui pecudibus ac beluis laxior est .

CAP. X. Dissimulas , inquit , quid à me dicatur . ego enim nego quemquam posse iucundè vivere , nisi simul & honestè viuat : quod non potest mutis contingere animalibus , nec bonum suum cibo inicientibus . Clarè, inquam, ac palàm testor hanc vitam, quam ego iucundam voco , non sine adiecta virtute contingere . At quis ignorat , plenissimos esse voluptatibus vestris stultissimos quosque ? & nequitiam abundare iucundis , animumque ipsum non tantùm genera voluptatis prava , sed multa suggerere ? In primis insolentiam & nimiam æstimationem sui, tumoremque elatum supra ceteros, & amorem rerum suarum cæcum & improuidum ; delicias fluentes , ex minimis ac puerilibus causis exultationem ; iam dicacitatem, & superbiam contumeliis gauden-

dentem, desidiam, dissolutionemque se-
gnis animi indormientis sibi. Hæc om-
nia virtus discutit, & aurem peruellit, &
voluptates æstimat, antequam admittat:
nec quas probavit, magni pendit (vtique
enim admittit) nec usu earum, sed tempe-
rantia læta est. temperantia autem cum
voluptates minuat, summi boni iniuria
est. Tu voluptatem complecteris: ego
compesco. tu voluptate fruëris: ego vtor.
tu illam summum bonum putas: ego nec
bonum. tu omnia voluptatis causã facis:
ego nihil. Cum dico me nihil voluptatis
causã facere, de illo loquor sapiente, cui
soli concedis voluptatem.

CAP. XI. Non voco autem sapien-
tem, supra quem quidquam est, nedum
voluptas. Atqui ab hac occupatus, quo-
modo resistet labori, ac periculo, egesta-
ti, & tot humanam vitam circumstrepen-
tibus minis? quomodo conspectum mor-
tis, quomodo doloris feret? quomodo
mundi fragores, & tantum acerrimorum
hostium, tam molli aduersario victus?
Quidquid voluptas suaserit, faciet. Age,
non vides quàm multa suatura sit? Nihil,
inquis, poterit suadere turpiter, quia ad-
iuncta virtuti est. Non tu vides iterum,
quale sit summum bonum, cui custode
opus est, vt bonum sit? Virtus autem quo-
modo voluptatem reget, quam sequitur:
cum sequi parentis sit, regere imperantis?
à tergo ponitis, quod imperat. Egregium
autem.

autem virtutis apud vos officium, voluptates prægustare. Sed videbimus, an apud quos tam contumeliosè tractata virtus est, adhuc virtus sit: quæ habere nomen suum non potest, si loco cessit. interim de quo agitur, multos ostendam voluptatibus obsessos, in quos fortuna omnia munera sua effudit, quos fatearis necesse est malos. Aspice Nomentanum & Apicium, terrarum ac maris (ut isti vocant) bona conquirantes, & super mensam recognoscentes omnium gentium animalia. Vide hos eosdem è lectis suis spectantes popinam suam, aures vocum sono, spectaculis oculos, saporibus palatum suum delectantes. Mollihus lenibusque fomentis totum lacescit eorum corpus: & ne nares interim cessent, odoribus variis inficitur locus ipse, in quo luxuriæ parentatur. Hos esse in voluptatibus dices: nec tamen illis bonè erit, quia non bono gaudent.

CAP. XII. Malè, inquit, illis erit: quia multa interueniunt, quæ perturbant animum, & opiniones inter se contrariæ mentem inquietabunt. Quod ita esse concedo: sed nihilominus illi ipsi stulti, & inæquales, & sub ictu pœnitentiæ positi, magnas percipiunt voluptates: ut fatendum sit, tam longè tum illos ab omni molestia abesse, quam à bona mente: & (quod plerisque contingit) hilarem insaniam insanire, ac per risum furere. At contra,

trā, sapientium remissæ voluptates & modestæ, ac pænè languidæ sunt, compressæque, & vix notabiles, vt quæ neque accessitæ veniant, nec, quamuis per se accesserint, in honore sint, neque vlllo gaudio percipientium exceptæ. Miscent enim illas, & interponunt vitæ, vt ludum iocumque inter seria. Desinant ergo inconuenientia iungere, & virtuti voluptatem implicare, per quod vitium pessimis quibusque adulantur. Ille effusus in voluptates, reptabundas semper atque ebrius, quia scit se cum voluptate viuere, credit & cum virtute: audit enim voluptatem à virtute separari non posse: deinde vitijs suis sapientiam inscribit, & abscondenda profiteretur. Ita non ab Epicuro impulsī luxuriantur, sed vitijs dediti, luxuriam suam in philosophiæ sinu abscondunt: & eò concurrunt, vbi audiunt laudari voluptatem. Nec æstimatur voluptas illa Epicuri (ita enim mehercules sentio) quàm sobria ac sicca sit: sed ad nomen ipsum aduolant, quærentes libidinibus suis patrocinium aliquod ac velamentum. Itaque quod vnum habebant in malis bonum, perdunt, peccandi verecundiam. Laudant enim ea quibus erubescabant, & vitio gloriantur: ideoque ne resurgere quidem adolescentiæ licet, cùm honestus turpi desidiæ titulus accessit.

C A P. XIII. Hoc est cur ista voluptatis laudatio perniciosa sit: quia honesta præ-

præcepta intrà latent : quod corrumpit ,
 apparet . Mea quidem ista sententia est
 (inuitis hoc nostris popularibus dicam)
 sancta Epicurum & recta præcipere , & si
 propiùs accesseris , tristia : voluptas enim
 illa ad paruum & exile reuocatur : & quam
 nos virtuti legem dicimus , eam ille dicit
 voluptati . Iubet illam parere naturæ : pa-
 rum est autem luxuriæ , quod naturæ satis
 est . Quid ergo est ? ille qui desidiosum
 otium , & gulæ ac libidinis vices felicitatem
 vocat , bonum malæ rei quærît aucto-
 rem ; & dum illò venit , blando nómine in-
 ductus , sequitur voluptatem , non quam
 audit , sed quam attulit : & vitia sua cùm
 cœpit putare similia præceptis , indulget
 illis , non timidè , nec obscurè : luxuriatur
 etiam inoperto capite . Itaque non dico
 quod plerique nostrorum , sectam Epicuri
 flagitiorum magistram esse : sed illud di-
 co , malè audit , infamis est : & immeritò .
 Nec hoc scire quisquam potest , nisi interiùs
 fuerit admissus : frons ipsa dat locum
 fabulæ , & ad malam spem inuitat . Hoc
 tale est , quale vir fortis stola indutus .
 Constante tibi pudicitia , virtus salua est :
 nulli corpus tuum patientiæ vacat , sed in
 manu tympanum est . Titulus itaque ho-
 nestus eligatur , & inscriptio ipsa excitans
 animum ad ea repellenda quæ statim
 enervant , cùm venerint , vitia . Quisquis
 ad virtutem accessit , dedit generosæ in-
 dolis spem : qui voluptatem sequitur , vi-
 detur

detur eneruis, fractus, degenerans vir. peruenturus in turpia: nisi aliquis distinxerit illi voluptates, ut sciat, quæ ex eis intra naturale desiderium sistant, quæ præceps ferantur, infinitæque sint, & quo magis implentur, eò magis inexplébiles. Agedum, virtus antecedit, tutum erit omne vestigium. Voluptas nocet nimia: in virtute non est verendum, ne quid nimium sit: quia in ipsa est modus. Non est bonum, quod magnitudine laborat sua.

C A P. X I V. Rationabilem porrò fortitis naturam, quæ meliùs res, quàm ratio proponitur? & si placet illa iunctura, si hoc placet ad beatam vitam ire comitatum; virtus antecedit, comitetur voluptas, & circa corpus, ut membra verferetur. Virtutem quidem excelssissimam omnium, voluptati tradere ancillam, nihil magnum animo capientis est. Prima virtus sit, hæc ferat signa: habebimus nihilominus voluptatem, sed domini eius & temperatores erimus. aliquid nos exorabit, nihil coget. At hi qui voluptati tradidere principia, utroque caruere. virtutem enim amittunt: ceterum non ipsi voluptatem, sed ipsos voluptas habet: cuius aut inopia torquentur, aut copia strangulantur. Miseri, si deseruntur ab illa: miseriore, si obruuntur! sicut deprehensi in mari Syrtico, modò in sicco relinquuntur, modò torrente vnda fluctuantur. Euenit autem hoc nimia intemperantia,

& amore cæco rei. nam mala pro bonis petenti, periculofum eft aflequi. Vt feras cum labore periculoque venamur, & captarum quoque illarum follicita poffeffio eft: sæpè enim laniant dominos: ita habentes magnas voluptates. in magnum malum euafere, captæque cepere. Quæ quò plures maioresque funt, eò ille minor, ac plurium feruus eft, quem felicem vulgus appellat. Permanere libet in hac etiamnum huius rei imagine. quemadmodum qui beftiarum cubilia indagat, & — *laqueo captare feras* magno æftimat, & — *magnos, canibus circumdare faltus*, vt illarum veftigia premat, potiora deferit, multisque officijs renunciat: ita qui feftatur voluptatem, omnia poftponit: & primam libertatem negligit, ac pro ventre dependit: nec voluptates fibi emit, fed fe voluptatibus vendit.

CAP. XV. Quid tamen, inquit, prohibet in vnum virtutem voluptatemque confundi, & ita effici fumum bonum, vt idem & honeftum & iucundum fit? Quia pars honefti non poteft eſſe, niſi honeftum: nec fumum bonum habebit ſinceritatem ſuam, ſi aliquid in ſe viderit diſſimile meliori. Nec gaudium quidem quod ex virtute oritur, quamvis bonum ſit, abſoluti tamen boni pars eſt: non magis quàm lætitia & tranquillitas, quamvis ex pulcherrimis cauſis naſcantur. Sunt enim iſta bona, ſed confequentia ſum-

summum bonum , non consummantia .
Qui verò voluptatis virtutisque socia-
tem facit , & ne ex æquo quidem , fragili-
tate alterius boni , quidquid in altero vi-
goris est, hebetat : libertatemque illam ita
demum , si nihil se pretiosius nouit , inui-
ctam, sub iugum mittit. Nam (quæ maxi-
ma seruitus est.) incipit illi opus esse for-
tuna: sequitur vita anxia, suspiciosa, trepi-
da, casuum pauens, temporumque suspen-
sa momentis . Non das virtuti fundamen-
tum graue , immobile , sed iubes illam in
loco volubili stare . Quid autem tam vo-
lubile est , quàm fortuitorum expectatio :
& corporis, rerumque corpus afficientium
varietas ? Quomodo hic potest Deo pare-
re , & quidquid euenit , bono animo exci-
pere , nec de fato queri , casuum suorum
benignus interpretes, si ad voluptatum do-
lorumque punctiunculas concutitur ? Sed
nec patriæ quidem bonus tutor aut vin-
dex est, nec amicorum propugnator, si ad
voluptates vergit . Illò ergo summum bo-
num ascendit , vnde nulla vi detrahitur :
quò neque dolori , neque spei , neque ti-
mori sit aditus , nec ulli rei quæ deterius
summi boni ius faciat . Ascendere autem
illò sola virtus potest ; illius gradu cliuus
iste frangendus est : illa fortiter stabit , &
quidquid euenerit , feret : non patiens tan-
tùm, sed etiam volens: omnemque tempo-
rum difficultatem , sciet legem esse natu-
ræ. Et vt bonus miles , feret vulnera, enu-
merabit

merabit cicatrices, & transfuerberatus telis, moriens amabit eum, pro quo eader, imperatorem: habebit in animo illud vetus præceptum: DEVM SEQVERE. Quisquis autem queritur, & plorat, & gemit: imperata facere vi cogitur, & inuitus rapitur ad iussu nihilominus. Quæ autem dementia est, potius trahi: quàm sequi? tam mehercule, quàm stultitia & ignorantia conditionis suæ, dolore, quòd aliquid tibi incidit durius: aut mirari, aut indignè ferre ea, quæ tam bonis accidunt quàm malis. morbos dico, funera, debilitates, & cetera ex transfuerso in vitam humanam incurrentia. Quidquid ex vniuersi constitutione patiendum est, magno excipiat animo. ad hoc sacramentum adacti sumus, ferre mortalia: nec perturbari his, quæ vitare nostræ potestatis non est. In regno nati sumus: Deo parere, libertas est.

CAP. XVI. Ergo in virtute posita est vera felicitas. Quid hæc tibi suadebit? nequid aut bonum, aut malum existimes, quod nec virtute. nec malitia continget. deinde vt sis immobilis contra malum ex bono, vt, qua fas est, Deum effingas. Quid tibi pro hac expeditione promittitur? ingentia & æqua diuinis. Nihil cogeris: nullo indigebis: liber eris, tutus, indemnus: nihil frustra tentabis, nihil prohibebers. Omnia tibi ex sententia cedent: nihil aduersum accidet, nihil contra opinionem

nionem ac voluntatem. Quid ergo? virtus ad viuendum beatè sufficit, perfecta illa & diuina? Quid ni sufficiat? imò superfluit. Quid enim deesse potest extra desiderium omnium posito? quid extrinsecus opus est ei, qui omnia sua in se collegit? Sed ei qui ad virtutem tendit, etiam si multum processit, opus est tamen aliqua fortunæ indulgentia, adhuc inter humana luctanti, dum nodum illum exsoluit, & omne vinculum mortale. Quid ergo interest? quòd alij alligati sunt, alij adstricti, alij districti quoque. Hic qui ad superiora progressus est, & se altiùs extulit, laxam catenam trahit, nondum liber, iam tamen pro libero.

CAP. XVII. Si quis itaque ex istis qui philosophiam conlarrant, quod solent, dixerit: Quare ergo tu fortius loqueris quàm viuis? Quare superiori verba summittis; & pecuniam necessarium tibi instrumentum existimas, & damno moueris; & lacrimas, audita coniugis aut amici morte, dimittis; & respicis famam, & malignis sermonibus tangeris? Quare cultius rus tibi est, quàm naturalis vilius desiderat? cur non ad præscriptum tuum cœnas? cur tibi nitidior supellex est? cur apud te vinum ætate tua vetustius bibitur? cur autem domus disponitur? cur arbores, præter vmbra nihil daturæ, conferuntur? quare vxor tua locupletis domus censum auribus gerit? quare pædagogium

gium pretiosa veste succingitur? quare ars est apud te, ministrare: nec temerè, & ut libet, collocatur argentum, sed peritè seruitur, & est aliquis scindendi obsonij magister? Adijce, si vis, cur trans mare possides? cur plura, quàm nostri, possides? turpius aut tam negligens es, ut non noueris pauculos seruos: aut tam luxuriosus, ut plures habeas, quàm quorum notitiæ memoria sufficiat. Adiuuabo postmodum conuiuia, & plura mihi quàm putas, obijciam: nunc hoc respondebo tibi. Non sum sapiens, & ut maleuolentiam tuam pascam, nec ero. Exigo itaque à me, non ut optimis par sim, sed ut malis melior. hoc mihi satis est, quotidie aliquid ex vitijs meis demere, & errores meos obiurgare. Non perueni ad sanitatem, ne perueniam quidem: delinimenta magis quàm remedia podagræ meæ compono, contentus si rariùs accedit, & si minùs verminatur. Vestris quidem pedibus comparatus, debilis cursor sum.

C A P. XVIII. Hæc non pro me loquor: ego enim in alto vitijs omnium sum: sed pro illo, cui aliquid acti est. Aliter, inquit, loqueris: aliter viuis. Hoc per malignissima capita, & optimo cuique inimicissima, Platoni obiectum est, obiectum Epicuro, obiectum Zenoni. Omnes enim isti dicebant, non quemadmodum ipsi viuerent, sed quemadmodum viuendum esset. De virtute, non de me loquor:

&c

& cū vitij conuitium facio , inprimis meis facio. cū potuero , viuam quomodo oportet . Nec malignitas me ista multo veneno tincta deterrebit ab optimis , ne virus quidem istud , quo alios spargitis , vos necatis , me impediet , quò minùs perseuerem laudare vitam , non quam ago , sed quam agendam scio : quò minùs virtutem adorem , & ex interuallo ingenti reprobundus sequar . Expectabo scilicet , vt quidquam maliuolentiæ inuiolatum sit , cui sacer nec Rutilius fuit , nec Cato? Cur & aliquis non istis diues nimis videatur , quibus Demetrius Cynicus parùm pauper est? O virum acerrimum , & contra omnia naturæ desideria pugnantem ! hoc pauperiorem , quàm ceteri Cynici , quod cū sibi interdixerit habere , interdixit & poscere . Negant satis egere . Vides enim ? non virtutis scientiam , sed egestatis professus est.

C A P. X I X. Diodorum Epicureum philosophum , qui intra paucos dies finem vitæ suæ manu sua imposuit , negant ex decreto Epicuri fecisse , quòd sibi gulam præsecuit . alij dementiam videri volunt factum hoc eius , alij temeritatem . Ille interim beatus , ac plenus bona conscientia , reddidit sibi testimonium vita excedens , laudauitque ætatis in portu , & ad ancoram actæ quietem : & dixit , quod vos inuiti audistis , quasi vobis quoque faciendum sit ;

Vixi,

*Vixi, & quem dederat cursum fortuna,
peregi.*

De alterius vita, de alterius morte disputatis: & ad nomen magnorum ob aliquam eximiam laudem virorum, sicut ad occursum ignotorum hominum minuti canes, larratis. Expedit enim vobis, neminem videri bonum: quasi aliena virtus, exprobratio delictorum vestrorum sit. Inuiti splendida cum sordibus vestris confertis, nec intelligitis quanto id vestro detrimento audeatis. Nam si illi qui virtutem sequuntur, avari, libidinosi, ambitiosi que sunt: quid vos estis, quibus ipsum nomen virtutis odio est? Negatis quemquam præstare quæ loquitur, nec ad exemplar orationis suæ vivere. Quid mirum? cum loquantur fortia, ingentia, omnes humanas tempestates euadentia? cum refigere se crucibus conentur, in quas unusquisque vestrum clauos suos ipse adigit? ad supplicium tamen acti, stipitibus singulis pendunt. Hi qui in seipsos animaduertunt, quot cupiditatibus, tot crucibus distrahuntur: & maledici, in alienam contumeliam venusti sunt. Crederem illis, nisi quidam ex patibulo suos spectatores conspuerent.

CAP. XX. Non præstant philosophi quæ loquuntur? multum tamen præstant, quod loquuntur; quod honesta, mente concipiunt. Nam si & paria dictis agerent, quid esset illis beatius? interim non est,

est, quod contemnas bona verba, & bonis cogitationibus plena præcordia. Studio-
rum salutarium, etiã citra effectum, lau-
danda tractatio est. Quid mirum, si non
ascendunt in altum ardua aggressi? sed vi-
ros suspice, etiam si decidunt, magna co-
nantes. Generosa res est, respicientem
non ad suas, sed ad naturæ suæ vires, co-
nari alta, tentare, & mente maiora conci-
pere, quàm quæ etiam ingenti animo ad-
ornatis effici possint. Qui sibi hoc propo-
suit: Ego mortem eodem vultu audiam,
quo videbo. ego laboribus, quanticunque
illi erunt, parebo, animo fulciens corpus.
ego diuitias & præsentēs & absentes æquè
contemnam; nec si aliubi iacebunt, tri-
stior; nec si circa me fulgebunt, animo-
sior. ego fortunam nec venientem sen-
tiam, nec recedentem. ego terras omnes
tanquam meas videbo, meas tanquam
omnium. ego sic viuam, quasi sciam aliis
me natum: & naturæ rerum hoc nomine
gratias agam. Quo enim melius genere
negotium meum agere potuit? vnum me
donauit omnibus; vni mihi omnes. Quid-
quid habebō, nec sordidè custodiam, nec
prodigè spargam. nihil magis possidere
me credam, quàm benè donata: non nu-
mero, nec pondere beneficia; nec vlla, nisi
accipientis æstimatione, pendam. Nun-
quam id mihi multum erit, quod dignus
accipiet. Nihil opinionis causā, omnia
conscientiæ faciam: populo teste fieri cre-
dam,

T

434 L. ANNÆI SENECAE
dam, quidquid me nescio faciam. Edendi
erit bibendique finis, desideria naturæ re-
stinguere, non implere alium, & exinanire.
Ego amicis iucundus, inimicis mitis
& facilis, exorabor antequam roger, ho-
nestis precibus occurram. Patriam meam
esse mundum sciam: & præfides deos su-
pra me, circaque me stare, factorum di-
ctorumque censores. Quandocunque au-
tem natura spiritum repeter, aut ratio di-
mitteret, testatus exibo, bonam me con-
scientiam amasse, bona studia: nullius per
me libertatem imminutam, minimè meā.

CAP. XXI. Qui hoc facere propo-
net, volet, tentabit, ad deos iter faciet: nã
ille, etiam si non tenuerit, magnis tamen
excidet ausis. Vos quidem, qui virtutem
cultoremque eius odistis, nihil novi faci-
tis. nam & solem lumina egra formidant,
& auersantur diem splendidum nocturna
animalia, quæ ad primum eius ortum stu-
pent, & latibula sua passim petunt, abdu-
ntur in aliquas rimas timida lucis. Gemi-
te, & infelicem linguam bonorum exer-
cite conuicio. instate, commordete: ci-
tiùs multo frangetis dentes, quàm imprime-
tis. Quare ille philosophiæ studiosus
est, & tam diues vitam agit? quare opes
contemnendas dicit, & habet? vitam con-
temnendam putat, & tamen viuit? valetu-
dinem contemnendam, & tamen illam
diligentissimè tuetur, atque optimam ma-
nuit? Et exilium nomen vanum putat, &
ait,

ait, Quid est enim mali, mutare regiones? & tamen si licet, senescit in patria? Et inter longius tempus & breuius nihil interesse iudicat: tamen si nihil prohibet, extendit ætatem, & in multa senectute placidus virescat? Ait ista debere contemni: non, ne habeat, sed ne sollicitus habeat. non abiget illa à se: sed abeuntia securus prosequetur. Diuitias quidem ubi tutius fortuna deponet, quàm ibi, vnde sine querela reddentis receptura est? M. Cato cum laudaret Curium & Coruncanium, & sæculum illud in quo censorium crimen erat, panca argenti lamellæ, possidebat ipse quadragies sestertium: minus sine dubio quàm Crassus, plus tamen quàm censorius Cato. Maiore spacio, si compareretur, proauum vicerat, quàm à Crasso vinceretur. Et si maiores illi obuenerent opes, non spreuisset. nec enim se sapiens indignum ullis muneribus fortuitis putat. Non amat diuitias, sed mauult: non in animum illas, sed in domum recipit: nec respuit possessas, sed continet, & maiorem virtuti suæ materiam subministrari vult.

C A P. XXII. Quid autem dubij est, quin maior materia sapienti viro sit, animum explicandi suum in diuitiis, quàm in paupertate? cum in hac vnum genus virtutis sit, non inclinari, nec deprimi: in diuitiis, & temperantia, & liberalitas, & diligentia, & dispositio, & magnificentia,

campum habent patentem. Non contemnet se sapiens, etiam si fuerit minimæ staturæ: esse tamen se procerum volet. & exilis corpore, ac amisso oculo valebit: malet tamen sibi esse corporis robur. Et hæc ita, vt sciat esse aliud in se valentius. malam valetudinem tolerabit, bonam optabit. Quædam enim, etiam si in summam rei parua sunt, vt & subduci sine ruina principalis boni possint: adiiciunt tamen aliquid ad perpetuam lætitiā, & ex virtute nascentem. Sic illum afficiunt diuitiæ, & exhilarant, vt nauigantem secundus, & ferens ventus, vt dies bonus, vt in bruma ac frigore apricus locus. Quis porro sapientum, nostrorum dico, quibus vnum est bonum virtus, negat etiam hæc quæ indifferentia vocamus, habere in se aliquid pretij, & alia aliis esse potiora? Quibusdam ex his tribuitur aliquid honoris, quibusdam multum. Ne erres itaque, inter potiora diuitiæ sunt. Quid ergo, inquis, me derides, cum eundem apud te locum habeant, quem apud me? Vis scire, quàm non habeant eundem locum? mihi diuitiæ si effluerint, nihil auferent, nisi semetipsas: tu stupebis, & videberis tibi sine te relictus, si illæ à te recesserint. apud me diuitiæ aliquem locum habent: apud te, summum ad postremum, diuitiæ meæ sunt: tu diuitiarum es.

CAP. XXIII. Desine ergo philosophis pecunia interdicare: nemo sapien-
tiam

tiam paupertate damnauit. Habebit philosophus amplas opes: sed nulli detrahtas, nec alieno sanguine cruentas, sine cuiusquam iniuria partas, sine sordidis quæstibus, quarum tam honestus sit exitus quàm introitus, quibus nemo ingemiscat, nisi malignus. In quantum vis, exaggera illas; honestæ sunt: in quibus cum multa sint quæ quisque sua dici velit, nihil est quod quisquam suum possit dicere. Ille verò fortunæ benignitatem à se non submouebit, & patrimonio per honesta quæsito nec gloriabitur, nec erubescet. Habebit tamen etiam quo gloriatur, si aperta domo; & admissa in res suas ciuitate, poterit dicere: Quod quisque suum agnouerit, tollat. O magnum virum, optimè diuitem, si opus ad hanc vocem consonet! si post hanc vocem tantundem habuerit! ita dico, si tutus & securus scrutationem populo præbuerit: si nihil quisquam apud illum inuenerit, quò manus iniiciat: audacter & propalàm erit diues. Sicut sapiens nullum denarium intra limen suum admittet, malè intrantem: ita & magnas opes, munus fortunæ, fructumque virtutis, non repudiabit, nec excludet. Quid enim est, quare illis bonum locum inuideat? veniant, hospitentur. Nec iactabit illas, nec absconder. alterum infruniti animi est; alterum timidi & pusilli, velut magnum bonum intra finem continentis. Nec, vt dixi, eiiciet

illas è domo. Quid enim dicet? vtrumne, Inutiles estis: an, Ego vti diuitiis nescio? Quemadmodum etiam si pedibus suis poterit iter conficere, ascendere tamen vehiculum malet: sic si poterit esse diues, volet: & habebit vtique opes, sed tanquam leues & auolaturas: nec vlli alij, nec sibi graues esse patietur. Donabit. Quid erexitis aures? quid expeditis sinum? Donabit, aut bonis, aut eis quos facere poterit bonos. Donabit cum summo consilio, dignissimos eligens: vt qui meminerit, tam expensorum quàm acceptorum rationem esse reddendam. Donabit ex recta & probabili causa. nam inter turpes iacturas malum munus est. Habebit sinum facilem, non perforatum: ex quo multa exeant, nihil excidat.

CAP. XXIV. Errat, si quis existimat facilem rem esse donare. Plurimum ista res habet difficultatis, si modò consilio tribuitur, non casu & impetu spargitur. Hunc promereor, illi reddo: huic succurro, huius misereor. illum instruo, dignum quem non diducat paupertas, nec occupatum teneat. Quibusdam non dabo, quamuis desit: quia etiam si dederò, erit defuturum. quibusdam offeram, quibusdam etiam inculcabo. Non possum in hac re esse negligens: nunquam magis nomina facio, quàm cum dono. Quid? tu, inquis, recepturus donas? imò non perditurus. Eo loco sit donatio, vnde repeti non

non

non debeat, reddi possit. Beneficium collocetur, quemadmodum thesaurus altè obrutus: quem non eruas, nisi fuerit necesse. Quid domus ipsa diuitis viri, quantum habet benefaciendi materiam? Quis enim liberalitatem tantum ad togatos vocat? hominibus prodesse natura iubet: serui liberine sint, ingenui an libertini, iustæ libertatis, an inter amicos datæ, quid refert? ubicunque homo est, ibi beneficio locus est. Potest etiam pecuniam suam intra limen suum diffundere, & liberalitatem exercere: quæ non quia liberis debetur, sed quia à libero animo profisciscitur, ita nominata est. Hac apud sapientem nec vnquam in turpes indignosque impingitur, nec vnquam ita defatigata erit, vt non quotiens dignum inuenerit, quasi ex pleno fluat. Non est ergo quòd perperam exaudiatis, quæ honestè, fortiter, animosè, à studiosis sapientiæ dicuntur: & hoc primum attendite. Aliud est, studiosus sapientiæ: aliud iam adeptus sapientiam. Ille tibi dicet: Optimè loquor, sed adhuc inter mala volutor plurima. Nō est, quòd me ad formulam meam exigas: cum maximè facio me & formo, & ad exemplar ingens attollo. si processero, quantum proposui, exige, vt dictis facta respondeant. Assēcutus verò humani boni summam, aliter tecum ager, & dicet: Primum, non est, quòd tibi permittas de melioribus ferre sententiam. mihi iam

quod argumentum est recti contigit;
malis displicere. Sed ut tibi rationem red-
dam, quam nulli mortalium inuideo, audi
quid promittam, & quanti quæque æsti-
mem. Diuitias nego bonum esse: nam si
essent, bonos facerent. nunc quoniam
quod apud malos deprehenditur, dici bo-
num non potest; hoc illis nomen nego.
ceterum & habendas esse, & utiles, &
magna commoda adferentes, fateor.

CAP. XXV. Quid ergo sit, quare il-
las non in bonis numerem, & quid in il-
lis præstem aliud, quam vos, quoniam
inter utrosque conuenit habendas, au-
dite. Pone in opulentissima me domo,
pone aurum argentumque in promiscuo
usu sit: non suspiciam me ob ista, quæ
etiam si apud me, extra me tamen sunt.
In sublicium pontem me transfer, & in-
ter egentes abige: non ideo tamen me
despiciam, quod in illorum numero con-
fideo, qui manum ad stipem porrigunt.
quid enim ad rem, an frustum panis de-
sit, cui non deest mori posse? Quid ergo
est? domum illam splendidam malo,
quam pontem. Pone in instrumentis
splendentibus, & delicato apparatu: ni-
hilo me feliciorẽ credam, quod mihi
molle erit amiculum, quod purpura con-
uiujs meis substernetur. Nihilo miserior
ero, si lassæ ceruix mea in manipulo fœ-
ni acquiescet, si super Circense tomen-
tum, per futuras veteris lintei effluens,
incu-

incubabo. Quid ergo est? malo quid mihi animi sit ostendere, prætextatus & candidatus, quàm nudis scapulis & foetentibus. Ut omnes mihi dies ex voto cedant, nouæ gratulationes prioribus subtexantur: non ob hoc mihi placebo. Muta in contrarium hanc indulgentiam temporis: hinc illinc percutiatur animus, damno, luctu, incursionibus variis; nulla hora sine aliqua querela sit: non ideò me dicam inter miserrima miserum, non ideò aliquem execrabor diem. prouisum est enim à me, ne quis mihi ater dies esset. Quid ergo est? malo gaudia temperare, quàm dolores compescere. Hoc tibi ille Socrates dicet: Fac me victorem vniuersarum gentium: delicatus ille Liberi currus triumphantem vsque ad Thebas à solis ortu vehat: iura reges Persarum petant: me hominem esse tum maximè cogitabo, cùm Deus vndique consalutabor. Huic tam sublimi fastigio coniunge protinus præcipitem mutationem: in alienum imponar ferculum, exornaturus victoris superbi ac feri pompam: non humilior sub alieno curru agar, quàm in meo steteram. Quid ergo est? vincere tamen, quàm capi malo. Torum fortunæ regnum despiciam: sed ex illo, si dabitur electio, molliora sumam. Quidquid ad me venerit, bonum fiet: sed malo faciliora ac iucundiora veniant, & minus vexatura tractantem. Non est enim quòd

vllam existimes esse sine labore virtutem : sed quædam virtutes stimulis , quædam frænis egent . Quemadmodum corpus in procliuo retineri debet , in ardua impelli : ita quædam virtutes in procliu sunt , quædam clium subeunt . An dubium sit , quin ascendat , nitatur , oblectetur patientia , fortitudo , perseverantia , & quæcunque alia duris opposita virtus est , & fortunam subigit ? Quid ergo ? non æquè manifestum est per deuexum ire liberalitatem , temperantiam , mansuetudinem ? In his continemus animum , ne prolabatur : in illis exhortamur , incitamusque . Acerrimas ergo paupertati adhibebimus , illas quæ pugnare sciunt , fortiores : diuitiis illas diligentiores , quæ suspensum gradum ponunt , & pondus suum sustinent .

C A P . X X V I . Cùm hoc ita diuisum sit , malo has in usu mihi esse , quæ exercendæ tranquillius sint , quàm eas quarum experimentum sanguis & sudor est . Ergo non ego , inquit sapiens , aliter vino quàm loquor , sed vos aliter auditis . Sonus tantummodo verborum ad aures vestras peruenit : quid significet , non quæritis . Quid ergo inter me stultum , & te sapientem interest , si uterque habere volumus ? plurimum . Diuitiæ enim apud sapientem virum in seruitute sunt : apud stultum in imperio . sapiens diuitiis nihil permittit : vobis diuitiæ omnia . Vos ,
tam-

tamquam aliquis vobis æternam possessionem earum promiserit, assuescitis illis, & coharetis: sapiens tunc maxime paupertatem meditatur, cum in mediis diuitiis constitit. Nunquam imperator ita paci credit, ut non se præparet bello: quod etiamsi non geritur, indictum est. Vos domus formosa, tamquam nec ardere nec ruere possit, insolentes: vos opes, tamquam periculum omne transcendere, maioresque sint quam quibus consumendis satis virium habeat fortuna, obstupesciunt. Otiosi diuitiis luditis, nec prouidetis illarum periculum. sicut barbari plerumque inclusi, & ignari machinarum, segues laborem obsidentium spectant, nec quò illa pertineant, quæ ex longinquo instruuntur, intelligunt. Idem vobis euenit. marcescitis in vestris rebus: nec cogitatis, quot casus undique immineant, iamiamque pretiosa spolia laturi. Sapienti quisquis abstulerit diuitias, omnia illi sua relinquet: vivit enim præsentibus lætus, futuri securus. Nihil magis, Socrates inquit, aut aliquis alius, cui idem ius. aduersus humana atque eadem potestas est, persuasi mihi; quàm ne ad opiniones vestras actum vitæ meæ flecterem. Solita conferte undique verba: non conuiciari vos putabo, sed vagire velut infantes miserimos. Hæc dicet ille, cui sapientia contigit: quem animus vitiorum immunis in-

crepare alios, non quia odit, sed in remedium, iuber. Adiciens his illa: Existimatio me vestra non meo nomine, sed vestro mouet. odisse, & laceßere virtutem, bonæ spei eiuratio est. Nullam mihi iniuriam facitis. sicut ne diis quidem hi, qui aras euertunt: sed malum propositum apparet, malumque consilium, etiam ubi nocere non potuit. Sic vestras hallucinationes fero, quemadmodum Iupiter optimus maximus ineptias poetarum: quorum alius illi alas imposuit, alius cornua: alius adulterum illum induxit, & abnoctantem: alius scæuum in deos, alius iniquum in homines: alius raptorem ingenuorum, corruptoremque, & cognatorum quidem: alius patricidam, & regni alieni paternique expugnatorem. Quibus nihil aliud actum est, quam ut pudor hominibus peccandi demeretur, si tales deos credidissent. Sed quamquam ista me nihil lædant, vestra tamen vos moneo causa: suscipite virtutem. Credite his, qui illam diu secuti, magnum quiddam ipsos, & quod in dies maius appareat, sequi clamant. Et ipsam ut deos, & professores eius ut antistites colite: & quotiens mentio sacra litterarum interuenerit, fauete linguis. Hoc verbum non, ut plerique existimant, à fauore trahitur: sed imperatur silentium, ut ritè peragi possit sacrum, nulla voce mala obstrepente.

— C A P. XXVII. Quod multo magis
necessa

necessarium est imperari vobis, ut quotiens aliquid ex illo proferetur oraculo, intenti, & compressa voce audiat. Cum sistrum aliquis concutiens ex imperio mentitur, cum aliquis secundi lacertos suos artifex, brachia atque humeros suspensa manu cruentat: cum aliqua genibus per viam repens ululat; laurumque linteatus fenex, & medio lucernam die præferens, conclamat, iratum aliquem deorum; concurritis & auditis, & diuinum esse eum, inuicem mutuum alentes stuporem, adfirmatis. Ecce Socrates ex illo carcere, quem intrando purgavit, omni que honestiorem curia reddidit, proclamat: Quis iste furor? quæ ista inimica dijs hominibusque natura est? infamare virtutes, & malignis sermonibus sancta violare? Si potestis, bonos laudate: si minùs, transite. Quod si vobis exercere terram istam licentiam placet, alter in alterum incursitate. nam cum in cœlum insanitis, non dico sacrilegium facitis, sed operam perditis. Præbui ego aliquando Aristophani materiam iocorum: tota illa comicorum poetarum manus in me venenatos sales suos effudit. Illustrata est virtus mea, per ea ipsa, per quæ petebatur. produci enim illi & tentari expedit: nec vlli magis intelligunt quanta sit, quam qui vires eius lacescendo senserunt. Duritia silicis nulli magis, quam ferientibus, nota est. Præbeo me non aliter, quam rupes aliqua in vadoso mari desti-

446 L. ANNÆI SENECAE
iectitata, quam fluctus non desinunt undecunque moti sunt verberare: nec ideo aut loco eam movent, aut per tot ætates crebro incurſu ſuo conſumunt. Affilite, facite impetum: ferendo vos vincam. In ea, quæ firma & inſuperabilia ſunt, quidquid incurrit, malo ſuo vim ſuam exercet. Proinde quærite aliquam mollem cedentemque materiam, in quam tela veſtra figantur. Vobis autem vacat aliena ſcrutari mala, & ſententias ferre de quocunque? Quare hic philoſophus laxius habitat? quare hic lautius cænat? Papulas obſervatis alienas, ipſi obſiti plurimis ulceribus. Hoc tale eſt, quale ſi quis pulcherrimorum corporum næuos aut verrucas derideat, quem foeda ſcabies depaſcitur. Obijcite Platoni, quod petierit pecuniam: Ariſtoteli, quod acceperit: Democrito, quod neglexerit: Epicuro, quod conſumpſerit: mihi ipſi Alcibiadem & Phædrum obiectate. O vos uſu maxime felices, cum primum vobis imitari vitia noſtra contigerit! Quin potiùs mala veſtra circumſpiciſtis, quæ vos ab omni parte confodiunt, alia graſſantia extrinſecus, alia in viſceribus ipſis ardentia? Non eo loco res humanæ ſunt, etiam ſi ſtatum veſtrum parùm noſtis, ut vobis tantum otij ſuperſit, ut in probra meliorum agitare linguam vacet.

CAP. XXVIII. Hoc vos non intelligitis, & alienum fortunæ veſtræ vultum

tum geritis : sicut plurimi , quibus in circo aut in theatro desidentibus , iam funesta domus est, nec annunciatum malum . At ego ex alto prospiciens , video quæ tempestates aut immineant vobis , paullo tardius rupturæ nimbum suum , aut iam vicinæ , vos ac vestra rapturæ , propius accesserint . Quid porro , nōne nunc quoque (etiam si parum sentitis) turbo quidam animos vestros rotat , & inuoluit , fugientes, petentesque eadem, & nunc in sublime alleuatos , nunc in infima allisos rapit?

L. ANNÆI SENECAE

DE OTIO AVT SECESSV

S A P I E N T I S

L I B R I P A R S .

E X C A P . XXVIII.

* Circi nobis magno consensu vitia commendant . Licet nihil aliud quod sit salutare tentemus , proderit tamen primò in seipsum secedere . meliores erimus singuli . Quid , quòd secedere ad optimos viros, & aliquod exemplum eligere, ad quod vitam dirigamus , licet ? quod in otio non fit . Tunc potest obtinere quod semel placuit , vbi nemo interuenit , qui iudicium adhuc imbecillum , populo adiutore , de-

torqueat. tunc potest vita æquali & vno tenore procedere, quam propositis diuersissimis scindimus. Nam inter cetera mala illud pessimum est, quod vitia ipsa mutamus. sic ne hoc quidem nobis contingit, permanere in malo iam familiari. Aliud ex alio placet, vexatque nos. Hoc quoque, quod iudicia nostra non tantum praua, sed etiam leuia sunt. Fluctuamus, aliudque ex alio comprehendimus: petita relinquimus, relictæ repetimus: alternæ inter cupiditatem nostram, & pœnitentiam vices sunt. Pendemus enim toti ex alienis iudicijs: & id optimum nobis videtur, quod petitores laudatoresque multos habet, non id quod laudandum petendumque est. Nec viam bonam ac malam per se æstimamus, sed turba vestigiorum, in quibus nulla sunt redeuntium. Dices mihi: Quid agis Seneca? deferis partes. Certè Stoici vestri dicunt: Usque ad vltimum vitæ finem in actu erimus, non desinemus communi bono operam dare, adiuuare singulos, opem ferre etiam inimicis, eniti manu. Nos sumus, qui nullis annis vacationem damus, & quod ait ille vir disertissimus, Canitiem galæ premimus. Nos sumus, apud quos usque eò nihil ante mortem otiosum est, vt, si res patitur non sit ipsa mors otiosa. Quid nobis Epicuri præcepta, in ipsis Zenonis principijs, loqueris? Quin tu benè & nauiter, si partium piget, transfugis potius, quam

quàm prodīs? Hoc tibi in præsentia respondebo. Numquid vis amplius, quàm ut me similem ducibus meis præstem? Quid ergo est? non quò miserint me illi, sed quò duxerint, ibo.

C A P. X X I X. Nunc probabo tibi, nec desciscere me à præceptis Stoicorum: nam ne ipsi quidem à suis desciverunt: & tamen excusatissimus essem, etiam si non præcepta illorum sequerer, sed exempla. Hoc quod dico, in duas diuidam partes. Primum, ut possit aliquis, vel à prima ætate, contemplationi veritatis totum se tradere, rationem viuendi quærere, atque exercere, secretò. Deinde, ut possit hoc aliquis emeritis iam stipendijs, profligatæ ætatis, iure optimo facere, & ad alios actus animum referre: virginum Vestalium more, quæ, annis inter officia diuisis, discunt facere sacra, & cùm didicerunt, docent.

C A P. X X X. Hæc Stoicis quoque placere ostendam: non quia legem dixerim mihi, nihil contra dictum Zenonis Chrysippive committere: sed quia res ipsa patitur me ire in illorum sententiam: quam si quis semper vnius sequitur, non id vitæ, sed factionis est. Vtinam quidem iam tenerentur omnia, & inoperta ac confessa veritas esset! nihil ex decretis mutarem: nunc veritatem, cum eis ipsis qui docent, quærimus. Duæ maximæ in hac re dissident sectæ, Epicureorum & Stoicorum: sed vtræque ad otium diuersa via mittit.

mittit. Epicurus ait : Non accedet ad rempub. sapiens, nisi si quid interuenerit. Zenon ait : Accedet ad rempub. nisi si quid impedierit. Alter otium ex proposito petit, alter ex causâ. Causâ autem illa latè patet. si respub. corruptior est, quàm ut adiuuari possit, si occupata est malis : non nitetur sapiens in superuacuum, nec se nihil profuturus impendet : si parum habebit auctoritatis aut virium : nec illum erit admissura resp. si valetudo illum impediet. Quomodo nauem quassam non deduceret in mare, quomodo nomen in militiam non daret debilis : sic ad iter quod inhabile sciet, non accedet. Potest ergo & ille, cui omnia adhuc in integro sunt, antequam vllas experiantur tempestates, in tuto subsistere, & protinus commendare se bonis artibus : & illud beatum otium exigere, virtutum cultor, quæ exerceri etiam à quiëtissimis possunt. Hoc nempe ab homine exigitur, ut pro sit hominibus, si fieri potest, multis; si minus, paucis; si minùs, proximis; si minùs, sibi. Nam cum se vtilem ceteris efficit, commune agit negotium. Quomodo qui se deteriore facit, non sibi tantummodo nocet, sed etiam omnibus eis, quibus melior factus prodesse potuisset : sic si quis benè de se meretur, hoc ipso alijs prodest, quòd illis profuturum parat.

CAP. XXXI. Duas respublicas animo complectamur, alteram magnam, & verè

verè publicam , quæ dij atque homines continentur. in qua non ad hunc angulum respicimus , aut ad illum , sed terminos ciuitatis nostræ cum sole metimur : alteram , cui nos adscripsit conditio nascendi . Hæc aut Atheniensium erit , aut Carthaginensium , aut alterius alicuius vrbis , quæ non ad omnes pertineat homines , sed ad certos . Quidam eodem tempore vtrique reipub. dant operam , maiori minori que : quidam tantum minori : quidam tantum maiori . Huic maiori Reipub. & in otio deferuire possumus . imò vero nescio an in otio melius : vt quæramus , quid sit virtus , vna pluresve sint ? natura an ars bonos viros faciat ? vnum sit hoc , quod maria terrasque , & mari ac terris inserta complectitur , an multa Deus corpora eiusmodi sparserit ? continua sit omnis & plena materia , ex qua cuncta gignuntur , an diducta , & solidis inane permixtum sit ? Deus sedens opus suum spectet , an tractet ? vtrumne extrinsecus illi circumfusus sit , an toti inditus ? immortalis sit mundus , an inter caduca , & ad tempus nata , numerandus ? Hæc qui contemplatur , quid Deo præstat ? ne tanta eius opera sine teste sint . Solemus dicere , summum bonum esse , secundum naturam viuere : natura nos ad vtrumque genuit , & contemplationi rerum , & actioni .

C A P. XXXII. Nunc probemus , quod priùs diximus . Quid porro , hoc non

non erit probatum, si se vnusquisque consuluerit, quantam cupiditatem habeat ignota noscendi, quàm ad omnes fabulas excitetur? Nanigant quidam, & labores peregrinationis longissimæ vna mercede perpetiuntur, cognoscendi aliquid abditum remotumque. Hæc res ad spectacula populos contrahit, hæc cogit præclusa rimari, secretiora exquirere, antiquitates euoluere, mores barbararum audire gentium. Curiosum nobis natura ingenium dedit: & artis sibi ac pulchritudinis suæ conscia, spectatores nos tantis rerum spectaculis genuit, perditura fructum sui, si tam magna, tam clara, tam subtiliter ducta, tam nitida, & non vno genere formosa, solitudinis ostenderet. Vt scias illam spectari voluisse, non tantum aspici, vide quem nobis locum dederit. In media nos sui parte constituit, & circumspectum omnium nobis dedit: nec crexit tantummodo hominem, sed etiam ad contemplationem factum, vt ab ortu sidera in occasum labentia prosequi posset, & vultum suum circumferre cum toto, sublime fecit illi caput, & collo flexibili imposuit. Deinde sena per diem, sena per noctem signa produxit, nullam non partem sui explicuit: vt per hæc quæ obtulerat eius oculis, cupiditatem faceret etiam ceterorum: nec enim omnia, nec tanta visimus, quantæ sunt: sed acies nostra aperit sibi inuestigando viam, & fundamenta veri iacit, vt inquit-

inquisitio transeat ex apertis in obscura,
 & aliquid ipso mundo inueniat antiquius.
 Vnde ista sidera exierint? quis fuerit vni-
 uersi status, antequam singula in partes
 discederent? quæ ratio mersa & confusa
 diduxerit? quis loca rebus assignauerit? &
 suapte natura graua descenderint, eno-
 lauierint leuia, an præter nisum pondus-
 que corporum altior aliqua vis legem sin-
 gulis dixerit? an illud verum sit, quo ma-
 ximè probatur, hominem diuini spiritus
 esse partem, ac veluti scintillas quasdam
 sacrorum in terras defiluisse, atque alieno
 loco hæsisse? Cogitatio nostra cœli muni-
 menta perrumpit, nec contenta est id
 quod ostenditur scire. Illud, inquit, scru-
 tor, quod ultra mundum iacet, vtrumne
 profunda vastitas sit, an & hoc ipsum ter-
 minis suis cludatur? qualis sit habitus ex-
 clusis, informia & confusa sint, an in om-
 nem partem tantundem loci obtinentia,
 an & illa in aliquem cultum descripta
 sint? huic cohæreant mundo, an longè ab
 hoc secesserint, & in vacuo volutentur? in-
 diuidua sint, per quæ struitur omne id
 quod natum futurumque est, an continua
 eorum materia sit: & per totum mutabi-
 lis? vtrum contraria inter se elementa
 sint, an non pugnent, sed per diuersa con-
 spirent? Ad hæc quærenda natus, æstima,
 quàm non multum acceperit temporis,
 etiam si illud totum sibi vindicet. cui li-
 cèt nihil facilitate eripi, nihil negligentia
 patiatur

patiatur excidere, licet horas suas auarissime seruet, & usque in ultimæ ætatis humanæ terminos procedat, nec quidquam illi ex eo quod natura constituit, fortuna concutiat: tamen homo, ad immortalium cognitionem, nimis mortalis est. Ergo secundum naturam viuo, si totum me illi dedo, si illius admirator cultorque sum. At natura utrumque facere me voluit, & agere, & contemplationi vacare. Utrumque facio: quoniam ne contemplatio quidem sine actione est. Sed refert, inquis, an ad hanc voluptatis causa accesserit, nihil aliud ex illa petens, quam assiduam contemplationem, sine exitu. est enim dulcis, & habet illecebras suas. Aduersus hoc tibi respondeo: æquè refert, quo animo ciuilem agas vitam: an ut semper in quietus sis, nec vnquam sumas vllum tempus, quo ab humanis ad diuina respicias. Quomodo res appetere, sine vlllo virtutum amore, & sine cultu ingenij, ac nudas edere operas, minimè probabile est: (misceri enim inter se ista, & conferri debent:) sic imperfectum ac languidum bonum est, in otium sine actu proiecta virtus, nunquam id quod didicit ostendens. Quis negat illum debere profectus suos in opere tentare? nec tantùm quid faciendum sit cogitare, sed etiam aliquando manum exercere, & ea quæ meditata sunt, ad verum perducere? Quid si per ipsum sapientem non est mora, si non actor deest, sed agenda

da defunt: ecquid illi secum esse permitteres? Quo animo ad otium sapiens secedit? ut sciat secum quoque ea acturum, per quæ posteris profit. Nos certè sumus, qui dicimus, & Zenonem & Chrysippum maiora egisse, quàm si duxissent exercitus, gessissent honores, leges tulissent, quas non vni ciuitati, sed toti humano generi tulerunt. Quid ergo est, quare tale otium non conueniat bono viro, per quod futura sæcula ordinet, nec apud paucos concionetur, sed apud omnes omnium gentium homines, quiq; sunt, quiq; erunt? Ad summam quæro, an ex præceptis suis vixerint Cleanthes, & Chrysippus, & Zenon? non dubiè respondebis, sic illos vixisse, quemadmodum dixerant esse viuendum. atqui nemo illorum remp. administravit. Non fuit illis, inquis, aut ea fortuna, aut dignitas, quæ admitti ad publicarum rerum tractationem solet. Sed iidem nihilominus non segnem egere vitam. inuenerunt, quemadmodum plus quies illorum hominibus prodesset, quàm aliorum discursus & sudor. Ergo nihilominus hi multum egisse visi sunt, quamuis nihil publicè agerent. Præterea, tria genera sunt vitæ, inter quæ, quod sit optimum, quæri solet: vnum voluptati vacat, alterum contemplationi, tertium actioni. Primùm, deposita contentione depositoque odio, quod implacabile diuersa sequentibus indiximus, videamus, an hæc omnia

omnia ad idem, sub alio titulo, perveniant. Nec ille, qui voluptatem probat, sine contemplatione est; nec ille, qui contemplationi inferuit, sine voluptate est; nec ille, cuius vita actioni destinata est, sine contemplatione est. Plurimum, inquis, discriminis est, utrum aliqua res propositum, an propositi alterius accessio sit. Sane grande discrimen: tamen alterum sine altero non est. Nec ille sine actione contemplatur, nec hic sine contemplatione agit. Nec ille tertius, de quo male existimare consuevimus, voluptatem inertem probat, sed eam, quam ratione efficit firmam sibi: Ita & hæc ipsa voluptaria secta in actu est. Quid ni in actu sit, cum ipse dicat Epicurus, aliquando se recessurum à voluptate, dolorem etiam appetiturum, si aut voluptati imminebit poenitentia, aut dolor minor pro graviore sumetur? Quod pertinet hoc dicere? ut appareat, contemplationem placere omnibus. Alij petunt illam: nobis hæc statio est, non portus. Adijce nunc huc, quod è lege Chrysippi vivere otioso licet. non dico, ut otium patiatur, sed ut eligat. Negant nostri sapientem ad quamlibet rempub. accessurum. Quid autem interest, quomodo sapiens ad otium veniat: utrum quia resp. illi deest, an quia ipse reipublicæ? Si omnibus de-futura respub. est (semper autem deerit fastidiosè quærentibus) interrogo ad quam rempub. sapiens accessurus sit? Ad

Athe-

Atheniensium, in qua Socrates damnatur, Aristoteles ne damnaretur, fugit? in qua opprimit inuidia virtutes? negabis mihi accessurum ad hanc remp. sapientem. Ad Carthaginensium ergo rempublicam sapiens accedet, in qua assidua seditio, & optimo cuique infesta libertas est, summa æqui ac boni vilitas, aduersus hostes inhumana crudelitas, etiam aduersus suos hostilitas? & hanc fugiet. Si per censere singulas voluero, nullam inueniam, quæ sapientem, aut quam sapiens pati possit. Quod si non inuenitur illa resp. quam nobis fingimus, incipit omnibus esse otium necessarium: quia quod vnum præferri poterat otio, nusquam est. Si quis dicit optimum esse nauigare: deinde negat nauigandum in eo mari, in quo naufragia fieri soleant, & frequenter subitæ tempestates sint, quæ rectorem in contrarium rapiant: puto, hic me vetat nauem soluere, quamquam laudat nauigationem. *



L. ANNÆI SENECAE

AD ÆBVCIVM LIBERALEM

DE BENEFICIIS

LIBER PRIMVS.

CAPVT I.



INTER multos ac varios errores temerè viuentium inconsulteque, nihil propemodùm, vir optime Liberalis, dixerim nocentius, quàm quòd beneficia nec dare scimus, nec accipere. Sequitur enim vt malè collata, malè debeantur. de quibus non redditis, serò querimur: ista enim perierant, cùm darentur. Nec mirum est, inter plurima maximaque vitia nullum esse frequentius, quàm ingrati animi. Id euenire ex pluribus causis video. prima, quòd non eligimus dignos, quibus tribuamus, sed nomina facturi, diligenter in patrimonium & vasa debitoris inquirimus: semina in solum effectum & sterile non spargimus: beneficia sine vllò delectu magis proiicimus, quàm damus. Nec facilè dixerim, vtrùm turpius sit, inficiari, an repetere beneficium. Id enim genus huius crediti est, ex quo tantum recipiendum sit, quantum vltro refertur: decoquere verò fœdissimum ob hoc ipsum, quia non opus est ad liberandum

dum fidem facultatibus, sed animo. reddit enim beneficium, qui libenter debet. Sed cum sit in ipsis crimen, qui ne confessione quidem grati sunt, in nobis quoque est. Multos experimur ingratos, plures facimus: quia alias graues exprobratores exactoresque sumus; alias leues, & quos paullo post muneris sui poeniteat; alias queruli, & minima momenta calumniantes. Ita gratiam omnem corrumpimus, non tantum postquam dedimus beneficia, sed dum damus. Quis enim nostrum contentus fuit, aut leuiter rogari, aut semel? quis non, cum aliquid à se peti suspicatus est, frontem adduxit, vultum auertit, occupationes simulauit, longis sermonibus, & de industria non inuenientibus exitum, occasionem petendi abstulit, & variis artibus properantes necessitates elusit? In angusto verò comprehensus, aut distulit, id est, timidè negauit; aut promisit, sed difficulter, sed subductis superciliis, sed malignis & vix exeuntibus verbis? nemo autem libenter debet, quod non accepit, sed expressit. Gratus esse aduersus eum quisquam potest, qui beneficium aut superbè iniecit, aut iratus impegit, aut fatigatus, ut molestia careret, dedit? Errat, si quis sperat responsurum sibi, quem dilatione lassauit, expectatione torisit. Eodem animo beneficium debetur, quo datur: & ideo non est negligent dandum. Sibi enim quis debet,

quod à nesciente accepit . Nec tardè quidem : quia cùm in omni officio magni æstimeretur dantis voluntas , qui tardè fecit , diu noluit . Vtique non contumeliosè . nam cùm ita natura comparatum fit , vt altiùs iniuriæ quàm merita descendant , & illa citò defluant , has tenax memoria custodiat : quid expectat qui offendit , dum obligat ? Satis aduersus illum gratus est , si quis beneficio eius ignoscit . Non est autem quòd tardiores faciat ad benè merendum , turba ingratorum . Nam primùm (vt dixi) nos illam augemus : deinde ne deos quidem immortales ab hac tam effusa benignitate sacrilegi , negligentisque eorum , deterrent . Vtuntur natura sua , & cuncta , interque illa ipsos munerum suorum malos interpretes , iuuant . Hos sequamur duces , quantum humana imbecillitas patitur : demus beneficia , non fœneremus . Dignus est decipi , qui de recipiendo cogitauit , cùm daret . At male cessit . Et liberi , & coniuges spem fefellerunt : tamen & educamus , & ducimus . adeoque aduersus experimenta pertinaces sumus , vt bella victi , & naufragi maria repetamus . Quanto magis permanere in dandis beneficiis decet ? quæ si quis non dat quia non recipit , dedit vt reciperet , bonamque ingratorum facit causam : quibus ita demum turpe est non reddere , si & licet . Quàm
multi

multi indigni luce sunt? & tamen dies oritur. Quàm multi, quòd nati sunt, queruntur? tamen natura sobolem novam gignit, ipsosque qui non fuisse malent, esse patitur. Hoc & magni animi & boni proprium est, non fructum beneficiorum sequi, sed ipsa, & post malos quoque bonum quærere. Quid magnifici erat multis prodesse, si nemo deciperet? nunc est virtus, dare beneficia: non utique reditura, quorum à viro egregio statim fructus perceptus est. Adeo quidem ista res fugare nos, & pigriores ad rem pulcherrimam facere non debet: ut si spes mihi præcidatur gratum hominem reperiendi, malim non recipere beneficia, quàm non dare. Quia qui non dat, vitium ingrati antecedit. Dicam quod sentio. qui beneficium non reddit, magis peccat; qui non dat, citius.

C A P. II. *Beneficia in vulgus cum largiri institueris:*

Perdenda sunt multa, ut semel ponas benè.

In priore versu utrumque reprehendas. nam nec in vulgus effundenda sunt; & nullius rei, minimè beneficiorum, honesta largitio est. quibus si detraxeris iudicium, desinunt esse beneficia: in aliud quodlibet incidunt nomen. Sequens sensus mirificus est, qui vno benè posito beneficio, multorum amissionum damna so-

latur. Vide, oro te, ne hoc & verius sit, & magnitudini benè facientis aptius, vt illum horremur ad danda, etiam si nullum benè positurus est. Illud enim falsum est, Perdenda sunt multa. Nullum perit. quia qui perdit, computauerat. Beneficiorum simplex ratio est: tantùm erogantur. si reddet aliquid, lucrum est: si non reddet, damnum non est. Ego illud dedi, vt darem. nemo beneficia in Calendario scribit: nec auarus exactor ad horam & diem appellat. nunquam illa vir bonus cogitat, nisi admonitus à reddente: alioquin in formam crediti transeunt. Turpis feneratio est, beneficium expensum ferre. Qualiscunque priorum euentus est, perseuera in alios conferre. meliùs apud ingratos iacebunt: quos aut pudor, aut occasio, aut imitatio aliquando gratos poterit efficere. Ne cessaueris: opus tuum perage, & partes boni viri exsequere. Alium re, alium fide, alium gratia, alium consilio, alium præceptis salubribus adiuua.

C A P. I I I. Officia etiam feræ sentiunt: nec vllum tam immanis animal est, quod non cura mitiget, & in amorem sui vertat. Leonum ora à magistris impunè tractantur: elephantorum feritatem vsque in seruire obsequium demeretur cibus. Adeò etiam quæ extra intellectum atque æstimationem beneficij sunt posita, assiduitas tamen meriti pertinacis euincit.

euincit. Ingratus est aduersus vnum beneficium? aduersus alterum non erit. duorum oblitus est? tertium etiam eorum quæ exciderunt, memoriam reducet. Is perdit, qui citò se perdidisse credit. At qui instat, & onerat priora sequentibus, etiam ex duro & immemori pectore gratiam extundit. Non audebit aduersus multa oculos attollere. quocunque se vertit, memoriam suam fugiens, ibi te videat: beneficiis tuis illum cinge. Quorum quævis, quæue proprietas sit, dicam, si priùs illa, quæ ad rem non pertinent, transilire mihi permiseris. Num dicam quare tres Gratia, & quare sorores sint, & quare manibus implexis, quare ridentes, iuuenes, & virgines, soluta quo ac pellucida veste? Alij quidem videri volunt vnam esse, quæ det beneficium: alteram, quæ accipiat: tertiam, quæ reddat. Alij tria beneficiorum genera, promerentium, reddentium, simul & accipientium reddentiumque. Sed vtrumlibet ex istis iudicauerim: quid ista nos inuat scientia? Quid ille conferris manibus in se redeuntium chorus? Ob hoc, quia ordo beneficij per manus transeuntis, nihilominus ad dantem reuertitur, & totius speciem perdit, si vsquam interruptus est: pulcherrimus, si cohæsit, & vices seruat. Ideò ridentes: quia promerentium vultus hilares sunt, quales solent esse qui dant, vel accipiunt beneficia. Iuuenes: quia non debet beneficiorum

memoria senescere. Virgines: quia incorrupta sunt, & sincera, & omnibus sancta. In quibus nihil esse alligati decet, nec adscripti: solutis itaque tunicis utuntur. Pellucidis autem; quia beneficia conspici volunt. Sit aliquis usque eò Græcis mancipatus, ut hæc dicat necessaria: nemo tamen erit, qui etiam illud ad rem iudicet pertinere, quæ nomina illis Hesiodus imposuerit. Aglaian maximam natu appellavit, mediam Euphrosynen, tertiam Thalian. Horum nominum interpretationem, & prout cuique visum est, deflectit, & ad rationem aliquam conatur perducere: cum Hesiodus puellis suis, quod voluit nomen imposuerit. Itaque Homerus uni mutavit, Pasitheatan appellavit, & in matrimonium produxit, ut scias illas Vestales non esse. Inueniam alium poetam, apud quem præcingantur, & spissis aut Phryxianis prodeant. Ergo & Mercurius una stat: non quia beneficia oratio commendat, sed quia pictori ita visum est. Chrysippus quoque, penes quem subtile illud acumen est, & in imam penetrans veritatem, qui rei agendæ causâ loquitur, & verbis non ultra, quàm ad intellectum satis est, utitur, totum librum suum his ineptiis replet: ita ut de ratione dandi, accipiendi, reddendique beneficii pauca admodum dicat: nec his fabulas, sed hæc fabulis inserit. Nam præter ista quæ Hecaton transcribit, treis Chrysippus

pus Gratias ait Iouis & Eurynomes filias esse: ætate autē minores quā Horas, sed meliuscula facie, & ideò Veneri datas comites. Matris quoq; nomē ad rem iudicat pertinere. Eurynomen enim dictam, quia latē patentis matrimonij sit, beneficia diuidere: tamquam matri post filias soleat nomen imponi, aut poetæ vera nomina reddant. Quemadmodum nomenclatori memorię loco audacia est: & cuicumq; nomen non potest reddere, imponit: ita poetę non putant ad rem pertinere, verū dicere, sed aut necessitate coacti, aut decore corrupti, id quæque vocari iubent, quod bellè facit ad versum. Nec illis fraudi est, si aliud quid in conspectum detulerunt: proximus enim poeta suum illa ferre nomen iubet. Hoc ut scias ita esse, ecce Thalia, de qua cūm maximè agitur, apud Hesiodum Charis est, apud Homerum Musa.

CAP. IV. Sed ne faciam, quod reprehendo, omnia ista, quę ita extra rem sunt, ut nec circa rem quidem sint, relinquam. Tu modò nos tuere, si quis mihi obiiciet, quòd Chrysippum in ordinem coegerim, magnum mehercule virum, sed tamen Græcum, cuius acumen nimis tenue retunditur, & in se sæpè replicatur: etiam cūm agere aliquid videtur, pungit, non perforat. Hoc verò quod acumen est? De beneficiis dicendum est, & ordinanda res, quæ maximè societatem humanam alligat: danda lex vitæ, ne sub specie be-

nigritatis inconsulta facilitas placeat ; ne liberalitatem , quam nec deesse oportet , nec superfluere , hæc ipsa observatio restringat , dum temperat : docendi sunt libenter accipere , libenter reddere , & magnum ipsis certamen proponere , eos quibus obligati sunt , re animoque non tantum æquare , sed vincere . quia qui referre gratiam debet , nunquam consequitur , nisi præcessit . hi docendi sunt nihil imputare : illi plus debere . Ad hanc honestissimam contentionem , beneficiis beneficia vincendi , sic nos adhortatur Chrysippus , ut dicat verendum esse , ne quia Charites Iouis filia sunt , parùm se gratè gerere , sacrilegium sit , & tam bellis puellis fiat iniuria . Tu me aliquid eorum doce , per quæ beneficentior , graviorque aduersus benè merètes fiam , per quæ obligantium , obligatorumque animi certent , ut qui præstiterint , obliuiscantur , pertinax sit memoria debentium . Istæ verò ineptiæ poetis relinquantur : quibus aures oblectare propositum est , & dulcem fabulam nectere . At qui ingenia sanare , & fidem in rebus humanis retinere ; memoriam officiorum ingerere animis volunt , seriò loquantur , & magnis viribus agant : nisi fortè existimas , leui ac fabuloso sermone , & anilibus argumentis , prohiberi posse rem perniciosissimam , beneficiorum novas tabulas .

CAP. V. Sed quemadmodum super-
uacua

vacua transcurram, ita exponam necesse est, hoc primum nobis esse discendum: quid accepto beneficio debeamus. Debere enim dicit se alius pecuniam quam accepit, alius consulatum, alius sacerdotium, alius provinciam. Ista autem sunt meritorum signa, non merita. Non potest beneficium manu tangi: animo cernitur. multum interest inter materiam beneficii, & beneficium. Itaque nec aurum, nec argentum, nec quidquam eorum quæ à proximis accipiuntur, beneficium est, sed ipsa tribuentis voluntas. Imperiti autem id, quod oculis incurrit, & quod traditur possidentque, solum notant: contra, illud quod in re carum atque pretiosum est, parvipendunt. Hæc quæ tenemus, quæ aspicimus, in quibus cupiditas nostra hæret, caduca sunt: auferre ea nobis & fortuna, & iniuria potest: beneficium verò, etiam amisso eo quod datum est, durat. Est enim rectè factum, quod irritum nulla vis efficit. Amicum à piratis redemi: hunc alius hostis excepit, & in carcerem condidit. non beneficium, sed usum beneficii mei sustulit. Ex naufragio alicui raptos, vel ex incendio liberos reddidi: hos vel moribus, vel aliqua fortuita iniuria eripuit: manet etiam sine illis, quod in illis datum est. Omnia itaque, quæ falsum beneficii nomen usurpant, ministeria sunt, per quæ se voluntas amica explicat. Hoc quoque in aliis rebus evenit, ut aliubi sit species

rei, aliubi ipsa res. Imperator aliquem, torquibus, murali, & cinica donat. quid habet per se corona pretiosum? quid prætexta? quid fasces? quid tribunal, & currus? nihil horum honor est, sed honoris insigne. Sic non est beneficium id quod sub oculos venit, sed beneficij vestigium & nota.

CAP. VI. Quid est ergo beneficium? Beneuola actio tribuens gaudiū, capiensque tribuendo, in id quod facit prona, & sponte sua parata. Itaque non quid fiat, aut quid detur, refert, sed qua mente. Quia beneficium non in eo quod fit aut datur, consistit, sed in ipso dantis aut facientis animo. Magnum autem esse inter ista discrimen, vel ex hoc intelligas licet, quod beneficium utique bonum est: id autem quod fit aut datur, nec bonum nec malum est. Animus est, qui parua extollit, sordida illustrat; magna & in precio habitata dehonestat: ipsa, quæ appetuntur, neutram naturam habent, nec boni, nec mali. id refert, quod illa rector animus impellat, à quo forma datur rebus. Non est ergo beneficium ipsum, quod numeratur, aut traditur. sicut nec in victimis quidem, licet opimæ sint, auroque præfulgeant, decorum est honos; sed pia ac recta voluntate venerantium. Itaque boni etiam farre ac fitilla religiosi sunt; mali rursus non effugiant impietatem, quamuis aras sanguine multo cruentauerint.

CAP..

CAP. VII. Si beneficia in rebus , non in ipsa benefaciendi voluntate consistenterent , eò maiora essent , quò maiora sunt , quæ accepimus. id autem falsum est. nonnunquam enim magis nos obligat , qui dedit parua magnificè : qui Regum æquauit opes animo : qui exiguū tribuit , sed libenter : qui paupertatis suæ oblitus est , dum meā respicit : qui non voluntatē tantum iuuandi habuit , sed cupiditatē : qui accipere se putauit beneficiū , cū daret : qui dedit tamquam non recepturus ; recepit tamquam non dedisset : qui occasionem , qua prodesset , & occupauit & quæsiuit . Contrà , ingrata sunt (vt dixi) licet re ac specie magna videantur , quæ danti aut extorquentur , aut excidunt : multoque gratus venit , quod. facili , quàm quod plena manu datur . Exiguum est quod in me contulit , sed amplius non potuerit . At hic quod dedit , magnum est : sed dubitauit , sed distulit , sed cū daret , gemit , sed superbè dedit , sed circumtulit , & placere non ei , cui præstabat , voluit . ambitioni dedit , non mihi .

CAP. VIII. Socrati cū multa multi pro suis quisque facultatibus offerrent : Æschines pauper auditor , Nihil , inquit , dignum te quod dare tibi possim , inuenio : & hoc vno modo pauperem me esse sentio . Itaque dono tibi quod vnum habeo , Me ipsum . Hoc munus rogo quælecunque est , boni consulas , cogitesque
alios

alios cum multum tibi darent, plus sibi reliquisse. Cui Socrates: Quid nō tu, inquit, mihi magnum munus dederis, nisi fortē paruo te aestimas? Habebo itaque curā, ut te meliorem tibi reddam quam accepi. Vicit Æschines hoc munere Alcibiadis parem diuitijs animum, & omnem iuuenum opulentorum munificentiam.

C A P. I X. Vides quomodo animus inueniat liberalitatis materiam, etiam inter angustias? Videtur mihi dixisse: Nihil egisti fortuna, quod me pauperem esse voluisti: expediam nihilominus dignū huic viro munus: & quia de tuo non possum, de meo dabo. Neque est quod existimes illum vilem sibi fuisse, qui pretium se sui fecit: ingeniosus adolescens inuenit, quemadmodū Socratem sibi daret. Non quanti quæque sint, sed à quali dentur, perspicendum. * Callidus non difficilem aditum præbet immodica cupientibus: spesque improbas, nihil re adiuturus, verbis fouet. At eius peior est opinio, qui lingua asper, vultu grauis, cum inuidia fortunam suam explicauit. Colunt enim, detestanturque felicem, & si potuerint, eadem facturi, odere facientem. * Coniugibus alienis nec clam, sed apertē quidam ludibrio habitis, suas alijs permisere. Rusticus, inhumanus, ac maleuolus, & inter matronas abominandæ conditionis est, si quis coniugem in sella prostare vetuit, & vulgò admissis inspectoribus vehi vndique

que perspicuam. Si quis nulla se amica fecit insignem, nec alienæ vxori æmulum præstat, hunc matronæ humilem, & sordidæ libidinis, & ancillariorum vocant. Hinc decentissimum sponsaliorum genus, adulterium: & in consensu vidui cælibatus, nemo vxorem duxit, nisi qui abduxit. Iam rapta spargere, sparsa pari auaritia recolligere certant: nihil pensi habere, paupertatem alienam contemnere, suam timere, nullum aliud vereri malum: pacem iniurijs perturbare, imbecilliores vi ac metu premere. Nam prouincias spoliari, & nummarium tribunal, audita vtriusque licitatione, alteri addici, non mirum: quando quæ emeris, vendere, gentium ius est.

C A P. X. Sed longius nos impetus euehit, prouocante materia. Itaque sic finiamus, ne in nostro sæculo culpa subsidat. Hoc maiores nostri questi sunt, hoc nos querimus; hoc posterius nostri querentur, reuersos esse mores, regnare nequitiam, in deterius res humanas & in omne nefas labi. At ista stant loco eodem, stabuntque, paullulum duntaxat vtrò aut citrò mota, vt fluctus: quos æstus accedens longius extulit, recedens interiore littorum vestigio tennit. Nunc in adulteria magis, quam in alia peccabitur, abruptæque frænos pudicitia; nunc conuiuiorum vigeat furor, & foedissimum patrimoniorum exitium culina: nunc cultus
corpo-

corporum nimius & formæ cura , præ fe-
 ferens animi deformitatem : nunc in pe-
 culantiam & audaciam erumpet malè di-
 spensata libertas : nunc in crudelitatem
 priuatam ac publicam ibitur , bellorum-
 que ciuiliū insaniam , qua omne san-
 ctum ac sacrum profanetur . Habebitur
 aliquando ebrietati honor , & plurimum
 meri cepisse virtus erit . Non expectant
 vno loco vitia : sed mobilia & inter se di-
 sentientiâ tumultuantur , pellunt inuicem ,
 fuganturque . Cæterum idem semper de
 nobis pronunciare debemus , malos esse
 nos , malos fuisse , inuitus adijciam , & fu-
 turos esse . Erunt homicidæ , tyranni , fu-
 res , adulteri , raptores , sacrilegi , prodito-
 res : infra ista omnia ingratus est , nisi quod
 omnia ista ab ingrato animo sunt , sine
 quo vix vllum magnum facinus accreuit .
 Hoc tu caue , tamquam maximum cri-
 men , ne admittas : ignosce tamquam leui-
 simo , si admissum est . Hæc est enim iniu-
 riæ summa . Beneficium perdidisti . Sal-
 uum est tibi ex illo , quod est optimum :
 dedisti . Quemadmodum autem curan-
 dum , vt in eos potissimum beneficia con-
 feramus , qui gratè responsuri erunt : ita
 quædam , etiam si de illis malè sperabi-
 tur , faciemus , tribuemusque , non solum si
 iudicabimus ingratos fore , sed si sciemus
 fuisse . Tamquam si filios alicui restituere
 potero , magno periculo liberatos , sine vl-
 lo meo incommodo , non dubitabo . Di-
 gnus,

gnum , etiam impendio sanguinis mei tuebor, & in partem discriminis veniam : indignum , si eripere latronibus potero , clamore sublato , salutarem vocem homini non pigebit emittere.

CAP. XI. Sequitur vt dicamus , quæ beneficia danda sint , & quemadmodum . Primò demus necessaria , deinde vtilia , deinde iucunda , vtique mansura . Incipiendum est autem à necessarijs . aliter enim ad animum peruenit , quod vitam continet : aliter quod exornat , aut instruit . Potest in eo aliquis fastidiosus esse æstimator , quo facile cariturus est , de quo dicere licet : Recipe , non desidero . meo contentus sum . Interim non reddere tantum libet quod acceperis , sed abijcere . Ex his quæ necessaria sunt , quædam primum obtinent locum , sine quibus non possumus viuere : quædam secundum , sine quibus non debemus : quædam tertium , sine quibus nolumus . Prima huius notæ sunt , hostium manibus eripi , & tyrannicæ iræ , & proscriptioni , & alijs periculis , quæ varia & incerta humanam vitam obsident . Quidquid horum discussimus , quo maius ac terribilius erit , hoc maiorem inibimus gratiam . Subit enim cogitatio , quantis sint liberati malis : & lenocinium est muneri , antecedens metus . Nec tamen idèò debemus tardiùs quemquam seruare , quàm possumus : vt muneri nostro timor imponat pondus . Proxima ab his
sunt ,

sunt, sine quibus possumus quidem vivere, sed ut mors potior sit: tamquam libertas, & pudicitia, & mens bona. Post hæc habebimus coniunctione, ac sanguine, usque, & consuetudine longa, cara: ut liberos, coniuges, penates, ceteraque quæ usque eò animus sibi applicuit, ut ab illis, quam à vita diuelli grauius existimet. Subsequuntur utilia, quorum varia & lata materia est. Hic erit pecunia non superflua, sed ad sanum modum habendi parata: hic erit honor, & processus ad altiora tendentium. nec enim utilius quidquam est, quam sibi utilem fieri. Iam cetera ex abundanti veniunt, delicatos factura. In his sequemur, ut opportunitate grata sint, ut non vulgaria, quæque aut pauci habuerint, aut pauci intra hanc ætatem habent, aut quæ etiam si natura pretiola non sunt, tempore aut loco fiant. Videamus quid oblatum maximè voluptati futurum sit; quid frequenter occursum habenti, ut toties nobiscum, quoties cum illo sit. Vtique cauebinus, ne munera superuacua mittamus: ut sceminæ aut seni arma venatoria, aut rustico libros, aut studijs ac litteris dedito retia. Æquè ex contrario circumspiciemus, ne dum grata mittere volumus, suum cuique morbum exprobratura mittamus: sicut ebrioso vina, & valetudinario medicamenta. Maledictum enim incipit esse, non munus: in quo vitium accipientis agnoscitur.

CAP. XII. Si arbitrium dandi penes nos est, præcipuè mansura quæremus, ut quàm minimè mortale munus sit. Pauci enim sunt tam grati, ut quod acceperint, etiam si non vident, cogitent. Ingratis quoque memoria cum ipso munere incurrit: ubi ante oculos est, & obliuisci sui non sinit, sed auctorem suum ingerit & inculcat. Eò quidem magis duratura quæramus, quia nunquam admonere debemus ipsæ res euanescentem memoriam excitent. Libentiùs donabo argentum factum, quàm signatum: libentiùs statuas, quàm vestem, & quod vsus brevis deterat. Apud paucos post rem manet gratia: plures sunt, apud quos non diutiùs in animo sunt donata, quàm in vsu. Ergo si fieri potest, consumi munus meum nolo: extet, hæreat amico meo, & conuiuat. Nemo tam stultus est, ut monendus sit, ne cui gladiatores aut venationem iam munere edito mittat, & vestimenta æstiuæ brumæ, hiberna solstitio. Sit in beneficio sensus communis; tempus, locum, personas obseruet: quia momentis quædam grata & ingrata sunt. Quanto acceptius est, si id damus, quod quis non habet, quàm cuius copia abundat? quod diu querit, nec inuenit, quàm quod ubique visurus est? Munera non tam pretiosa, quàm rara & exquisita sunt, quæ etiam apud diuitem sui locum faciant: sicut gregalia quoque poma, etiam post paucos dies itura

sunt, sine quibus possumus quidem vivere, sed ut mors potior sit: tamquam libertas, & pudicitia, & mens bona. Post hæc habebimus coniunctione, ac sanguine, usuque, & consuetudine longa, cara: ut liberos, coniuges, penates, ceteraque quæ usque eò animus sibi applicuit, ut ab illis, quam à vita diuelli grauius existimet. Subsequuntur utilia, quorum varia & lata materia est. Hic erit pecunia non superfluens, sed ad sanum modum habendi parata: hic erit honor, & processus ad altiora tendentium. nec enim utilius quidquam est, quam sibi utilem fieri. Iam cetera ex abundanti veniunt, delicatos factura. In his sequemur, ut opportunitate grata sint, ut non vulgaria, quæque aut pauci habuerint, aut pauci intra hanc ætatem habent, aut quæ etiam si natura pretiola non sunt, tempore aut loco fiant. Videamus quid oblatum maxime voluptati futurum sit; quid frequenter occursum habenti, ut toties nobiscum, quoties cum illo sit. Vtrique cauebimus, ne munera superuacua mittamus: ut fœminæ aut semina arma venatoria, aut rustico libros, aut studijs ac litteris dedito retia. Æquè ex contrario circumspeciemus, ne dum grata mittere volumus, suum cuique morbum exprobratura mittamus: sicut ebrioso vina, & valetudinario medicamenta. Maledictum enim incipit esse, non munus: in quo vitium accipientis agnoscitur.

CAP. XII. Si arbitrium dandi penes nos est, præcipuè mansura quæremus, ut quàm minimè mortale munus sit. Pauci enim sunt tam grati, ut quod acceperint, etiam si non vident, cogitent. Ingratis quoque memoria cum ipso munere incurrit: ubi ante oculos est, & obliuisci sui non sinit, sed auctorem suum ingerit & inculcat. Eò quidem magis duratura quæramus, quia nunquam admonere debemus ipsæ res evanescentem memoriam excitent. Libentiùs donabo argentum factum, quàm signatum: libentiùs statuas, quàm vestem, & quod vsus brevis deterat. Apud paucos post rem manet gratia: plures sunt, apud quos non diutiùs in animo sunt donata, quàm in vsu. Ergo si fieri potest, consumi munus meum nolo: extet, hæreat amico meo, & conuiuat. Nemo tam stultus est, ut monendus sit, ne cui gladiatores aut venationem iam munere edito mittat, & vestimenta æstiuæ bruma, hiberna solstitio. Sit in beneficio sensus communis; tempus, locum, personas obseruet: quia momentis quædam grata & ingrata sunt. Quanto acceptius est, si id damus, quod quis non habet, quàm cuius copia abundat? quod diu querit, nec inuenit, quàm quod ubique visurus est? Munera non tam pretiosa, quàm rara & exquisita sint, quæ etiam apud diuitem sui locum faciant: sicut gregalia quoque poma, etiam post paucos dies itura

ra in fastidium, delectant, si prouenere maturius. Illa quoque non erunt sine honore, quæ aut nemo illis alius dedit, aut nos nulli alij.

CAP. XIII. Alexandro Macedoni, cum victor Orientis, animos supra humana tolleret, Corinthij per legatos gratulati sunt, & ciuitate illum sua donauerunt. Cum risisset Alexander hoc officij genus, vnus ex legatis: Nulli, inquit, ciuitatem vnquam dedimus alij, quàm tibi & Herculi. Libens accepit delatum honorem, & legatos inuitatione aliaque humanitate profecutus, cogitauit, non qui sibi ciuitatem darent, sed cui dedissent. Et homo gloriæ deditus, cuius nec naturam nec modum nouerat, Herculis Liberi quæque vestigia sequens, ac ne ibi quidem resistens vbi illa defecerant, ad socium honoris sui respexit à dantibus: tamquam cœlum, quod mente vanissima complectebatur, teneret, quia Herculi æquabatur. Quid enim illi simile habebat vassanus adolescens, cui pro virtute erat felix temeritas? Hercules nihil sibi vicit: orbem terrarum transiuit, non concupiscendo, sed vindicando. Quid vinceret malorum hostis, bonorum vindex, terrarum marisque pacator? At hic à pueritia latro, gentiumque vastator, tam hostium pernicies, quàm amicorum, qui summum bonum duceret, terrori esse cunctis mortalibus; oblitus, non ferocissima tantum, sed ignauissima.

uissima quoque animalia timeri, ob virus malum.

C A P. X I V. Ad propositum nunc reuertamur. Beneficium quod quibuscumque datur, nulli gratum est. Nemo se stabularij aut cauponis hospitem iudicat, nec conuiuam dantis epulum, ubi dici potest: Quid enim in me contulit? Nempe hoc quod in illum, & vix benè notum sibi, & in illum etiam mimicum ac turpissimum hominem. Numquid enim me dignum iudicauit? morbo suo morem gessit. Quod voles gratum esse, rarum effice: quis patitur sibi imputari vulgaria? Nemo hæc ita interpretetur, tamquam reducam liberalitatem, & frænis arctioribus reprimam. Illa verò, in quantum libet, exeat: sed eat, non erret. Licet ita largiri, ut vnusquisque etiam si cum multis accepit, in populo se esse non putet. nemo non habeat aliquam familiarem notam, per quam speret se propius admissum. Dicat, Accepi idem quod ille, sed vltro. Accepi quod ille: sed ego intra breue tempus, cum ille diu meruisset. Sunt, qui idem habeant, sed non eisdem verbis datum, non eadem comitate tribuentis. Ille accepit, cum rogasset; ego, cum rogarer. Ille accepit: sed facilè redditurus, sed cuius senectus & liberorum orbitas magna promittebat: mihi plus dedit, quamuis idem dederit, quia sine spe recipiendi dedit. Quemadmodum meretrix ita inter multos

vos se diuidit, ut nemo non aliquod signum familiaris animi ferat: ita qui beneficia sua amabilia vult esse, excogitet, quomodo & multi obligentur, & tamen singuli habeant aliquid, quo se ceteris præferant. Ego verò beneficiis non obijciam moras: quæ quò plura maioraque fuerint, plus afferent laudis. Adsit tamen iudicium, neque enim cordi esse cuiquam possunt, fortè ac temerè data. Quare si quis existimat nos, cum ista præcipimus, benignitatis fines introrsus referre, & illi minus laxum limitem aperire, næ perperam monitiones nostras exaudit. Quam enim virtutem magis veneramur? cui magis stimulos addimus? quibusve tam conuenit hæc adhortatio, quàm nobis, societatem humani generis sancientibus?

CAP. XV. Quid ergo est? cum sit nulla honesta vis animi, etiam si à recta voluntate incepit, nisi quam virtutem modus fecit, verò liberalitatem nepotari. Tunc iuuat accepisse beneficium, & supinis quidem manibus, ubi illud ratio ad dignos perducit: non quod quilibet casus & consilij indigens impetus defert: quod ostentare libet, & inscribere sibi. Beneficia tu vocas, quorum auctorem fateri pudeat? At illa quanto gratiora sunt, quantoque in partem interiorem animi nunquam exitura descendunt: cum delectant, cogitatem magis à quo, quàm quid acciperis? Crispus Passienus solebat dicere, quo-

quorundam se iudicium malle, quàm beneficium: quorundam beneficium malle, quàm iudicium. & subiiciebat exempla: Malo, aiebat, diui Augusti iudicium: malo Claudij beneficium. Ego verò nullius puto expetendum esse beneficium, cuius vile iudicium est. Quid ergo? Non erat accipiendum à Claudio quod dabatur? erat: sed sicut à Fortuna, quam scires statim posse malam fieri. Quid ergo ista inter se mixta diuidimus? Non est beneficium, cui deest pars optima, datum esse iudicio. Alioquin pecunia ingens si non ratione, nec recta voluntate donata est, non magis beneficium est, quàm thesaurus. Multa sunt autem, quæ oportet accipere, nec debere.

LIBER SECVNDVS.

CAPVT I.

INSPICIAMVS, Liberalis virorum optime, id quod ex priorē parte adhuc superest, Quemadmodum dandum sit beneficium: cuius rei expeditissimam videor monstraturus viam. Sic demus, quomodo vellemus accipere. ante omnia libenter, citò, sine vlla dubitatione. Ingratum est beneficium, quod diu inter manus dantis hæsitet, quod quis ægrè dimittere visus est, & sic
tam-

tamquam sibi præriperet . Etiam si quid moræ interuenit, euitemus omni modo, ne deliberasse videamur. Proximus est à negante, qui dubitauit , nullamque meretur gratiam. Nam cùm in beneficio iucundissima sit tribuentis voluntas ; qui nolentem se tribuisse ipsa cunctatione testatus est , non dedit , sed aduersus ducentem , malè retinuit. Multi autem sunt, quos liberales facit frontis infirmitas . Gratissima sunt beneficia , parata , facilè occurrentia , vbi nulla mora fuit, nisi in accipientis verecundia. Primum est , antecedere desiderium cuiusque: proximum sequi. Illud melius , occupare antequam rogemur : quia cùm homini probo ad rogandum os cōcurrat , & suffundatur rubor, qui hoc tormentum remittit , multiplicat munus suum . Non tulit gratis , qui cùm rogasset , accepit. Quoniam quidem , vt maioribus nostris, grauissimis viris , visū est, nulla res caritis constat , quàm quæ precibus empta est. Vota homines parcius facerent , si palàm facienda essent . adeò etiam deos , quibus honestissimè supplicamus , tacitè malumus & intra nosmetipsos precari.

CAP. II. Molestum verbum est, onerosum, & demisso vultu dicendum, Rogo. Huius facienda est gratia amico , & cui-cunque , quem amicum sis promerendo facturus . Properet licet: ferò beneficium dedit, qui roganti dedit. Ideò diuinanda cuiusque voluntas , & cùm intellecta est ,
necessita-

necessitate grauissima rogandi liberanda est. Illud beneficium iucundum, victurumque in animo scias, quod obuiam venit. Si non contingit praeuenire, plura rogantis verba intercidamus, ne rogati videamur: sed certiores facti, statim promittamus, facturosque nos etiam antequam interpellaremur, ipsa festinatione approbemus. Quemadmodum in ægris opportunitas cibi salutaris est, & aqua tempestiuè data remedij locum obtinuit: ita quamuis leue & vulgare beneficium sit, si præstò fuerit, si proximam quamque horam non perdidit, multum sibi adiicit, gratiamque pretiosi, sed lenti & diu cogitati muneris vincit. Qui tam paratè fecit, non est dubium, quin libenter faciat. Itaque lætus facit, & induit sibi animi sui vultum.

CAP. III. Ingentia quorundam beneficia, silentium aut loquendi tarditas, imitata grauitatem & tristitiam, corrumpit, cùm promitterent vultu negantium. Quanto meliùs adicere bona verba rebus bonis, & prædicatione humana benignaque commendare quæ præstes? vt ille se castiget, quòd tardior in rogando fuit. Adicias licet familiarem querelam: Irascor tibi, quòd cùm aliquid desiderasses, non olim scire me voluisti, quòd tam diligenter rogasti, quòd quemquam adhibuisti. Ego verò gratulor mihi, quòd experiri animum meum libuit: postea quidquid

desiderabis, tuo iure exiges. Semel rusticitati tuæ ignoscitur. Sic efficies, ut animum tuum pluris æstimet, quàm illud quidquid est, ad quod petendum venerat. Tunc est summa virtus tribuentis, tunc benignitas, ubi ille qui discessit, dicet sibi: Magnum hodie lucrum feci. malo quòd illum talem inueni, quàm si multiplicatum hoc ad me alia via peruenisset. Huic eius animo nunquam parem referam gratiam.

CAP. IV. At plerique sunt, qui beneficia asperitate verborum & supercilio in odium adducunt, eo sermone vti, ea superbia, ut impetrasse poeniteat. Aliæ deinde post rem promissam sequuntur moræ. nihil autem est acerbius, quàm ubi quoque cum impetraſti, rogandum est. Representanda sunt beneficia: quæ à quibusdam accipere difficilius est, quàm impetrare. Hic rogandus est, ut admoneat; ille, ut sumat. Sic vnum munus per multorum teritur manus, ex quo gratiæ minimum apud promittentem remanet: quia auctori detrahit, quisquis post illum rogandus est. Hæc itaq; curæ habebis, si græte estimari quæ præstabis voles, ut beneficia tua illibata, ut integra ad eos, quibus promissa sunt, perueniant, sine vlla, quod aiunt, deductione. Nemo illa intercipiat, nemo detineat: nemo in eo quod daturus es, gratiam suam facere potest, ut non tuam minuat.

CAP.

CAP. V. Nihil æquè amarum, quàm diu pendere. Æquatore quidam animo ferunt præcidi spem suam, quàm trahi. Plerisque autem hoc vitium est, ambitione prava differendi promissâ, ne minor sit rogantium turba. Quales regiarum potentiarum ministri sunt, quos delectat superbiam suam longum spectaculum: minusque se iudicant posse, nisi diu multumque singulis, quid possint, ostendent. Nihil confestim, nihil semel faciunt. iniuriarum illorum præcipites, lenta beneficia sunt. Quare verissimum existima, quod ille Comicus dixit: — Quid? tu non intelligis, Tantum te gratiarum demere, quantum moræ adiicis? Inde illarum voces, quas ingenuus dolor exprimit: Fac, si quid facis:& Nihil est tanti: Malo mihi iam neges:] ubi in tædium adductus animus incipit beneficium odisse, dum expectat. Potest ob id ingratus esse. Quemadmodum acerbissima crudelitas est, quæ trahit poenam, & misericordiarum genus est, citò occidere (quia tormentum ultimum finem sui secum affert; quod antecedit tempus, maxima venturi supplicij pars est:) ita maior est muneris gratia, quo minus diu pependit. Est enim bonarum etiam rerum sollicita expectatio. & cum plurima beneficia remedium alicuius rei afferant; qui aut diutius torqueri patitur, quem protinus potest liberare, aut gaudere tardius, beneficio suo manus affert. Om-

nis benignitas properat : & proprium est libenter facientis , citò facere. Qui tardè , & diem de die extrahens profuit , non ex animo fecit . Ita duas res maximas perdidit , & tempus , & argumentum amicæ voluntatis . tardè velle , nolentis est .

CAP. VI. In omni negotio , Liberalis , non minima portio est , quomodo quidque aut dicatur , aut fiat . multum celeritas fecit , multum abstulit mora . Sicut in telis eadem ferri vis est : sed infinitum interest , utrùm excusso lacerto torqueantur , an remissa manu effluant : gladius idem & stringit , & transforat : quàm pressò articulo venerit , refert : idem est quod datur ; sed interest quomodo detur . Quàm dulce , quàm pretiosum est , si gratias sibi agi non est passus , qui dedit : si dedisse , dum dat , oblitus est ! nam corripere eum , cui cùm maxime aliquid præstes , dementia est , & inferere contumeliàm meritis . Itaque non sunt exasperanda beneficia , nec quidquam illis triste miscendum . Etiam si quid erit , de quo velis admonere , aliud tempus eligito .

CAP. VII. Fabius Verrucosus beneficium ab homine duro asperè datum , Panem lapidosum vocabat ; quem esurienti accipere necessarium sit , esse acerbum . Tiberius Cæsar rogatus à nepote M. Allio prætorio , ut æri alieno succurreret : edere illum sibi nomina creditorum

rum iussit. Hoc non est donare, sed creditores conuocare. Cùm edita essent, scripsit, nepoti iussisse se pecuniam solui. adiecta contumeliosa admonitione, effecit, ut nec æs alienum haberet, nec beneficium. Liberauit illum à creditoribus, sibi non obligauit. Aliquid Tiberius secutus est. puto noluit plures esse, qui idem rogaturi concurrerent. ista fortasse efficax ratio fuerit, ad hominum improbas cupiditates pudore reprimendas: beneficium verò danti, tota alia sequenda est via.

C A P. VIII. Omni genere quod des, quo sit acceptius, adornandum est. Hoc verò non est beneficium dare, reprehendere est. Et ut in transitu de hac quoque parte dicam quid sentiam, ne Principi quidem satis decorum est, donare ignominia causa. Tamen si inquietudinem Tiberius, nec hoc quidem modo, quo putabat, potuit effugere. Nam aliquot postea, qui idem rogarent, inuenti sunt. omnes iussit reddere in senatu æris alieni causas, & ita illis certas summas dedit. Non est illud liberalitas: censura est, auxilium est, Principale tributum est. Beneficium non est, cuius sine rubore meminisse non possum. Ad iudicem missus sum. ut impetrarem, causam dixi.

C A P. IX. Præcipiunt itaque omnes auctores sapientiæ, quædam beneficia palam danda, quædam secretò. Palam, quæ

consequi gloriosum est: ut militaria dona, & honores, & quidquid aliud notitia pulchrius sit. Rursus quæ non producant, nec honestiorem faciunt, sed occurrunt infirmitati, egestati, ignominia, tacite danda sunt: ut nota sint solis, quibus profunt. Interdum & ipse qui iuuatur, fallendus est: ut habeat, nec à quo acceperit, sciat.

CAP. X. Arcefilaus, ut aiunt, amico pauperi, & paupertatem suam dissimulanti, ægro autem, & ne hoc quidem confitenti deesse sibi in sumptum ad necessarios usus, cum clam succurrendum iudicasset; puluino eius ignorantis sacculum subiecit, ut homo inutiliter veretur, quod desiderabat, inueniret potius quam acciperet. Quid ergo? ille nesciet à quo acceperit? Primum nesciat, si hoc ipsum beneficii pars est. deinde multa alia faciam, multa tribuam, per quæ intelligat & illius auctorem. Denique ille nesciet accepisse se: ego sciam me dedisse. Parum est, inquis. Parum, si fanerare cogitas: sed si dare quo genere accipienti maxime profuturum erit; dabis. contentus eris te teste. Alioquin non benefacere delectat, sed videri benefecisse: Volo, inquis, sciat: debitorem quæris. Volo utique sciat: quid, si illi utilius est nescire? si honestius, si gratius? non in aliam partem abibis? Volo sciat: ita tu hominem non seruabis in tenebris? Non nego, quoties patitur
res,

res, percipiendum gaudium ex accipientis voluntate: sin adiuuari illum & oportet, & pudet; si quod præstamus, offendit, nisi absconditur: beneficium in acta non mitto. Quid? ego illi sum indicaturus me dedisse: cum inter prima præcepta ac maximè necessaria sit, ne vnquam exprobre, imò ne admoneam quidem? Hæc enim beneficij inter duos lex est. alter statim obliuisci debet dati, alter accepti nunquam. Lacerat animum & premit frequens meritorum commemoratio.

CAP. XI. Libet exclamare, quod ille triumuirali proscriptione seruatus à quodam Cæsaris amico exclamauit, cum superbiam eius ferre non possêt: Redde me Cæsari. Quousque dices: Ego te seruauit, ego te eripui mortis istud, si meo arbitrio memini, vita est; si tua mors est. Nihil tibi debeo, si me seruasti, vt haberes, quem ostenderes. Quousque me circumducis? quousque obliuisci fortunæ meæ non finis? semel in triumpho ductus essem. Non est dicendum, quid tribuerimus. qui admonet, repetit. Non est instandum, non est memoriæ reuocandum: nisi vt aliud dando, prioris admoneas. Ne aliis quidem narrare debemus. qui dedit beneficium, taceat: narret, qui accepit. Diceretur enim, quod illi vbique iactanti beneficiū suum: Num negabis, inquit, te recepisse? & cum respondisset, Quando? Sæpè quidem, inquit, & multis locis: (id est) quoties &

vbicumq; narraſti. Quid opus eſt te loqui? quid alienum occupare officium? Eſt qui iſtud facere honeſtiùs poſſit: quo narraſte, & hoc laudabitur, quòd ipſe non narraſ. Ingratum me iudicas, ſi iſtud te tacente, nemo ſciturus eſt? Quod adeò non eſt committendum, vt etiam ſi quis coram nobis narrabit, ei reſpondendum ſit? Digniſſimus quidem ille eſt maioribus beneficiis, quæ ego magis velle me ſcio præſtare, quàm poſſe. Et hæc ipſa non verniliter, nec ea figura, qua quidam reiiciunt, quæ magis ad ſe volunt attrahere: deinde adiicienda omnis humanitas. Perdet agricola quod ſparſit, ſi labores ſuos deſtituet in ſemine. Multa cura ſata perducuntur ad ſegetem. nihil in fructum peruenit, quod non à primo uſque ad extremum æqualis cultura proſequitur: eadem beneficiorum eſt conditio. Nunquid vlla maiora poſſunt eſſe, quàm quæ in liberos patres conferunt? Nec tamen tuta ſunt, ſi in infantia deferantur, niſi longa pietas munus ſuum nutriet. Eadem ceterorum beneficiorum conditio eſt: niſi illa adiuueris, perdes. parum eſt dediſſe; fouenda ſunt. Si gratos viſ habere quos obligas, non tantum des oportet beneficia, ſed ames. Præcipuè, vt dixi, parcamus auribus. admonitio tædium facit, exprobratio odium. Nihil æquè in beneficio dandò vitandum eſt, quàm ſuperbia. Quid opus arrogantia vultus? quid timore ver-
bo-

borum? ipsa res te extollit. Detrahenda est inanis iactatio: res loquentur, nobis tacentibus. Non tantum ingratum, sed inuisum est beneficium, superbè datum.

CAP. XII. Cæsar dedit vitam Pompeio Penno, si dat, qui non aufert: deinde absoluto & agenti gratias, porrexit osculandum sinistram pedem. Qui excusant, & negant id insolentiæ causâ factum: aiunt socculum auratum, imò aureum margaritis distinctum, ostendere eum voluisse. Ita prorsus: quid hic contumeliosum est, si vir consularis aurum & margaritas osculatus est; & alioquin nullam partem in corpore eius electurus, quam purius oscularetur? Homo natus in hoc, ut mores liberæ ciuitatis Persica seruitute mutaret, parum iudicauit, si senator senex, summis usus honoribus, in conspectu principum supplex sibi, eo more iacuisset, quo victi hostes victoribus iacere: inuenit aliquid infra genua, quod libertatem deruderet. Non hoc est remp. calcare? & quidem, dicet aliquis (nam potest ad rem pertinere) sinistro pede. Parum enim fœdè furiosèq; insolens fuerat, qui de capite consularis viri soccatus audiebat, nisi in os senatoris ingessisset imperator pigros suos.

CAP. XIII. O superbia magnæ fortunæ! O stultissimum malum! ut à te nihil accipere iuuat? ut omne beneficium in iniuriam conuertis? ut te omnia nimia

delectant? ut te omnia dedecent? quoque
 aliùs te subleuasti, hoc depressior es,
 ostendisque te non agnoscere ista bona,
 quibus tantum inflaris. Quidquid das,
 corrumpis. Libet itaque interrogare, quid
 tantopere te supinet, quid vultum habi-
 tumque oris peruertat, ut malis habere
 personam, quam faciem? Iucunda sunt,
 quæ humana fronte, certè leni, placida-
 que tribuuntur: quæ cum daret mihi su-
 perior, non exsultauit supra me, sed quam
 potuit, benignissimus fuit, descenditque
 in æquum, & detraxit muneris suo pom-
 pam. obseruauit idoneum tempus, ut in
 occasione potius, quam in necessitate
 succurreret. Vno modo istis persuade-
 bimus; ne beneficia sua insolentia per-
 dant, si ostenderimus non ideò videri ma-
 iora, quò tumultuosius data sunt: ne ipsos
 quidem ob id cuiquam posse maiores vi-
 deri. vanam esse superbiam magnitudinem,
 & quæ in odium etiam amanda perducant.

CAP. XIV. Sunt quædam nocitura
 impetrantibus: quæ non dare, sed negare,
 beneficium est. Æstimabimus itaque uti-
 litatem potius, quam voluntatem peten-
 tium. Sæpè enim noxia concupiscimus,
 nec dispicere quam perniciosa sint licet:
 quia iudicium interpellat affectus. sed
 cum subsedit cupiditas, cum impetus ille
 flagrantis animi, qui consilium fugat, ce-
 cidit; detestamur perniciosos malorum
 munerum auctores. Ut frigidam agris
 nega-

negamus, & lugentibus ac sibi iratis fer-
rum, aut amantibus quidquid contra se
vsurus ardet petit: sic ea, quæ nocitura
sunt impensè ac submissè, nonnunquam
etiam miserabiliter rogantibus, perseue-
rabimus non dare. Tum initia beneficio-
rum suorum spectare, tum etiam exitus
debet: & ea dare quas non tantùm accipe-
re, sed etiam accepissè delectet. Multi
sunt qui dicant: Scio hoc illi non profutu-
rum. sed quid faciam? rogat, resistere pre-
cibus eius non possum. Viderit de se, non
de me, queretur. Falsum est: imò de te, &
merito quidem: cùm ad mentem bonam
redierit, cùm accessio illa, quæ animum
inflammabat, se remiserit. Quid ni eum
oderit, à quo in damnum ac periculum
suum adiutus est? Exorari in perniciem
rogantium, sæua bonitas est. Quemad-
modum pulcherrimum opus est, etiam
inuitos nolentesque seruare: ita roganti-
bus pestifera largiri, blandum & affabile
odium est. Beneficium demus, quod vsu
magis ac magis placeat, quod nunquam
in malum vertat. Pecuniam non dabo,
quam numeraturum adulterè sciam: ne in
societate turpis facti aut consilij inue-
niam. Si poterò, reuocabo: sin minùs, non
adiuabo scelus. Siue illum ira, quò non
debebat, impellit, siue ambitionis calor
abducit à tutis: non committam, vt possit
quandoque dicere, Ille amando me occi-
dit. Sæpè nihil interest inter amicorum

munera, & hostium vota. Quidquid illi accidere optant, in id horum intempestiva indulgentia impellit, atque instruit. Quid autem turpius, quàm (quod euenit frequentissimè) vt nihil intersit inter odium, & beneficium?

C A P. X V. Nunquam in turpitudinem nostram reditura, tribuamus. Cùm summa amicitiae sit, amicum sibi æquare; vtrique simul consulendum est. Dabo egenti: sed vt ipse non egeam. succurram perituro: sed vt ipse non peream. nisi si futurus ero magni hominis, aut magnæ rei merces. Nullum beneficium dabo, quod turpiter peterem. Nec exiguum dilatabo, nec magna pro paruis accipi patiar. Nam vt qui quod dedit, imputat, gratiam destruit: ita qui quantum det, ostendit, munus suum commendat, non exprobrat. Respiciendæ sunt cuique facultates suæ; viresque: ne aut plus præstemus, quàm possumus, aut minus. Æstimanda est eius persona, cui damus. quædam enim minora sunt, quàm vt exire à magnis viris debeant: quædam accipiente minora sunt. Vtriusque itaque personam confer: & id ipsum, inter illas, quod donabis, examina, nunquid aut danti graue sit, aut paucum: nunquid rursus qui accepturus est, aut fastidiat, aut non capiat.

C A P. X V I. Urbem cuidam Alexander donabat vāsanus, & qui nihil animo non grande conciperet. cū ille cui donaba-

nabatur, seipſe menſus, tanti muneris inuidiam reſugiſſet, dicens non conuenire fortunæ ſuæ: Non quæro, inquit, quid te accipere deceat, ſed quid me dare. Animoſa vox videtur, & regia: cùm ſit ſtuliſſima. Nihil enim per ſe quemquam decet: reſert quid, cui, quando, quare, ubi, & cetera, ſine quibus facti ratio non conſtabit. Tumidiſſimum animal! ſi illum accipere hoc non decet, nec te dare. Habeatur perſonarum ac dignitatum proportio: & cùm ſit ubique virtutis modus, æquè peccat quod excedit, quàm quod deficit. Liceat iſtud ſanè tibi, & te in tantum fortuna ſuſtulerit, vt congiaria tua vrbes ſint: quas quanto maioris animi fuit non capere, quàm ſpargere? eſt tamen aliquis minor, quàm vt in ſinu eius condenda ſit ciuitas.

C A P. X V I I. Ab Antigono Cynicus petijt talentum. reſpondit, plus eſſe, quàm quod Cynicus petere deberet. Reſpuſus petit denarium. reſpondit, minus eſſe, quàm quod regem deceret dare. Turpiſſima eſt eiufmodi cauillatio. Inuenit quomodo neutrum paret. in denario regem, in talento Cynicum reſpexit: cùm poſſet & denarium tamquam Cynico dare, & talentum tamquam rex. Vt ſit aliquid maius, quàm quod Cynicus accipiat; nihil tam exiguum eſt, quod non honeſtè regis humanitas tribuat. Si me interrogas, probo. eſt enim intolerabilis.

res.

res, poscere nummos, & contemnere. Indixisti pecuniæ odium: hoc professus es. hanc personam induisti: agenda est. Iniquissimum est, te pecuniam sub gloria egestatis acquirere. Aspicienda ergo non minùs sua cuique persona est, quàm eius, de quo iuuando quis cogitat. Volo Chrysippi nostri vti similitudine de pilæ lusu: quam cadere non est dubium, aut mittentis vitio, aut accipientis. Tunc cursum suum seruat, vbi inter manus vtriusque, aptè ab vtroque & iactata & excepta versatur. necesse est autem lusor bonus, aliter illam collusori longo, aliter breui mittat. Eadem beneficij ratio est. nisi vtriusque personæ, dantis & accipientis, aptatur: nec ab hoc exhibit, nec ad illum perueniet, vt debet. Si cum exercitato & docto negotium est, audaciùs pilam mittemus. vtcunque enim venerit, manus illam expedita & agilis repercutiet. Si cum tirone & indocto: non tam rigidè, nec tam excusè, sed languidiùs, & in ipsam eius dirigentes manum, remissè occurremus. Idem faciendum est in beneficijs. quosdam doceamus, & satis iudicemus, si conantur, si audent, si volunt. Facimus autem plerumque ingratos, & vt sint, fauemus: tamquam ita demum magna sint beneficia nostra, si gratia illis referti non potuit: vt malignis lusoribus propositum est, collusorem traducere, cum damno scilicet ipsius lusus, qui non potest, nisi consenti-

sentitur, extendi. Multi sunt tam prauæ naturæ; ut malint perdere quæ præstiterunt, quàm videri recepisse, superbi & imputatores. Quanto melius, quantoque humanius id agere, ut illi quoque partes suæ constent, & fauere; ut gratia sibi referri possit, benignè omnia interpretari; gratias agentem, non aliter quàm si referat, audire; præbere se facilem, ad hoc, ut quem obligauit, etiam exsolui velit? Malè audire solet fenerator, si acerbè exigit: æquè si in recipiendo tardus ac difficilis moras quærit: beneficium tam recipiendum est, quàm non exigendum. Optimus ille, qui dedit facile, nunquam exigit: reddi gaudius est, bona fide quid præstitisset, oblitus, qui accipientis animo recipit.

CAP. XVIII. Quidam non tantum dant beneficium superbe, sed etiam accipiunt: quod non est committendum. Iam enim transeamus ad alteram partem, tractaturi quomodo se gerere homines in accipiendis beneficijs debeant. Quodcunque ex duobus constat officium, tantumdem ab utroque exigit. Qualis pater esse debeat, cum inspexeris: scies non minus operis illic superesse, ut dispicias, qualem esse oporteat filium. sunt aliquæ partes mariti, sed non minores vxoris. Inuicem ista quantum exigunt, præstant, & parem desiderant regulam: quæ, ut ait Hecaton, difficilis est. Omne enim honestum in arduo est, etiam quod vicinum honest-

honesto est. non enim tantum fieri debet, sed ratione fieri. Hac duce, per totam viam eundem est. minima maximaque ex huius consilio gerenda sunt: quomodo hæc suaseris, dandum. Hæc autem hoc primum censebit, non ab omnibus accipiendum. A quibus ergo accipiemus? Ut breuiter tibi respondeam: ab his, quibus dedisse vellemus. Num etiam maiore dilectu quærendus est, cui debeamus, quam cui præstemus? nam, ut non sequantur vlla incommoda (sequuntur autem plurima) graue tamen tormentum est debere, cui nolis. Contrà, iucundissimum est, ab eo accepisse beneficium, quem amare etiam post iniuriam possis. Illud verò homini verecundo & probò miserrimum est, si eum amare oportet, quem non iuuat. Toties admoneam necesse est, non loqui me de sapientibus, quos quidquid oportet, & iuuat; qui animum in potestate habent, & legem sibi, quam volunt, dicunt, & quam dixerunt, seruant: sed de imperfectis hominibus, honesta sequi volentibus, quorum affectus sæpè contumaciter parent. Itaque eligendus est, à quo beneficium accipiam. Et quidem diligentius quærendus beneficii, quam pecuniæ creditor. Huic enim reddendum est, quantum accepi: & si reddidi, solutus sum ac liber. at illi plus soluendum est: & nihilominus etiam relata gratia, cohæremus. Debeo enim, cum reddidi, rursus incipere:

re:

re: * monetque amicitia non recipere indignum. Sic est beneficiorum quidem sacratissimum ius, ex quo amicitia oritur. Non semper, inquit, mihi licet dicere, Nolo: aliquando beneficium accipiendum est & inuito. Dat tyrannus crudelis & iracundus: qui munus suum fastidire te, iniuriam iudicaturus est, non accipiam. Eodem loco pone latronem & piratam, quo regem, animum latronis ac piratæ habentem. quid faciam? parum dignus est, cui debeam. Cum eligendum dico cui debeas, vim maiorem & metum excipio: quibus adhibitis, electio perit. Si liberum est tibi, si arbitrij tui est, utrum velis, an non; id apud te ipse perpendes. si necessitas tollit arbitrium, scies te non accipere, sed parere. Nemo id accipiendo obligatur, quod illi repudiare non licuit. Si vis scire, an velim; effice, ut possim nolle. Vitam tamen tibi dedit, non refert quid sit, quod datur, nisi è volente volenti detur. Si servasti me, non ideò servator es. Venenum aliquando pro remedio fuit. non ideò numeratur inter salubria. Quædam profunt, nec obligant.

CAP. XIX. Tuber quidam tyranni gladio diuisit, qui ad eum occidendum venerat: non ideò illi tyrannus gratias egit, quòd rem quam medicorum manus reformidauerant, nocendo sanauit. Vides non esse magnum in ipsa re momentum? quoniam non videtur dedisse beneficium, qui

qui malo animo profuit. Casus enim beneficium est, hominis iniuria. Leonem in amphitheatro spectauimus, qui vnum è bestiarijs agnirum, cùm quondam eius fuisset magister, protexit ab impetu bestiarum. Num ergo est beneficium, feræ auxilium? minimè: quia nec voluit facere, nec benefaciendi animo fecit. Quo loco feram posui, tyrannum pone. Et hic vitam dedit, & illa: nec hic, nec illa beneficium. quia non est beneficium, accipere cogi. non est beneficium, debere, cui nolis. Autè des oportet mihi arbitrium mei, deinde beneficium.

C A P. XX. Disputari de M. Bruto solet, an debuerit accipere à D. Iulio vitam, cùm occidendum eum iudicaret. Quam rationem in occidendo secutus sit, alias tractabimus. Mihi enim, cùm vir magnus fuerit in alijs, in hac re videtur vehementer errasse, nec ex institutione Stoica se gessisse: qui aut regis nomen extimuit, cùm optimus ciuitatis status sub rege iusto sit; aut ibi sperauit libertatem futuram, vbi tam magnum præmium erat. & imperandi, & seruiendi; aut existimauit ciuitatem in priorem formam posse reuocari, amissis pristinis moribus: futuramque ibi æqualitatem ciuilis iuris, & statuas suo loco leges, vbi viderat tot millia hominum pugnantia, non an seruirent, sed vri. Quanta verò illum aut rerum naturæ, aut vrbs suæ tenuit obliuio, qui vno
inte-

interempto, defuturum credidit alium, qui idem vellet: cum Tarquinius esset inuentus, post tot reges ferro ac fulminibus occisos? Sed vitam accipere debuit: ob hoc tamen non habere illum parentis loco, qui in ius dandi beneficii iniuria venerat. Non enim seruauit is, qui non interfecit; nec beneficium dedit, sed missionem.

C A P. X X I. Illud magis venire in disputationem potest aliquam, quid faciendum sit captiuo, cui redemptionis pretium homo prostituti corporis & infamis ore promittit? Patiar me ab impuro seruari? seruatus deinde, quam illi gratiam referam? Viuam cum obsceno? non viuam cum redemptore? Quid ergo placeat, dicam. Etiam ab aliquo tali accipiam pecuniam, quam pro capite dependam: accipiam autem tamquam creditum, non tamquam beneficium. Soluam illi pecuniam: & si occasio fuerit seruandi, periclitantem seruabo: in amicitiam, quæ similes iungit, non descendam. nec seruatoris illum loco numerabo, sed feneratoris: cui sciam reddendum quod accepi. Est aliquis dignus, à quo beneficium accipiam: sed danti nociturum est. ideo non accipiam, quia ille paratus est mihi cum incommodo, aut etiam periculo suo prodesse. Defensurus est me reum: sed illo patrociniio, regem sibi est facturus inimicum. Inimicus sum, si cum ille pro me periclitata-

riclitari velit, ego, quod facilius est, non facio, ut sine illo pericliter. Ineptum & friuolum hoc Hecaton ponit exemplum Arcesilai, quem ait à filio familias oblatam pecuniam non accepisse, ne ille patrem sordidum offenderet. Quid fecit laude dignum? quòd furtum non recepit? quòd maluit non accipere, quàm reddere? quæ est enim alienam rem non accipere moderatio? Si exemplo magni animi opus est, utamur Græcini Iulij viri egregij, quem C. Cæsar occidit ob hoc unum, quòd melior vir erat, quàm esse quemquam tyranno expediret. Is cum ab amicis conferentibus ad impensam ludorum pecunias acciperet, magnam pecuniam à Fabio Perfico missam non accepit. Et obiurgantibus his, qui non æstimabant mittem, sed missa, quòd repudiasset: Ego, inquit, ab eo beneficium accipiam, à quo propinationem accepturus non sim? Cumque illi Rebilus consularis, homo eiusdem infamiæ, maiorem summam misisset, instaretque, ut accipi iuberet: Rego, inquit, ignoscas; nam & à Perfico non accipi. Vtrum hoc munera accipere est, an senatum legere?

CAP. XXII. Cum accipiendum iudicauerimus, hilares accipiamus, profitentes gaudium: & id danti manifestum sit, ut fructum præsentem capiat. Iusta enim causa lætitiæ est, latum amicum videre; iustior, fecisse. Grate ad nos peruenisse
indi-

indicemus, effusis affectibus: quod non ipso tantum audiente, sed ubique testemur. Qui gratè beneficium accepit, primam eius pensionem soluit.

CAP. XXIII. Sunt quidam, qui nolunt nisi secretò accipere: testem beneficii & conscium vitant: quos scias licet malè cogitare. Quomodo danti in tantum producenda notitia est muneris sui, in quantum delectatura est eum, cui datur: ita accipienti adhibenda concio est. Quod pudet debere, ne acceperis. Quidam furtivè agunt gratias, & in angulo, & ad aurem. Non est ista verecundia, sed inficiandi genus: Ingratus est, qui, remotis arbitris, agit gratias. Quidam nolunt nomina secum fieri, nec interponi paratios, nec signatores aduocari, nec chitographum dare: idem faciunt, qui dant operam, ut beneficiū in ipsos collatum, quàm ignotissimum sit. Verentur palàm ferre, ut sua potius virtute, quàm alieno adiutorio consecuti dicantur. Rariores in eorum officijs sunt, quibus vitam, aut dignitatem debent: & dum opinionem clientium timent, grauiorem subeunt ingratorum.

CAP. XXIV. Alij pessimè loquuntur de optimè meritis. Tutius est quosdam offendere, quàm demeruisse. argumentum nihil debentium, odio quærunt. Atqui nihil magis præstandum est, quàm ut memoria nobis meritorum hæreat, quæ subinde reficienda est: quia nec re-
ferre

ferre potest gratiam, nisi qui meminit; & qui meminit, iam refert. Nec delicate accipiendum est, nec submissè & humiliter. Nam qui negligens est in accipiendo, cum omne beneficium recens placeat; quid faciet, cum prima eius voluptas refrixerit? Alius accepit fastidiosè, tanquam qui dicat: Non quidem mihi opus est; sed quia tam valde vis, faciam tibi mei potestatem. Alius supinè, ut dubium præstanti relinquat, an senserit: alius vix labra diduxit, & ingrator, quàm si tacuisset, fuit. Loquendum pro magnitudine rei impensius, & illa adicienda: Plures quàm putas, obligasti. Nemo enim non gaudet beneficium suum latius patere. Nescis quid mihi præstiteris: sed scire te oportet, quanto plus sit quàm æstimas. Statim gratus est, qui se onerat. Nunquam tibi gratiam referre potero: illud certè non desinam ubique confiteri, me referre non posse.

C A P. XXV. Nullo magis Cæsarem Augustum demeruit, & ad alia impetranda facilè sibi reddidit Furnius, quàm quòd, cum patri Antonianas partes secuto veniam impetrasset, dixit: Hanc vnam Cæsar habeo iniuriam tuam. effecisti ut viuerem, & morerer ingratus. Quid est tam grati animi, quàm nullo modo sibi satisfacere? quàm nec ad spem quidem exæquandi vnquam beneficij accedere? His atque eiusmodi vocibus id agamus,

ut

ut voluntas non lateat, sed aperiatur, ut luceat. Verba cessent licet, si quemadmodum debemus affecti sumus, conscientia eminebit in vultu. Qui gratus futurus est, statim dum accepit, de reddendo cogitat. Chrysippus quidem dicit, illum velut in certamen cursus compositum, & carceribus inclusum, opperiri debere suum tempus, ad quod velut dato signo profiliat. Et quidem magna illi celeritate opus est, magna contentione, ut consequatur antecedentem.

CAP. XXVI. Videndum est nunc, quid maximè faciat ingratos. Aut nimius sui suspectus, & insitum mortalitati vitium, se suaque miranda: aut auaritia, aut invidia. Incipiamus à primo. Nemo non benignus est sui iudex. inde est, ut omnia meruisse se existimet, & in solutum accipiat: nec satis suo pretio se aestimatum putet. Hoc mihi dedit, sed quàm serò, sed post quot labores? quanto consequi plura potuissèm, si illum, aut illum, aut me colere maluissèm? non hoc speraueram. In turbam coniectus sum. tam exiguo dignum me iudicavit. honestius præteritum fuit.

CAP. XXVII. Cn. Lentulus augur, diuitiarum maximum exemplum, antequàm illum libertini pauperem facerent (hic quater millies sestertium suum vidit. propriè dixi: nihil enim amplius quàm vidit) ingenij fuit tam sterilis, quàm

quàm pusilli. Cùm enim esset auarissimus, nummos citiùs emittebat, quàm verba: tanta illi inopia erat sermonis. Hic cùm omnia incrementa sua D. Augusto deberet, ad quem attulerat paupertatem, sub honore nobilitatis laborantem: princeps iam ciuitatis, & pecunia, & gratia, subinde Augusto solebat queri, dicens, A studijs se abductum. Nihil tantùm in se congestum esse, quantum perdidisset, relicta eloquentia. At illi inter alia hoc quoque diuus Augustus prastiterat, quòd illum derisu ac labore irritò liberauerat. Non patitur auiditas quemquã esse gratũ. nunquam enim improbè spei, quod datur, satis est. Eò maiora cupimus, quò maiora venerunt: multoquē concitator est avaritia, in magnarum opum congestu collocata. vt flammæ infinito acrior vis est, quo ex maiore incendio emicuit. Equè ambitio non patitur quemquam in ea mensura honorum conquiescere, quæ quondam eius fuit impudens votum. Nemo agit de tribunatu gratias: sed queritur, quòd non est ad præturam vsque perductus. nec hæc grata est, si deest consularatus. ne hic quidem satiat, si vnus est. Ultrà se cupiditas porrigit, & felicitatem suam non intelligit: quia non vnde venerit, respicit, sed quò tendat. Omnibus his vehementius & importunius malum est inuidia, quæ nos inquietat, dum comparat.

CAP. XXVIII. Hoc mihi præstitit: sed illi plus, sed illi maturius: & deinde nullius causam agit, contra omnes sibi fauet. Quanto est simplicius, quanto prudentius, beneficium acceptum augere: scire neminem tanti ab alio, quanti à seipso aestimari? Plus accipere debuissim. sed illi facile non fuit plus dare. in multos diuidenda liberalitas erat. Hoc initium est. boni consulamus, & animi eius, gratè excipiendo, euocemus. Parum fecit; sed sæpius faciet. illum mihi prætulit; & me multis. ille non est mihi par virtutibus, nec officiis; sed habuit suam Venerem. Querendo non efficiam, vt maioribus dignus sim, sed vt datis indignus. Plura illis hominibus turpissimis data sunt. quid ad rem? quàm raro fortuna iudicat? Quotidie querimus, malos esse felices. sæpè quæ agellos pessimi cuiusque transierat, optimorum virorum segetem grando percussit. Fert sortem suam quisque, vt in ceteris rebus, ita in amicitiiis. Nullum est tam plenum beneficium; quod non vellicare malignitas possit: nullum tam angustum, quod non bonus interpretes extendat. Nunquam deerunt causæ querendi, si beneficia à deteriore parte spectaueris.

CAP. XXIX. Vide quàm iniqui sint diuinorum munerum aestimatores, etiam quidam professi sapientiam. Queruntur, quòd non magnitudine corpo-

rum æquemus elephantes, velocitate cer-
 uos, leuitate aues, impetu tauros:
 quòd solidior sit cutis beluis, decentior
 damis, densior vris, mollior fibris:
 quòd sagacitate nos narium canes vin-
 cant, quòd acie luminum aquilæ, spatio
 ætatis corui, multa animalia nandi faci-
 litate. Et cùm quædam ne coïre quidem
 in idem natura patiatur, vt veloci-
 tatem corporum & vires pares animalibus:
 ex diuersis ac dissidentibus bonis homi-
 nem non esse compositum, iniuriam vo-
 cant: & in negligentes nostri deos que-
 rimoniâ iaciunt, quòd non bona vale-
 tudo & vitiis inexpugnabilis data sit,
 quòd non futurâ scientia. Vix sibi tem-
 perant, quin eousque impudentiæ pro-
 uehantur, vt naturam oderint, quòd in-
 fra deos sumus, quòd non in æquo illis
 stetimus. Quanto satius est ad contem-
 plationem tot tantorumque beneficio-
 rum reuerti, & agere gratias, quòd nos
 in hoc pulcherrimo domicilio voluerunt
 secundas sortiri, quòd terrenis præfece-
 runt? Aliquis ea animalia comparat no-
 bis, quorum potestas penes nos est? Quid-
 quid nobis negatum est, dari non potuit.
 Proinde quisquis es iniquus æstimator
 sortis humanæ, cogita quanta nobis tri-
 buerit parens noster, quanto valentiora
 animalia sub iugum miserimus; quanto
 velociora consequamur: quàm nihil sit
 mortale, non sub ictu nostro positum.

Tot

Tot virtutes accepimus, tot artes, animum denique, cui nihil non eodem quo intendit momento peruium est, sideribus velociorem, quorum post multa sæcula futuros cursus antecedit. tantum denique frugum, tantum opum, tantum rerum aliarum super alias aceruatarum. Circumeas licet cuncta: & quia nihil totum inuenies, quod esse te malles, ex omnibus singula excerpas, quæ tibi dari velles. Ita benè æstimata naturæ indulgentia, confitearis necesse est, in deliciis te illi fuisse. Ita est: carissimos nos habuerunt dii immortales, habentque. & qui maximus tribui honos potuit, ab ipsis proximos collocauerunt. Magna accepimus. Maiora non cepimus.

C A P. XXX. Hæc, mi Liberalis, necessaria credidi, vt dicerem, & quia loquendum aliquid de magnis beneficiis erat, cum de minutis loqueremur, & quia inde manat etiam in cetera, huius detestabilis vitii audacia. Cui enim respondebit gratè, quod munus existimabit magnum; aut reddendum, qui summa beneficia spernit? Cui salutem, cui spiritum debet, qui vitam accepisse se à diis negat, quam quotidie ab illis petit? Quicumque ergo gratos esse docet, & hominum causam agit, & deorum: quibus nullius rei indigentibus, positis extra desiderium, referre nihilominus gratiam possumus. Non est, quòd quisquam excu-

sationem mentis ingratae ab infirmitate atque inopia petat, & dicat: Quid enim faciam, & quomodo? quando superioribus, dominisque rerum omnium gratiam referam? Referre facile est, si avarus es, sine impendio: si iners, sine opera. eodem quidem momento, quo obligatus es, si vis, cum quolibet paria fecisti: quoniam qui libenter beneficium accepit, reddidit.

CAP. XXXI. Hoc ex paradoxis Stoicæ sectæ minimè mirabile, ut mea fert opinio, aut incredibile est, eum qui libenter accepit beneficium, reddidisse. Nam cum omnia ad animum referamus, fecit quisque quantum voluit. & cum pietas, fides, iustitia, omnis denique virtus intra se perfecta sit; etiamsi illi manum exerere non licuit, gratus quoque potest esse homo voluntate. Quoties quod proposuit quisque consequitur, capit operis sui fructum. Qui beneficium dat, quid proponit? prodesse ei cui dat, & voluptati sibi esse. Si quod voluit, effecit, pervenitque ad me animus eius, ac mutuo gaudio affecit, tulit quod petit. Non enim sibi invicem aliquid reddi voluit: aut non fuit beneficium, sed negotiatio. Benè navigavit, qui quem destinavit portum, tenuit: teli iactus certæ manus peregit officium, si petita percussit: beneficium qui dat, vult excipi gratè. habet quod voluit, si benè acceptum est. Sed speravit emolumentum aliquod. non fuit hoc beneficium,

cium, cuius proprium est, nihil de redditu cogitare. Quod accipiebam, si eo animo accepi quo dabatur, reddidi. Alioquin pessima optimæ rei conditio est: ut gratus sim, ad fortunam mittor. Si illa inuita respondere non possum, sufficit animus animo. Quid ergo? non quidquid potero, & faciam, & reddam? temporum rerumque occasionem sequar, & eius implere finem cupiam, à quo aliquid accepi? sed malo loco beneficium est, nisi & excussis manibus esse grato licet.

C A P. XXXII. Qui acceperit, inquit, beneficium, licet animo benignissimo acceperit, non consummauit officium suum. restat enim pars reddendi. Sicut in lusu est aliquid, pilam scitè ac diligenter excipere; sed non dicitur bonus lusor, nisi qui aptè & expeditè remisit, quam exceperat. Exemplum hoc dissimile est: quare? quia huius rei laus in corporis motu est, & in agilitate, non in animo. explicari itaque totum debet, de quo oculis iudicatur. Nec tamen ideò non bonum lusorem dicam, qui pilam, ut oportebat, excepit, si per ipsum mora, quò minus, remitteret, non fuit. Sed quamuis, inquit, arti ludentis nihil desit, quia partem quidem fecit, sed & partem quam non fecit, potest facere: ludus tamen ipse imperfectus est: qui consummatur vicibus mittendi ac remittendi. Nolo diutiùs hoc refellere. existimemus ita esse: desit aliquid lusui, non lu-

fori. sic & in hoc de quo disputamus, deest aliquid rei datæ, cui par alia debetur, non animo. Qui animum parem sibi natûs est, quantum in illo est, quod voluit, effecit.

CAP. XXXIII. Beneficium mihi dedit. accepi non aliter, quàm ipse accipi voluit. Iam habet, quod petit: & quod vnum petit, ego gratus sum. Post hæc vsus mei restat, & aliquod ex homine grato commodum. hæc non imperfecti officij reliqua pars est; sed perfecti accessio. Facit Phidias statuam: alius est fructus artis, alius artificij. artis est, fecisse quod voluit: artificij, fecisse cum fructu. Perfecit opus suum Phidias, etiamsi non vendidit. Triplex est illi fructus operis sui. vnus conscientiæ: hunc absoluto opere percepit. alter famæ, tertius vtilitatis: quem allatura est, aut gratia, aut venditio, aut aliqua commoditas. Sic beneficij fructus primus ille est, conscientiæ. Hunc percepit, qui quò voluit, munus suum pertulit. Secundus est famæ. tertius eorum, quæ præstari inuicem possunt. Itaque cum benignè acceptum est beneficium, is qui dedit, gratiam quidem iam recepit, mercedem nondum. Debeo itaque quod extra beneficium est, ipsum quidem benè accipiendo persolui.

CAP. XXXIV. Quid ergo? inquit, retulit gratiam, qui nihil fecit? Plurimum fecit, bono animo bonum retulit; & quod est

est amicitia, ex a quo . Pòst deinde aliter beneficium, aliter creditum soluitur. Non est quod expectes, vt solutionem tibi ostendam . res inter animos geritur. Quod dico, non videbitur durum, quamuis primò contra opinionem pugnet tuam, si te commodaueris mihi, & cogitaueris res esse plures, quàm verba . Ingens copia est rerum sine nomine, quas non propriis appellationibus notamus, sed alienis commodatisque. Pedem & nostrum dicimus; & lecti, & veli, & carminis: canem, & venaticum, & marinum, & sidus . Quia non sufficimus, vt singulis singula assignemus: quotiens opus est, mutuamur . Fortitudo est virtus, pericula iusta contemnens: aut scientia periculorum repellendorum, excipiendorum, prouocandorum. Dicimus tamen & gladiatorem fortem virum, & seruum nequam, quem in contemptum mortis temeritas impulit . Parsimonia est scientia vitandi sumptus superuacuos; aut ars re familiari moderatè vtendi: parcissimum tamen hominem vocamus pusilli animi & contracti; cùm infinitum intersit, inter modum & angustias . Hæc alia sunt natura: sed effecit inopia sermonis, vt & hunc & illum parcum vocemus; vt & ille fortis dicatur cum ratione fortuita despiciens, & hic sine ratione in pericula excurrens . Sic beneficium est & actio, vt diximus, benefica, & ipsum quod datur per illam actionem: vt pecunia, domus,

prætexta. Vnum utrique nomen est: vis quidem ac potestas longè alia.

C A P. XXXV. Itaque attende. iam intelliges, nihil me, quod opinio tua refugiat, dicere. Illi beneficio quod actio perficit, relata gratia est, si illud beneuolè excipimus: illud alterum quod se continetur, nondum reddidimus, & volumus reddere. Voluntati voluntate satisfacimus, rei rem debemus. Itaque quamuis retulisse illum gratiam dicamus, qui beneficium libenter accepit, iubemus tamen aliquid simile ei quod accepit, reddere. A consuetudine quædam quæ dicimus, abhorrent: deinde alia via ad consuetudinem redeunt. Negamus iniuriam accipere sapientem: & tamen qui illum pugno percussit, iniuriarum damnabitur. Negamus rem stulti esse: & tamen eum qui rem aliquam stulto surripuerit, furti condemnabimus. Insanire omnes stultos dicimus: nec tamen omnes curamus elleboro. his ipsis quos vocamus insanos, & suffragium & iurisdictionem committimus. Sic dicimus eum qui beneficium bono animo accepit, gratiam retulisse: nihilominus illum in are alieno relinquimus, gratiam relaturum, etiam cum reddiderit. Exhortatio est illa, non infirmitas beneficij. Ne timeamus, nève intolerabili sarcina depressi deficiamus animo. Bona mihi donata sunt, & fama defensa, detractæ sordes, spiritus, & libertas potior spiritu;

ritu; & quomodo referre gratiam potero? quando ille veniet dies, quo illi animum meum ostendam? hic ipse est, quo ille suum ostendit. Excipe beneficium, amplectare, gaude: non quòd accipias, sed quòd reddas, debiturus sis. Non adibis tam magnę rei periculum, ut casus ingratum facere te possit. Nullas tibi proponam difficultates, ne despondeas animo, ne laborum ac longę seruitutis expectatione deficias. non differo te: de præsentibus fiat. Nunquam eris gratus, nisi statim es. Quid ergo facies? non arma sumenda sunt: & fortasse erunt. non maria emetienda: fortasse etiam ventis minantibus solues. vis reddere beneficium? benignè accipe, reulisti gratiam: non ut soluisse te putes, sed ut securior debeas.

LIBER TERTIVS.

CAPVT I.

NON referre beneficiis gratiam, & est turpe, & apud omnes habetur, *Æbuci Liberalis*. Idè de ingratis etiam ingrati queruntur: cum interim hoc omnibus hæreat, quod omnibus displicet: adeoque in contrarium itur, ut quosdam habeamus infestissimos non post beneficia tantum, sed propter beneficia. Hoc prauitate naturę accidere quibusdam, non negau-

rim: pluribus, quia memoriam tempus interpositum subduxit. Nam quæ recentia apud illos vixerunt, ea interiecto spatio obsolescunt. De quibus fuisse mihi tecum disputationem scio, cum tu illos non ingratos vocares, sed oblitos; tanquam ea res ingratum excuset, quæ facit. An quia hoc accidit alicui, non sit ingratus: cum hoc non accadat, nisi ingrato? Multa sunt genera ingratorum, ut furum, homicidarum: quorum una culpa est, ceterum in partibus varietas magna. Ingratus est, qui beneficiū accepisse se negat, quod accepit: ingratus est, qui dissimulat: ingratus, qui non reddit: ingratisimus omnium, qui oblitus est. Illi enim si non solvunt, tamen debent: & exstat apud illos vestigium certè meritum, intra malam conscientiam conclusorum: & aliquando ad referendam gratiam conuerti ex aliqua causa possunt, si illos pudor admonuerit, si subita honestæ rei cupiditas; qualis solet ad tempus etiam in malis pectoribus exsurgere: si inuitauerit facilis occasio: hic nunquam fieri gratus potest, cui totum beneficium elapsum est. Et vtrum tu peiorem vocas, apud quem gratia beneficii intercidit, an apud quem etiam memoria? Vitiosi oculi sunt, qui lucem reformidant: cæci, qui non vident. & parentes suos non amare, impietas est: non agnoscere, insania. Quis tam ingratus est, quàm qui quod in prima parte animi positum esse debuit, & semper occurrere,

ita

ita seposuit & abiecit, ut in ignorantiam verteretur? apparet illum non sæpè de reddendo cogitasse, cui obrepfit obliuio.

C A P. II. Denique ad reddendam gratiam, & virtute opus est, & tempore, & facultate, & adspirante fortuna. Qui meminit, sine impendio gratus est. Hoc quod non operam exigit, non opes, non felicitatem, qui non præstat; nullum habet, quo lateat, patrocinium. Nunquam enim voluit gratus esse, qui beneficium tam longè proiecit, ut extra conspectum suum poneret. Quemadmodum quæ in usu sunt, & manum quotidie tactumque patiuntur, nunquam periculum situs ad-eunt: illa quæ ad oculos non reuocantur, sed extra conuersationem, ut superuacua iacuerunt, sordes ipsa colligunt vetustate: ita quidquid frequens cogitatio exercet ac renouat, memoriæ nunquam subducitur, quæ nihil perdit, nisi ad quod non sæpè respexit.

C A P. III. Præter hanc causam, aliæ quoque sunt, quæ nobis merita nonnunquam maxima velât. Prima omnium ac potissima, quod nouis semper cupiditatibus occupati, non quid habeamus, sed quid petamus, inspicimus: non in id quod est, sed quod appetitur, intenti. Quidquid enim domi est, vile est. Sequitur autem, ut ubi quod acceperis, leue nouorum cupiditas fecit, auctor quoque eorum non sit in pretio. Amauimus aliquem & susce-

ximus, & fundatum ab illo statū nostrum professi sumus, quā diu nobis placebant ea, quæ consecuti sumus: deinde irrumpit animum aliorum admiratio, & ad ea impetus factus est, uti mortalibus mos est, ex magnis maiora cupiendi: protinus excidit, quidquid antè apud nos beneficium vocabatur. nec ea intuemur, quæ nos aliis præposuere, sed ea sola quæ fortuna præcedentium ostentat. Non potest autem quisquam & inuidere, & gratias agere: quia inuidere, querentis & mœsti est: gratias agere, gaudentis. Deinde, quia nemo nostrum nouit, nisi id tempus, quod cūm maximè transit: ad præterita rari animum retorquent. Sic fit, ut præceptores, eorumque beneficia intercidant: quia totam pueritiam reliquimus. sic fit, ut in adolescentiam nostram collata pereant: quia ipsa nunquam retractatur. Nemo quod fuit, tamquam in præterito, sed tamquam in perduto ponit: ideoque caduca memoria est, futuro imminentiū.

CAP. IV. Hoc loco reddendum est Epicuro testimonium, qui assiduè queritur, quòd aduersus præterita simus ingrati, quòd quæcunque percepimus bona, non in memoriam reducamus, nec inter voluptates numeremus: cūm certior nulla sit voluptas, quā quæ iam eripi non potest. Præsentia bona nondum tota in solido sunt, potest illa casus aliquis incidere: futura pendent, & incerta sunt: quod.

præ-

præterijt, intertuta sepositum est. Quo-
modo ergo gratus quisquam esse aduer-
sus beneficia potest, qui omnem vitam
suam transilit? Præsentium intuitus, ac
præteritorum memoria gratum facit; me-
moriam minimum tribuit, quisquis spei
plurimum.

CAP. V. Quemadmodum, ni Libe-
ralis, quædam res semel perceptæ herent;
quædam vt scias, non est satis didicisse
(intercidit enim eorum scientia, nisi con-
tinuetur) Geometriam dico, & sublimium
cursum, & si qua alia propter subtilitatem
lubrica sunt: ita beneficia quædam ma-
gnitudo non patitur exidere, quædam
minora, sed numero plura, & temporibus
diuersa, effluunt. Quia (vt dixi) non
subinde illa tractamus, nec libenter quid
cuique debeamus, recognoscimus. Audi
voces petentium, nemo non victuram
semper in animo suo memoriam dixit:
nemo non deditum se & deuotum profes-
sus est, & si quod aliud humiliter verbum,
quo se oppigneraret, inuenit. Post exi-
guum tempus, iidem illi verba priora,
quasi sordida & parum libera, cuitant: per-
ueniunt deinde eò, quò, vt ego existimo,
pessimus quisque atque ingratus per-
uenit, vt obliuiscantur. Ad eò enim ingra-
tus est, qui oblitus est, vti gratus sit, cui
beneficium in mentem venit.

CAP. VI. Hoc tam inuisum vitium,
an impunitum esse debeat, quæritur: & an
hæc

hæc lex, quæ in scholis exercetur, etiam in ciuitate ponenda sit, qua ingrati datur actio. Quæ videtur æqua omnibus. quid ni? cùm vrbes quoque vrribus, quæ præstitere exprobrent, & maioribus collata, à posteris exigant. Nostri maiores, maximi illi viri, ab hostibus tantùm res reperierunt: beneficia magno animo dabant, magno perdebant. Excepta Macedonum gente, non est in vlla data aduersus ingratum actio. Magnumque hoc argumentum, dandam non fuisse: quia aduersus maleficiũ omne consensimus. & homicidij, veneficij, parricidij, violatarum religionum, aliubi atque aliubi diuersa pœna est: sed vbique aliqua. Hoc frequentissimum crimen nusquam punitur, vbique improbatur. Neque absoluimus illud sed cùm difficilis esset incertæ rei æstimatio, tantùm odio damnauimus, & inter ea reliquimus, quæ ad vindices deos mittimus.

C A P. V I I. Rationes autem multæ mihi occurrunt, propter quas crimen hoc in legem cadere non debeat. Primum omnium, pars optima beneficij perijt, si actio, sicut certæ pecuniæ, aut ex conducto & locato datur. Hoc enim speciosissimum est, quod dedimus vel perdituri: quod totum permisimus accipientium arbitrio. Si appello, si ad iudicem voco, incipit non beneficium esse, sed creditum. Deinde, cùm res honestissima sit, referre gratiam, desinit esse honesta, si necessaria est.

est. non enim magis laudabit quisquam gratum hominem, quàm eum qui depositum reddidit, aut quod debebat, citra iudicium soluit. Ita duas res, quibus in vita humana nihil pulchrius est, corrumpimus, gratum animum, & beneficium. Quid enim aut in hoc magnificum est, si beneficium non dat, sed commodat? aut in illo qui reddit, non quia vult, sed quia necesse est? Non est gloriosa res, gratum esse: nisi tutum est, ingratum fuisse. Adijce nunc, quòd huic vni legi omnia fora vix sufficient. Quis erit, qui non agat? quis, cum quo non agatur? omnes sua extollunt, omnes etiam minima, quæ in alios contulere, dilatant. Præterea quæcunque in cognitionem cadunt, comprehendere possunt, & non dare infinitam licentiam iudici. Ideò melior videtur conditio causæ bonæ, si ad iudicem, quàm si ad arbitrum mittitur: quia illum formula includit, & certos, quos non excedat, terminos ponit; huius libera, & nullis astricta vinculis religio, & detrahare aliquid potest, & adijcere, & sententiam suam non prout lex aut iustitia suadet, sed prout humanitas & misericordia impulit, regere. Ingrati actio non erat iudicem alligatura, sed regno liberrimo positura. Quid sit enim beneficium, non constat: deinde quantumcunque sit, refert quàm benignè illud interpretetur iudex. Quid sit ingratus, nulla lex monstrat. Sæpè & qui reddi-

dit

dit quod accepit, ingratus est: & qui non reddidit, gratus. De quibusdam etiam imperitus iudex dimittere tabellam potest: ubi fecisse, aut non fecisse pronuncian- dum est, ubi prolatis cautionibus, contro- uersia tollitur. Vbi verò inter disputan- tes ratio ius dicit, ibi animi coniectura ca- pienda est: ubi id, de quo sola sapientia decernit, in controuersiam incidit, non potest ad hęc sumi iudex ex turba selecto- rum, quem census in album, & equestris hereditas misit.

C A P. VIII. Itaque non hæc parum idonea res visa est, quæ deduceretur ad iudicem, sed nemo huic rei satis idoneus iudex inuentus est: quod non admirabe- ris, si excusseris, quid habiturus fuerit dif- ficultatis, quisquis in eiusmodi reum exis- set. Donauit aliquis magnam pecuniam: sed diues, sed non sensurus impendium. Donauit alius: sed toto patrimonio cessu- rus. Summa eadem est: beneficium idem non est. Etiam nunc adijce. Hic pecu- niam pro addicto dependit: sed cum il- lam domo protulisset, ille dedit eandem: sed mutuã sumpsit, aut rogauit, & se obli- gari ingenti merito passus est. Eodem exi- stimas loco esse illum, qui beneficium ex facili largitus est: & hunc, qui accepit, ut daret? Tempore quædam magna fiunt, nō summa. Beneficium est donata possessio, cuius fertilitas laxare possit annonam: be- neficium est, vnus in fame panis. Benefi-
cium

cium est, donare regiones, per quas multa flumina & nauigabilia decurrant: beneficium est, arentibus siti, & vix spiritum per siccas fauces ducentibus, monstrare fontem. Quis inter se ista comparabit? quis expendet? difficilis est sententia, quæ non rem, sed vim rei quærit. eadem licet sint, aliter data non idem pendent. Dedit mihi hic beneficium: sed non libenter, sed dedisse se questus est, sed superbius me quàm solebat, aspexit: sed tam tardè dedit, ut plus præstiturus fuerit, si citò negasset. Horum quomodo iudex inibit estimationem, cum sermo, & dubitatio, & vultus meriti gratiam destruant?

CAP. IX. Quid quòd quædam beneficia vocantur, quia nimis concupiscuntur: quædam non sunt ex hac vulgari notâ, sed maiora, etiam si minus apparent? Beneficium vocas, dedisse potentis populi ciuitatem, in quatuordecim gradus deduxisse, & defendisse capitis reum: quid utilia suasse? quid retinuisse, ne in scelus rueret? quid gladium excussisse morituro? quid efficacibus remedijs refocillasse lugentem, & quos desiderabat volentem sequi, ad vitæ consilium reduxisse? quid affecisse ægro, & cum valetudo eius ac salus momentis constaret, excepisse idonea cibo tempora, & cadentes venas vino refecisse, & medicum adduxisse morienti? Hæc quis æstimabit? quis similibus beneficijs iubebit beneficia pensari? Donauit
tibi

tibi domum : sed ego tuam supra te ruere prædixi. Dedit tibi patrimonium : sed ego naufrago tabulam . Pugnavit pro te , & vulnera excepit : at ego vitam tibi silentio dedi . Cùm aliter beneficium detur , aliter reddatur , paria facere difficile est.

CAP. X. Dies præterea beneficio reddendo non dicitur , sicut pecuniæ creditæ . Itaque potest , qui nondum reddidit , reddere . Dic enim , intra quod tempus deprehendetur ingratus ? maxima beneficia probationem non habent : sæpè intra tacitam duorum conscientiam latent. An hoc inducimus , ut ne demus beneficia sine teste ? Quàm deinde poenam ingratis constituamus ? unam omnibus , cùm disparia beneficia sint ? an inæqualem , & pro cuiusque beneficio maiorem , aut minorem ? Age , intra pecuniam versabitur taxatio : quid quòd quædam beneficia vitæ sunt , & maiora vita ? His quæ pronuntiabitur poena ? minor beneficio ? iniqua est . par & capitalis ? quid inhumanius , quàm eruentos esse beneficiorum exitus ?

CAP. XI. Quædam , inquit , privilegia parentibus data sunt . quomodo horum extra ordinem habita ratio est , sic aliorum quoque beneficiorum haberi debet . Parentum conditionem sacrauimus , quia expediebat liberos tolli : sollicitandi ad hunc laborem erant , incertam adituri fortunam . Non poterat illis dici , quod beneficia dantibus dicitur : Cui des , elige ipse

ipse tecum. Si deceptus es, quære dignum, adiua. In liberis tollendis, nihil iudicio tollentium licet: tota res voti est. Itaque ut æquius animo adirent aleam, danda illis aliqua potestas fuit. Deinde alia conditio est parentum, qui beneficia, quibus dederunt, dant nihilominus daturique sunt: nec est periculum, ne dedisse se illis mentiantur. In ceteris quæri debet, non tantum an receperint, sed an dederint. Horum in confesso merita sunt: & quia utile est iuventuti, regi; imposuimus illi quasi domesticos magistratus, sub quorum custodia contineretur. Deinde omnium parentum vnum erat beneficium: itaque æstimari semel potuit. alia diuersa sunt, dissimilia, infinitis inter se interual-
lis distantia: itaque sub nullam regulam cadere potuerunt. cum æquius esset omnia relinqui, quam omnia æquari.

CAP. XII. Quædam magno danti-
bus constant: quædam accipientibus ma-
gna sunt, sed gratuita tribuentibus: quæ-
dam amicis data sunt, quædam ignotis.
Plus est, quamuis idem detur, si ei detur,
quem nosse à tuo beneficio incipis. Hic
auxilia tribuit, ille ornamenta, ille solatia.
Inuenies, qui nihil putet esse iucundius,
nihil maius, quam habere in quo calami-
tas acquiescat: inuenies rursus, qui digni-
tati suæ, quam securitati, consuli malit:
est qui plus ei debere se iudicet, per quem
tutior est, quam ei per quem honestior.

Proin-

Proinde ista maiora aut minora erunt, prout fuerit iudex, aut ad hæc, aut ad illa, inclinatus animo. Præterea creditorem mihi ipse eligo: beneficium sæpè ab eo accipio, à quo nolo, & aliquando ignorans obligor. Quid facies? ingratum vocabis eum, cui beneficium inscio, & si sciuiisset, non accepturo, impositum est: non vocabis eum, qui utcumque acceptum non reddidit?

C A P. XIII. Aliquis dedit mihi beneficium, sed idem postea fecit iniuriam. Vtrum vno munere ad patientiam omnium iniuriarum astringor: an perinde erit, ac si gratiam retulerim, quia beneficium suum ipse insequenti iniuria rescidit? Quomodo deinde æstimabis? vtrum plus sit quod accepit, an in quo læsus est? Dies me deficiet, omnes difficultates persequi tentantem. Tardiores, inquit, ad beneficia danda facimus, non vindicando data, nec infiratores eorum afficiendo pœna. Sed illud quoque tibi è contrario occurrat. multo tardiores futuros ad accipienda beneficia, si periculum causæ dicendæ adituri erunt, & innocentiam sollicitiore habituri loco. Deinde, erimus per hoc ipsi quoque ad danda tardiores. nemo enim libenter dat inuitis: sed quicumque ad benefaciendum bonitate inuitatus est, & ipsa pulchritudine rei, etiam libentius dabit, nihil debituris nisi quod volent. Minuitur enim gloria ejus officij, cui

cui diligenter cautum est.

CAP. XIV. Deinde, pauciora erunt beneficia? sed veriora. quid autem mali est, inhiberi beneficiorum temeritatem? Hoc enim ipsum secuti sunt, qui nullam legem huic constituerunt: ut circumspicius donaremus, circumspicius eligeremus eos, in quos merita conferrentur. Etiam atque etiam cui des, considera: nulla actio erit, nulla repitio. Erras, si existimas succursurum tibi iudicem. Nulla lex te in integrum restituet: solam accipientis fidem specta. Hoc modo beneficia auctoritatem suam tenet, & magnifica sunt: pollues illa, si materiam litium feceris. Aequissima vox est, & ius gentium præ se ferens, Redde quod debes. Hæc turpissima est in beneficio, Redde. Quid reddet? Vitam, inquam, debet, dignitatem, securitatem, sanitatem. reddi maxima quæque non possunt. Aut pro his, inquit, aliquid quod tanti sit. Hoc est quod dicebam, interituram tantæ rei dignitatem, si beneficium mercem facimus. Non est incitandus animus ad avaritiam, ad querelas, ad discordiam: sua sponte in ista fertur. Quantum possumus, resistamus, & quærenti occasiones, amputemus.

CAP. XV. Utinam quidem persuadere possemus, ut pecunias creditas tantum à volentibus acciperent! utinam nulla stipulatio emptorem venditori obligaret! nec pacta conuentaque impressis signis
custo-

custodirentur ! fides potius illa seruaret ,
 & æquum colens animus ! Sed necessaria
 optimis prætulerunt , & cogere fidem ,
 quàm spectare malunt . Adhibentur ab
 utraque parte testes . ille per tabulas plu-
 rium nomina , interpositis pararijs , facit :
 ille non est interrogatione contentus , ni-
 si rem manu sua tenuit . O turpem huma-
 no generi fraudis ac nequitiae publicæ
 confessionem ! annulis nostris plus , quàm
 animis creditur . In quid isti viri ornat
 adhibiti sunt ? in quid imprimunt signa ?
 nempe ne ille neget accepisse se , quòd ac-
 cepit . Hos incorruptos viros , & vindices
 veritatis existimas ? at his ipsis statim non
 aliter pecuniæ committentur . Ita non ho-
 nestius erat à quibusdā fidem falli , quàm
 ab omnibus perfidiam timeri ? Hoc vnum
 deest auaritiæ , vt beneficia sine sponfore
 non demus . Generosi animi & magnifici
 est , iuuare & prodesse . qui dat beneficia
 deos imitatur : qui repetit , feneratores .
 Quid illos , dum vindicamus , in turbam
 sordidissimam redigimus ?

CAP. XVI. Plures , inquit , ingrati
 erunt , si nulla aduersus ingratum datur
 actio . Imò potius , pauciores : quia maiore
 delectu dabuntur beneficia . Deinde , non
 expedit notum omnibus fieri , quàm mul-
 ti ingrati sint . pudorem enim rei tollet
 multitudo peccantium : & desinet esse
 probri loco , commune maledictum . Nū-
 quid iam vlla repudio erubescit , post-
 quam

quam illustres quædam ac nobiles fœminæ, non consulum numero, sed maritorum annos suos computant? & exeunt matrimonij causâ, nubunt repudij? Tam diu istud timebatur, quàm diu rarum erat. quia verò nulla sine diuortio acta sunt, quòd sæpè audiebant, facere didicerunt. Numquid iam vllus adulterij pudor est, postquam eò ventum est, vt nulla virum habeat, nisi vt adulterum irriter? argumentum est deformitatis, pudicitia. Quam inuenies tam miseram, tam sordidam, vt illi satis sit vnum adulterorum par? nisi singulis diuisit horas, & non sufficit dies omnibus? nisi ad alium gestata est, apud aliùm mansit? Infrunita & antiqua est, quæ nesciat, matrimonium vocari, vnius adulterium. Quemadmodum horum delictorum iam euauit pudor, postquam res latiùs euagata est: ita ingratos plures efficies, & audaciores, si numerare se cœperint.

CAP. XVII. Quid ergo? impunitus erit ingratus? Quid ergo? impunitus erit impius? quid malignus? quid avarus? quid impotens? quid crudelis? Impunita tu credis esse, quæ inuisa sunt? aut vllum supplicium grauius existimas publico odio? Pœna est, quòd non audet ab vllò beneficium accipere, quòd non audet vlli dare, quòd omnium designatur oculis, aut designari se iudicat: quòd intellectum optimæ rei ac dulcissimæ amisit. An tu
infe-

infelicem vocas, qui caret acie oculorum ; cuius aures morbus obstruxit : non vocas miserum eum , qui sensum beneficiorum amisit ? Testes ingratorum omnium deos metuit , vitit illum & angit intercepti beneficij conscientia : denique satis hæc ipsa pœna magna est, quòd rei (vt dicebam) iucundissimæ fructum non percipit . At quem iuvat accepisse, æquali perpetuaque voluptate fruitur : & animum eius à quo accepit, non rem intuens, gaudet. Gratum hominem semper beneficium delectat, ingratum semel . Comparari autem potest viriusque vita . cùm alter tristis sit & sollicitus , qualis esse inficiator , ac fraudulentus solet ; apud quem non parentum qui debet, honor est, non educatoris, non præceptorum : alter lætus, hilaris, occasionem referendæ gratiæ expectans , & ex hoc ipso affectu gaudium grande percipiens ; nec quærens quomodo decoquat , sed quemadmodum plenius vberiusque respondeat ; non solum parètibz & amicis, sed humilioribus quoque personis . Nam etiam si à seruo suo beneficium accepit , æstimat non à quo, sed quid accepit.

CAP. XVIII. Quamquam quæritur à quibusdam, sicut ab Hecatone , an beneficium dare seruus domino possit ? Sunt enim qui ita distinguant , Quædam beneficia esse , quædam officia , quædam ministeria . Beneficium esse, quod alienus det:

det : alienus est , qui potuit sine reprehensione cessare. Officium esse filij, vxoris , & earum personarum , quas necessitudo suscitatur , & ferre opem iubet . Ministerium esse serui , quem conditio sua eo loco posuit, vt nihil eorum quæ præstat , imputet superiori. * Propterea seruos qui negat dare aliquando beneficium , ignarus est iuris humani . refert enim cuius animi sit , qui præstat , non cuius status . Nulli præclusa virtus est, omnibus patet, omnes admittit, omnes inuitat, ingenuos , libertinos, seruos, reges , & exules. non elegit domum, nec censum ; nudo homine contenta est . Quid enim erat tuti aduersus repentina, quid animus magnum promitteret sibi , si certam virtutem fortuna mutaret? Si non dat beneficium seruus domino ; nec regi quisquam suo , nec duci suo miles . Quid enim interest, quali quis teneatur imperio, si summo tenetur? Nam si seruo, quo minùs in nomen meriti perueniat , necessitas obest , & patiendi vltima timor : idem istud obstabit , & ei qui regem habet , & ei qui ducem : quoniam, quamquam sub dispari titulo , paria in illos licent . Atqui dant regibus suis , dant imperatoribus beneficia : ergo & dominis . Potest seruus iustus esse , potest fortis , potest magnanimus : ergo & beneficium dare potest . Nam & hoc virtutis est. adeoque dominis serui beneficia possunt dare , vt ipsos sæpè beneficia sua fe-

cerint. Non est dubium, an seruus beneficium dare possit cuilibet: quare ergo non & domino suo possit?

C A P. X I X. Quia non potest, inquit, creditor domini sui fieri, si pecuniam illi dederit. Alioqui quotidie dominum suum obligat: peregrinantem sequitur, agro ministrat, & labore summo colit. Omnia tamen ista, quæ alio præstante beneficia dicerentur, præstante seruo ministeria sunt. Beneficium enim id est, quod quis dedit, cum illi liceret & non dare: seruus autem non habet negandi potestatem: ita non præstat, sed paret, nec id se fecisse iactat, quod non facere non potuit. Etiam sub ista lege vincam, & eò perducam seruum, ut in multa liber sit. Interim dic mihi, si tibi ostendero aliquem seruum pro salute domini sui, sine respectu suæ dimicantem & confossum vulneribus, reliquias tamen sanguinis ab ipsis vitalibus fundentem, & ut ille effugiendi tempus habeat, moram sua morte quærentem: hunc tu negabis beneficium dedisse, quia seruus est? Si tibi ostendero aliquem, ut secreta domini prodatur, nulla tyranni pollicitatione corruptum, nullis territum minis, nullis cruciatibus victum, auertisse quantum potuerit, suspiciones quærentis, & impendisse spiritum fidei: hunc tu negabis beneficium domino dedisse, quia seruus est? Vide ne eò magis sit,
quò

quò rarius est exemplum virtutis in seruis : eoque gratius , quòd cùm ferè inuisa imperia sint , & omnis necessitas grauis , commune seruitutis odium , in aliquo domini caritas vicit . Ita non ideò beneficium non est , quia à seruo profectum est : sed ideò maius , quia deterre ab illo nec seruitus quidem potuit .

C A P. XX. Errat , si quis existimat seruitutem in totum hominem descendere : pars melior eius excepta est . Corpora obnoxia sunt , & adscripta dominis : mens quidem sui iuris . quæ adeò libera & vaga est , vt ne ab hoc quidem carcere , cui inclusa est , teneri queat , quo minùs impetu suo vtatur , & ingentia agat , & in infinitum comes cælestibus exeat . Corpus itaque est , quod domino fortuna tradidit . Hoc emit , hoc vendit : interior illa pars mancipio dari non potest . Ab hac quidquid venit , liberum est . non enim aut nos omnia iubere possumus , aut in omnia serui parere coguntur : contra rem publicam imperata non facient , nulli sceleris manus commodabunt .

C A P. XXI. Quædam sunt quæ leges nec iubent , nec vetant facere : in his seruus materiam beneficij habet . Quandiu præstatur , quod à seruis exigì solet , ministerium est : vbi plus quàm quod seruo necesse est , beneficium . Vbi in affectum amici transit , definit vocari ministerium . Est aliquid , quod dominus præ-

stare seruo debeat, vt cibaria, vestiarius : nemo hoc dixit beneficium . At indulgit, liberalitè educauit, artes quibus erudiuntur ingenui, tradidit : beneficium est . Idem, e contrario, fit in persona serui . Quidquid est quod seruilis officij formulam excedit, quod non ex imperio, sed ex voluntate præstatur, beneficium est : si modò tantum est, vt hoc vocari potuerit, quolibet alio præstante .

C A P. X X I I. Seruus (vt placet Chrysippo) perpetuus mercenarius est . Quemadmodum ille beneficium dat, vbi plus præstat quàm quod operis locauit : sic seruus vbi beneuolentia erga dominum fortunæ suæ modum transiit, & altius aliquid ausus, quod etiam felicius nato decori esset, & spem domini antecessit, beneficium est intra domum inuentum . An æquum tibi videtur, quibus, si minus debito faciant, irascimur: non haberi gratiam, si plus debito solitoque fecerint? Vis scire, quando non sit beneficium? vbi dici potest . Quid si nollit? Vbi verò id præstat, quod nolle licuit, voluisse laudandum est . Inter se contraria sunt, beneficium & iniuria . Potest dare beneficium domino, si à domino iniuriam potest accipere : atqui de iniuriis dominorum in seruos, qui audiat, positus est, qui & sæuitiam & libidinem, & in præbendis ad vitium necessariis auaritiâ compescat . Quid ergo? Beneficium dominus à seruo accipit?

accipit? imò homo ab homine. Denique quod in illius potestate fuit, fecit: beneficium domino dedit: ne à seruo acciperis, in tuà potestate est. Quis autem tantus est, quem non fortuna indigere etiam infimis cogat? Multa iam beneficiorum exempla referam, & dissimilia, & quædam inter se contraria. Dedit aliquis domino suo vitam, dedit mortem, seruauit periturum: & hoc si parum est, pereundo seruauit. alius mortem domini adiuuit, alius decepit.

CAP. XXIII. Claudius Quadrigarius in duodeuicesimo annalium tradidit, cum obsideretur Adrumentum, & iam ad summam desperationem ventum esset, duos seruos ad hostem transfugisse, & operæ pretium fecisse. Deinde vrbe capta, passim discurrente victore, illos per nota itinera ad domum in qua seruierant, præcucurrisse, & dominam suam ante se egisse: & quærentibus quænam esset, dominam, & quidem crudelissimam ad supplicium ab ipsis duci, professos esse. Eductam deinde extra muros, summa cura celasse, donec hostilis ira consideret. deinde, vt satius miles ad Romanos mores citò rediit: illos quoque ad suos redisse, & dominam sibi ipsos dedisse. Manumisit vtrumque euestigio illa: nec indignata est ab his se vitam accepisse, in quos vitæ necisque potestatem habuisset. Potuit sibi hoc vel magis grat

ulari. Aliter enim seruata, munus notæ & vulgaris clementiæ habuisset: sic seruata, nobilis fabula, & exemplum duarum urbium fuit. In tanta confusione captæ ciuitatis, cum sibi quisque consuleret, omnes ab illa præter transfugas fugerunt. At hi, ut ostenderent quo animo facta esset prior illa transitio, à victoribus ad captiuam transfugerunt, personam parricidarum ferentes. quod in illo beneficio maximum fuit, tanti iudicauerunt, ne domina occideretur, videri dominam occidisse. Non est, mihi crede, non est, dico, seruilis animi, egregium factum fama sceleris emisse. C. Vettius, prætor Marforum, ducebatur ad Romanum imperatorem. Seruus eius gladium militi ipsi, à quo trahabatur, eduxit, & primum dominum occidit: deinde, Tempus est, inquit, me & mihi consulere: iam dominum manumisi. atque ita se vno ictu transiecit. Da mihi quemquam, qui magnificentius dominum seruauit.

CAP. XXIV. Corfinium Cæsar obsidebat: tenebatur inclusus Domitius. Imperauit medico, eidemque seruo suo, ut sibi venenum daret. Cum tergiuersantem videret: Quid cunctaris, inquit, tamquam tua in potestate totum istud sit? mortem rogo armatus. Tum ille promisit, & medicamentum innoxium bibendum illi dedit: quo cum sopitus esset, accessit ad filium eius: Iube me, inquit, adseruari, dum

dum ex euentu intelligis, an venenum patri tuo dederim. Vixit Domitius, & seruatus à Cæsare est: prior tamen illum seruus seruauerat.

CAP. XXV. Bello ciuili, proscriptum dominum seruus abscondit: & cum anulos eius sibi aptasset, ac vestem induisset, speculatoribus occurrit: nihil se deprecari, quo minùs imperata peragerent, dixit: & deinde ceruicem porrexit. Quanti viri est, pro domino eo tempore mori velle, quo erat rara fides dominum mori nolle? in publica crudelitate mitem inueniri, in publica perfidia fidelem? cum præmia prodicionis ingentia ostendantur, præmium fidei, mortem concupiscere?

CAP. XXVI. Nostri sæculi exempla non præteribo. Sub Tiberio Cæsare fuit accusandi frequens & pænè publica rabies, quæ omni ciuili bello grauius rogatam ciuitatem confecit. Excipiebatur ebriorum sermo, simplicitas iocantium. nihil erat tutum: omnis sæuendi placebat occasio. Nec iam reorum expectabatur euentus, cum esset vnus. Cænabat Paulus prætorius in conuiuio quodam, imaginem Tiberij Cæsaris habens, ectypam, & eminente gemma. Rem ineptissimam fecero, si nunc verba quæsero, quemadmodum dicam illum matellam sumpsisse. Quod factum, simul & Maro, ex notis illius temporis vestigatoribus, notauit. At seruus eius cui necebebantur infi-

diæ, ei ebrius anulum extraxit. & cū Māro cōuiuas testaretur, admotam esse imaginem obsœnis, & iam subscriptionem componeret: ostendit in manu sua seruus anulum. Si quis hunc seruum vocat, & illum conuiuiam vocabit.

C A P. XXVII. Sub diuo Augusto nondum hominibus verba sua periculosa erant, iam molesta. Rufus, vir ordinis senatorij, inter cœnam optauerat, ne Cæsar saluus rediret ex ea peregrinatione quam parabat: & adiecerat, Idem omnes & tauros & vitulos optare. Fuerunt qui illa diligenter audirent. Vt primum diluxit, seruus qui cœnanti ad pedes steterat, narrat quæ inter cœnam ebrius dixisset. hortatur, vt Cæsarem occupet, atque ipse se deferat. Vfus consilio, descendenti Cæsari occurrit. & cū malam mentem habuisse se pridie iurasset, id vt in se & filios suos recideret, optauit: & Cæsarem, vt ignosceret sibi, rediretq; in gratiam secum, rogauit. Cū dixisset se Cæsar facere: Nemo, inquit, credet te mecum in gratiam redisse, nisi aliquid mihi donaueris: petitq; non fastidiendam à propitio summam: & impetrauit. Cæsar ait: Mea causa dabo operam, ne vnquam tibi irascar. Honestè Cæsar, quòd ignouit, quòd liberalitatem clementiæ adiecit. Quicunque hoc audierit exemplum, necesse est Cæsarem laudet, sed cū seruum antè laudauerit. Num expectas, vt tibi narrem ma-

numissum, qui hoc fecerat? nec tamen gratis. pecuniam pro libertate eius Cæsar numerauerat.

C A P. XXVIII. Post tot exempla num est dubium, quin beneficium aliquando à seruo dominus accipiat? Quare potius persona rem minuat, quàm personam res ipsa cohonestet? Eadem omnibus principia, eademque origo. nemo altero nobilior, nisi cui rectius ingenium: & artibus bonis aptius. Qui imagines in atrio exponunt, & nomina familiæ suæ longo ordine, ac multis stemmatum illigata flexuris, in parte prima ædium collocant: noti magis, quàm nobiles sunt. Vnus omnium parens mundus est: siue per splendidos, siue per sordidos gradus, ad hunc prima cuiusque origo perducitur. Non est, quòd te isti decipiant; qui cùm maiores suos recensent, vbicunque defecit nomen illustre, illico deum fingunt. Neminem despexeris, etiam si circa illum obsoleta sunt nomina, & parùm indulgente adiuta fortuna. Siue libertini ante vos habentur, siue serui, siue exterarum gentium homines: erigite audacter animos, & quidquid in medio sordidi iacet, transilite. expectat vos in summo magna nobilitas. Quid superbia in tantam vanitatem attollimur, vt beneficia à seruis indignemur accipere, & sortem eorum spectemus, obliti meritorum? Seruum tu quemquam vocas, libidinis & gulæ seruus, &

adultera; imò adulterarum commune mancipium? Seruum vocas quemquam tu? Quò tandem ab istis gerulis raperis, cubile istud tuum circumferentibus? quò te penulati isti in militum & quidem non vulgarem cultum subornati? quò, inquam, te isti efferunt? ad ostium alicuius ostiarij, ad hortos alicuius, ne ordinarium quidem habentis officium. Et deinde negasti tibi beneficium à seruo tuo posse dari, cui osculum alieni serui beneficium est. Quæ est tanta animi discordia? eodem tempore seruos despicias, & colis. Imperiosus intra limen atque impotens, humilis foris: & tam contemptus, quàm contemnens. Neque enim vlli magis abijciunt animos, quàm qui improbè tollunt: nullique ad calcandos alios paratiores, quàm qui contumelias facere, accipiendo didicerunt.

CAP. XXIX. Dicenda hæc fuerunt, ad contundendam insolentiam hominum ex fortuna pendentium, vindicandumque ius beneficij dandi à seruis, vt à filiis quoque vindicaretur. Quæritur enim, an aliquando liberi maiora beneficia dare parentibus suis possint, quàm acceperint? Illud conceditur, multos filios maiores potentioresque exstitisse, quàm parentes suos: æquè & illud, meliores fuisse. Quod si constat, potest fieri, vt meliora tribuerint: cùm & fortuna illis maior esset, & melior voluntas: Quidquid, inquit, est, quod

quod dat patri filius, utique minus est: quia hanc ipsam dandi facultatem patri debet. Ita nunquam beneficio eius vincitur, cuius beneficium est ipsum, quod vincitur. Primum, quædam initium ab aliis trahunt, & tamen initiis suis maiora sunt. nec ideo aliquid non est maius eo à quo cœpit: quia non potuisset in tantum procedere, nisi cœpisset. Nulla non res principia sua magno gradu transit: Semina, omnium rerum causa sunt: & tamen minimæ partes sunt eorum, quæ gignunt. Aspice Rhenum, aspice Euphratem, omnes denique inclytos amnes: quid sunt, si illos illic, unde effluunt, æstimes? Quidquid est quo timentur, quo nominantur, in processu parauerunt. Tolle radicem, nemora non surgent; nec tanti montes vestientur. Aspice trabes, siue proceritatem æstimes, altissimas, siue crassitudinem spatiumque ramorum, latissime fusas: quantum est his comparatum illud, quod radix tenui fibra complectitur? Innituntur fundamentis suis templa, & illa urbis mœnia: tamen quæ in firmamentum totius operis iacta sunt, latent. Idem in ceteris euenit: principia sua semper sequens magnitudo obruit. Non potuissem quidquam consequi, nisi parentum beneficium antecessisset: sed non ideo quidquid consecutus sum, minus est eo, sine quo consecutus non essem. Nisi me nutrix aluisset infantem, nihil eorum quæ

540 L. ANNÆI SENECAE
consilio ac manu gero facere potuissem,
nec in hanc emergere nominis clarita-
tem, quam ciuili ac militari industria me-
rui. numquid tamen ideò maximis ope-
ribus præferes nutricis officium? At quid
interest, cum æquè sine patris beneficio,
quàm sine nutricis, non potuerim ad vl-
teriora procedere?

CAP. XXX. Quòd si initio meo,
quidquid iam possum, debeo: cogita non
esse initium mei patrem, ne auum quidē.
Semper enim erit vltèrius aliquid, ex quo
originis proximæ origo descendat. Atqui
nemo dicit me plus debere ignotis, & vl-
tra memoriam positis maioribus, quàm
patri: plus autem debeo, si hoc ipsum
quòd genuit me pater meus, maioribus
suis debet. Quidquid præstiti patri, etiam
si magnum est, infra æstimationem pater-
ni muneris est: quia non essem, si non ge-
nuisset. Istò modo, etiam si quis patrem
meum ægrum ac moriturum sanauerit,
nihil præstare ei potero, quod non bene-
ficio eius minus sit. non enim genuisset
me pater, ni sanatus esset. Sed vide, ne il-
lud verius sit æstimari, an id quod potui,
& id quod feci, meum sit, mearum viriū,
meæ voluntatis. Illud quòd natus sum,
per se intueri quale sit: animaduertes exi-
guum & incertum, & boni maliq̃ue com-
munem materiam. sine dubio primum
ad omnia gradum: sed nō ideò maiorem
omnibus, quia primum. Seruaui patrem,
& ad

& ad summam prouexi dignitatem, & principem vr̄bis suæ feci: nec tantum rebus à me gestis nobilitaui, sed ipsi quoque gerendarum ingentem ac facilem, nec tutam minus, quàm gloriosam dedi materiam. Honores, opes, quidquid humanos ad se animos rapit, congeſſi: & cùm supra omnes starem, infra illum steti. Dic nunc, Hoc ipsum, quòd ista potuisti, patris munus est. Respondebo tibi, Est prorsus, si ad ista facienda nasci satis est. sed si ad bene viuendum minima portio est viuere, & id tribuisti, quod cum feris mihi & animalibus quibusdam minimis, quibusdam etiam fœdissimis commune est; noli tibi asserere, quod non ex tuis beneficijs, etiamsi non sine tuis, oritur. Puta me vitam pro vita reddidisse. Sic quoque munus tuum vici, cùm ego dederim sentienti, sentiens me dare: cùm vitam tibi non voluptatis meæ causâ, aut certè per voluptatem dederim: cùm tanto maius sit retinere spiritum, quàm accipere, quanto leuius mori ante mortis metum.

CAP. XXXI. Ego vitam dedi statim illa vsuro: tu nescituro, an viuerem. ego vitam dedi, mortem timent: tu vitam dedisti, vt mori possem. ego vitam tibi dedi cõsummatam, perfectam: tu me expertem rationis genuisti, onus alienum. Vis scire, quàm non sit magnum beneficium, vitam sic dare? si exposuisses, nempe iniuria erat genuisse. Quo quidem colligo,

542 L. ANNÆI SENECAE
colligo, minimum esse beneficium, patris
matrisque concubitum : nisi accesserint
alia , quæ prosequerentur hoc initium
muneris , & alijs officijs ratum facerent .
Non est bonum viuere , sed benè viuere .
At benè uiuo ; sed potui & malè . ita hoc
tantum est tuum, quod uiuo . Si vitam im-
putas mihi per se, nudam, egentem consi-
lij, & id ut magnum bonum, iactas : cogi-
ta te mihi imputare muscarum ac ver-
mium bonum . Deinde, ut nihil aliud di-
cam , quàm bonis artibus me studuisse , ut
cursum ad rectum iter vitæ dirigerem : in
ipso beneficio tuo , maius quàm quod de-
deras, recepisti . Tu enim me mihi rudem
& imperitum dedisti: ego tibi filium, qua-
lem genuisse gauderes.

CAP. XXXII. Aluit me pater, si idem
præsto , plus reddo : quia non tantum ali-
se , sed à filio ali gaudet , & maiorem ex
animo meo, quàm ex ipsa re, percipit vo-
luptatem . Illius alimenta ad corpus tan-
tum meum peruenerunt . Quid si quis in-
tantum processit , ut aut eloquentia per-
gentes enotesceret , aut iustitia, aut belli-
cis rebus , & patri quoque ingentem cir-
cumfunderet famam , tenebrasque nata-
lium suorum clara luce discuteret: non in-
æstimabile in parentes suos beneficium
contulit ? An quisquam Aristonē & Gryl-
lum, nisi propter Xenophontem ac Plato-
nem filios , nosset ? Sophroniscum Socra-
tes exspirare non patitur . Ceteros enu-
mera-

merare longum est, qui viuunt ob nullam
causam aliam, quàm quòd illos libero-
rū eximia virtus tradidit posteris. Vtrū
maius beneficium dedit M. Agrippæ pa-
ter, ne post Agrippam quidem notus: an
patri dedit Agrippa, nauali corona insi-
gnis, vnicum adeptus inter dona milita-
ria decus? qui tot in vrbe maxima opera
excitauit, quæ & priorem magnificentiam
vincerent, & nulla postea vincerentur?
Vtrū Octauius maius vllum benefi-
cium dedit filio, an patri diuus Augustus,
quamuis illum vmbra adoptiui patris ab-
scondit? Quantam cepisset voluptatem, si
illum, post debellata arma ciuilia, vidisset
securæ paci præsidem, non agnoscens
bonum suum, nec satis credens, quoties
respexisset ad se, potuisse illum virum in
domo sua nasci? Quid nunc ceteros per-
sequar, quos iam consumpsisset obliuio,
nisi illos filiorum gloria è tenebris erui-
set, & adhuc in luce retineret? Deinde non
quærimus, num quis filius patri maiora
beneficia reddiderit, quàm à patre acce-
perat: sed an possit aliquis maiora redde-
re. Etiam si quæ retuli exempla, nondum
satisfaciunt, nec beneficia parentum sno-
rum supermicant: capit tamen hoc natu-
ra, quòd nondum vlla ætas tulit. Si sin-
gula paternorum meritorum magnitudi-
nem exuperare non possunt, plura in
vnum congesta superabunt.

C A P. XXXIII. Seruauit in præ-
lio

lio patrem Scipio, & prætextatus in hostes equum concitauit: parum est, quòd vè perueniret ad patrem, tot pericula maximos duces cùm maximè prementia contempsit, tot oppositas difficultates; quòd ad primam pugnam exiturus tiro per veteranorum corpora cucurrit; quòd annos suos transfiliuit. Adijce, vt idem patrem reum defendat, & conspirationi inimicorum potentium eripiat: vt alterum illi consularum, ac tertium, aliosque honores etiam consularibus concupiscendos congerat, vt pauperi raptas belli iure opes tradat, & quod est militaribus viris speciosissimum, diuitem illum spolijs etiam hostilibus faciat. Si adhuc parum est, adijce vt prouincias & extraordinaria imperia continuet: adijce vt dirutis maximis urbibus, Romani imperij sine æmulo ad ortus occasusque venturi defensor & conditor, maiorem nobilitatem nobili viro adijciat. Dic Scipionis patrem: haud dubium est, quin generandi vulgare beneficium vicerit eximia pietas & virtus, ipsi vbi nescio, vtrum maius præsidium afferens, an decus.

C A P. XXXIV. Deinde, si hoc parum est, finge aliquem tormenta patris discussisse, finge in se transfulisse. Licet tibi in quantum velis extendere beneficia filij, cùm paternum munus, & simplex sit, & facile, nec danti voluntarium. Quid necesse est multis? dedit etiam, quibus dedisse.

se se nescit. In quo consortem habet, in quo spectauit legem patriam, præmia patrum, domus ac familiæ perpetuitatem, omnia potius quàm eum cui dabat. Quid si quis sapientiam consecutus, hanc patri tradiderit, etiam nunc disputabimus; an maius aliquid dederit, quàm acceperat: cùm vitam beatam patri reddiderit, acceperit tantùm vitam? Sed patris, inquit, beneficium est, quidquid facis, quidquid præstare illi potes. Et præceptoris mei, quòd institutis liberalibus profeci. Ipsos tamen qui tradiderunt illa, transcendimus: vtique eos, qui prima elementa docuerunt. Et quamuis sine illis nemo quidquam assequi posset, non tamen quantumcunque quis affecutus est, infra illos est. multum, inter prima, ac maxima interest. nec ideò prima maximorum instar sunt, quia sine primis maxima esse non possunt.

CAP. XXXV. Iam tempus est quædam ex nostra (vt ita dicam.) moneta proferri. Qui id beneficium dedit, quo est aliquid melius, potest vinci: pater dedit filio vitam, est autem aliquid vita melius: ita pater vinci potest, quia dedit beneficium, quo est aliquid melius. Etiamnum, qui dedit alicui vitam, si semel & iterum liberatus est mortis periculo, maius accepit beneficium, quàm dedit: pater autem vitam dedit: potest ergo, si sæpiùs periculo mortis liberatus à filio fuerit, maius bene-

beneficium accipere , quàm dedit . Qui beneficium accepit , maius accipit , quò magis eo indiget . magis autem indiget vita qui viuit , quàm qui natus non est , vt qui ne indigere quidem omnino possit : maius ergo beneficium accipit pater , si vitam à filio accepit , quàm filius à patre , quòd natus est . Patris beneficia vinci à filijs beneficijs non possunt . quare ? quia vitam accepit à patre : quam nisi accepisset , nulla dare beneficia potuisset . Hoc commune est patri cum omnibus , qui vitam dederunt alicui . non potuissent enim referre gratiam , nisi vitam accepissent . Ergo nec medico in maius gratia referri potest . solet enim & medicus vitam dare : nec nautæ , si naufragum sustulit . Atqui & horum & aliorum , qui aliquo modo nobis vitam dederunt , beneficia vinci possunt : ergo & patrum possunt . Si quis mihi beneficium dedit , quod multorum beneficijs adiuuandum esset , ego autem beneficium illi dedi , quod nullius adiutorio egeret , maius dedi quàm accepi : pater filio vitam dedit perituram , nisi multa accessissent , quæ illam tuerentur : filius patri si dedit vitam , dedit eam , quæ nullius desideraret auxilium , in hoc , vt permaneret : ergo maius beneficium accepit à filio pater , qui vitam accepit , quàm ipse illi dederat .

CAP. XXXVI. Hæc non destruunt parentum venerationem , nec deteriores illis .

illis liberos faciunt, imò etiam meliores. natura enim gloriosa est virtus, & anteire priores cupit. alacrior erit pietas, si ad reddenda beneficia cum vincendi spe venerit. Id si patribus idem volentibus contigerit (quoniam pleraque sunt, in quibus nostro bono vincimur:) vnde certamen tam optabile, vnde tantam felicitatem parentibus, ut fateantur seipsos filiorum beneficijs impares? Nisi hoc ita iudicamus, excusationem damus liberis: & illos segniores ad referendam gratiam facimus, quibus stimulos adijcere debemus, & dicere, Hoc agite optimi iuvenes. posita est inter parentes ac liberos honesta contentio, dederint maiora, an receperint. Non ideo vicerunt, quia occupauerunt. sumite modò animum, qualem decet, & deficere nolite, ut vincatis optantes. Nec desunt tam pulchro certamini duces, qui ad similia vos cohortentur, ac per veltigia sua ire ad victoriam sæpè iam partam ex parentibus, iubeant.

CAP. XXXVII. Vicit Æneas patrem, ipse eius in infantia leue tutumque gestamē, grauem senio, per rædia hostiū agmina, & per cadentis circa se vrbs ruinas ferens, cum complexus sacra ac penates deos religiosus senex non simplici vadentem sarcina premeret: tulit illum per ignes, &, quid non pietas potest? pertulit, colendumque inter conditores Romani imperij posuit. Vicere Siculi iuvenes: cum

Ætna

Ætna maiore vi peragitata, in vbes, in agros, in magnam insulæ partem effudit: fœt incendium, vexerunt parentes suos. Dissedisse creditum est ignes, & vtrunque flamma recedente limitem adaperitum, per quem transcurrerent iuvenes dignissimi, qui magna tutò auderent. Vicit Antigonus: qui cùm ingenti prælio superasset hostem, præmiū belli ad patrem transfudit, & imperium illi Cypri tradidit. Hoc est regnum, nolle regnare, cùm possis. Vicit patrē, imperiosum quidem, T. Manlius: qui cùm ad tempus relegatus esset à patre, ob adolescentiam brutam ac hebetem, ad tribunum plebis, qui patri suo dixerat diem, venit: petitoq; tempore, quod ille dederat, sperans fore proditorem parentis inuisi, (& benè meruisse se de iuvene credebat, cuius exilium pro grauissimo crimine inter alia Manlio obieciebat) nactus adolescens secretum, stringit occultatum sinu ferrum, &, Nisi iuras, inquit, te diem patri remissurum, hoc te gladio transfodiam. In tua potestate est, vtro modo pater meus accusatorem non habeat. Iuravit tribunus: nec fefellit, & causam accusationis remissæ concioni reddidit. Nulli alij licuit impunè tribunum in ordinem redigere.

C A P. XXXVIII. Alia ex alijs exempla subeunt eorum, qui parentes suos periculis eripuerunt; qui ex infimo ad summum protulerunt, & è plebe acer-

uoque ignobili nunquam tacendos saculis dederunt. Nulla vi verborum, nulla ingenij facultate exprimi potest, quantum opus sit, quàm laudabile, quamque nunquam à memoria hominum exiturum, posse hoc dicere: Parentibus meis parui, cessi: imperio eorum, siue æquum, siue iniquum fuit, obsequentem submissumque me præbui: ad hoc vnum contumax fui, ne beneficijs vincerer. Certate obsecro vos, & fusi quoque restituite aciem. Felices, qui vicerint: felices, qui vincuntur. Quid eo adolescente præclarius, qui sibi ipsi dicere potuerit, neque enim fas est alteri dicere: Patrem meum beneficijs vici? Quid eo fortunatius sene, qui omnibus ubique prædicabit, à filio suo se beneficijs victum? Quid autem est felicius, quàm sibi cedere?

LIBER QVARTVS.

CAPVT I.



EX omnibus quæ tractauimus, Æbuci Liberalis, potest videri nihil tam necessarium, aut magis (vt ait Salustius) cum cura dicendum, quàm quod in manibus est: An beneficium dare, & inuicem gratiam referre, per se res expetendæ sint? Inueniuntur qui honesta in mercedem colant, quibusque non placeat virtus gratuita: quæ nihil habet in se magnificum,

550 L. ANNÆI SENE CÆ
ficum, si quidquam habet vœnale. Quid
enim est turpius, quàm aliquem computa-
re, quanti vir bonus sit: cùm virtus
nec lucro inuitetur, nec absterreatur da-
mno, adeoque neminem spe ac pollicita-
tione corrumpat, vt contra in se impen-
dere iubeat, ac sæpius in vltro tributis
sit? Calcatis vtilitatibus ad illam eun-
dum est, quocunque vocauit, quocunque
misit, sine respectu rei familiaris: inter-
dum etiam, sine vlla sanguinis sui parsi-
monia vadendum, nec vnquam imperium
eius detrectandum. Quid consequar, in-
quit, si hoc fortiter, si hoc gratè fecero?
quòd feceris. Nihil tibi extra promitti-
tur: si quid fortè obuenerit commodi, in-
ter accessiones numerabis. Rerum hone-
starum pretium, in ipsis est. Si honestum
per se expetendum est, beneficium au-
tem honestum est, non potest alia eius
conditio esse, cùm eadem natura sit. Per
se autem expetendum esse honestum, sæ-
pè & abundè probatum est.

C A P. I I. In hac parte nobis pugna
est cum Epicureorum delicata & vmbra-
tica turba, in conuiuio suo philosophan-
tium: apud quos virtus voluptatum mini-
stra est. Illis parcat, illis deseruit, illas su-
pra se videt. Non est, inquit, voluptas sine
virtute. Sed quare ante virtutem est? De
ordine putas disputationem esse? de re to-
ta, & de potestate eius ambigitur. non est
virtus, si sequi potest. Primæ partes eius
sunt

sunt, ducere debet, imperare, summo loco stare : tu illam iubes signum petere. Quid, inquit, tua refert ? & ego, sine virtute, nego beatam vitam posse constare. Ipsam voluptatem, quam sequor, cui me mancipavi, remota illa, improbo & damno. de hoc vno disputatur, vtrum virtus summi boni causa sit, an ipsa summum bonum. Ut hoc vnum quaeratur, ordinis tantum existimas mutationem ? ista verò confusio est & manifesta cæcitas, primis postrema præferre. Non indignor, quod post voluptatem ponitur virtus, sed quod omnino cum voluptate confertur. Contemptrix eius & hostis est, & longissimè ab illa resiliens, labori ac dolori familiarior, virilibus incommodis, quàm isti effæminato bono inferenda.

CAP. III. Hæc, Liberalis, dicenda fuerunt, quia beneficium (de quo nunc agitur) dare, virtutis est, & turpissimum id causa vllius alterius rei dare, quàm ut datum sit. Nam si recipiendi spe tribueremus, locupletissimo cuique, non dignissimo, daremus: nunc verò diuiti importuno pauperem præferimus. non est beneficium quod fortunam spectat. Præterea, si ut prodessemus, sola nos inuitaret utilitas, minimè beneficia distribuere deberent, qui facillimè possent, locupletes, & potentes, & reges, aliena ope non indigentes. Dij verò tot munera, quæ sine intermissione diebus ac noctibus fundunt, non darēt. in
omnia

omnia enim illis natura sua sufficit, plenisque & tutos, & inuiolabiles præstat. Nulli ergo beneficium dabunt, si vna dandi causa est, se intueri ac commodum suum. Istud non est beneficium, sed sensus: circumspicere, non vbi optimè ponas, sed vbi quæstuosissimè habeas, vnde facillimè tollas. Quod cum longè à dijs remotum sit, sequitur vt liberales sint. nam si vna beneficij dandi causa sit utilitas: nulla autem ex nobis utilitas deo speranda est; nulla deo dandi beneficij causa est.

CAP. IV. Scio quid hoc loco respondeatur. Itaque non dat Deus beneficia, sed securus & negligens nostri, auersus à mundo, aliud agit, aut (quæ maxima Epicuro felicitas videtur) nihil agit, nec magis illum beneficia, quàm iniuriæ tangunt. Hoc qui dicit, non exaudit precantium voces, & vndique sublati in cælum manibus vota facientium, priuata ac publica. Quod profectò non fieret, nec in hunc furorem omnes mortales consensissent, alloquendi furda numina, & inefficaces deos: nisi uosset illorū beneficia nunc vtrò oblata, nunc orantibus data; magna, tempestiua, ingentes minas interuentu suo soluentia. Quis est autem tam miser, tam neglectus, quis tam duro fato, & in pœnam genitus, vt non tantam deorum munificentiam senserit? Ipsos illos complorantes sortem suam, & querulos circum-

cumspice. inuenies non ex toto beneficio-
rum cælestium expertes : neminem esse ,
ad quem non aliquid ex illo benignissi-
mo fonte manauerit . Parum autem id ,
quod nascentibus ex æquo distribuitur ?
Vt quæ sequuntur , inæquali dispensata
mensura , transeamus , parum dedit na-
tura, cum se dedit?

C A P. V. Non dat Deus beneficia .
Vnde ergo ista quæ possides ? quæ das ?
quæ negas ? quæ seruas ? quæ rapis ? vnde
hæc innumerabilia , oculos , aureis , ani-
mum mulcentia ? vnde illa luxuriam quo-
que instruens copia ? Neque enim neces-
sitatibus tantummodo nostris prouisum
est : vsque in delicias amamur . Tot ar-
busta , non vno modo frugifera , tot her-
bæ salutare , tot varietates ciborum , per
totum annum digestæ , vt inerti quoque
fortuita terræ alimenta præberent . Iam a-
nimalia omnis generis, alia in sicco solido-
que , alia in humido innascentia , alia per
sublime dimissa : vt omnis rerum naturæ
pars tributum aliquod nobis conferret .
Flumina hæc amœnissimis flexibus cam-
pos cingentia , illa præbitura commerciis
viam , vasto & nauigabili cursu vadentia :
ex quibus quædam statis diebus mirabile
incrementum trahunt , vt anhela & fer-
uenti subiecta cælo loca subita vis æstiuæ
torrentis irriget . Quid medicatorum tor-
rentium venæ ? quid in ipsis littoribus a-
quarum calentium exundatio ?

omnia enim illis natura sua sufficit, plenique & tutos, & inuiolabiles præstat. Nulli ergo beneficium dabunt, si vna dandi causa est, se intueri ac commodum suum. Istud non est beneficium, sed sensus: circumspicere, non ubi optimè ponas, sed ubi quæstuosissimè habeas, vnde facillimè tollas. Quod cum longè à dijs remotum sit, sequitur vt liberales sint. nam si vna beneficij dandi causa sit utilitas: nulla autem ex nobis utilitas deo speranda est; nulla deo dandi beneficij causa est.

CAP. IV. Scio quid hoc loco respondeatur. Itaque non dat Deus beneficia, sed securus & negligens nostri; auersus à mundo, aliud agit, aut (quæ maxima Epicuro felicitas videtur) nihil agit, nec magis illum beneficia, quàm iniuriæ tangunt. Hoc qui dicit, non exaudit precantium voces, & vndique sublati in cælum manibus vota facientium, priuata ac publica. Quod profectò non fieret, nec in hunc furorem omnes mortales consensissent, alloquendi furda numina, & inefficaces deos: nisi nossent illorū beneficia nunc vtrò oblata, nunc orantibus data; magna, tempestiua, ingentes minas interuentu suo soluentia. Quis est autem tam miser, tam neglectus, quis tam duro fato, & in peccatam genitus, vt non tantam deorum munificentiam senserit? Ipsos illos complorantes sortem suam, & querulos circum-

cumspice. inuenies non ex toto beneficiorum celestium expertes: neminem esse, ad quem non aliquid ex illo benignissimo fonte manauerit. Parum autem id, quod nascentibus ex æquo distribuitur? Vt quæ sequuntur, inæquali dispensata mensura, transeamus, parum dedit natura, cum se dedit?

C A P. V. Non dat Deus beneficia. Vnde ergo ista quæ possides? quæ das? quæ negas? quæ seruas? quæ rapis? vnde hæc innumerabilia, oculos, aureis, animum mulcentia? vnde illa luxuriam quoque instruens copia? Neque enim necessitatibus tantummodo nostris prouisum est: vsque in delicias amamur. Tot arbuta, non vno modo frugifera, tot herbarum salutare, tot varietates ciborum, per totum annum digestæ, vt inertibus quoque fortuita terre alimenta præberent. Iam animalia omnis generis, alia in sicco solidoque, alia in humido innascentia, alia per sublime dimissa: vt omnis rerum naturæ pars tributum aliquod nobis conferret. Flumina hæc amœnissimis flexibus campos cingentia, illa præbitura commerciis viam, vasto & nauigabili cursu vadentia: ex quibus quædam statis diebus mirabile incrementum trahunt, vt anhela & frequenti subiecta cælo loca subita vis æstiuæ torrentis irriget. Quid medicamentorum torrentium venæ? quid in ipsis littoribus aquarum calentium exundatio?

— *Te Lari maxime, tēque*

*Fluctibus, & fremitu assurgens Benace
marino.*

CAP. VI. Si pauca quis tibi donasset iugera, accepisse te diceres beneficium; immensa terrarum latè patentium spatia, negas esse beneficium? Si pecuniam tibi aliquis donauerit, & arcam tuam (quoniam id tibi magnum videtur) impleuerit, beneficium vocabis: tot metalla defodit, tot flumina emisit in aera, super quæ decurrunt sola aurum vehentia; argenti, æris, ferri immane pondus omnibus locis obrutum, cuius inuestigandi tibi facultatem dedit, ac latentium diuitiarum in summa terra signa disposuit: negas te accepisse beneficium? Si domus tibi donetur, in qua marmoris aliquid resplendeat, & tectum nitidius, auro aut coloribus sparsum, non mediocre munus vocabis: ingens tibi domicilium, sine ullo incendij aut ruinæ metu struxit, in quo vides non tenues crustas, & ipsa qua secantur lamina graciliores, sed integras lapidis pretiosissimi moles, sed totas variæ distinctæque materiæ, cuius tu paruula frustra miraris, tectum verò aliter nocte, aliter interdiu fulgens: negas te vllum munus accepisse? Et cum ista quæ habes magno æstimes, quod est ingrati hominis, nulli debere te iudicas? Vnde tibi istum quem trahis spiritum? vnde istam, per quam actus vitæ tuæ disponis, atque ordi-

ordinas, lucem? unde sanguinem, cuius cursu vitalis continetur calor? unde ista palatum tuum saporibus exquisitis ultra satietatem laceffentia? unde hæc irritamenta iam lassæ voluptatis? unde ista quies, in qua putrescis, ac marces? Nonne si gratus es, dices,

— *Deus nobis hæc otia fecit:*

Namque erit ille mihi semper Deus. illius aram

Sapè tener nostris ab ouilibus imbuet agnus.

Ille meas errare boues, ut cernis, & ipsum ludere qua vellem, calamo permisit agresti.

Ille Deus est, non qui paucas boues, sed qui per totum orbem armenta dimisit, qui gregibus ubique passim vagantibus pabulum præstat, qui pascua hibernis æstiva substituit, qui non calamo tantum cantare, & agreste atque inconditum carmen ad aliquam tantum oblectationem modulari docuit, sed tot artes, tot vocum varietates, tot sonos, alios spiritu nostro, alios externo, cantus edituros, commentus est. Neque enim nostra ista, quæ inuenimus, dixeris: non magis, quam quod crescimus, quam quod ad constitutum temporum sua corpori officia respondent. Nunc puerilium dentium lapsus, nunc adfurgentem iam ætatem, & in robustiorem gradum transeuntem pubertatem, & ultimus ille dies fugienti vitæ ter-

minum ponens. Infita sunt nobis omnium ætatum, omniumque artium semina, magisterque ex occulto Deus producit ingenia.

CAP. VII. Natura, inquit, hæc mihi præstat. Non intelligis te, cum hoc dicis, mutare nomen Deo? Quid enim aliud est natura, quam Deus, & diuina ratio, toti mundo & partibus eius inserta? Quoties voles, tibi licet aliter hunc auctorem rerum nostrarum compellare. & Iouem illum optimum ac maximum ritè dices, & tonantem, & statorem: qui non (vt historici tradiderunt) ex eo quòd post votum susceptum, acies Romanorum fugientium sterit, sed quòd stant beneficio eius omnia, stator, stabilitorque est. hunc eundem & fatum si dixeris, non mentieris. nam cum fatum nihil aliud sit, quam series implexa causarum, ille est prima omnium causa, ex qua ceteræ pendent. Quæcunque voles illi nomina propriè appabis, vim aliquam effectumque celestium rerum continentia. Tot appellationes eius possunt esse, quot munera.

CAP. VIII. Hunc & Liberum patrem, & Herculem, ac Mercurium nostri putant. Liberum patrem: quia omnium parens sit, quòd ab eo primùm inuenta feminum vis est, consultura per voluptatem. Herculem: quia vis eius inuicta sit, quandoque lassata fuerit operibus editis, in ignem recessura. Mercurium: quia ratio

tio penes illum est, numerusque, & ordo, & scientia. Quocunque te flexeris, ibi illum videbis occurrentem tibi. nihil ab illo vacat: opus suum ipse implet. Ergo nihil agis ingratissime mortalium, qui te negas Deo debere, sed naturæ. quia nec natura sine Deo est, nec Deus sine natura: sed idem est utrumque; nec distat. Officium si quod à Seneca accepisses, Annæo te diceres debere, vel Lucio; non creditorem mutares, sed nomen. quoniam siue prænomen eius, siue nomen dixisses, siue cognomen, idem tamen ille esset. Sic hunc naturam voca, fatum, fortunam: omnia eiusdem Dei nomina sunt, variè utentis sua potestate. Et iustitia, probitas, prudentia, fortitudo, frugalitas, vnius animi bona sunt: quidquid horum tibi placuit, animus placet.

C A P. LX. Sed ne in aliam disputationem ex obliquo abeam, plurima beneficia ac maxima in nos Deus confert, sine spe recipiendi: quoniam nec ille collato eget, nec nos ei quidquam conferre possumus: Ergo beneficium per se expetenda res est. vna spectatur in eo accipientis utilitas: ad hanc accedamus, sepositis commodis nostris. Dicitis, inquit, diligenter eligendos quibus beneficia demus: quia nec agricolæ quidem semina arenis committunt. Quod si verum est, nostram utilitatem in beneficiis dandis sequimur, quemadmodum in arando se-

rendoque . neque enim serere , per se res expetenda est . Præterea , queritis cui dandum sit beneficium : quod non esset faciendum , si per se beneficium dare , expetenda res esset . quocunque loco , & quocunque modo daretur , beneficium erat .
 *Honestum propter nullam aliam causam , quàm propter ipsum , sequimur . Tamen etsi nihil aliud sequendum est , querimus quid faciamus & quando , & quemadmodum : per hæc enim constat . Itaque cum eligo cui dem beneficium , id ago , ut beneficium sit : quia si turpi datur , nec honestum esse potest , nec beneficium .

: CAP. X. Depositum reddere , per se res expetenda est : non tamen semper reddam , nec quolibet loco , nec quolibet tempore . aliquando nihil interest , utrum infitier , an palam reddam . Intuebor utilitatem eius , cui redditurus sum , & nociturum illi depositum negabo . Idem in beneficio faciam . videbo quando dem , cui dem , quemadmodum , quare . Nihil enim sine ratione faciendum est : non est autem beneficium , nisi quod ratione datur : quoniam ratio , omnis honesti comes est . Quàm sæpè hominum , donationem suam inconsultam obiurgantium , hanc audimus vocem ; Mallem perdidisse , quàm illi dedisse ? Turpissimum genus damni est , inconsulta donatio : multoque grauius malè dedisse beneficium , quàm non recepisse , Aliena enim culpa est , quòd

quòd non recepimus : quòd cui daremus non eligimus , nostra . In electione nihil minùs , quàm hoc quod tu existimas , spectabo , à quo recepturus sim . eligo enim eum qui gratus , non qui redditurus sit . Sèpè autem & non redditurus , gratus est ; & ingratus , qui reddidit . Ad animum tendit æstimatio mea . Ideò locupletem , sed indignum præteribo : pauperi viro bono dabo . Erit enim in summa inopia gratus : & cùm omnia illi deerunt , supererit animus . Non lucrum ex beneficio capto , non voluptatem , non gloriam . vni placere contentus , in hoc dabo , vt quod oportet faciam : quod oportet autem , non est sine electione : quæ qualis futura sit , interrogas ?

CAP. XI. Eligam virum integrum , simplicem , memorem , gratum , alieni abstinentem , sui non auarè tenacem , beneuolum . Hunc verò cùm elegero , licet nihil illi fortuna tribuat , quo referre gratiam possit , ex sententia res gesta erit . Si utilitas me & sordida computatio liberalem facit , si nulli prosum , nisi vt inuicem ille mihi profit : non dabo beneficium proficiscenti in diuersas longinquasque regiones , non dabo abfuturo semper , non dabo sic affecto , vt spes ei nulla sit conualescendi , non dabo ipse deficiens . non enim habeo tempus recipiendi . Atqui vt scias , rem per se expetendam esse , benefacere ; aduenis modò in nostrum delatis .

portum, & statim abituris, succurrimus. Ignoto naufrago nauem, qua reuehatur, & damus & instruimus. Discedit ille, vix satis noto salutis auctore, & nunquam ampliùs in conspectum nostrum reuersurus, debitores nobis deos delegat, precaturque vt illi pro se gratiam referant: interim nos iuuat sterilis beneficij conscientia. Quid cùm ipso vitæ in fine constitimus, cùm testamentum ordinamus, non beneficia nobis nihil profutura diuidimus? quantum temporis consumitur, quandiu secretò agitur, quantum & quibus demus? Quid enim interest, quibus demus, à nullo recepturi? Atqui nunquam diligentius damus, nunquam magis iudicia nostra torquemus, quàm vbi remotis vtilitatibus, solum ante oculos honestum stetit: tandiu officiorum mali iudices, quandiu illa deprauat spes ac metus, ac inertissimum vitium, voluptas. Vbi mors interclusit omnia, & ad ferendam sententiam incorruptum iudicem misit, quærimus dignissimos, quibus nostra tradamus: nec quidquam cura sanctiore componimus, quàm quod ad nos non pertinet.

C A P. XII. Et mehercule tunc magna voluptas subit cogitantem, Hunc ego locupletiores faciam: huius dignitati adiectis opibus, aliquid splendoris affundam. Si non damus beneficia, nisi recepturi, intestatis moriendum sit. Di-
ci-

citis, inquit, beneficium creditum insolubile esse: creditum autem non est res per se expetenda. Cum creditum dicimus, imagine & translatione utimur. Sic & legem, iusti iniustique regulam esse: & regula non est res per se expetenda. Ad hac verba demonstrandæ rei causâ descendimus. Cum dico creditum, intelligitur tanquam creditum. Vis scire? adicio insolubile, cum creditum nullum non solui aut possit, aut debeat. Adeo beneficium utilitatis causâ dandum non est, ut sæpè, quemadmodum dixi, cum damno ac periculo dandum sit. Sic latronibus circumuentum defendo, ut tuto transire permittatur: rerum gratia laborantem tutor, & hominum potentium factionem in me conuerto, quas illi detraxero sordes, sub accusatoribus iisdem fortasse sumpturus, cum abire in partem alteram possim, & securus spectare aliena certamina: spondeo pro iudicato, & suspensum amici bonis libellum deicio, creditoribus eius me obligaturus: ut possim seruare proscriptum, ipse proscriptionis periculum adeo. Nemo Tusculanum aut Tiburtinum emere paratus, salubritatis causâ, & æstiuæ secessus, quoto anno empturus sit disputat: cum emerit, tuncendum est. Eadem in beneficiis ratio est. nam cum interrogaueris, quid reddat, respondebo, bonam conscientiam. Quid reddit beneficium? dic tu mihi.

A a s quid

quid reddat iustitia, quid innocentia, quid magnitudo animi, quid pudicitia, quid temperantia, si quidquam præter ipsas petis.

CAP. XIII. Mundus in quid incessum absoluit? in quid sol diem extendit & contrahit? omnia ista beneficia sunt: fiunt enim nobis profutura. Quomodo mundi officium est, circumagere rerum ordinem, quomodo solis loca mutare, ex quibus oriatur, in quæ cedat, & hæc salutaria nobis facere sine præmio: ita viri officium est inter alia, & beneficium dare. Quare ergo dat? ne non det, ne occasionem benefaciendi perdat. Vobis voluptas est, inertî otio assuefacere corpusculum, & securitatem soporis simillimam appetere, & sub densa vmbra latitare, tenerrimisque cogitationibus, quas tranquillitatem vocatis, animi marcentis oblectare torporem, & cibis portionibusque intra horrorem latebram corpora ignavia pallentia saginare: nobis voluptas est, dare beneficia vel laboriosa, dum aliorum labores leuent; vel periculosa, dum alios à periculis extrahant: vel rationes nostras aggrauatura, dum aliorum necessitates & angustias laxent. Quid mea interest, an recipiam beneficia? etiam cum recepero, danda sunt. Beneficium, eius commodum spectat cui præstatur, non nostrum: alioquin nobis, non illi, damus. Itaque multa, quæ summam

nam vtilitatem aliis afferunt, pretio gratiam perdunt. Mercator vrbibus prodest, medicus ægris, mango vœnalibus: sed omnes isti, quia ad alienum commodum pro suo veniunt, non obligant eos quibus profunt.

CAP. XIV. Non est beneficium quod in quæstum mittitur. Hoc dabo, hoc recipiam: auctio est. Non dicam pudicam, quæ amatorem vt incenderet repulit: quæ aut legem, aut virum timuit. vt ait Ouidius,

Quæ quia non lieuit, non dedit, illa dedit.

Non immeritò in numerum peccantium refertur, quæ pudicitiam timori præstitit, & non sibi. eodem modo qui beneficium vt reciperet dedit, non dedit. Ergo & nos beneficium damus animalibus, quæ aut vsui, aut alimento futura nutrimus? beneficium damus arbutis quæ colimus, ne siccitate, aut immoti & neglecti soli duritia, laborent? Nemo ad agrum colendum ex æquo & bono venit, nec ad vllam rem, cuius extra ipsam fructus est. Ad beneficium dandum non adducit cogitatio auara, nec sordida, sed humana, liberalis, cupiens dare etiam cùm dederit, & augere nouis ac recentibus vetera: & non habens propositum, quanto ei qui præstat bono futura sit: alioquin humile est, sine laude, sine gloria, prodesse, quia expedit. Quid magnifici est, se amare, sibi parcere, sibi acquirere? Ab omnibus

istis vera beneficij dandi cupido auocat : ad detrimentum , iniecta manu , trahit , & utilitates relinquit , ipso benefaciendi opere latissima .

C A P. X V. Numquid dubium est , quin contraria sit beneficio iniuria ? Quomodo iniuriam facere , per se vitanda ac fugienda res est : sic beneficium dare , per se expetenda . illic turpitudine , contra omnia præmia in scelus hortantia , valet : ad hoc inuitat honesti per se efficax species . Non mentiar , si dixerò , neminem non amare beneficia sua , neminem non ita compositum animo , ut libentiùs eum videat , in quem multa congeffit : cui non caussa sit iterum dandi beneficij , semel dedisse . quod non accideret , nisi nos ipsa delectarent beneficia . Quàm sæpè dicentem audias ? Non sustineo illum deferere , cui dedi vitam , quem è periculo eripui . Rogat me ut causam suam contra homines gratiosos agam . Nolo : sed quid faciam ? iam illi semel , iterumque affui . Non vides inesse isti rei propriam quamdam vim , quæ nos beneficia dare cogit ? primum quia oportet , deinde quia dedimus . Cui initio ratio non fuisset præstandi , aliquid ei præstamus ob hoc , quia præstitimus . Adeoque nos ad beneficia non impellit utilitas , ut & inutilia tueri ac fouere perseneremus , sola beneficij caritate : cui etiam infelicitè dato , indulgere , tam naturale , quàm liberis prauis .

CAP..

CAP. XVI. Iidem isti gratiam referre ipsos fatentur, non quia honestum est, sed quia utile. quod non esse ita, minore opera probandum est. Quia quibus argumentis collegimus beneficium dare, per se rem expetendam esse, iisdem etiam hoc colligemus. Fixum est illud, à quo in cetera probationes nostræ exeunt, honestum ob nullam aliam causam, quam quia honestum sit, coli. Quis ergo controuersiam facere audebit, an gratum esse, honestum sit? Quis non ingratum detestetur hominem, sibi ipsi inutilem? Quid autem cum tibi narratur de eo, qui aduersus summa beneficia amici sui ingratus est, quomodo id fers? vtrum tamquam rem turpem fecerit, an tamquam utilem rem sibi & profuturam omiserit? Puto, nequam hominem existimas: cui poena, non cui curatore opus sit. quod non accideret, nisi gratum esse, per se expetendum, honestumque esset. Alia fortasse minus dignitatem suam præferunt, & an sint honesta, interprete egent: hoc expositum est, pulchriusque, quam ut splendor eius dubiè ac parùm luceat. Quid tam laudabile, quid tam æqualiter in omnium animos receptum, quam referre benè meritis gratiam?

CAP. XVII. Ad hoc, dic mihi, quæ causâ nos perducit? Lucrum? quod qui non contemnit, ingratus est. Ambitio? & quæ iactatio est soluisse, quod debebas?

bas? Metus? nullus ingrato. huic enim
vni rei non posuimus legem, tamquam
satis natura cauisset. Quomodo nulla
lex amare parentes, indulgere liberis iu-
bet: superuacuum est enim, in quod imus,
impelli. quemadmodum nemo in amo-
rem sui cohortandus est, quem cum na-
scitur trahit: ita ne ad hoc quidem, vt ho-
nesta per se petat. Placet suapte natura:
adeoque gratiosa virtus est, vt insitum sit
etiam malis, probare meliora. Quis est,
qui non beneficus videri velit? qui non
inter scelera & iniurias opinionem boni-
tatis affectet? qui non ipsis quæ impoten-
tissimè fecit, speciem aliquam induat re-
cti? velit quoque & ijs videri beneficium
dedisse quos læsit? Gratias itaque agi sibi
ab his, quos affligere, patiuntur: bonos-
que se ac liberales fingunt, quia præstare
non possunt. Quod non facerent, nisi il-
los honesti & per se expetendi amor co-
geret moribus suis opinionem contra-
riam quærere, & nequitiam abdere; cu-
ius fructus concupiscitur, ipsa verò odio
pudori que est: nec quisquam tantum à
naturali lege desciiuit, & hominem exuit,
vt animi causa malus sit. Dic enim cui-
libet ex istis, qui, rapto viuunt, an ad illa
quæ latrocinijs & furtis consequuntur,
malint ratione bona peruenire? Optabit
ille, cui grassari & transeuntes percutere
quæstus est, potius illa inuenire, quàm
eripere. Neminem reperiēs, qui non ne-
qui-

quitiæ præmijs, sine nequitia, frui malit. Maximum hoc habemus naturæ meritum, quòd virtus in omnium animos lumen suum præmittit: etiam qui non sequuntur illam, vident.

CAP. XVIII. Ut scias, per se expendam esse grati animi affectionem, per se fugienda res est ingratum esse: quoniam nihil æquè concordiam humani generis dissociat ac distrahit, quàm hoc vitium. Nam quo alio tuti sumus, quàm quòd mutuis iuamur officijs? hoc vno instructior vita, contraque incursiones subitas munitior est, beneficiorum commercio. Fac nos singulos: quid sumus? præda animalium & victimæ, ac vilissimus & facillimus sanguis. Quoniam ceteris animalibus in tutelam sui satis virium est. Quæcunque vāga nascuntur, & actura vitam segregem, armata sunt: hominem imbecillitas cingit: non vnguium vis, non dentium, terribilem ceteris fecit: nudum & infirmum, societas munit. Duas res dedit, quæ illum obnoxium ceteris, validissimum facerent, rationem & societatem. Itaque qui par esse nulli posset, si diduceretur, rerum potitur. Societas illi dominium omnium animalium dedit; societas terris genitum, in alienæ naturæ transmisit imperium, & dominari etiam in mari iussit. Hæc morborum imperus arcuit, senectuti administracula prospexit, solatia contra dolores

res dedit : hæc fortes nos facit , quòd licet contra fortunam aduocare . Hanc tolle : & vnitatẽ generis humani , qua vita sustinetur , scindes . tolletur autem , si efficias , vt ingratus animus non per se vitandus sit , sed quia aliud illi timendum est . Quàm multi sunt enim , quibus ingratis esse tutò licet ? denique ingratum voco , quisquis metu gratus est .

CAP. XIX. Deos nemo sanus timet : Furor est enim metuere salutaria : nec quisquam amat , quos timet . Tu denique Epicure Deum inermem facis . omnia illi tela , omnem detraxisti potentiam , & ne cuiquam metuendus esset , proiecisti ipsum extra metum . Hũc igitur septum ingenti quodam & inexplicabili muro , diuisumque à contactu & à conspectu mortalium , non habes quare verearis : nulla illi nec tribuendi , nec nocendi materia est . In medio interuallo huius & alterius cæli desertus , sine animali , sine homine , sine re , ruinas mundorum supra se circaque se cadentium euitat , non exaudiens vota , nec nostri curiosus . Atqui hunc vis videri colere , non aliter quàm parentem : grato , vt opinor , animo : aut si non vis videri gratus , quia nullum habes illius beneficium , sed te atomi & istæ micæ tuæ fortè ac temerè conglobauerunt , cur collis ? Propter maiestatem , inquis , eius eximiam , singularemque naturam . Vt concedam tibi : nempe hoc facis nulla spe ,
nullo .

nullo pretio inductus. Est ergo aliquid per se expetendum, cuius te ipsa dignitas ducit: id est honestum. Quid est autem honestius, quàm gratum esse? huius virtutis materia tam latè patet, quàm vita.

CAP. XX. Sed inest, inquit, huic bono etiam utilitas aliqua. cui enim virtuti non inest? sed id propter se experi dicitur, quod quamvis habeat aliqua extra se comoda, sepositis quoque illis ac remotis, placet. Prodest gratum esse: ero tamen gratus, etiam si noceat. Qui gratus est, quid sequitur? ut hæc res illi alios amicos, alia beneficia conciliet? Quid ergo si quis sibi offensas concitaturus est? si quis intelligit, adeò per hoc se nihil consecuturum, ut multa etiam ex reposito acquisitoque perdenda sint: num libens in detrimenta descendet? Ingratus est, qui in referenda gratia secundùm datum videt, qui sperat cùm reddit. Ingratum voco, qui ægro affidet, quia testamentum facturum est, cui de hereditate, aut de legato vacat cogitare. Faciat licet omnia, quæ facere bonus amicus & memor officij debet, si animo eius obuersatur spes, si captator est, & hamum iacit: ut anes, quæ laceratione corporum aluntur, lassâ morbo pecora, & casura è proximo speculantur; ita hic imminet morti, & circa cadaver volat.

CAP. XXI. Gratus animus ipsa virtute propositi sui capitur. Vis scire hoc
ita

ita esse, nec illum utilitate corrumpi? Duo sunt genera grati hominis. dicitur gratus, qui aliquid pro eo quod acceperat, reddit. hic fortasse ostentare se potest: habet quod iactet, quod proferat. dicitur gratus, qui bono animo accepit beneficium, bono debet. Hic intra conscientiam clusus est. quæ illi contingere potest utilitas ex affectu latenti? Atqui hic, etiam si ultra facere nihil potest, gratus est: amat, debet, referre gratiam cupit. Quidquid ultra desideras, non ipsi deest. Artifex est etiam, cui ad exercendam artem instrumenta non suppetunt: nec minus canendi peritus, cuius vocem exaudiri fremitus obstrepentium non finit. Volo referre gratiam. post hoc aliquid superest mihi, non ut gratus, sed ut solutus sim. Sæpè enim & qui gratiam retulit, ingratus est: & qui non retulit, gratus. Nam ut omnium aliarum virtutum, ita huius, ad animum tota æstimatio redit. hic si in officio est, quidquid defuit, fortuna peccat. Quomodo est disertus etiam qui tacet, fortis etiam qui compressis manibus, vel & alligatis: quomodo gubernator etiam qui in sicco est, quia consummata scientiæ nihil deest, etiam si quid obstat quo minus se utatur: ita gratus est, etiam qui vult tantum, nec habet huius voluntatis suæ ullum alium, quàm se testem. Imò amplius adijciam. est aliquando gratus, etiam qui ingratus vide-

tur,

tur, quem mala interpretes opinio in contrarium traducit. Hic quid aliud sequitur, quàm ipsam conscientiam? quæ etiam obruta delectat, quæ concioni ac famæ reclamat, & in se omnia reponit, & cum ingentem ex altera parte turbam contrà sentientium aspexit, non numerat suffragia, sed vna sententia vincit. Si verò bonam fidem perfidiæ supplicijs affici videt, non descendit è fastigio, sed supra pœnam suam consistit.

CAP. XXII. Habeo, inquit, quod volui, quod petij. Non pœnitet, nec pœnitebit, nec vlla iniquitate me eò fortuna perducet, vt hanc vocem audiam. Quid mihi volui? quid mihi nunc prodest bona voluntas? Prodest & in equuleo, prodest & in igne. qui si singulis membris admoueat, & paullatim viuum corpus circumeat: licet ipsum corpus plenum bona conscientia stillat: placebit illi ignis, per quem bona fides collucebit. Nunc quoque illud argumentum, quamuis dictum iam, reducatur. Quid est quare grati velimus esse, cum morimur? quare singulorum perpendamus officia? quare id agamus in omnem vitam nostram memoria decurrente, ne cuius officij videamur oblitum? Nihil iam superest, quò spes porrigatur. in illo tamen cardine positi, abire è rebus humanis quàm gratissimi volumus. Est videlicet magna in ipso opere merces rei, & ad alliciendas mentes

mentes hominum ingens honesti potentia: cuius pulchritudo animos circumfudit, & delinitos admiratione luminis ac fulgoris sui rapit. At multa hinc comoda oriuntur. Et tutior est vita melioribus, amorque & secundum bonorum iudicium, ætasque securior, quam innocentia, quam grata mens prosequitur. Fuisset enim iniquissima rerum natura, si hoc tantum bonum miserum, & anceps, & sterile fecisset. Sed illud intueri, an ad istam virtutem, quæ sæpè tuto ac facili aditur, etiam per saxa, & rupes, & feris ac serpentibus obsessum iter, fueris iturus.

§ CAP. XXIII. Non ideo, per se non est expetendum, cui aliquid extrâ quoque emolumenti adhæret. ferè enim pulcherrima quæque, multis & aduenticijs comitata sunt dotibus: sed illas trahunt, ipsa præcedunt. Num dubium est, quin hoc humani generis domicilium, circuitus solis ac lunæ, vicibus suis temperet? quin alterius calore alantur corpora, terræ relaxentur, immodici humores comprimantur, alligantis omnia hiemis tristitia frangatur: alterius tepore efficaci & penetrabili rigetur maturitas frugum? quin ad huius cursum fecunditas humana respondeat? quin ille annum obseruabilem fecerit circumactu suo; hæc mensem, minoribus se spatijs flectens? Ut tamen detrahas ista, non erat ipse sol
ido-

idoneum oculis spectaculum, dignusque adorari, si tantum præteriret? non erat digna suspectu luna, etiam si otiosum fidus transcurreret? Ipse mundus quoties per noctem ignes suos fudit, & tantum stellarum innumerabilium refulsit, quem non intentum in se tenet? quis sibi illa, tunc cum miratur, prodesse cogitat? Adspice ista tacito supernè cœlo labentia, quemadmodum velocitatem suam sub specie stantis atque immoti operis abscondant. Quantum ista nocte, quam tu in numerum ac discrimen dierum observas, agitur? quanta rerum turba sub hoc silentio evoluitur? quantam fatorum seriem certus limes adducit? Ista quæ tu non aliter, quàm in decorem sparsa consideras, singula in opere sunt. Nec enim est, quòd existimes septem sola discurre, cetera hære. paucorum motus comprehendimus: innumerabiles verò, longiusque à conspectu nostro seducti dii, eunt, redeuntque. Et ex his qui oculos nostros patiuntur, plerique obscuro gradu pergunt, & per occultum aguntur. Quid ergo? non caperis tantæ molis aspectu, etiam si te non regat, non custodiat, non foueat, generetque, ac spiritu suo riget?

CAP. XXIV. Quemadmodum hæc cum primum usum habeant, & necessaria vitaliaque sint, maiestas tamen eorum totam mentem occupat: ita omnis virtus,

tus, & in primis illa grati animi, multum quidem præstat, sed non vult ob hoc diligere: amplius quiddam in se habet, nec satis ab eo intelligitur, à quo inter utilia numeratur. Gratus est, quia expedit? ergo & quantum expedit. Non recipit sordidum virtus amatorem: soluto ad illam sinu veniendum est. Ingratus hoc cogitat: Volebam gratiam referre, sed timeo impensam, timeo periculum, vereor offensam; faciam potius, quod expedit. Non potest eadem ratio & gratum facere, & ingratum. Vt diuersa illorum opera, ita inter se diuersa proposita sunt. Ille ingratus est, quamuis non oporteat, quia expedit: hic gratus est, quamuis non expediat, quia oportet.

C A P. X X V. Propositum est nobis secundum rerum naturam viuere, & deorum exemplum sequi: dii autem quodcumque faciunt, in eo nihil præter ipsam faciendi rationem sequuntur. nisi fortè existimas illos fructum operum suorum ex fumo extorere, & turis odore percipere. Vide quanta quotidie moliantur, quanta distribuant, quantis terras fructibus impleant, quàm opportunis & in omnes oras ferentibus ventis maria permoueant, quantis imbribus repente deiectis solum molliant, venasque fontium arentes reintegrent, & infuso per occulta nutrimento renouent. Omnia ista sine mercede, sine vilo ad ipsos perueniente com-

commodo, faciunt. Hæc quoque nostra ratio, si exemplari ab suo non aberrat, seruet, ne ad res honestas conducta veniat. Pudeat vllum venale esse beneficium: gratuitos habemus deos.

CAP. XXVI. Si deos, inquit, imitaris, da & ingratis beneficia. Nam & sceleratis sol oritur, & piratis patent maria. Hoc loco interrogant, an vir bonus daturus sit beneficium ingrato, sciens ingratum esse? Permite mihi aliquid interloqui, ne interrogatione insidiosa capiamur. Duos ex constitutione Stoica accipe ingratos. alter ingratus, quia stultus est. Stultus, etiam malus est: qui malus est, nullo vitio caret: ergo & ingratus est. Sic omnes malos dicimus, intemperantes, avaros, luxuriosos, malignos: non quia ista omnia singulis magna & nota vitia sint, sed quia esse possunt: & sunt, etiamsi latent. Alter est ingratus, qui à vulgo dicitur, in hoc vitium natura pronus & propensus. Illi ingrato, qui sic hac culpa non caret, quomodo nulla caret, dabit beneficium vir bonus. nulli enim dare poterit, si tales homines submouerit. Huic ingrato, qui beneficiorum fraudator est, & in hanc partem procubuit animo, non magis dabit beneficium, quàm decoctori pecuniam credet, aut depositum committet ei, qui iam pluribus abnegauit. Timidus dicitur aliquis, quia stultus est: & hoc quidem malos sequitur,

tur, quos indiscreta & vniuersa vitia circumstant. dicitur timidus propriè, natura etiam ad inanes sonos pavidus. Stultus omnia vitia habet, sed non in omnia natura pronus est. alius in avaritiam, alius in luxuriam, alius in petulantiam inclinatur.

C A P. XXVII. Itaque errant illi, qui interrogant Stoicos: Quid ergo? Achilles timidus est? Quid ergo? Aristides, cui iustitia nomen dedit, iniustus est? Quid ergo? & Fabius, qui cunctando restituit rem, temerarius est? Quid ergo? Decius mortem timet? Mucius proditor est? Camillus desertor? Non hoc dicimus, sic omnia vitia esse in omnibus, quomodo in quibusdam singula eminent: sed malum ac stultum nullo vitio vacare. nec audacem quidem timoris absoluiamus: ne prodigum quidem avaritia liberamus. Quomodo omnes sensus habet, nec ideo tamen omnes homines aciem habent Lynceo similem: sic qui stultus est, non tam actia & concitata habet omnia, quàm quidam quædam. Omnia in omnibus vitia sunt: sed non omnia in singulis exstant. Hunc natura ad avaritiam impellit: hic libidini, hic vino deditus est: aut si nondum deditus, ita formatus, ut in hoc illum mores sui ferant. Itaque ut ad propositum reuertar, nemo non ingratus est, qui malus est: habet enim omnia nequitiae semina: tamen propriè

priè ingratus appellatur, qui ad hoc vitium vergit. huic ergo beneficium non dabo. Quomodo malè filiè consulit, qui illam contumelioso & sæpè repudiato collocavit: quomodo malus paterfamilias habebitur, qui negotiorum gestorum damnato, patrimonij sui curam mandauerit: quomodo dementissimè testabitur, qui tutorem filio reliquerit, pupillorum spoliatores: sic pessimè beneficia dare dicetur, quicumque ingratos eligit, in quos peritura conferat.

CAP. XXVIII. Dij quoque, inquit, multa ingratis tribuunt. Sed illa bonis parauerant: contingunt autem etiam malis, quia separari non possunt. Satiùs est autem, prodesse etiam malis propter bonos, quàm bonis deesse propter malos. Ita, quæ refers, diem, solem, hiemis æstatisque cursus, & media veris autumnique temperamenta, imbres, & fontium haustus, ventorum statos flatus, pro vniuersis inuenerunt: excerpere singulos non potuerunt. Rex honores dignis dat, congiarium & indignis: Frumentum publicum tam fur quàm periurus & adulter accipiunt, & sine delectu morum, quisquis ciuis est. cùm aliquid est, quod tanquam ciui, non tanquam bono datur, ex æquo boni ac mali ferunt. Deus quoque quædam in vniuersum humano generi dedit, à quibus excluditur nemo. nec enim poterat fieri,

ut ventus bonis viris secundus esset, contrarius malis: commune autem bonum erat patere commercium maris, & regnum humani generis relaxari. Nec poterat lex casuris imbris dici, ne in malorum improborumque rura defluerent. Quædam in medio ponuntur. Tam bonis quam malis conduntur vrbes: monumenta ingeniorum, & ad indignos peruentura, publicauit editio: medicina & sceleratis opem ministrat. Compositiones remediorum salutarium nemo suppressit, ne sanarentur indigni. In his exige censuram, & personarum æstimationem, quæ separatim tanquam digno dantur: non in his, quæ promiscuè turbam admittunt. Multum enim refert, vtrum aliquem non excludas, an eligas. Ius fori omnibus dicitur: pace etiam homicidæ fruuntur: sua repetunt, etiam qui aliena rapuerunt. Percussiores, & domi ferrum exercentes, murus ab hoste defendit: legum præsidio, qui plurimum in illas peccauerunt, proteguntur. Quædam non poterant certis contingere, nisi vniuersis darentur. Non est itaque quod de istis disputes, ad quæ publicè inuitati sumus: illud quod iudicio meo ad aliquem peruenire debet, ei quem ingratum sciam, non dabo.

CAP. XXIX. Ergo, inquit, nec consilium deliberanti dabis ingrato, nec aquam haurire permittes, nec viam er-
ranti

ranti monstrabis? an hæc quidem facies, sed nihil donabis? Distinguaui istud: certè tentabo distinguere. Beneficium, est opera utilis, sed non omnis opera utilis beneficium est. Quædam enim tam exigua sunt, ut beneficii nomen non occupent: Duæ res coire debent, quæ beneficium efficiant. Primum, rei magnitudo: quædam enim sunt infra huius nominis mensuram. Quis beneficium dixit, quadram panis, aut stipem æris abjecti, aut ignis accendendi factam potestatem? & interdum ista plus prosunt, quàm maxima: sed tamen vilitas sua illis, etiam ubi tempore facta sunt necessaria, detrahit pretium. Deinde quod potissimum est, oportet accedat: ut eius causâ faciam, ad quem volebam peruenire beneficium; dignumque eum iudicem, & libens id tribuam, percipiensque ex munere meo gaudium, quorum nihil est in istis, de quibus loquebamur. Non enim tanquam dignis illa tribuimus, sed negligenter tanquam parua: & non homini damus, sed humanitati.

C A P. X X X. Aliquando daturum me etiam indignis quædam non negaverim, in honorem aliorum: sicut in petendis honoribus quosdam turpissimos nobilitas industriis, sed novis, prætulit. Non sine ratione, sacra est magnarum virtutum memoria: & esse plures bonos iuvat, si gratia bo-

norum non cum ipsis cadat. Cicero-
nem filium quæ res consulem fecit,
nisi pater? Cinnam nuper quæ res ad
consulatum recepit ex hostium castris?
quæ Sextum Pompeium, aliosque Pom-
peios, nisi vnius viri magnitudo? tanta
quidem, ut satis altè omnes suos etiam
ruina eius attolleret. Quid nuper Fa-
bium Persicum, cuius oſculum etiam
impuri vitabant, sacerdotem non in vno
collegio fecit, nisi Verrucosi, & Allobro-
gici, & illi trecenti, qui hostium incur-
ſioni pro rep. vnā domum obiecerant?
Hoc debemus virtutibus, ut non præ-
sentes solum illas, sed etiam ablatas è
conſpectu colamus. Quomodo illæ id
egerunt, ut non in vnā atatem prodes-
sent, sed beneficia sua etiam post ipsas
relinquerent: ita & nos non vnā atate
grati sumus. Hic magnos viros genuit,
dignus est beneficiis, qualiscumque est:
dignos dedit. Hic egregiis maioribus
ortus est: qualiscumque est, sub vmbra
suorum lateat. Ut loca sordida reper-
cussu solis illustrantur, ita inertes maio-
rum suorum luce resplendeant.

C A P. XXXI. Excusare hoc loco,
mi Liberalis, deos volo. Interdum enim
ſolemus dicere: Quid sibi voluit prou-
identia, quæ Aridæum regno imposuit?
Illi putas hoc datum? patri eius datum
est, & fratri. Quare C. Cæsarem orbi ter-
rarum præfecit, hominem humani san-
guinis

guinis auidissimum, quem non aliter
fluere in conspectu suo iubebat, quàm si
ore excepturus esset? Quid? ergo tu illi
hoc datum existimas? patri eius Ger-
manico datum, datum aucto, proa-
uoque, & ante hos aliis non minùs
claris viris, etiam si priuati paresque
aliis vitam exegerunt. Quid tu, cum
Mamercum Scaurum Cos. faceres, igno-
rabas ancillarum suarum menstruum
ore illum hiantem exceptare? Numquid
enim ipse dissimulabat? numquid purus
videri volebat? Referam dictum tibi eius
in se, quod circumferri memini, & ipso
præsente laudari. Pollioni Asinio iacen-
ti, obscæno verbo usus, dixerat se factu-
rum id quod patri malebat. & cum Pol-
lionis attractiorem vidisset frontem:
Quidquid, inquit, mali dixi, mihi &
capiti meo. Hoc dictum suum ipse nar-
rabat. Hominem tam palam obscænum,
ad fasces, & ad tribuna! admisisisti? nem-
pe dum veterem illum Scaurum, senatus
principem cogitas, indignè fers sobolem
eius iacere.

CAP. XXXII. Deos videre est, ut
alios indulgentius tractent, propter pa-
rentes auosque, alios propter futuram
nepotum pronepotumque, ac longè se-
quentium posterorum indolem. Nota
est enim illis operis sui series. omnium
illis rerum per manus suas iturarum scien-
tia in aperto semper est: nobis ex abdito

subit. & quæ repentina putamus, illis prouisa veniunt ac familiaria. Sint hi reges, quia maiores eorum non fuerunt, quia pro summo imperio habuerunt iustitiam, abstinentiam, quia non reip. sibi, sed se reip. dicauerunt. Regnent hi, quia vir bonus quidam proauus eorum fuit: qui animum supra fortunam gessit, qui in dissensione ciuili, quoniam ita expediebat reip. vinci quàm vincere maluit. Referrî illi gratia tam longo spatio non potuit. in illius respectum iste populo præsideat: non quia scit aut potest, sed quia alius pro eo meruit. Hic corpore deformis est, ad spectu foedus, & ornamenta sua traducturus. iam me homines accusabunt, cæcum & temerarium dicent, nescientem quo loco, quæ summis ac excellentissimis debentur, ponam. At ego scio, alij me istud dare, alij olim debitum soluere. Vnde isti norût illum quemdam, gloriæ sequentis fugacissimum, eo vultu ad pericula euntem, quo alij ex periculo redeunt? nunquam bonum suum à publico distinguentem? Vbi, inquis, iste, aut quis est? apud me istæ expensorum acceptorumque rationes dispunguntur. Ego quid cui debeam, scio. aliis post longam diem repono, aliis in antecessum: ac prout occasio, & reip. meæ facultas tulit.

CAP. XXXIII. Ingrato ergo aliquando quædam, sed non propter ipsum dabo.

dabo. Quid si, inquit, nescis, verum gratus sit, an ingratus? expectabis. donec scias, an dandi beneficij tempus non amittes? Expectare longum est. nam (ut Plato ait) difficilis humani animi coniectura est: non expectare, temerarium est. Huic respondebimus, nunquam expectare nos certissimam rerum comprehensionem: quoniam in arduo est veri exploratio: sed eà ire, quà ducit. veri similitudo. Omne hac via procedit officium. sic serimus, sic nauigamus, sic militamus, sic vxores ducimus, sic liberos tollimus: cum omnium horum incertus sit euentus. Ad ea accedimus, de quibus bene sperandum esse credimus. Quis enim pollicetur serenti prouentum, nauiganti portum, militanti victoriam, marito pudicam vxorem, patri pios liberos? Sequimur quà ratio, non quà veritas trahit. Expecta, ut nisi bene cessura non facias, & nisi comperita veritate nihil moueris: relictò omni actu vita consistit. Dum verisimilia me in hoc aut in illud impellant, non verebor beneficium dare ei, quem verisimile erit gratum esse.

CAP: XXXIV. Multa, inquit, interuenient, per quæ & malus pro bono surrepat, & bonus pro malo displiceat. fallaces enim sunt rerum species, quibus credimus. Quis negat? sed nihil aliud inuenio, per quod cogitationem regam. His veritas mihi vestigiis sequenda est:

certiora non habeo. Hæc ut quàm diligentissimè æstimem, operam dabo, nec citò illis assentiar. Sic enim in prælio potest accidere, ut telum meum in comilitonem manus dirigat, aliquo errore decepta; & hosti, tamquam meo, parcam. sed hoc & rarò accidet, & non vitio meo: cui propositum est hostem ferire, ciuem defendere. Si sciam ingratum esse, non dabo beneficium. At obrepfit, at imposuit: nulla hic culpa tribuentis est, quia tamquam grato dedi. Si promiseris, inquit, te daturum beneficium, & postea ingratum esse scieris, dabis, an non? Si facis, sciens peccas: das enim cui non debes. si negas, & hoc modo peccas: quia non das ei, cui promisisti. Secta vestra hoc loco titubat, & illud superbum promissum, numquam sapientem facti sui poenitere, nec umquam emendare quod fecerit, nec mutare consilium. Non mutat sapiens consilium, omnibus his manentibus quæ erant, cum sumeret. Ideò numquam illum poenitentia subit: quia nihil melius illo tempore fieri potuit, quàm quod factum est: nihil melius constitui, quàm quod constitutum est. Ceterum ad omnia cum exceptione veniet, si nihil inciderit quod impediatur: ideò omnia illi succedere dicimus, & nihil contra opinionem accidere, quia præsumit animo, posse aliquid interuenire, quod destinata prohibeat. Imprudentium ista

fiducia

fiducia est, fortunam sibi spondere: sapiens utramque partem eius cogitat. scit quantum liceat errori, quam incerta sine humana, quam multa consiliis obstant. ancipitem rerum ac lubricam sortem suspensus sequitur, & consiliis certis incertos euentus. Exceptio autem, sine qua nihil destinatur, nihil aggreditur, & hic illuminatur.

C.A.P. XXXV. Promisi beneficium, nisi si quid incidisset, quare non deberent dare. Quid enim, si quod illi pollicitus sum, patria sibi me dare iusserit? Si lex lata erit, ne id quisquam faciat, quod ego me amico meo facturum promiseram? Promisi tibi filiam in matrimonium: postea peregrinus apparuisti: non est mihi cum extraneo connubium. Eadem lex me defendit, quæ vetat. Tunc fidem fallam, tunc inconstantia crimen audiam, si eum omnia eadem sint, quæ erant promittente me, non prætitero promissum: alioquin quidquid mutatur, libertatem facit de integro consulendi, & meam fidem liberat. Promisi aduocationem: postea apparuit per illam causam præiudicium in patrem meum quæri: promisi me peregrè vnà exiturum: sed iter infestari latrociniiis nunciatur. in rem præsentem venturus fui: sed æger filius, sed præperæ vxor tenet. Omnia esse debent eadem, quæ fuerunt cum promitterem, ut promittentis fidem teneas. Quæ autem ma-

ior fieri mutatio potest, quàm si te malum virum & ingratum comperi? quod tamquam digno dabam, indigno negabo, & irascendi quoque causam habebō deceptus.

CAP. XXXVI. Inspiciam tamen, & quantum sit de quo agitur: dabit mihi consilium promissæ rei modus. Si exiguum est, dabo: non quia dignus es, sed quia promisi. nec tamquam munus dabo, sed verba mea redimam, & aurem mihi peruellam: damno castigabo promittendi temeritatem. Ecce ut doleat, ut postea consideratiùs loquaris: quod dicere solemus, linguarium dabo. Si maius erit, non committam (quemadmodum Mecænas ait) ut sestertio centies obiurgandus sim. Inter sese enim utrumque comparabo. Est aliquid, in eo quod promiseris, perseverare: est rursus multum in eo, ne indigno beneficium des. Hoc tamen quantum sit, attendendum. si leue, conuiueamus: si verò magno mihi aut detrimento, aut rubori futurum, malo semel excusare, quare negauerim, quàm semper, quare dederim. Totum, inquam, in eo est, quanti promissi mei verba taxentur. Non tantùm quod temerè promisi, retinebo, sed quod non rectè dedi, repetam. Demens est, qui fidem præstat errori.

CAP. XXXVII. Philippus Macedonum rex habebat militem manu fortem, cuius in multis expeditionibus
vilem

utilem expertus operam, subinde ex præda aliquid illi virtutis causa donauerat, & hominem vanalis animæ crebris auctoramentis accendebat. Hic naufragus in possessiones cuiusdam Macedonis expulsus est. quod ut Macedoni illi nuntiatum est, accucurrit, spiritum eius recollegit, in villam illum suam transtulit, lectulo suo cecidit, affectum, semianimemque recreauit, diebus triginta impensa sua curauit, refecit, viatico instruxit, subinde dicentem: Gratiam tibi referam. videre tantum mihi imperatorem meum contingat. Narrauit Philippo naufragium suum, auxilium tacuit, & protinus petiit, ut sibi prædia cuiusdam donaret. Ille quidam erat hospes eius, is ipse, à quo receptus erat, à quo sanatus. Multa interim reges, in bello præfertim, opertis oculis donant. non sufficit homo iustus vnus tot armatis cupiditatibus. non potest quisquam eodem tempore & bonum virum, & bonum ducem agere. Quomodo tot millia hominum insatiabilia satiabuntur? quid habebunt, si suum quisque habuerit? Hoc Philippus sibi dixit, cum illum induci in bona quæ petebat iussit. Expulsus bonis suis ille, non ut rusticus iniuriam tacitus tulit, contentus quòd non & ipse donatus esset: sed Philippo epistolam strictam ac liberam scripsit: qua accepta ita exarsit, ut statim Pausaniæ

mandaret, bona priori domino restitueret. ceterum improbissimo militi, ingratiſſimo hoſpiti, auidiſſimo naufragō, ſtigmata inſcriberet, ingratum hoſpitem teſtanta. Dignus quidem fuit, cui non inſcriberentur illæ litteræ, ſed inſculperentur, qui hoſpitem ſuum, nudo & naufragō ſimilem, in id in quo iacuerat ipſe littus expulerat. Sed videbimus, quis modus pœnæ ſeruandus fuerit: auferendum utique fuit, quod ſummo ſcelere inuaſerat. Quis autem pœna eius moueretur, qui id commiſerat, propter quod nemo miſerari miſeros poſſet?

CAP. XXXVII. Dabit tibi Philippus quia promiſit, etiam ſi non debet, etiam ſi iniuriam, etiam ſi ſcelus facturus eſt, etiam ſi vno facto præcluſurus eſt naufragis litora? Non eſt leuitas, à cognito & damnato errore diſcedere: & ingenuè fatendum eſt: Aliud putauī: deceptus ſum. Hæc verò ſuperbæ ſtultitiæ perſeuerantia eſt: Quod ſemel dixi, qualecunque eſt, fixum ratumque ſit. Non eſt turpe, cum re mutare conſilium. Age, ſi Philippus poſſeſſorem illum eorum littorum reliquiſſet, quæ naufragio ceperat, nōne omnibus miſeris aqua & igni interdixerat? Potius eſt, inquit, intra fines regni mei, te litteras iſtas oculis inſcribendas, duriffima fronte circumferre. oſtende quā ſacra res ſit menſa hoſpitalis. præbe in facie
tua

tua legendum istud decretum, quo caue-
tur, ne miseris tecto iuare capitale sit.
Magis ista constitutio sic erit rata, quàm
si illam in æs incidissem.

CAP. XXXIX. Quare ergo, in-
quit, Zeno vester, cum quingentos dena-
rios mutuos cuidam promississet, & illum
parum idoneum comperisset, amicis sua-
dentibus ne daret, perseverauit credere,
quia promiserat? Primum alia conditio
est in credito, alia in beneficio. Pecuniæ,
etiam malè creditæ, exactio est. & appel-
lare debitorem ad diem possum, & si fo-
ro cesserit, portionem feram. beneficium
& totum perit, & statim. Præterea hoc
mali viri est, illud mali patrisfamilia. Deinde ne Zeno quidem, si maior fuisset
summa, credere perseverasset. Quingen-
ti denarii sunt. Illud quod dici solet, in
morbo consumat. fuit tanti, non reuoca-
re promissum suum. Ad cœnam quia pro-
misi, ibo, etiam si frigus erit; non qui-
dem, si niues cadent. Surgam ad sponsa-
lia, quia promisi, quamuis non concoxe-
rim: sed non, si febricitauero. Sponsum
descendam, quia promisi: sed non si
spondere in incertum iubebis, si fisco
obligabis. Subest, inquam, tacita exee-
ptio, si potero, si debebo, si hæc ita erunt.
Effice, ut idem status sit, cum exigitur,
qui fuit cum promitterem. destituere le-
uitas non erit, si aliquid interuenit noui.
Quid miraris, cum conditio promittentis
muta-

mutata sit, mutatum esse consilium? eadem mihi omnia præsta: & idem sum. Vadimonium promittimus, tamen deferitur. Non in omnes datur actio. deferentem vis maior excusat.

C A P. X L. Idem etiam illa in quaestione responsum existima, an omnimodo referenda sit gratia, & an beneficium utique reddendum sit. Animum præstare gratum debeo: ceterum aliquando me referre gratiam non patitur mea infelicitas, aliquando felicitas eius cui debeo. Quid enim regi, quid pauper diuiti reddam? utique cum quidam recipere beneficium, iniuriam iudicent, & beneficia subinde alijs beneficijs onerent. Quid amplius in horum personam possum, quam velle? nec enim ideò beneficium nouum reijcere debeo, quia nondum prius reddidi. Accipiam tam libenter, quam dabitur: & præbebo me amico meo exercendæ bonitatis suæ capacem materiam. Qui noua accipere non vult, acceptis offenditur. Non refero gratiam. quid ad rem? non est per me mora, si aut occasio mihi deest, aut facultas. Ille præstitit mihi. nempe cum occasionem haberet, cum facultatem. Vtrum bonus vir est, an malus? apud bonum virum, bonam causam habeo: apud malum, non ago. Ne illud quidem existimo faciendum, ut referre gratiam, etiam inuitis his quibus refertur, properemus, & inste-

mus

mus cedentibus . Non est referre gratiam , quod volens acceperis , nolenti reddere . Quidam , cum aliquod illis missum est munusculum , subinde aliud intempestivè remittunt , & nihil se debere testantur . Reijciendi genus est , protinus aliud inuicem mittere , & munus munere expungere . Aliquando & non reddam beneficium cum possim , quando plus mihi detractus ero , quàm illi collaturus : si ille non erit sensurus ullam accessionem recepto eo , quo reddito , mihi multum abscissurum erit . Qui festinat utique reddere , non habet animum grati hominis , sed debitoris . Et breuiter dicam , qui nimis citò cupit soluere , inuitus debet : qui inuitus debet , ingratus est.

LIBER QUINTVS.

CAPVT I.

IN prioribus libris videbar consummasse propositum , cum tractassem , quemadmodum dandum esset beneficium , & quemadmodum accipiendum . hi enim sunt huius officij fines . Quidquid vltra moror , non seruió materiæ , sed indulgeo : quæ quò ducit , sequendum est , non quò inuitat . Subinde enim nascetur , quod lacessat aliqua dulcedine animum , magis non necessarium , quàm superuacuum . Verùm quia ita vis , perseueremus , peractis

cet, velut magnificè dictum: Turpe est beneficijs vinci. quod an sit verum, non immeritò quæri solet: longèque aliud est, quàm mente concipis. Nunquam enim in rerum honestarum certamine superari turpe est: dummodo arma non proijcias, & victus quoque velis vincere. Non omnes ad bonum propositum easdem afferunt vires, easdem facultates, eandem fortunam: quæ optimorum quoque consiliorum, duntaxat exitus, temperat. Voluntas ipsa rectum petens, laudanda est, etiam si illam alius gradu velociori antecessit. non ut in certaminibus, ad spectaculum editis, meliorem palma declarat: quamquam in illis quoque sæpè deteriores prætulit casus. Vbi de officio agitur, quod uterque à sua parte esse quàm plenissimum cupit, si alter plus potuit, & ad manū habuit materiā sufficientē animo suo, si illi, quantum conatus est, fortuna permisit; alter autem voluntate par est, etiā si minora quā accepit reddidit, aut omnino non reddidit, sed vult reddere, & toto in hoc intentus est animo: hic non magis victus est, quā qui in armis moritur. quem occidere facilius hostis potuit, quàm auertere. Quod turpe existimas, id accidere viro bono non potest, ut vincatur. numquam enim succumbet. nunquam renunciabit. ad ultimum usque diem vitæ stabit paratus, & in hac statione morietur: magna se accepisse

beneficijs : si scit debere, si vult referre, si quod rebus non potest, animo æquat . Hic, quàm diu in hoc permanet, quàm diu tenet voluntatem, gratum animum signis approbat: quid interest, ab vtra parte munuscula plura numerentur? Tu multa dare potes : at ego tantum accipere possum. tecum stat fortuna: mecum bona voluntas . tamen tam par tibi sum, quàm multis armatissimis nudi, aut leuiter armati . Nemo itaque beneficijs vincitur : quia tam gratus est quisque, quàm voluit. Nam si turpe est beneficijs vinci, non oportet à præpotentibus viris accipere beneficium, quibus gratiam referre non possis . A principibus dico, à regibus : quos eo loco fortuna posuit, ex quo largiri multa possent, pauca admodum & imparia datis recepturi . Reges & principes dixi, quibus tamen potest opera nauari, & quorum illa excellens potentia per animorum consensum ministeriumque constat . Sunt quidam extra omnem subducti cupiditatem, qui vix vllis humanis desiderijs continguntur : quibus nihil potest præstare ipsa fortuna . Necesse est à Socrate beneficio vincar : necesse est à Diogene, qui per medias Macedonum gazas nudus incescit, calcatis regijs opibus . Nonne ille tunc meritò & sibi & ceteris, quibus ad dispiciendam veritatem non erat offusa caligo, supra eum eminere visus est, infra quem omnia iace-

iacebant? Multo potentior, multo locupletior fuit, omnia tunc possidente Alexandro. plus enim erat, quod hic nollet accipere, quàm quod ille posset dare.

CAP. V. Non est turpe, ab his vinci. neque enim minùs fortis sum, si cum invulnerabili me hoste committis: nec idcò ignis minùs vrere potest, si in materiam incidit inviolabilem flammis: nec idcò ferrum secandi vim perdidit, si non recipiens ictum lapidis solidus, inuictæque aduersus dura naturæ, diuidendus est. Idem tibi de homine grato respondeo. Non turpiter vincitur beneficijs, si ab his obligatus est, ad quos aut fortunæ magnitudo, aut eximia virtus aditum redituris ad se beneficijs clauit. A parentibus ferè vincimur. nam tam diu illos odio habemus, quàm diu graues iudicamus, & quàm diu beneficia illorum non intelligimus. Cùm iam ætas aliquid prudentiæ collegit, & apparere cœpit, propter illa ipsa eos amari à nobis debere, propter quæ non amabantur, admonitiones, seueritatem, & inconsultæ adolescentiæ diligentem custodiam, rapiuntur nobis. Paucos vsque ad verum fructum à liberis percipiendum perduxit ætas: ceteri liberos onere senserunt. Non est tamen turpe, vinci beneficijs à parente: quidni non sit turpe, cùm à nullo turpe sit? Quibusdam enim & pares, & impares sumus. pares animo, quem solum illi exigunt,

gant, quem nos solum promittimus: impares fortuna, quæ si cui obstitit quò minus referret gratiam, non ideò illi tantquam victo erubescendum est. Non est turpe, non consequi, dummodo sequaris. Sæpè necesse est, antè alia beneficia petamus, quàm priora reddidimus. Nec ideò non petimus, aut turpiter petimus, quia non reddituri debebimus: quia non per nos erit mora, quò minus gratissimi simus. Sed interueniet aliquid extrinsecus, quod prohibeat. nos tamen nec vincedur animo, nec turpiter his rebus superabimur, quæ non sunt in nostra potestate.

C A P. V I. Alexander Macedonum rex gloriari solebat, à nullo se beneficijs victum: Non est quod nimius animi Macedonas, & Græcos, & Caras, & Persas, & nationes districtas sine exercitu suspiciat: ne hoc sibi præstitisse regnum, à Thraciæ angulo porrectum usque ad litus incogniti maris, iudicet. Eadem re gloriari Socrates potuit, eadem Diogenes, à quo victus est. Quid ni victus sit illo die, quo homo supra mensuram humanæ superbiæ tumens, vidit aliquem, cui nec dare quidquam posset, nec eripere? Archelaus rex Socratem rogauit, vt ad se veniret. dixisse Socrates traditur, Nolle se ad eum venire, à quo acciperet beneficia, cùm reddere illi paria non posset. Primum, in ipsius potestate

stare erat, non accipere : deinde ipse dare beneficium prior incipiebat . Veniebat enim rogatus , & id dabat , quod utique ille non erat Socrati redditurus . Etiamnum Archelaus daturus erat aurum & argentum , recepturus contemptum auri & argenti . Non poterat ergo Archelao referre Socrates gratiam ? & quid tantum erat accepturus , quantum dabat , si ostendisset hominem vitæ ac mortis peritum , utriusque fines tenentem ? Si regem, in luce media errantem, ad rerum naturam admisisset , usque eò eius ignarum , ut quo die solis defectio fuit , regiam cluderet ; & filium (quod in luctu ac rebus aduersis moris est) tonderet ? Quantum fuisset beneficium, si timentem è latebris suis extraxisset , & bonum animum habere iussisset , dicens : Non est ista solis defectio ; sed duorum siderum coitus , cum luna humiliore currens via , infra ipsum solem , orbem suum posuit , & illum obiectu sui abscondit : quæ modò partes eius exiguas , si in transcurso strinxit , obducit ; modò plus regit, si maiorem partem sui obiecit : modò excludit totius adspectum , si recto libramento inter solem terrasque media successit ? Sed iam ista sidera huc & illò diducet velocitas sua . iam recipient diem terræ , & hic ibit ordo per sæcula : quæ dispositos ac prædictos dies habent, quibus sol intercurso lunæ vetetur omnes radios

radios effundere. Paullum expecta. iam emerget, iam istam velut nubem relinquet, iam exsolutus impedimentis, lucem suam liberè mittet. Socrates parem gratiam Archelao referre non posset, si illum docuisset regnare? parum scilicet magnum beneficium à Socrate accipiebat, si vllum dare potuisset Socrati? Quare ergo hoc Socrates dixit? Vt factus, & cuius per figuras sermo procedere solitus erat, derisor omnium, maximè potentium, maluit illi vafre negare, quàm contumaciter ac superbè. Dixit se nolle beneficia ab eo accipere, cui non posset paria reddere. Timuit fortasse, ne cogeretur accipere quæ nollit: timuit, ne quid indignum Socrate acciperet. Dicit aliquis: Negaret, si nollit. Sed instigasset in se regem insolentem, & omnia sua magno æstimari volentem. Nihil ad rem pertinet, vtrum dare aliquid regi nolis, an accipere à rege: in æquo vtramque ponit repulsam. & superbo fastidiri acerbius est, quàm non timeri. Vis scire, quid verè voluerit? Nolluit ire ad voluntariam seruitutem is, cuius libertatem ciuitas libera ferre non potuit.

C A P. VII. Satis (vt existimo) hanc partem tractauimus, an turpe esset beneficijs vinci: quod qui quærit, scit non solere homines sibi ipsis beneficium dare. manifestum enim fuisset, non esse turpe à
se-

seipſo vinci: Atqui apud Stoicos quosdam & de hoc ambigitur, an poſſit aliquis ſibi beneficium dare? an debeat referre ſibi gratiam? quod vt videretur querendum, illa fecerunt. Solemus dicere, *Gratias mihi ago*, &, *De nullo queri poſſum alio, quàm de me*: Ego mihi irasco, &, Ego à me pœnas exigam. &, Odi me: multa prætereà huiusmodi, per quæ vnusquisque de ſe, tamquam de altero loquitur. Si nocere, inquit, mihi poſſum: quare non & beneficia mihi dare poſſum? Prætereà quæ ſi in alium contuliſſem, beneficia vocarentur: quare ſi in me contuli, non ſint? Quod ſi ab altero accepiſſem, deberem; quare ſi mihi ipſe dedi, non debeam? Quare ſim aduerſus me ingratus, quod non minùs turpe eſt, quàm in ſe ſordidum eſſe, & in ſe durum ac ſæuum, & ſui negligentem? Tam alieni corporis leno malè audit, quàm ſui. Nempe reprehenditur aſſentator, & aliena ſubſequens verba, paratus ad falſa laudator: non minùs placens ſibi, & ſe ſuſpiciens, &, vt ita dicam, aſſentator ſuus. Vitia non tantùm cùm foris peccant, inuiſa ſunt, ſed cùm in ſe retorquentur. Quem magis admiraberis, quàm qui imperat ſibi, quàm qui ſe habet in poteſtate? Gentes facilius eſt barbaras, impatientesque alieni arbitrij, regere, quàm animum ſuum continere, & tradere ſibi. Plato, inquit, agit Socrati gratias, quòd ab illo didicit: qua-

re

re Socrates non agat, quod ipse se docuit? M. Cato ait: Quod tibi deest, à teipso mutare. quare donare mihi non possum, si commodare possum? Innumerabilia sunt, in quibus consuetudo nos diuidit. Dicere solemus: Sine tu, loquar tecum: & Ego mihi aurem peruellam. Quæ si vera sunt, quemadmodum aliquis sibi irasci debet, sic & gratias agere: quomodo obiurgare se, sic & laudare: quomodo damno sibi esse, sic & lucro potest. Iniuria & beneficium, contraria sunt. si de aliquo dicimus, Iniuriam sibi fecit: poterimus dicere, Beneficium sibi dedit.

CAP. VIII. Nemo sibi debet. natura prius est, ut quis debeat, deinde ut gratiam referat. debitor non est sine creditore, non magis quam maritus sine uxore, aut sine filio pater. Aliquis dare debet, ut aliquis accipiat: non est dare, nec recipere, in dexteram manum de sinistra transferre. Quomodo nemo se portat, quamuis corpus suum moueat & transferat: quomodo nemo, quamuis pro se dixerit, affuisse sibi dicitur, nec statuat sibi tamquam patrono ponit: quomodo si æger cum cura sua conualluit, mercedem à se non exigit: sic in omni negotio, etiam cum aliquis probè fecerit, non tamen debet referre gratiam sibi, quia non habebit, cui referat. Ut concedam aliquem dare sibi beneficium; dum dat, & recepit. ut concedam aliquem à se ac-

cipere beneficium, dum accipit, reddit. Domi (quod aiunt) versura fit, & velut lusorium nomen statim transit. Neque enim alius dat, quàm qui accipit, sed vnus atque idem. Hoc verbum DEBERE, non habet nisi inter duos locum: quomodo ergo in vno consistit, qui se obligando liberat? Vt in orbe ac pila nihil est imum, nihil summum, nihil extremum, nihil primum, quia motu ordo mutatur, & quæ sequebantur præcedunt, & quæ occidebant oriuntur, omnia quomodocunque ierint, in idem reuertuntur: ita in homine existima fieri. cùm illum in multa mutaueris, vnus est. Cecidit se: iniuriarum cum quo agat, non habet. alligauit & clausit: de vi non tenetur. beneficium sibi dedit: protinus danti reddidit. Rerum natura nihil dicitur perdere, quia quidquid illi auellitur, ad illam redit: nec perire quidquam potest, quod quò excidat non habet, sed eodem reuoluitur vnde discedit. Quid simile, inquit, habet hoc exemplum propositæ quæstioni? dicam. Puta te ingratum esse, non peribit beneficium: habet illud, qui dedit. puta te recipere nolle: apud te est, antequam redditur. Non potes quidquam amittere: quia quod detrahitur, nihilominus tibi acquiritur. Intra te ipsum orbis agitur. accipiendo das, dando accipis.

CAP. IX, Beneficium, inquit, sibi
dare

dare oportet: ergo & referre gratiam oportet. Primum illud falsum est, ex quo pendent sequentia. Nemo enim sibi beneficium dat, sed naturæ suæ paret, à qua ad caritatem sui compositus est: vnde illi summa cura est nocitura vitandi, profutura appetendi. Itaque nec liberalis est, qui sibi donat: nec clemens, qui sibi ignoscit: nec misericors, qui malis suis tangitur. Quod aliis præstare liberalitas est, clementia, misericordia: sibi præstare natura est. Beneficium res voluntaria est: at prodesse sibi, necessarium est. Quò quis plura beneficia dedit, beneficentior est. Quis umquam laudatus est, quòd sibiipsum fuisset auxilio? quòd se eripuisset latronibus? nemo sibi beneficium dat, non magis quàm hospitium: nemo sibi donat, non magis quàm credit. Si dat sibi quisque beneficium, semper dat, sine intermissione dat: inire beneficiorum suorum non potest numerum. Quomodo ergo gratiam referet, cùm per hoc ipsum, quo gratiam refert, beneficium det? Quomodo enim discernere poterit, utrùm det sibi beneficium, an reddat, cùm intra eundem hominem res geratur? Liberaui me periculo: beneficium mihi dedi. iterùm me periculo libero: do beneficium, an reddo? Deinde ut primum illud concedam, dare nos beneficium nobis: quod sequitur, non concedam. nam etiam si damus, non debemus. quare? quia statim

recipimus . Accipere beneficium nos oportet, deinde debere, deinde referre. Debendi locus non est, quia sine vlla mora recipimus . Dar nemo, nisi alteri: debet nemo, nisi alteri: reddit nemo, nisi alteri. id intra vnum non potest fieri, quod toties duos exigit.

CAP. X. Beneficium est, præstitisse aliquid utiliter . verbum autem Præstitisse, ad alios spectat . Numquid non demens videbitur, qui aliquid vendidisse sibi se dicet? quia venditio alienatio est, & rei suæ, iurisque sui, in alium translatio . Atqui quemadmodum vendere, sic dare aliquid, à se dimittere est, & id quod tenueris, habendum alteri tradere . Quod si est, beneficium nemo sibi dedit: quia nemo dat sibi aliquid . Duo contraria in vnum coeunt, vt idem sit dare, & accipere. Sed etiamnum multum interest, inter dare, & accipere. quidni? cùm ex diuerso ista verba posita sint. atqui si quis sibi beneficium dat, nihil interest iuter dare & accipere . Paulloantè dicebam, quædam ad alios pertinere, & sic esse formata, vt tota significatio illorum discedat à nobis . Frater sum, sed alterius . nemo est enim suus frater . Par sum, sed alicui . quis est enim par sibi? Quod comparatur, sine altero non intelligitur: quod iungitur, sine altero non est . Si & quod datur, sine altero non est: & beneficium sine altero non est . Id ex ipso vocabulo apparet,

ret, in quo hoc continetur, benefecisse. Nemo autem sibi benefacit; non magis quàm sibi fauet, quàm suarum partium est. Diutius hoc & pluribus exemplis licet prosequi. quidni? cum inter ea sit habendum beneficium, quæ secundam personam desiderant. Quædam cum sint honesta, pulcherrima, summæ virtutis, nisi cum altero non habent locum. Laudatur, & inter maxima humani generis bona, fides colitur. num quis ergo dicitur sibi fidem præstitisse?

C A P. X I. Venio nunc ad ultimam partem. Qui gratiam refert, aliquid debet impendere, sicut qui solvit pecuniam: nihil autem impendit, qui gratiam sibi refert, non magis quàm consequitur, qui beneficium à se accepit. Beneficium & gratiæ relatio, vtrò citroque ire debent: intra vnum hominem non est vicissitudo. Qui ergo gratiam refert, inuicem prodest ei, à quo consecutus est aliquid: qui sibi gratiam refert, cui prodest? sibi. Et quis non alio loco relationem gratiæ, alio beneficium cogitat? Qui gratiam sibi refert, sibi prodest. & quis vñquam ingratus hoc noluit facere? imò quis non ingratus fuit, vt hoc faceret? Si gratias, inquit, nobis agere debemus, & gratiam referre debemus. Dicimus autem, Ago gratias mihi, quòd illam vxorem nolui ducere, & cum illo non contraxi societatem. Cum

hoc dicimus, laudamus nos: & vt factum nostrum comprobemus, gratias agentium verbis abutimur. Beneficium est quod potest, & cum datum est, non reddi: qui sibi beneficium dat, non potest non recipere, quod dedit: ergo non est beneficium. Alio tempore beneficium accipitur, alio redditur. In beneficio hoc est probabile, & suspiciendum, quod alteri vt aliquis prodesset, vtilitatis interitum suæ oblitus est: quod alteri dedit, ablaturus sibi. hoc non facit, qui beneficium sibi dat. Beneficium dare, socialis res est, aliquem conciliat, aliquem obligat: sibi dare, non est socialis res, neminem conciliat, neminem obligat, neminem in spem inducit, vt dicat: Hic homo colendus est. illi beneficium dedit: dabit & mihi. Beneficium est, quod quis non sua causa dat, sed eius cui dat: is qui sibi beneficium dat, sua causa dat: non est ergo beneficium.

C A P. XII. Videor tibi iam illud, quod in principio dixeram, mentitus? Dicis me abesse ab eo qui operæ pretium facit: imò totam operam bona fide perdere? Expecta. etiam hoc verius dices, simul ac te ad has latebras perduxero: à quibus cum euaseris, nihil amplius affectus eris, quam vt eas difficultates effugas, in quas licuit non descendere. Quid enim boni est, nodos operosè soluere, quos ipse vt solueres, feceris? Sed quem-
admo-

admodum quædam in oblectamentum ac iocum sic alligantur, ut eorum solutio imperito difficilis sit; quæ ille qui implicuit, sine ullo negotio separat; quia commissuras eorum & moras nouit: & nihilominus illa habent aliquam voluptatem; tentant enim acumen animorum & intentionem excitant: Ita hæc quæ videntur calida & insidiosa, securitatem, torporem ac segnitiam ingeniis auferunt, quibus modò campus in quo vagentur, sternendus est, modò scabri aliquid & confragosi obiciendum, per quod erepant, & sollicitè vestigium faciant. Dicitur nemo ingratus esse. id sic colligitur. Beneficium est quod prodest: prodesse autem nemo homini malo potest, ut dicitis Stoici: ergo beneficium non accipit malus: itaque nec ingratus est. Etiamnum, beneficium honesta & probabilis res est. Apud malum nulli honestæ rei aut probabili locus est: ergo nec beneficio: quod si accipere non potest, nec reddere quidem debet. & idè non fit ingratus. Etiamnum, ut dicitis: Bonus vir omnia rectè facit: si omnia rectè facit, ingratus esse non potest. Bonus beneficium reddit; malus non accipit. quod si est, nec bonus quisquam ingratus est, nec malus: ita ingratus in rerum natura est nomen, & hoc inane. Vnum est apud nos bonum, honestum. id peruenire ad malum non potest: definit

enim malus esse, si ad illum virtus intraverit. Quandiu autem malus est, nemo illi dare beneficium potest: quia bona malaque dissentiunt, nec in vnum eunt. Ideò nemo illi prodest: quia quidquid ad illum pervenit, id pravo usu corrumpit. Quemadmodum stomachus morbo vitiatus, & colligens bilem: quoscunque accepit cibos mutat, & omne alimentum in causam doloris trahit: ita animus cæcus, quidquid illi commiseris, id onus suum, & perniciem, & occasionem miseriæ facit. Felicissimis itaque opulentissimisque plurimum ætus subest, minusque se inveniunt, quò in maiorem materiam inciderunt; qua fluctuarentur. Ergo nihil potest ad malos pervenire, quod profit: imò nihil quod non noceat. Quæcunque enim illis contigerunt, in naturam suam vertunt, & extra speciosa, profuturaque si meliori darentur, illis pestifera sunt. Ideò nec beneficium dare possunt; quoniam nemo potest, quod non habet, dare: hic beneficiendi voluntate caret.

CAP. XIII. Sed quamvis hæc ita sint, accipere tamen malus potest, quæ beneficiis similia sint: quibus non redditus, ingratus erit. Sunt animi bona, sunt corporis, sunt fortunæ. Illa animi bona, à stulto ac malo submouentur: ad hæc admittitur, quæ & accipere potest, & debet reddere: & si non reddit, ingra-

tus

tus est. Nec hoc ex nostra constitutione tantum. Peripatetici quoque, qui felicitatis humanæ longè lateque terminos ponunt, aiunt, minuta peruenire beneficia ad malos. hæc qui non reddit, ingratus est. Nobis itaque beneficia esse non placet, quæ non sunt animum factura meliorem: commoda tamen illa esse, & expetenda, non negamus. Hæc & viro bono dare malus potest, & accipere à bono: vt pecuniam, vestem, honores, & vitam. quæ si non reddet, in ingrati nomen incidet. At quomodo ingratum vocas, eo non reddito, quod negas esse beneficium? Quædam etiamsi vera non sint, propter similitudinem eodem vocabulo comprehensa sunt. Sic pyxidem, & argenteam & auream dicimus. sic illiteratum, non ex toto rudem, sed ad litteras altiores non perductum. sic qui malè vestitum & pannosum vidit, nudum se vidisse dicit. Beneficia ista non sunt: habent tamen beneficij speciem. Quomodo ista sunt tamquam beneficia: sic & ille tamquam ingratus est, non ingratus. Falsum est. quia illa beneficia, & qui dat appellat, & qui accipit. Ita & qui veri beneficij specie fefellit, tam ingratus est, quàm veneficus, qui soporem cum venenum crederet, miscuit.

CAP. XIV. Cleanthes vehementius agit. Licet, inquit, beneficium non sit quod accipit, ipse tamen ingratus est.

C c s quia

quia non fuit redditurus, etiam si accepisset. Sic latro est, etiam antequam manus inquinet: quia ad occidendum iam armatus est, & habet spoliandi atque interficiendi voluntatem. Exercetur & aperitur opere nequitia, non incipit. Ipsum quod accepit, beneficium non erat, sed vocabatur. Sacrilegi dant poenas, quamvis nemo usque ad deos manus porrigat. Quomodo, inquit, aduersus malum ingratus est quisquam, cum malo dari beneficium non possit? Ea scilicet ratione, quia accepit ab illo aliquid ex his, quæ apud imperitos bona sunt: quorum si malis copia est, ipse quoque in simili materia gratus esse debet: & illa qualiacunque sunt, cum pro bonis acceperit, pro bonis reddere. Æs alienum habere dicitur, & qui aureos debet, & qui corium forma publica percussum, quale apud Lacedæmonios fuit, quod usum numeratæ pecuniæ præstat. Quo genere obligatus es, hoc fidem exsolue.

C A P. X V. Quid sint beneficia, an & in hanc sordidam humilemque materiam deduci magnitudo nominis clari debeat; ad vos non pertinet: ad alios spectat verum. Vos ad speciem veri componite animum: & dum honestum dicitis, quidquid est id, quod nomine honesti jactatur, id colite. Quomodo, inquit, nemo per vos ingratus est, sic rursus

lis omnes ingrati sunt. Nam (ut dicitis) omnes stulti mali sunt: qui autem habet vitium vnum, habet omnia: omnes autem stulti & mali sunt. omnes ergo ingrati sunt. Quid ergo? non vndique humano generi conuicium fit? non publica querela est, beneficia perisse, & paucissimos esse, qui de benemerentibus non inuicem pessimè mereantur? Nec est quòd hanc tantum nostram murmurationem putes, pro pessimo prauoque numerantium, quidquid citra recti formulam cecidit. Ecce nescio, quæ, non ex philosophorum domo clam, sed ex medio conuentu, populos gentesque damnatura vox mittitur:

— *Non hospes ab hospite tutus.*

Non socer à genero, fratrum quoque gratia rara est:

Imminet exitio vir coniugis, illa mariti.

Hoc iam amplius est. beneficia in scelus versa sunt: & sanguini eorum non parcitur, pro quibus sanguis fundendus est. Gladio ac venenis beneficia sequimur: ipsi patriæ manus afferre, & fascibus suis illam premere, potentia ac dignitas est. Humili se ac depresso loco putat stare, quisquis non supra rem publicam stetit. Accepti ab illa exercitus in ipsam conuertuntur, & imperatoria conicio est, Pugnite contra coniuges, pugnite contra liberos: aras, focos, penates,

armis incessite. Qui ne triumphaturū quidem intrare urbem iniussu senatus deberetis, quibusque exercitum victorem reducentibus curia extra muros præberetur: nunc ciuibus cæsis, perfusi: cruore cognato, urbem subrectis intrate vexillis. Obmutescat inter militaria signa libertas; & ille victor, pacatorque gentium populus, remotis procul bellis, omni terrore compresso, intra muros obsessus, aquilas suas horreat.

CAP. XVI. Ingratus est Coriolanus: serò & post sceleris pœnitentiam pius. posuit arma; sed in medio patricidio posuit. Ingratus Catilina. parum est illi capere patriam, nisi euerterit, nisi Allobrogum in illam cohortes immiserit, & trans Alpes accitus hostis, vetera & ingenta odia satiauerit, ac diu debitas inferias Gallicis bustis duces Romani persoluerint. Ingratus C. Marius, ad consulatum à caligā perductus: qui nisi Cimbricis cædibus Romana funera æquaauerit, nisi ciuilis exitij & trucidationis non tantum dederit signum, sed ipse signum fuerit, parum mutatam ac repositam in priorem locum fortunam suam sentiet. Ingratus L. Sulla: qui patriam durioribus remediis quàm pericula erant, sanauit. qui cum à Prænestina arce, usque ad Collinam portam, per sanguinem humanum incessisset, alia edidit in vrbe prælia, alias cædes: legiones duas, quod
crudele

crudele est, post victoriam; quod nefas,
 post fidem, in angulum congestas con-
 trucidauit, & proscriptionem commen-
 tus est: dii magni! vt qui ciuem Roma-
 num occidisset, impunitatem, & pecu-
 niam, tantum non ciuicam acciperet. In-
 gratus Cn. Pompeius: qui pro tribus
 consulatibus, pro triumphis tribus, pro
 tot honoribus, quos ex maxima parte
 immaturus inuaserat, hanc gratiam rei-
 publicæ reddidit, vt in possessionem eitis
 alios quoque induceret, quasi potentia
 suæ detracturus inuidiam, si quod nulli
 licere debebat, pluribus licuisset: dum
 extraordinaria concupiscit imperia, dum
 prouincias, vt eligat, distribuit, dum ita
 triumuiris rep. diuidit, vt tamen in
 sua domo duæ partes essent, eò redegit
 populum Rom. vt saluus esse non posset,
 nisi beneficio seruitutis. Ingratus ipse
 Pompeij hostis ac victor, qui à Gallia
 Germaniaque bellum in urbem circum-
 egit, & ille plebicola, ille popularis, ca-
 stra in circo Flaminio posuit, propius
 quàm Porßenæ fuerant. Temperauit qui-
 dem ius crudelitatemque victoriæ. quod
 dicere solebat, præstitit: nēminem oc-
 cidit nisi armatum. Quid ergo est? Ce-
 teri arma cruentius exercuerunt, satiati
 tamen aliquando abiecerunt: hic gla-
 dium citò condidit, nunquam posuit.
 Ingratus Antonius in dictatorem suum,
 quem iure cæsum pronuntiauit, interfe-
 ctore.

ctoresque eius in prouincias & imperia dimisit, patriam verò proscriptionibus, incurfionibus, bellis laceratam, post tot mala, destinauit ne Romanis quidem regibus: vt quæ Achæis, Rhodijs, & plerisque vrbibus claris ius integrum, libertatemque cum immunitate reddiderat, ipsa tributum spadonibus penderet.

C A P. X V I I. Deficiet dies, enumerantem ingratos, vsque in vltima patriæ exitia. Æquè immensum erit, si percurrere cœpero, ipsa respublica quàm ingrata in optimos ac deuotissimos sibi fuerit: quamquè non minùs sæpè peccauerit, quàm in ipsam peccatum est. Camillum in exilium misit: Scipionem dimisit. exulauit post Catilinam: Cicero, diruti eius penates, bona direpta, factum quidquid victor Catilina fecisset. Rutilius innocentiae pretium tulit in Asia latere: Catoni populus Romanus præturam negauit, consulatum pernegauit. Ingrati publicè sumus. Se quisque interroget: nemo non aliquem queritur ingratum: Atqui non potest fieri, vt omnes querantur, nisi querendum est de omnibus. Omnes ergo ingrati sunt. Tantùm? & cupidi omnes, & maligni omnes, & timidi omnes, illi in primis qui videntur audaces. Adijce, & ambitiosi omnes sunt, & impij omnes. Sed non est quòd irascaris. ignosce illis: omnes.

infa-

infaniunt. Nolo te ad incerta reuocare, vt dicam, Quàm ingrata sit iuuentus, vide. Quis non patri suo supremum diem, vt innocens sit, optat? vt moderatus, expectat? vt pius, cogitat? Quotus quisque vxoris optimæ mortem timet, vt non computet? Cui rogo litigatori defenso, tam magni beneficii, vltra res proximas, memoria durauit? Illud in confesso est. quis sine querela moritur? quis extremo die dicere audet:

Vixi, & quem dederat cursum fortuna, peregi?

quis non recusans, quis non gemens exit? Atqui hoc ingrati est, non esse contentum præfato tempore. Semper pauci dies erunt, si illos numeraueris. Cogita, non esse summum bonum in tempore. quantumcunque est, boni consule. Vt prorogetur tibi dies mortis, nihil proficit ad felicitatem: quoniam mora non fit beatior vita, sed longior. Quanto satius est, gratum aduersus perceptas voluptates, non aliorum annos computare, sed suos benignè æstimare, & in lucro ponere? Hoc me dignum iudicauit Deus? hoc satis est. Potuit plus? sed hoc quoque beneficium est. Grati simus aduersus deos, grati aduersus homines, grati aduersus eos, qui nobis aliquid præstiterunt; grati etiam aduersus eos qui nostris præstiterunt.

CAP. XVIII. In infinitum, inquis,

quis, me obligas, cum dicis, & nostris. itaque pone aliquem finem. Qui filio beneficium dat, ut dicis, & patri eius dat. Primum unde, quò, quæro. Deinde illud utique mihi determinari volo, si & patri beneficium datur, numquid & fratri? numquid & patruo? numquid auo? numquid uxori, & focero? Dic mihi, ubi debeam desinere: quousque personarum seriem sequar. Si agrum tuum coluero, tibi beneficium dederò: si domum tuam ardentem restinxero, aut ne cadat exepero, tibi beneficium non dabo? Si seruum tuum seruauero, tibi imputabo: si filium tuum seruauero, non habebis beneficium meum?

C A P. XIX. Dissimilia ponis exempla: quia qui agrum meum colit, agro beneficium non dat, sed mihi: & qui domum meam, quò minùs ruat fulcit, præstat mihi. ipsa enim domus sine sensu est. Debitorem me habet, quia nullum habet. Et qui agrum meum colit, non illum, sed me demereri vult. Idem de seruo dicam. mei mancipij res est, mihi seruatur: ideo ego pro illo debeo. Filius ipse beneficij capax est. itaque ille accipit: ego beneficio letor. contingor, non obligor. Velim tamen, tu qui debere non putas, respondeas mihi: filij bona valetudo, felicitas, patrimonium, pertinet ad patrem? felicius futurus est, si saluum habuerit filium: infelicius, si amiserit? Quid ergo?

ergo? qui & felicior fit à me, & infelicitatis maximæ periculo liberatur, non accipit beneficium? Non, inquit. quædam enim in alios conferuntur, sed ad nos usque permahant, ab eo autem exigi quidque debet, in quem confertur: sicut pecunia ab eo petitur, cui credita est, quamuis ad me illa aliquo modo venerit. Nullum beneficium est, cuius commodum non & proximos tangat, nonnunquam etiam longius positos. Non quæritur, quò beneficium ab eo cui datum est, transferatur, sed ubi primò collocetur. à reo tibi ipso & à capite repetitio est. Quid ergo? oro te, non dicis, filium mihi donasti, & si hic perisset, victurus non fui? pro eius vita beneficium non debes, cuius vitam tuæ præfers? Etiamnum cum filium tuum servaui, ad genua procumbis, dijs vota solvis, tamquam ipse servatus. Illæ voces exeunt tibi: Nihil interest, mea an me servaueris. duos servasti: imò me magis. Quare ista dicis, si non accipis beneficium? quia & si filius meus pecuniam mutuum sumpserit, creditori numerabo; non tamen ego debuero. quia etsi filius meus in adulterio deprehensus erit, erubescam, non idè ego ero adulter. Dico me tibi obligatum pro filio: non quia sum, sed quia volo me offerre tibi debitorem voluntarium. At: pervenit ad me summa ex incolumitate eius voluptas, summa utilitas, & orbitatis gravissimum vulnus.

vulnus effugi. Non quæritur nunc, an profueris mihi, sed an beneficium dederis. prodest enim & animal, & lapis, & herba: nec tamen beneficium dant, quod numquam datur, nisi à volente. Tu autem non vis patri, sed filio dare: & interrim, ne nosti quidem patrem. Itaque cum dixeris, Patri ergo beneficium non dedi, filium eius seruando? contrà oppone, Patri ergo beneficium dedi, quem non noui, quem non cogitavi? Et quid, quod aliquando euenit, vt patrem oderis, filium serues: beneficium ei videberis dedisse, cui tunc inimicissimus eras, cum dares? Sed vt dialogorum altercatione seposita, tamquam Iurisconsultus: respondeam, mens, spectanda est dantis. Beneficium ei dedit, cui datum voluit. Sicut: si in patris honorem fecit, pater accepit beneficium: sic pater beneficio in filium collato non obligatur, etiam si fruitur. Si tamen occasionem habuerit, volet & ipse præstare aliquid: non tamquam soluendi necessitatem habeat, sed tamquam incipiendi causam. Repeti à patre beneficium non debet: si quid pro hoc benignè facit, iustus, non gratus est. Nam illud finire non potest: si patri do beneficium, & matri, & auo, & auunculo, & liberis, & affinibus, & amicis, & seruis, & patriæ. Vbi ergo beneficium incipit stare? Sorites enim ille inexplebilis subit: cui difficile est modum imponere, quia paullatim surre-

surrepit, & non desinit serpere. Illud solet quæri: Fratres duo dissident. si alterum seruo, an dem beneficium, ei cui fratrem inuisum non perijisse molestè laturus est? Non est dubium; quin beneficium sit etiam inuito prodesse: sicut non dedit beneficium, qui inuitis profuit.

C A P. X X. Beneficium, inquit, vocas, quo ille offenditur, quo torquetur? Multa beneficia tristem frontem & asperam habent, quemadmodum secare & vrere vt sanes, & vinculis coercere. Non est spectandum an doleat quis beneficio accepto: sed an gaudere debeat. Non est malus denarius, quem barbarus & ignarus formæ publicæ reiecit. Beneficium & odit, & accipit: si modò id prodest, si is qui dabat, vt prodesset dedit. nihil refert an bonam rem malo animo quis accipiat. Agedum, hoc in contrariū verte. Odit fratrem suum, quē illi expedit habere: hunc occidi. non est beneficium, quāuis ille dicat esse, & gaudeat. Infidiosissimè nocet, cui gratiæ aguntur pro iniuria. Video. Prodest aliqua res, & ideò beneficium est: nocet, & ideò non est beneficium. Ecce, quod nec profit, nec noceat, dabo: & tamen beneficiū est. Patrem cuius in solitudine exanimē inueni, corpus eius sepeliui. nec illi profui (quid enim illius intererat, quo genere dilaberetur?) nec filio. quid enim per hoc commodi accessit illi? Dicam quid consecutus sit: officio

officio solenni & necessario per me functus est. Præstiti patri eius, quod ipse præstare voluisset, necnon & debuisset. Hoc tamen ita beneficium est, si non misericordiæ & humanitati dedi, vt quodlibet cadauer absconderem: sed si corpus agnoui, si filio tunc hoc præstare me cogitavi. At si terram ignoto mortuo inieci, nullum habeo huius officij debitorem, in publicum humanus. Dicit aliquis, Quid tantopere quæris, cui dederis beneficium, tamquam repetiturus aliquando? Sunt qui nunquam iudicant esse repetendum, & has causas afferunt. Indignus, etiam repetenti non reddet: dignus, ipse per se referret. Prætereà si bono viro dedisti, expectat ne iniuriam illi facias appellando, tamquam non fuisset sua sponte redditurus. si malo viro dedisti, fer. Beneficium verbo ne corrueris, ereditum faciendo. Prætereà, lex quod non iussit repeti, vetuit. Vera sunt ista. quàm diu me nihil vrget, quàm diu fortuna nihil cogit, petam potius beneficium quàm repetam: sed si de salute liberorum agitur, si in periculum vxor deducitur, si patriæ salus ac libertas mittit me etiam quò ire nollem, imperabo pudori meo, & testabor omnia me fecisse, ne opus esset mihi auxilio hominis ingrati. nouissimè recipiendi beneficij necessitas, repetendi verecundiam vincet. Deinde, cum bono viro beneficium do,

sic

sic do, tamquam nunquam repetiturus, nisi necesse fuerit.

CAP. XXI. Sed lex, inquit, non permittendo exigere, vetuit. Multa legem non habent, nec actionem: ad quæ consuetudo vitæ humanæ, lege omni valentior, dar aditum. Nulla lex iubet amicorum secreta non eloqui, nulla lex fidem etiam inimico præstare. Quæ lex ad id præstandum nos quod alicui promissimus, alligat? Querar tamen cum eo qui arcanum sermonem non continuerit, & fidem datam, nec seruata, indignabor. Sed ex beneficio, inquit, creditum facis. Minimè. non enim exigo, sed repeto: & ne repeto quidem, sed admoneo. Ne vltima quidem necessitas in hoc aget, vt ad eum veniam, cum quo diu mihi luctandum sit. Qui tam ingratus est, vt illi non sit satis admoneri, eum transibo, nec dignum iudicabo, qui gratus esse cogatur. Quomodo fenerator quosdam debitores non appellat, quos scit decoxisse, & in quorum pudorem nihil superest, quod pereat: sic ego quosdam ingratos palam ac pertinaciter præteribo, nec ab vilo beneficium repetam, nisi à quo non ablaturus ero, sed recepturus.

CAP. XXII. Multi sunt, qui nec negare sciant, quod acceperunt, nec referre: qui nec tam boni sunt quàm grati, nec tam mali quàm ingrati, segnes & tardi,

di, lenta nomina, non mala. Hos ego non appellabo, sed commonefaciam, & ad officium aliud agentes educam, qui statim mihi sic respondebunt: Ignosce, non merchercule sciui hoc te desiderare., alioquin vltro obtulissem. Rogo ne me ingratum existimes. memini quid mihi præstiteris. Hos ego quare dubitem, & sibi meliores & mihi facere? Quemcunque potuero, peccare prohibebo, multo magis amicum, & ne peccet, & ne in me potissimum peccet. Alterum illi beneficium do, si illum ingratum esse non patior: nec durè illi exprobrabo quæ præstiti, sed quàm potero mollissimè, vt potestatem referendæ gratiæ faciam, renouabo memoriam eius, & petam beneficium: ipse me repetere intelliget. Aliquando vtar verbis durioribus, si emendari illum sperauero posse. nam deploratum propter hoc quoque non exagitabo, ne ex ingrato inimicum faciam. Quòd si admonitionis quoque suggillationem ingratis remittimus, segniores ad reddenda beneficia faciemus. Quosdam verò sanabiles & qui fieri boni possunt, si quid illos momorderit, perire patiemur admonitione sublata? qua & pater filium aliquando correxit, & vxor maritum aberrantem ad se reduxit, & amicus languentem amici fidem erexit.

CAP. XXIII. Quidam vt expurgantur, non ferendi, sed commouendi sunt:

sunt: eodem modo quorundam ad referendam gratiam fides non cessat, sed languet. hanc peruellamus. Noli munus tuum in iniuriam vertere. iniuria est enim, si in hoc non repetis, ut ingratus sim. Quid si ignoro, quid desideres? quid si occupationibus districtus, & in alia vocatus, occasionem non obseruauit? ostende mihi quid possim, quid velis. Quare desperas, antequam tentas? quare prope-
ras & beneficium, & amicum, perdere? Vnde scis nolim, an ignorem, an animus, an facultas desit mihi? experire. Admo-
nebo ergo, non amare, non palam, sine conuicio: sic, ut se redisse in memoriam, non reduci putet.

CAP. XXIV. Causam dicebat apud diuum Iulium ex veteranis quidam, paulo violentior aduersus vicinos suos, & causa premebatur. Meministi, inquit, Imperator in Hispania talum te torxisse, circa Sucronem? cum Cæsar meminisse se dixisset: Meministi quoque, inquit, sub quadam arbore minimum umbræ spargente, cum velles residere feruentissimo sole; & esset asperrimus locus, in quo ex rupibus acutis, vnica illa arbor eruperat, quemdam ex commilitonibus penulam suam substrauisse? Cum dixisset Cæsar: Quid ni meminerim? & quidem siti confectus; quia impeditus ire ad fontem proximum non poteram, repere manibus volebam, nisi commilito, homo fortis ac strenuus,

strenuus, aquam mihi in galea sua attulisset. Potes ergo, inquit, Imperator, agnoscere illum hominem, aut illam galeam? Cæsar ait, se non posse galeam agnoscere, hominem pulchrè posse: & adiecit, puto ob hoc iratus, quòd se à cognitione media ad veterem fabulam adduceret: Tu utique ille non es. Meritò, inquit, Cæsar me non agnoscis, nam cum hoc factum est, integer eram. postea ad Mundam in acie oculus mihi effossus est, & in capite lecta ossa. Nec galeam illam si videres, agnosceres: machæra enim Hispana diuisa est. Vetuit illi exhiberi negotium Cæsar: & agellos, in quibus vicinalis via, causâ rixæ ac litium fuerat, militi suo donauit.

C A P. XXV. Quid ergo? non repeteret beneficium ab Imperatore, cuius memoriam multitudo rerum confunderat? quem fortuna ingens, exercitus disponentem, non patiebatur singulis militibus occurrere? Non est hoc repetere beneficium, sed resumere bono loco positum, & paratum: ad quod tamen ut sumatur, manus porrigenda est. Repe tam itaque, quia hoc aut necessitate facturus ero, aut illius causâ, à quo repetam. Tiberius Cæsar inter initia dicenti cuidam, Meministi, antequam plures notas familiaritatis veteris proferret: Non memini, inquit, quid fuerim. Ab hoc nedum esset repetendum beneficium, optan-

optanda erat obliuio. Auerfabatur omnium amicorum & æqualium notitiam, & illam solam præsentem fortunam suam adspici, illam solam cogitari ac narrari volebat: inquisitorem habebat, veterem amicum. Magis tempestiuè repetendum est beneficium, quàm petendum. Adhibenda verborum moderatio, ut nec ingratus possit dissimulare. Tacendum & expectandum, si inter sapientes viueremus: & tamen sapientibus quoque indicare melius fuisset, quid rerum nostrarum status posceret. Deos, quorum notitiam nulla res effugit, rogamus: & illos vota non exorant, sed admonent. Diis quoque, inquam, Homericus ille sacerdos allegat officia, & aras religiosè cultas, quod obsequentes faciat: & parent. Moneri velle ac posse, secunda virtus est. Huc illuc frænis leniter motis flectendus est animus, paucis sui rector optimus: proximi sunt, qui admoniti in viam redeunt. His non est dux detrahendus. Opertis oculis inest acies, sed sine usu, quam lumen à diis immissum ad ministeria sua euocat. instrumenta cessant, nisi illa in opus suum artifex mouerit. Inest interim animis voluntas bona: sed torpet modò delicijs ac situ, modò officij inscitia. Hanc utilem facere debemus: nec irati relinquere in vitio, sed ut magistri puerorum discantium patienter ferre offensiones memoriæ labentis. Quæ, quem-

626 L. ANNÆI SENE CÆ
admodum subiecto vno aut altero verbo,
ad contextum reddendæ orationis addu-
cta est, sic ad referendam gratiam admo-
nitione reuocanda est.

LIBER SEXTVS.

CAPVT I.



VÆDAM, Liberalis virorum
optime, exercendi tantum
ingenij causa quærentur,
& semper extra viam iacent:
quædam & dum quærentur,
oblectamento sunt, & quæsitæ vsui. Om-
nium tibi copiam faciam. tu illa, vt cum-
que tibi visum erit, aut peragi iubeto, aut
ad explicandum ludorum ordinem indu-
ci. His quoque si abire protinus iusseris,
non nihil actum erit. nam etiam quod
discere superuacuum est, prodest cogno-
scere. Ex vultu igitur tuo pendebo, prout
ille suaferit mihi: alia detinebo diutius,
alia expellam, & capite agam.

CAP. II. An beneficium eripi pos-
sit, quæsitum est. Quidam negant posse.
non enim res est, sed actio: quomodo
aliud est munus, aliud ipsa donatio: aliud
qui nauigat, aliud ipsa nanigatio. Et
quamuis æger non sit sine morbo, non
tamen idem est æger & morbus: ita aliud
est beneficium ipsum, aliud quod ad
vnum-

unumquemque nostrum beneficio peruenit. Illud incorporale est, irritum non fit: materia illius huc & illuc iactatur, & dominum mutat. Itaque cum eripis, ipsa rerum natura reuocare quod dedit non potest. Beneficia sua interruptit, non rescindit. Qui moritur, tamen vixit: qui amisit oculos, tamen vidit. Quæ ad nos peruenerunt, ne sint effici potest: ne fuerint, non potest. pars autem beneficii & quidem certissima est, quæ fuit. Nonnumquam usu beneficii longiore prohibemur; beneficium quidem ipsam non eraditur. Licet omnes in hoc vires suas natura aduocet, retro illi agere se non licet. Potest eripi domus, & pecunia, & mancipium, & quicquid est, in quo hæsit beneficii nomen: ipsum verò stabile & immortum est. Nulla vis efficiet, ne hic dederit, ne ille acceperit.

CAP. III. Egregiè mihi videtur M. Anronius apud Rabirium poetam, cum fortunam suam transeuntem aliò videbat, & sibi nihil relictum, præter ius mortis, id quoque, si citò occupauerit, exclamare: Hoc habeo, quodcunque dedi. O quantum habere potuit, si voluisset! Hæ sunt diuitiæ certæ, in quacunque sortis humanæ lenitate, vno loco permansturæ: quæ quò maiores fuerint, hoc minorem habebunt inuidiam. Quid tamquam tuo partis? Procurator es. Omnia ista quæ vos tumidos, & supra humana
 Dd 2 elatos,

elatos, obliuisci cogunt vestræ fragilitatis, quæ ferreis claustris custoditis armati, quæ ex alieno sanguine rapta vestro defenditis; propter quæ classes cruentaturas maria deducitis; propter quæ quassatis vrbes, ignari, quantum telorum in aduersos fortuna compareret; propter quæ ruptis tories affinitatis, amicitia, collegij fœderibus, inter contententes duos terrarum orbis elusus est; non sunt vestra: in depositi causâ sunt, iam iamque ad aliuin dominum spectantia, aut hostis illa, aut hostilis animi successor, inuadet. Quæris quomodo illa tua facias? donando. Consule ergo rebus tuis, & certam tibi earum atque inexpugnabilem possessionem para: honestiores illas non solum, sed tutiores facturus. Illud quod suspicis, quo te diuitem ac potentem putas quandiu possides, sub nomine sordido iacet. Domus est, seruus est, nummi sunt: cùm donasti, beneficium est.

C A P. I V. Fateris, inquit, nos aliquando beneficium non debere ei, à quo accepimus: ergo ereptum est. Multa sunt propter quæ beneficium debere definimus: non quia ablatum, sed quia corruptum est. Aliquis reum me defendit: sed uxorem meam per vim stupro violauit. Non abstulit beneficium, sed opponendo illi parem iniuriam, soluit me debito: & si plus læsit, quàm autè profuerat, non tantum

tum gratia exstinguitur, sed vlciscendo querendique libertas fit, vbi in comparatione beneficij præponderauit iniuria. ita non aufertur beneficium, sed vincitur. Quid? non tam duri quidam, & tam scelerati patres sunt, vt illos auersari & ejurare ius fasque sit? Numquid ergo illi abstulerunt, quæ dederant? minimè: sed impietas sequentium temporum, commendationem omnis prioris officij sustulit. Non beneficium tollitur, sed beneficij gratia: & efficitur, non ne habeam, sed ne debeam. Tamquam pecuniam aliquis mihi credidit: sed domum meam incendit: pensatum est creditum damno: nec reddidi illi, nec tamen debeo. Eodem modo & hic, qui aliquid benignè aduersus me fecit, aliquid liberaliter, sed postea multa superbè, contumeliosè, crudeliter: eo loco me posuit, vt perinde liber aduersus eum sim, quasi non accepissem. vim beneficiis suis attulit. Colonum suum non tenet, quamuis tabellis manentibus, qui segetem eius proculcauit, qui succidit arbusta: non quia recepit quod pepigerat, sed quia ne reciperet, effecit. Sic debitori suo creditor sæpe damnatur, vbi plus ex alia causa abstulit, quàm ex credito petit. Non tantum inter creditorem & debitorem iudex sedet qui dicat, Pecuniam credidisti. Quid ergo? pecus abegisti, seruum eius occidisti, agellum quem non emerat, possides: æstis.

matione facta , debitor discede, qui creditor veneras . Inter beneficia quoque & iniurias ratio confertur . Sæpè, inquam , beneficium manet , nec debetur , si secuta est dantem pœnitentia , si miserum se dixit, quòd dedisset, si cùm daret, suspirauit, vultum obduxit , perdere se credidit , non donare : si sua causâ , aut certè non mea dedit : si non desit insultare , gloriari , & vbique iactare , & acerbum munus suum facere . Manet itaque beneficium, quamuis non debeatur: sicuti quèdam pecuniæ, de quibus ius creditori non dicitur , debentur, sed non exiguntur.

C A P. V. Dediti beneficium : iniuriam postea fecisti : & beneficio gratia debetur , & iniuriæ ultio . Nec ego illi gratiam debeo , nec ille mihi pœnam : alter ab altero absoluitur . Cùm dicimus , Beneficium illi reddidi : non hoc dicimus , illud nos quod acceperamus reddidisse , sed aliud pro illo . Reddere enim est , rem pro re dare . Quid ni ? cùm omnis solutio non idem reddat , sed tantundem . Nam & pecuniam dicimur reddidisse , quamuis numerauimus pro argenteis aureos , quamuis non interuerint nummi , sed delegatione & verbis perfecta solutio fit . Videris mihi dicere : Perdis operam . Quorsum enim pertinet scire me , an maneat quod non debetur ? Iurisconsultorum istæ acutæ ineptiæ sunt , qui hereditatem negant vsucapi posse;

posse: sed ea quæ in hereditate sunt: tamquam quidquam aliud sit hereditas, quàm ea quæ in hereditate sunt. Illud mihi potius distingue, quod potest ad rem pertinere, cum idem homo beneficium mihi dedit, & postea fecit iniuriam, utrum & beneficium illi reddere debeam, & me ab illo, nihilominus vindicare, ac veluti duobus nominibus separatim respondere: an alterum alteri contribuere, & nihil negotij habere, ut beneficium iniuria tollatur, beneficio iniuria. Illud enim video in foro fieri. quid in vestra schola iuris sit, vos sciatis. Separantur actiones, & de eo quod agimus, & de eodem nobiscum agitur. Non confunditur formula, si quis apud me pecuniam deposuerit, idem mihi postea furtum fecerit, & ego cum illo furti agam, & ille mecum depositi.

CAP. VI. Quæ proposuisti, mi Liberalis, exempla, certis legibus continentur, quas necesse est sequi: lex legi non miscetur. Vtraque sua via it: depositum, habet suam actionem propriam, tam meherculè quàm furtum. Beneficium nulli legi subiectum est: me arbitro, utitur. licet me comparare inter se quantum profuerit mihi quisque, aut quantum nocuerit: tum pronuntiare, utrum plus debeat mihi, an debeam. In illis nihil est nostræ potestatis: eundem est, quæ ducimur. In beneficio tota

630 L. ANNÆI SENECAE
matione facta, debitor discede, qui credi-
tor veneras. Inter beneficia quoque &
iniurias ratio confertur. Sæpè, inquam,
beneficium manet, nec debetur, si secuta
est dantem pœnitentia, si miserum se di-
xit, quòd dedisset, si cùm daret, suspiravit,
vultum obduxit, perdere se credidit, non
donare: si sua causa, aut certè non mea
dedit: si non desuit insultare, gloriari, &
vbique iactare, & acerbum munus suum
facere. Manet itaque beneficium, quain-
uis non debeat: sicuti quædam pecuniæ,
de quibus ius creditori non dicitur, de-
bentur, sed non exiguntur.

C A P. V. Dedisti beneficium: iniu-
riam postea fecisti: & beneficio gratia
debetur, & iniuriæ ultio. Nec ego illi
gratiam debeo, nec ille mihi pœnam:
alter ab altero absoluitur. Cùm dici-
mus, Beneficium illi reddidi: non hoc
dicimus, illud nos quod acceperamus
reddidisse, sed aliud pro illo. Reddere
enim est, rem pro re dare. Quid ni? cùm
omnis solutio non idem reddat, sed tan-
tundem. Nam & pecuniam dicimur
reddidisse, quamvis numerauimus pro
argenteis aureos, quamvis non interue-
nerint nummi, sed delegatione & verbis
perfecta solutio fit. Videris mihi dicere:
Perdis operam. Quorsum enim pertinet
scire me, an maneat quod non debetur?
Iurisconsultorum istæ acutæ ineptiæ
sunt, qui hereditatem negant vscapi
posse;

posse: sed ea quæ in hereditate sunt: tamquam quidquam aliud sit hereditas, quàm ea quæ in hereditate sunt. Illud mihi potius distingue, quod potest ad rem pertinere, cum idem homo beneficium mihi dedit, & postea fecit iniuriam, utrum & beneficium illi reddere debeam, & me ab illo, nihilominus vindicare, ac veluti duobus nominibus separatim respondere: an alterum alteri contribuere, & nihil negotij habere, ut beneficium iniuria tollatur, beneficio iniuria. Illud enim video in foro fieri. quid in vestra schola iuris sit, vos sciatis. Separantur actiones, & de eo quod agimus, & de eodem nobiscum agitur. Non confunditur formula, si quis apud me pecuniam deposuerit, idem mihi postea furum fecerit, & ego cum illo furti agam, & ille mecum depositi.

C A P. VI. Quæ proposuisti, mi Liberalis, exempla, certis legibus continentur, quas necesse est sequi: lex legi non miscetur. Vtraque sua via it: depositum habet suam actionem propriam, tam mehercule quàm furtum. Beneficium nulli legi subiectum est: me arbitro utitur. licet me comparare inter se quantum profuerit mihi quisque, aut quantum nocuerit: tum pronunciare, utrum plus debeat mihi, an debeam. In illis nihil est nostræ potestatis: eundem est, quâ ducimur. In beneficio tota

potestas mea est : ego itaque iudico illa , non separo , nec diduco , sed iniurias ac beneficia ad eundem iudicem mitto . Alioquin iubes me eodem tempore amare & odisse , queri & gratias agere : quod natura non recipit . Potius comparatione facta inter se beneficij & iniuriæ , videbo an etiam vltro mihi debeat . Quomodo si quis scriptis nostris , alios supernè imprimat versus , priores litteras non tollit , sed abscondit : sic beneficium superueniens iniuria apparere non patitur .

CAP. VII. Vultus tuus , cui regendum me tradidi , colligit rugas , & attrahit fontem , quasi longius exeam . Videris mihi dicere :

Quò tantum mihi dexterabis ? huc dirige cursum .

Littus ama. —

Non possum magis . Itaque si huic satisfactum existimas , illò transeamus , an ei debeat aliquid qui nobis inuitus profuit . Hoc apertius potui dicere , nisi propositio deberet esse confusior , vt distinctio statim subsecuta ostenderet vtrumque quæri , an ei deberemus , qui nobis , dum non vult , profuit ; & an ei , qui dum nescit . Nam si quis coactus aliquid boni fecit , quin nos non obliget , manifestius est , quàm vt vlla in hoc verba impendenda sint . Et hæc quæstio facillè expeditur , & si qua similis huic mōueri potest , si totiens

tiens illò cogitationem nostram conuerterimus. Beneficium nullum est, nisi quod ad nos primum aliqua cogitatio defert, deinde amica & benigna. Itaque nec fluminibus gratias agimus, quamuis aut magna nauigia patiantur, & ad subuehendas copias largo ac perenni alueo currant, aut piscosa & amœna pinguibus aruis interfluant: nec quisquam Nilo beneficium debere se iudicat, non magis quàm odium, si immodicus superfluxit, tardeque recessit: nec ventus beneficium dat, licet lenis & secundus adspiret: nec utilis & salubris cibus. Nam qui beneficium mihi daturus est, debet non tantum prodesse, sed velle. Ideò nec mutis animalibus quidquam debetur: & quàm multos è periculo velocitas equi rapuit: nec arboribus: & quàm multos æstu laborantes, ramorum opacitas texit? Quid autem interest, vtrum mihi qui nescit, profuerit, an qui scire non potuit? cum utriusque velle defuerit. Quid autem interest, vtrum me iubeas naui, aut vehiculo, aut lanceæ debere beneficium: an ei qui æquè quàm ista propositum benefaciendi nullum habuit, sed profuit casu?

CAP. VIII. Beneficium aliquis nesciens accipit, nemo à nesciente. Quomodo multos fortuita sanant, nec idè remedia sunt, & in flumen alicui cecidisse frigore magno, causâ sanitatis fuit: quomodo quorundam, flagellis quattor

na discussa est, & metus repentinus animum in aliam curam auertendo suspectas horas fefellit: nec ideo quidquam horum etiamsi saluti fuit, salutare est: sic quidam nobis profunt, dum nolunt, imò quia nolunt; non tamen ideo illis beneficium debemus. Quid si perniciofa illorum consilia fortuna deflexit in melius, an existimas me debere ei quidquam, cuius manus cum me peteret, percussit hostem meum, qui nocuisset, nisi errasset? Sæpè testis dum apertè peierat, etiam veris testibus abrogauit fidem, & reum velut factione circumuentum miserabilem reddidit. Quosdam ipsa, quæ premebat, potentia eripuit: & iudices quem damnaturi erant causa, damnare gratia noluerunt. Non tamen hi beneficium dederunt, quamuis profuerint. quia telum quò missum sit, non quò peruenierit, quæritur: & beneficium ab iniuria distinguit, non euentus, sed animus. Aduersarius meus dum contraria dicit, & iudicem superbia offendit, & vnum testem temerè dimittit, causam meam erexit. Non quæro an pro me errauerit, quia contra me voluit.

CAP. IX. Nempe vt gratus sim, velle debeo idem facere quod ille. vt beneficium daret, velle debuit. Nam quid est iniquius homine, qui cum odit, à quo in turba calcatus, aut respersus, aut quò nollet, impulsus est? At quid est aliud, quod illum querelæ eximat, cum in re sit iniuria,

ria,

ria, quàm nescissè quid faceret? Eadem res efficit, ne hic beneficium dederit, ne ille iniuriam fecerit. & amicum & inimicum voluntas facit. Quàm multos militia morbus eripuit? quòdam ne ad ruinam domus suæ occurrerent, inimicus vadimonia tenuit: ne in piratarum manus peruenirent, quidam naufragio consecuti sunt. Nec his tamen beneficium debemus: quoniam extra sensum officij casus est: nec inimico cuius nos lis exercuit, dum vexat ac detinet. Non est beneficium, nisi quod à bona voluntate proficiscitur, nisi illud agnoscit, qui dedit. Profuit aliquis mihi dum nescit: nihil illi debeo: profuit cùm vellet nocere: imitabor ipsum.

C A P. X. Ad primum illum reuertamur. ut gratiam referam, aliquid facere me vis: ipse ut beneficium mihi daret, nihil fecit. Ut ad alterum transeamus, vis me huic gratiam referre, ut quod à nolente accepi, volens reddam. Nam quid de tertio loquar, qui ab iniuria in beneficium delapsus est? Ut beneficium tibi debeam, parum est voluisse te dare: ut non debeam, satis est, noluisse. Beneficium enim voluntas nuda non efficit: sed quod beneficium non esset, si optimæ ac plenissimæ voluntati fortuna deesset, id æquè beneficium non est, nisi fortunam voluntas antecessit. Non enim profuisse te mihi oportet, ut ob hoc tibi obliges, sed ex

destinato profuisse.

CAP. XI. Cleanthes exemplo eius modi vitur: Ad quærendum, inquit, & accersendum ex academia Platonem, duos pueros misi. alter totam porticum perscrutatus est, alia quoque loca in quibus illum inueniri posse sperabat, percurrit, & domum non minus lassus quam irritus rediit: alter apud proximum circulatorum refedit, & dum vagus atque error vernaculis congregatur & ludit, transeuntem Platonem, quem non quæsierat, inuenit. Illum, inquit, laudabimus puerum, qui, quantum in se erat, quod iussus est fecit: hunc, feliciter inertem, castigabimus. Voluntas est, quæ apud nos ponit officium: cuius vide quæ conditio sit, ut me debito obstringat. Parum est illi vel-
le, nisi profuit: parum est profuisse, nisi voluit. Puta enim aliquem donare voluisse, nec donasse. animum quidem eius habeo, sed beneficium non habeo: quod consummat & res, & animus. Quemadmodum ei qui voluit mihi pecuniam credere, sed non credidit, nihil debeo: ita ei qui voluit mihi beneficium dare, sed non potuit, amicus quidem ero, sed non obligatus. Et volam illi aliquid præstare: nam & ille voluit mihi. ceterum si benigniore fortuna usus præstitero, beneficium dederò, non gratiam retulero. Ille mihi gratiam debet referre: huic iniuriam a me fiet numerandi.

CAP.

C A P. XII. Intellego iam quid velis quærere . non opus est te dicere : vultus tuus loquitur . Si quis sua causa nobis profuit , eine , inquis , debetur aliquid ? hoc enim sæpe te conquerentem audio , quòd quædam quæ homines sibi præstant, alijs imputant . Dicam, mi Liberalis : sed priùs hanc quæstiunculam diuidam , & rem æquam ab iniqua separabo . Multum enim interest , vtrum aliquis beneficiũ nobis det sua causa , an nostra : an sua & nostra . Ille qui totus ad se spectat, & nobis prodest , quia aliter sibi prodesse non potest ; eo loco mihi est , quo qui pecori suo hibernum & æstiuum pabulum prospicit ; eo loco , quo qui captiuos suos , vt commodiùs vaneant , pascit , & opimos boues saginat ac defricat ; quo lanista , qui familiam suam summa cura exercet , atque ornat . Multum (vt ait Cleanthes) à beneficio distat negotiatio.

C A P. XIII. Rursus non sum tam iniquus , vt nihil ei debeam, qui cùm mihi utilis esset , fuit & sibi . Non enim exigo, vt sine respectu sui mihi consulat . imò etiam opto , vt beneficium mihi datum , vel magis danti profuerit dummodo id qui dabat , duos intuens dederit , & inter me seque diuiserit . Licet id ipse ex maiore parte possideat , si modò me in consortium admisit, si duos cogitauit : ingratus sum , non solùm iniustus, nisi gaudeo

deo hoc illi profuisse, quod proderat mihi. Summæ malignitatis est, non vocare beneficium, nisi quod dantem aliquo incommodo affecit. Aliter illi, qui beneficium dat sua causâ, respondebo. Quare potius te mihi profuisse dices, quam me tibi? Puta, inquit, aliter fieri non posse me magistratum, quam si decem captos ciues ex magno captiuorum numero redemero: nihil debebis mihi, cum te seruitute ac vinculis liberauero? atqui mea id causa faciam. Aduersus hoc respondeo. Aliquid istic tua causâ facis, aliquid mea. tua, quod redimis: mea, quod eligis. tibi enim ad utilitatem tuam satis est, quolibet redemisse. Itaque debeo, non quod redimis me, sed quod eligis. poteras enim & alterius redemptione idem consequi, quod mea. Utilitatem rei partitis mecum, & me in beneficium recipis, duobus profuturum. Præfers me alijs: hoc totum mea causa facis. Itaque si prætorem te factura esset decem captiuorum redemptio, decem autem soli captiui essemus, nemo quidquam tibi deberet ex nobis; quia nihil haberes, quod cuiquam imputares, à tua utilitate seductum. Non sum iniquus beneficij interpret: nec desidero illud mihi tantum dari, sed & tibi.

CAP. XIV. Quid ergo, inquit, si in sortem nomina vestra conijci iussissem, & tuum nomen inter redimendos exisset,

exisset, nihil deberes mihi? imò deberem, sed exiguum. Quid sit hoc, dicam. Aliquid mea causâ facis, quod me ad fortunam redemptionis admittis. quod nomen meum exijt, forti debeo: quod exire potuit, tibi. Aditum mihi ad beneficium tuum dedisti, cuius maiorem partem fortunæ debeo: sed hoc ipsum tibi, quod fortunæ debere potui. Illos ex toto præteribo, quorum mercenarium beneficium est: quod qui dat, non computat cui, sed quanti daturus sit, quod undique in se conuersum est. Vendit mihi aliquis frumentum. viuere non possum, nisi emero: sed non debeo vitam, quia emi. Nec quàm necessarium fuerit, æstimo, sive quo victurus non fui: sed quàm gratuitum, quod non habuissem, nisi emissem. iu quo inuehendo mercator non cogitauit quantum auxiliij allaturus esset mihi, sed quantum lucri sibi. Quod emi, non debeo.

C A P. XV. Isto modo, inquit, ne medico quidquam debere te, nisi mercedulam dices: nec præceptori, quia aliquid numeraueris. atqui omnium horum apud nos magna caritas, magna reuerentia est. Aduersus hoc responderetur, quædam pluris esse, quàm emuntur. Emis à medico rem inæstimabilem, vitam ac valetudinem bonam: à bonarum artium præceptore studia liberalia, & animi cultum. Itaque his non rei pretium, sed operæ solui-

soluitur, quòd deferuiunt, quòd à rebus suis auocati nobis vacant. mercedem non meriti, sed occupationis suæ ferunt. Aliud tamen dici potest verius, quod statim ponam, si prius quomodo istud refelli possit, ostendero. Quædam, inquit, pluris sunt quàm vānierunt, & ob hoc aliquid mihi extra pro illis, quamuis empta sint, debes. Primum, quid interest quanti sint, cūm de pretio, inter ementem & vendentem conuenerit? Deinde non vāniūt illud suo pretio, sed tuo. Pluris est, inquit, quàm vāniūt. Sed pluris vānirē non potuit: pretium autem cuiusque rei pro tempore est. Cūm benè ista laudaueris: tanti sunt, quanto pluris vānirē non possunt. præterea nihil venditori debet, qui benè emit. Deinde etiam si pluris ista sunt, non tamen vllum istic tuum munus est, vt non ex vsu effectiue, sed ex consuetudine & annona æstimetur. Quod tu pretium ponis traijcienti maria, & per medios fluctus, cūm è terræ conspectu recessit, certam secanti viam, & prospicienti futuras tempestates, & securis omnibus iubenti subito vela stringi, armamenta demitti, paratos ad incursum procellæ & repentinum impetum stare? huic tamen tantæ rei præmium vectura persoluit. Quanti æstimas in solitudine hospitium, in imbre tectum, in frigore balneum, aut ignem? scio tamen quanti ista cōsecuturus diuersorium subeam. Quan-

tum

tum nobis præstat, qui labentem domum suscipit? & agentem ex imo rimas insulam, incredibili arte suspendit? certo tamen & leui pretio futura conducitur. Murus nos ab hostibus tutos, & à subitis latronum incursionibus præstat. notum est tamen, illas turres, pro securitate publica propugnacula habituras, excitaturus faber, quid in diem mereat.

C A P. X V I. Infinitum erit, si latius exempla conquiram, quibus appareat, paruo magna constare. Quid ergo? quare medico & præceptori plus quiddam debeo, nec aduersus illos mercede defungor? Quia ex medico ac præceptore in amicum transeunt, & nos non arte quam vendunt, obligant, sed benigna & familiari voluntate. Itaque medico, qui nihil amplius quàm manum tangit, & me inter eos, quos perambulat, ponit, sine ullo affectu facienda vitandæque præcipiens, nihil amplius debeo: quia me non tamquam amicum vidit, sed tamquam imperatorem. Ne præceptorem quidem habeo cur venerer, si me in grege discipulorum habuit, si non putauit dignum propria & peculiari cura, si numquam in me direxit animum: & cum in medium effunderet, quæ sciebat, non didici, sed excepi. Quid ergo est, quare istis debeatur multum? non quia pluris est quod vendiderunt quàm emimus, sed quia nobis ipsi aliquid præstiterunt. Ille plus im-

pendit.

pendit, quàm medico necesse est: pro me, non pro fama artis, extimuit: non fuit contentus remedia monstrare, sed admouit. Interea sollicitus assedit, ad suspecta tempora occurrit: nullum ministerium oneri illi, nullum fastidio fuit. Gemitus meos non securus excepit. in turba multorum inuocantium, ego illi potissima cura fui. tantum alijs vacauit, quantum mea valetudo permiserat. Huic ego non tamquam medico, sed tamquam amico, obligatus sum. Alter rursus in docendo, & laborem & tedium tulit, præter illa quæ præcipientibus in commune dicuntur, aliqua instillauit ac tradidit, hortando bonam indolem erexit, & modò laudibus fecit animum, modò admonitionibus discussit desidiam. Tum ingenium latens & pigrum, iniecta (vt ita dicam) manu, extraxit: nec quæ sciebat, malignè dispensauit, quò diutius esset necessarius, sed cupijt, si posset, vniuersa transfundere. Ingratus sum, nisi illum inter gratissimas necessitudines diligo.

CAP: X V I I. Sordidissimorum quoque artificiorum institoribus supra constitutum aliquid adiecimus, si nobis opera illorum enixior visâ est: & gubernatori, & opifici vilissimæ mercis, & in diem se locanti corollarium aspersimus. In optimis verò artibus quæ vitam aut conseruant, aut excolunt, qui nihil se plus existimat debere quàm pepigit, ingratus est.

Adijce,

Adijce, quòd talium studiorum traditio miscet animos. hoc cùm factum est, tam medico quàm præceptorì pretium operæ soluitur, animi debetur.

CAP. XVIII. Plato cùm flumen naue transisset, nec ab illo quidquam portitor exegisset, honori hoc suo datum credens, dixit positum illi esse apud Platonem officium. Deinde paullo pòst, cùm alium atque alium gratis eadem transuerheret sedulitate, negavit illi iam apud Platonem positum officium. Nam vt tibi debeam aliquid, pro eo quod præstas, debes non tantùm mihi præstare, sed tamquam mihi. non potes ob id quemquam appellare, quòd spargis in populum. Quid ergo? nihil debetur pro hoc? Nihil, tamquam ab vno. cum omnibus soluam, quod tibi cum omnibus debeo.

CAP. XIX. Negas, inquit, vllum dare beneficium eum, qui me gratuita naue per flumen Padum tulit? nego. aliquid boni facit, beneficium non dat. Facit enim sua causâ, aut vtique non mea. Ad summam, ne ipse quidem se mihi beneficium iudicat dare: sed aut reipub. aut vicinix, aut ambitioni suæ præstat: & pro hoc aliud quoddam commodum expectat, quàm quod à singulis recepturus est. Quid ergo, inquit, si Princeps ciuitatem dederit omnibus Gallis, si immunitatem Hispanis, nihil hoc nomine singuli debebunt? Quid nì debeant? debebunt autem
non

non tamquam proprium beneficium, sed tamquam publici partem. Nullam, inquit, habuit cogitationem mei. Illo tempore, quo vniuersis proderat, noluit mihi propriè ciuitatem dare: nec in me direxit animum. Ita quare ei debeam qui me sibi non substituit, cùm facturus esset quod fecit? Primum, cùm cogitauit Gallis omnibus prodesse, & mihi cogitauit prodesse. eram enim Gallus: & me, etiam si non mea, publica tamen nota comprehendit. Deinde ego quoque illi non tamquam proprium debebo, sed quomodo vnus è populo: non tamquam pro me soluam, sed tamquam pro patria conferam.

C A P. XX. Si quis patriæ meæ pecuniam credat, non dicam me illius debitorem, nec hos æs alienum profitebor aut candidatus, aut reus: ad exsoluendum tamen hoc, portionem meam dabo. Sic istius muneris quod vniuersis datur, debitorem me nego: quia mihi dedit quidem, sed non propter me: & mihi quidem, sed nesciens an mihi daret: nihilominus aliquid mihi dependendum sciam, quia ad me quoque circuitu longo peruenit. Propter me factum debet esse, quod me obliget. Isto, inquit, modo, nec Lunæ nec Sôli quidquam debes. non enim propter te mouentur. Sed cùm in hoc moueantur, vt vniuersa conseruent, & pro me mouentur: vniuersorum enim pars sum. Adijce nunc, quòd
nostra,

nostra, & horum conditio, dissimilis est. Nam qui mihi prodest, ut per me proficit & sibi, non dedit beneficium: quia me instrumentum utilitatis suæ fecit. Sol autem & Luna etiam si nobis profunt, non in hoc tamen profunt, ut per nos proficiant sibi. quid enim nos illis conferre possumus?

CAP. XXI. Sciam, inquit, Solem ac Lunam nobis velle prodesse, si nolle potuerint. illis autem non licet non moveri. ad summam, consistant, & opus suum intermittant. Hoc vide quot modis refellatur. Non ideo minus vult, qui non potest nolle. imò magnum argumentum est firmæ voluntatis, ne mutare quidem possit. Vir bonus non potest non facere, quod facit: non enim erit bonus, nisi fecerit. ergo nec bonus vir beneficium dat, quia facit quod debet: non potest autem non facere, quod debet. Præterea multum interest, utrum dicas, Non potest hoc non facere, quia cogitur: an, Non potest nolle. Nam si necesse est illi facere, non debeo ipsi beneficium, sed cogenti. Si necesse est illi velle ob hoc, quia nihil habet melius quod velit, ipse se cogit. Ita quod tamquam coactus non deberem, tamquam cogenti debeo. Desinant, inquit, velle. Hoc loco tibi occurrat, Quis tam demens est, ut eam neget voluntatem esse, cui non est periculum desinendi, vertendi que se in contra-

trarium: cum ex diuerso nemo æquè videri debeat velle, quàm cuius voluntas vsque eò certa est, vt æterna sit? An si is quoque vult, qui potest statim nolle, is non videbitur velle, in cuius naturam non cadit nolle?

CAP. XXII. Agedum, inquit, si possunt, resistent. Hoc dicis, Omnia ista ingentibus interuallis diducta, & in custodiam vniuersi disposita, stationes suas deferant, subita confusione rerum sidera sideribus incurrant, & rupta rerum concordia in ruinam diuina labantur, contextusque velocitatis citatissimæ, in tot sæcula promissas vices in medio itinere destituat, & quæ nunc eunt alternis redeuntque opportunis libramentis, mundum ex æquo temperantia; repentino concrementur incendio, & ex tanta varietate soluantur, atque eant in vnum omnia. Ignis cuncta possideat, quem deinde pigra nox occupet, & profunda vorago tot deos sorbeat. Est tanti, vt tu coarguaris, ista concidere? Profunt tibi etiam inuito, euntque ista tua causa, etiamsi maior illis alia, ac prior causa est.

CAP. XXIII. Adijce nunc, quòd non externa cogunt deos, sed sua illis in legem æterna voluntas est. statuerunt, quæ non mutarent. Itaque non possunt videri facturi aliquid, quamuis molint: quia quidquid desinere non possunt,

sunt, perseverare voluerunt: nec unquam primi consilij deos pœnitet. Sine dubio stare illis & desciscere in contrarium, non licet: sed non ideo, quia vis sua illos in proposito tenet, ex imbecillitate permanent: sed quia non licet ab optimis aberrare, & sic ire decretum est. In prima autem illa constitutione, cum uniuersa disponderent, etiam nostra viderunt, rationemque hominis habuerunt. Itaque non possunt videri sua tantum causa decurrere, & explicare opus suum: quia pars operis sumus & nos. Debemus ergo & Soli, & Lunæ, & cæteris cœlestibus beneficium: quia etiam si potiora illis sunt, in quæ oriuntur, nos tamen in maiora ituri iuuant. Adijce, quod destinato iuuant. ideoque obligati sumus, qui non in beneficium ignorantium incidimus; sed hæc quæ accipimus, accepturos scierunt: & quamquam maius illis propositum sit, maiorque actus sui fructus, quàm seruare mortalia: tamen in nostras quoque utilitates à principio rerum præmissa mens est, & is ordo mundo datus, ut appareat curam nostri non inter vltima habitam. Debemus parentibus nostris pietatem: & multi non ut gignerent, coierunt. Dij non possunt videri nescisse, quid effecturi essent, cum omnibus alimenta protinus, & auxilia prouiderint: nec eos per negligentiam genuere, quibus tam multa genuerant.

rant : Cogitauit enim nos antè natura ,
quàm fecit : nec tam leue opus sumus , vt
illi potuerimus excidere . Vide quantum
nobis permiserit , quàm non intra homi-
nes , humani imperij conditio sit . vide
inquantum corporibus vagari liceat ,
quæ non coercuit sine terrarum , sed
omnem in partem sui misit . vide , animi
quantum audeant , quemadmodum so-
li aut nouerint deos , aut quærant , &
mente in altum data diuina comitentur .
Scias non esse hominem tumultuarium ;
& incogitatum opus . Inter maxima re-
rum suarum , natura nihil habet quo ma-
gis gloriatur , aut certè cui gloriatur .
Quantus iste furor est , controuersiam
dijs muneris sui facere ? Quomodo ad-
uersus eos hic erit gratus , quibus gratia
referri sine impendio non potest , qui ne-
gat ab his accepisse se , à quibus cum ma-
ximè accipit , qui & semper daturi sunt , &
numquam recepturi ? Quanta autem per-
uersitas , ob hoc alicui non debere , quia
etiam inficianti benignus est : & conti-
nationem ipsam , seriemque beneficij ,
argumentum vocare necessariò dantis ?
Nolo . sibi habeat . quis illum rogat ? &
omnes alias impudentis animi voces his
adstrue . Non ideo de te minùs meretur
is , cuius liberalitas ad te etiam dum ne-
gas peruenit : cuiusque beneficiorum , vel
hoc maximum , quòd etiam querenti da-
turus est .

CAP. XXIV. Non vides, quemadmodum teneram liberorum infantiam parentes ad salubrium rerum patientiam cogant? Flentium corpora, ac repugnantium, diligenti cura fouent: & ne membra libertas immatura detorqueat, in rectum exitura constringunt: & mox liberalia studia inculcant, adhibito timore nolentibus. Ad vltimum, audacem iuuentam frugalitati, pudori, moribus bonis, si parum sequitur, coactam applicant. Adolescentibus quoque, ac iam potentibus sui, si remedia metu aut intemperantia reiiciunt, vis adhibetur ac seruitus. Itaque beneficiorum maxima sunt, quæ à parentibus accipimus, dum aut nescimus, aut nolumus.

CAP. XXV. His ingratis, & repudiantibus beneficia, non quia nolunt, sed ne debeant, similes sunt ex diuerso nimis grati: qui aliquid incommodi precari solent his quibus obligati sunt, aliquid aduersi, in quo affectum memorem accepti beneficii approbent. An hoc rectè faciant, & pia voluntate, quæritur: quorum animus simillimus est prauo amore flagrantibus, qui amicæ suæ optant exilium, ut desertam fugientemque comitentur: optant inopiam, ut magis desideranti donent: optant morbum, ut assideant: & quidquid inimicus optaret, amantes vouent. Ferè idem itaque exitus est odij, & amoris insani. Tale quiddam & his accidit,

cidit, qui amicis incommoda optant, quæ detrahant, & ad beneficium iniuria veniunt: cùm satius sit vel cessare, quàm per scelus officio locum quærere. Quid si gubernator à diis tempestates infestissimas, & procellas petat, ut gravior ars sua periculo fiat? quid si imperator deos oret, ut magna vis hostium circumfusa castris, fossas subito impetu compleat, & vallum trepidante exercitu conuellat, & in ipsis portis infesta signa constituat, quò maiore cum gloria rebus lapsis profigatisque succurrat? Omnes isti beneficia sua detestabili via ducunt, qui deos contra eum aduocant, cui ipsi affuturi sunt, & antè illos sterni, quàm erigi volunt. Inhumana ista, & peruersè grati animi natura est, contra eum optare, cui honestè deesse non possis.

CAP. XXVI. Non nocet illi votum meum, inquit, quia simul opto & periculum, & remedium. Hoc dicis, non nihil te peccare, sed minus quàm si sine remedio periculum optares. Nequitia est, ut extrahas, mergere; euertere, ut suscites; ut emittas, includere. Non est beneficium, iniuriæ finis: nec unquam id detraxisse meritum est, quod ipse qui detraxit, intulerat. Non vulneres me malo, quàm fannes. potes inire gratiam, si quia vulneratus sum, sanas: non, si vulneras, ut sanandus sim. Nunquam cicatrix, nisi collata vulnere, placuit: quod ita coisse gaude-

gaudemus, ut non fuisse malle. Si hoc ei optares, cuius nullum beneficium haberes, inhumanum erat votum: quanto inhumanius ei optas, cui beneficium debes?

CAP. XXVII. Simul, inquit, ut possim ferre illi opem, precor. Primum, ut te in media parte voti tui occupem, iam ingratus es. nondum audio quid illi velis præstare: scio quid illum velis pati. Sollicitudinem illi & metum, & maius aliquod imprecari malum. optas ut ope indigeat: hoc contra illum est. optas ut tua indigeat ope: hoc pro te est. non succurrere vis illi, sed solvere. Quid sic properat, ipse solui vult, non solvere. Ita quod: unum in voto tuo honestum videri poterat, turpe & ingratum est, nolle debere. optas enim, non ut tu facultatem habeas referendæ gratiæ, sed ut ille necessitatem implorandæ. Superiorem te facis, & quod nefas est, benè meritum ad pedes tuos mittis. quanto satius est, honesta voluntate debere, quàm per malam rationem solvere? Si inficiareris quod acceperas, minùs peccares: nihil enim si quod dederat, amitteret: nunc vis illum subiici tibi iactura rerum suarum, & status mutatione in id devocari, ut infra beneficia sua iaceat. Gratum te reputabo? coram eo, cui prodesse vis, opta. Votum tu istud vocas, quod inter gratum & inimicum potest diuidi? quod non

dubites aduersarium & hostem fecisse, si extrema taceantur? Hostes quoque optauerunt capere quasdam vrbes, vt seruant: & vincere quosdam, vt ignoscere. nec ideo non hostilia vota: in quibus, quod mitissimum est, post crudelitatem venit. Denique qualia esse iudicas vota, quæ nemo tibi minùs volet, quàm is pro quo fiunt, succedere? pessimè cum eo agis, cui vis à diis noceri, à te succurri: iniquè cum ipsis diis. Illis enim durissimas partes imponis, tibi humanas: vt tu prosis, dii nocebunt? Si accusatorem submitteres, quem deinde remoueres, si aliqua illum lite implicares, quam subinde discuteres; nemo de tuo scelere dubitaret: quid interest, vtrum istud fraude tentetur, an voto? nisi quòd potentiores illi aduersarios quæris. Non est quod dicas: Quam enim illi iniuriam facio? Votum tuum aut superuacuum est, aut iniuriosum: imò iniuriosum, etiamsi irritum. Quidquid non efficis, Dei munus est: iniuria verò, quidquid optas. Sat est. tibi non aliter debemus irasci, quàm si feceris.

C A P. X X V I I I. Si vota, inquit, valuissent, & in hoc valuissent, vt tutus esses. Primùm, certum mihi optas periculum sub incerto auxilio. deinde vtrumque certum puta: quod nocet, prius est. Præterea tu conditionem voti tui nosti: me tempestas occupauit, portus ac præsi-

dij

dij dubium. Quantum existimas tormentum, etiam si accepero, eguisse? etiam si seruatus fuero, trepidasse? etiam si absolutus fuero, causam dixisse? Nullius me-
tus tam gratus est finis, ut non grator sit
solida & inconcussa securitas. Opta, ut
reddere mihi beneficium possis, cum o-
pus erit, non ut opus sit. Si esset in tua po-
testate quod optas, ipse fecisses.

C A P. X X I X. Quanto hoc hone-
stius votum est? Opto in eo statu sit, quo
semper beneficia distribuat, nunquam
desideret. Sequatur illum materia, qua
tam benignè utitur largiendo iuando-
que, ut nunquam illi sit dandorum bene-
ficiorum inopia, datorum pœnitentia.
Naturam per se pronam ad humanita-
tem, ad misericordiam, & clementiam, ir-
ritet ac prouocet turba gratorum: quos
illi & habere contingat, nec experiri ne-
cesse sit. Ipse nulli: implacabilis sit, ipsi
nemo placandus. tam æquali in eum for-
tuna indulgentia perseueret, ut nemo in
illum possit esse, nisi conscientia gratus.
Quanto hæc iustiora vota sunt, quæ te in
nullam occasionem differunt, sed gratum
statim faciunt? Quid enim prohibet re-
ferre gratiam prosperis rebus? quàm mul-
ta sunt, per quæ quidquid debemus, red-
dere etiam felicibus possumus? fidele con-
siliium, assidua conuersatio, sermo comis,
& sine adulatione iucundus; aures, si deli-
berare velit, diligentes; tutæ, si credere;

conuictus familiaritas. Neminem tam altè secunda posuerunt, vt non illi eò magis amicus desit, quia nihil absit.

C A P. X X X. Ista tristis, & omni voto submouenda occasio, ac procul repellenda. vt gratus esse possis, iratis diis opus est? Nec ex hoc quidem peccare te intelligis, quòd meliùs cum eo agitur, cui ingratus es? Propone in animo tuo carcerem, vincula, sordes, seruitutem, bellum, egestatem: hæ sunt occasiones tui voti. si quis tecum contraxit, per ista dimittitur. Quin potiùs eum potentem esse velis, cui plurimum debes, & beatum? Quid enim (vt dixi) vetat, te referre etiam summa felicitate præditis gratiam? cuius plena tibi occurret. & varia materia? Quid? tu nescis debitum etiam locupletibus solui? Nec te inuitum distringam: Omnia sanè excluderit opulenta felicitas; monstrabo tibi, cuius rei inopia laborent magna fastigia, quid omnia possidentibus desit. Scilicet ille, qui verum dicat, & hominem inter mentientes stupentem, ipsaque consuetudine pro rectis blanda audiendi, ad ignorantiam veri perductum; vindicet à consensu concentuque falforum. Non vides quemadmodum illos in præceps agat extincta libertas, & fides in obsequium seruile submissa, dum nemo ex animi sui sententia suadet, dissuadetque: sed adulandi certamen est, & vnum amicorum omnium officium,

cium, vna contentio, quis blandissimè fallat? Ignorauere vires suas, & dum se tam magnos quàm audiunt, credunt, attraxere superuacua, & in discrimen rerum omnium peruentura bella: vtilem & necessariam rupere concordiam: secuti iram, quam nemo reuocabat, multorum sanguinem hauserunt, fusiuri nouissimè suum, dum vindicant inexplorata pro certis, flectique non minùs existimant turpe quàm vinci, & perpetua credunt, quæ in summum perducta maximè nutant. Ingentia super se ac suos regna fregerunt, nec intellexerunt, in illa scena, & vanis & citò diffluentibus bonis refulgente, ex eo tempore ipsos nihil non aduersi expectare debuisse, ex quo nihil veri audire potuerunt.

CAP. XXXI. Cùm bellum Græciæ indiceret Xerxes, animum tumens, oblitumque quàm caducis confideret, nemo non impulit: Alius aiebat, non laturos nuncium belli, & ad primam aduentus famam, terga versuros: alius, nihil esse dubij, quin illa mole non vinci solum Græcia, sed obrui posset: magis verendum, ne vacuas desertasque vrbes inuenirent, & profugis hostibus vastæ solitudines relinquerentur, non habituris, vbi tantas vires exercere possent. Alius, illi vix rerum naturam sufficere, angusta esse classibus maria, militi castra, explicandis equestribus copiis campestria, vix

Ec. 4. pate-

patere cœlum satis ad emittenda omni manu tela. Cùm in hunc modum multa vndique iactarentur, quæ hominem nimia æstimatione sui furentem concitarent, Demaratus Lacedæmonius solus dixit, ipsam illam qua sibi placeret multitudinem indigestam & grauem, metuentam esse ducenti: non enim vires, sed pondus habere: immodica nunquam regi posse; nec diu durare, quidquid regi non potest. In primo, inquit, statim monte Lacones obiecti, dabunt tibi sui experimentum. Tot ista gentium millia trecenti morabuntur, hærebunt in vestigio fixi, & commissas sibi angustias tuebuntur, & corporibus obstruent. tota illos Asia non mouebit loco. tantas minas belli, & pænè totius generis humani ruentis impetum, paucissimi sustinebunt. Cùm te mutatis legibus suis natura transmiserit, in semita hærebis, & æstimabis futura damna, cùm putaueris quanti Thermopylarum angusta constiterint. Scies te fugari posse, cum scieris posse retineri. Cedent quidem tibi pluribus locis, velut torrentis modo ablati, cuius cum magno terrore prima vis defluit: deinde hinc atque illinc coorientur, & tuis te viribus prement. Verum est quod dicitur, maiorem belli apparatus esse, quàm qui recipi ab his regionibus possit, quas oppugnare constituis. Sed hæc res contra nos est: ob hoc ipsum te Græcia vincet, quia

non

non capit . uti toto te non potes . Præterea, quæ una rebus salus est , occurrere ad primos rerum impetus, & inclinatis operæ ferre non poteris , nec fulcire ac firmare labantia . Multò antè vinceris , quàm victum esse te sentias . Ceterum non est , quòd exercitum tuum ob hoc sustineri putes non posse , quia numerus eius duci quoque ignotus est . Nihil tam magnum est, quòd perire non possit : cui nascitur in perniciem , ut alia quiescant , ex ipsa magnitudine sua causâ . Acciderunt quæ Demaratus prædixerat . Divina atque humana impellentem , & mutantem quidquid obstiterat , trecenti stare iusserunt : firatusque per totam passim Græciam Xerxes intellexit , quantum ab exercitus turba distaret . Itaque Xerxes pudore , quàm damno miserior , Demarato gratias egit , quòd solus sibi verum dixisset , & permisit petere quod vellet : petit ille , ut Sardes maximam Asiæ ciuitatem curru vectus intraret , rectam capite tiaram gerens . id solis datum regibus . Dignus fuerat præmio , antequam peteret : sed quàm miserabilis gens, in qua nemo fuit , qui verum diceret regi , nisi qui non dicebat sibi ?

C A P. XXXII. Diuus Augustus filiam ultra pudicitiae maledictum impudicam relegauit , & flagitia Principalis domus in publicum emisit : admissos gregatim adulteros , pererratam noctur-

E c s nis.

nis comestrationibus ciuitatem, forum ipsum ac rostra, ex quibus pater legem de adulteriis tulerat, filiae in stupra placuisse, quotidianum ad Marfyam concursus: cum ex adultera in quaestuarium versa, ius omnis licentiae sub ignoto adultero peteret. Hæc tam vindicanda Principi quam tacenda (quia quarundam rerum turpitudine etiam ad vindicantem redit) parum potens iræ publicauerat. Deinde cum, interposito tempore, in locum iræ subiisset verecundia, gemens, quod non illa silentio prefisset, quæ tamdiu nescierat, donec loqui turpe esset, sæpè exclamauit; Horum mihi nihil accidisset, si aut Agrippa, aut Mecænas vixisset. Adeò toti habenti millia hominum, duos reparare difficile est. Cæsæ sunt legiones; & protinus scriptæ. fracta classis; & intra paucos dies natauit noua. sæuitum est in opera publica ignibus, surrexerunt meliora consumptis. tota vita, Agrippæ & Mecænatis vacauit locus. Quid putem? defuisse similes qui assumerentur, an ipsius vitium fuisse, qui maluit queri, quam quærere? Non est quod existimemus, Agrippam & Mecænatem solitos illi vera dicere: qui si vixissent, inter dissimulantes fuissent. Regalis ingenij mos est, in præsentium contumeliâ, amissâ laudare, & his virtutem dare vera dicendi, à quibus iam audiendi periculum non est.

CAP.

CAP: XXXIII. Sed ut me ad propositum reducam, vides quàm facile sit, gratiam referre felicibus, & in summo humanarum opum positis. Dic illis non quod volunt audire, sed quod audisse semper volunt: plenas aures adulationibus, aliquando vera vox intret: da consilium utile. Quæris, quid felici præstare possis? effice, ne felicitati suæ credat: ut sciat illam multis & fidis manibus continendam. Parum in illum contuleris, si illi semel stultam fiduciam permanens semper potentiæ excusseris, docuerisque mobilia esse quæ dedit casus, & maiore cursu fugere quàm veniunt: nec his portionibus, quibus ad summa peruentum est, retrò iri? sæpè inter fortunam maximam & ultimam nihil interesse? Nescis quantum sit pretium amicitiae, si non intelligis multum te ei daturum, cui dederis amicum, rem non domibus tantum, sed sæculis raram: quæ non aliubi magis deest, quàm ubi creditur abundare. Quid? istos tu libros, quos vix nomenclatorum complectitur aut memoria, aut manus, amicorum existimas esse? Non sunt isti amici, qui agmine magno ianuam pulsant, qui in primas & secundas admissiones digeruntur. Consuetudo ista vetus est regibus, regesque simulantibus, populum amicorum describere. Est proprium superbiæ, magno æstimare introitum, ac tactum sui liminis.

pro honore dare , vt ostio suo propitiis affideas , vt gradum prior intra domum ponas , in qua deinceps multa sunt ostia , quæ receptos quoque excludunt .

C A P. X X X I V. Apud nos primi omnium C. Gracchus & mox Liuius Drusus instituerunt segregare turbam suam , & alios in secretum recipere , alios cum pluribus , alios cum vniuersis . Habuerunt itaque isti amicos primos , habuerunt & secundos , numquam veros . Amicum vocas , cuius disponitur salutatio? aut potest huius tibi patere fides , qui per fores malignè apertas non intrat , sed illabitur? Huic peruenire vsque ad distringendam libertatem licet , cuius vulgare & publicum verbum & promiscuum ignotis , A V E , non nisi suo ordine emititur? Ad quemcumque itaque istorum veneris , quorum salutatio urbem concutit , scito , etiam si animaduuerteris obsessos ingenti frequentia vicos , & commeantium in vtramque partem catervis itinera compressa , tamen venire te in locum hominibus plenum , amicis vacuum . In pectore amicus , non in atrio quæritur . illo recipiendus est , illic retinendus ; & in sensus recondendus . Hoc doce , gratus es . Malè de te existimas , si inutilis es , nisi afflicto ; si rebus bonis supernaculus : Quemadmodum te & in dubiis , & in aduersis , & in latis sapienter geris , vt dubia prudenter trāctes , aduersa fortiter ,
lata

lata moderatè : ita in omnia utilem te amico exhibere potes . Aduersa eius si nec deferueris , nec optaueris , multa nihilominus , vt non optes , in tanta varietate , quæ tibi materiam exercendæ fidei præbeant , incident . Quemadmodum qui optat diuitias alicui in hoc , vt illarum partem ipse ferat , quamuis pro illo videatur optare , sibi prospicit : sic qui optat amico aliquam necessitatem , quam adiutorio suo fideque discutiat ; quod est ingrati , se illi præfert , & tanti æstimat illum miserum esse , vt ipse gratus sit , & ob hoc ipsum ingratus est . Exonerare enim se vult , & vt graui sarcina liberare . Multum interest , vtrum properes referre gratiam , vt reddas beneficium ; an , vt ne debeas . Qui reddere vult , illius se commodo aptabit , & idoneum illi venire tempus volet : qui nihil aliud quam ipse liberari vult , quacunque ad hoc cupiet peruenire , quod est pessimæ voluntatis .

CAP. XXXV. Ista , inquam , nimia festinatio ingrati est . id apertius exprimere non possum , quam si repetiuero quod dixi . Non vis reddere acceptum beneficium , sed effugere . Hoc dicere videris , Quando isto carebo ? quocunque modo mihi laborandum est , ne isti obligatus sim . Si optares vt illi solueres de suo , multum abesse videreris à grato ; hoc quod optas , iniquius est . Exsecraris enim
illum,

illum, & caput sanctum tibi, dira imprecatione defigis. Nemo, ut existimo, de immanitate animi tui dubitaret, si aperte illi paupertatem, si captiuitatem, si famem ac metum imprecareris. At quid interest, utrum vox ista tua sit, an votum? Sanus aliquid horum opta. I nunc, & hoc esse grati puta, quod ne ingratus quidem faceret, qui modò non usque in odium, sed tantum, ad infitiationem beneficij, perueniret.

CAP. XXXVI. Quis pium dicet Æneam, si patriam capi voluerit, ut captiuitate patriam eripiat? Quis Siculos iuuenes, ut bona liberis exempla monstrarent, si optauerunt, ut Ætna immensa ignium vis supra solitum ardens, daret ipsis occasionem exhibendæ pietatis, ex medio parentibus incendio raptis? Nihil debet Scipioni Roma, si Punicum bellum, ut finiret, perseuerare maluit: nihil Decijs, quòd morte patriam seruauerunt, si priùs optauerant, ut deuotioni fortissimæ locum vltima rerum necessitas faceret. Grauißima infamia est medici, opus quærere. Multi quos auxerant morbos, & irritauerant, ut maiore gloria sanarent, non potuerunt discutere, aut cum magna miserorum vexatione vicerunt.

CAP. XXXVII. Callistratum aiunt, ita certè Hecaton auctor est, cum in exilium irer, in quod multos simul cum illo seditiosa ciuitas & intemperanter libera
expu-

expulerat, optante quodam, ut Atheniensibus necessitas restituendi exules esset, abominatum talem redditum. Rutilius noster animosus. cum enim quidam illum consolaretur, & diceret instare arma ciuilia: breui futurum, ut omnes exules reuerterentur: Quid tibi, inquit, mali feci, ut mihi peiorem redditum, quam exitum optares? Malo, ut patria exilio meo erubescat, quam redditu mœreat. Non est istud exilium, cuius neminem non magis, quam damnatum, pudet. Quemadmodum illi seruauerunt bonorum ciuium officium, qui reddi sibi penates suos noluerunt clade communi, quia satius erat duos vnico malo affici, quam omnes publico: ita non seruat grati hominis affectum, qui benè de se merentem difficultatibus vult opprimi, quas ipse submo-ueat: qui etiam si benè cogitat, malè precatur. Ne in patrocinium quidem, nedum in gloriam est, incendium extinxisse quod feceris.

C A P. XXXVIII. In quibusdam ciuitatibus, impium votum sceleris vicem tenuit. Demades certè Athenis, cum qui necessaria funeribus venditabat, damnauit, cum probasset magnum lucrum optasse: quod contingere illi sine multorum morte non poterat. Quæritamen solet, an merito damnatus sit. Fortasse optauit, non ut multis venderet, sed ut carè: ut paruo sibi constarent, quæ vendi-

venditurus esset. Cùm constet negotia-
 tio ex empto & vendito, quare votum
 eius in vnam partem trahis, cùm lucrum
 ex vtraque sit? Præterea omnes licet, qui
 in ista negotiatione sunt, damnes: om-
 nes enim idem volunt, idem intra se op-
 tant. Magnam hominum partem dam-
 nabis. cui enim non ex alieno incommo-
 do lucrum? Miles bellum optat. agrico-
 lam annonæ caritas erigit, eloquentiæ,
 exoptat pretium litium numerus. medicis
 grauis annus in quæstu est. institores de-
 licatarum mercium, iuuentus corrupta
 locupletat. nulla tempestate, nullo igne
 lædantur testæ: iacebit opera fabrilis.
 Vnius votum deprehensum est, omnium
 simile est. An tu Arruntium, & Aterium,
 & ceteros qui captandorum testamento-
 rum artem professi sunt, non putas ea-
 dem habere, quæ designatores & libiti-
 narios, vota? illi tamen quorum mortes
 optent, nesciunt: hi familiarissimum
 quemque, ex quo propter amicitiam
 spei plurimum est, mori cupiunt. Illo-
 rum damno nemo viuit: hos quisquis
 differt, exhaurit. Optant ergo, non tan-
 tum vt accipiant, quod turpi seruitute
 meruerunt, sed etiam vt tributo graui li-
 berentur. Non est itaque dubium, quin
 hi magis quod damnatum est in vno, op-
 tent: quibus quisquis morte profuturus
 est, vita nocet. Omnium tamen istorum
 tam nota sunt vota, quàm impunita. De-
 nique

nique se quisque consulat, & in secretum pectoris sui recedat, & inspiciat quid tacitus optauerit. quàm multa sunt vota, quæ etiam sibi fateri pudet! quàm pauca, quæ facere coram teste possimus!

CAP. XXXIX. Sed non quidquid reprehendendum, etiam damnum est: sicut hoc votum amici, quod in manibus est, malè utentis bona voluntate, & in id incidentis, quod euitat. nam dum gratum animum festinat ostendere, ingratus est: Hic, ait, in potestatem meam recidat, gratiam meam desideret, sine me saluus, honestus, tutus esse non possit. tam miser sit, ut illi beneficij loco sit, quidquid redditur. Hæc dijs audientibus. Circumueniant illum domesticæ insidiæ, quas ego possim solus opprimere: instet potens inimicus & grauis, infestaturba nec inermis, & creditor urgeat & accusator.

CAP. XL. Vide quàm sis æquus, horum optares nihil, si tibi beneficium non dedisset. Ut alia taceam, quæ grauiora committis, pessima pro optimis referendo, hoc certè delinquis, quòd non expectas suum cuiusque rei tempus: quod æquè peccat, qui non sequitur, quàm qui antecedit. Quomodo non semper beneficium recipiendum est, sic non utique reddendum. Si mihi non desideranti redderes, ingratus esses: quanto ingrator es, qui desiderare me cogis? Expecta, quare
sub-

subsidere apud te munus meum non vis ? quare obligatum molestè fers ? quare, quasi cum acerbo fœneratore, signare rationem parem properas ? Quid mihi negotium quaris ? quid in me deos immittis ? quomodo exigeres, qui sic reddis ?

C A P. X L I. Ante omnia ergo, Liberalis, hoc discamus, beneficia securè debere, & occasiones reddendorum obseruare, non manu facere : hanc ipsam cupiditatem primo quoque tempore liberandi se, meminerimus ingrati esse. Nemo enim libenter reddit, quod inuitus debet : & quod apud se non vult esse, onus iudicat esse, non munus. Quanto melius ac iustius, in promptu habere merita amicorum ; & offerre, non ingerere, nec obæratum se iudicare : quoniam beneficium commune vinculum est, & inter se duos alligat. Dic, Nihil moror, quo minùs tuum reuertatur ad te : opto hilaris accipias. si necessitas alterutri nostrum imminet, fatoque quodam datum est, vt aut tu cogaris beneficium recipere, aut ego accipere, det potiùs qui solet. Ego paratus sum : Nulla mora in Turno. ostendam hunc animum, cùm primum tempus aduenerit : interim dii testes sunt.

C A P. X L I I. Soleo, mi Liberalis, notare hunc in te affectum, & quasi manu prendere, verentis & æstuantis, ne in vilo officio sis tardior. Non decet gratum animum sollicitudo, sed contrà, summa fiducia.

ducia sui : & ex conscientia veri amoris ,
 dimissa omnis anxietas . Tam cum vitio
 est , recipere quod non debes , quàm non
 dare quod debes . hoc beneficij primum
 dati sit ius , vt recipiendi tempus eligat ,
 qui dedit . At vereor , ne homines de me
 sequitis loquantur . Malè agit , qui famè,
 non conscientie gratus est . Duos istius rei
 iudices habes : te , quem non potes fallere ;
 & illum , quem potes . Quid ergo , si nulla
 interuenerit occasio ? semper debebo ?
 Debebis : sed palam debebis , sed liben-
 ter debebis , sed cum magna voluptate
 apud te depositum intueberis . Pœnitet
 accepti beneficij , quem nondum reddi-
 ti piget . quare qui tibi dignus visus est , à
 quo acciperes , indignus videatur , cui de-
 beas ?

C A P. XLIII. In magnis erroribus
 sunt , qui ingentis animi credunt , pro-
 ferre , donare , plurimum sinum ac domum
 replere : cùm ista interdum non magnus
 animus faciat , sed magna fortuna . Ne-
 sciunt , quanto maius ac difficilius inte-
 rim sit capere , quàm fundere . Nam vt
 nihil alteri detraham , quoniam vtrum-
 que vbi ex virtute fit , par est : non mino-
 ris est animi beneficium debere , quàm
 dare . eò quidem operosius hoc quàm il-
 lud , quò maiore diligentia custodiuntur
 accepta , quàm dantur . Ideò non est tre-
 pidandum , quàm citò reponamus , nec
 properandum intempestiuè : quia æquè
 de-

delinquit , qui ad referendam gratiam properat tempore alieno , quàm qui suo cessat . Positum est illi apud me . nec illius nomine , nec meo timeo . benè illi cautum est : non potest hoc beneficium perdere , nisi mecum : imò ne mecum quidem . Egi illi gratias , id est , retuli . Qui nimis de beneficio reddendo cogitat , nimis cogitare alterum de recipiendo putat . Præstet se in vtrumque facilem : si vult recipere beneficium , referamus , reddamusque læti . illud apud nos custodiri mauult ; quid thesaurum eius eruimus ? quid custodiam recusamus ? dignus est , cui , vtrum volet , liceat . Opinionem quidem & famam eo loco habeamus , tamquam non ducere , sed sequi debeat .

LIBER SEPTIMVS.

CAPVT I.

BONVM , mi Liberalis , habeas animum volo :

In manibus terra . Non hic te carmine longo,

Atque per ambages & longa exorsa tenebo.

Reliqua hic liber cogit & exhausta materia , circumspicio , non quid dicam , sed quid non dixerim . Boni tamen consules quidquid superest , cùm tibi superfuerit . Si voluissem lenocinari mihi , debuit paula-

paullatim opus crescere, & ea pars in finem referuari, quam quilibet etiam satiatuſ appeteret. Sed quidquid maximè neceſſarium erat, in primum ſtatim congeſſi: nunc ſi quid effugit, recolligo. Nec mehercule, ſi me interrogas, nimis ad rem exiſtimo pertinere, ubi dicta ſiunt quæ regunt mores, perſequi cetera, non in remedium animi, ſed in exercitationem ingenij inuenta. Egregiè enim hoc dicere Demetrius Cynicus, vir meo iudicio magnus, etiam ſi maximis comparetur, ſolet: Plus prodeſſe, ſi pauca præcepta ſapientiæ teneas, ſed illa in promptu tibi & in uſu ſint, quàm ſi multa quidem didiceris, ſed illa non habeas ad manum. Quemadmodum, inquit, magnus luctator eſt, non qui omnes numeros nexuſq; perdidicit, quorum uſus ſub aduerſario rarus eſt, ſed qui in vno ſe aut altero bene & diligenter exercuit, & eorum occaſiones intentuſ expectat: nec enim refert, quàm multa ſciat, ſi ſcit quantum victoriæ ſatis eſt: ſic in hoc ſtudio multa delectant, pauca vincunt. Licet nescias, quæ ratio Oceanum effundat ac reuocet: quare ſeptimus quiſque annuſ ætati ſignum imprimat: quare latitudo porticuſ ex remoto ſpectantibuſ, non ſeruet proportionem ſuam, ſed vltima in anguſtias coeant, & columnaruſ nouiſſima interualla iungantur: quid ſit, quod geminorum cōceptum ſeparet, partuſ iungat. vtrum

vnus

vnus concubitus spargatur in duos, aut
 toties concepti sint. cur pariter natis fata
 diuersa sint, maximisque rerum spatijs
 distent, quorum inter ortus minimum in-
 terest. Non multum tibi nocebit transis-
 se, quæ nec licet scire, nec prodest. Inuo-
 luta veritas in alto latet. Nec de mali-
 gnitate naturæ queri possumus: quia nul-
 lius rei difficilis inuentio est, nisi cuius
 hic vnus inuentæ fructus est, inuenisse.
 Quidquid nos meliores beatosque factu-
 rum est, aut in aperto, aut in proximo po-
 suit. Si animus fortuita contempsit, si se
 supra metum sustulit, nec auida spe infi-
 nita complectitur, sed didicit à se petere
 diuitias: si deorum hominumque formi-
 dinem eiecit, & scit non multum esse ab
 homine timendum, à Deo nihil: si con-
 temptor omnium, quibus torquetur vita,
 dum ornatur, eò perductus est, vt illi li-
 queat, mortem nullius mali esse mate-
 riam, multorum finem: si animum virtu-
 ti consecrauit, & quacumque vocat illa,
 planum putat: si sociale animal est, & in
 commune genitus, mundum vt vnā do-
 mum spectat, & conscientiam suam dijs
 aperit, semperque tamquam in publico
 viuit: si se magis veritus quàm alios, sub-
 ductus illis tempestatibus, in solido ac
 sereno stetit: consummauit scientiam vti-
 lem, atque necessariam. reliqua oblecta-
 menta otij sunt. Licet enim iam in tu-
 tum retracto animo, ad hæc quoque ex-
 curre-

currere, cultum, non robur, ingenijs afferentia.

C A P. II. Hæc Demetrius noster utraque manu tenere proficientem iubet, hæc nusquam dimittere, imò affigere & partem sui facere, eoque quotidiana meditatione perducere, ut sua sponte occurrant salutaria, & ubique ac statim desiderata præsto sint: & sine mora vlla veniat illa turpis honestique distinctio, sciatque nec malum esse vllum nisi turpe, nec bonum nisi honestum. Hac regula vitæ opera distribuat: ad hanc legem & agat cuncta, & exigat: miserrimosque mortalium iudicet, in quantiscumque opibus refulgebunt, ventri ac libidini deditos, quorum animus inertè otio torpet. Dicat ipse sibi: Voluptas fragilis est & brevis: fastidit obiecta: quò auditus hausta est, citius in contrarium recidens, cuius subinde necesse est aut peniteat, aut pudeat. In qua nihil est aut magnificum, aut quod naturam hominis, dijs proximi, deceat. res humilis, membrorum turpium ac vilium ministerio veniens, exitu fœda. Ista est voluptas & homine & viro digna, non implere corpus, nec saginare, nec cupiditates irritare, quarum tutissima est quies: sed perturbatione carere, & ea quæ hominum inter se rixantium ambitus concutit, & ea quæ intolerabilis ex alto venit, ubi de dijs famæ creditum est, vitisque

tiisq̃ue illos nostris æstimamus. Hanc voluptatem æqualem, intrepidam, numquam sensuram sui tædium, percipit hic quem deformamus cum maximè: qui, ut ita dicam, divini iuris atque humani peritus, præsentibus gaudet, ex futuro non pendet. nihil enim firmi habet, qui in incerta propensus est. Magnis itaque curis exemptus, & distorquentibus mentem, nihil sperat, aut cupit, nec se mittit in dubium, suo contentus. Nec illum existimes paruo esse contentum. omnia illius sunt. non sic, quemadmodum Alexandri fuerunt: cui, quamquam in litore maris rubri steterat, plus deerat quàm quæ venerat. illius ne ea quidem erant, quæ tenebat, aut vicerat, cum in Oceano Onesicritus præfectus classibus præmissus explorator erraret, & bella in ignoto mari quæreret. Non satis apparebat inopem esse, qui extra naturæ terminos arma proferret? qui se in profundum, inexploratum & immensum, aviditate cæca prorsus immitteret? Quid interest, quot eripuerit regna, quot dederit, quantum terrarum tributo premat? tantum illi deest, quantum cupit.

CAP. III. Nec hoc Alexandri tantum vitium fuit, quem per Liberi Herculisq̃ue vestigia felix temeritas egit, sed omnium quos fortuna irritavit implendo. Cyrum & Cambysem, & totum regni Persici stemma percense, quem inuenies,

nies, cui modum imperij satietas fecerit? qui non vitam in aliqua ulterius procedendi cogitatione finierit? Nec id mirum est. quidquid cupiditati contigit, penitus hauritur & conditur: nec interest, quantum in id quod inexplebile est, congeras. Unus est sapiens, cuius omnia sunt, nec ex difficili tuenda. Non habet mittendos trans maria legatos, nec metenda in ripis hostilibus castra, non opportunis castellis disponenda præsidia, non opus est legione, nec equestribus turmis. Quemadmodum dii immortales regnum inermes regunt, & illis rerum suarum ex edito tranquilloque tutela est? ita hic officia sua, quamvis latissimè pateant, sine tumultu obit: & omne humanum genus, potentissimus eius optimusque, infra se videt. Derideas licet: ingentis spiritus res est, cum Orientem Occidentemque lustraveris animo, quo etiam remota & solitudinibus interclusa penetrantur, cum tot animalia, tantam copiam rerum, quas natura beatissimè fundit, aspexeris, emitte hanc Dei vocem: Hæc omnia mea sunt. Sic fit, ut nihil cupiat: quia nihil est extra omnia.

CAP. IV. Hoc ipsum, inquis, volui. teneo te: volo videre, quomodo ex his laqueis, in quos tua sponte decidisti, expliceris. Dic mihi quemadmodum potest aliquis donare sapienti, si omnia sapientis sunt? nam id quoque quod illi donat,

F f

ipſius

ipsius est. Itaque non potest dari beneficium sapienti: cui quidquid datur, de suo datur. atqui dicitis, sapienti posse donari. Idem autem me scito & de amicis interrogare. Omnia dicitis illis esse communia: ergo nemo quidquam amico donare potest: donat enim illi communia. Nihil prohibet aliquid & sapientis esse, & eius qui possidet, cui datum & assignatum est. iure ciuili omnia regis sunt: & tamen illa quorum ad regem pertinet vniuersa possessio, in singulos dominos descripta sunt & vnaquæque res habet possessorem suum. Itaque dare regi & domum, & mancipium, & pecuniam possumus: nec donare illi de suo dicimur. Ad reges enim potestas omnium pertinet, ad singulos proprietas: hinc Atheniensium aut Campanorum vocamus, quos deinde inter se vicini priuata terminatione distinguunt. & totus ager huius aut illius reipublicæ est: pars deinde suo domino quæque censetur. ideoque donare agros nostros reip. possumus, quamuis illius esse dicantur: quia aliter illius sunt, aliter mei. Numquid dubium est, quin seruus cum peculio, domini sit? dat tamen domino suo munus. Non enim ideò nihil habet seruus, quia non est habiturus, si dominus illum habere noluerit: nec ideò non est munus, cum volens dedit, quia potuit eripi, etiamsi noluisset. * Quemadmodum probemus omnia (nunc enim

omnia

omnia sapientis esse, inter nos conuenit) illud quod quæritur colligendum est, quomodo liberalitatis materia aduersus eum supersit, cuius vniuersa esse concessimus. Omnia patris sunt, quæ in liberorum manu sunt: quis tamen nescit, donare aliquid & filium patri? Omnia deorum sunt: tamen diis posuimus donum, & stipem iecimus. Non ideo quod habeo, meum non est, si tuum est: potest enim idem esse meum & tuum. Is, inquis, cuius prostitutæ sunt, leno est: omnia autem sapientis sunt, inter omnia autem & prostitutæ sunt: ergo & prostitutæ sapientis sunt. leno autem est, cuius prostitutæ sunt: ergo sapiens est leno. Sic illum vetant emere. dicunt enim: Nemo rem suam emit: omnia autem sapientis sunt: ergo sapiens nihil emit. Sic vetant & mutuum sumere, quia nemo vsuram pro pecunia sua pendit. Innumerabilia sunt, per quæ cauillantur, cum pulcherrimè, quid à nobis dicatur, intelligant.

C A P. V. Enimuero: sic omnia sapientis esse dico, ut nihilominus proprium quisque in rebus suis dominium habeat: quemadmodum sub optimo rege, omnia rex imperio possidet, singuli dominio. Tempus istius probandæ rei veniet. interim hoc huic quæstioni sat est, id quod aliter sapientis, aliter meum est, me posse donare sapienti. Nec mirum est, aliquid ei cuius est totum, pos-

se donari . Conduxi domum à te. in hac aliquid tuum , aliquid meum. res tua est: vsus rei tuæ, meus est . Itaque nec fructus tanges , colono tuo prohibente , quamuis tua in possessione nascantur : & si annona carior fuerit, aut fames,

*Hec frustra magnum alterius spectabis
aceruum,*

in tuo natum , in tuo positum , in horrea iturum tua . Nec conductum meum , quamquam sis dominus , intrabis : nec feruum tuum, mercenarium meum abduces : & abs te rhedam si conduxero , beneficium accipies , si tibi in vehiculo tuo sedere permiserò . Vides ergo posse fieri, ut aliquis accipiendo quod suum est , munus accipiat.

C A P. V I. In omnibus istis quæ modò retuli , uterque eiusdem rei dominus est. quomodo ? quia alter rei dominus est , alter vsus . Libros dicimus esse Ciceronis : eosdem Dorus librarius suos vocat : & utrumque verum est. alter illos tamquam auctor sibi, alter tamquam emptor asserit : ac rectè utriusque dicuntur esse . Utriusque enim sunt : sed non eodem modo . sic potest T. Liuius à Doro accipere , aut emere libros suos . Possum donare sapienti , quod viritim meum est, licèt illius sint omnia . Nam cum regio more cunctæ conscientia possideat , singularum autem rerum in vnumquemque proprietas sit sparsa : & accipere munus ,
& de-

& debere, & emere, & conducere potest. Cæsar omnia habet; fiscus eius priuata tantum, ac sua: & vniuersa in imperio eius sunt, in patrimonio propria. Quid eius sit, quid non sit, sine diminutione imperij quæritur. nam id quoque quod tamquam alienum abiudicatur, aliter illius est. Sic sapiens vniuersa animo possidet, iure ac dominio sua.

C A P. VII. Bion modò omnes sacrilegos argumentis esse colligit, modò neminem. Cùm omnes de saxo deiecturus est, dicit: Quisquis id quod deorum est, sustulit & consumpsit, atque in vsum suum vertit, sacrilegus est: omnia autem deorum sunt: quod quisque ergo tollit, deorum tollit, quorum omnia sunt: ergo quisquis tollit aliquid, sacrilegus est. Deinde cùm effringi templa, & expilari impune Capitolium iubet: dicit, Nullum sacrilegium esse. quia quicquid sublatum est ex eo loco qui deorum erat, in eum transfertur locus, qui deorum est. Hic respondetur: Omnia quidem deorum esse, sed non omnia diis dicata. In his observari sacrilegium, quæ religio numini adscripsit. Sic & totum mundum deorum esse immortalium templum, solum quidem amplitudine illorum ac magnificentia dignum: & tamen à sacris profana discerni, & non omnia licere in angulo, cui nomen fani impositum est, quæ sub cælo & conspectu siderum licent.

Iniuriam sacrilegus Deo quidem non potest facere, quem extra ictum sua diuinitas posuit: sed tamen puniatur, quia tamquam Deo fecit. Opinio illum nostra, ac sua, obligat poenæ. Quomodo ergo sacrilegus videtur, qui aliquid aufert sacri, etsi quocunque transtulit, quod surripuerat, intra terminos est mundi. Sic & sapienti furtum potest fieri. Aufertur enim illi, non ex his quæ vniuersa habet, sed ex his quibus dominus inscriptus est, quæ viritum ei seruiunt. Illam alteram possessionem agnoscet, hanc nolet habere, etsi poterit: emittetque illam vocem, quam Romanus Imperator emisit, cum illi ob virtutem & benè gestam Rempub. tantum agri decerneretur, quantum arando vno die circuire potuisset: Non est, inquit, vobis eo opus ciue, cui plus opus sit, quàm vni ciui. Quanto maioris viri putas, respuisse hoc munus, quàm meruisse? multi enim fines aliis abstulerunt, sibi nemo constituit.

CAP. VIII. Ergo cùm animum sapientis intuemur, potentem omnium, & per vniuersa dimissum, omnia illius esse dicimus: cùm ad hoc ius quotidianum, si ita res tulerit, capite censebitur. Multum interest, possessio eius animi magnitudine æstimetur, an censu. hæc vniuersa habere, de quibus loqueris, abominabitur. Non referam tibi Socratem, Chrysippum, Zenonem, & ceteros magnos quidem

dem viros, maiores tamen, quia in laudem vetustorum inuidia non obstat. Paullò antè Demetrium retuli: quem mihi videtur rerum natura, nostris tulisse temporibus, ut ostenderet, nec illum à nobis corrumpi, nec nos ab illo corripì posse: virum exactæ (licèt neget ipse) sapientiæ, firmæque in his quæ proposuit constantiæ: eloquentiæ verò eius, quæ res fortissimas decedat, non concinnatæ, nec in verba sollicitæ, sed ingenti animo, prout impetus tulit, res suas prosequentis. Huic non dubito, quin providentia & talem vitam, & talem dicendi facultatem dederit, ne aut exemplum sæculo nostro, aut conuicium deesset.

C A P. I X. Demetrio si res nostras aliquis deorum possidendas velit tradere sub lege certa, ne liceat donare, affirmaverim repudiaturum, dicturumque: Ego verò me ad istud inextricabile pondus non alligo, nec in altam faciem rerum hunc expeditum hominem demitto. Quid ad me defers populorum omnium mala? quæ nec daturus quidem acciperem: quoniam multa video, quæ me donare non deceat. Volo sub conspectu meo ponere, quæ gentium oculos regumque perstringunt? volo intueri pretia sanguinis, animarumque vestrarum? Prima mihi luxuriæ spolia propone: siue illa vis per ordinem expandere, siue (ut est melius) in vnum aceruum dare. Video ela-

boratam scrupulosa distinctione testudinem, & foedissimorum pigerrimorumque animalium testas, ingentibus pretiis emptas, in quibus ipsa illa quæ placet varietas, subditis medicamentis, in similitudinem veri coloratur. Video istic mensas, & æstimatum lignum senatoris censu, eò pretiosius, quò illud in plures nodos, arboris infelicitas torfit. Video istic crystallina, quorum accendit fragilitas pretium. omnium enim rerum voluptas apud imperitos, ipso quo fugare debet periculo, crescit. Video murrhina pocula. parum scilicet luxuria magno furit, nisi quod vomant, capacibus gemmis inter se propinarent. Video vniones, non singulos singulis auribus comparatos: iam enim exercitatae aures oneri ferendo sunt: iunguntur inter se, & insuper alij binis superponuntur. non satis muliebris infania viros subiecerat, nisi bina ac terrena patrimonia auribus singulis pependissent. Video sericas vestes, si vestes vocandæ sunt, in quibus nihil est quo defendi aut corpus, aut denique pudor possit: quibus sumptis, mulier parum liquido, nudam se non esse iurabit. Hæc ingenti summa, ab ignotis etiam ad commercium gentibus accersuntur, vt matronæ nostræ, ne adulteris quidem plus sui in cubiculo, quàm in publico ostendant.

C A P. X. Quid agis auaritia? quot
rerum

rerum caritate aurum tuum victum est :
omnia ista quæ retuli, in maiore honore
pretioque sunt. Nunc volo tuas opes re-
cognoscere, laminas vtriusque materiæ,
ad quas cupiditas nostra caligat. At me-
hercule terra, quæ quidquid vtile futu-
rum nobis erat protulit, ista defodit, &
mergit, & venoxiis rebus ac malo gen-
tium in medium prodituris, toto ponde-
re incubuit. Video ferram ex iisdem te-
nebris esse prolatum, quibus aurum & ar-
gentum : ne aut instrumentum in cædes
mutuas deesset, aut pretium. Et adhuc
ista aliquam materiam habent : est in quo
errorem oculorum animus subsequi pos-
sit : video istic diplomata, & syngraphas,
& cautiones, vacua habendi simulacra,
vmbra quasdam avaritiæ laborantis, per
quas decipiant animum, inanium opinio-
ne gaudentem. Quid enim ista sunt? quid
scænus, & Kalendarium, & vsura, nisi hu-
manæ cupiditatis extra naturam quæsitæ
nomina? Possum de rerum natura queri,
quod aurum argentumque non interiùs
absconderit, quod non illis maius, quàm
quod detrahi posset, pondus iniecerit.
Quid sunt istæ tabulæ, quid computatio-
nes, & venale tempus, & sanguinolentæ
centesimæ? voluntaria mala ex constitu-
tione nostra pendentia, in quibus nihil
est, quod subijci oculis, quod teneri ma-
nu possit, inanis avaritiæ somnia. O mi-
serum, si quem delectat sui patrimonij li-

ber magnus, & vasta spatia terrarum colenda per vinctos, & immensi greges pecorum per prouincias ac regna pascendi, & familia bellicosæ nationibus maior, & ædificia priuata laxitatem urbium magnarum vincentia ! Cùm benè ista, per quæ diuitias suas disposuit ac fudit, circumspexerit, superbumque se fecerit, si quidquid habet, ei quod cupit compareret, pauper est. Dimitte me, & illis diuitiis meis redde. Ego regnum sapientiæ noui, magnum, securum. ego sic omnia habeo, ut omnium sint.

CAP. XI. Itaque cùm C. Cæsar illi ducenta donaret, ridens reiecit; ne dignam quidem summam iudicans, qua non accepta gloriaretur. Diis deæque, quàm pauxillo illum animum aut honorare voluit, aut corrumpere ! Reddendum egregio viro testimonium est. Ingentem rem ab illo dici audiui, cùm miraretur dementiam eius, quòd se putasset tanti posse mutari. Si tentare inquit, me constituerat, toto illi fui experiendus imperio.

CAP. XII. Sapienti ergo donari aliquid potest, etiam si sapientis omnia sunt: æquè nihil prohibet, cùm omnia amicis dicamus esse communia, aliquid amico donari. Non enim mihi sic cum amico communia omnia sunt, quomodo cum socio, ut pars mea sit, pars illius: sed quomodo patri matrique communes
libe-

liberi sunt: quibus cum duo sunt, non singuli singulos habent, sed singuli binos. Primum omnium iam efficiam, ut quisquis est iste, qui me in societatem vocat, sciat se nihil mecum habere commune. Quare? quia hoc consortium solum inter sapientes est, inter quos amicitia est. ceteri non magis amici sunt, quam focij. Deinde pluribus modis communia sunt. Equestria omnium equitum Romanorum sunt. in illis tamen locus meus fit proprius, quem occupavi. hoc si cui cessi, quamvis illi communi recesserim, tamen aliquid dedisse videor. Quædam quorundam sub certa conditione sunt. habeo in equestribus locum, non ut vendam, non ut locem, non ut habitem: in hoc tantum, ut spectem. Propterea non mentiar, si dicam me habere in equestribus locum: sed cum in theatrum veni, si plena sunt equestria, & iure habeo locum illic, quia sedere est mihi liberum: & non habeo, quia ab his, cum quibus ius mihi loci commune est, occupatus est. Idem inter amicos puta fieri. Quidquid habet amicus, commune est nobis: sed illius proprium est, qui tenet. uti, illo nolente, non possum. Derides me, inquis. Si quod amici est, meum est, liceat mihi vendere. Non licet. nam nec equestria: & tamen communia tibi cum ceteris equitibus sunt. Non est argumentum, ideo aliquid tuum non esse.

quia vendere non potes, quia consumere, quia mutare in deterius aut melius non potes. Tuum enim est, etiam quod sub lege certa tuum est. Accepi, sed certe non minus habes.

CAP. XIII. Ne te traham longius, Beneficium maius esse non potest: ea per quæ beneficium datur, possunt esse maiora, & plura, in quæ se benevolentia effundat, & sic sibi indulgeat, quemadmodum amantes solent: quorum plura oscula, & complexus arctiores, non augent amorem, sed exercent. Hæc quoque, quæ venit quæstio, profligata est in prioribus: itaque breuiter perstringetur. Possunt enim in hanc, quæ data sunt aliis, argumenta transferri. Quæritur, an qui omnia fecit, ut beneficium redderet, reddiderit. Ut sciat, inquit, illum non reddidisse, omnia fecit, ut redderet. Apparet ergo, non esse id factum, cuius faciendi occasionem non habuit. Ut creditori suo pecuniam non soluit is, qui ut solveret, ubique quæsiuit, nec inuenit. Quædam eius conditionis sunt; ut effectum præstare debeant: quibusdam pro effectu est, omnia attentasse, ut efficerent. Si omnia fecit ut sanaret, peregit medicus partes suas. etiam damnato reo, oratori constat eloquentiæ officium, si omni arte usus est. Laus imperatori etiam victo, & duci redditur, si & prudentia, & industria; & fortitudo muneribus suis functa est. Om-

nia

nia fecit, ut beneficium redderet: obstitit illi felicitas tua. Nihil incidit durius, quod veram amicitiam experiretur. Locupleti donare non potuit, sano assidere, felici succurrere: gratiam retulit, etiam si tu beneficium non recepisti. Præterea, huic intentus semper, & huius rei tempus operiens, qui in hoc multum curæ, multum sedulitatis impendit, plus laboravit, quàm cui citò referre gratiam contigit.

C A P. XIV. Debitoris exemplum dissimile est: cui parum est pecuniam quæsisse, nisi soluit. Illic enim ita acerbis super caput creditor, qui nullum diem gratis occidere patiatur: hic benignissimus, qui cum te viderit concursantem & sollicitum atque anxium, dicat: Mitte hanc de pectore curam. Desine tibi molestus instare. omnia à te habeo. Iniuriam mihi facis, si me quidquam amplius desiderare iudicas. Plenissimè ad me peruenit animus tuus. Dic, inquit, mihi. reddidisse beneficium diceres illum, si gratiam retulisset. Eodem ergo loco est, qui reddidit. & qui non reddidit. Contrà, nunc illud pone, si oblitus esset accepti beneficii, si ne tentasset quidem gratus esse. negares illum gratiam retulisse? At hic diebus noctibusque se lassavit, & omnibus alijs renuntiavit officijs, huic vni imminens, & operatus, ne qua se fugeret occasio. eodem ergo loco erunt, ille

ille qui curam referendæ gratiæ abiecit, & hic qui numquam ab illa recessit? iniquus es, si rem à me exigis, cùm videas animum non defuisse. Ad summam, puta, cùm captus esses, me pecuniam mutuum, rebus meis in securitatem creditoris oppositis, nauigasse hieme iam sœua, per infesta latrocinij littora, emensum quidquid periculi afferre potest etiam pacatum mare: peragratiss omnibus solitudinibus, cùm quos nemo non fugiebat ego quærerem, tandem ad piratas perueni: & iam te alius redemerat: negabis me gratiam retulisse? etiamsi in illa nauigatione pecuniam, quam salutis tuæ contraxeram, naufragus perdidisti, etiam in vincula quæ detrahare tibi volui, ipse incidi: negabis me retulisse gratiam? At mehercule Athenienses, Harmodium & Aristogitonem, tyrannicidas vocant: & Mucij manus in hostili arâ relictæ, instar occisi Porcenæ fuit: & semper contra fortunam luctata virtus, etiam citra effectum propositi operis, enituit. Plus præstitit, qui fugientes occasione secutus est, & alia atque alia captauit, per quæ referre gratiam posset, quàm is quem, sine vlllo sudore, gratum prima fecit occasio.

C A P. X V. Duas, inquit, res ille tibi præstitit, voluntatem, & rem: tu quoque illi duas debes. Merito istud diceres ei, qui tibi reddidit voluntatem otiosam: huic verò, qui & vult, & conatur, & nihil
inten-

intentatum relinquit, non potes dicere, utrumque enim præstat, quantum in se est. Deinde, non semper numero numerus æquandus est: aliquando una res pro duabus valet. Itaque in locum rei succedit tam propensa voluntas, & cupida reddendi. Quòd si animus sine re, ad referendam gratiam non valet: nemo aduersus deos gratus est, in quos voluntas sola confertur. Dijs, inquit, nihil aliud præstare possumus. Sed si huic quoque, cui referre gratiam debeo, nihil aliud præstare possum: quid est, quare non eo aduersus hominem gratus sim, quo nihil amplius in deos confero?

C A P. XVI. Si tamen quid sentiam quæris, & vis signare responsum: hic beneficium recepisse se iudicet: ille se sciat non reddidisse. Hic illum dimittat: ille se teneat. hic dicat, Habeo: ille respondeat, Debeo. In omni quæstione propositum sit nobis bonum publicum. præcludendæ sunt excusationes ingratis, ad quas refugere possint, & sub quibus inficiationem suam tegere. Omnia feci? fac etiam nunc. Quid tu tam imprudentes iudicas maiores nostros fuisse, ut non intelligerent iniquissimum esse, eodem loco haberi eum qui pecuniam, quam à creditore acceperat, libidine aut alea absumpsit, & eum qui incendio, aut latrocinio, aut aliquo casu tristiore, aliena cum suis perdidit? nullam excusationem

rece-

receperunt , vt homines scirent fidem
 vtique præstendam . Satiùs enim erat à
 paucis etiam iustam excusationem non
 accipi , quàm ab omnibus aliquam ten-
 tari . Omnia fecisti vt redderes . Hoc illi
 satis sit : tibi parum . Nam quemadmo-
 dum ille , si enixam & sedulam operam
 transire pro irrita patitur , cui gratia re-
 feratur indignus est : ita tu ingratus es ,
 nisi ei qui voluntatem bonam in solutum
 accepit , eo libentiùs debes , quia dimit-
 teris . Non rapias hoc , nec testeris : oc-
 casiones reddendi nihilominus quæras .
 Redde illi , quia repetit ; huic , quia remit-
 tit : illi , quia malus ; huic , quia non ma-
 lus . Ideoque non est , quòd ad te hanc
 quæstionem iudices pertinere : an quod
 beneficium quis à sapiente acceperit , red-
 dere debeat , si ille desinit esse sapiens ,
 & in malum versus est . Redderes enim
 & depositum , quod à sapiente accepisses :
 & etiam malo redderes creditum : quid
 est , cur non & beneficium ? Quia muta-
 tus est ille , te mutat ? Quid ? si quid à
 sano accepisses , ægro non redderes : cum
 plus semper imbecillo amico debeamus :
 & hic æger est animo : adiuuetur , feratur .
 stultitia , morbus est animi . Distin-
 guendum hoc , quo magis intelligatur ,
 existimo .

CAP. XVII. Duo sunt beneficia :
 vnum , quod dare nisi sapiens sapienti
 non potest : hoc est absolutum & verum
 bene-

beneficium . alterum, vulgare , plebeium, cuius inter nos imperitos commercium est . De hoc non est dubium , quin illi qualiscunque est debeam reddere , siue homicida , siue fur , siue adulter euasit . Habent scelera leges suas . melius istos iudex , quàm ingratus , emendat . nemo te malum , quia est , faciat . Malo beneficium proijciam , bono reddam . huic , quia debeo ; illi , ne debeam .

CAP. XVIII. De altero beneficij genere dubitatur , quod si accipere non potui nisi sapiens , ne reddere quidem nisi sapienti possum . Puta enim me reddere . ille non potest recipere . non est iam huius rei capax . scientiam vtendi perdidit . Quid si me remittere manco pilam iubeas ? stultum est dare alicui , quod accipere non possit . Vt respondere ab ultimo incipiam : Non dabo illi , quod accipere non poterit : reddam , etiam si accipere non poterit . Obligare enim non possum , nisi accipientem : liberari tantùm , si reddo , possum . Ille vti illo non poterit ? viderit . penes illum erit culpa , non penes me .

CAP. XIX. Reddere est , inquit , accepturo tradidisse . Quid enim si cui vinum debeas , & hoc ille infundere reticulo iubeat , aut cribro : reddidisse te dices , aut reddere voles , quod dum redditur , inter duos perit ? Reddere , est id quod debeas , ei cuius est , volenti dare . hoc vnum
mihi

mihi præstandum est. Ut quidem habeat, quod à me accepit, iam vltioris est curæ. Non tutelam illi, sed fidem debeo: multoque satius est, illum non habere, quam me non reddere. Et creditori statim in macellum laturus, quod accepit, reddam. etiam si mihi adulteram cui numerem, delegauerit, solvam: & si nummos quos accipiet in sinum suum discinctus fundet, dabo. Reddendum enim mihi est: non seruandum, cum reddidero, aut tuendum. Beneficij accepti, non redditu custodiam debeo. Dum apud me est, saluum sit. ceterum licet accipientis manibus effluat, dandum est reposcenti. Reddam bono, cum expediet; malo cum petet. Tale, inquit, beneficium, quale accepisti, non illi potes reddere. Accepisti enim à sapiente: stulto reddis. Imò reddo illi, quale nunc potest accipere: nec per me fit deterius, sed per illum. id quod accepi, reddam. Cui si ad sapientiam redierit, reddam quale accepi: dum in malis est, reddam quale ab illo potest accipi. Quid, inquit, si non tantum malus factus est, sed ferus, sed immanis, qualis Apollodorus, aut Phalaris: & huic beneficium, quod acceperas, reddes? Mutationem sapientis tantam natura non patitur. nam in pessima ab optimis lapsus, necesse est etiam in malo vestigia boni teneat. Numquam in tantum virtus exstinguitur, ut non certiores animo notas imprimat, quam

quàm vt illas eradat vlla mutatio. Feræ inter nos educatæ, cùm in siluas eruperunt, aliquid mansuetudinis pristinæ retinent: tantùmque à placidissimis absunt, quantum à veris feris & numquam humanam manum passis. Nemo in summam nequitiam incidit, qui vñquam hæsit sapientiæ. altiùs infectus est, quàm vt ex toto elui, & transire in colorem alium possit. Deinde interrogo, utrùm iste ferus sit animo tantùm, an & in perniciem publicam excurrat? Proposuisti enim mihi Apollodorum & Phalarin tyrannum, quorum si naturam habet intra se malus, quidni ego isti beneficium suum reddam, ne quid mihi cum eo sit iuris amplius? Si verò sanguine humano non tantùm gaudet & pascitur, sed & suppliciis omnium ætatum crudelitatem insatiabilem exercet, nec ira, sed auiditate quadam sequendi furit, si in ore parentum filios iugulat, si non contentus simplici morte, distorquet, nec vrit solùm perituros, sed excoquit, si ara eius cruore semper recenti madet: parum est huic beneficium non reddere. Quicquid erat, quo mihi cohæreret, intercisa iuris humani societas abscidit. Si præstitisset quidem mihi aliquid, sed arma patriæ meæ inferret: quidquid meruerat, perdidisset, & referre illi gratiam scelus haberetur. si non patriam meam impugnat, sed suæ grauis est, & sepositus à mea gente, suam exagitat: abscidit

dit nihilominus illum tanta prauitas animi . etiam si non inimicum, inuisum mihi efficit: priorque mihi ac potior eius officij ratio est, quod humano generi, quàm quod uni homini debeo.

CAP. XX. Sed quamuis hoc ita sit, & ex eo tempore omnia mihi in illum sint libera, ex quo, corrumpendo fas omne, vt nihil in eum nefas esset, effecerit: illum mihi seruandum modam credam, vt si beneficium illi meum neque vires maiores daturum est in exitium commune, nec confirmaturum quas habet, id autem erit, quod illi reddi sine pernicie publica possit, reddam. Seruabo filium eius infantem. quid hoc beneficium obest cuiquam eorum, quos crudelitas eius lacerat? pecuniam quæ satellitem stipendio teneat, non subministrabo. Si marmora & vestes desiderabit, nihil oberit cuiquam id quo luxuria eius instruitur: militem & arma non suggeram. Si pro magno petet munere artifices scænæ, & scorta, & quæ feritatem eius emolliant, libens offeram. Cui triremes & cerastas non mitterem, luforias & cubiculatas, & alia ludibria regum in mari lasciuiantium mittam. Et si ex toto eius sanitas desperata fuerit, eadem manu beneficium omnibus dabo, illi reddam: quando ingenijs talibus vitæ exitus remedium est: optimumque est obire ei, qui ad se numquam rediturus est.

est. Sed hæc rara nequitia est, & semper portenti loco habita, sicut hiatus terræ, & de cauernis maris ignium eruptio: Itaque ab illa recedamus: de his loquamur, quæ detestamur sine horrore. Huic homini malo, quem inuenire in quolibet foro possum, quem singuli timent, reddam beneficium, quod accepi. Non oportet mihi nequitiam eius prodesse, quod in me non est, redeat domum bonus an malus. Quàm diligenter istud excuterem, si non redderem, sed darem? Hic locus fabulam poscit.

CAP. XXI. Pythagoricus quidam emerat à sutore phæcacia, rem magnam, non presentibus nummis. Post aliquot dies venit ad tabernam, redditurus: & cum clausam diu pulsaret, fuit qui diceret: Quid perdis operam tuam? sutor ille quem quæris, elatus, combustus est. Quod nobis fortasse molestum est, qui in æternum nostros amittimus: tibi minime, qui scis futurum, ut renascatur. iocatus in Pythagoricum. At philosophus noster, treis aut quatuor denarios (non inuita manu) domum retulit, subinde concutiens. Deinde cum reprehendisset hanc suam non reddendi tacitam voluptatē, intelligens arrisisse sibi illud lucellum, redit ad eandem tabernam, & ait: Ille tibi viuit. tu redde, quod debes. Deinde per clostrum, qua se commissura laxauerat, quatuor denarios in tabernam
infer-

inferuit, ac misit, penas à se exigens impro-
bæ cupiditatis, ne alieno assuesceret.

CAP. XXII. Quod debes, quære
cui reddas: & si nemo poscet, ipse te
appella. Malus an bonus sit, ad te non
pertinet. Redde & accusa, non oblitus,
quemadmodum inter vos officia diuisa
sunt. illi obliuio imperata est, tibi memi-
nisse mandauimus. Errat tamen, si quis
existimat, cum dicimus eum qui bene-
ficium dedit, obliuisci oportere, excute-
re nos illi memoriam rei præsentim ho-
nestissimæ. quædam præcipimus ultra
modum, ut ad verum & suum redeant.
Cum dicimus, Meminisse non debet: hoc
volumus intelligi, prædicare non debet,
nec iactare, nec grauis esse. Quidam enim
beneficium quod dederunt, omnibus
circulis narrant. hoc sobrij loquuntur,
hoc ebrij non continent: hoc ignotis in-
gerunt, hoc amicis committunt. Ut
hæc nimia & exprobratrix memoria sub-
sideret, obliuisci eum qui dedit, iussi-
mus, & plus imperando quàm præstari
poterat, silentium suauimus.

CAP. XXIII. Quoties parum fidu-
ciæ est in his quibus imperas, amplius
est exigendum quàm satis est, ut præste-
tur quantum satis est. In hoc omnis hy-
perbole extenditur, ut ad verum menda-
cio veniat: Itaque qui dixit,

*Qui candore nives anteirent, cursibus
auras:*

quod

quod non poterat fieri, dixit: ut crederetur quantum plurimum posset. Et qui dixit,

His immobilior scopulis, violentior am-
ne:

ne hoc quidem se persuasurum putavit, aliquem tam immobilem esse, quam scopulum. Numquam tantum sperat hyperbola, quantum audet: sed incredibilia affirmat, ut ad credibilia perueniat. Cum dicimus, Qui beneficium dedit, obliuiscatur: hoc dicimus, similis sit oblito; memoria eius non appareat, nec incurrat. Cum dicimus, beneficium repeti non oportere, non ex toto repetitionem tollimus: sæpè enim opus est malis exactore, etiam bonis admonitore. Quid ergo? occasionem ignorantibus non ostendam? necessitates illi meas non detegam, quare nescisse se aut mentiatur, aut doleat? Interueniat aliquando admonitio, sed verecunda, quæ non poscat, nec in ius vocet.

C A P. X X I V. Socrates amicis audientibus: Emissem, inquit, pallium, si nummos haberem. Neminem poposcit, omnes admonuit à quo acciperet, ambitus fuit. Quid ni esset? Quantulum enim erat, quod Socrates accipiebat? at multum erat, commeruisse, à quo Socrates acciperet. Non illos castigare mollius potuit, Emissem, inquit, pallium, si nummos haberem. Post hæc quisquis prope-
rauerit, serò dat. iam Socrati defuit. Pro-
pter

pter acerbos exactores, repetere prohibemus: non ut numquam fiat, sed ut parcè.

CAP. XXV. Aristippus aliquando delectatus vnguento: Malè, inquit, istis effœminatis eueniat, qui rem tam bellam infamauerunt. Idem dicendum est: Malè istis improbis & importunis beneficiorum suorum quadruplatoribus eueniat, qui tam bellam admonitionem inter amicos sustulerunt. Ego tamen utar hoc iure amicitiae, & beneficium ab eo repetam, à quo petissem: qui alterius beneficij loco accepturus est, potuisse redde-
re. Numquam, ne querens quidem, dicam:

———— *Eiectum littore egentem*

Excepi, & regni demens in parte locaui.

Non est ista admonitio, non: conuicium est. Hoc est in odium beneficia perducere: hoc est efficere, ut ingratum esse, aut liceat, aut iuuat. Satis, abundeque est, submissis & familiaribus verbis, memoriam reuocare:

*Si benè quid de te merui, fuit aut tibi
quidquam*

Dulce meum.

Ille inuicem dicat: Quid ni merueris? eiectum littore egentem excepisti.

CAP. XXVI. Sed nihil, inquit, profecimus: dissimulat, oblitus est: quid facere debeam? Quaris rem maximè necessariam, & in qua hanc materiam consum-

summari decet, quemadmodum ingrati ferendi sint? Placido animo, mansueto, magno. Numquam te tam inhumanus, & immemor, & ingratus, offendat, ut non tamen dedisse delectet. Numquam in has voces iniuria impellat: Vellem non fecisse. Beneficij tui etiam infelicitas placeat. Semper illum pœnitebit, si te ne nunc quidem pœnitet. Non est, quod indigneris tamquam aliquid noui acciderit: magis mirari deberes, si non accidisset. Alium labor, alium impensa deterret: alium periculum, alium turpis verecundia, ne dum reddit, fateatur accepisse: alium ignorantia officij, alium pigritia, alium occupatio. Adspice, quemadmodum immensæ hominum cupiditates hient semper, & poscant: non miraberis ibi neminem reddere, vbi nemo satis accipit: Quis est istorum tam firmæ mentis ac solidæ, ut tutò apud eum beneficia deponas? alius libidine insanit, alius abdomini seruit, alius lucri totus est, cuius summam non vinctes: alius inuidia laborat, alius cæca ambitione, & in gladios ruente. Adijce torporem mentis ac senium, & huic contrariam inquieti pectoris agitationem, tumultusque perpetuos. adijce æstimationem sui nimiam & tumorem, ob quæ contemnendus est, insolentem. Quid contumaciam in peruersa nitentium, quid leuitatem semper aliò transilientem loquar? Huc accedat temeritas

ritas præceps, & numquam fidele consilium daturus timor, & mille errores, quibus volumur: audacia timidissimorum, discordia familiarissimorum, & publicum malum, incertissimis fidere, fastidire possessa, optare quæ consequi posse spes non fuit.

C A P. XXVII. Inter affectus inquietissimos, rem quietissimam, fidem quæris? Si tibi vitæ nostræ vera imago succurreret, videberis tibi videre captæ cum maximè ciuitatis faciem, in qua, omisso pudoris rectique respectu, vires in consilio sunt, velut signo ad permiscenda omnia dato. Non igni, non ferro abstinetur: soluta legibus scelera sunt: nec religio quidem, quæ inter arma hostilia supplices texit, vllum impedimentum est ruentium in prædam. Hic ex priuato, hic ex publico, hic ex profano, hic sacro rapit: hic effringit, hic transilit, hic non contentus angusto itinere, ipsa quibus arceretur, enertit, & in lucrum ruina venit. Hic sine cæde populatur, hic spolia cruenta manu gestat. nemo non fert aliquid ex altero. In hac auuiditate generis humani, ne tu nimis fortunæ communis oblitus es, qui quæris inter rapientes referentem? Si indignaris ingratos esse: indignare luxuriosos, indignare auaros, indignare impudicos, indignare ægros deformes, senes pallidos. Est illud graue vitium, est intolerabile, & quod dissociet homines, quod concordiam,
qua

qua imbecillitas nostra fulcitur, scindat ac dissipet: sed usqueò vulgare est, ut illud nec qui queritur quidem effugerit.

CAP. XXVIII. Cogita tecum, an quibuscumque debuisti, gratiam re-
tuleris; an nullum umquam apud te pe-
rierit officium; an omnium te beneficio-
rum memoria comiteretur. Videbis quæ
puero data sunt, ante adolescentiam ela-
psa: quæ in iuuenem collata sunt, non
perdurasse in senectutem. Quædam per-
didimus, quædam proiecimur, quædam
è conspectu nostro paulatim exierunt: à
quibudam oculos auertimus. Ut excu-
sem tibi imbecillitatem tuam, in primis
fragilis est memoria; & rerum turbæ non
sufficit. necesse est quantum recipit, emit-
tat, & antiquissima recentissimis obruat.
Sic factum est, ut minima apud te nutri-
cis esset auctoritas: quia beneficium eius
longius ætas sequens posuit. sic factum
est, ut præceptoris tibi non esset vlla ve-
neratio: sic euenit, ut circa consularia
occupato comitia, aut sacerdotiorum
candidato, quæsturæ suffragator excide-
ret. Fortasse vitium, de quo quereris, si
te diligenter excusseris, in sinu inuenies. In-
nique publico irascere crimini, stultè tuo
ut absoluaris, ignosce. Meliorem illum fa-
cies ferendo, utique peiorem exprobrando.
non est, quod frontem eius indures: sine, si
quid est pudoris residui, seruet. Sæpè du-
biam verceundiam, vox conuiciantis cla-

rior, rupit. nemo id esse, quod etiam videtur, timet. deprehensus pudor amittitur.

C A P. X X I X. Perdidit beneficium. Numquid quæ consecrauimus, perdidisse nos dicimus? Inter consecrata beneficium est, etiam si malè respondit, benè collocatum. Non est ille, qualem sperauimus. Simus nos quales fuimus, ei dissimiles. damnum tunc factum, nunc apparuit. Ingratus non sine nostro pudore protrahitur: quoniam quidem querela amissi beneficij, non benè dati signum est. Quantum possumus, causam eius apud nos agamus: fortasse non potuit, fortasse ignorauit: fortasse facturus est. Quædam nomina bona, lentus ac sapiens creditor fecit, qui sustinuit, ac mora fouit. Idem nobis faciendum: nutriamus fidem languidam.

C A P. X X X. Perdidit beneficium. Stulte, non nosti detrimenti tui tempora. perdidisti, sed cum dares: nunc palam factum est. Etiam in his quæ videntur in perdito, moderatio plurimum profuit. Vt corporum, ita animorum mollior vitia tractanda sunt. sæpè quod explicauit mora, pertinacia trahentis abruptum est. Quid opus est maledictis? quid querelis? quid insectatione? quare illum liberas? quare dimittis? Si ingratus est, iam nihil debet. Quæ ratio est, exacerbare eum, in quem magna contuleris, ut ex amico dubio fiat non dubius inimicus,

& patrociniū sibi nostra infamia quærat? Nec desit qui dicat: Nescio quid est, quod eum, cui tantum debuit, ferre non potuit. subest aliquid. Nemo non superioris dignitatem quærendo, etiam si non inquinavit, asperit: nec quisquam fingere contentus est lenia, cum magnitudine mendacij fidem quærat.

C A P. XXXI. Quanto illa melior via, qua seruatur illi species amicitia, & si reuerti ad sanitatem velit, etiam amicitia? Vincit malos pertinax bonitas: nec quisquam tam duri infestique aduersus diligenda animi est, ut etiam vi tractus bonos non amet: quibus hoc quoque cœpit debere, quod impunè non soluit. Ad illa itaque cogitationes tuas, secte. Non est mihi relata gratia: quid faciam? quod dii omnium rerum optimi auctores: qui beneficia ignorantibus dare incipiunt, ingratis perseuerant. Alius illis obiicit negligentiam nostri, alius iniquitatem: alius illos extra mundum suum proiicit, & ignauos, hebetesque sine luce, sine vllō opere destituit. Alius solem, cui debemus, quod inter laborem quietemque tempus diuisimus, quod non tenebris immerfi confusionem æternæ noctis effugimus, quod annum cursu subtemperat, & corpora alia, fata euocat, percoquit fructus, saxum aliquod, aut fortuitorum ignium globum, & quiduis potius quàm deum appellat. Nihilominus tamen more optimorum parentum, qui maledictis.



suorum infantium arident, non cessant
 dii beneficia congerere, de beneficiorum
 auctore dubitantibus: sed æquali tenore
 bona sua per gentes populosque distri-
 buunt, vnam potentiam sortiti, prodesse.
 Spargunt opportunis imbribus terras,
 maria flatu mouent, siderum cursu no-
 tant tempora, hiemes æstatesque inter-
 uentu lenioris spiritus molliunt: erro-
 rem labentium animorum placidi ac
 propitij ferunt. Imitemur illos: demus,
 etiam si multa in irritum data sint: demus
 nihilominus aliis, demus ipsis, apud
 quos iactura facta est. Neminem ab ex-
 citanda domo ruina deterruit: & cum
 penates ignis absumpsit, fundamenta te-
 pente adhuc area ponimus, & vrbes hau-
 stas sæpius eodem solo condimus. Adeo
 ad bonas spes pertinax animus est. Terra
 marique humana opera cessarent, nisi
 malè cadentia iterum tentare libuisset.

CAP. XXXII. Ingratus est. non
 mihi fecit iniuriam, sed sibi: ego bene-
 ficio meo, cum darem, usus sum: nec
 ideo pigrius dabo, sed diligentius. quod
 in hoc perdidici, ab aliis recipiam. Sed
 huic ipsi beneficium dabo iterum, &
 tamquam bonus agricola, cura cultuque
 sterilitatem soli vincam. Perit mihi be-
 neficium: iste omnibus. Non est magni
 animi dare & perdere: hoc est magni ani-
 mi, perdere & dare.

F. I. N. I. S.

IN-



INDEX RER VM

NOTABILIVM,

Quæ in hoc primo Tomo continentur.

A



Damantis natura. 306

Aduersa cuique parata sunt.

206. Non sunt mala. 258. Vi-
de mala.

Adulationem vituperat Sene-
ca. 367. Adulatio dum blan-

ditur offendit. 60. Assentatores maximi.

91. 92

Aeris regio sublimis immota. 80

Æschines quæ donauerit Soerati. 469. Com-
mendatur.

470

Æstare potest quis non æstare. 43

Æthiopes dicti Macrobij, idest vita longissimi.

99. Cambyles illis iratus quæ fecerit. 99

Affectus humani non cadunt in animalia. 5.

tam mali Ministri, quam mali Duces. 13. Af-

fectus medicus, modicum malum est. 14. Af-

fectus qui vocandi. 33. quomodo incipiant.

crecant, & efferantur. 34. omnes disciplina

domantur. 43. 44

Alexander cantu impellebatur ad arma ca-

pienda. 33. maxime iracundus. 55. Nec ta-

men irascitur Medico, à quo timebat ve-

nenum. Ibid. Crudelis. 95. Non imitatus

est Antigoni Ani sui clementiam. 102. Ut

crudelis vituperatur. 363. Quæ illi donaue-

runt Corinthij. 476. Herculi æqualis factus

Ibid. donat Pauperi Ciuitatem, reprehens-

us. 492

Ambitio videtur magni animi. 30. In illam do-

minatur Ira. 72

G g 4

Ami-

I N D E X

- Amici varij. 64. Amicitiam mutare an gloriosum. 68. Amici qui eligendi. 83. Admoneant iratum de Ira. 90. Amoris vinculum est idem velle. 114. Amicitie utilitas. 278. Amici veri qui. 660
- Amissa magis placent, quam que possidentur. 218
- Amor Populi in Reges non sine ratione. 335. 336. Amor Civium inexpugnabile munimentum. 358
- Animalia carent ira. 5. carent humanis affectibus. 6. Ibid. Virtutibus, & Vitijs. 6. Irasci in ipsis quid sit. 5. cum ea impetus ire similis inuasit, facile discernitur. 2. 3. efferatiora ea reddit. 3. quid primū in ipsis procreetur. 31.
- An ea generosissima que & iracundissima. 47. naturam trahunt è regione, in qua nascuntur. 49. Animalibus non irascendum, quia iniuriam facere nequeunt. 57. 58. Cito luctus deponunt. 204. Eorum contumacia, quomodo dometur. 319. quomodo regantur. 354
- Animi sublimis, & superbi discrimen. 29. Animi magni non sunt vitia. 30. Animus sublimis qui. 80. Animus affectus minimis offenditur. 85. Animus, non facta aliorum pensanda. 88. Animus sacer est, & æternus, nec ei iniici possunt manus. 149. Animus natura nobilis. 269. quomodo possit esse tranquillus. 267. Non minus in publicis, quam in privatis se magnum ostendit. 271. habet etiam suas voluptates. 415
- Antigoni Clementia. 101. Alexander illius Nepos illi dissimilis. 102. Ne donaret, quam occasionem arriperet. 493
- Apri irati signa. 3
- Apum Rex, & eius munia. 357. exemplum sit Regibus. 357. Apes ferientes aculeum amittunt. Ibid. Vtinam lex eadem homini. Ibid.
- Apicius popine scientiam professus seculum in-

R E R V M.

- infecit. 146. quanta in eo Luxuria. Ibid. Vene-
no moritur. 147. eius Luxuria damnatur. 422.
Aristides supplicio afficiendus, quę dixerit
magistratui. 153.
Aristoteles quomodo definiat iram l. 1. c. 3. p. 5.
Impugnatur cum dixit necessariam Iram.
12. cum dixit affectus quosdam pro armis
esse. 21. cum defendit Iram. 75.
Articuli firmamenta totius in animalibus. 31.
primò producti. Ibid.
Athenarum calamitas. 275. Laus. Ibid.
Athletarum mos, & præceptum. 46.
Avaritię cupiditas. 38. Avaritia durissimum
malum ab ira superata. 72. 79. quantum ma-
lum sit. 113. durissima humani generis pe-
ccatis. 151. Ingratum reddit. 504. Auarissimus.
Lentulus. 503.
Auentinus mons cur extra Pomerium. 397.
Augustus Clemens. 102. Iram Pollionis com-
pescuit. 119. Vt tulerit mortem Octavię. 187.
Adoptione domum sileit. 216. eius laus, &
opera. 380. quietem optabat Ibid. Vt fecerit
benefitium Furnio. 502. Augustus mitissi-
mus. 342. Laudatur. Ibid. Quid egerit cum
Ginnaei insidias moliente. 343. cur Parens
dictus. 346. cum Nerone collatus. 347. deplo-
rat veros amicos Agrippam, & Mœcena-
tem. 657.
In Aula rarissima senectus est. 66.

B

- B**acchus cur Liber dictus. 300.
Beatus quisquis esse potest. 132.
Beatior quis sit. 177. Beata vita quę. 412. quid.
413. Beatus quis dici possit. 414.
Bellum an in eo sit necessaria ira. 12. Aferit
Arist. negat Seneca. Ibid. & 16. In Bello quis
miles utilis. 13. quantum momenti habeat
celeritas. 100.
Beneficia. De beneficijs agenda gratiæ, non
improbanda. 112. Beneficia homines ne-
sciunt. Gg 5

sciunt dare, nec accipere, & cur. 458. facile
 concedenda. 459. sine favore. 460. Plura,
 danda, vt vnum benè collocetur. 461. nun-
 quam perduntur. 462. Beneficijs quilibet
 mansuefit. ibid. De beneficijs quę traden-
 da. 466
 Beneficium quid sit. 468. 528. In quo consistat.
 469. diuisio tractatus de beneficijs. 473. quę
 beneficia danda: ibid. scilicet necessaria, vti-
 lia, iucunda, mansura. 473. & seqq. quęnam
 inter hęc præcipuè danda. 475. quibus danda.
 477. Beneficium quomodo dandum. 479. &
 seqq. libenter. 481. & seqq. Citò. 483. &
 seqq. sine dubitatione. 485. & seqq. Quęnam
 reddantur aspera 482. asperè datum quomo-
 do vocetur à Verrucoso. 484. Non est dan-
 dum cum ignominia. 485. quędam, palam,
 quędam secretò danda, ibid. Non expro-
 branda. 487. exempla ibid. & seqq. danda
 sine superbia. 490. quędam neganda vt no-
 citura. 490. Turpia, & infamię futura. 492. In
 illis dandis seruandus modus Ludentium
 pila, 494. Nec danda, nec accipienda cum
 superbia. 495. Personę tum dantium, tum ac-
 cipientium estimandę. 496. Eligendus etiam
 is à quo beneficium accipias ibid. Accipiens
 beneficium quomodo se gerat. 498. à quo
 beneficium accipiendum. 497. quomodo ac-
 ciipiendum. 500. In primis Grate. 501. &
 seqq. & ibi plura de Gratitude. Beneficio-
 rum diuersitas. 517. 523. Beneficia quędam
 vocantur, quę non sunt, & cur. 521. & seqq.
 Seruus an possit beneficium præstare Domi-
 no: affirmat. 529. & seqq. An filius possit
 beneficium præstare Patri. 538. & seqq. Be-
 neficium an sit per se expetendum. 549. &
 seqq. Vtilitas sola non est attendenda in be-
 neficijs. 558. Qui eligendus cui beneficium
 conferas. 559. Voluptas in conferendis be-
 neficijs. 560. 562. Beneficium non est, quod
 in

in questum mittitur. 563. qua mente facien-
dum. 563. Deorum exemplo. 574. 577. An
dandum Ingrato. 575. Distinguit ibid. &
seqq. An dandum beneficium ei quem ne-
scis, sit ne gratus an ingratus. 583. & seqq.
Beneficium promissum semper dandum,
quamvis futurus ingratus, qui acceperit. 585.
qui modus seruandus in præstando bene-
fitio promisso ingratis. 586. Exemplum Phi-
lippi cum quodam milite ibid. Beneficium
an reddendum. 590

Beneficij, officij, & ministerij discrimen. 528. &
crediti discrimen. 589. Beneficij vinci an-
turpe. 593. Negat vinci posse ibid. & seqq.
Immo par semper qui gratè meminit, qui
cupit refferre animo, si re non potest. 596.
Negat item esse Turpe vinci. ibid. An ali-
quis sibi beneficium donet. 599. In vtramq;
partem disputatur. 600. Negat nihilominus.
601. & seqq. Beneficiorum variè conditio-
nes. 606. An triste beneficium etiam Inuito
dari possit. 619. & seqq. An repeti benefi-
cium possit. 620. & seqq. Respondet repe-
tendum, si necessitas vrgeat, & quomodo
ibid. confirmat exemplo Militis cum C. Iu-
lio Cæsare. 623. concludit repetendum, seu
potius resumendum bono loco positum.
624. An beneficium eripi possit. 626 & seqq.
Vsus potest eripi, non ipsum beneficium.
627. An qui tentauit beneficium reddere,
reddiderit 684. & seqq. An beneficium quod
acceperis à bono eidem iam malo sit red-
dendum. 688. & seqq. An qui beneficium
dedit, obliuisci debeat beneficij dati. 694. &
seqq.

Benigni hominis laus. 592. Vide Liberalis.

Bibulus duorum filiorum mortem passus est
eodem die. 215

Bona quo maiora, eo meliora. 18. Bonum non
est quod incremento malum fit ibid. Bona.

I N D E X

- Optima hominis extra humanam potentiam sunt. 140. Bona quę putamus, ea nec bona, nec mala sunt. 254. Bona fortunę cum labore possidentur. 177. Instabilia. 207
- Boni viri actiones quę. 16. non irascitur 17. Nec irascatur, nec inuideat. 21. Amicus Dei est. 240. cur affligat illum Deus. 241. cum ut filium regit Deus ibid. An illi accidant mala. 242. probatur per ipsa, & exercetur ibid. cum respicit cum malis configentem. 244. sic respiciebat Catonem. 245. Mala quę illi accidunt sunt ipsi vtilia. 245. Deus cum illo se gerit ut Preceptor cum Discipulis. 253. volens laborat. 255. Inter bonos, & malos discrimen. 259. Boni fortes sint. 259. Illorum exitus an mali sint, cum videantur. 296. & seqq. Bonus vir qui. 418
- Bonum, & magnum separari non potest. 29. Bonum quod optandum. 411. summum quod. 413. eius varię definitiones, ibid. quale. 417. In quo situm. 419. An possit esse iucundum, & honestum. 426. Bonum summum viuere secundum naturam. 431

C

- C**aius Iulius Cæsar, fuit clementissimus. 55. 346. minime credulus ibid. A quibus occisus. 111. Noluit videre Marcellum exulem. 143. eius constantia in filia Morte. 215. Eius clementia causa eius salutis. 346
- Cęcitas non est malum. 255
- Cælius Orator iracundissimus. 83
- Caligula iratus cęlo, vocat ad pugnam Iouem. 29. Pastorem eo die ad cœnam inuitat, quo eius filium duci iusserat 66. optauit ut Pop. Rom. vnā ceruicem haberet. 97. Villam diruit ob Matrem ibi custoditam. 100. Eius crudelitas. 96. 97. 100. Luxuria, & vitia. 145. quę fecerit in Morte Drusillę sororis. 191. sub eo Mirmillo queritur de raritate Munerum. 250. Contumeliarum faciendarum cupidissimus, .

R E R V M.

- pidissimus, ferendarum impatiens. 326. 327.
 Hęc mortis eius causa. 327. quę eius deformitas. 326. Contumeliam putauit salutari Caium, & dici Caligulam. 326. 327. Cur Caligula dictus. 328. Xersem secutus pontes nauibus iunxit. 405. sub eius morte Pop. Rom. fame laborauit ibid. superbię notatur. 489. Pompeio Penno gratias agenti de Vita data, sinistrum pedem osculandum porrexit ibid. Soccatus de Capite viri consularis audit. ibid. Cur Græcinum occiderit. 500. eius crudelitas. 580. eius dementia à Demetrio ridetur. 689 & seqq.
- Canis rabidi signa. 3
- Cambyfes Ebrius quę fecerit. 91. Eiusdem Ira, & crudelitas in Æthiopes. 99
- Castigatio. Vide Punitio.
- Cato percussus ignoscit. 65. 322. iniuriam tulit. 118. Repulsus à Magistratibus an ignominia affectus. 152. quandonam felix occumbere potuit. 228. cum malis configens Deum letitia afficit. 244. Constantia in aduersis. 249. Securus in omnibus ipsis. 303. eum malè Res. pub. tractauit ibid. certauit cum vitijs non, cum feris. 304. Eo moriente Libertas periit. 304. Pauper quamuis Diues. 435
- Caudex quid sit. 395. cur ita vocatus Claudius apud Romanos ibid.
- Celeritas in omnibus multum prodest, maxime in beneficijs. 484. In bello plurimum prodest. 100
- Cibo moderanda ira ante Laborem. 85
- Cicatrix post vulnus etiam in animo. 22
- Ciceronis laus. 227. quandonam felix mori potuit ibid. quietis cupidus. 381. quantum agitatatus ibid. reprehenditur, quod semi liberum se dixerit. 382
- Circi quot homines tot vitia habent. 37
- Cinis pars Patrię. 64. Bonus numquam inutilis. 274. Ingrati in Remp. 612. Ciues Pij. 662.
- Exulca

I N D E X

- Exules à Patria, quid optauerint Patrię. 662.
 Chrysippi laus, & reprehensio. 464. eius ingenium. 465. reprehensus. 466.
 Clementia Antigoni. 101. Philippi. 102. Augusti. 102. 343. eius Laus in Principe. 185. cur de ea scribat Seneca. 330. Omnibus placet. 333. Medicinę similis. ibid. eam tamen etiam innocentes venerantur. ibid. Tractatus de Clementia diuisio. 334. eius Laus ibid. propriissima Principum ibid. Vide Rex; Magni animi Proprium. 338. Omnes clementia indigent. 339. Clementia non vocanda lassa. crudelitas. 347. quęnam principem deceat. 354. Clementium principum exempla. 342. & seqq. Clementię definitiones varię. 368. Eius opera. 372. 373. Venię & clementię discrimen. 374.
 Cogitationis. vis. 453. ea non est sine actione. 454.
 Cognitio sui quantum utilis. 87. 210. 276.
 Comitialis morbi signa. 86.
 Conscientia quotidie scrutanda. 116.
 Consolatio: qui suos consolarentur rari inuenti. 129. Seneca consolatur Heluiam. 128. & seqq. Polybium. 165. & seqq. Marciam. 195. & seqq. consolandi ratio qualis. 198. Vt Atreus Philosophus solatus fuerit Liuiam Augustam in morte Tyberij. 202. Consolatio pulchra 211.
 Constantia sapientis. 302. & seqq. per totum. Constantia laudatur. 433. eadem est tam in prosperis, quam in aduersis. 442. Socratis. 443. Vide sapiens.
 Contumelię, & Iniurię discrimen. 307. 316. Minor est iniuria. 316. quā de causā moueatur ibid. eiusdem species ibid. Vnde dicta. 318. Contemptissimus quisq; linguę solutissime est ibid. Vox sapientis in Contumelijs. 325. quidam Contumeliam non ferentes, quamuis fortes in alijs, ibid. exempla. 326. & seqq. Contumeliarum non curatores. 328.
 Con-

R E R V M.

Conuersatio Mores conuersantium communi-
cat. 82. cum quibus conuersandum ibid. &
seq. Ferè conuictu hominum mansuescunt.
83. Vitanda. 290

Conuiuorum Luxuriam detestatur. 393. Vide
Apicius.

Corona Ciuica dignissima Principe. 366

Cornelia constans, & fortis in interitu filio-
rum. 157

Corpus variè afficitur, animus tangi non po-
test. 149

Correctio. Vide Punitio. Corrigendi mali, non
odio habendi. 19. 20. correctione bonus gau-
det, malus tristatur. 117

Corfica, in qua exulauit Seneca varios colo-
nos passa. 139

Credulitas plurimum mali facit. 55. non facile
credendum ne irascamur. 54. Remouenda.
55. 61

Crudelitas. Vide feritas, crudeles multi. 94. 95.

Crudelitas laffa, non vocanda Clementia. .

347. quid mali habeat. 350. Crudeles Domi-

ni monstrantur digito per Urbem. 356. non

est humanum Malum. 363. cur maxime

abominanda ibid. quandonam summa ibid.

Crudeles & Tyranni sepe occisi, & variè si-

militudines. 364. Crudelitatis regnum quale.

365. opposita est Clementiè. 369. quid sit;

Què comprehendat. ibid. Crudeles, seu Fe-

ri plurimi. ibid.

Curiositas. Natura curiosos omnes effecit. 452.
coercenda. 669

Cyrus iratus flumini Gynden què fecerit. 100

D

Delicatus quis sit. 115. 394

Demochares Atheniensis legatus quo-

modo conuiciatus sit Philippo. 102. Cui ta-

men hic pepercit. ibid.

Democritus, semper ridens. 40. 295. eius ma-

gnifica vox. 255. Diuitias proiecit. 258. de

tran-

- tranquillitate animi scripsit. 265.
 Desiderium suorum naturale est. 204.
 Deus solus imitandus. 48. 340. Nec obesse vult,
 nec potest. 58. Commutatione delectatur.
 136. Eius Providentia in orbe regendo. 240.
 Boni illius amici. 241. Bonos vt filios regit.
 241. Vt se gerat cum illis. Vide Boni. Non
 statim punit peccata. 340. Deum sequere
 præceptum antiquorum. 428. an det benefi-
 cium. 552. negat Epicurus ibid. Affirmat Se-
 neca. 553. Singula, & omnia quæ accepimus
 sunt beneficia Dei. 553. & seqq. Deus, & Na-
 tura idem. 556. Dei varia nomina, quia varij
 effectus ibid. Beneficus est sine spe recipien-
 di. 557. Deorum exemplo facienda benefi-
 cia. 574. 581. & seqq. Benefaciunt malis non
 propter ipsos, sed propter alios. 580.
 Dilatio est maxima iactura vite. 387.
 Diogenes Iniuriam tulit. 118. Diuitias proiecit.
 280. Eius felicitas, ibid.
 Diuturna pauca. 165.
 Diuitum, & pauperum comparatio, quis feli-
 cior. 149. & seqq.
 Diuitiæ non sunt bonum. 255. 440. Earum vi-
 tuperatio. 279. Proiectæ à Democrito. 258.
 à Diogene. 280. magis conferunt ad expli-
 candum animum sapientis, quam Paupertas.
 435. An sapientibus concedendæ. 437. Diui-
 tiarum homines sunt Procuratores, non
 Domini. 627.
 Dolor magnus vocem intercludit. 129. Dolor
 nihil potentius apud miseros ibid. Maximus
 lugere viuos. 131. exercitijs diuersis tempe-
 ratur. 158. Nihil tam humile, aut muliebre,
 quam dolore consumi. 172. Inter multos di-
 uisus solatium est. 183. An dolere sapiens
 debeat. 193. Et mulieres, & viros afficit. 195.
 In dolore etiam reperitur Modestia. 201.
 Dolor an debeat esse magnus; an perpetuus
 ibid. An sit naturalis; Negatur; Probatur
 exem-

R E R V M.

exemplo animalium. 204. & seqq.

Domini crudeles digito monstrantur per urbem. 356. quomodo regere debeant seruos.

Vide seruus. Rex. An possit beneficium accipere à seruo: Affirmat. 529. & seqq. Domini male tractantes seruos vituperantur.

537

Donatio quam difficilis sit. 438. de ea varia. ibid.

E

E Brietas an utilis. 18. Ebrij quid iubeant suis. 90. Cambyfes ebrius quæ fecerit. 91.

Aliquando prodest. 300

Elementorum confusio. 646

Elephas quid timeat. 43. Elephantorum pugna inducta à Pompeio vituperatur. 396. quis primus eos duxerit in triumpho. 397

Eloquentiæ vis. 195

Epicurus Iners, & Inertium patronus. 323. Vox eius virilis. 324. aduersus iniurias exsurgit

ibid. Voluptas eius. 423. Doctrina sancta, & recta. 424. Secta an vitiorum Magistra ibid.

Ad otium ducit diuersa via à Stoicis. 449.

Epicureorum, & Stoicorum discrimen. 450.

Negant beneficium, & gratiam esse propter se expetenda. 550. Affirmat contra eos Seneca. 551. Idem negant Deum dare beneficium. Seneca contra. 552. 553. Epicurus reprehenditur. 568

Equi quomodo regendi. 58

Erubescencia. erubescimus quando. 32

Exemplum. Regis ad exemplum componitur Orbis. 172. & seqq. 367

Exilium quid sit. 134. eius mala ibid. negatur ibid. & seqq. exilium duo semper sequuntur pulcherrima, communis natura, & propria virtus. 140

Exul nihil patitur, ob quod possit dici Miser. 132. Exules auctores variarum Urbium. 138.

Exul Marcellus beatissimus. 142. Brutus se exu-

exulem putat, dum ab exule Marcello recedit ibid. non opes, sed occupationes perdit. 144. Exulis paupertas nullum incommodum habet. 147. Liber non potest esse exul. 149. Exulem filium sequitur mater. 157

Familia oneri est Dominis. 281

Fabius Maximus ideo Victor, quia non iratus. 157

Familia oneri est Dominis. 281

Fatum inevitabile est. 166. Inexorabile. 169.

204. fati etiam Deus paret. 257

Febres nonnullę utiles, nec tamen expetendę.

17

Felicitas Iracundiam nutrit. 53. feliciores, & iracundiores sunt, ibid. Felix quis sit. 110. felicitas magna mori in felicitate. 179. felices inuenire difficilius est, quam miseros. 214. felicitas magna homini noxia. 396. vera in virtute sita. 428.

Ferę & hominis discrimen. 38. ferę conuictu hominum mansuescunt. 83. Vanis mouentur. 110. Ferarum est sanguine gaudere. 363.

Feritas, quę sit. 35. vnde nascatur, ibid. Feri seu efferi multi recensentur, ibid. Maius malum quam ira. 36. quid sit. 369. efferi plurimi recensentur, ibid.

Feruidi maxime Iracundi sunt. 49. & cur ibid. & 50.

Filij hostium, & inimicorum non irascendum. 68. filiorum priuatio quanto dolore afficiat Parentes. 154. eorum interitum fortiter fert Cornelia. 157. Filium exulem sequitur mater. 157. Filios cum generamus, morituros sciamus. 181. Morientes quanto afficiant dolore Parentes. 199. Matrum, quę filiorum Mortem patienter tulerunt, exempla. 198. & seqq. Patrum qui idem fecerunt exempla. 215. quales esse possint filij. 221. Filij an beneficium prestare possint parentibus. 538. Disputatur in vtramq; partem. 539.

affir-

R E R V M.

- Affirmatur. 540. & seqq. Filij plus ne pre-
stent Patri, an Pater Filijs. 541. Exemplasfi-
liorum beneficorum in Patres. 544. & seqq.
ad filios adhortatio. 549
Finis in omnibus sibi proponendus. 409
Flauj, & rubentes cur iracundissimi. 50
Fletus continuus in Heraclito. 40. Homines
omnes fieri digni. 170. Mortui non flendi
ibid.
Fortis animus ad omnia paratus. 117. Fortes
grauia sufferant. 130. fortis quis dicendus.
306. fortes debent esse boni. 259
Fortuna mala semper timenda. 133. Numquam
illi credendum ibid. qui non letatur prospe-
ris, non tristatur aduersis ibid. Nihil potest
auferre sapienti. 166. Magna seruitus. 173.
Potens in rebus humanis. 190. Fortune bo-
na qualia: Vide Bona fortune Eius regnum.
209. Malos bonosq; iactat. 219. Instabilis. 292
Fortuita omnia Instabilia. 403. Incerta. 427
Forum quot homines, tot vitia habet. 39
Fratrem de morte fratris querentem quomodo
consoletur. 165. & seqq. Fratris mors a plu-
ribus tolerata patienter. 186. & seqq.
Frigus est pigrum, & contractum. 50. frigidi
non ita iracundi. 50. 51
Futura prohibentur. 27

G

- Gaudia indoctorum trepida. 402
Gentes libere eadem ferre. 46. quæ sedem
mutauerunt. 137
Germanorum Laus. 15. liberi, & iracundissimi,
& cur. 46. 47. eorum vita. 254
Gladiatores ars tuetur, ira denudat. 14
Grammaticorum quæstiones friuolæ. 395. &
seqq.
Gratiæ, Cur tres, cur sorores, &c. 463. earum
Nomina. 464. cur Mercurius cum illis ibid.
Cuius filiæ. 465. Comites Veneris ibid. ea-
rum Mater cur dicta Eurynomes. & quid si-
gnificet

I N D E X

gnificet ib. quę de illis scribat Chrysippus ib.
 Gratitude, quam necessaria. 467. In beneficijs
 præcipue. 501. Grati simus præcipue benefi-
 ciorum acceptorum à Deo. 505. Necessaria
 in beneficijs omnibus. 507. constat volunta-
 te, vbi res deficit. 508. & seqq. qui beneuo-
 lè accepit beneficium, gratiam iam retulit.
 512. An per se expetenda. 549. & seqq. Gra-
 tia referenda, honesti, non utilis adspectu.
 565. Gratorum duo genera. 570. Gratia an
 omnibus referenda. 590. Gratus quid præ-
 stare debeat. 605. erga quos esse debeamus
 grati. 615. quousq; grati esse debeamus, &
 an alius pro alio obligetur. 616. An debea-
 mus ei, qui vel inuitus profuit, vel ignarus.
 632. & seqq. An ei qui sua causa nobis pro-
 fuit. 637. Distinguit, si sua causa tantum ne-
 gat, si & mea, concedit. Ibid. & seqq. An
 debeamus Medico, & Præceptor: Affirmat.
 639. 641. Beneficium debet esse propter me,
 vt me obliget. 644. an debeamus Soli, Lunę,
 & ceteris naturalibus causis. 645. & seqq. An
 liceat aliquid incommodi optare, vt Gra-
 tiam possis refferre. 649. & seqq. Gratię resse-
 rende modū Felicibus, & Regibus docet per
 consilia, Monita, & Doctrinam. 654. & seqq.
 Gulę non seruiendum. 145. Antiqui Romani
 minimè Gulę seruietes. 146. Apicius popi-
 nam professus, sæculum infecit. 146

Harpagus ab ira regis Persarum punitus.
 92. Assentator maximus. ibid.
 Heluiam Matrē Seneca consolatur. 128. & seqq.
 Eius infelicitas. 130. Ab incunabulis dolori-
 bus, & miserijs assueta. 130. Eius ferè vita
 describitur ibid. Eiusdem laus 154. Eius in-
 malis constantia. 156. Heluię pater. 161. E-
 iusdem soror. ibid.
 Heraclitus semper flens. 40. 295.
 Hippias Tyrannus quę fecerit iratus. 55.
 Ho-

R E R V M.

Homo solus virtutibus, vel vitijs ornatur. 6. A
 secundum ipsius naturam fit Ira. 7. Negatur.
 ibid. Hominis natura quæ. 7. 9. Inhumanum
 est delectari pœna vllius. 9. quomodo produ-
 catur. 31. Ordo in corporis partibus. 31. Vi-
 tia, & peccata varia. 37. 38. 39. Hominis vita
 Gladiatorie similis. 38. Hominum, & Fera-
 rum discrimen. 38. Homo obnoxius tam
 morbis animi, quam corporis. 40. Homines
 naturam trahunt è loco, vbi nascuntur. 49.
 Ea detestantur in alijs, quæ ipsi patrant. 60.
 Inspiciant se ipsos antequam irascantur alijs.
 61. Creduli ne sint ibid. Cuncti mali. 106. Va-
 nis mouentur. 110. Omnes cupiunt plus
 quam merentur. 111. humani sint. 123. Ho-
 minis bona optima extra humanam poten-
 tiam sunt. 140. Humana vita tota fletu digna.
 209. Hominis miseria. 210. Instabilitas. 448.
 Homo pars est diuini spiritus. 453. Ad Actio-
 nem, & contemplationem creatus à natura.
 451. & seq. Natura omnis curiosus. 452. Ho-
 minis miserie, quas quidam conqueruntur.
 306. Eiusdem felicitates ibid. homines om-
 nes fieri digni. 170. Eorum Inquietudo, &
 Instabilitas. 267. 270. Ne amittant vnquam
 hominis officia. 275. qui eligendi. 277. quo-
 modo regendi. 355. Homo morosum ani-
 mal, & magna arte tractandum, ibid. Homi-
 num caligo, & ignorantia. 378. De eorum
 malitia quæstio antiqua. 471

Humani affectus non cadunt in animalia. 5.
 Humana omnia breuia, & caduca. 228. su-
 pra humana se attollere potest homo. 310
 Humidi non facile ire obnoxij. 51
 Hyeme potest quis non algere. 43

I

Ignis est maximè actuosus, & pertinax.
 49. 50.
 Ignominia sola opprimere solet animos. 151.
 Ignominia non mouetur sapiens. 152 Mors
 153 igno-

I N D E X

ignominiosa magis mouet, quam ignominia ibid.

Ignorans. cum imperitis non disputandum.

116. Nolunt discere, quæ nunquam didicerunt ibid. Eorum deploratio. 434

Imperia penes quos fuerint, & sint. 47. Imperare, & regere nemo potest, nisi qui etiam regi. 47. Quietum simile est sereno Caelo. 340.

Impetus quid sit. 33. animi quam grauis. 69

Improbis non irascendum. 19. nec si non corrigantur ibid. Vitam illis auferre bonum est ibid. & 21. Id tamen sine odio. 20. 21. Improbi semper peiores fiunt. 21. Ideo tollendi ibid. Non differant à pueris. 319. Cum illis ut se gerat Sapiens. 320. habent & illi voluptates suas, sed falsas. 422

Inanimis non irascendum. 57

Ingenia magna non morantur libenter in corporibus. 233. quo illustriora, breuiora.

234. Magna semper cum dementia mixta. 301.

Ingrati multi sunt, plurimi fiunt. 459. Ingratitudo ne retardet homines à beneficio prestando. 460. Ingratum quid faciat. 503. cause tres precipue Superbia. 503. Auaritia. 504. Inuidia. 505. Ingratorum vituperatio. 513. Plura ingratotum genera. 514. Ingratus quis ibid. De ipsis ibid. & seqq. Homines ferè omnes ingrati. 516. An puniendi, & an ad Iudicem vocandi. 517. 518. An detur actio Ingratitudinis? negatur. 518. & seqq. Ingratis non assignatur tempus ad comparandum. 522. Nulla lex data. 525. eorum penè sunt odium omnium, & infamia. 527. Item conscientia propria, seu ipse animus. 528. Ingratum esse per se est fugiendum. 567. Ingrato an dandum beneficium. 575. Distinguit duo Ingratorum genera ibid. cui dandum & cui non, indicatur ibid. & seqq. Deus etiam

- etiam Ingratis tribuit. 577. Ingratis quę dan-
da, quę non. 579. Danda illis, & quędam in
honorem aliorum ibid. Exempla. 580. An
dandum beneficium ei, quem nescimus an
futurus sit gratus, aut ingratus. 585. Modus
servandus in dando beneficio promisso in-
gratis. 586. Ingratitudo cuiusdam Militis.
587. Ingratus an quis stoicę dici possit. 607.
& seqq. An non omnes ingrati sint. 610. In-
grati varij recensentur. 612. & seqq. Ingrati
ferę omnes sumus, excusandi tamen. 614.
Ingrati quomodo ferendi. 697. & seqq.
- Iniuria iram mouet. 31. Iniurię opinio causa,
iracundię. 54. Iniuria nulla nisi à consilio
profecta. 57. Iniurię inimicorum quomodo
moucant. 63. Iniurias despiciere magni a-
nimi est. 65. Iniurię potentiorum hilariter,
& patienter ferendę. 66. Exemplum ibid.
non est magnus animus, quem incurpat in-
iuria. 80. Iniurijs quomodo resistendum.
103. & seqq. Iniuriam sustinere an graue.
105. 106. Iniurię pęna maxima, eam fecisse.
106. Iniuriam sanare, quam vlcisci satius est.
107. Iniurias, qui patienter tulerint. 101. 102.
118. Sapiens an extra iniuriam. 305. & seqq.
Iniurię, & contumelię discrimen. 307. 316.
Iniurię quis finis. 308. Varię eius proprieta-
tes, ibid. Iniurię quamuis factę, non semper
acceptę. 313. Iniuria non potest fieri sapien-
ti. 313. Iniurias tolerabiles esse, non repu-
gnat naturę. 324. Iniuria beneficio contra-
ria. 564
- Innocentia rara inuentu in hominibus. 307
- Inquietudo, & Instabilitas damnatur. 267. 290.
- Inquieti non agitantur industria, sed otio.
291
- Insanię, & irę confirmatio. 1 2. Insania an ad
vires necessaria. 18. Insania est ad quędam
concitari. 56. Insanire aliquando prodest. 301
- Inuidentes ijdem sunt, qui mirantur. 411. In-
gratum

- gratum reddit. 305
 Inutilia à sanis discernenda non ira, sed ratione. 20
 Inuulnerabile quid sit. 306
 Ira quid sit. 5. 24. Definitio Aristotelis, ibid. Eius effectus, & damna. 3. 17. 74. 98. An in animalibus reperiatur. 5. efferaiora reddit animalia, vbi ea inuasit. 3. quantum sit vitium. 1. Deformius ne, vel turpius. 2. est brevis Insania. 1. 2. Non potest latere. 2. Apparet & in animalibus. 2. Nonnumquam sine causa, & absque iniuria. 4. quo distet ab iracundia. 6. Eius variet species. 7. An sit secundum naturam. 7. confertur cum natura hominis, ibid. Eius natura quæ. 7. An sit utilis. 10. Temperanda ne, an prorsus tollenda, ibid. Omnino reiicienda. 11. Valentior ne sit, an Infirrior ratione. 12. Remouenda etiam à Militibus. 12. Necessaria ex Aristotele, sed impugnatur. 12. Neq; modica utilis. 14. ne dum contra hostes necessaria. 14. Nec in prelijs. 16. Est cupidissima vindictæ. 17. Non ideo expectanda quod aliquando extiterit bona. 17. Non in adiutorium sed in vicem virtutis venit. 18. An possint homines non irasci: affirmatur. 19. Malis non irascendum. 19. Ira violenta est. 23. Iniusta 24. nescit modum. 25. Regi non vult, ibid. Muliebre, & puerile vitium. 28. Iudicio an impetu incipiat. 30. Mouetur ab Iniuria. 31. Accenditur animo assentiente. 31. 32. præceptis fugatur. 32. Varijs de causis mouetur. 32. 81. est Impetus. 33. quia terribilis iniuria. 42. Nec utilis, nec Inevitabilis. 44. Eius comites, ibid. Nunquam admittenda. 45. contra illam duo remedia. 49. Vbinam generetur. 50. Eam augentia, & producentia. 50. 51. quibus non irascendum. 57. & seqq. Nulli irascendum. 62. præcipuè inaudito, ibid. An habeat voluptatem. 65. Ira abstinendum. 67. Non irascendum filijs ho-

R E R V M.

hostium, & inimicorum. 68. Iram Amicitiam mutare gloriosum. 68. quam deformes reddat Ira. 69. 74. 77. Irati infanis similes. 2. Viri irati muliebria, & puerilia ingenia habent. 28. non simplices dicendi sed incauti. 48. An Oratores irascantur: ibid. quinam maxime iracundi sint. 49. Speculum aspexisse quibusdam iratis profuit adeo deformes sunt. 70. 71. Iratorum mala. 71. Iratus nullum puniat exemplo Socratis. 20. & Platonis. 88. Iratos, & Iracundos fuge, ne & tu irascaris. 83. quomodo frenanda. 72. & seqq. Dum incipit tota est. 73. In hominibus omnibus reperitur. 74. Numquam prodest. 76. Nemo ab illa tutus. 78. Pestilentiae similis ibid. Ne irascamur quid faciendum. 78. Peior Avaritia, Luxuria, & ceteris vitijs. 79. Iram mouet Labor. 85. Cibo temperanda, ante laborem ibid. Perniciosa sequentibus. 94. qui irasci non vult, se ipsam respiciat. 105. Inquieta est. 108. Debiles reddit ibid. Irati se temperare debent in ira. 112. leuia, sunt pro quibus irascimur, 114. Intractabilis est. 120. Remouenda prorsus, non temperanda. 121. Ira aliena quomodo sananda. 118. & seq. Irasci in animalibus quid sit. 5. Irasci pro suis quid. 17. Ire & rationis differentia. 24. Ire & aliorum vitiorum discrimen. 73

Iracundie, & Ire differentia. 6. Iracundie tristitia comes. 36. Sapiens non est nec iratus nec iracundus. 36. Iracunda ingenia mollienda. 51. corrigendi, non irascendum illis ibid. & 20. Iracundis omittenda studia grauiora. 84. Iracundus Puer quomodo regendus. 52

Iudex equus qui. 19. qualis debeat esse. 22. Bonus qui. 22. Non iratus dat meritam cuique penam.

I N D E X

L

- L** Abor iram mouet. 85. Hinc temperanda cibo ante laborem. 85. ne sit assiduus. 299
- Leonis irati signa.** 3. Timidissimus est. 42. quid timeat. 43. Leones solutos in Circo primus Sulla dedit. 396
- Liberalis quis.** 361. cur sic dictus. 439
- Liberae gentes eadem iracundissimae & cur.** 46. 47. Eadem nec seruire nec imperare possunt. 47. facile inuenitur. 93. 260. liber exulare non potest. 149. quid sit. 329. Liber est semper sapiens. 382
- Librorum copia non prodest.** 283. non multi sed vtilis legendi ibid.
- Loci mutatio est exilium.** 173. Gentes quae locum mutauerunt. 138. Loci mutatio fit pluribus de causis. ibid.
- Lugere viuos maximus dolor.** 131. Lacrimae, quae non prosunt ne effundantur. 166. lacrymae potius deerunt, quam causa dolendi. 170. Mortui non lugendi, ibid. Luctu frangi naturale non est. 205
- Luxuria, & libidinis insatiabilitas.** 30. Luxuria magna. 144. Luxuria Caligulae 145. Luxuria Apicij. 146. Luxuriae nihil satis. 147. Vituperatur. 383. 392.

M

- M** Agister quis bonus. 354. magistrorum quondam inutiles quaestiones. 395. An magistris debeamus. Ait. 639. 641
- Magnum, & bonum secerni non possunt.** 28. 29
- Mala à mortalitate proueniunt, non à Deo.** 60. In malis maxima est vulgi opinio. 134. prauius minus feriunt. 207. quae homines consequi possunt enumerantur. 231. An accidunt Viris bonis. 242. Per illa probantur, & exercentur ibid. ut illis vtilia. 245. Malum nullum repentinum. 288
- Malus, vide Improbis.**
- Marcia laudatur** 195. **Consolatur.** 198. & seqq. **Matres**

- Matres ambitiosæ quæ: 153. quantum dolorem illis afferat filiorum priuatio. 154
- Medicina. Vide Remedium.
- Medicus non irascitur egroto. 19. morbis varijs varia remedia adhibet. 21. Medici calliditas in sananda regis filia. 119
- Mendaces cur nonnulli homines sint. 61
- Mens hominum mobilis. 136
- Miles vilis quis. 13. Milites Tirones vulnera pauent. 131. Veterani confossi tacent. ibid.
- Militia an ira egeat. 12
- Ministri regis fideles sint. 349. Ministri Tyranni crudeles. 350
- Ministerij, officij, & beneficij discrimen. 528. Quid sit. 529
- Misericordia; quid sit. 370. 371
- Moderatio in Regibus quò rarior eò laudabilior. 55. non est difficilis cum etiam in Tyrannis reperitur. 87
- Mora maximum iræ remedium. 61. In beneficijs nil peius. 483. quantum noxia in omnibus, & in beneficijs præcipue. 484
- Mores hominum imbibuntur conuersatione. 82
- Morbum tuum nosse prodest. 86
- Mors malis bonum est. 19. sine eius memoria, utilis. 379. omnes pares facit. 122. Ignominiosa plus mouet, quam ignominia. 152. suorum à multis patienter tollerata. 186. quid sit. 225. Timenda non est. 287. Mortem vt tulerit Canius 293. 294. Mors cuique semper bona. 226. eius commoda. ibid. semper cum hominibus benè agit. 230
- Mortui non lugendi. 170. quid de ipsis querendum. 176. eorum felicitas. 177. 236. 238. Beatissimi sunt ibid. Magna felicitas mori in felicitate. 179. Exempla. 227. Omnes generantur morituri. 181. Viuens quisq; ad Mortem destinatur ibid. Vt non dolemus absentes; ita nec defunctos. 224. Homines semper moriuntur. 224

I N D E X

- Motus præter voluntatem inuitabiles sunt. 31.
 34. Motus qui iudicio nascitur, iudicio tollitur. 34
 Mulieres faciliè irascuntur. 28. in lacrymas dissoluuntur. 155. Mulierum quarundam Constantia. 156. 157. 198. 199. Mulieris constantis laus. 162. 163. & 195. Studiosæ. 196. Mulieres æquales virtute viris. 216. Exempla mul-
 tarum cum laude. 217. vituperatio. 321.
 Mundus est interiturus. 165. qualis sit. 221. A
 Deo regitur. 240. Dei providentia in orbe
 regendo. 240. cur continuo benefaciat ho-
 minibus. 562.

N

- N**atura paucis contenta. 147. In morte om-
 nium, quod suum exigit. 180. quod est
 Naturale est semper idem. 205. in omnibus
 Dux nobis sit. 412. Viuere secundum natu-
 ram summum bonum. 451. Ea homines, &
 actioni, & contemplationi genuit. ibid. &
 seqq. curiosos omnes effecit. 452. Eius mira-
 bilia ibid. gloriosa Virtus. 547. Natura, &
 Deus idem. 556
 Nero Clementissimus initio Imperij. 331. 366.
 laudatissimus. 331. Innocens. 332. Carus
 Rom. Pop. ibid. reliquos Imperatores supe-
 rans ibid. Collatus cum Augusto, & ipsi præ-
 latus. 347. optat nescire litteras, & cur. 367
 Nocere Patriæ nefas. 64. Nocendi cupiditas
 execrabilis ibid.
 Noscat se ipsum, qui irasci non vult. 87
 Nouerca numquam bona. 131
 Nuncij tristes quomodo perturbent. 32

O

- O**cupati qui dicantur. 391. eorum breuissi-
 ma est vita. 389
 Odisse misericordia dignum turpe est. 109. odij
 causa ea nunc est, quæ deberet esse vincu-
 lum Amoris. 114
 Officij, beneficij, & Ministerij discrimen. 528
 Officium

Officium quid. 529. In officio reddendo ne
simus tardi. 666

Opes non perdit exul, sed occupationes. 144

Oratores non irascuntur, sed videntur irati. 48.

Cœlius Orator iracundissimus. 83. Demo-
chares Orator Atheniensium vt conuiciatus
fuerit Philippo. 102

Otium, & quies quanta res. 380. Otiosi & quieti
non verè qui sint. 392. qui verè. 394. Otiosi
solum qui sapientiz vacant. 397. receden-
dum aliquando à publicis negotijs. 404. O-
tium, & vacatio ab officijs vt fuerit Turan-
nio grauis. 407. aliquando necessarium. ibid.
Ad otium ducunt, & Epicurei, & Stoici, sed
diuersa ratione. 449. Sapientis quale. 457

P

Pædagogis similes euadunt Pueri. 53. qui-
nam eligendi pro pueris iracundis. 53. Vi-
de magister.

Parricida raro modo punitus à Patre. 352. &
seqq. exemplum principibus quomodo se-
gerant erga subditos. 352. Quot interfecti
sub Tiberio. 362. quantum nefas ibid.

Parfimonia in quibus sita sit. 262. Eius Laus.
281. Etiam in multis adhibenda. 283

Pater filium verberanstrucidatur à Romanis.
352. Pater bonus quis. 534. Patriæ quis di-
cendus. 351. cur dictus Augustus 346. an pos-
sit beneficium accipere à filijs. 538. & seqq.
Plus ne præstent Patres filijs, an filij Patri.
541. & seqq. Exempla filiorum qui benefe-
cerunt Parentibus. 544. & seqq. Illis debe-
mus & quomodo. 647. 649

Patientiam ratio suadet, ira Vindictam. 46. In
iniurijs est necessaria, maximè Potentiorum.
66. est leuamentum malorum ingentium. 94

Patriæ nocere nefas. 64. Ciuis pars est Patriæ
ibid. ea carere an intolerabile. 134. plurimè
absunt. 135. est locus omnis sapienti. 143.
Patriæ Pater quis. 351.

I N D E X

- Paupertas** exulis nullum incommodum habet.
 147. à quo sentiatur, & à quo non. 148. **Quis**
 eam grauem putet. 149. **Pauperum**, & **Diui-**
tum comparatio, quis felicior. 149. & seq.
Pauperes varij, qui & illustres viri fuere. 150.
Paupertas tuta, & gratiosa est. 151
Pecunia quantum malorum causa. 113
Peccata ne corrigant errantem. 20. hominum
 varia. 37. 38. 39. **Peccantibus** ignoscendum
 non irascendum. 40. non punitur peccatum,
 sed ne peccetur. 27. & 65. Verè mala sunt. 258
Peregrinationis incommoda. 219
Philosophia. eius studium oblectat. 164. **Philo-**
sophorum studia varia. 398. **Philosophiæ** stu-
 dendum. 399. eius laudes ibid. & seqq. **Phi-**
losophi aliud agentes, aliud præcipientes.
 430. cunctis aliquid obiectum ibid. & seqq.
An verè, & rectè ibid. 442. **Eorum Doctri-**
na utilis, etsi non vita. 432. eius utilitas. 433
Pietas sine ira magnus stimulus. 16
Pluuiæ signis prænunciantur. 86
Pœna. Vide punitio.
Polybius. Eius laus. 167. eius fratris cõmen-
 datio. 168. optimus interpres diuerforum ope-
 rum. 182. solatur Polybium in mortem fra-
 tris. 170. à voluntate fratris nolentis fieri.
 171. ab exemplo fratrum suorum ibid. A
 munere publico. 172. Hortatur illum ad
 studia à quibus solamen. 175
Pomœrium Romanorum à quo auctum. 397.
Auentinus mons cur extra Pomœrium ibid.
Pompeius patienter ferens mortem suorum.
 187. eius laus. 227. Miseria ibid. quandonam
 felix mori potuit ibid. Vituperatur in pugna
 elephantorum. 396. eius mors ibid.
Potens. **Potentiorum** iniuriæ patienter feren-
 de. 66. **Exemplum Senatoris Romani** ibid.
Præterita reuocari non possunt. 27
Promissio. **Promissa** quæ non adimplenda. 588.
Promissum beneficium an dandum ei, quem
 scimus

fimus ingratum futurum. 586

Providentia Dei in orbe regendo. 240. excusatur. 580

Prudens. Prudentes non oderunt errantes. 19. non irascuntur aliorum vitijs, & cur. 36. 37. 39. 40. si irascerentur quantum indignitas scelerum exigeret, non irascendum, sed infaniendum illis esset. 39. non sunt hostes, sed correptores vitiorum. 41

Pudicitia. pudica, quæ vocanda, quæq; non. 563

Pueri facile irascuntur. 28. Iracundi quomodo regendi. 52. Ab assentatione remouendi. 53. similes euadunt nutricibus & pædagogis. 53. Non eis irascendum, & illorum similibus. 58

Punitio qualis esse debeat. 8. 27. 352. & seq. Ut medicus in sanando, ita homo vel Princeps in puniendo se gerere debet. 8. 9. 344. Sapiens non delectatur vilius pœna 9. non punitur peccatum, sed ne peccetur. 27. Toleranda, cum deliquimus. 59. Nullus puniatur ab irato exēplo Socratis. 20. & Platonis. 88. ea sæpe cōmittuntur quæ sæpe vindicantur, & Exemplum. 362

R

Ratio quando vigeat. 10. 14. Immixta vitijs facile libera non est 10 & 11. An sit valentior, vel infirmior, quàm Ira. 12. Numquam ad vitia confugit. 13. satis est ad omnia. 23. fortior est sine ira, ibid. Quietè omnia per agit. 26. Patientiam suadet, ira vindictam. 46. dirigere omnes actiones debet. 496. Rationis, & Iræ differentia. 24

Redde, in debitis equissima vox, in beneficijs turpissima. 525

Remedium lentum contra mala continua. 41.

Remedia contra iram duo. 49. Remedia notis vitijs adhibenda. 90. Remedium immaturum ut corpori, ita animo obest. 128

Respublica. Rempublicam regere optimum est. 270. Ab ea cur recedendum. 271. qui illi pro-
fit.

fit. ibid. An è Republica fit plures puniri nocentes. 362. Vtrum Reipublicæ interfir vt ferui à liberis habitu distinguantur. Negatur. 362. Reipublicæ diuifio. 450. Nulla est quam pati sapiens poffit. 456. Romana ingratiſſima in ciues ſuos. 614

Rex. Reges. quomodo punire debeant. 8. 9. quo moderatiores eo laudabiliore. 55. ſyderibus ſimiles. 174. eorum dignitas. 330. & ſeqq. propriiſſima clementia. 334. 337. & neceſſaria ibid. quas illis vtilitates afferat. 335. quo rarior, eo mirabilior. 338. cur à ſubditis amentur. 335. Eorum infelicitas quæ videatur. 341. 657. Dijs ſimiles ibid. Ne prompti ſint ad ulciſcendas iniurias. 542. Ignoscere debent vt habeant in quos imperentur. 345. 346. Medicis. ſimiles. 344. Regis & Tyranni diſcrimen. 348. Eius miniſtri fideles ſint. 349. Munia & ſecuritas. 350. Bonus eſt Reipublicæ parens. 351. Vt Parens in filios ita Rex in ſubditos. 352. Nihil illi magis decorum Clementia. 356. Vt à natura originem trahit, diſcat, & à Natura regere. 357. Duabus de cauſis punire ſolet. 359. Ne facile credat ibid. Ne ulciſcatur proprias iniurias. 359. Ad eius exemplum componitur Orbis. 367. Regibus quomodo reſſerendæ gratiæ. 654. & ſeqq. Romæ laus. 135. Exulem auctorem reſpicit. 138. Romanorum Veterum Paſſimonia. 146. Romæ immenſitas. 339.

S

Sanguis iræ cauſa. 50.
Sapiens nemo naſcitur. 41. Timeri non oportet. 42. Temperatus eſſe debet. 48. Vicinus Deo eſt. 132. Illi omnis locus Patria eſt. 143. Non mouetur ignominia. 192. An dolere debeat. 193. Sapientis eſt aduerſa ſubmittere. 250. Vita quæcumq; illi ferenda. 284. Imperurbatus ſemper. 286. An in eum cadat iniuria. 302. & ſeqq. An ſit extra indignationem, &c.

& iniuriam. 305. Affirmat, & quo sensu. 306.
 & seqq. Semper constans. ibid & 310. ab
 omnibus tutus. 311. An perfectus reperiatur.
 312. Nemo bonus nisi Sapiens ibid. non po-
 test ei fieri iniuria. 313. Eius excellentia 314.
 caret ira. 315. Contumelia non mouetur. 317.
 Sapiens constans an mirum sit. 320. Medico
 similis ibid. semper idem ibid. securitas eius
 proprium bonum. 321. quomodo illam amit-
 tat ibid sibi aduersantia, constantia, vel do-
 nis vincet. 322. semper immobilis, nec par-
 uis, nec magnis mouetur. 323. Eius vox in
 aduersis, vel contumelijs. 325. Sapiens ve-
 rus quis 421 Sapienſi quęnam obici possunt.
 429. 446. respondetur. 430 semper omnibus
 Sapienſibus aliquid obiectum ibid & seqq.
 Sapienſis & Sapienſię studiosi discrimen.
 439. Eius constantia eadem est tam in pro-
 speris, quam in aduersis. 440 Sapienſis, &
 stulti discrimen. 442. falsum esse, eos aliter
 viuere, quàm loquantur ibi. An sapienſi do-
 nari aliquid possit, cum eius sint omnia. 673.
 Ait: cum animo quidem, non vsu, possideat
 omnia. 675. & seqq.

Sapienſia Eius laus. 397. sciendi nimis cupido
 coercenda. 669. Animus mittendus ad sa-
 pientiam 670. Sapienſia quę ibid & seqq.
 Securitas proprium sapienſis bonum. 321. quo-
 modo illam amittat. ibid. Securitas securita-
 tem gignit. 358. vide Sapienſis.

Seneca quotidie scrutatur conscientiam suam.
 116. Exulat in Corsica, e qua consolatur Hel-
 niam Matrem. 139. 219. Parsimonię studio-
 sus. 262. A Luxuria stimulat. 263. Philoso-
 phorum sectator. 264. studijs deditus. ibid.
 Tranquillitatis mentis cupidus. 265. Non de-
 lectatur adulatione. 367. quę ipsi vt Philoso-
 pho obijci possent, confutat. 429. & seq. Stoi-
 cos sequitur. 449

Senex quis vituperandus. 273. Senes non diu
 vixit.

I N D E X

- vixerunt, sed diu fuerunt. 386. senectus rarissima in aula. 66. quomodo acquiratur ibi. Varia in hominibus. 229
- Seruus. serui non statim male tractandi. 109. noui, Misericordia digni, non odio ibid eorum infelicitas. 114. seruorum paucitas apud antiquos. 150. quomodo illis imperandum. 395. seruus an beneficium Domino prestare possit. 529. Affirmat ibid. & seq. serui quales possint esse ibid. seruus corpore, est liber animo. 531. In quibus possit seruus benefacere. 531. Exempla seruorum beneficorum in Dominos. 533. & seqq.
- Socij qui eligendi. 83
- Socrates iratus non verberat seruum. 20. semper eodem vultu. 37. Iratus agnoscebatur & admonebatur ab amicis. 89. 90 moritur ignominiosè nec tamen mouetur. 152. An male actum sit cum illo. 249. Eius tranquillitas. 275. Nū iniuriam acceperit, cum condemnatus est. 312. Vt tulerit contumelias. 328. eius constantia. 445. eius verba, cum in carcere esset. 445. quam gratum illi Æschinis donum. 469. Eius factum cum Archelao. 597
- Solitudo, & frequentia miscenda. 298. commendatur. 447. vide otium.
- Spectaculorum vituperatio. 447
- Stoici. Stoicorum & aliorum Philosophorum discrimen. 302. Paradoxa. 304. defenduntur. 370. præcepta 448. Eos sequitur Seneca. 449. Ad otium ducunt diuersa via ab Epicureis. ibid. discrimen inter Stoicos, & Epicureos. 450. Eorum laus. 455
- Studium. studia grauiora omittenda Iracundis. 84. studiorum laus. 150. 272. 283. In omni dolore consolantur ibid. studium Philosophiæ oblectat. 164. dolorem minuunt. 175. In ipsis etiam parci simus. 283. Studia, quæ inutilia. 395. Philosophorum varia. 398. Hominum ibid. quibus studendum. 399
- Superbia.

R E R V M.

Superbia. Superbi & sublimis animi discrimen.
28. In omnibus detestabilis, sed præcipuè in
dandis beneficijs. 489. 490. 495. Ingratum
reddit. 503
Sydera mobilia sunt. 136. Inquieta semper. 174.
illis similis Rex ibid.

T

Tempestatem signa præcurrunt. 86
Tempus pretiosissima res omnium. 386.
tempora vitæ quæ. 389. Temporis præsentis
velocitas, & fuga. 390
Timor in multis. 33. Periculosius est timeri,
quam despici. 42. In Autores timor redundat.
42. Timet multos, qui timetur. 42. Sapiens ti-
meri non optat ibid.
Tranquillitas quid sit. 267. Exempla multorum,
qui tranquilli erant. 293
Tyranni efferi potius dicendi, quam irati, cum
occidunt. 35. quidam Moderati. 87. & Regis
discrimen. 348. eius Ministri infideles. 350

V

Venia quid sit. 373. An eam dare debeat
Sapiens ibid. Veniæ & Clementiæ discrimen.
374
Veritatem tempus aperit. 54
Vertigo, in quos cadat. 32
Vindictæ cupidissima ira. 17. Illam suadet Ira.
46. Mala est. 65. Doloris confessio est. 80. In-
iuriam sanare quam vlcisci fatius est. 107
Vinum iram incendit. 50. hinc subtrahendum
calentibus ingenijs. 51. Vinum solutiores fa-
cit. 117
Virtutes, & vitia in hominibus tantum repe-
riuntur. 6. non est adiuvanda vitio, se conten-
ta. 12. sola sublimis & excelsa. 30 Non irasci-
tur vitij hominum. 36. 37. ad virtutes faci-
lis via. 45. eius vis. 251. 309. in aduersis expe-
ritur. 250. Virtutes raræ in hominibus. 295.
Non sunt in potestate fortunæ. 308. An Vo-
luptuosa. 416. ibid. cur colenda. 419. qua vo-
luptate

I N D E X

- luptate vtatur. 421. ea præcunte tutum omne vestigium. 425. In ipsa sita est vera felicitas. 428. omni virtuti inest vtilitas. 569. non vult diligi ob vile, sed ob honestum. 574
- Vita brevis colligenda. 122. tota fletu digna est. 209. quæcumq; sapienti ferenda. 284. Omnis seruitium est. 285. an brevis sit. 375. negatur ibid. quibus brevis. 376. propriè quæ. 379. Vitæ scientia difficillima. 384. Longissima quæ ibid. Dilatio est maxima eius iactura. 387. Occupatur breuissima. 389. Vitæ tempora quæ ibid. Longæ omnes cupidi, etiam senes. 391. An possit esse simul iucunda, & honesta. 420
- Vitia omnia semper remouenda. 10. Initia item illorum reiicienda. 11. non expetenda quamuis aliquando aliquid boni effecerint. 17. non sunt magni animi. 30. In illa facile prolabimur. 30. Non coeunt cum Virtutibus. 43. difficillima sunt, virtutes vere facillimæ. 45. suos habent aduocatos ibid. Vitiorum ceterorum & iræ discrimen. 74. Vitijs notis adhibenda, remedia. 90. Vitiorum varietas. 261. Incendunt, qui illorum Auctores Deos efficiunt. 401. Vitia, vitia sequuntur. 403. illis seruientes, miserrimè semper viuunt. 414. semper eadem in orbe. 471. Et virtutes in quibusdam insignia. 576. Vide Peccatum, Mala.
- Voluptas. Animus quoq; habet suas voluptates. 415. Cum Virtute felices reddit ibid. & Virtutis discrimen ibid. Ea tam in bonis, quam in malis reperitur. 417. Qua voluptate vtatur virtus. 421. Et mali habent voluptates suas, sed falsas. 422. Epicuri voluptas quæ. 423. Virtus prima sit, Voluptas sequatur. 425
- Votum, quid sit. 665. exules quidam quid optauerint Patriæ 662 & seq. Votum impium sceleris vicem obtinet. 663. Vota hominum damnanda. 664
- Vulgi opinio in malis maxima. 434. tam honores, quam iniuriæ vulgi parti ducendi. 328

F I N I S.

